





1

ЎЗБЕКИСТОННИНГ  
ЯНГИ ТАРИХИ

# ТУРКИСТОН ЧОР РОССИЯСИ МУСТАМЛАКАЧИЛГИ ДАВРИЛА







63.3/54  
у-40

ЎЗБЕКИСТОН РЕСПУБЛИКАСИ ПРЕЗИДЕНТИ ҲУЗУРИДАГИ  
ДАВЛАТ ВА ЖАМИЯТ ҚУРИЛИШИ АКАДЕМИЯСИ


ЎЗБЕКИСТОННИНГ ЯНГИ ТАРИХИ МАРКАЗИ

3

ЎЗБЕКИСТОННИНГ ЯНГИ ТАРИХИ  
БИРИНЧИ КИТОБ

# ТУРКИСТОН ЧОР РОССИЯСИ МУСТАМЛАКАЧИЛИГИ ДАВРИДА

«ШАРҚ» НАШРИЁТ-МАТБАА КОНЦЕРНИ  
БОШ ТАҲРИРИЯТИ  
ТОШКЕНТ—2000



Тузувчилар:

Ҳ. СОДИҚОВ, Р. ШАМСУТДИНОВ, П. РАВШАНОВ, Қ. УСМОНОВ

Таҳрир ҳайъати: А.Азизхўжаев (раис), Б.Аҳмедов,  
А.Сагдулаев, Ф.Эргашев, З.Чориев.

Тақризчила:

О. ШАРАФИДДИНОВ, А. ЗИЁЕВ, Н. АБДУРАҲИМОВА, С. КАМОЛОВ,  
А. АБДУРАСУЛОВ, Ш. ВОҲИДОВ, Р. АЛЬМЕЕВ, А. ИБРОҲИМОВ,  
Н. НОРҚУЛОВ, И. ФОЗИЛХЎЖАЕВА, Ф. САЛОМОВ, М. ҚОРИЕВ.

Ўзбекистоннинг янги тарихи /Тузувчилар: Ҳ. Содиқов,  
Р. Шамсутдинов, П. Равшанов ва бошқ.; Таҳрир ҳайъати:  
А. Азизхўжаев (раис) ва бошқ. — Т.: Шарқ, 2000. — 464 б.

Сарл. олдида: Ўзбекистон Республикаси Президенти ҳузуридаги Давлат ва  
жамият курилиши академияси, Ўзбекистоннинг янги тарихи маркази.

Китоб I. — Туркистон чор Россияси мустамлакачилиги даврида.

ББК 63.3(5У)+63.3(2)5

© «Шарқ» нашриёт-матбаа концерни  
Бош таҳририяти, 2000 йил.

## «ЎЗБЕКИСТОННИНГ ЯНГИ ТАРИХИ» ҲАҚИДА ИККИ ОҒИЗ СҮЗ

«Ўзбекистоннинг янги тарихи» халқимиз ва мамлакатимизнинг кўхна ва бой тарихини чукур ўрганиш ҳамда ҳаққоний таҳлил қилиш йўлида қўйилган дастлабки қадамдир. Бу китобнинг ёзилишида Юртбошимиз Ислом Каримовнинг: «Тарихга мурожаат қиласар эканмиз, бу халқ хотираси эканлигини назарда тутишумиз керак. Хотирасиз баркамол киши бўлмаганидек, ўз тарихини билмаган халқнинг келажаги ҳам бўлмайди»<sup>1</sup>, — деган сўзлари дастуриламал бўлиб хизмат қилди. Шуни алоҳида таъкидламоқчимизки, катта ва кўп йилик бой утмишимизни янги давр тарихидан — чор/Россияси мустамлакачилиги, шўролар диктатураси ва миллий мустақилликка эришганимиз (1991 йил 31 август) даври тарихидан бошладик. Бунда қадимги давр ва ўрта асрлар тарихимиз ёзилмаса керак, деган хаёлга бормаслик лозим. Ҳаммаси тарихий ҳақиқат нуқтаи назаридан ёзилади, албатта. Чунки мамлакатимизнинг тархи бой ва кўхна. У жаҳон цивилизацияси учоқларидан биридир. Ҳудудимизда, манбаларнинг гувоҳлик бўшичча, биринчи инсон бир миллион йил аввал пайдо бўлган. Бу ўзига хос тарихни ўрганимай бўладими? Ўзбекистон тарихини мукаммал ва яхлит ўрганишга иккита сабаб бор. Биринчидан, тарихимиз илгари ҳукмон ғоя таъсирида ёзилган; иккинчидан, қадимий манбалар кўп ҳолларда хаспушлаб ўтилган, бўлиб ўтган ҳодиса ва воқеаларга бир тарафлама ёндошилган. Шу сабабларга кўра, кўп воқеа ва ҳодисалар саёз ёритилди, ҳатто ёритилмай қолди. Кўриб турибизки, қадимги ва ўрта асрлар тарихини яна бир бор синчиклаб ўрганиб чиқиш, ўргангандা ҳам ўша замонларда ёзилган тарихий асарлар ва ҳуққатлар асосида тадқиқ қилишга тўғри келади.

Янги тарихни ёзиш эса яқин ўтмишни, бир ярим асрлик тарихни ўз ичига олади. Ундан ташқари, ўтган воқеаларнинг жонли гувоҳлари бор, уларнинг эсадаликлари ҳам мавжуд. Иккинчидан, бу ҳақда кўп ишончли тарихий манбалар бор.

Янги тарихни аввалроқ ўрганиш ва ёзишдан кўзланган мақсад бутун тарихимизни, қадимги ва ўрта асрлар тарихини илмий-объектив ўрганиш ва тўғри ёритишни бошлаб беради, деган умиддамиз.

«Ўзбекистоннинг янги тарихи» илмий-оммабоп услубда,

<sup>1</sup> Каримов И. А. Ўзбекистоннинг ўз истиқдол ва тараққиёт йули. Т.: Ўзбекистон, 1992, 71-бет.

Ислом Каримов таълимотига асосланган ҳолда ҳамда тарихий манбалар: асл ҳужжатлар, эсдаликлар, қўлёзма асарлар ва ўша давр тарихига оид, шунингдек, мустақиллик даври адабиётлари асосида ёзилди.

Шу ўринда Президент И. А. Каримов «Ҳаққоний тарихимизни барпо этиш ишини нимадан бошлаш лозим?» деган савол қўйиб, унга жавоб берар экан, «Аввало, кўп минг йиллик бой үтмишимизни тадқиқ этишнинг яхлит концепциясини, яъни дастурини, илмий изланишларнинг услугубини»<sup>1</sup> аниқлашдан, тарихийлигини таъминлашдан бошлаш лозимлигини уқтиради. Демак, китобларни ёзишда тарихийлик, ворисийлик ва узвийлик тамойилларига амал қилинди.

«Ўзбекистоннинг янги тарихи» уч китобдан иборат.

Биринчи китобда Туркистон ўлкасининг чор Россияси мустамлакасига айланиши, унинг сабаблари, мустамлакачилик тузумининг Туркистон халқлари бошига солган зулму бедодликлари атрофлича ёритилади. Бу борада, хусусан, қуйидаги тўрт масалага тўхталиб ўтилади:

1. Чор Россияси босқини арафасида ўзбек хонликлари (Қўқон хонлиги, Бухоро амирлиги, Хива хонлиги)даги мавжуд ижтимоий-сиёсий вазият.

2. Ўрта Осиё хонликларининг Россия томонидан истило этилиши.

3. Чор Россиясининг Туркистонни иқтисодий-сиёсий, маданий-маънавий жиҳатдан тұла мустамлакага айлантириш учун тутган сиёсати ва унинг аячли оқибатлари.

4. Туркистон ўлкасида миллий давлатчиликни тиклаш ва истиқлолга эришиш учун олиб борилған курашлар, халқ ҳаракатлари, жадидчиликнинг дастлабки қадамлари.

«Ўзбекистоннинг янги тарихи»нинг иккинчи китобида мустамлакатимизнинг шүролар тузуми (1917—1991) даври тарихи тарихий манбалар ва янги тадқиқотлар асосида, холисона баён қилинади. Китобда асосан қуйидаги масалалар таҳлил қилинади:

1. Большевикларнинг машъум октябрь (1917) тўнтаришидан сўнг Туркистон халқларининг миллий-озодлик ва истиқлол учун олиб борган курашини бўғиб ташлашга қаратилган сиёсати ҳамда мустабид шўро диктатураси ўрнатилгандан кейин соҳта давлатчилик фаолияти; мулкдорлар синфи ва мулкга эгалик қилиш туйгусини йўқотишга қаратилган фаолияти; Ўзбекистонда амалга оширган қатағонлик ва совет Россиясининг Туркистонни пахта ва умуман хом ашё манбаига айлантириши.

2. Марказнинг Ўзбекистонни умумбашарий қадриятлардан четлостиши, унинг табиий ва маданий бойликларини аёвсиз та-

<sup>1</sup> Каримов И. А. Тарихий хотирасиз келажак йўқ. Т., «Шарқ», 1998, 30-бет.

лаши, пахта яккашокимлигини кучайтириб, мамлакатни оғир экологик аҳволга тушириб қўйиши ва бунинг оқибатлари.

3. Марксизм-ленинизм таълимоти ва коммунистик мағкура тамойиллари, гоялари ва байроби остида Ўзбекистонда барпо этилган «социалистик жамият», унинг манфаат ҳамда асл мақсади. Шу билан бирга, шўро тузуми даврида фаолият кўрсатган давлат ва жамоат арбоблари, илм-фан ва маданият намояндаларининг ижтимоий-сиёсий ва илмий-адабий фаолияти, уларнинг мамлакат ва ҳалқ олдидаги хизматлари ва шахсий фожеалари.

4. СССРнинг таназзулга учраши мантиқан ва тарихан қонуний бир ҳол эканлиги ҳамда машъум коммунистик таълимотнинг Ўзбекистон халқлари учун тамоман ёт ва бегоналити.

«Ўзбекистоннинг янги тарихи»нинг учинчи китоби мустақиллик даври тарихини ўз ичига олади.

«Ўзбекистоннинг янги тарихи»ни яратишда ижтимоий фанлар вакиллари, айниқса атоқли тарихшунос олимлар, жамоат арбобларининг билдирган фикр-мулоҳазалари ва қўмаклари ҳам фойдали бўлди. Ўзбекистон Республикаси Президенти ҳўзуридаги Давлат ва жамият қурилиши академиясининг «Ўзбекистоннинг янги тарихи» маркази бунинг учун уларга саимий миннатдорчилик изҳор қиласди.

*Академик Б. АҲМЕДОВ.*

*Модомики, ўз тарихини билган, ундан руҳий қувват оладиган халқни енгіб бұлмас экан, биз тарихимизни тиклашимиз, халқимизни, миллатимизни ана шу тарих билан қороллантиришимиз зарур. Тарих билан қороллантириши, яна бир бор қороллантириши зарур.*

*Ислом Каримов,  
Ўзбекистон Республикаси Президенти*

\* \* \*

Инсониятнинг кейинги уч минг йиллик тарихига назар ташланса, жағон цивилизацияси бешикларидан бири, Турон, Мовароуннарх, Чигатой улуси, Туркистан деб түрли асрларда турфа номлар билан аталған диёримиз осмонини қора булултар қоплаган йиллар күп бўлган. Бу ўлкага ҳассад ва тажовуз кўзи билан қараган, мардона халқини қул, табиий заҳираларини ўзиники қилишга жон-жаҳди билан интилган босқинчилар сон-саноқсиз эди.

Бироқ, ҳамма замонларда ҳам ёвга қарши халқимизнинг ватанпарвар йўлбошчилари, миллат қаҳрамонлари озодлик яловини баланд кўтарғанлар, ор-номус, ўзликни сақлаш учун курашганлар. Пировард натижада, душманлар қолдирган култепалар устида обод қишлоқлар, шаҳарлар тиклаганлар.

Оқ ва қизил салтанатнинг 130 йил давом этган ҳукмронлиги «Авесто» вужудга келган замонлардаёт ўз тарихий давлатчилигига эга бўлган Туркистанни истибоддога чулгаб, мустамлака ва мутеъга айлантирган эди.

Юртимизнинг фидойи давлат арбоблари, олимлар, шоир ва адиллар зўравонлик билан ушлаб турилган қизил салтанат тузуми подшоҳлик Россияси ўрнатган мустамлакачилик сиёсатининг изчил давоми, миллий ўлкаларни эзиш ва талаш, маданияти ва маънавиятини оёқ ости қилишнинг такомиллашган шакли эканлигини теран фаҳмлар эди.

Собиқ шуро салтанати йилларида энг қадимги даврлардан то XIX аср иккинчи ярмига қадар бўлган тарихимиз сохталаштирилди. Президентимиз Ислом Каримов бу ҳақда: «Ўзбекистоннинг, ўзбек халқининг бугун кенг оммага етказишга арзидиган ҳаққоний тарихи яратилдими — йўқми? Совет даврида ёзилган тарихни мен тарих санамайман. Ўзгалар ёзib берган тарихни ўқитишга мутлақо қаршиман. Мустамлакачи ўзига қарам бўлган халқ ҳақида қаҷон холис, адолатли фикр айтган? Улар бор куч-ғайратларини Туркистаннинг ўтмишини камси-

тишга, бизни тарихимиздан жудо қилишга сарфлаганлар. Тарихдан жудо бўлиш нималигини яхши билсангиз керак. Инсон учун тарихидан жудо бўлиш — ҳаётдан жудо бўлиш демакдир»<sup>1</sup>, — деб жуда ўринли уқтирган эдилар.

XIX асрнинг иккинчи ярми ва XX аср бошларида подшолик Россияси ҳукмронлиги даврида Туркистонда истибоддога, ҳалқни эзишга асосланган сиёsat ҳукм сурди. Маҳаллий аҳолини хўрлаш ва қатагон этиш октябр тўнтариши туфайли ҳокимиятга келган шўро салтанати даврида янада кучайиб, энг юқори поғонага кутарилди. Шу тариқа, Туркистонда мустақил давлатчиликни поймол этган, тил, маданият, урф-одатлар, миллий қадриятларни оёқ ости қилган мустабидлик тузуми 130 йил умр кўрди.

Яқин ва ўтмиш тарих бугунги кун ва келажак учун ибрат дарслигидир. Дарвоҷе, «ватан, миллат тақдирни ҳал бўладиган қалтис вазиятларда тўғри йўлни танлай олиш учун, аввало, тарихни ва ҳаётнинг аччиқ-чучугини билиш керак экан. Тарих инсоннинг кўзини очар экан. Шунда кўп хатоларнинг олдини олиш мумкин бўлар экан»<sup>2</sup>.

Эндиликда, Ўзбекистон мустақил давлат сифатида курраи заминда қад ростлаганининг тўққиз йилини кечираётган дамларда кечаги кунга назар ташлаш, сўнгги мустамлакачилик асоратини урганиш ижтимоий-сиёсий ва маънавий жиҳатдан муҳим аҳамият касб этади. Чунки, миллатни асраш учун унинг ҳақиқий тарихини урганиш, авайлаб химоя қилиш керак бўлади.

Подшоҳлик Россияси, шунингдек, мазлум ҳалқларни эзиш ва хуњрезлик қилишда унинг давомчиси бўлган собиқ шўро салтанати йилларида мустамлака республикалар, хусусан, Ўзбекистон иттифоқнинг хом ашё манбаига айлантирилган эди. Мустақилликнинг ilk қадамлариданоқ ўлка бойликларини бу янглиг оммавий талон қилиш оқибатларига чек қўйишга, умуман, қизил салтанат қолдирган иллатлардан қутилишга киришилди. Ҳалқимиз ўзлигини теран англаётган, қадриятлар тикланаётган, озод, хур давлатни мустаҳкамлаш учун машаққатли бунёдкорлик, яратувчилик ишлари кенг кўламда олиб борилаётган шу кунларда Ўзбекистон янги тарихини яратиш заруриятини ҳаёт тақозо этаётир. Зоро, Президент И. А. Каримов таъкидлагани сингари, Ўзбекистонга, унинг ери, табиатига, бу ерда яшаётган ҳалқларга муҳаббат, ўлканинг тарихи, маданияти, анъаналарини теран билиб олишга интилиш, республиканинг қудрати ва ютуқларидан фаҳрланиш, ҳалқимиз қисматига тушган қийинчиликлар учун қайғуриш кўп миллатли ўзбек жамиятининг муҳим жисплаштирувчи асоси ҳисобланади. Истиқ-

<sup>1</sup> Каримов И. А. Тарихий хотирасиз келажак йўқ, 10-бет.

<sup>2</sup> Каримов И. А. Уз қелажагимизни ўз қўлимиз билан курмоқдамиз. «Туркистон» газетаси мухбирининг саволларига жавоблар. Т.: Ўзбекистон, 1999, 4-бет.

лол йўлини танлаган, мураккаб давр ва мураккаб шароитда бу йўлдан қатъият билан олға бораётган Ўзбекистоннинг яқин келажакда буюк давлат бўлиши учун узоқ давом этган мустамлака сиёсати ҳосил этган гирдоддан чиқиб олиши зарурлигини юртбошимиз бир неча бор уқтиргани бежиз эмас. Бунинг учун рус мустамлакачилигининг табиатини, унинг узоқни кўзлаган истибоди моҳиятини, бир сўз билан айтганда, тарихини ўрганиш, хулосаларга келиш тақозо этилади.

Айтиш жоизки, 130 йил давомида қаттиққўллик билан ҳаётга татбиқ этилган мустамлакачиликнинг машъум тамойиллари қолдирган асоратни бугунги кунла Ўзбекистоннинг ҳамма жабхасида: иқтисодиёт ва маданиятда, илм-фан ва маорифда, қишлоқ хўжалиги ва саноатда кузатиш мумкин.

Биз яқин кечмишдаги тарихий ҳақиқатни у қандай бўлса, шу ҳолда тиклаш ва гавдалантиришдек эзгу ва олижаноб мақсадни ўз олдимизга қўйганмиз. Тарихий ҳақиқат шундаки, Россия империясининг собиқ мустамлакаси бўлган, эндиликда эса суверен давлатга айланган Ўзбекистон Республикасининг Россия Федерацияси билан дўстона тенг, ўзаро ҳурмат асосида давом этиб келаётган алоқаларини мустаҳкамлашда у икки томонлама сабоқ ва ибрат вазифасини ўташи лозим бўлади.

Фоят мураккаб кечган босқин жараёнини тарихан холис ва илмий ёритишда асосан икки манбага: рус зобитлари ва ҳарбий мундир кийган олимларининг эсадалик, хотира ҳамда илмий асарларига, шунингдек, истило даврида яшаган, шу воқеаларга шоҳид бўлган маҳаллий муаррихларнинг қўлёзма китобларига таянилди.

Китобда чор Россияси истилосига, унинг мустамлака зулмига қарши қалбда Ватан тўйғуси, қўлда курол билан ҳаётмамот жангни олиб борган миллий қаҳрамонларимиз фаолияти янгича талқин этилган. Үлкада аср бошларидаги юз берган озодлик курашлари тарихини мукаммал таҳлил этиш эса Ўзбекистоннинг 1991 йил 31 августда эришган мустақиллиги шунчаки осонлик билан амалга ошган неъмат бўлмай, аксинча, чукур тарихий заминга асосланганligини яққол кўрсатиб беради. Колаверса, рус салтанатининг мустамлакачилик тизими ва истибодини тарихан илмий, холис ёритиш Ўзбекистонда Мустақиллик миллий мафкурасини яратишдек салмоқли вазифани бажарища ҳам ўзига хос ўрин тутиши табиийдир.

Республика Президенти, Ўзбекистон Фанлар академиясининг ҳақиқий аъзоси И.А.Каримов 1991 йилдаёқ СССРнинг парчаланиб кетиши ва ўзбек халқининг мустақилликни қўлга киритиши тасодифий ҳодиса бўлмасдан, унинг чукур тарихий заминга эга эканлигини асослаб берди. Шуро салтанати ҳалоати юз берган пайтда Ўзбекистон ҳукумати мустақиллик байробини дадил кўтарганида ана шу заминга суюнгани, халқимиз 130 йилдан бери рус салтанатига ва шуро тузумига бўлган но-

розиликнинг поёнига етганини тушунганлиги учун миллий давлатчиликимизнинг қайта тикланиши нисбатан енгил күчганлиги равшан.

Туркистан үлкасининг рус мустамлакачилиги ва шўро ҳукмронлиги даврида кечган мазлумона ҳёти тарихий-илмий адабиётларда, қай нуқтаи назардан бўлмасин, ҳархолда, нисбатан тўлароқ ифода этилган, дейиш мумкин. Бу адабиётларни мазмун ва моҳият эътибори билан тўрт даврга ажратиш тўғри бўлади. Биринчи давр асосан 1917 йилгacha ёзилган тадқиқотларни, иккинчи давр 20—50-йилларда, учинчи давр эса 50-йилдан то 80-йиллар биринчи ярмига қадар яратилган асарларни қамраб олали. Тўртинчи даврга оид адабиётлар тарихшунослиқда «қайта куриш» деб ном олган 80-йилларнинг иккинчи ярмидан то Ўзбекистон Республикасининг мустақилликка эришганига қадар ва мустақиллик йилларида вужудга келган асарлар мажмуидан иборатдир.

Биринчи даврга мансуб тарихий-илмий китобларда рус мустамлакачилик сиёсатига доир танқиций фикр-мулоҳазалар деярли учрамайди. Чунки уларнинг муаллифлари асосан бошқа халқларни талашдан, эзишдан манфаатдор бўлган дворян-помешчиклар, зобитлар, савдо-саноат корчалонлари, нуфузли амалдорлар бўлишган. Бу хил манбаларда кўпроқ Россиянинг Туркистонда қўллай бошлаган иқтисодий-сиёсий зуғумларини оқлаш, салтанат ҳукмрон доираларининг манфаати нуқтаи назаридан үлкани ўзлаштириш бўйича яна қандай тадбирлар кўриш зарурияти баҳс этилади. Бу асарлардаги бош ғоя, етакчи йўналиш, қандай бўлмасин, салтанатнинг Туркистондаги тажовузи ва мустабид тизимини гоявий асослашга, янги «иккинчи рус Туркистони»ни барпо этиш учун зарур йўналишларни белгилашга қаратилиши билан боғлиқ эди. Бу жиҳатдан генерал-лейтенант М.А.Терентьевнинг «Ўрта Осиёнинг босиб олиниши тарихи» (1906) асарини қайд этиш мумкин.

Китобда Ўрта Осиёнинг мустамлакага айлантирилиши аҳамияти кўрсатилиб, биринчи фотиҳ К.П. фон Кауфманнинг «ўлкани ўзлаштирувчилик» фаолиятига таҳсиллар ўқилади. Муаллиф рус дворянлари ва капиталистларининг манфаатлари ҳимоячиси сифатида қалам тебратади.

Санкт-Петербург зодагонлари вакили, үлкашунос олим княз В.И.Масальский<sup>1</sup> эса диққатини Туркистондаги ер-сув масалаларига қаратиб, арzon пахта хом ашёсига эришиш учун үлкада пахта яккаҳокимлигини ўрнатиш, русларни кўпайтириш чораларини кўриш лозимлигини уқтиради. Подшо вазири А.В.Кривошеин<sup>2</sup> ҳам асарларида худди шу ҳақда фикр юритади.

<sup>1</sup> Масальский В. М. Хлопководство, орошение государственных земель и частная предпринимчивость. СПб. 1908; Туркестанский край. СПб, 1913.

<sup>2</sup> Кривошеин А. В. Записка главноуправляющего земледелием и землеустройством о поездке в Туркестан. СПб, 1912, 111-бет.

Үлка иқтисодиётiga доир адабиётларда асосан ҳукмрон давлат — Россия манфаатлари нұқтаи назаридан масалага ёндошилади, мустамлака сиёсатини мустақамлаш, шу орқали имкон қадар үлка қонини зулукдек сұриш чора ва усуллари баҳс этилади. Таассуфки, уларда Россия истибоди, миллий хұрлаш сиёсатига оид жиддий танқидий фикр-мулоқазалар үз ifодасини топмаган.

Лекин, гарчанд ахборот тарзida бұлса-да, бу адабиётларнинг құммати шундаки, муаллифлар ҳеч бир истихола қылмай, үзләри тарафдор бұлған мустамлакачиликнинг ҳақиқиј башарасини, ошкор ва пинҳон ниятларини такаббурлик ила намойиш этадилар. Бу эса, рус мустамлакачилигининг қабоҳати инглиз, испан, француз ва немис мустамлакачилигига қиёс этилганда, улардан неча бор таҳликали тусда амалга оширилғанлыгидан далолат беради.

Биргина русларнинг темир йұл, саноат ва ҳарбий соҳадаги барча малакали ишчиларни үз тасаррufига олиши моҳиятига эзтибор берайлык. Бундан күзланған пинҳона ва разилона мақсад Түркистон туб ахолисининг тараққиётiga ғов қўйиш, кўзга кўринмас тўрлар билан унинг оёқ-қўлини чирмаб ташлаш, охир-оқибатда, үлкани Россиясиз мустақил кун кўришдан маҳрум этиш эди. Бу мақсад йўлида улар үз маданиятини, тили ва адабиётини, мусиқа ва, ҳатто, меъморчилигини Түркистон ахолиси дидига яқинлаштиришга, шу орқали, уларнинг ичичига кириб боришига интилади. Туб жой кишилар билан үзларини тенг қилиб курсатиш, шу таҳлит улар ҳурматини қозониш, бирга ўтириб-туриш, қон-қардош бўлиб кетганилигини пеш этиш одатдаги ҳолга айланади. Рус мустамлакачилигининг бу хилдаги қабиҳ ва айёrona дастури фикр юритилаётган биринчи давр адабиётida яққол гавдаланади, дейиши мумкин. Мустамлакачилар бор куч-ғайратларини Түркистоннинг ўтмишини камситишига, бизни асл тарихимиздан жудо қилишга сарфлаганлари бу давр адабиётiga хосдир.

**Иккинчи даврга** тааллукли адабиётда Түркистон үлкасидаги мустамлакачилик сиёсати ва унинг асосий йұналишлари, шунингдек, истиқолол учун олиб борилған курашлар қамраб олинади. Табиийки, бу мавзулар шу давр адабиётida, айниқса, 20-йиллар тарихшунослигига бир қатор муаллифларнинг асарларида турли даражада, турлича савияда үз аксини топди. Мұхими шундаки, 20-йилларда қалам тебратған муаллифлар үзлари тасвир этган, фикр юритған ижтимоий-сиёсий воқеа ва ҳодисаларнинг бевосита иштирокчилари бўлишган. Шу боисдан бу асарларда даврнинг мураккаб, зиддиятли, маҳзун рухи уфуриб туради. Чунончи, мустамлакачилик сиёсатининг туб моҳияти Г.И.Сафаров, П.Г.Галузо ва А.З.Валидий Тўғон тадқиқотларидан илк дафъа тұлароқ акс этди.

Инсоф билан айтганда, Г.И.Сафаров<sup>1</sup> кенг қамровли далий мисоллар асосида Туркистонда бор құдрати билан ишга туширилған мустамлака идораси машинаси кирдикорини ва подшох амалдорларининг үлка бойликларини аёвсиз талаганligини, халқни асоратта согланлигини дадил күрсатиб бера олган. Унинг шаҳодат этишича, рус сармоясининг үлкага кириб келиши, яъни Россия империясининг рамзи бўлган икки бошли бургутнинг човути Туркистон халқи турмушини остинустун қилиб юборган.

Г.И.Сафаровнинг холосалари унинг ҳалол тадқиқотчилардан эканлигини күрсатади. У, жумладан, Туркистонда ўтроқлашган Европа аҳолисининг барча қатламини умумий андоза билан мустамлакачилар деб атайди. Унинг мустамлака шароитида авж олиб бораётга қинфий ва миллий тенгсизлик ҳақидаги, аввало рус ишчиларига берилган имтиёзлар, уларнинг маҳаллий ишчиларга нисбатан ҳукмрон мавқеи ҳақидаги мушоҳадаларини ҳамadolатдан деб қарап ўринлиди.

Чор Россиясининг миллий үлкада олиб бораётган руслаштириш сиёсати, күчириб келтирилаётган рус келгиндилариға ерли аҳолининг энг унумдор, сара ерларини олиб бериши Туркистонда норозилик ва миллий-озодлик ҳаракатларини юзага келтирган асосий омиллар бўлганлигини күрсатганда муаллиф ҳақ эди. «Барча руслар, — деб ёзган эди у, — Туркистоннинг туб аҳолиси одам эмас, балки уриш, талаш, зўрлаш мумкин бўлган иш ҳайвонлари деган ақида билан яшаган ва тарбияланган».

Шу каби холислик ва зиддиятли қарапшлар П. Г. Галузо тадқиқотларига<sup>2</sup> ҳам хосдир. У дадиллик билан Россиянинг мустамлакачилик тизими ва, умуман, истибодд сиёсатининг барча салбий оқибатларини кенг далилланган мисоллар асосида фош этади.

Ўрта Осиёнинг Россия томонидан босиб олинишининг салбий оқибатларини атрофлича ёритган П. Г. Галузо үлкалаги миллий-озодлик ҳаракатлари омиллари ҳақида ҳам сўз юритади. У Россиянинг Туркистондаги қаттол мустамлака сиёсати туфайли халқ ҳаракатлари келиб чиқсанлигини кўплаб ишончли далиллар асосида гавдалантиради.

Умуман олганда, бу икки тадқиқотчи ўз асарларида Россия мустамлакачилик сиёсатининг барча қирраларини чуқур ёритгани ҳолда, Туркистондаги истиқбол кураши хусусида синфий ёндошувда туришганини алоҳида таъкидлаб ўтамиш. Чунки улар Шўро ҳокимияти мафкураси нуқтаи назаридан фикр юритиб, синфийлик мафкураси доирасидан четга чиқиша олмаган. Бу

<sup>1</sup> Сафаров Г. И. Колониальная революция (опыт Туркестана). М., 1921.

<sup>2</sup> Галузо П. Г. Туркестан — колония. Очерк истории Туркестана от завоевания русскими до революции 1917 года. М., 1929.

жиҳатдан Аҳмад Закий Валидий Тұғон асарлари улардан кескін фарқ қиласы. У 1929 йили Германияда ёзған «Түркістан масаласи» асарыда чор Россияси юритиб келган мустамлакачилик сиёсатини фош этибина қолмай, шұро Россиясінің худди шу сиёсатни үзгача ниқобда давом эттираёттеганини ҳам исботлаб берган. «Түркістан учун истиқтол барча ишларнинг бошидир, — деб ёзади Валидий, — истиқтол бұлмаса, Түркістанға фақат четдангина олиб келиш мүмкін бўлган замонавий техника асбобларига йўл йўқ. Чунки руслар Түркістанға келтирилишини хоҳламаган нарсаларнинг улардан бекитиқча, унинг устига бу ўлканинг тараққиётига сабаб буладиган воситаларнинг кириб келишига албатта қаршилик кўрсатадилар. Шунинг учун Түркістан Россиянинг қайси идора усулида яшамасин, юртни ўзи истагандек идора эта олмайди».

Валидий 1924 йилда ёк 1991 йили буладиган воқеаларни тадқиқотчига хос аниқ башорат қылғани диққатта лойиқдир: «Түркістан масаласида большевикларнинг ва бошқа русларнинг роли масаласига келганда, биз учун рус тузумининг ҳаммаси бирдир. Бунга Жанубий Түркістаннинг 50—60 ва Шимолий Түркістаннинг 200 йиллик тарихи гувоҳ. Түркістан чор ҳукуматига қарши қандай исён қылган бўлса, большевикларга қарши ҳам худди шундай исён этгандир. Демак, Түркістан учун түркістанликларга мувофиқ келадиган ҳеч бир рус ҳукумати бўлмаган. Ҳар иккисида ҳам шароит бирдир. Бас, шундай экан, ҳар бир ҳаракатимизда қўлларимизни боғлаган, тараққиёт ва инкишоф йўлига тўсиқ бўлиб келган бу говни ортиқ кутмай орадан кутармоқ лозим. Бизнинг бутун умидимиз келажакда ҳам қўшни булажак Россияда Түркістаннинг мустақилликка эришишига имкон берадиган ва у мустақил бўлгандан сўнг русларнинг таадди ва тажовузларига монеъ бўла оладиган бир вазиятнинг вужудга келишидир. Россияда қандай идора усули бўлишидан қатъий назар, мустақиллигимизни ҳақиқатда ҳам таниган русларга қарши бир ёмон фикримиз бўлмаслиги табиийдир. Бизнинг бугунги таважжухимиз, аввало, ўзимизга, сўнг бошқа файри рус миллатларнинг бу йўлда событ ва қувватли бўлмоқларига қаратилгандир. Биз улар билан биргамиз ва муштарак гоямизнинг амалга ошишида ҳамкорларимиз билан биргаликда курашамиз»<sup>1</sup>.

Хорижга кетишга мажбур бўлган А. З. Валидий Россия сиёсатини рўй-рост ва атрофлича тадқиқ этади: «Русия Осиёда ғоят узоқни кўзловчи сиёсат кетидан қувувчи ва бу кенг қамровли ҳаракатлари ҳеч қандай чек-чегара билмаган, ҳирс ва иштахаси эса кун сайин ошиб борувчи империалистик давлатдир... Рус истилолари, янги-янги ўлкаларни забт этмоқ ва у ерлардаги қавмларни маданий-иқтисодий шароитлар воситаси-

<sup>1</sup> Бутун ҳам худди шу фикрлар алоҳида долзарб аҳамият касб этиб, тадқиқотчи башоратини тасдиқламоқда.

да ассимиляция қилиб, улар ҳисобига кенгайиб, күпайиб, күчайиб бормоқ ғоясини күзда тутади»<sup>1</sup>.

А. З. Валидий Тұғон рус подшолиги сиёсатини моҳият әътибори билан янада юқори поғонага күтариб давом эттираёт-ган шұро Россияси мустамлакачилигининг асосий йұналишларини шундай белгилайди:

1. Рус империализм билан коммунизм бири иккинчиси-нинг давоми бўлиб, уларни икки асос — тамойил сифатида бирлаштирган Русияга тобе миллатларга ва бутун дунёга икки-юзлама сиёсат юритмоқ.

2. Рус миллатининг жаҳонга ҳоким бўлиш ғоясини «муқаддас идеал» даражасига кўтармоқ ва бу миллий ғояни амалга оширмоқ йўлида тайёр турувчи мутаассиб ва жанговор миллат тайёрламоқ.

3. Ҳар қандай воситалар билан бўлса-да, рус нуфусини оширмоқ.

4. Русларни Осиёнинг янгидан ишғол қилинажак ерларига ўша лаҳзадаёқ жўнаб кета оладиган даражада ҳаракатчан, айни пайтда, қўнимсиз бўлишини таъмин этмоқ.

5. Истило қатъиятни таъмин этмоқ учун бошқарувдаги олий марказ ва диктаторлик системасини мукаммаллаштиromoқ.

Аҳмад Закий Валидий фикрлари шу тариқа 20-йиллар тарихшунослигидаги тадқиқотчилик савияси бўйича эришилган тўлақонли илмий хулоса бўлди.

Таникли олим, маърифатпарвар ва жамоат арбобларидан Маҳмудхўжа Беҳбудий, Абдулла Авлоний, Фитрат, Чўлпон, Мунаввар қори Абдурашидхонов каби ўзбек халқининг миллатпарвар филокорларининг 20-йиллардаги матбуотда ёритилган катта-кичик мақолаларида Туркистондаги эски ва янги мустамлакачилик ҳамда истиқдол кураши тарихи ёритилган ва улар ҳам Туркистон тарихшунослигига ўз ўрнини топишга лойиқдир.

Мунаввар қори Абдурашидхоновнинг 1927 йил Ўзбекистон маданиятчилари қурутойида қилган маъруzasи Туркистонда чоризм сиёсатига қарши, истиқдол учун олиб борилган кураш саҳифаларини ойдинлаштирувчи нодир манбадир. Унинг сиёсий идора талаби билан ёзилган жадидчилик ҳаракати тарихига бағишлиланган уч қисмдан иборат хотиралари ҳам ана шундай қимматли адабиётлар сирасига киради.

Чоризмнинг мустамлака истиблоди ва унга қарши күтарилиган миллий-озодлик ҳаракатлари жадидчи Фозилбек Отабек ўғлининг «Дукчи Эшон воқеаси» (1927) китобида далиллар асосида ўзининг ёрқин ифодасини топди. Бу асарда рус мустабидларининг күчирүвчилик сиёсати ва истиблод зулми бой далиллар асосида ёритилгани әътиборга лойиқдир. Фозилбек Отабек

<sup>1</sup> Валидий Аҳмад Закий. Туркистон масаласи. Берлин, 1924; Рус мустамлака сиёсатининг моҳияти ва мақсади. Вена, 1929. Бутунги турк эли ва Туркистон Янги тарихи. Истанбул, 1981, 2-нашр, профессор Б. Қосимов таржима қиласы.

ўғли XIX аср охирларидаги Туркистондаги вазиятни ўша давр шоҳиди сифатида ишонарли тасвирлаган.<sup>1</sup> Фозилбек Отабек ўғли 20- йиллар тарихшунослигида биринчи бўлиб 1898 йилги Андижон қўзғолони раҳбари Мұхаммадали эшон шахси ва унинг фаолиятини бевосита ўша воқеалар гувоҳи сифатида холис баҳолаб, ўз фикрларини замондошлар гувоҳликлари асосида ишонарли тарзда исботлаб берган.<sup>2</sup>

20-йилларда шу тариқа рус зулмига қарши қаратилган инқилобий ва миллий-озодлик ҳаракатлари хусусида турли қарашлар, бир-бирига зид тоғлар ўргага ташландиди, бу ҳолат тарихий тафаккурнинг ривожланиши ҳамда тадқиқотчилик савијасининг кўтарилишига қулай замин яратди. Бу даврда ҳам тўғри ва холисона фикрлар бор эди. Бу ўринда шўро тарихшунослигининг отаси ҳисобланган М.Н.Покровский хизматини алоҳида қайд этиш керак. У подшоҳлик Россиясининг истило-чилик қабоҳатини бир қадар ҳалол ва ҳаққоний баҳолаган эди. Покровский фикрича, «Москва империализми» XVI асрдан эътиборан ҳукм сурibi келади. Бу даврда Европадан Осиёгача бўлган буюк сув йўлининг Қозондан Аштархонга қадар бўлган жанубий интиҳоси забт этилиб, Болтиқ денгизига чиқиши учун унинг шимолий ниҳоясига куз тикиш бошланган эди.

Покровский рус империализмининг Кавказ ва Ўрта Осиёда амалга оширган тажовузини «жинояткорона мустамлакачилик уруслари», деб атаганда жуда ҳақ эди. Дарвоҷе, унинг фикрича, «осиёликларнинг дус номини эшитганда қалтирашга тушибиши осонликча бўлмаган ва арzonга тушмаган... Бутун-бутун қишлоқлар унга яқин бир жойдан топилган руснинг мурдаси учун таг-туғи билан ёндириб юбориларди».<sup>3</sup>

30-йилларда тарих фанида социализм қуриш билан боғлиқ масалалар юзасидан бошланган мунозараларда холисликдан синфиийлик мезонига ёndoшувга ўтиш кайфияти кучайди. Туркистондаги социалистик инқилобнинг қонуний жараён эканлигини асослашга уринишдек соҳта жазава авж олди. Тарихан илмий ҳалоллик ўрнини мавжуд ҳукмрон мафкурага хизмат қилиш истаги эгаллади. Тадқиқотчилик моҳиятини Туркистондаги иқтисодий-ижтимоий воқеликни шўро мафкураси нуқтаи назаридан баҳолаш ишғол этди. 1917 йилги «Октябрь инқиlobи»нинг тарихан муқаррар жараён эканлигини исботлаш асо-

<sup>1</sup> Фозилбек Отабек ўғли. Дүкчи Эшон воқеаси. Самарқанд -Тошкент, 1927.

<sup>2</sup> Бу мавзуга оид дастлабки қўлёзма асарлар XX аср бошларида ёзага келгандар эди. Бу ўринда Қўқон шаҳри қозиси Мұхаммад Юнус ибн Мұхаммад Амин Тоғибининг «Тұхфаи Тоіб» (1905), Марғилон ҳоқими девони котиби Мұхаммад Азиз ибн Мұхаммад Ризо Марғилонийнинг «Тарихи Азизий» (1910) асарларини кўрсатиш мумкин. Мазкур асарларда 1898 йилги Андижон қўзғолони ва унинг раҳбари Дүкчи Эшон ҳақида маъдумотлар келтирилган эди.

<sup>3</sup> Покровский М.Н. К вопросу об историческом развитии России. Ленинград, 1925, 82-бет.

сий илмий мезон ҳисобланди. Тарихий кечмиш шу нүқтаи назардан таҳлил қилинди. 20-йиллар тарихшунослигига жиддий асарлари билан танилган В.Лаврентьев Туркистан иқтисодиётіда мавжуд капиталистик муносабатларга шу нүқтаи назардан келиб чиқиб ҳавойи баҳо берди. У ҳатто ўртахол дәхқонлар хұжалигига ҳам «капиталистик корхоналарни» күрди. Лаврентьев фикрича, Ўрта Осиёнинг Россия томонидан босиб олиниши мутлақ ижобий воқеа бўлиб, у Туркистан ўлкасида тубдан ўзариш ясаган ва у «Октябр инқилоби» учун етарли иқтисодий, ижтимоий ва сиёсий замин яратган. В.Лаврентьев<sup>1</sup> гояси-ни Л. Резцов,<sup>2</sup> Ф. Карпич<sup>3</sup> ва бошқалар ҳам тасдиқлаб, чоризм мустамлакачилик сиёсатини хаспўшлаб ўтишиди. Шу тариқа 30-йиллардаги тарихий адабиётда бир тоифа тадқиқотчилар «Октябр инқиби»нинг бош сабабчиси чоризмнинг миллий зулми, мустамлака истибоди деб ҳисобладилар. Иккинчи тоифадаги тарихчилар эса буни инкор этиб, ижтимоий зулмни биринчи ўринга чиқардилар. Яна бир гурӯҳ тадқиқотчилар эса инқилоб учун Туркистанда етарли шароит бўлмаган деб уқтиришиди.

Иккинчи жаҳон урушининг бошланиши сабиқ Совет Иттифоқидаги миллий республикаларда «ватанпарварлик» тұлқинини юзага чиқарди. Урушдан кейинги дастлабки йилларда қардошлиқ, жипслик түйғуси илм-фанда, шу жумладан, тарихга доир асарларда ҳам акс эта бошлади. Ягона ватан тушунчасыдан келиб чиқылган ҳолда, нисбатан холис тадқиқотлар юзага келди. Бу йилларда чоризм мустамлакачилик зулмини очиб ташлаш ва миллий-озодлик ҳаракатларини рўй-рост ёритиш имконияти туғилди. Натижада бир қатор жиддий тадқиқотлар юзага келди.

Шу тариқа иккинчи давр адабиётида чоризм мустамлака сиёсати ва истиқлол учун кураш мавзуси маълум даражада ўз аксини топди. Аммо 50-йилларда қайта бошланган сиёсий қатағон бундай ижобий жараённи бўғиб ташлади.

Кўзда тутилаётган учинчи давр (50-йиллардан 80-йиллар биринчи ярмига қадар) адабиётида тарихни сохталаштириш ва бузиб талқин этиш соҳасида ўзига хос пойга авж олди. Бинобарин, Туркистан ўлкасида бўлиб ўтган барча миллий-озодлик ҳаракатлари ҳақида ижобий фикр билдириш у ёқда турсин, бор ҳақиқатни ёзиш гё рус халқига қаратилган миллатчилик ҳаракати сифатида баҳоланаар эди. Бу шу даражага бориб етдики, XIX аср иккинчи ярмидаги миллий-озодлик курашларига муносабат билдириш «улуг рус халқи билан бўлган дўстликка

<sup>1</sup> Лаврентьев В. Капитализм в Туркестане. Ташкент, 1929.

<sup>2</sup> Резцов Л. Октябрь в Туркестане. Ташкент, 1929.

<sup>3</sup> Карпич Ф. К истории завоевания Туркестана Российским капитализмом. «Туркменоведение», № 8,9,10,11, 1929.

раҳна солиш» сифатида сиёсий хатога йўйилди. Масаланинг бу тарзда газаклаши «улуг оға» вакилларининг айрим вижданли, ҳалол олимларида хижолат туйфусини уйғотмай қолмади. 1954 йилда Ўрта Осиё ва Қозоғистон тарихига бағишланган илмий сессияда А.И.Сидоров айтган қўйидаги гаплар диққатга лойикдир: «Ўрта Осиёнинг ўзбек, қозоқ, қирғиз, туркман, тоҷик ва бошқа ҳалқларининг турли шаклдаги ғалаёнлари, бу ҳалқларнинг мустамлака истибодига қарши кураши илғор ҳаракат деб баҳоланмаслиги — бу, демак, ҳалқ оммасининг тарихий воқеелиддаги ижобий хизматини инкор қилинишидир. Үнда тарихда нима ижобий ҳолат ҳисобланади? Миллионлаб ҳалқ оммасини қонга ботирган подшоҳликнинг мустамлака идорасими? Ёхуд бу истибодига қарши курашми?»<sup>1</sup>

Бироқ, адолат нуқтаи назаридан, тарихий вазият ва коммунистик мағкура тазиёкини ҳисобга олган ҳолда айтиладиган бўлса, фикр юритилаётган даврнинг 70—80-йиллари бошларида бир қанча илмий-тарихий асрлар яратилди, уларнинг илмий аҳамиятини пасайтириш ножоиздир. Турган гапки, бу хилдаги тадқиқотларда тарихга холисона ёндошиш бобида, биринчи галла, рус салтанатининг Ўрта Осиёдаги мустамлакачилик сиёсатига илмий баҳо беришдаги чекланиш ўша давр руҳи билан изоҳланадиган асосий қусурлар ҳисобланади.

Шўро давлати ўзини нечоғлик құдратли ҳисобламасин, у ичдан чириб тугаётган эди. Айниқса, 80-йиллар иккинчи яримлари жаҳон афкор оммаси олдида қизил салтанатнинг қадамбақалам фош бўлиш йиллари сифатида тарихга кирди. «Қайта қуриш» сиёсати тизгини тобора қўлдан чиқиб бораётган салтанат отини қамчиласга беҳуда сўнгти уриниш эди. 1985 йилдан сўнг матбуотда, илм-фанда ошкоралик тўлқини вужудга келиб, тарихшуносликда эркин фикрлаш, холис илмий хulosаларни ўртага ташлаш имконияти туғилди.

Мавзу тарихшунослигининг тўртингчи даври 80-йиллар иккинчи яримларидан то ҳозирги кунларга қадар бўлган муддатни ўз ичига олади. Гарчанд бу давр тарихан жуда қисқа — ўн-үн беш йилни қамраса-ла, вужудга келган адабиётлар моҳият ва мундарижа эътибори билан ғоят салмоқли эканлигини тъкидлашга тўғри келади<sup>2</sup>.

Мустақиллик, шубҳасиз, оламшумул тарихий аҳамиятга эга бўлган сиёсий воқеа бўлди. Кўпгина қалам аҳли, муаррихлар,

<sup>1</sup> Материалы научной сессии посвященной истории Средней Азии и Казахстана в дооктябрский период. Ташкент, 1955. 576-бет.

<sup>2</sup> Зиёев Ҳамид. Туркестонда Россия тажовузи ва ҳукмронлигига қарши кураш. Т.: «Шарқ», 1998; Алимова Д.А. Исторические мировоззрения джадидов и их проекция будущего Туркестана (Туркестон мустақиллиги ва бирлиги учун кураш саҳифаларидан). Т.: «Фан», 1996; Содиков Ҳ. XX аср бошларида Туркестонда чоризмнинг мустамлакачилик сиёсати ва истиқтол учун кураш. Докторлик диссертацияси. Т.: 1994; Исҳаков Ф. Национальная политика царизма в Туркестане (1867—1917 гг.). Т.: «Фан», 1997.

олимлар содир бўлган воқеа аҳамиятини теран англаб етганлари ҳолда, бу буюк ўзгариш моҳиятини дафъатан илғаб ололмаган тарихнавислар ҳам бўлди. Қолаверса, ўтмишни қўмсаш васвасаси ҳам бу йилларда ёзилган айрим асарлар саҳифаларида акс этмай қолмади.

Шу тариқа, тарихшуносликка доир асарларнинг тўртинчи даврига оид бу босқичида уч ҳолат, уч хил жараён ва қарашлар мавжудлиги кўзга ташланади.

Биринчидан, шуродар Иттифоқи парчаланишидан, унинг ўрнида ёш, мустақил Ӯзбекистон каби давлатларнинг майдонга келишидан норози булиб, ўтмишни қўмсаб, тарихий жараёнларга эскича «улуг рус» миллатчилиги, буюк шовинистик сиёсат ва гоялар нуқтаи назаридан ёндошиб иш кўрувчи (В.Пикуль, А. Солженицин, В.Жириновский, М.Попов, Б.Костин, В.Дубовицкий ва бошқалар) сиёсатдонлар, адиллар, тарихчи ва журналистлар подшоҳиқк Россияси босиб олган худудлар «Россия ерларидир, бу ерлар буюк Россиянинг кичик бир «уезді» ёки «губернияси» бўлиши керак, деб аюҳаннос солиша давом этмоқда. Улар рус қўшинлари томонидан Ўрта Осиёнинг ҳарбий йўл билан истило қилинганилигини ҳар жиҳатдан оқлаб, бу мудҳиш ишни амалга оширганларни миллий қаҳрамонлар даражасига кўтармоқдалар.


Иккинчидан, ўзимиздан чиққан миллий тарихчиларимизнинг айрим вакиллари ҳамон ўша қизил салтанат даврида шаклланган мезон, концепция асосида иш кўриб, «Ўрта Осиёнинг Россияга қўшиб олинганини», «Ўрта Осиёнинг Россияга қўшилишининг ҳалқаро аҳамиятини» асослашга уриниб, собиқ мустамлакачилар олиб борган сиёсатни сохталаштирумокдалар.

Учинчидан, қайта қуриш ва мустақиллик йилларида ўтмиш тарихимизга янгича ёндошиб, ундаги «оқ» ва «қора» доғларни бартараф қилиш нияти билан, тарихни қандай бўлса, шундайлигича, холисона, бўёқ ва андозаларсиз ёритишга ҳаракат қилаётган олим ва адилларимиз маълум даражада ижобий ишлар қилаётганликларини таъкидлаш мумкин.

«Ўзбек олимларининг куч-ғайратлари билан, — деб ёзган эди И.А.Каримов, — тарихимизнинг кўпдан-кўп фоят муҳим саҳифалари, энг аввало, темурийлар даври, XIX аср охири — XX аср бошлари тарихи янгидан кашф этилди. Шуни эсда тутиш муҳимки, ўтмишимизни «оқлаш» вазифалари умуман олганда бажариб бўлинди; ҳозир эса асосий вазифа тарихий таҳлилни илмий жиҳатдан холисона ва ҳалол амалга оширишдан иборатdir».<sup>1</sup>

Ўзбекистон 1991 йил 31 августда истиқболга эришгач, тарихшунослик фанида янги саҳифа очилди. Айниқса, бу борада

<sup>1</sup> Каримов И. А. Ўзбекистон XXI бусафасида: хавфсизликка таҳдид, барқарорлик шартлари ва тараққиёт кафолатлари. Т.: Ўзбекистон. 1997, 141-бет.



Президент Ислом Каримовнинг 1996 йил 18 сентябрдаги Ўзбекистон Республикаси Президенти ҳузуридаги Давлат ва жамият курилиши академияси қошида «Ўзбекистоннинг янги тарихи марказини ташкил этиш тўғрисида»ги тарихий Фармойиши ва Ўзбекистон Республикаси Вазирлар Маҳкамасининг 1996 йил 16 декабрдаги қарори ғоят катта дастуруламал аҳамиятга эга бўлди.<sup>1</sup> Мазкур тарихий ҳужжатларда «Ўзбекистоннинг янги тарихи»ни тайёрлашдек ғоят улкан вазифа қўйилди. Буни амалга оширища XIX асрнинг ўталаridан хозирги кунгача халқимиз хаётида содир бўлган тарихий босқичларни ва Ўзгаришларни тұла қамраб олишга эътибор берилиши алоҳида таъкидланди.

Шу ўринда Президент И.А.Каримовнинг тарихимизни буюк давлатчилик шовинизми ва агресив миллатчилик руҳида, хусусан, Россия империясининг Ўрта Осиёда юритган сиёсатини талқин этувчи муаллифларни икки тоифага бўлиб, уларга берган таърифини келтириш лозим. Биринчи тоифа муаллифлари Россия империяси Туркистонда маҳаллий анъаналар ва асосларни йўқ қилмаган ва бузмаган ҳолда ўлканинг буржуача тадрижий ривожини рағбатлантирган эди, деб ҳисобладилар. Уларнинг фикрича, шуро Россияси, большевиклар аксинча иш тутган, шунинг учун Ўрта Осиё минтақасида зиддиятлар келиб чиққан. Эндиликда эса Россия Федерацияси минтақада барқарорлаштирувчи ролни йўнаши мумкин эмиш. Иккинчи тоифа муаллифлари фикрича эса, мустамлакачилик мусулмон аҳолининг руҳиятига мутлақо ёт унсурларни олиб кирган. Шунинг учун вужудга келган аҳволдан қутулиш йўли сифатида ўлканинг ўз тарихий ва миллий негизларига қайтиш таклиф қилинади. Бунга эса минтақадаги давлатлар фақат қушни мусулмон мамлакатларига эргашган, келажакда улар билан янада яқинроқ интеграцияга киришган тақдирдагина эришиш мумкин эмиш<sup>2</sup>. Бу икки тоифа қарашларидан кўзланган асосий мақсад нималигини Президент И.А.Каримов равшан ифодалаб берган.

Россия империясининг Туркистондаги мустамлакачилик сиёсатини ёритиш борасида муаллифлар ана шундай қарашларга раддия берувчи ўз фикрларини тарихий далиллар билан асослаганлар.

Республика Вазирлар Маҳкамасининг 1998 йил 24 июлдаги «Ўзбекистон Республикаси Фанлар Академияси Тарих институти фаолиятини такомиллаштириш тўғрисида»ги қарори ҳам ўзбек тарихшунослигининг бундан бўёнга йўналишини белгилаб олишда, ўзбек миллий давлатчилиги тарихини тадқиқ этишда, умуман тарихимизнинг концепциясини ишлаб чиқиши

<sup>1</sup> «Халқ сүзи», 1996 йил 19 сентябрь; 1996 йил 17 декабрь.

<sup>2</sup> Каримов И.А. Ўзбекистон XXI аср бўсағасида: хавфсизликка таҳдид, барқарорлик шартлари ва тараққиёт кафолатлари. 54—55-бетлар.

да муҳим аҳамият касб этмоқда. Ўзбекистон янги тарихининг мазкур биринчи жилдини тайёрлашда юқорида зикр этилган, давлат ҳужжатлари билан бир қаторда Ўзбекистон Республикаси Президенти Ислом Каримовнинг асарлари, нутқ ва мақолаларида илгари сурилган ғоя ва фикрлар методологик асос бўлиб хизмат қўлганини алоҳида қайд этмоқ зарур.

Ислом Каримовнинг 1998 йил 26 июнда бир гуруҳ тарихчи олимлар, журналистлар, ижодий соҳа ходимлари билан бўлган учрашувла билдирган фикр-ғоялари, 1999 йил 2 февралда «Туркистон» газетаси мухбирининг саволларига берган жавоблари, 16 февралда Тошкентда 1 ўй берган фавқулодда мудҳиш ҳодиса муносабати билан сўзлаган бениҳоя таъсиридан нутқида ижтимоий жараёнларимизнинг долзарб масалалари қатори тарихимиз ҳақида ҳам кўпдан-кўп дастуруламал, концептуал, янгича талқинлар илгари сурилдики, улар ўзбек тарихшунослигининг ҳозирги тараққиёт босқичини, эски ҳолатдан янги ҳолатга ўтиши ва бундан кейинги устивор йўналишларини белгилаб бермоқда.

Муаллифлар ана шу мустақиллик руҳи билан сугорилган устувор услубий ва илмий-назарий йўл-йўриқлардан, методологик асослардан келиб чиққан ҳолда мазкур биринчи китобни имкон даражасида мукаммалроқ яратишга ҳаракат қўлдилар. Тадқиқот, шу тариқа, чор Россиясининг Ўрта Осиёни босиб олиши ва унинг бу ўлкада ўрнатган мустамлакачилик сиёсати оқибатларини холисона ёритиш бўйича дастлабки қадамлардан бири бўлиб, ундан кузатиладиган асосий мақсад Россия ва собиқ шуро давлатининг Туркистон ўлкасида 130 йил давомида олиб борган мустабидлик сиёсати туб моҳияти ва юртни мажруҳ этган асорати сабабларини очиб бериш ҳамда Туркистон истиқтоли учун муттасил давом этган озодлик курашининг хусусиятлари ва кутлуг интиҳосини ёритишдан иборат.

Мазкур биринчи жилднинг тадқиқот доираси қуйидаги масалаларни ўз ичига олади:

- босқин арафасида ўзбек хонликларидаги ижтимоий-сиёсий вазият;
- Россия империясининг ўзбек хонликларини ҳарбий куч воситасида истило қилиши ҳамда Туркистон ўлкасини мустамлакага айлантириш борасидаги сиёсати;
- подшоҳлик Россиясининг ўлка ҳалқларини бошқариш соҳасида шафқатсизликка асосланган найранглари;
- мустамлака маъмуриятининг ўлкада руслаштириш сиёсатини амалга ошириши ва Туркистонда рус нуфусини кўпайтиришга интилиши;
- Россиянинг Туркистон ўлкасини хом ашё манбаига ва рус саноатининг ўтмас матоҳлари пулланадиган тобеъ бозорга айлантириши, яъни муттасил талончилиги;
- ҳалқ маорифида русларнинг истилочилик манфаатларига

хизмат қиладиган манқуртлик ва жаҳолатни кўзда тутадиган ислоҳотлари, уларнинг асл моҳияти;

— ўзбек ҳурфикрлилиги ва матбуотини ривожлантиришда жадидларнинг тарихий хизмати ва босқинчилар ҳокимииятининг уларга қарши олиб борган кураши;

— фан ва маданият, маънавият, дин ва эътиқод соҳасида рус подшоҳлиги тутган йўл ва унинг салбий оқибатлари;

— Туркистон халқлари сиёсий, ижтимоий-иқтисодий ва фуқаровий ҳуқуқларининг ҳукмрон давлат томонидан поймол этилиши;

— Россия салтанатининг Туркистонда жорий этган солиқ сиёсатининг эзиш ва талашга асосланганлиги;

— ўлкадаги озодлик ҳаракатлари ва улар ҳақидаги тарихий ҳақиқатни тиклаш.

Тадқиқот мавзуси бўйича асосий манбалар Ўзбекистон Марказий Давлат архивида мужассамлашган. Унинг тарихий жамғармасида Туркистон ўлкасида барча иқтисодий, ижтимоий ва сиёсий воқеаларга оид катта ва кенг далилий материаллар ўрин олган.

Туркистон генерал-губернаторлигининг маҳкамаси жамғармаси (ГФ-І)да ўлка ҳаётининг барча масалаларига оид материаллар мавжуд. Рус мустамлака сиёсатининг барча устамонликлари худди шу жамғармадаги хужжатларда ўз аксини топган. Ана шу маҳкамасида Туркистон генерал-губернатори К. П. фон Кауфман (1867—1881), М. Г. Черняев (1882—1884), Н. О. Розенбах (1884—1889), А. Б. Вревский (1889—1898), С. Духовской (1898—1901), Н. А. Иванов (1901—1904), П. Н. Тевяшов (1904—1905), Д. И. Субботич (1905—1906), Н. И. Греков (1906—1908), П. И. Мищенко (1908—1909), А. В. Самсонов (1909—1913) ва бошқаларнинг императорга юборган ҳисоботлари ва ҳарбий вазирлик Бош штаби Осиё бўлими билан ёзишмаларидан унумли фойдаланилди. Уларда подшоҳумматининг Ўрта Осиёда олиб борган мустамлака сиёсатининг туб моҳияти ўз ифодасини топган.

Китоб мавзусига доир қатор манбалар Туркистон вилоятлари ҳарбий губернаторлари бошқармалари жамғармаларидан (5, 17, 18, 19, 276-жамғармалар) олинган. Бу бошқармаларда хўжалик, молия, нарх-наволар, солиқ-мажбуриятлар каби қатор муҳим масалалар бўйича хужжатлар борки, уларнинг таҳдили ўлка тарихининг муҳим томонларини ёритиша бебаҳо манбалар вазифасини ўтайди. Тошкент шаҳар думаси ва бошқармаси (718,37), шаҳар бошлиғи (36), вилоятлар туманлари бошқармалари (20, 21, 22, 23, 24, 25, 300, 329), жабҳалар приставлари (172,298,319,327) жамғармалари ҳам шулар қаторига киради.

Туркистондаги миллий-озодлик ҳаракатлари, истиқдол учун кураш тарихи бўйича ҳалигача илмий муомалада бўлмаган талай ноёб хужжатлар рус сиёсий разведкаси—Туркистон туман

муҳофаза бўлими (461), Тошкент шаҳри рус қисми ва эски шаҳар полиция бошқармалари (462, 463), Жиззах шаҳар полиция пристави (531), Андижон, Скобелев шаҳарлари полиция бошқармалари (465, 590) жамгармаларидан топилди. Тошкент округ суд палатаси (129, 133), Туркистон ўлка округ судлари (128, 132, 278, 318, 350, 505), вилоятлар судлари (127, 134, 353, 310, 322, 504, 592, 593) жамғармаларидан ҳам зарур ҳужжатлар олинди.

Ўзбекистон халқлари тарихи Давлат музейи ва Тошкент тепловоз-вагон таъмири заводи музейида сақланаётган 1905—1917 йиллар воқеалари иштироқчиларининг эсдаликлари, ҳужжатлари (Д. Устабоев, Қ. Қосимхўжаев, О. Бобоҷонов, М. Мирходиев ва бошқалар) ва Ўзбекистон вақтли матбуоти нашрларидан ҳам унумли фойдаланилди.

Империянинг ижтимоий ва сиёсий найрангларини фош этувчи қатор носёб ҳужжатларни ана шу архивдан қўлга киритиш мумкин бўлди.

XIX асрнинг иккинчи ярмида Туркистонда зўравонлик билан амалга оширилган рус истилоси ва бу босқинчиликнинг даҳшатли оқибатларига багишланган қўлёзма манбалар — тарихий асарлар, ҳужжатлар, манзумалар ҳам беназир илмий аҳамият касб этади. Тарихшуносликда бу тажовуз тарихини ҳозирга қадар бир ёклама, фақат рус манбалари асосида ёритишига интилиш кузатилади. Ҳолбуки, мустабидлар тўккан қонлар совумай туриб Тошкентда, Андижонда, Самарқандда, Бухорода, Қўқонда, Хивада, Намангандда, Қаршида, Жиззахда ва бошқа шаҳарларимизда ёзилган асарлар — улар ҳоҳ тарихий, ҳоҳ бадиий ёхуд ҳужжат бўлсин, тамомила унут бўлиб келди.

Рус истилосига доир қўлёзма манбаларни уч туркумга ажратиш мақбул кўринади. Бу жиҳатдан, тарихий асарлар биринчи туркумни ташкил этади, дейиш мумкин. Ҳусусан, Муҳаммад Солиҳ Тошкандий, Мулла Муҳаммад Ниёз Ҳўқондий, Аваз Муҳаммад Аттор Ҳўқондий, Муҳаммад Азиз Марғилоний, Муҳаммад Содик Мунший, Муҳаммад Абдулазим Сомий, Мирзо Олим Мушриф, Аҳмад Дониш, Комил Хоразмий, Мирзо Олим Тошкандий, Муҳаммад Фозилбек, Муҳаммад Ҳакимхон тўра, Исҳоқжон Жўнайдуллахожа Ибрат, Аҳмад Закий Валидий асарларини шу сирага киритиш мумкин бўлади.

Домулло Муҳаммад Солиҳнинг «Тарихи жадидай Тошканд» асари 1862 йилда ёзила бошланиб, 1886—1887 йилларда тугалланган. Икки жилдан иборат қилиб тузилган бу асарнинг биринчи қисмида ислом ва умуман, ўрта асрлар Марказий Осиё тарихи ёритилган бўлса, иккинчи жилда XIX аср Қўқон хонлиги кечмиши қаламга олинади. Муаррих З бобдан иборат бу жилдда фақат Қўқон хонлигига юз берган рус истилоси оқибатларини келтириш билан чекланмай, Бухоро амирлиги воқеаларига ҳам кенг тўхталади. Муаллифнинг Тошкент, Мар-

филон, Наманган, Андижон, Самарқанд каби шаҳарларнинг руслар томонидан забт этилиши ҳақида ўзи гувоҳ бўлган воқеалар асосида фикр юритиши алоҳида қимматга эгадир.

Мирзо Муҳаммад Абдулазим Сомий Бўстонийнинг «Доруссалтана Бухоройи шариф манғит сultonлари тарихи» 1906 йилда ёзилган. Асар мамлакатда хукм суринб келаётган парокандалик, ўзаро низолар охир-оқибатда юртнинг мустамлакага айланниб қолишида асосий омил бўлганлигини англашда муҳим манба ҳисобланади. Айни вақтда асарда халқнинг босқинчиларга қарши мардонавор кураши манзараси ҳам ёрқин акс этирилади.

Мулло Муҳаммад Ниёз Ҳўқондийнинг «Тарихи Шоҳрухий», Аваз Муҳаммад Аттор Ҳўқондийнинг «Тарихи жаҳонномойи», Исҳоқжон Ибратнинг «Фаргона тарихи», Муҳаммад Юсуф Баёнийнинг «Шажараи Хоразмшоҳий», Ҳожи Муҳаммад Ҳаким Сайд Мъасумхоннинг «Мунтаҳаб ут-таворих», Мирзо Муҳаммад Содиқ Муншийнинг «Мусаннофоти Мирзо Содиқ Мунший», Мирзо Олим Мушрифнинг «Ансоб ус-салотин ва таворих ул-ҳавоқун» (Кўқон хонлиги тарихи), «Тарихи Манзум», Муҳаммад Азиз Марғilonийнинг «Тарихи Азизий» (Фаргона чор мустамлакаси даврида), Аҳмад Донишнинг «Таржимат ал-аҳвол амирони Бухоройи шариф», Ҳамид бин фози Бақо Ҳожанинг «Танзил ул-мисол зикр баён ал-аҳвол», Муҳаммад Фозилбекнинг «Муқаммал-и тарих-и Фарғона» асарларида ҳам рус истилосига даҳидор воқеа-ҳодисалар бағфсил баён этилади.

Ўзбекистон Республикаси Фанлар академияси Шарқшунослик институти (ЎЭРФАШИ) жамғармасида сақланаётган ва юқорида зикр этилган тарихий асарлардан ташқари мавзуни тўлдиришда аскотадиган «Тарихи жадида Тошканд» (11072-рақамли), «Тарихи Алимқули амири лашкар» (12136-рақамли), «Алимқул жангномаси» (Холбек ибн Мулло Андижоний асари, 8816-рақамли), «Жангномайи Худоёрхоний» (Мулло Шамси асари, 599/1-рақамли), «Тазкирайи Султоний» (Мулло Васийжон асари, 592-рақамли), «Худоёрхоннинг сўнгги кунлари» (Аҳмад Закий Валидий асари, 15743-рақамли), «Тазкирайи ҳазрати Мажзуб Намангоний» (2662/11-рақамли), «Фатҳномайи Султоний» (Мир Олим Бухорий асари, 1838-рақамли), «Тажовузи ўрс» (Қози Абдулвоҳид Садр-Сарири Балхий асари, 2260/IV-рақамли), «Тұхфайи Шоҳий» (Мирзо Абдулазим Сомий асари, 2091-рақамли), «Зафарномаи Худоёрхоний» (Абдул Фоур асари, 598-рақамли), «Тұхфат ул-хоний» (Муҳаммад Вафо Карминагий асари, 5359/11-рақамли), «Тарихи амир Ҳайдар» (мулло Ибодулло Муҳаммад Шариф асари, 1836-рақамли), «Тарихчайи Туроний» (Умидиддин Марғиноний асари) сингари қўлёзма манбаларни ҳам истифода доирасига киритиш жоиз ҳисобланади. Бу тарихий манбаларнинг айримларида учрайдиган

чекланишлар, хонларнинг айрим ҳатти-ҳаракатларига ортиқча баҳо бериш жиҳатларидан қатъи назар, яқин ўтмишни ойдинлаштиришда улар аҳамияти бўлакчадир.

Иккинчи туркум манбалар бевосита маҳаллий ҳукмдорлар билан рус армияси қўмондонлиги ўртасида амалга оширилган сулҳга доир ҳужжатлар, тарихий шахсларнинг хотираларини қамрайди.

Рус босқинидан сўнг вужудга келган вазият, мустамлака сиёсатининг ўрнатилиши, вассаллик ситамлари, элчилик борди-келдилари ҳам қатор ҳужжатларда, эсдаликларда ўз ифодасини топади. Комил Хоразмий, Аҳмад Дониш ва бошқа элчиларнинг, шунингдек, амир Абдулаҳаддинг Петербургга қилган сафарлари ҳақидаги маъъл, мотлар шулар жумласидандир.

Кўлёзма манбаларнинг учинчи туркуми мундарижасини баддий асарлар: шеърлар, манзумалар ташкил этади. Рус истибдодидан сўнг у келтирган «маданият ва маърифат»ни улуғловчи асарлар маҳсус буюртмалар асосида ёзилганлиги маълум. Бироқ, юртнинг фидойи шоирлари босқинчилликни қоралаб, унинг мудҳиш оқибатларини лаънатлаб шеърлар яратгандар. Жумладан, 1912 йилда Фулом Ҳасан Орифжонов матбаасида XVI аср шоири Мушфиқийнинг «Саду як банд» тўплами чоп этилган. Муҳими шундаки, тўпламда XIX аср иккинчи ярмида яшаб ижод этган қашқадарёлик шоир Ҳофиз Рӯзибой Машраб ва Муҳаммад Амин Ҳўқондийларнинг рус истилосига доир манзумалари қўшиб берилган. «Ҳикмат» деб номланган ва шу асар охирида келтирилган шеърларда яссавийона руҳда босқинчиларнинг разил башараси, хотин-қизларга нисбатан қилган қабиҳликлари фош этилади.

Рус босқинчиларига қарши мардонавор курашиб ҳалок бўлган лашкарбоши Алимқўл жасорати ҳақида 10 йил Сибирь бадарғасида бўлган ватанпарвар Мулло Ҳолбек ибн Мусо Андижоний достон яратгандир.

Камина, Ҳаёлий, Носир, Таржимон сингари шоирларнинг асарларида ҳам рус босқини туфайли ҳалқимиз бошига тушган кулфатлар ифода этилади. Бухоро амири, Ожиз тахаллуси билан шеърлар ёзган амир Абдулаҳад шеърларида ҳам ички афсус-надомат шарораси сезилиб туради. Шубҳасиз, ҳозирга қадар эълон қилинмаган, ўрганилмаган, аммо рус истилоси ҳақида бор ҳақиқатни бадиий гавдалантирган асарлар тарихий воқеаликни холисона, бўёқларсиз идрок этишда муҳим манба бўлиб ҳисобланишга лойиқdir.

Айниқса, Туркистонда XIX аср иккинчи яримларида фаолият кўрсатган матбуот нашрлари, ватанпарвар зиёлилар, муаррихлар, олимлар, шоирларнинг юрт тақдиди ҳақида катта қалб билан қайгуриб ёзган мақолалари, асарлари рус мустамлакачилигининг қабиҳ моҳиятини, истиқтол учун олиб борилган тинимсиз куашларнинг қанчалик оғир кечганлиги-

ни бугунги авлод теран англаб етишида бебаҳо манбалар бўлиб қолаверади.

Бундан ташқари, юртимиз тарихини илмий жиҳатдан тўлақонли ёритиш мақсадида, хусусан, Ўзбекистон янги тарихининг биринчи жилдини тайёrlаш асносида холис манбалар — хорижий адабиётлардан, жумладан, хориждаги ватандош олимларимиз асар ва эсдаликларидан ҳам фойдаланилди. АҚШ, Англия, Франция, Германия, Туркия, Саудия Арабистони ва бошқа бир қатор чет давлатларда XIX аср охирларидан зътиборан Туркистонда кечган воқеа-ҳодисаларга одилона муносабат билдирилди, рус тажовузи, шўро салтанатининг бу ўлқадаги қонли ва қатагон сиёсати ҳақида ростгўйлик, ҳалолик билан мушоҳада юритилди.

Китобда тарих соҳасида олиб борилаётган энг сўнгги тадқиқотлар самараларидан ҳам кенг фойдаланилди. Юртим деб, элим деб ёниб яшаган, озодлик ва истиқол учун курашда азиз жонларини фидо этган, аммо номлари ва ишлари ҳанузгача ўз баҳосини олмаган бобокалонларимиз фаолиятини ёритишига ҳоли қурдат ҳаракат қилинди.

Ҳамдам Содиқов, Рустамбек Шамсутдинов, Поён Равшанов ва Қамариддин Усмоновлардан иборат муаллифлар гуруҳи илмий меҳнати ва изланишлари самараси ўлароқ вужудга келган бу китоб ўз оллига қўйган мақсаддага қай даражала эришганини баҳолаш азиз китобхонлар ҳукмига ҳавола қилинади.

### **Босқин арафасида ўзбек хонликларидағи ижтимоий-сиёсий вазият**

*«Нега жаҳонга Аҳмад Фарюни, Мұхаммад Ҳоразмий, Ибн Сино, Абу Райхон Беруний, Имом Бухорий, Амир Темур, Үлугбек, Ашиқер Навоий, Бобур каби буюк сиймоларни берган бу миллат XVII—XIX асрларде ке, чб, то шу чөкчача эришган юксалиш даражаларыдан тушиб кетди? Нега сүнгиги уч аср мобайнида бошимиз қолоқликдан чиқмай қолди? Аждодларимизнинг каттик қаршилигига қарамай, чор Россиясининг ўлкамизни нисбатан осон забт этишида ана шу қолоқликнинг ҳам ўрни бўлмаганимкан?»*

**Ислом Каримов**

Ватанимиз тарихи ўзбек давлатчилиги тараққиёти бир текисда кечмаганлиги, унинг силсиласида зафарли ва инқиrozли даврлар бўлганлигидан гувоҳлик беради. Соҳибқирон Амир Темур асос солган салтанат энг йирик ва қудратли давлатни, салтанат қуриш ва давлатни бошқариш қонун-қоидалари баён этилган машхур қўлланма (дастур ул-амал)ни қолдирган эди. «...Фарзандларим ва авлодимдан бўлганларнинг ҳар бири, — деб ёзган эди у ўзининг тузукларида, — унга мувофиқ иш юритсин ... Бу тузуклардан ўз салтанат ишларини бошқаришда қўлланмана сифатида фойдалангайлар, токи мендан уларга етадиган давлат ва салтанат зарару таназзулдан омон бўлғай»<sup>1</sup>. Соҳибқирон Амир Темур ворисларига «миллатнинг дардига дармон бўлиш», «заифларни қуриш ва йўқсилларни бойлар зулмига ташламаслик»ни уқдириб «адолат ва яхшилик қилмоқ дастурингиз, раҳбарингиз бўлсин» дея васият қилган эди. Аммо унинг дастури ва васиятларига амал қилинмади. Тахт, ҳокимият илинжида авж олган ўзаро ихтилоф ва ички курашлар, жанг жадаллар давлатни заифлашириб, мамлакатни инқиrozга ва парокандаликка олиб келди.

XVI аср бошларида заифлашиб бораётган темурийлар салтанатига Дасти Қипчоқ томондан кўчманчи ўзбеклар давлати хукмдори Мұхаммад Шоҳбаҳт Шайбоний хужуми бошланди. Шайбонийхон 1500—1501 йилларда Самарқанд ва Бухорони, 1504 йилда Ҳисор вилоятини, 1504—1505 йилларда Урганчни, 1506—1507 йилларда Хурсон пойтахти Ҳирот ҳамда Балхни,

<sup>1</sup> Темур тузуклари. Т.: Faфур Ғулом номидаги нашриёт-матбаа бирлашмаси, 1991. 53-бет.

шунингдек, Марв, Машҳад, Нишопур, Тошкент, Фарғона ва Сирдарё ерларини забт этди. Қатъиятли саркарда Шайбонийхон темурий шаҳзодалар орасида ўзига муносаб рақибни Заҳирiddин Мұхаммад Бобур сиймосида учратди. Бу икки ўзбек саркардаси, икки шоир ва икки давлат арбоби иттифоқлашиб, темурийларнинг бутун Шарқ ва Farbga ёйилган шухратини барқарор этиш, Соҳибқрон Амир Темур асос солган құдратли давлат шукухини янада тиклаш ўрнига, ўзаро кураш, уни эгаллаш билан банд булишиди. Натижада, Мовароуннахр ва Хуросон ягона давлат таркибидан ажralиб кетди. Эронда кучайиб бораётган сафавийлар вазиятдан фойдаланиб, бу икки саркарда курашига аралашиди. Мамлакатда парокандалик авжга миниб, аввалги құдратдан путур кетди. Бобо юртидан ажralган, охироқибатда Ҳиндистонни забт этганды Бобур ва унинг авлодлари уч аср мобайнида бу мамлакатни идора қылдилар.

Мовароуннахрда шайбонийлар сулоласи ҳокимият тепасига келади. Қарийб, бир асрға яқын давом этган шайбонийлар ҳукмронлиги даврида ҳам тинчлик бұлмади, қыргинборот урушлар, ўзаро ички курашлар давом этди. Шайбоний Убайдуллахон (1533—1539) таҳтга күтарилғач, Бухоронинг мавқеи ҳам сиёсий, ҳам иқтисодий жиҳатдан анча кучайди ва Мовароуннахрнинг сиёсий-маъмурый марказига айлантирилди. Абдуллахон (1557—1598) даврида, 1557 йилда пойтахт расман Самарқанддан Бухорога күчирилди ва бу сана тарихга Бухоро хонлиги ташкил топған йил бўлиб кирди.

1601 йилдан эътиборан Бухоро хонлигига ҳокимият аштархонийлар (жонийлар) сулоласи қўлига ўтди. 150 йилча (1601—1753) ҳукмронлик қилган аштархонийлар сулоласи даврида ҳам Бухоро хонлигига барқарорлик бұлмади. Хонлик вилюятларида ҳукмронлик қилувчи амирлар ва бекларнинг ўзбошимчалиги, марказий ҳокимиятдаги амалдорлар ўртасидаги ўзаро келишмовчилик, уруғчилик, мавқе талашиш мамлакат тинкасини куритди. Шунинг учун ҳам XVIII асрнинг биринчи ярмида Бухоро хонлиги ва Хива хонлиги Эрон шоҳи Нодиршоҳ зарбига учради. Ички низолар, маҳаллийчилик ва ўзаро курашлар заифлаштирган бу икки хонлик Нодиршоҳнинг таъсир доирасига тушди. Нодиршоҳни васий сифатида тан олган Мұхаммад Раҳим 1753 йилда ўзини Бухоро амири деб эълон қилди ва 1920 йилгача ҳукм сурған мангитлар сулоласига асос солди. Аммо у ички курашларга бутқул барҳам беролмади. Натижада, Бухоро хонлигидан мустақил яна бир давлат ташкил топди ва у тарихда «Қўқон хонлиги» деб ном олди.

Қўқон атрофида яшаб турган ўзбек қабилаларидан бири минглар ўз етакчиси Шоҳрухбийни ҳокимият тепасига кутардилар. Қўқон шаҳри четида жойлашган Тепақурғон Шоҳрухбийнинг қароргоҳига айлантирилди.

XVII—XVIII асрларда қорақалпоқлар ороллик ўзбеклар билан биргаликда Орол ерларида ўз давлатини тузган эди. Бу давлат бирлашмасининг аҳолиси — қорақалпоқлар ва ўзбеклар күшни халқлар билан яқин алоқада бўлган. XVIII асрдаги қорақалпоқлар ижтимоий ҳаётига уруғ-қабилаларга бўлинеш анъанаси хос бўлган. Бутун халқ икки катта қавм (орис) га — ўн тўрт уруғ ва қўнғирот қавмларига бўлинган. Ўн тўрт уруғ қавмининг асосий гурухини Хитой, қипчоқ, Кенагас, Мангит уруғлари ташкил этган, қўнғирот қавмига эса Шултук ва Жавунғир уруғ бирлашмалари кирган. Барча гуруҳларни уруғ табакалари — бийлар ва ботирлар бўшқарган. Улар билан мусулмон руҳонийлари яқиндан алоқада бўлган.

XVIII асрда жунғар ва қозоқ хонларининг босқинчилик ҳужумлари натижасида Сирдарё бўйларида яшаётган қорақалпоқларнинг бир қисми Янгидарё бўйларига ва Орол ерларига кўчишга мажбур бўлган. Янгидарё ерларида ўрнашган қорақалпоқлар учун юз йиллар қаровсиз қолган бепоён майдонларни ўзлаштириш қозоқ хонлари ва сultonлари билан доимий тўқнашувлар натижасида жуда оғир кечди. Шунинг учун ҳам археологлар Янгидарёдаги сугориш иншоотлари қолдиқларини «қорақалпоқ аждодлари меҳнат жасоратининг буюк ёдгорликлари» деб ҳисоблайдилар.

Қорақалпоқ (Орол) ерлари XVII—XIX аср бошида Кувондарё ва Янгидарё ҳавzasини тўлиқ қамраб, Амударё этакларигача чўзилган эди. Лекин XIX аср бошида Хива хонлари Оролбуйи аҳолисини бўйсундиришга қаратилган ҳарбий ҳаракатларни бошлайди ва бу ҳаракатлар 1810 йили Муҳаммад Раҳимхон (1806—1825) даврида қути Амударёдан Янгидарёгача бўлган қорақалпоқ ерларининг Хива хонлигига қушиб олиниши билан тугайди<sup>1</sup>.

Шундай қилиб, жаҳон саҳнасида XVIII аср охири ва XIX аср бошларидан буюк Темур салтанатини уч тарқоқ ўзбек хонлиги ўзида гавдалантириди.

## 1. РОССИЯНИНГ ХОНЛИКЛАРГА ДАСТЛАБКИ ТАЖОВУЗКОРОНА ҲАРАКАТЛАРИ

Кавказ, Волгабуйи, Сибирь ва Ўрта Осиё устидан ҳукмронлик қилиш рус подшоларининг азалий орзуси эди. Россия подшоси Иван Грозний ана шу орзуни амалга оширишни бошлаб берди. У XVI аср иккинчи ярмида Қозон, Аштархон ва Сибирь хонликларини босиб олди.

Рус давлати энди афсонавий бойликлар макони деб шухрат

<sup>1</sup> К а р а н г: Камалов С., Сарифов К. Қорақалпоқлар. Рисола қўлёзмаси. Нукус, 1999, 1—3-бетлар.

топган Ўрта Осиё минтақасига кўз олайтириб, бу ердаги мавжуд хонликлар ҳақида кенг кўламда жосуслик маълумотларини тўплай бошлади. Бу ҳолат «Москва савдо компанияси» деб аталган ташкилотнинг вакили Антони Женкинсон бошчилигидаги элчиларнинг фаолиятида яққол намоён бўлди. Антони Женкинсон Ричард ва Роберт Жонсонлар билан биргаликда 1558 йилнинг апрелидан то 1559 йилнинг 2 сентябригача Бухорода бўлди, у ерда Абдуллахон II билан учраши. Шайбонилар сулоласининг салоҳиятли ва машҳур вакилларидан ҳисобланган Абдуллахон рус подшосининг элчиси билан бўлган сұхбатда Россия, Англия ва Туркия давлатларининг ҳарбий қудрати, қурол-аслаҳаси ҳақида маълумот олишга қизиқкан бўлса, Женкинсон ва унинг ҳамроҳлари Бухоронинг иқтисодий, ижтимоий-сиёсий аҳволи ва ҳалқаро алоқалари ҳақида имкон қадар кўпроқ маълумот тўплашга интиладилар.

Рус давлати бундан кейин ҳам зўр бериб Ўрта Осиё хонликлари ҳақида маълумот йиғишида давом этди. 1620 йилда Иван Хохлов, 1669 йилда Б. А. ва С. И. Пазухинлар, 1675 йили эса В. А. Даудов бошчилигидаги элчиларини Ўрта Осиё хонликларига жўнатди. Улар Бухоро, Хива, Ўрганч ва Балхда бўлишиб, ўзбек хонликларининг иқтисодий-сиёсий ва ҳарбий аҳволи билан яқиндан танишдилар. Манбаларда XVII асрда Бухоро ва Хива хонликларида Россиянинг 9 элчиси бўлганлиги қайд этилган<sup>1</sup>.

XVII аср бошларида рус казаклари Урганчга хуружлар уюштирганлар. Рус казакларининг Урганчга ҳужум қилиб катта ўлжалик бўлишгани, маҳаллий ҳалқининг уларга қарши курашгани хусусида тарихий манбаларда ишончли маълумотлар бор. Урганчининг рус казаклари тарафидан босқин этилиши ва Хоразм ҳалқининг тажовузкорларга қарши олиб борган кураши машҳур тарихчи олим Абулғозихоннинг «Шажарайи турк» асарида ёритилган. Жумладан, мазкур асарда шундай дейилади: «Ёйик теганда юругон ўrusнинг қозоқиндин минг киши сараторнинг аввалги куни ғофил келиб, Урганчининг қалъасига кирди. Шаҳарда раъиятдин ўзга киши йўқ эрди. Хоннинг ўрдаси ва сипоҳ ҳалқи Аму сувининг лабида эрдилар. Хивақда хонга киши чоптурдилар. Етти кунда хон келди. [Казаклар] Урганчда раъиятдин минг кишини ўлтириди ва минг қиз билан жувонни олди. Минг аробага яхши моллардан юклиди. Бўз ва буёғли, палос ва тўн, тўшак-ястуқ мундоғ нимарсаларни барчасини ўтга ёқди. Буларни саранжом қилгунча етти кун бўлди. Андин сўнг [казаклар] Урганчинин чиқиб дарё лабига юруди. Араб Мұхаммадхон олдига бориб ўр қазди ва жанг қилди. Икки кун

<sup>1</sup> Материалы по истории Узбекской, Таджикской и Турменской ССР. Вып. 3, Ленинград, 1932, 255—495-бетлар. Бундан кейин қисқача МИУТТ деб қисқартма қилинади.

уруштилар, учинчи куни жибни зүр қилиб олиб, тақи босиб ўтди. Ўрус пиёда, бизнинг халқ отлиғ икки фарсанг ер юзунда яна ўр қазиб жанг қилдилар. Ўрус юклаган сувини тамом қилди... ўрус қон ича бошлади. Бешинчи куни қонни ҳам тавосути. Ўзбек ҳар ердан тұп-тұп бўлиб чопди. Ўрусни ўлдуриб-ўлдуриб қайтди. Ул аробадан чиқиб урушар эрди. Ахир аробанинг ичиндан чиқа билмади. Ожиз бўлди. Еттиланчи куни барча иттифоқ бирлан чоптилар. Аробага келгандан сўнг отдин тушиб кўран ичига кириб қилични қўя бердилар. Халқ ўлжага юзбурғонда ўрус қочиб дарё лабига бориб Туқ қалъасининг қўйисида яғочдин қалъя солиб бало олиб едида ўлтурди. Араб Муҳаммадхон бориб қабади. Тақи ўн беш кунда олди».<sup>1</sup>

Шундай қилиб, рус казакларининг дастлабки талончилик куткуси барбод бўлди. Кейинчалик Урганчга бостириб кирган Атаман Нечаев казакларининг тақдири ҳам шундай бўлди. Абулғозихон ёзди: «Биз дунёга келган йилнинг аввал баҳоринда (1603 йил) ўн етти киши ўрусга савдоға кетар эрди. Қўш Ёйиқ тегандада минг қозоқ ўрус бор эканди. Йўлда анга учрай қолур. Иккисини ўлтурур, сақлаған кишилардин Урганчнинг хабарин сўрап. Анинг бириси туркистонлик экандур. Ул айтур, Урганчнинг шаҳринда сипоҳдин бир киши йўқ эди. Сипоҳнинг яқин ўлтургани отлиға бир кунлик йўл. Шаҳарда танҳо раъият турур. Бир тарафи чўл. Агар чўл йўлиндин юз минг лашкар борса, шаҳарга кирганда куар. Андин илгари кўрмас. Ёт юртли киши анча қўлиндан ва тилиндан келган саъй бирлан хушомадни қилди. Ўрус мунинг сўзина фирифта бўлиб туркистонлини бошчи қилиб, минг киши келиб Урганчнинг Мирзо дарвозасиндин кирибди...

Отамиз [Араб Муҳаммадхон] ўрусадин бир киши қўймай қириб экандур<sup>2</sup>. XVIII аср бошида эса ана шундай хуруж кенг миқёсда амалга ошиди. Бу хуруж Россиянинг биринчи императори Пётр I даврида бошланди.

1713 йилда Аштархонга келган манғишлоқлик туркман савдогари Ҳўжа Нафас князь Михаил Самонов билан учрашиди. Улар тезда ўзаро тил топишиб кетишиади. Туркман савдогари ундан катта ваъдалар олади, Эроннинг Филон вилояти хукмдори бўлган, лекин айрим сабабларга кўра Россияга қочиб келиб насроний динига ўтган бу кимса Ҳўжа Нафасни Санкт-Петербургга таклиф қиласи. Ҳўжа Нафас бу шаҳарда чўқинтирилган яна бир мусулмон-князь Бекович-Черкасский билан танишиади. Ҳўжа Нафас унга Амударё соҳили олтин қумларга бойлиги ҳақида гапиради. У Россия учун олтиннинг нақадар зарурлигини яхши англағани учун бу ҳақда Пётр I га ахборот беради.

<sup>1</sup> Абулғозий Баҳодирхон. Шажараи турк. Тошкент, “Чўлпон”, 1992, 158—159-бетлар.

<sup>2</sup> Уша асар. 167-бет.

Шунинг учун Пётр I Хўжа Нафасни шахсан ўз хузурига чақириди. Хўжа Нафас у билан қилган сұхбатида қадим замонларда Амударё Каспий дengизига келиб қўйилганини, аммо, кейинчалик маҳаллий аҳоли дарёни тўғон билан тўсганини ва қуриган ўзан ҳам олтинга бойлигини айтади. Хўжа Нафаснинг маълумотларини айнан шу вақтда Санкт-Петербургга келган Сибирь губернатори Матвей Гагарин ҳам тасдиқлайди ва Ёркент шаҳри яқинида Сирдарё соҳилидан олиб келинган олтин намуналарини унга кўрсатади. Пётр I энди махфий режа тузиб, бу олтинларга эга бўлиш учун икки экспедиция жўнатишга қарор қиласди. Капитан Иван Бухгольц раҳбарлиги-даги биринчи экспедиция Сибирь орқали Тобольскдан Иртиш дарёси бўйлаб Ёркентга бориши керак эди. Бу гурӯх 1715 йилнинг бошларидаги йўлга чиқиб, Ямишев кўлига етиб боради ва у ерда истеҳком қуради. Аммо, бу ерларда яшаётган қалмоқ қабилалари ажнабийларнинг қальясига ҳар тарафдан хужумлар ўюштиравергач, Бухгольц орқага чекинишга мажбур бўлади<sup>1</sup>. Ўрта Осиё орқали ўтиши керак бўлган иккичи экспедиция эса Хива хонлигига бориши, унга рус гвардиясини таклиф этиши ҳамда Амударёни эски оқимига буриш имкониятларини аниқлаши, сўнг эса Бухорога ўтиб, амирнинг ҳам Россия паноҳи остига ўтишини таъминлаши лозим эди<sup>2</sup>.

Бу экспедицияга подшо гвардияси Преображенск полки поручиги Александр Бекович-Черкасский раҳбар қилиб тайинланди.

### **Мавзууга оид хужжат**

#### **Пётр I нинг Бекович-Черкасскийга йўрикномаси**

1. Амударё бир вақтлари Каспий дengизига қўйилган жойда 1000 чақимни камрайдиган ҳарбий истеҳком курилсин. Амударё оқимини ва тўғонларни синчковлик билан урганиб, имкони булса эски йўлга буриб юборилсин. Сувни Орол дengизига йўналтирадиган тўғонлар бузилин. Бу ишларни бажаришга қанча киши кераклиги аниқлансан.

2. Хива хонлигининг рус давлати тобелигига ўтишига эришилсан ҳамда бизнинг манфаатларимизга хизмат қилиш шарти кўтарса, ҳарбий қисм қолдирилсин. Агар хон рози бўлса ва шароити кўтарса, ҳарбий қисмни ўзи таъминласин. Бордио, буни қила олмаса, ҳарбий қисмни бир йил давомида таъминлаш кафолати берилсин, кейинги йиллардаги харажатлар эса унинг зиммасига юклатилсин.

3. Агар Хива хони розилик билдиурса, у вақтда хон кишиларига икки русни кўшсин ва улар Сирдарё суви бўйлаб олтин борлигини аниқлаш учун Ёркентга жўнатилсин. Шунингдек, хондан савдогарларимизнинг Амударё бўйлаб Ҳиндистонга боришлиари учун кемалар бериши сўралсин. Савдогарлар кетаётгандарига куруқлик ва сув йўлларини, дарё ва кўлларини, айниқса Ҳиндистонга борадиган йўлни яхши ургансинлар ва маълумотлар тўпласинлар. Агар савдогарлар Ҳиндистонга Каспий дengизи орқа-

<sup>1</sup> Гуламов Х.Г. Из истории дипломатических отношений России с Бухарским ханством XVIII в. Ташкент, 1992, 40—44-бетлар.

<sup>2</sup> Уша жойда.

ли борадиган йўл мавжудлигини эшитсалар, у вақтда шу йўл билан орқага қайтсингар ва кўрганларини қоғозга туширсингар.

4. Хива хонидан Бухоро хонлигининг рус давлати тобелигига ўтишга хохиши бор-йўқлиги аниқлансан. Бордию бундай истак бўлмаса, дўстлик муносабатлари ўрнатишига эришилсин.

5. Кўрсатилган топширикларни амалга ошириш учун 4000 кишидан иборат мунтазам қўшин ва керакли кемалар ажратилсин. Бундан ташқари, Ейик казакларидан 1500, эшкакчилардан 500 ва отликлардан 100 киши берилсин. Улар савдо карвонларини муҳофаза қилиш ниқоби остида Аштархондан ҳарбий қалья ва шаҳар куриладиган жойга, яъни Каспийнинг шарқий қирғогига юборилсин. Қўшин командирлари барча жойлардаги туб аҳолига нисбатан хушумомалада бўлсинлар. Шаҳарни қуриш учун зарур бўлган асбоб ва чўкичлар берилсин.

6. Денгиз офицерларидан поручик Кожин ва навигаторлардан 50 ёки кўпроқ киши ҳарбий қисмга қушилсин. Кожин савдогар ниқобида иш юритиши, навигаторлар эса Ёркентга юборилиши лозим<sup>1</sup>.

Пётр I нинг ҳарбий истеҳкомлар қуриш ва шу йўл билан Каспий денгизининг шарқий қирғоқларида рус давлатининг таъсирини ўрнатиш ҳақидаги кўрсатмасини бажариш учун у 69 кемада Каспий денгизи бўйлаб йўлга чиқди. Тикқараған деган жойдан Манқишлоққа келиб, бу ерда Авлиё Пётр номида ҳарбий истеҳком қурди. Иккинчи қалья Красноводскда барпо этилди.

1717 йил кўклиамида Бекович-Черкасский ўз қўшинининг бир қисмини йўл бўйига қўйиб, ўзи қолган аскарлари билан кемада Каспий денгизи орқали Гурьевга келди.

Қалмоқлар хони Аюка Бекович-Черкасскийни Хивадаги вазиятдан огоҳ қиласди: «Менинг Хива хонлигига бориб келган одамимнинг гувоҳлигига кура, 2000 кишидан иборат хиваликлар, қорақалпоқлар ва қозоқлар бирлашиб, чегара жойларда турибдилар. Улар йўллардаги қудуқларни кўмғанлар ҳамда жанг қилиш ниятидалар. Йўлларда жазира маисиқ оқибатида ўт йўқлигидан рус аскарлари оғир аҳволга тушиб қолмасинлар. Вазиятни батафсил тушунтириш учун 7 кишини юбормоқдаман».<sup>2</sup>

Бекович-Черкасский 3000 дан ортиқ қўшин билан 1717 йил май ойининг охири — июннинг бошларida Гурьевдан чиқиб, Хива томон юрди. Эмба дарёси irmoғinи кечиб ўтди, икки кундан кейин эса Багачат деган жойга келиб қунди. Сўнгра Дукчон, Мансулмас, Чилдоп, Сан Дурали ва Янгисув сингари қудуқли манзилларни босиб ўтди. Бироқ, жазира маисиқ ва ўтлар қовжираб кетганлиги сабабли қўшиндаги от ва туяларни боқиши гоятда оғир кечади. Бекович-Черкасский Янгисувга келгач, тинчлик ва дўстлик элчиси сифатида бораётганлигини маълум қилиш учун Шергозихон ҳузурига Михаил Каретовни жўнатди. Шундан кейин қўшин йўлда давом этиб, Шершик қудуғи ва Қоракумобод ариғи орқали Оққўл ариғи бўйига кел-

<sup>1</sup> Россия Федерацияси Марказий Давлат ҳарбий-тариҳий архиви, ВУАжамғармаси, 35-иш, 57-вараж.

<sup>2</sup> Москвадаги Қадим Актлар Давлат Марказий Архиви (ШГАДА), «Бухарские дела», кн. I, ч. II, 215—216-бетлар.



Искандарбек (Черкасский) экспедицияси қазиган қудук.

ди. Күп ўтмай унинг хузурига Хива хони Шергози номидан икки киши ва Каретовнинг бир одами келди. Улар хон номидан Бекович-Черкасскийга от, тўн ва турли матолардан иборат совға-саломларни топширди.

Ўз навбатида у ҳам Хива элчиларида дипломатик мулозаматлар курсатади. Сунг қўшини билан Хивага юришини давом эттиради. Пойтахтгача тўрт кунлик масофага етишганда Хива қўшини экспедиция билан тўқнашади. Уч кун давом этган жанг русларнинг ҳарбий устунлигини курсатади. Шергозихон босқинчиларни қурол кучи билан енгиб бўлмаслигини англайди. Хива ҳукмдори руслар хузурига ўз элчисини юбориб музодаралар бошлади.

Бекович-Черкасский ўз навбатида Хива ҳукмдорига ўзининг рус давлатининг элчиси эканлигини ва қорақалпоқлар ҳужумларидан сақланиш учун қўшин билан келганлигини маълум қилди. Орадан кўп вақт ўтмай, рус элчилари хоннинг лашкарбошиси Кулунбек ва Назархўжа исмли киши билан бирга келдилар. Қисқаси, ҳар икки томон бир-бирларига ҳужум қиласликка аҳд қилдилар. Шергозихон Эшонхўжа орқали Бекович-Черкасскийни ўз хузурига таклиф этди. Ниҳоят бунга розилик билдирган Бекович-Черкасский княз Михаил Самонов, бригадир Григорий Волков, 700 аскар ва бошқа кишилар билан хон хузурига йўл олади. У Пётр I ёрлигини, қимматли эгар-жабдуқ ӯралган от, мовут, ҳар бири 5 газдан бўлган турли газламалар, каллақанд, кумуш идишлардан иборат совғаларни хонга топширди.

Шерғозихон дўстона сұхбатлар ва меҳмондорчиликлар уюштириб капитан-поручикни яқиндан таниш, мақсадини англашга уринади. Унинг бу уринишидан қуйидаги маълумотлар аниқланади. Асли Ватани Қағ рда бўлган Искандарбек князь Голициннинг қизи Марияга уйлангач, насроний динига ўтган. Чүқинтириш маросимида Александр Бекович-Черкасский номини олган. Хорижга ўқишига юборилган. Сўнг поручик унвонида Преображенск лейб-гвардия полкига хизматга тайинланган. Подшонинг яқин ва ишончли мулозимига айланган. Хивага яқинлашганда рафиқаси Мария ва қизларининг Волгада чўкиб ўлгани ҳақида хабар олгач, дунёқараши ўзгарган. У Оллоҳнинг қаҳрига учраганини сезиб, яна мусулмонликка қайтган. Шерғозихон аниқлаган маълумотлар асосида Искандарбекка айланган Бековични қўшинни беш қисмга ажратишга кўндиради. Сўнг уларни қириб ташлайди. Хива хонининг тадбиркорлиги туфайли биринчи рус экспедицияси барбод бўлади.<sup>1</sup> Россиянинг Хивага элчилик ниқобида қўшин юборгани бу вақтда Бухорода катта безовталик уйғотган эди. Шунинг учун Бухоро хони Абулфайзхон 1716 йилда Хонкули тўпчибоши бошлиқ 61 кишидан иборат элчиларини Петербургга жўнатади.

Элчилар 1716 йилнинг 22 февралида Аштархонга етиб келди ва комендант М. Чириковга ўзининг ишонч қоғозини ва Абулфайзхоннинг мактубиний топшириди.

Айни вақт Пруссияда турган Пётр I нинг Петербургга қайтишини, кейин эса йўлларнинг очилишини кутган Хонкули тўпчибоши 1717 йилнинг май ойигача Москвада қолди. Уни зодагонлар, амалдорлар ва бой-аёнлар овунтириб турдилар, базмларига олиб боришиди. Элчига Россиянинг бойлиги ва қудратини намойиш қилишга уринишиди. 1717 йилнинг 26 июняда эса уни Петербургга иззат-икром билан кузатиб қўйишиди.

Абулфайзхон Пётр I га ёзган мактубида икки давлат орасида дўстлик муносабатларини ұрнатиши ва ўзаро савдо-сотиқ ишларини ривожлантириш истагини билдирган эди. Бухоро хони ўз мактубида Аштархонда айрим мусулмонларнинг туҳматга учраб, бегуноҳ ҳибсга олингандигини таъкидлаб, уларнинг озод қилинишини илтимос қилган.

1717 йилнинг 3 июлида Россия ҳукуматининг топшириғига кура, Ташқи ишлар маҳкамаси ходими Пётр Курбатов Хонкули тўпчишининг ҳузурида бўлди. Аммо, элчи Бухоро хонининг ёрлиқ ва мактубини шахсан Пётр I га топшириш лозимлигини айтиб, подшонинг Россияга қайтишини кутди<sup>2</sup>.

<sup>1</sup> Рус муаррихи М.Терентьев Бекович-Черкасскийни 6 минг рус аскар ва зобитларининг ҳалокати сабабкори деб ёзали. Уни насронийликдан мусулмонликка қайтганини хиёнат деб ҳисоблайди. Искандарбек ўзи Хива таҳтига ўтиришо мөччи бўлгани учун Шерғозихон томонидан ўлдирилган деган тахминни илгари суради.

<sup>2</sup> ЦГАДА, 109-жамгарма, «Бухарские дела», 1-китоб, 2-қисм.

1717 йилнинг 10 октябрида Санкт-Петербургга қайтган Пётр I Бухоро элчисини 26 октябрда қабул қилди. Шоҳларга хос одат бўйича Пётр I элчидан Бухоро хонининг саломатлигиги суриштириди. Шундан кейин Бухородан келтирилган совғасаломлар топширилди. Хонқули тўпчибоши Абулфайзхоннинг ишонч ёрлигини топширгач, асир этилган бухороликларнинг озод этилишини илтимос қилди.

Бекович-Черкасский экспедицияси ҳалокатидан сўнг ўз ренасидан қайтмаган Пётр I энди ўз нигоҳини Бухорога қаратади. Шунинг учун подшо ва унинг вазирлари, хусусан, зобитлар элчига зўр қизиқиш билан қарадилар. Улар Хонқули тўпчибоши қачонлардир Оренбург гарнizonи капрали Андрей Родиков бўлганини эшитишган эди. Асир тушиб қолган бу зобит Хива да қул тариқасида сотилгани, Бухоро шаҳзодаси Абулфайз уни ўз хизматига олиб, армияда катта лавозимга қўйгани тарихини ҳам билишарди. Андрей Родиков ўз даражасига кўра, генералдан ҳам юқори унвондаги Бухоро амалдори экани ҳам бу қизиқиши оширган эди. Собиқ капрал энди Хонқули тўпчибоши номида қирқ йилдан сўнг ўз ватанида ўзга юртнинг элчиси сифатида турарди<sup>1</sup>. Пётр I Бухоро элчиси билан қилган шахсий сұхбатида унинг бутун тарихини билиб олди ва унга ҳурмати ошди.

Хонқули тўпчибоши Абулфайзхоннинг топшириқларини баъжарип бўлгач, Бухорога қайтиб кетиши олдидан хотини ва қизи Петербургда умрбод қолмоқчи эканини подшога айтганида Пётр I элчининг бу илтимосини қондиргани ҳам бежиз бўлмаган. Ўз бурчига содиқ бу рус зобитининг Бухоро хонига садоқати подшони ажаблантириди.

Пётр I Россиянинг Бухоро билан яхши муносабатда бўлиши сиёсий мақсадларда қўл келишини яхши англар эди. Шунинг учун у Абулфайзхонга ёзган жавоб мактубида ўзаро савдо-сотиқ алоқаларини йўлга қўйишдан мамнунлигини билдириди ва бундан бўён Бухоро савдогарларидан бож-хирож олинмаслигини хабар қилди.

Бухоро хонининг Россиядаги асиirlарни озод қилиш ҳақидаги илтимоси ҳам ижобат топди: «Ута хавфли жиноят содир этиб, ўлим жазосига лойик бўлган» бухоролик икки киши умрбод сургун қилинди, бошқалари озод этилдилар<sup>2</sup>. Пётр I Абулфайзхоннинг Бухорога «идрокли одам»ни элчи қилиб юбориш тўгрисидаги илтимосига алоҳида эътибор билан қаради. Чунки Бухоро хони Абулфайзнинг Пётр I дан ўз элчисини юборишни илтимос қилиши рус ҳукуматининг манфаатларига тўла мос келар эди. Бухорога боришга ҳозирлик кўраётган Флорио Бене-

<sup>1</sup> Ўша жойда, 177-варап.

<sup>2</sup> Яковлев П. Русский капрал Топчи бashi Бухарского хана. Отеч. Зап. ч. II, СПб, 1822, 366—370-бетлар.

вени бошчилигидаги элчилик жамоасининг тараддуди Абулфайзхон илтимосига жавоб бўлди.

Рус подшоси Пётр I ҳузурида юқори лавозимда турган Ф.Беневени асли италиялик бўлиб, «форс ва турк тилларини яхши билар, ўзига топш» ёилган элчилик вазифасини бажара оладиган даражада бой тажрибага эга» одам эди.

Ф. Беневени бошлиқ элчиларни жўнатиш билан шахсан Пётр I ҳамда унинг энг яқин ёрдамчилари: каншлер Г.Головкин ва унинг үринbosари П.Шафировлар шуғулланганлиги учун Бухоро хони Абулфайзхон ҳам бу ташрифга ўта қизиқиш билан қаради.

Флорио Беневени элчилигининг мақсад ва вазифалари 1718 йилнинг 13 июлида имзоланган маҳфий йўриқномада очиқ-оидин кўрсатиб берилган. Етти моддадан иборат ушбу йўриқномада Ф. Беневенига ўз сафари чогида иқтисодий ва географик аҳамиятга молик ерларни бухороликларга сездирмасдан эслаб қолиш, Каспийга қўйиладиган катта-кичик дарёлар ва мавжуд кемалар, шаҳарлар ва истеҳкомлар ҳақида маълумот тўплаш топширилган эди. Бу топшириқлар ичida унинг ҳам Бухорода Эрон элчиларига кўрсатиладиган даражада иззат-икром билан кутиб олинишига эришиш лозимлиги алоҳида уқтирилган эди. Бундан ташқари, Ф. Беневени Бухоро хонлигининг қальъалари ва қўшинларининг умумий сони, армиясининг тузилиши ва аҳволи, бошқариш усули, Бухоронинг Эрон, Хива ва Туркия билан муносабатлари ҳақида тўла маълумот тўплаши ҳамда Россия билан Бухоро давлати ўртасида савдо-сотиқни ривожлантиришда мавжуд имкониятларни аниқлаш билан бирга, Ўрта Осиё дарёларида олтин заҳиралари ҳақида маълумотлар тўплаши ҳам лозим эди. Ф. Беневенига Бухоро хонига соқчилик учун рус гвардиясини таклиф этиш ва бу ишнинг осон кечиши учун Хонкули тўпчибошининг кўнглини топиши алоҳида уқтирилган.

Рус подшоси Пётр I Ф.Беневенини жўнатиб, хонликнинг иқтисодий, ҳарбий, фуқаролик ва дипломатик аҳволи ҳақида етарли тасаввурга эга бўлмоқчи эди. Чунки Россия учун хавф қудратли Усмонли турк давлати томонидан кутилган бўлиб, Туркияning Эрон ҳисобига янада кучайиши ва Ўрта Осиёга кириб бориши натижасида Россияни мушкул аҳволга солиб кўйиши эътиборга олинган эди.

Россияning Бухоро билан «дўстона» муносабатда бўлишга уриниши айни пайтда Хива билан бўлган муносабатларининг узилиши билан ҳам боғлиқ эди. Иккинчи томондан, Ф. Беневенига берилган йўриқнома бирмунча вақт олдин Эронга юборилган А.Волинскийнинг вазифаларига жуда ўхшар эди. Пётр I Бухоро ва Эронга ўз элчилигини юбориб, дикқатини Шарққа қаратган ва бу ерларда Туркияning таъсирини синдириш пайига тушган эди. Шу тариқа, керакли кўрсатмалар олган Ф. Беневени

вени 1718 йилнинг 13 ноябрида Аштархонга етиб келди ва Бухорога жўнаётган Хонкули тўпчибоши билан учрашиди.

1721 йилнинг 6 ноябрида Ф.Беневени ва унинг ҳамроҳлари Бухорога етиб келдилар. Рус элчиларининг Бухорога келиши айrim маҳаллий зодагонларга ёқмади, улар руслар таъсирининг ортиши ўзларининг мавқеларига футур етказишидан хавфсирап эдилар.

Шу пайтда Бухоро хонлигига ўзаро уруш-талашлар авж олиб, мамлакатнинг бошқарув тизими анча заифлашган эди. Хонликда олий лавозим — оталиқ мансабини талашиб қилинган ҳаракатлар туфайли амалдорлар икки қарама-қарши гуруҳга ажralиб қолган эди. Масалан, Россия элчилари Бухорога келгач, орадан бир ой ўтар-ўтмас, Фарҳодбий оталиқ үлдирилади ва унинг ўрнини Мұхаммад Ҳакимбий эгаллайди.

Бухоролик амалдорларнинг кўпчилиги Россияга қараганда Эрон билан яқин муносабатда бўлиш тарафдори эдилар. Шунинг учун улар хон томонидан Бухорога кейинроқ келган Эрон элчисини Ф.Беневенидан олдин қабул қилишига эришмоқчи бўлдилар. Аммо, халқаро нуфузда Эрон Россия билан тенглаша олмаслигига ақли етган Абулфайзхон Ф.Беневенини аввал қабул қилди. Хон Россия салобатига керагидан ортиқ даражала ҳурмат билан қарап эдики, буни сұйиistemол қилган такаббур Ф.Беневени муқаддас шаҳарда қабул қилинган одатни бузиб яёв эмас, отлиқ кирди, гўё бу удумни билиб-бильмасликка олди.

Россия элчиси Бухорода 3 йилдан ортиқ турди ҳамда Бухоро ва Хива давлатининг ички-ташқи сиёсати, иқтисодиёт, табиий бойликлари ҳақида қимматли маълумотлар тўплади. Бу юмушларнинг ҳаммасини бажариш, табиийки, жуда қийин эди. Бунинг устига, амалдорларнинг кўпчилиги Беневенига нисбатан яхши муносабатда эмас эдилар. Шунинг учун Беневени ўзига хайриҳо бўлган ва ҳатто хонга ҳам таъсир этиши мумкин бўлган хўжа Улфат ёрдамидан фойдаланди.

Ф. Беневени Абулфайзхон билан яkkама-якка учрашиб, Россиянинг ёрдамини таклиф этмоқчи эди. Аммо Россия элчиси бу ниятига эриша олмади. Россияга жуда катта умид билан қараса-да, хўфёна учрашув сарой амалдорларининг шубҳасига сабаб бўлиши мумкинлигидан чўчиган Абулфайзхон Беневени билан доимо бошқалар иштирокида суҳбатлашган. Ф.Беневени пихини ёрган дипломат бўлганидан, Абулфайзхон турли зодагон гуруҳдарнинг ногорасига ўйнайдиган қўғирчоқ хон бўлиб қолганлигини англаб етган эди. Айни пайтда Бухоро ва Хива хонлари ўртасида зиддиятлар авж олиб борарди. Бухоро хони Абулфайз ўзининг сиёсатидан норози бўлган амирларнинг Хива хони Шерғозихон билан яширинча тил бириктириб, Бухоро таҳтига тажовуз қилишни кўзлаган сиёсатидан хабардор эди. 1721 йилда Шерғозихондан норози бўлган бир гуруҳ хиваликлар ёрдам сўраб Бухорога келдилар ва Абулфайзхон бир

нече марта Урганчга юриш уюштируди. Аммо бухороликлар ҳар сафар мағлуб булиб, чекиндилар. Уч йил давомида хонликда кечган бу воқеалар, табиийки, Ф. Беневенининг назаридан четда қолмади. У имқун топиб бу ҳақда Пётр I га маълумот жўнатиб, бунда асосий айбдор деб Хива хони Шерғозихонни кўрсатди ва мабода рус қўшиналари Хивага киргудек бўлса, Бухоро хони бундан хурсанд бўлишини маълум қилиди.

Шерғозихон эса қалмоқ ва нўғай савдогарларидан Россиянинг жанубга томон юришга ҳозирлик қураётганини эшитгач, ваҳимага тушди ва Бухорога элчи жўнатиб, Хивага хавф солаётган кулфат эртага Бухоронинг бошига ҳам тушиши мумкинлиги, шунинг учун ўртадаги низони бартараф этиб, умумий душманга қарши биргалашиб курашишни таклиф қилди. Аммо унинг элчилари Абулфайзхонни ўз таклифларига кўндира олмадилар.

Хонликдаги вазиятни чуқур таҳлил қилган Ф. Беневени Бухоро салтанатининг бекарорлиги ва айниқса, ички ихтилофлар уни босиб олишни осонлаштиради, деган холосага келади. У ўзининг яна бир махфий вазифаси мамлакатнинг олтин заҳиралари билан ҳам қизиқиб, керакли маълумотларни тұплади.

Пётр I Хонқули тұғчибошининг ҳикояси, Кантемирнинг «Тизим китоби ёки Мұхаммад динининг аҳволи»<sup>1</sup> асари ва Беневени ахборотларидан ислом динининг моҳиятини, аҳамиятини англаб олди ва ундан империя манфаатлари йулида фойдаланиш учун махфий режа түзди. Бу режага күра, империя таркибидаги мусулмон үлкаларida ислом уламолари насроний руҳонийларга қараганда катта ҳуқуқ ва имтиёzlарга эга бўлиши лозим эди. Пётр I нинг узоқни кўзлаб тузилган режасида ўзбек хонликларини тобеъ қилиш учун қозоқлар даштида русларнинг таъсирини кучайтириш алоҳида ўрин эгаллади.

Бу вақтда, яъни XVIII асрнинг биринчи чорагида, кўчманчи қозоқлар Ёйик дарёси ва Қаспий денгизидан Хива хонлиги чегарасигача бўлган улкан ҳудудда, Катта, Ўрта ва Кичик жузга бўлинган ҳолда, истиқомат қилас әдилар. Қозоқ сultonлари ўртасидаги ўзаро урушлар уларни тобора заифлаштириб бормоқда эди. Шу ҳудудда яшаган қалмоқлар ҳам тез-тез қозоқлар устига юришлар қилас, ўзаро қонли тўқнашувлар булиб турарди.

Қозоқларга 1723 йилдаги очарчилик жуда қимматга тушди. Улар ноҷор бир аҳволда ташқаридан ёрдам кутдилар. Кичик жуз оқсоқоли Абулхайрхон 1730 йилга келиб Россия давлатига мурожаат қилиб, ўз жузининг Россия паноҳига олинишини сўради. Кичик жуз ва бошқа жузлардаги айрим зодагонларнинг қаршилигига қарамай, Кичик жуз 1732 йилда Россия империя-

<sup>1</sup> Mehmet Saray. Rusisgali Devrinde Osmanli Devleti ile Turkistan Hanliklari Arasindaki siyasi Munasebetler. Istanbul, 1990, s-11.

си ҳимоясига ўтди ва Абулхайрхон чўл орқали Ўрта Осиёга ўтадиган ва у ердан қайтадиган рус савдо карвонларини талончилик ҳужумларидан ҳимоя қилишни ўз зиммасига олди. Кейинроқ — 1739—1740 йилларда Ўрта жуз, 1747 йилда Катта жуз ҳам Россия тобелигига ўтиши билан рус ҳукуматининг Ўрта Осиё томон ҳаракат қилиши учун қулай имконият юзага келди. Рус ҳукумати топшириғига биноан қозоқ даштларида мустаҳкам ўрнашиб олиш ва ўзбек хонликларини босиб олишга тайёргарлик кўриш мақсадида кўплаб ҳарбий қалъя ва истеҳкомлар курилди. Faқат XVIII асрда қозоқ жузлари ҳудудида 46 та катта ва 96 та кичикроқ ҳарбий қалъя ва истеҳкомлар курилди ва уларга ҳарбий қисмлар жойлаштирилди.

Россия ҳукумати ўзининг мустабидлик манфаатлари йўлида ўзбек хонликларининг савдогарлари фаолиятини чеклаб қўйишдан ҳам тоймаган. Бундан ташқари, Россия стратегик ҳом ашё ҳисобланган металларни (мис, қурғошин ва бошқа), улардан ишланган буюмларни Ўрта Осиёга чиқаришни таъқиқлаган эди. Бундай сиёсатдан норозилик Бухоро ва Хива хонларининг Россияга юборган элчиликлари фаолиятида катта ўрин эгаллаган. Улар рус савдогарлари ўзбек хонликларида эркин савдо қилаётганларини эслатиб, шундай шароит ўзбек савдогарларига ҳам яратилиши кераклигини Россия ҳукумати олдига қўйишган. Аммо ўзбек савдогарлари бундай чеклашларга қарамай, тадбиркорлик билан иш юритиб, Россиядан ўз мамлакати мудофааси учун зарур ҳом ашё ва буюмларни олиб келишган. Эрназар Мақсуд ўғли ана шундай тадбиркорлардан бири эди.

### **Мулоҳаза учун ахборот**

#### **Элчи савдогар**

Табиатан иқтидорли, мадрасада таҳсил олган, юрт таниган Эрназар Мақсуд ўғли ҳам саёҳат, ҳам тижорат мақсадида Россия билан яқиндан танишади.

Россия давлатининг архивларида Бухоро амирлиги ана шу фуқаросининг шахси ва фаолиятига доир ҳужжатлар сақланади. Ҳукумат арконларининг ҳужжатларида у дастлаб мулла, савдогар ва дипломат сифатида тилга олинади. Россия империяси Давлат кенгаши ва ҳукуматига тегишли ҳужжатларда, хусусан, унинг ўлимига оид хабарда Эрназар Мақсуд, ўғли «миллатига шон-шараф келтирган» шахс сифатида улуғланади. Унинг 1745 йилдан 1780 йилгача Россия билан bogланган фаолиятига ниҳоятда юқори баҳо берилади.<sup>1</sup>

Хуш, бундан 250 йил муқаддам Россиянда шұхрат қозониб, унинг подшолари зытибори ва ҳурматини қозонган бу зот ким эди? Биз қўйида тижоратни сиёсат, шахсий фойдани юрт манфаати билан узвий bogлаб иш юритган Эрназар Мақсуд ўғли фаолиятидан айрим жиҳатларнигина ёритаяпмиз, холос.

<sup>1</sup> Карап г.: X. Г. Гуламов. Из истории дипломатических отношений России с Бухарским ханством XVIII в., 81—95-бетлар.

1754 йилда Россия императрицаси Елизавета ўз саройида Шарқ элла-ридан келган бир гурух савдогарларни қабул қилди.

Гвардия зобитлари ёр, мида уюштирилган давлат тұнташи натижасыда таҳтни әгаллаган Елизавета шижаотли ва тадбиркор аёл эди. У худди отаси Пётр I сингари Шарқ билан қызықар, айниқса, нодир тошлар, қымматбахо гавхар ва дуру жавохирлар йигишиңа җаваси баланд эди.

Елизавета савдогарлар билан сұхбатлашиб, уларнинг молларини күздан кечиради. Унинг дикқатини Бухоро савдогари Эрназар Мақсұд ўғли жалб этади. У бошқа савдогарларга нисбатан узининг муомаласи, тавозелилиги, дадил ҳаракатлари ва рус тилида эркін сұзлаши билан ажралип турарди.

Бухоролик савдогар Елизаветадан пулат ва қурғошин сотиб олишга рухсат берилишини илтимос қиласы. Ҳамма савдогарлар биринчи навбатда ўз манфаатини күзласа, у ўз мамлакатининг мудофааси учун зарур нарсаларни сұрамоқда эди. Елизавета узи танлаган қымматбахо тошлар учун қанча тұлаш лозимлигini сұраганда, Эрназар Мақсұд ўғли ҳозиржавоблик билан мусулмон савдогарлари одати буйича молларнинг әнг сараси аввало юрт ҳұмдорига тұхфа этилишини баён этиб, барчани үзиге мафтун қиласы. Үшанда сарой мұлозимлари ҳам унинг тұхфаларидан баҳраманд булишди.

Эрназар Мақсұд үлгіга императрица учун зарур моллар рүйхатини берип, уларни келасы үйлігача олиб келишини тайинлашади. Шундай буюртмаларни сарой амалдорларидан ҳам олган эди. Шундан кейин Эрназар Мақсұд ўғли оддий савдогар эмас, балки Россия ҳукумати аъзоларининг шахсий таъминотчисига айланади. Унинг узи ва шериклари учун Россия бозори билан бирга барча идораларнинг эшшіләри ҳам кенг очилди. У бундай кенг ваколат па имкониятлардан -уз фойдаси учун эмас, балки, әнг аввало, ватанни манфаатларни йүлида фойдаланды. 1762 йили у Россия ҳукуматидан бухороликларнинг Маккага ҳаж қилиши учун Эрон орқали эмас, балки Аштархон орқали үтишига рухсат берилишини илтимос қиласы.

Елизаветаниң үлімидан сүнг таҳтта үтирган император Пётр III Эрназар Мақсұд ўғли илтимосини қондиришга рози булиб, бу ҳақдаги фармонға имзо чекади. Шундан кейин мусулмонлар учун Маккага бориш йўли қисқариб, кулагай имкониятлар туғилди.

1774 йилда Эрназар Мақсұд ўғли Бухоронинг расмий элчиси сифатида Аштархонга катта карвон билан етиб келади. Божхона ходимларининг ҳисоб-китобига қараганда, у олиб келган молларнинг умумий ҳажми 40 тоннадан зиёд эди. Эрназар Мақсұд ўғли ўз юкларини кемада көлтиригандың савдогар Пётр Вольновоиновга йўл ҳақи учун 1300 сүм тұлаган. Аштархон портигинин божхона тафтишчилари ҳайъати ундан Россияга көлтирилған моллари учун 2 минг сүм бож тұлашны талаб қиласы. Аммо Эрназар буни раф этиб, Санкт-Петербургдан махсус ваколати борлигига ишора қиласы. У үзининг яқин одамларини императрицаға мұлжалланған совға-саломлар ва буюртма моллар билан зудлик илиа пойтахтга жунатади. Эрназар божхона-даги даъволарни ва үзиге булған мұносабат ҳақида канцлер Н.Панин номи-га атап алған мактубни ҳам қүшиб юборади. Жавоб уни узоқ күттириб күймайди. Санкт-Петербургдан императрицаниң Эрназар Мақсұд ўғлидан хеч қандай бож олмаслик ва уни зудлик билан пойтахтга үтказиб юбориш ҳақида фармони келади.

Бухоро элчиси 1775 йил 27 март куни Россия ҳукумати бошлиғи канцлер Н.Панин томонидан қабул қилинади. 5 апрелде эса уни Екатерина II, валиаҳд Павел ва хос кишилар ҳұрмат билан күтиб олишади. Эрназар Мақсұд ўғли элчи сифатида Бухоро ва Россия үртасидаги савдо-сотиқи кенгайтиришга оид тақлифларини баён қиласы. У Бухоро савдогарларидан Россиянинг Аштархон, Оренбург каби чегара шаҳарларда олинадиган бож солиқларини камайтириш ва Россиянинг ичкарисидаги шаҳарларда эркін савдо қилишга ижозат берилишини сұрайды.

1775 йил 25 июняда Эрназар Мақсұд үглини вице-канцлер Остерман қабул қилиб, унга Россия ҳукуматининг илтимосларини баён қиласы. Бухоро элчиси вице-канцлернинг савдо-сотиқ йўллари, ички ва ташки бозор

имкониятлари ҳақидаги барча саволларига жавоб берібгина қолмай, Бухоро — Россия алоқаларини көнгайтириш, янада ривожлантиришга оид қатор тақлифларни ҳам кирилди, уларнинг айримлари Давлат кенгаси мұхқакасиға кирилди. Ташқи Ишлар ҳайъати хужжатларида Бухоро әлчиси шахсига доир рус амалдорлари берган юксак баҳолар көлтирилган.

Эрназар Мақсуд үглига Россия ҳукумати катта совға-саломлардан ташқари, Каспий денгизидеги бир кемани шахсан тұхфа қилиб, унға савдогар сифатида империя худудида беш йил давомида эркін савдо қилиш ва қиймати 10 минг сүмгача бұлған молларидан бож олмаслик ҳуққини берди. Унға 15 минг пуд темір, 5 минг пуд пұлат, 3 минг пуд мис сотиб олиш ва Бухорога юборишига ижозат берилді. Яна шуны ҳам айтиш керакки, фармонда ана шу стратегик аҳамиятта молик моллардан бож олмаслик ҳақида ҳам алоҳида күрсатма бор эди.

Императрица ўзига иккى тоннадан зиёд атир-упа, доривор гиёхлар ва турли-тұман атторлық моллары көлтирган Эрназарга миннатдорчilik сифатида Бухорода үз номи билан аталувчи мадраса қуриш учун катта пул инъом қиласы<sup>1</sup>.

Бухоро әлчисига курсатилаётган муруват вә ҳұрмат Россиядаги бошқа давлатларнинг әлчиленін ажаблантиради. Чunksи улардан ҳеч бири император саройда бундай әтъиборға эга емес эди. Ҳусусан, Туркия сұлтонининг Россиядаги вакили шахсан Эрназар Мақсуд үгли билан сұхбатлашади вә бу ҳақда үз ҳұмдорига ахборот беради. Турк сұлтони Бухорога одам юбориб, Эрназарни үз саройига буюк әлчи сифатида жұнатышни илтимос қиласы.

Эрназар Мақсуд үглиниң Россиядаги нүфузи Бухоро ҳукуматини ундан янада унумли фойдаланыш көркелгиге үндайды. 1779 йилда Бухоро ҳукумати Эрназар Мақсуд үглини ўзининг Россия ва Туркиядаги буюк әлчиси қилиб тайинлайды. Унға гоят қалтис вә мұраккаб вазиға топширилади. Бу Бухоронинг таниқи савдогары, фозил уламоси вә дипломатининг ҳәётідеги янғын вазиға эди.

Бухоронинг Россия салтанаты вә Туркия давлатидеги буюк әлчиси Эрназар Мақсуд үгли зыммасидеги асосий вазиға үша вактда мұсулмон дүнесидеги катта күч-құдратга эга бұлған Туркия билан алоқаны мустаҳкамлаш билан болғылған. Шу билан бир вактда, Россияда ҳам Бухоронинг таянч нұкталарини барпо этиш, нүфузли сиёсіт-харбий, савдо вә саноат доиралары билан иккى томонлама үзаро манбаатты алоқаларни мустаҳкамлаши зарур әди. Бу ишда Эрназар Мақсуд үглиниң 35 йиллик тажрибасы, Россия ҳукумат арбоблари вә шахсан давлат бошлиғи императрица Екатерина II билан шахсий мұносадатлары мүхим роль үйнаши лозим әди.

1780 йил январида Санкт-Петербургта етиб көлган Эрназар Мақсуд үглини рус амалдорлари зұр ҳұрмат-әтъибор билан күтиб олишади. Юксак лавозимдеги барча амалдорлар әлчининг совға-саломларидан баҳраманд булишади. Шахсан Екатерина II унға ўзига көлтирган Бухоро қовунлары учун миннатдорчilik билдиради. Ташқи ишлар коллегияси раҳбарлары унға Бухоро савдогарларидан олинадиган божнинг камайтирилганини ҳамда Мәккага ҳақ құлувчи мусулмонлар учун барча құлайликлар вә йўл ҳавфисизлиги таъминланғанини маълум қилишади.

Ҳукумат бошлиғи граф Никита Панин Эрназар Мақсуд үглини расман қабул қилиб, юксак мартабали мәхмөн сифатида сийлайди вә яқин күнларда уни императрица қабул қилишини маълум қиласы. Улар Бухоро-Россия савдо-сотиги масаласига оид қатор шартномалар ҳусусида сұхбатлашадилар. Ҳусусан, Эрназар Мақсуд үгли ҳукумат бошлиғига Бухорода рус савдогарлары эркін юрганы вә қатор имтиёзларға эга бўлгани ҳолда, Бухоро савдогарлари Россияда кўп қийинчиликлар, таъкиқ ва чекланишларга дучор бўләйтганини айтиб, тегишли чоралар кўрилишини илтимос қиласы.

<sup>1</sup> Эрназар ёки әлчи мадрасаси деб аталувчи бу мұхташам бино Бухорода қад ростлаб, бугунги күнгача сақланиб келмоқда.

Рус дипломатлари Бухоро элчиси тақдим этган расмий ёрлиқ ва мактубларни чуқур урганиб, Бухоро ҳукуматининг Эрназар Мақсуд ўғлига берилган катта ваколатлари бежиз эмаслигини англадилар.

Бухоро хонининг мактубида, энг аввало, Россия императрицасига ҳурмат-эхтиром билдирилиб, сунг Туркия сultonининг исми-шарифи ёзилган эди. Бундан, дипломатия тилида айтилганда, биз учун биринчи ўринда Россия билан муносабат масалалари туради, деган маъно англашиларди. Туркия билан уруш ҳолатида булган Россия Бухоронинг Туркия иттифоқчи сига айланishi қандай оқибатларга олиб келишини яхши тушунган. Эрназар Мақсуд ўғли эса худди шу рус ҳудудидан Туркияга ўтиши керак. Бу Россия манфаатларига мутлақо зид бўлгани ҳолда, дини ислом марказига айланаб бораётган Бухоро учун ғоят муҳим ва зарур эди.

Эрназар Мақсуд ўғли зиммасидаги вазифа ана шундай мураккаб ва нозик эди.

Элчи ўзининг кўп йиллик танишлари ва алоқаларини ишга солди. 1780 йил априлида Екатерина II Бухоро элчисини расман қабул қилиб, унга ва ҳамроҳларига илтифот кўрсатди. Элчи талабларидан кўпининг қабул қилиниши ва шахсий илтимосларининг бажо келтирилиши маълум қилинди. Императрица Бухоро фуқароларининг Россия орқали Мakkага ҳаж сафарига боришлари учун шароит яратилишини ва Бухорога мис сотишга руҳсат берилишини ҳам айтди. Екатерина II Эрназар Мақсуд ўғлини Туркияга етиб бориши учун фахрий соқчилар ажратилганини ҳам таъкидлади. Шу тариқа Бухоро элчисига нисбатан императрицанинг ҳурмати Россия манфаатларидан устун келди. Яна шу ҳам диккатга сазоворки, Россия ҳукмдори Бухорога йўллаган жавоб мактубида Эрназар Мақсуд ўғли император саройида ўз одами эканлиги боис, Бухоро хонининг илтимослари бажо келтирилажагани алоҳида таъкидлади. Шу билан Екатерина II ҳукумати Бухоро элчисига бўлган буюк ҳурмат ва эътиборини ошкорга намойиш қилган эди.

Россия бунга қадар ҳеч қандай давлат элчисига бундай марҳамат кўрсатмаган эди. Россия ташқи сиёсатини юргизувчи идораларининг ҳужжатларида у «Россия билан яқинлашишни дилдан истайдиган киши» эканлиги, «ақлли, айёр ва тадбиркор» савдогар ҳамда «жуда тавозели ва билимдан» уламолиги кўрсатилиади. Элчи паноҳида Мakkага кетаётган кўпгина мусулмонлар ҳам рус соқчилари кузатувида Туркия ҳудудига етиб олишибди. Туркия сultonи Эрназар Мақсуд ўғлини ҳурмат билан қарши олади. Уртада Бухоро ва Туркия муносабатларига оид сұхбатлар бўлиб утади. Сұхбатларнинг мазмунига доир ҳужжатлар XVIII асрдаги мусулмон олами, давлатлари ва сиёсати ҳакида қўймалари маълумотлар беради.

Манбаларда Эрназар Мақсуд ўғли «Бухоро савдогари, карвонбоши, мулла ва элчи», «миллатига шараф келтирган», унинг обрўсини чет элларда кутарган ажойиб инсон сифатида таърифланади<sup>1</sup>.

XVIII аср охири ва XIX аср бошларидаги Россия-Туркия уруши, Россия-Франция муносабатларининг кескинлашуви ва Наполеоннинг Россияга юриши Россия ҳукмрон доираларининг эътиборини Ўрта Осиёдан бироз чалгитди. Тахтга Николай I (1825—1855) чиққач, вазият ўзгарди.

Қўқон хони Муҳаммад Али (1822—1842)нинг Россия тарафидан ўюштирилаётган ифвогарликлардан жиддий ташвишланиб, ўз элчиларини Россияга юборгани бежиз эмас эди. 1825 йилда Тошкент күшбегиси хон номидан Соатбек Султонбековни Сибирга элчи қилиб жуннатади. Элчи Омскда рус маъмурлари томонидан қабул қилинади ва Күшбеки томонидан Сибир генерал-

<sup>1</sup> Гуламов Х. Г. Кўрсатилган асар, 95-бет.

губернатори номига ёзилган маҳсус хатни топширади. Хатда, жумладан, шундай дейилади: «Қадим замонлардан бери Иртиш дарёсининг бу томонини биз, нариги томонини Россия назорат қиласр эди. Лекин ҳозир биз олган маълумотларга қараганда, руслар Иртишдан бу ёқса ўтиб, бизнинг диндошларимиз ерида қурилишлар олиб бормоқдалар. Шу муносабат билан бизнинг хонимиз сиз жаноби олийларига ушбу хатни ёзишни ва бу қурилишларнинг сабабини сўрашни буюрдилар: Сиз буни ўз ихтиёргиз билан қилаётисизми, ёки олий ҳазрат буйруғига мувофиқ бажаряпсизми? Ўз ҳукмдоримга батафсил ахборот беришим учун мени шу тўғрида хабардор қилишингизни сўрайман... Бундан ташқари, маълум қиласманки, руслар бизнинг давлатимизда савдо ишлари билан баъзан икки йиллаб қолиб кетади, лекин биз уларни динимизга киришга мажбур қилмаймиз. Шундай экан, сизлар нега бизнинг диндошларимизни ўз фуқаролигингизни қабул этишга мажбуrlaisiz? Олдингизга бирор кимса илтимос билан келса, фуқаролигингиз ва динингизга киришни шарт қилиб қўясиз? Бирор кимса кўчиб боришга жой сўраса, яна шу шартни қўясиз? Шу боис сиздан бунинг сабабини менга маълум қилишингизни сўрайман, токи биз ҳам буларга қарши керакли чора кўрайлик»<sup>1</sup>.

Хатдан Россиянинг тажовузкорона сиёсатига очиқ норозилик билдирилгани яққол кўриниб турибди.

Омск вилоят бошлиги полковник Броневский Сибирь генерал-губернаторининг топширигига биноан Тошкент қушбегисига жавоб хати ёзиб элчига топширади. Мазкур жавоб хатида шундай дейилади: «Кўп асрлардан бери улуф Россия империяси қирғиз-қозоқ халқларига ва шимол денгизидан то Қора денгизгача бўлган катта-кичик қабилаларга ҳомийлик қилиб келади. Лекин қозоқ чўли савдо божидан ташқари, Кўқон ҳукмдорларига солиқ тўлагани, унга бўйсунганини ҳеч ким билмайди ва бу ҳақда маълумот йўқ»<sup>2</sup>.

Юқорида келтирилган ҳужжат, ўз мазмунига кўра, қозоқ даштларида ҳарбий истеҳкомлар қуриш билан боғлиқ барча ишлар Россия ва маҳаллий аҳолининг «ҳоҳиш-иродаларига» кўра амалга оширилаётгани, бошқаларнинг бунга аралашишга ҳақли эмаслигини асослашга уриниш эканлигини кўрсатади.

Россия маъмуритининг кўрсатмасиiga биноан Сибирда жойлаштирилган рус ҳарбий қисмлари XIX аср 30- йилларида Кўқон хонлиги томонидан Сарисув дарёси ва Улутовда қурилган ҳарбий қўрғонларни бузиб ташлади, усталик билан Шарқ томондан Кўқон хонлиги худудларига суқулиб киришини эса давом эттиради.

Шунингдек, Россиянинг хонликларга тазикии Farbdan —

<sup>1</sup> Зиёев Ҳамид. Туркистонда Россия тажовузи ва ҳукмронлигига қарши кураш, 82-бет.

<sup>2</sup> Уша жойда, 83-бет.

Оренбург томондан ҳам кучайиб борди. Ўрта Осиёни қўлга киритиш учун дастлаб қозоқ даштларини истило қилиш зарур деган Пётр I нинг васиятига изчил амал қилган Россия империяси қозоқ даштларида курган ҳарбий истеҳком воситасида аста-секин Хива ҳудудига яқинлашмоқда эди. Империя сиёсатини амалга оширишда муҳим роль ўйнаган Оренбург генерал-губернатори Василий Перовский Хива хонлигини тиз чўктиришга киришди. У катта қўшин билан 1839 йилда Хива устига юриш бошлади. Хива хони Оллоқулихон ҳам ўзбек, қозоқ ва туркманлардан иборат бирлашган лашкар билан русларга қарши отланди. Охир-оқибат, Перовский қўшини зарбага учраб, орқага чекинишига мажбур бўлди. Бу фалаба Россияга қарши кураш байробини кўтарган қозоқ истиқолчиларини ҳам руҳлантириди. Узоқ йиллардан бери қозоқларнинг мустақиллиги учун жанг қилаётган Кенесари Қосимов ҳаракати кенг кулоч ёйди. Хива хони унга доимо мадад бериб турди.

Кенесари Қосимов ўзаро низолар оқибатида ўлдирилгач, унинг 20.000 кишилик тарафдорларининг қўпчилиги Кўқонга, бир қисми Хива хонлиги ҳудудига ўтиб кетган эди. Бу қозоқлар энли Россия асоратида қолган биродарларига ёрдам бериш учун вақти-вақти билан рус қўшинларига ҳужумлар уюштириб турди. Бу ҳужумлар аста-секин босқинчиларга қарши партизанлик урушига айланба бошлади. Санкт-Петербургнинг ҳукмрон доиралари учун эса бундай ҳаракат келгуси режаларини пучга чиқариш хавфини туғдирарди. Хива қозоқлар мустақиллиги қалқонига айланди. Чиндан ҳам хонлик ўзбек ва қозоқ йигитларининг босқинчиларга қарши курашини ҳар тарафлама қувватлади. Шундай вазият вужудга келдики, эндиликда Хива бутун Осиёда Россиянинг жиддий рақиби сифатида танила бошланди.

Россия подшоси Николай I Хива хонлигини босиб олиш учун катта тайёргарлик қуриш ҳақида фармон чиқарди. Бу ҳақда ҳарбий вазир граф Чернишев 1840 йил 30 январда Оренбург генерал-губернатори Перовскийга маҳсус кўрсатма берди. Перовский қайта ҳужумга тайёргарлик қуришга киришиди. Бироқ янги ҳужум катта маблаг ва ҳарбий кучларни талаб қиласиди. Кийим-кечак, озиқ-овқат, транспорт воситалари етишмас эди. Шу боисдан, Николай I 1840 йил 19 майда Хива хонлигига янги ҳарбий юришни муайян муддатга кечиктириши тўғрисида фармон беришга мажбур бўлди. Бироқ рус қўшинлари чегараларда ҳарбий истеҳкомлар қуришни кучайтиридилар. 1845—1847 йилларда барпо этилган Турғай ларёси бўйидаги Оренбург, Иргиз дарёси бўйидаги Ёйик, Сирдарёнинг Орол денгизига қўйиладиган жойдаги Райим (Орол) қалъалари шулар жумласидандир.

## **2. ХОНЛИКЛАРНИНГ ГЕОСИЁСИЙ ЎРНИ, ДАВЛАТ БОШҚАРУВИ ВА ИЖТИМОИЙ ҲЛЁТИ**

Бухоро амирлиги ўзбек хонликлари орасида ўзининг ҳудудий ўрни, аҳолиси ва табиий ресурслари жиҳатидан муҳим мавқега эга эди.

XIX асрга келиб, Бухоро амирлигининг ҳудуди қарийб 200 минг квадрат километрни ташкил этди. Унинг чегаралари жаҳнубда Амударёнинг сўл қирғогидан бошланиб, Сирдарёгача чўзилиб қозоқ жузлари билан чегарадош эди. Амирлик Шарқда Помир тоғларидан Фарбда Хива хонлиги чегараларигача бўлган ҳудудни эгаллаб турарди. Бухоро ва Самарқанд каби йирик шаҳарлар жойлашган Зарафшон водийси амирликнинг марказий қисми ҳисобланарди. Қашқадарё ва Сурхондарё воҳалари, ҳозирги Тожикистон ҳудудидаги Вахш, Коғирниҳон, Панҷ дарёлари водийсизда жойлашган шаҳар ва қишлоқлар, шунингдек, Туркманистон ҳудудига кирган Мурғоб дарёси воҳаларидаги ерлар ҳам Бухоро амирлигига қарап эди.

Бухоро амирлигининг пойтахти Шарқда энг машҳур шаҳар сифатида эътироф этилган Бухори шариф эди. Йирик шаҳарлардан Самарқанд, Қарши, Шаҳрисабз, Китоб, Фузор, Термиз, Шеробод, Ҳисор, Душанбе, Кўлоб ва бошқалар амирлик тасаруфида эди. Марв ва Чоржўй шаҳарлари учун Бухоро амирлиги билан Хива хонлиги ўртасида, Жizzах, Ўратепа ва Ҳўжанд шаҳарлари учун Бухоро амирлиги билан Қўқон хонлиги ўртасида тез-тез урушлар бўлар, бу шаҳарлар қўлдан-қўлга ўтиб турарди.

XIX асрнинг биринчи ярмида Бухоро амирлигига 2 миллион атрофига аҳоли истиқомат қиласиди. Аҳолининг катта қисми амирликнинг серсув воҳаларида яшар, жазирама иссиқ, сувсизлик хукмронлик қилувчи Қизилқум саҳролари ва чўллари деярли кимсасиз ястаниб ётарди. Зарафшон водийсизда 300—350 минг, Қашқадарё воҳасида — 500 минг, Сурхондарё воҳасида — 200 минг, Шарқий Бухорода — 500 минг аҳоли яшар эди. Амирликнинг йирик шаҳарлари — Бухорода — 60 минг, Самарқандда — 50 мингга яқин нуфус истиқомат қиласиди.

Аҳоли этник жиҳатдан кўпгина қавм-уруғлардан иборат бўлиб, уларнинг қарийб 57 фоизи ўзбеклар эди. Ўзбеклар бир қанча элатлардан ташкил топган бўлиб, улар орасида мангит, сарой, қўнғирот, жабгу, қарлуқ, қалмоқ, найман, қипчоқ, минг, юз қабилалари кўпчиликни ташкил этарди. Улар асосан Зарафшон, Қашқадарё ва Сурхондарё воҳаларидаги шаҳар ва қишлоқларда истиқомат қиласидилар.

Аҳолининг аксарият қисми дәҳқончилик, чорвачилик билан шуғулланган. Сугориладиган ерларда пахта, буғдой, шоли, жўхори экилиб, баг ва полиз маҳсулотлари ҳам етиштирилган. Чорвачиликда кўйчилик, қоракўл етиштириш; хунармандчи-

ликда гиламдүзлик, ўймакорлик, зардүзлик, тегирмончилик, күнчилик, тұқувчилик, темирчилик, кулолчилик, бешикчилик, сандиқчилик, этикдүзлик, мойжувозлилк, совунгарлик кенг ри-вожланган.

Амирликнинг иқтисодий ҳаётида қолоқлик, турғуңлик ҳоллари мавжуд эди, аҳолининг турмуши паст даражада эди. Ерга әгалик шакли минг йиллар давомида ўзгармай келмоқда эди, аҳолига солинадиган солиқ ва жарималар ҳаддан ташқари кўп эди. Аҳолининг сотиб олиш қобилияти пастлиги ҳунармандчиликнинг ривожланишига тўсқинлик қиласарди. Ҳунармандлар озгина даромадга ҳам қаноат қиласарди, устахоналарни кенгайтиришга маблағ тополмасди.

Бухоро амирилиги якка ҳокимлик тизимидағи давлат эди. Амирликда энг катта давлат лавозими — қушбеги бош вазир лавозимига тенг амалдор эди. Бир сўз билан айтганда, барча ижроия ҳокимият қушбегининг қўлида эди. Вилоят ва туман ҳокимлари ҳам қушбеги тавсиясига биноан тайинланган. Қушбеги хон истиқомат қилиб турган арки олийда яшаган.

Девонбеги хонликнинг молия-хазина ишларини бошқарган. Солиқ ва жарималарнинг ундирилиши устидан назоратни ҳам девонбекилар амалга оширган. Девонбеги идораси арқдан пастда жойлашгани учун уни қуйи қушбеги деб ҳам атashган.

Мангитлар даврида шайбонийлар, айниқса, аштархонийлар замонида катта мавқе кассб этиб келган оталиқ асосан Самарқанд ва Бухоро, яъни амирликнинг марказий қисмини суфориш ишлари, сув тақсимоти билан bogлиқ тадбирларга бош-қош бўлган.

Шунингдек, амирликда парвоначи (олий ҳукмдор ёрлиқларини амалдорлар, умуман тегишли кишиларга етказувчи), додхоҳ (жабрланувчилар арзини амиррга етказиш ва жавобини олиб беришга масъул) каби вазифалар бор эди. Аммо мазкур давлат лавозимларининг мавқеи кўпроқ шу мансабдаги шахс нуфузи билан ўлчанганд. Ҳудди шунга үхшаш ҳолат иноқ вазифасида ҳам ўз аксини топган. Иноқ (бош иноқ) ўз лавозимига қўра, олий ҳукмдор буйруқларини ҳукуматдаги оддий хизматчиларга етказиш, демак, буйруқни амалга оширишни ташкил қилиш ва умуман ҳали давлат мансабини әгалламаган, лекин ҳокимият хизматида бўлганлар билан шуғулланган. Бундан ташқари кичик иноқ хизмати бўлгани ҳам маълум.

Амиртуғи соҳиби бўлган тўқсабо мансаби ҳам олий мақомда эди. У олий ҳукмдор — давлат байроқдори ҳисобланса-да, тантанали маросимларда ишончли шахс сифатида ҳукмдор олдига таом тортиш каби масъулиятли тадбирларни ҳам бажарган. Шу билан бирга унга бирон-бир туман ҳам бириктириб қўйилган. Бошқача айтганда, даромад манбаи шу тумандан бўлган. Аммо XIX асрга келиб эса мазкур лавозим әгаси ҳудди додхоҳ каби ҳарбий вакил даражасига кўтарилган. Ҳарбий ишлар буйича

энг юқори даражада эса ҳарбий вазир турган. Уни күпроқ лашкар түпчибошиси деб атаганлар. Аниқроғи, у түпчилар қисмнинг қўмондони ҳамда Бухоро гарнizonи бошлиги — лашкар бошлиги саналиб, амалда ҳарбий вазир вазифасини ўтаган. Тўпчи қисмлар бошлигининг бундай юксак қадрланишини шундай тушунтириш мумкин: бу вақтга келиб ҳарбий санъат ва урушда тўпчилар, яъни энг замонавий қурол усталарининг ўрни алоҳида бўлган.

Шунингдек бошқарувда кўкаaldoш (мамлакат миқёсида хавфсизлик хизмати бошлиғи), бош хожа (ҳарам ходимлари бошлиғи), меҳтар, кутвол (қурилиш ишларига масъул), баковулбоши, кичик уроғ (олий ҳукмдор ва амалдорларнинг хизматидагиларни назорат қилиб турувчи ходим), эшикоғабоши, миҳоҳур, қўрчибоши (қурол-аслаҳага масъул), қоровулбеги (шаҳар, йўллар посбони), удайчи (уруш пайтида ҳарбийларни турига қараб тақсимловчи), шифовул (элчилар қабулини уюштирувчи) каби қатор лавозим ва хизматлар ҳам бўлганки, улар ўзларининг тўғридан-тўғри вазифаларидан ташқари амирлик сиёсий ҳаётида тутган шахсий мавқелари билан ҳам қадрланганлар. Шунга кўра ўз-ўзидан улар эгаллаб турган лавозимнинг қадр-қиммати ҳам ошган.

Амирликнинг сиёсий-маънавий ҳаётида уламоларнинг таъсири улкан эди. Дунёвий ва диний ҳокимиётни ўзида гавдалантирган шайхулислом амирдан кейинги иккинчи шахс даражасидаги мавқеда эди. У шариатпаноҳ бўлиб, унга барча адлия тизимини бошқарувчи қозикалон бўйсунган. Қозикалоннинг ваколатига қўйидагилар кирган: ижтимоий адолат билан боғлиқ масалалар, хусусан, бозор, кучка-кўйлардаги аҳвол, мадрасалардаги таълим, вақф ишлари, йўқолган вақф ҳужжатларини тиклаш, етим ва бевалар ҳақ-ҳуқуқини ҳимоя қилиш, карвонсаройлардаги тартиб ва ҳоказо. Амир Шоҳ Мурод даврида қозилик тизимида қатор ўзгаришлар бўлгани ҳам маълум. Чунончи, олий маҳкамама таъсис этилиб, унинг ишида 40 нафар фақиҳ (қонуншунос) фаолият кўрсатган. Шоҳ Муроднинг бу борадаги ислоҳотларининг аҳамияти шундаки, суд жараёнинда айбланувчи ҳам, жабрланувчи ҳам албатта иштирок этиши керак бўлган. Бирон-бир томон эгаллаб турган юқори лавозими орқасида жавобгарлик, гувоҳликдан бош тортолмаган. Шунингдек, мазкур тизимда муфтий (ривоят ва фатво билан таъминловчи), раис (муҳтасиб), садр (вақф мулклари ҳисоб-китоби ва назорати билан шуғулланувчи) каби хизматлар ҳам бўлган.

Бухоро амирлиги 27 беклик: Кармана, Ҳатирчи, Зиёвуддин, Нурота, Қарши, Китоб, Шаҳрисабз, Чироқчи, Яққабоғ, Фузор, Бойсун, Шеробод, Денов, Карки, Чоржўй, Ҳисор, Кўлоб, Қоратегин, Дарвоз, Балжуон, Шўғнон-Рўшон, Қўргонтепа, Қободиён, Калиф, Бўрдалик, Қобогли ва Хоразм бекликларидан иборат эли. Бекликлар маҳаллий қабила бошлиқлари, катта мулк эгалари томонидан бошқарилган. Ҳар бир бекликни амир

томонидан тайинлаб қўйиладиган ҳокимлар — беклар идора қилган. Ҳоким ҳузурида юзлаб маҳаллий маъмурлар хизмат қилган. Манбалар, амирликда маҳаллий маъмурлар штати 30 минг кишини ташкил этганлигидан гувоҳлик беради. Ҳоким ва унинг хизматкорларига маош давлат ҳазинасидан берилмас эди, улар маҳаллий аҳолидан олинадиган турли-туман солик ва тўловлар ҳисобига тирикчилик қилишганлар.

Амирликнинг ҳарбий кучларини отлиқлар ва сипоҳлар ташкил қилган. Қўмондонлик лавозимларидағи зобитларнинг ҳарб илми талаб даражасида бўлмаган. Ҳарбийлар ҳарбий машқларга нисбатан кўпроқ жисмоний меҳнат билан банд бўлганлар. Қўшинда юзбоши, мингбоши сингари ҳарбий лавозимлар бўлиб, умумий қўмондонликни лашкарбоши бошқарган. Амирликнинг қўшини мунтазам бўлмагани сабабли, зарурият бўланда уларни тўплаш қийин кечган.

Бухородаги вазият кўп жиҳатдан Хива ҳонлигига ҳам хос бўлган. Ҳонлик жанубда Эрон, Шарқда Бухоро амирлиги, Фарбда Каспий денгизи, Шимолда қозоқ жузлари билан чегардош эди. Сувсиз ва поёнсиз Қоракум, Қизилқум саҳролари Хива ҳонлигини географик жиҳатдан бошқа мамлакатлардан ажратиб қўйган эди. Амударё соҳилларида жойлашган Хива, Урганч, Кат, Кўхна Урганч, Хазорасп, Қўнгирот, Ҳўжайли, Курдар (ҳозирги Чимбой) шаҳарлари ҳонликнинг йирик шаҳарлари ҳисобланар эди. Ўрта Осиёнинг энг бой савдо марказларидан бири бўлган Хива шаҳри 1598 йилдан бошлаб ҳонликнинг пойтахти бўлган. Шаҳар икки қисм — Ичон қалъя (шаҳарнинг ички қисми) ва Дишон қалъя (шаҳарнинг ташқи қисми)дан иборат эди. Ичон қалъада хон қароргоҳи ва ҳарами, 17 та масжид, 22 мадраса, карвонсарой ва бозор жойлашган. 1842 йилда Дишон қалъя қурилиб, девор билан ўраб олинган. Дишон қалъада ҳунармандлар, савдогарлар, мардикорлар, қисман дәҳқонлар истиқомат қилганлар.

Аҳолининг кўпчилик қисмини ўзбеклар ташкил қилиб, улардан энг кучли ва кўп сонлилари қўнгирот, найман, қиёт, уйфур, нуқуз, қанғли, хитой, қипчоқ қабилалари эди. Ўзбек қабилалари асосан Амударё тармоқ ёйган қисмда, канал буйларида жойлашган. Аҳолининг анчагина қисмини (тахминан тўртдан бирини) туркманлар ташкил этган. Туркманлар қадимги ўғизларнинг авлодлари бўлиб, форсча сўзлашувчи маҳаллий халқлар ва ўзбеклар билан қоришиб кетган эди.

Қорақалпоқлар яшайдиган Амударёнинг кўйи ҳавзаси ва Орол денгизининг жанубий қирғоқлари ҳам Хива ҳонлиги тасарруфида эди. Дәҳқончилик, чорвачилик, балиқчилик, овчиллик қорақалпоқларнинг асосий машғулоти эди.

Муҳаммад Раҳим I (1806—1825 йиллар) даврида Хива ҳонлигидаги ўзаро урушлар бироз пасайди, ҳонликни бирлаштириш ниҳоясига етди. Мамлакатда ўтказилган солик ислоҳоти,

божхонанинг жорий этилиши, олтин пул чиқарилиши хўжалик ишларига ўзининг ижобий таъсирини кўрсатди. Ўз вақтида йиғиб олинган солиқлар хонлик хазинаси, даромадини ошириди. Хонликда энг нуфузли лавозим қушбеги (бош вазир) бўлиб, у солиқларни тўплаш ва хоннинг муҳим топшириқларини бажариш билан шуғулланган.

Саройда *оталиқ*, *раис*, *қозикалон*, *шайхулислом*, *мирabboши*, *миршаббоши*, *тўпчибоши*, *ясовулбоши* каби мансабдорлар хон хизматида бўлган. Девонбеги хоннинг олий девонини идора қилган. Хазиначи хонликнинг кирим ва чиқим ҳамда сарф-харажатларини юритар, бу ҳақда хон ёки қушбегига ҳисоб бериб турар эди.

Хонликдаги энг катта мансаб ва унвонлар *иноқ*, *оталиқ*, бий ҳисобланган. Бундай лавозимга қутарилганлар хонга энг яқин кишилар бўлиб, улар солиқлардан ҳам озод қилинганлар. Бундай лавозимга тайинланганлар хон фармони орқали эълон қилинган ва уларнинг қулига ёрлиқлар берилган.

Саройда *мирзабоши*, *мунший*, *маҳрамбоши* каби мансабдорлар ҳам бўлган.

Маъмурий-худудий жиҳатдан Хива хонлиги Хазорасп, Гурлан, Хонқа, Кўҳна-Урганч, Кўшкүприк, Питнак, Фазовот, Кат, Шоҳабbos, Шовот, Тошқовуз, Амбор-маноқ, Урганч, Хўжайли, Шуманой, Кўнғирот каби беклик ёки вилоятларга бўлинган. Хонлик таркибида Бешариқ ва Қиётқўнғирот ноибликлари ҳам бўлган. Бекликларни хон томонидан тайинланган беклар, ноибликларни ноиблар идора қилган. Бек ва ноиблар хузурида уларга хизмат қўйувчи кўпдан-кўп мансабдорлар бўлган.

Хива шаҳри шахсан хоннинг ва қушбегининг измида бўлган. Шаҳар ички тартиблари ва осойишталиги миршаббоши, жиноий ишларни кўриш ва жазо тайинлаш шаҳар қозиси, пойтактни тасодифий ҳужумлардан ҳимоялаш тўпчибоши ва Иchan-қалъя, Дишон-қалъя кутволи зиммасида бўлган.

Хива хонлигига таҳминан 40 минг отлиқдан иборат қўшин бор эди. Қўшинга лашкарбоши қўмондонлик қилган. Аскарлик хизматида бўлганлар солиқлардан озод қилинган. Ҳарбий юришларда қатнашган ҳар бир суворий 5 олтин танга олган. Ўзини кўрсатган ҳарбий мансабдорларга ойига 10, 20, 50, 100 ва ундан ҳам кўпроқ миқдорда олтин танга берилган. Бийларга 50—100 танга, юзбошиларга 10—20 танга маош берилган. Тинчлик пайтларда аскарлар хўжалик ишлари билан шуғулланган.

Хон қўшинлари, Бухоро қўшинлари каби, қилич, ўқ-ёй, найза билан куролланган. Бир қисм аскарларда пилта милтиқлар бўлган, оз миқдорда тўплар ҳам бор эди.

XIX асрнинг биринчи ярмида Кўқон хонлиги худудий жиҳатдан Ўтра Осиёдаги йирик давлат эди. Хонлик Шарқда Шарқий Туркистон, Фарбда Бухоро амирлиги ва Хива хонлиги билан чегарадош бўлган. Кўқон хонлиги билан Россия

ўртасида хувуллаб ётган Мирзачұл ва Муюнқұл چүллари ёс-  
таниб ётган. Хонликнинг жанубий чегаралари Қоратегин,  
Кўлоб, Дарвоз, Шўғон сингари тоғли ўлкаларни ўз ичига  
олиб, бу ҳудудлар учун Бухоро амирлиги билан тез-тез тўк-  
нашувлар бўлиб турган.

Кўқон хонлигининг ҳудуди Бухоро амирлиги ва Хива хон-  
лигидан фарқли ўлароқ, серсув дарёлар, сўлим водийлар, сер-  
хосил ерларга бой эди. Хонликнинг маркази Кўқон, Марғилон,  
Ўзган, Андижон, Наманган каби йирик шаҳарлар жойлашган  
Фарғона водийси эди. Тошкент, Чимкент, Туркистон, Авлиёо-  
та, Пишпак, Сузак, Оқмачит каби йирик шаҳарлар ҳам Кўқон  
хонлиги тасарруфидга эди.

Кўқон хонлигига аҳоли нисбатан зич жойлашган бўлиб,  
унда тахминан 3 миллионча киши истиқомат қилган. Хонлик-  
нинг пойтахти Кўқонда 80 минг, Тошкент шаҳрида 60 минг  
аҳоли яшаган. Кўқон хонлиги аҳолисининг кўпчилик қисми<sup>1</sup>  
ўзбеклар, шунингдек, тожиклар, қирғизлар, қозоқлар, уйтур-  
лар, қорақалпоклардан иборат эди. Булар билан ёнма-ён  
яҳудийлар, татарлар, ҳиндлар ва бошқа элатларнинг вакиллари  
ҳам истиқомат қилганлар.

Кўқон хонлигига иккинчи шахс *Бош вазир* ҳисобланиб, у  
муҳим давлат ишларини хон билан келишган ҳолда ҳал этган.  
Марказий давлат бошқарувида қушбеги, оталиқ, *девонбеги*,  
*мингбоши*, *шайхулислом*, қозикалон, парвоначи, шиговул, саркор,  
иноқ, *дастурхончи*, амин, *ясовулбоши* каби мансабдорлар хизмат  
қилганлар. Сарой қошида маҳсус кенгаш бўлиб, унинг тарки-  
бига энг олий мансабдор шахслар кирган.

Кўқон хонлигига қўшинни, аслаҳаҳонани, ҳарбий ишларни  
мингбоши бошқарган. Қўшинда бешюзбоши, юзбоши ва ўнбоши  
ҳарбий лавозимлари бўлган. Қўшиннинг бир қисми мунтазам  
хизматда бўлиб, марказий ҳокимият ихтиёрида турган. Қўшин  
қилич, наиза, пилтали милтиқ билан қуроллантирилган. Шу-  
нингдек, қўшинда тўплар ҳам бор эди.

Кўқон хонлиги 15 беклик, яъни ҳарбий округга бўлинган  
бўлиб, уларнинг ярмидан кўпига хоннинг ўғиллари ёки яқин  
қариндошлари ҳокимлик қилганлар. Ҳокимлар ўз ҳудудидаги  
ҳарбий кучлар қўмондони ҳамда фуқаро бошқарувининг бош-  
лифи эди. Улар ўз тасарруфидаги қўшинни ўзлари моддий жи-  
ҳатдан таъминлаганлар. Ҳокимлар ҳарбий юришлар олдидан  
хоннинг биринчи даъвати билан ўз қўшинлари билан белги-  
ланган жойга етиб келиши шарт эди. Кўқон хони зарурият  
туғилганда, озиқ-овқат ортилган 12 минг аравага эга бўлган 60  
мингтacha сипоҳни йиға оларди.

XIX аср иккинчи ярмидаги ўзбек хонликларидағи вазиятга  
баҳо беришда, шуни унутмаслик лозимки, Бухоро, Хива, Кўқон  
хонликларида тараққиёт тұхтаб қолмаган. Ўзаро урушлар ва  
парокандаликдан қатын назар яратувчилик фаолияти давом эт-

ган. Хива хонлигига эса сунъий сугориш борасида олдинги асрларга нисбатан кўп иш қилинган. Бунда энг аввало хонлар ва йирик амалдорлар ташаббус кўрсатганлар. Араб Муҳаммадхон турк қалъасидан Куйгун томон қазитган канал, Абулғозий Баҳодирхон номи билан боғлиқ Фозиобод каналининг таъмир этилиши, Анушаҳон замонида курилган Шоҳобод (узунлиги 14 км, эни 30 метр, чуқурлиги 3,5 метр), Ўрмиш (узунлиги 96 км, эни 17,5 метр) каналлари, Али Султон қурдирган Тошли ёрмиш канали ҳамда Манқитарна (XVII), Эшим Яраган, Омонқули, Ингичка, Ихлос, Қилич Ниёзбой (1815), Янгиёп ва Қоракўз (XIX), Шоҳмурод (1846), Раҳмонбердибой, Тошсақо (1828), Кўҳна Урганч-Хонёп (1831), Қорақалпоқ, Хонобод (1847), Сипоҳий, Муҳаммадамин (1850), XIX аср 50-йилларидағи Калтаминон, Богёп, Амиробод, Сарибий каналлари ва бошқа қатор катта-кичик сунъий сугориш иншоотлари билан боғлиқ тадбирлар шулар жумласидандир.

Кўқон хонлигига Эрдана, Норбўта ҳукмронлик қўилган замонларда Сўх дарёсидан чиқарилган каналлар, Олимхон буйруги билан қаздирилган олтига канал (арик), Умархон даврида Сирдарёдан чиқарилган Ўзгандан бошланиб Андижон ва Марғилон оралиғидаги Шаҳрихонгача борадиган канал, Норин дарёсидан бошланадиган Янгиариқ канали (1819), Хон ва Зарбак каналлари (1803), Муҳаммадалихон замонида Иламишмозордан бошланувчи узунлиги 30 км дан ошиқ канал, Худоёрхон замонидаги Чинобод (1855), Улуғнаҳр (1869—1870) каби каналларнинг бунёд этилиши мазкур водийда ҳам сунъий сугориш ишлари жадал борганидан далолатдир<sup>1</sup>.

Бухоро шаҳрининг ўзида XIX аср ўрталарида, яъни Россия босқинидан олдин, 38 карвонсарой, 9 савдо тими, 16 ҳаммом, 45 бозор бўлгани маълум. Шунингдек 200 дан ортиқ масжид, 100 дан ортиқ мадраса мавжудлиги ҳам манбаларда ёзилган. Улар орасида Турсунжон (1796—1797), Эрназар элчи (1795), Халифа Ниёзқул (1807), Халифа Худойдод мажмуасидаги мадрасалар айниқса дикқатга сазовордир.

Хива хонлигига ҳам қурилиш кўп бўлган. Араб Муҳаммадхон (1616), Ҳожамбердиий (1688), Шерғозихон (1719—1728), Муҳаммад Амин инок (1765), Кутли Мурод иноқ (1809), Оллоқулихон (1832—1835), Араб Муҳаммадхон (1870), Мусатўра (1841), Сайдбой (1842), Амиртўра (1870), Муҳаммад Раҳимхон (1871), Муҳаммадмурод девонбеги, Отажон тўра, Қадам ясовулбоши, Иброҳимхожа, Юсуф ясовулбоши, Ҳусайн Муҳаммадбой, Дуст Олим, Қози Муҳаммад Салим, Исломхожа, Исфандиёрхон мадрасалари, Сайдбой (1842), Оқмасжид (1875) масжидлари, Паҳлавон Маҳмуд мақбараси (1835), Кўҳна Арк,

<sup>1</sup> Азамат Зиё. Ўзбек давлатчилиги тарихи. Энг қадимги даврдан Россия босқинига қадар. Тошкент, «Шарқ», 2000, 298-бет.

Тошховли, Нуруллабой саройлари, Жума, Сайдбой (1842), Кўкминор (1852—1853), Исломхожа (1908) миноралари ана шундай бунёдкорлик ишларидан гувоҳлик беради.

Фарғона водийсида 1740 йили Эски Үрда ўрнида ҳозирги Қўқон шаҳрига асос солиниши, хонликнинг тури шаҳарларида бунёд этилган кўплаб ўрдалар, бозорлар, карвонсаройлар, масжидлар, хонақоҳлар, қориҳоналар, мадрасалар, чунончи, Мир (1798), Норбўта, Хонмирза Ёдгор (1830), Ҳазрати Соҳиб (1861), Ҳудоёрхон (1850, 1870 йиллари Қўқонда, 1873 йили Намангандаги, 1874—1875 йили Шоҳободда, Чустда), Ҳакимойим (1869), Олимбек (Ўшда), Насриддинбек (Андижонда), Тошкентда XIX асрда курилган Бекларбеги, Муйи Муборак, Эшонқул доддоҳ, Юнусхон, Абулқосим мадрасалари ҳам шулар қаторида туради.

Шундай ривож ҳолатини маданият соҳасида ҳам кўриш мумкин. Тўгри, мамлакатнинг учга бўлиниб кетиши, сиёсий қарамақаршиликлар ва, айниқса, Россия босқини туфайли сиёсий мустақилликнинг қўлдан кетишининг умумий манзарасида бу соҳадаги аҳвол илгариги, масалан, темурйилар замонидаги каби бўлмаган. Аммо бир нарса аниқки, кўрилаётган босқичда фан ва маданият ҳар ҳолда бир ерда тўхтаб қолмаган. Юқорида зикр этилган қурилишлар, айниқса, мадрасалар бунёди шунга ишорадир. Совет даври тарихшунослиги иложи борича XVIII—XIX асрларда ўзбек халқининг бу соҳалардаги тарихини бўяб кўрсатишга интилиб, ўлкан маданий қолоқлиқда айблаб, бу билан Россия босқинининг Ўзбекистон учун «прогрессив аҳамиятини» исботлашга атайн ҳаракат қилган.

Ўтган сулолалар каби манғитлар, қўнгиротлар, минглардан чиққан намояндалар ҳам ғаври ва доираларининг ўқимишли шахслари бўлганлар. Масалан, Қўқон хони Умарнинг «Амрий», малика Моҳларойимнинг «Нодира», «Комила», «Макнуна», Хива хони Муҳаммад Раҳимхон II нинг «Феруз», унинг акаси Отажон Тўра Муроднинг «Муродий» таҳаллусида шеър битганларини, Абдулғозий Баҳодирхоннинг «Шажарайи турк», «Шажарайи тарокима» каби ўзбек тилида ёзган асарларини эслайлик. Фазлий, Мушриф, Қозий, Афсус, Содик, Хижолат, Ҳозик, Хотиф, Маҳмур, Гулханий каби етук қалам соҳиблари Фарғона водийсида яшаб ижод қилганлар. Шунингдек «Афзал ат-таворих», «Тарихи Умархон», «Рисолайи аскария», «Мунтакаб ат-таворих», «Тарихи Шоҳрухий», «Тарихи жаҳоннамой», «Хусолат ал-ахбор», «Гаснифи Фарид», «Тарихи жадидайи Тошканд» каби бошқа кўплаб тарихий асарлар ҳам худди шу даврда Қўқон хонлиги доирасида ёзилган. Бухорода ҳам тарих ёзишилик тараққиётда тўхтамаган. Ҳеч бўлмаса, «Тухфат ал-хоний», «Тарихи амир Ҳайдар», «Фатҳномайи сultonий», «Манғитлар хонадони салтанати қисқача тарихи», «Ўзбек подшоҳликлари зикри», «Тарихи салотини манғитийа, ўзбакийа ва аштархонийя» кабиларни ёдга олиш мумкин.

Зикр қилингган «Шажарайи турк», «Шажарайи тарокима», Муниснинг «Фирдавс ал-иқбол», Огаҳийнинг «Риёз ад-давла», «Зубдат ат-таворих», «Иқболи Ферузий», Баёнийнинг «Шажарайи Хоразмшоҳий», «Хоразм тарихи», «Жоме ал-воқеати султоний», «Гулишан ад-давлат», «Иқболи Ферузий» асарларининг ёзилганлиги энг катта далиллар. Хивалик олимлар, тарихчиларнинг ўз даври учун ўзбек тарихшунослигига қўшган энг катта ҳиссаларидан бири шундаки, улар тилга олингандан манбаларни ўзбек тилида ёзганлар. Бундан ташқари хиваликлар тарихшуносликдаги таржимачилик соҳасида таҳсинга лойик ишларни рӯёбга чиқарганликларини айтиб ўтиш лозим. Чунончи, Мирхондинг «Равзат ас-сафо», Яздийнинг «Зафарнома», Хондамирнинг «Хабиб ас-сияр», Восифийнинг «Бадойе ул-воқеъ», «Тарихи Табарий», Рашидиддиннинг машҳур «Жоме ат-таворих» (Али султон (вафоти 1571—1572) буйруги билан), Биноийнинг «Шайбонийнома», шунингдек, «Тарихи Муқимхоний», «Тақобати Ақбаршоҳий», Маҳдиҳон Астрободийнинг «Тарихи Нодирий», «Зубдат ал-ҳикоёт», «Мифтоҳ ал-толибин», «Аҳлоқи Муҳсиний», «Насиҳатномайи Кайковус» (Қобуснома), Садъийнинг «Гулистон», Жомийнинг «Баҳористон», «Саломон ва Ибсол» «Юсуф ва Зулайҳо», Низомийнинг «Ҳафт пайкар», Хисравийнинг «Ҳашт беҳишт», Ҳилолийнинг «Шоҳ ва гадо», Носирийнинг «Равзат ас-сафойи Носирий», Дарвиш Аҳмаднинг «Саҳойир ал-ахбор», машҳур араб тарихчилари Масъудий, Ибн ал-Аср асарлари араб ва форс тилларидан ўзбекчага ўтирилган.

Хуллас, сунъий сугориш ишлари, қурилишдан тортиб дехқончилик, хунармандчилик, фан ва маданиятгача, ички саводдан ташки иқтисодий алоқаларгача (Эрон, Афғонистон, Ҳиндистон, Хитой, Россия ва бошқалар) оид маълумотлар, умуман олганда, юртимиз ва аждодларимиз XVIII—XIX асрларда дунёning кўпчилик халқлари ва мамлакатларидан орқада бўлмаганлигини курсатади. Ундан олдинги ўтмиш маданиятни назарда тутсак, келаётган фан ва техника асрида (XX) тараққиётнинг олдинги сафларида туришлари учун потенциал имкониятлар бор эди<sup>1</sup>. Аммо улардан фойдаланишга бир қатор омиллар йўл қўймаган.

**Бирингчидан**, асрлар давомида бир бутун бўлиб келган мамлакатнинг, бир иқтисодий ва маданий маконда яшаб келган халқнинг учга бўлинниб кетиши, хонликлар ўртасидаги тўхтоворсиз урушлар, ҳар бир хонлик ичидаги бошбошдоқлик ва ҳокимият учун ўзаро тинимсиз давом этган ички низо ва урушлар бутун мамлакатни хонавайрон қилди. Бу жараён гуруҳбозлини келтириб чиқарди, қабилаларнинг этник аралашувига, бир халқ бўлиб қовушишига, жипслashiшига халақит берди. Давлат даражасида ҳам, вилоятлар даражасида ҳам ягона халқ, ягона Ватан тушунчасининг қадри англаб олинмади.

<sup>1</sup> Азамат Зиё. Кўрсатилган асар, 298—301-бетлар.

**Иккинчидан**, ажоли хон ва бекларнинг, турли лавозимдаги мансабдорларнинг зўравонлигидан, ўзбошимчалигидан, мансабини сунистъемол қилишидан, файриқонуний солиқ ва жари-малардан ҳимоя қилинмади.

**Учинчидан**, асосий бойлик бўлган ерга мулкчиликнинг эски усули бир неча асрлардан бери ўзгартмади. Хонликларда олий ҳукмдор ернинг бирдан-бир эгаси бўлиб, ер ишловчиларга — деҳқонларга ижара тарзида хатлаб бириктирилган эди. Деҳқон ер эгаси эмас, ердан олинадиган ҳосилнинг эгаси эди, холос. Шу боис деҳқон ерни асраб - авайлашга, унинг унумдорлигини оширишга интилмади.

**Тўртингидан**, хонликларда саноат ривожига эътибор кучаймади. Олтингугурт, рангли металлар, мармар, тошқўмир, нефть каби табиий бойликларга сероб конлар бўлса-да, уларни қазиб олиш, тоғ-кон ишларини ривожлантириш, кемасозликни йўлга қўйиш масалалари ҳал қилинмади.

**Бешинчидан**, товар-пул муносабатлари ривожлантирилмади. Даромад истеъмол ва қўшин харажатларини зўрға қоплар, капиталга айланмасди. Пул, олтин-кумуш хон ва амалдорларнинг хазина тўплаш манбаи бўлиб қолган эди.

**Олтингидан**, хонликларнинг савдо муносабатларида ҳамон айирбошлиш усули давом этарди. Ўрта Осиё жаҳон бозоридан ажралиб қолгани устига бу ерда ягона ички бозор ҳам ташкил топмади.

**Еттингидан** ва энг муҳими, XIX аср иккинчи ярмида Ўрта Осиё ҳудудидаги хонликларда ўз миллати, ҳалқи ва Ватани истиқболи учун қайғурадиган, одамларни бир гоя ва бир эзгу мақсад йўлида бирлаштира оладиган ҳамда ортидан эргаштира оладиган йўлбошчи — сардор бўлмади. Бухоро амирлигига ҳам, Кўқон ва Хива хонликларида ҳам шундай арбоб тарих саҳнасига чиқмади. Босқинчиларга кўксини қалқон қилиб кўхна Турон жанговар шавкатини намойиш қила оладиган ва Туркistonни бир умумий уй деб билган юртбоши топилмади.

### **3. РОССИЯ ВА АНГЛИЯНИНГ ЎРТА ОСИЁ УЧУН ОЛИВ БОРГАН ЎЗАРО КУРАШИ**

XIX аср иккинчи ярми бошларида Туркiston хонликларини буйсундириш мақсадида Россия олиб бораётган сиёsat Буюк Британиянинг шу борада узоқни кўзлаган режаларига жиддий хавф солар эди. Шунинг учун Англия турли йўллар билан Ўрта Осиёдаги давлатларни Россияга қарши отлантириш пайига тушибади.

1831—1833 йилларда Ост-Индия компанияси лейтенанти Александр Бернс Ҳиндистондан Афғонистонга, ундан Бухорога сайёҳ сифатида келади. Бу «саёҳат» натижасида йигилган да-

лиллар ва шахсий кузатувлар «Бухорога саёчат» деб номланган уч жилдлик китобга асос бўлди. Бу ўринда А.Бернснинг ўзбек халқи хусусида билдирган фикрлари диққатга сазовордир: «Ўзбеклар муомалада камтар ва самимий. Улар менинг ким эканимни билмаганликларидан, барча нарсалар хусусида, ҳукмдорлари ва сиёsatдан тортиб, бозордаги аҳвол ҳақида ҳам тортинмай сўзлашдилар»<sup>1</sup>.

Англия ўз дипломатлари, сайёхлари ҳамда айгоқчилари воситасида Бухоро, Хива ва Кўқон хонликларини Россияга қарши иттифоққа уюштиришга ҳаракат қилди. Улар шу мақсадда форс ва турк тилларини яхши билган Конолли, Бернс, Арчи Тодд, Аббот ва Шекспир каби зобитларни ўзбек хонликларига юбордилар. Айрим манбаларда келтирилган маълумотларга кўра, Конолли Хива хони билан учрашиб, унга «Ўзбек давлатларининг чет мамлакатлар томонидан ишғол этилишидан асрорчи ягона йўл бор. У ҳам бўлса, бир-бирларнгиз билан яхши муносабатда бўлиб, ўзаро ёрдамлашишдир», деган. Хива хони Оллоқулихон эса русларнинг баҳорда яна ҳужум қўлмоқчи эканликларидан хабар топгач, Истанбулга ва инглизлар ҳузурига ўз элчиларини жўнатиб, ёрдам сўради. Туркия давлатидан бирор хабар ололмаган Хива хони ҳузурига инглиз зобитлари Аббот ва Шекспир етиб келишди. Улар Хива хонига пойтахтдаги рус асиirlарини озод қилиш ва бу билан бўлажак тўқнашувга баҳона қолдирмаслик лозимлигини уқтиридилар. Ҳақиқатдан, асиirlарнинг озод этилиши билан янги уруш очишга ортиқ баҳона қолмагач, Перовский юришин кечикиришга мажбур бўлди. Ҳавфнинг бартараф бўлганини кўрган Оллоқулихон Кутбиддинхўжа исмли элчисини Истанбулга жўнатиб, туркларни вазиятдан огоҳ қилди. Оллоқулихон тинчликни таъминлашда берган ёрдамлари учун инглиз ҳукуматига ҳам элчилар йўллаб, ўз миннатдорчилигини билдирган эди.

Англия ҳукумати бу вақтда полковник Стоддартни Бухорога юборган эди. Стоддартнинг Бухорога келаётганини эшитган Насруллохон унга шаҳарга киришда отдан тушиб, яёв юришини ва қуролини топшириши зарурлигини буюради. Аммо, Стоддарт Осиё тартиб-қоидаларини унтиб, Бухоро ҳукмдорининг буйруғини менсимайди. Насруллохон эса аламини ичига ютиб, Стоддартни қабул қилишга мажбур бўлади. Амир унинг асл мақсади айгоқчилик эмас, дўстона муносабат ўрнатиш эканлигига ишонмай, ундан тегишли ҳужжат сўрайди. Полковник Стоддартда бундай ҳужжат йўқ бўлгани учун амир уни ҳибсга олади. Ўз элчиларининг Бухорода тутиб қолиниши Англия ҳукуматини уларни озод этишга мажбур этади. Инглиз ҳукумати олдин Хива хони воситасида, кейин Туркия

<sup>1</sup> Бернс А. Путешествие в Бухару. М., 1850, 221-бет.

хукумати орқали Бухоро амирига таъсир этишга уринади. Аммо Бухоро амири томонидан талаб қилингандан хужжат келавермагач, Стоддарт зинданга ташланади. Бу хабарни эшишган капитан Конолли Бухорога жўнайди. Амир уни ҳам керакли хужжати йўқлиги учун ҳибсга олади. Икки инглиз зобити Бухоро зинданда учрашадилар. 1842 йилда улар жосус сифатида қатл этиладилар.

Англияда Стоддарт ва Конолли номи билан ташкил этилган маҳсус қўмита икки зобит тақдирини аниқлаш учун ўз одамларини Бухоро, Хива ва Қўқонга юборди. Ана шу қўмита номидан 1844 йил 3 ноёнбранда олим, тадқиқотчи ҳамда саёҳатчи сифатида танилган, пихини ёрган жосус Иосиф Вольф Истанбулга келди. Англиянинг бу ердаги элчиси С. Кенинг унга Бухоро сафари учун зарур ҳужжатларни тайёрлаб берди. Туркия султонининг Бухоро амири, Хива ва Қўқон хонларига ёзилган мактублари Вольфнинг турк султони ҳомийлигига эканлигини тасдиқловчи ҳужжатлар вазифасини ўташи лозим эди. Ана шу ҳужжат ўша вақтда Туркия Россия истилосига қарши Англия билан ҳамкорликда ўзбек хонликларининг итифоқини вужудга келтиришга интилганидан далолат беради. 1844—1845 йиллар давомида Бухорода иш олиб борган И. Вольф Лондонга Қўқондаги воқеалар, хонликларнинг ўзаро муносабатлари хусусида диққатга сазовор аҳборотлар юбориб турди.

Англия Туркия билан ҳамкорликда Ўрта Осиё давлатларининг ҳарбий итифоқини вужудга келтиришга кўп уриниди. Айниқса, Крим урушида (1853—1856) Англия Ўрта Осиё хонликларига, Афғонистон ва Эронга ўз одамларини юбориб, бу мамлакатларни Россияга қарши отлантириш ҳаракатини кучайтириди. Аммо Туркия ҳам, Англия ҳам Россия хуружига қарши ўзбек хонлари бирлигини вужудга келтиришни таъминлашнинг улдасидан чиқа олмади. Чунки хонликлар ўртасида ўзаро нифоқ-низолар кучли бўлиб, уларнинг илдизи чуқур кетган эди. Бунинг устига, Россия дипломатияси Бухоро, Хива ва Қўқон хонликларини бир-бирига қарши гижгижлаб, ўзининг иғвогарона сиёсатини изчиллик билан юритар эди. Россия бу йўлда сабит туриб, Тўрғай вилоятини, 1846 йилнинг кузига келиб, Сирдарёнинг Орол дengизига қўйиладиган еридаги Қозолини ишғол этди ва 1847 йилда Раим, 1848 йилда Казалинск истеҳкомларини қурди. Бу аҳвол Хивани ташвишга солди. Хон ўз норозилигини билдириб, элчиларини Петербургга жўнатди. Хива элчиларини рус амалдорлари бу истеҳкомлар савдони йўлга қўйиш ва чўлда тинчлик ўрнатиш учун қурилди, деб алладилар. Хива хони бу истеҳкомларни йўқ қилишга ҳаракат қилди, лекин Сирдарё ва Оролбўйидаги қозоқлар рус истеҳкомларидаги қўшинларни йўқотиш хусусидаги Хива ҳукуматининг маслаҳатларига қулоқ солмадилар.

Хиванинг қозоқларни ўз таъсирига олиш борасидаги уришилари Россияни ташвишга солиб, Оренбург генерал-губернаторини фаол ҳаракат қилишга ундади. У Оренбургнинг гарбий қисмida яшовчи ўзига тобе қозоқ султони Боймуҳаммад Ойчувоқовга маҳсус буйруқ юбориб, Хива хони фойдасига ташвиқот юритаётган қозоқ бийларига қарши кескин чоралар кўришни талаб қилди.

Россия ҳукумати 1841 йилда Хивага юборган капитан Никифоров зиммасидаги асосий вазифалардан бири Россия тобегидаги қозоқларга нисбатан Хива таъсирини қирқиш эканлиги бежиз эмас эди. Россия ҳукумати ташқи ишлар вазирлигининг капитан Никифоров зиммасига юклаган вазифаси Хива хонини рус қўшинлари томонидан Сирдарёning кўйи қисмини ишғол қилиш масаласида бетараф туришга, Сирдарёning шимолидаги ерларни ва Каспий денгизининг шарқий қирғонини Россияга тобеъ деб эътироф этишга, Россия қарамоғидаги қозоқларга ҳужум қилмаслик ҳамда уларнинг ички идора ишларига аралашмасликка қундиришдан иборат эди. Хон капитан Никифоровга Россия билан Англия муносабатларига доир жиддий саволлар бергани Хиванинг рус-инглиз рақобатидан яхши хабардорлигидан далолат беради. Хива хони рус элчиси талабларини рад этгани ҳам унинг Англия ва Россиянинг Ўрта Осиё масаласида ўзаро курашидан фойдаланишга уринганлигини кўрсатади. Кўп ўтмай, капитан Никифоровнинг уддалай олмаган ишини давом эттириш подполковник Г. Данилевский зиммасига юклатилди. Унинг Ташқи ишлар вазирлигидан олган кўрсатмасида хонни Россиянинг Хивага нисбатан беғараз дўстлигига ишонтириш биринчи даражали вазифа сифатида қўйилган эди.

Ўзбек хонликларида фаол иш кураётган Англияниң таъсирини синдириш ниятида Россия Хива хони олдига қўйидаги икки талабни қўйди:

1. Бундан кейин хоҳ махфий, хоҳ ошкора суратда Россияга қарши ҳеч бир душманлик муносабатида бўлмаслик.

2. Саҳрова ёхуд Каспий денгизи атрофида талончилик ва босқинчилик ишларини олиб бормаслик. Борди-ю Хива хонлигига тобе қабилалар томонидан талончилик ишлари содир этилса, айбдор кишиларга дарҳол жазо бериб, талангани молларни эгаларига қайтариш.

Г. Данилевскийнинг 1842 йил 27 декабрда Хива хони билан тузган шартномасида «Россияга тобе қочоқ ва исёнчиларни Хива ҳудудида яширмасдан, уларни дарҳол рус чегара комиссарига топшириш» масаласи алоҳида ўрин олган эди.

Шунга қарамай, Россия Хивага нисбатан баразли ниятларини амалга оширишга қаратилган сиёсатини изчиллик билан давом эттириди. 1858 йилда полковник Н. Игнатьев бошчилигидаги дипломатик гурӯхга топширилган вазифалар бунга яққол

мисолдир. Бу гурухга берилган йўриқномада салтанатнинг асл мақсади рўй-рост ифодаланган:

— Хива, Бухоро ва қозоқ чўллари ҳақида мумкин қадар кўпроқ маълумот йигиш;

— аввал олинган хариталарни текшириб, тузатиб чиқиш ва сафар вақтида кундалик юритиш;

— Амударёнинг Каспий денгизига қўйилган эски ўзани түгрисида маълумот тўплаш;

— туркманлар ва уларнинг ҳарбий кучлари, қўшни давлатлар билан алоқалари, бир хонликдан иккинчи хонликка ўтиш йўллари ҳақида ҳамда Ўрта Осиё хонликлари ва уларга қўшни бўлган мамлакатларнинг ҳарбий қудрати ҳақида маълумот тўплаш;

— Амударёни ҳар тарафлама ўрганиш.

Гурухнинг асл мақсади жосуслик қилиш эканлигига полковник Игнатьевнинг ўзи ҳам иқрор бўлган эди.

Ўзбек хонликларини забт этиш учун Россия аввал ўзининг Кавказда олиб бораётган истилочилик ҳаракатларини тугаллаши керак эди. Кавказда эса тоғликларнинг сардори имом Шоммил мусулмон истиқолчилари билан ҳамон русларга қарши партизанлик урушини давом эттироқда эди. Санкт-Петербург Кавказдаги рус қўшиналари фаоллигини кучайтириш учун ҳарбий-сиёсий доиралардаги нуфузли раҳбарлардан А. И. Барятинскийни бош қўмандонликка тайинлади. Жангарилиги билан танилган бу генерал подшога ёзган мактубларида Россиянинг Ўрта Осиёда ўз таъсир доирасини кенгайтириш зарурлигини алоҳида уқтирган эди.

Россиянинг урушқоқ доиралари Оренбург ва Сибирь орасидаги ерларнинг «ҳимоясини мустаҳкамлаш учун» Иргиз ва Тўргай дарёларининг бўйида истеҳкомлар куришни жадаллаштирилдилар. Улар ўзбек хонликларини аста-секин босиб олиш учун, биринчи навбатда, Кўқон хонлигининг муҳим стратегик нуқталарини эгаллашга диққатни қаратди. Оқмачит қалъасига хужум шу тариқа бошланди.

1852 йилнинг 16 апрелида шижаатли лашкарбоши Ёқуббек раҳбарлигидаги Оқмачит қалъаси ҳимоячилари душманга қарши қаҳрамонона жанг қилиб, рус аскарларини Оренбургга чекинишга мажбур этишди. Шундан сўнг ўзбеклар билан бўлган жангларда катта тажриба тўплаган Оренбург генерал-губернатори граф В. Перовский 1853 йилда ташаббусни ўз қўлига олиб, яна хужумга тайёрланди. Перовский Оқмачит ҳимоячиларига мактуб йўллаб, таслим бўлишни таклиф қилди: «Гарчанд сизлар қалъа ичida турган бўлсаларингиз ҳам Оқмачит олинган деб ҳисоблайверинг. Мен шу ерда турибоқ барчангизни битта қўймай қириб ташлашим мумкин. Аммо, мен бундай қилмайман, чунки, биз бу ерга бир ёки икки кунга эмас, балки абадул-абад келдик, энди орқага қайтмаймиз». Қалъа мудофаачилари бу мактубга «биз бир томчи қон ва кўчада бир дона

кесак қолгунча, ҳамма қуролларимиз синиб битгунча курашаверамиз», — деб жавоб беришди.

Ёрдамчи күчлар олиб келиш учун кетган Ёқуббекнинг кечикишидан фойдаланган руслар йигирма икки кунлик қуршовдан сўнг мудофаа аҳамияти жуда катта бўлган Оқмачит қалъасини забт этдилар.

Оқмачит ҳалокати ҳақида «Тарихи амири лашкар Алимқул» китобида шундай маълумот келтирилади: «Бу орада Урусия аскаридин бир катта сардор бирмунча аскар ва тўб-тўбхона бирлан келиб, Оқмачитда Абдувалини (қалъа ҳокими) муҳосара айлаб... муҳосарани қаттиғ қилиб, кўргон девориға нақб<sup>1</sup> кавлаб, дору тўкуб, ўт кўйиб кўргонни йиқиб, раҳнадин аскар шаҳарға юргуриб ва Абдувалини ва неча тобе бирла ӯлуб ва ярадор бўлғон. Русия аскари қаҳр ва ғалаба бирла шаҳарға тўлуб кетди»<sup>2</sup>.

Россия ўзбек хонликлари ҳудудига дарвоза бўлган бу қалъани «Перовский форти» деб қайта номлаганида олисни кўзлаб иш тутган эди. Бу воқеа хонлик амалдорларига тегишли сабоқ бўлмади. Шу хусусда Муҳаммад Солиҳ Тошкандийнинг эътирофлари диққатга лойикдир: «Кўқонда Оқмачит воқеасини эсдан чиқариб айш-ишрат, кайфу сафо, ўйин-кулги ва парвосизликка берилиб, мамлакат ишидан кўз юмиб, Қозоғистондаги хирож, бож ва закотни файридин миллатларга топшириб, ҳукмронликни фанимат билиб, ёмон одамларни, ўғриларни ва ҳаром кишиларни тўплаб амалдор қилиб ва волий белгилаб, ҳар бир шаҳарға юбора бошладилар. Айрим жоҳил муллалар ва нодон уламолар сўзига ишониб, аҳоли шариатдан узоқлашиб, илмсиз жоҳилларни мансабдор қилиб, қози, раис, ҳоким, волий лавозимларига ўтқаздилар. Порахўрлик ва ҳаромлик ривожланди, ишни текширмай айтувчилар сўзига амал қилиниб, порахўрлар, хушомадгўйлар ва умуман нобоп одамлар ҳоким ва мансабдор бўлдилар. Аксинча, доно, ақлли, фозил ва билимдан кишилар хўрланди ва оёқости қилинди. Кенгаш ва маслаҳат билан иш юритишига йўл берилмади».

Амалдорларнинг бебошлиги ва ички сиёсатни юритишдаги адолатсизликлар хонликни ҳалокат ёқасига келтириб қўйди. Воқеалар ривожини диққат билан кузатаётган Россия бундан ўзи учун тегишли хулоса чиқариб олди. Олд Сирдарёдаги қозоқларни идора қилувчи амалдорнинг Сирдарё линияси кўмандонига 1858 йил 31 майда йўллаган ахбороти ана шу жиҳатдан диққатга лойикдир: «1858 йилнинг март ойида Тошкент ҳокими Мирзо Аҳмад 3000 аскар билан Авиёёта истеҳкомига келиб қозоқ бийларини ҳам чорлаб, фақат қўйлардан эмас, балки тұялар, отлар ва қорамоллардан ҳам солиқ тұлашни талаб қилди. Йлгари фақат қўйлардан солиқ олинарди, хо-

<sup>1</sup> Нақб — ўра.

<sup>2</sup> Қаранг: Мулло Юнусжон Мунший. Амири лашкар Алимқул тарихи. Нашрга тайёрловчилар Р.Шамсутдинов, П.Равшанов. Т., 1997, 24-бет.

лос. Бийлар ўз овулларига бориб мазкур талабни халққа маълум қилғанларида халқ уни бажаришдан бош тортди. Уларга қарши 100 ва 200 кишидан иборат алоҳида икки ҳарбий қисм юборилди. Улар эса зулмни янада қучайтириб турмушга чиқадиган ҳар бир келиндан бир тиллодан солиқ олишини жорий этдилар. Айни бир пайтда улар одоб-ахлоқсизлик ҳам қилдилар. Зулм ва адолатсизликдан сабр косаси тұлиб-тошган қозоқлар құзғолон құтариб Тошкент ҳокимининг укаси Мирзобий ва бошқа амалдорларни үлдирдилар. Шундан кейин Олмаотадаги қозоқлар, жумладан, қанжигаликлар, құқланлар, құтингчинлар, дуғлатлар, бистамчаликлар бош құтариб құқонликтарни ўз ис-теқомларига чекинишга мажбур этдилар.

Маллахон даврида (1858—1862) ҳам ички низолар ва тожу тахт учун курашлар тұхтамади. Россия тажовузига қарши хонликда ягона ҳаракат ташкил қилиш эса ҳеч кимнинг құлидан келмади.

1860 йилнинг ёзида полковник Циммерман бошчилигидаги рус аскарлари Тұқмоқ ва Пишпак қалъаларини босиб олдилар. Маҳаллий муаррихлардан мулла Мирзо Олим Мушриф ўзининг «Ансоб үс-салотин ва таворих ул-ҳақоқын» асарида русларнинг Құқон қалъалариңи босиб олғанлиги пойтахтда қандай акс-садо берғанлиги ҳақида, бу вақтда руслар Пишпакка ҳужум қилғанلىктари тұғрисида хабар олингандан кейин, бир масжид тарафига бориб яроғ-аслақаларнинг барча турлари бүйича машқ ұтқазилганини ёзған: «Бир куни Маллахон тұпчиларга, сарбозларға қаҳр-ғазаб билан машқ буюриб, тұпдан нишонга оттирди. Тұпчилар ҳарчанд жон-жаҳди билан отсалар-да, нишонга уролмадилар. Шу онда Қовус доддох тұпчининг бошини қилич билан танасидан жудо құлдилар. Бундан барча халойик-нинг ҳуши кетиб, жонларидан умид үздилар. Ҳамма құркүв ва ваҳимага түшди. Маллахон қаҳр-ғазаби пасайғандан кейин ўз қароргоҳига кетди ва әртаси Маргилонга жұнади». Хоннинг амри билан Шодмонхұжа ва Олимбек доддох раҳбарлигидаги қарийб 20 минг кишилил լашкар русларға қарши юборилди.

Мулла Олим Маҳдумхұжа «Түркистон тарихи» асарида бу лашкарнинг Пишпак атрофидаги Бекат деган манзилда руслар билан қилған жангини қуйидагича тасвиrlайди: «Мусулмонлар коғирларни үраб олиб жангда шайландилар. Бу вақтда Олимбек ва Қаноатшоқ қүшинлари үртасида ким сардорлик қилиши ма-саласи хусусида келишмөвчилик юзага келиб, Олимбек рақиби-га зарба бериш учун қүшини билан ўзини четга тортди. Бу билан у ор-номуси ва жасоратини йүқтеди. Тошкентликлар қурама-ликлар билан бирғаликда «тақдир» деган сұзни баралла жаранг-латиб үзларини дүшман үқларига урдилар. Мазкур сатрларнинг муаллифи каминаи факир эса «күп худоликларни үлдиринг-лар!», «Эй худо, дин ҳимоячиларини сақла!», деган хитоб сұзла-ри билан мусулмонларни рухлантириб турдим. Мусулмонлар үзларини коғирларнинг үқлар дентизига ташлаганда дүшман

замбаракларидан ва милтиқларидан шундай ўқлар отилдики, бамисоли осмону фалакдан чақмоқ ва яшин ёққандек бўлди. Ҳагто қиёмат-қойим куни келгандай бўлиб, тұплар ва милтиқлардан отилган ўқларнинг овози фаришталарнинг карнайлари товушига ўхшаб кетди. Кўп жасоратли ва қаҳрамон йигитлар мисли кўрилмаган азоб-уқубатлар шарбатини ичиб, ўзларини олов бағрига отдилар. Айрим қаҳрамонлар қилич билан кофирларнинг калласини кесиб ташладилар. Жанг шу тарзда бир соат давом этди. Пировардиди, тинимсиз давом этган ўқ ёмғирларнинг дастидан қозоқлар ва талончи-кўчманчилар қочиб тоғнинг ичкари томонига бекиндилар. Аммо қўшинимиз кофирлардан юзларини ўтирумай эрталабдан пешингача урушдилар. Ниҳоят, кофирлар мусулмон ўқларидан заифлашиб тепаликлар орқасига кетдилар. Мусулмон қўшинининг кўп қисми Қаноатшоҳ бошлигига жанг майдонидан 9 чақирим нарига жойлашилар. Қўшинининг бошқа қисми кечқурунгача душманга ўқ узиб уни Кастанакча чекинишга мажбур қилди. Сўнгра улар ҳам Қаноатшоҳ қўшинига қўшилдилар».

Бу жангдан сўнг Қўқон саркардаси Қаноатшоҳ бузиб ташланган Пишпак қалъасини қайта тиклади. Аммо руслар хонлик ҳудудига янги хуружларни зиддан тайёрлашда давом этдилар. Россия жосуслик хизмати вазиятни ўрганиш учун ҳаракатларни кучайтира бошлади. Энди Россия айғоқчилари Ўрта Осиёнинг ичкарисига сайёҳ, олим, савдогар ва элчилар ниқоби остида кириб кела бошладилар. Жосуслик йўсунида ахборот түпловчилар орасида П. П. Семёнов — Тянь-Шанскийнинг номи алоҳида ажралиб туради.

### **Мавзуга оид мушоҳада**

#### **Сайёҳ қиёфасидаги жосус**

П. П. Семёнов — Тянь-Шанский номи мактаб дарсликлиридан яхши таниш. У беозор, табиатшунос олим сифатида қайд, этиб келинди: Шарқий Қозогистон, Қирғизистон дашти, Иссиккўл ва Тянь-Шань тогининг ўсимликлар дунёсини ўрганган, география соҳасида тадқиқотлар олиб борган. Бу маълумотда жон бор. П. Семёновнинг юкорида номи тилга олинган ўлкалар табиатини ўрганишдаги хизматларини инкор этиб булмайди. Аммо, олим илмий фаoliyatinинг иккинчи томони ҳам борки, бу ҳақда шу пайтгача бир нима дейилмаган. Гап унинг тадқиқотлари Туркистонни батамом босиб олиш учун ҳарбийларга муҳим маълумотлар сифатида хизмат қилганлиги тўгрисида. Подшо генераллари П. П. Семёнов — Тянь-Шанскийнинг хоҳишига қарши улароқ, у туплаган маълумотлардан тўла фойдаланган деб булмайди. Олим ҳарбийларни «рус ерларини кенгайтириша»га даъват қилиб-гина қолмай, ўзи тўплаган маълумотларни уларга икки қуллаб топшириб, кўпдан-кўп маслаҳат ва тавсиялар беради.

Жумладан, қавмлар ўртасидаги уруғчилик низолариридан босқинчилик максадларида фойдаланиш шу сирага киради. Чунки, бир қайсар қавмни тийиб қўйиш ёки уни бўйсундириш ишқида ёнган иккинчи бир қавм йўлбошчилари рус қўшинидан најот истаб, тинмай ёрдам сўрашар эдилар. Бу эса

<sup>1</sup> Мулла Олим Маҳдумхўжа. Туркистон тарихи. Тошкент, 1915, 90-бет.

истиличиларнинг мамлакат ичкарисига бемалол кириб келишига йўл очар, узаро нифоқни янада кучайтириб юборарди. Шу тариқа, босқинчилар қисқа муддатда, деярли талафотсиз, ҳозирги Алмати шаҳри (ӯша пайтда Верний қальяси)гача кириб келишди.

Рус қўшинлари қозоқ даштини (улар қирғиз дашти деб аташган) истило килар эканлар, «янги рус ерларида» ўнлаб ҳарбий қалья- истеҳкомларни жадаллик билан барпо этишди. Ев қозоқ дашти — афсонавий бойликлар макони бўлмиш Туркистоннинг жанубини босиб олиш учун шунчаки бир майдон эканлигини яхши англар эди.

Туркистон халқлари тақдирига туаш воқеалар ана шу йўсинда фожиа- нутага етган бир пайтда, 1856 йилда, юртимизга П.П.Семёнов - Тян-Шанский кириб келади. Унинг асосий мақсади: Европа фанига ҳали номаълум бўлган Тян-Шань (Хон-Тангри) тоғлари силсиласига кируви ўлканинг табииати, ўсимлик ва ҳайвонот дунёсини текшириб, илмий тадқиқотлар олиб бориш эди. У Тян-Шанга 1856—1857 йиллар орасида икки марта сафар қилди ва ҳақиқатан география фани учун қимматли маълумотлар туплади.

Рус қўшинлари П.Семёнов изидан Тян-Шань тоглари сари кириб келди. Чунки, унинг биринчи саёҳати вактида ҳали Иссикқул атрофлари, Тян-Шаннинг асосий қисми Россия қулига ўтмаган эди. Демак, русларга нотаниш бўлган бу жойлар ҳақида, айниқса қаерда дарё бору, қай ерда тоғ, қай бир гўша дам олиш учун кулай, қай бир манзил ҳафсиз эканлиги — буларнинг барчаси ҳарбий юришларга бебаҳо маълумот бўлиб хизмат қиласади.

Олим саёҳати давомида кимлар билан қаерда учрашганлиги ҳақида ҳам батафсил маълумот қолдиради. Сибирь билан дашт чегарасини кесиб утишдан аввал у генерал-губернатор Густав Гасфорт билан сұхбатда бўлади. Г.Гасфорт қозоқ-киргиз ерларини босиб олиши, ўлкани кенг кўламда мустамлака қилишининг зўр тарафдори ва иштирокчиларидан бири эди. Гасфорт қозоқ ерларига туаш Гарбий Сибирь губернатори бўлса-да, унинг кўзлари Туркистонга қадалганди. XIX асрда рус жамиятида ҳукм сурган пораҳурлик, давлат ҳазинасини талон-торож қилиш ва ўғрилик губернаторни қаттиқ итиробга солади. У тартиб урнатишга ҳарчанд уринмасин, ҳеч нарсага эриша олмайди. Шундан у «изтиробли қалби»га қозоқ ерларидан малҳам қидиради.

Узидан олдингур губернаторлар кўчманчич қозоқ-қирғизларни шомонлини тарк этиб, мусулмонликка давъат этиш билан катта хатога йўл қўйишганини Гасфорт тезда англаб олди, — деб ёзди Семёнов-Тян-Шанский, — қозоқларнинг ислом динини қабул қилишлари Россия манфаатларига кучли зарба сифатида баҳоланди. Қозон шаҳридан татар муллаларининг қозоқ огулларига келиши таъқиқланиб кўйлади. Губернаторнинг бундай гайриинсоний ишлари шу билан якун топмайди. У қозоқлар учун тамоман янги дин кашф қилиш керак, деган қарорга келади. Қозоқларнинг кўчманчиликка асосланган турмуш тарзи, кўпхонглилик насронийлар одатига ёт, шу боис бу динни қабул қилдиришнинг иложи йўқ, деган фикр билан рус давлати манфаатларига жавоб берадиган янги дин яратишга киришади. Генерал мундиридаги сунгги «пайғамбар» тез орада ўзи ўйлаган янги дин лойиҳасини подшо Николай биринчига мактуб орқали маълум қиласди. «Пайғамбар»нинг мактубида бу динга яхудийлар дини асос қилиб олиниб, уни талмуд расм-русларидан тозалаб, насронийлик руҳида қозоқларга сингдириш лозимлиги таъкидланади. Губернатор нега бошқа динни эмас, айнан яхудийлар динини танлашагани биззга қоронгу, аммо унинг ислом динига нафратининг ҳадди-ҳисоби йўқлигини пайқаш қийин эмас. У дашлик қозоқ-қирғизларга шундай паст назар билан қарайдики, бошига келган бир фикр билан уларни сунъий равишида яратилган динга киритиш мумкин, деб ўйлади. Гасфортнинг «янги дини» лойиҳаси билан танишган подшо Николай I генерал мактубининг ҳошиясиага: «Динлар қонунлар моддасига ушшаб яратилмайди», деб резолюция қўяди-ю, губернаторнинг васвасаси амалга ошмай қолади. Ачинарлиси шундаки, П.Семёнов-Тян-Шанский Гасфортнинг гайри-инсоний фикр-ўйларини «ута адолатли» мулоҳазалар сифатида баҳолайди<sup>1</sup>.

<sup>1</sup> Ж. Сафоев тадқиқотида бу ҳақда етарли маълумот берилган.

### **Ўрта Осиё хонликларининг чор Россияси томонидан истило этилиши**

Россия давлатининг ҳукмрон доираларида эса бу пайтга келиб Қўқон, Хива хонликлари ва Бухоро амирлигига нисбатан истилочилик руҳи устун келиб, Александр II (1855—1881) ҳукуматининг ташқи сиёсатида жангари генераллар мавқеи кучайди. Генерал-адъютант граф Д. Милютиннинг ҳарбий вазир лавозимига, граф Н. Игнатьевнинг эса Бош штаб Осиё бўлими раҳбарлигига тайинланиши Россиянинг Ўрта Осиёдаги сиёсатида кескин ўзгаришлар бўлишидан дарак берарди. Россия матбуотида эса Ҳиндистондек бой ўлкани мустамлакага айлантирган Англиядан ўrnak олиб, Осиёда фаол ҳаракатга чорловчи мақолалар пайдо бўла бошлади.

Империя ҳарбий вазирлигига ўзбек хонликларининг иқтисодий ва сиёсий аҳволига оид жосуслик маълумотлари етарлича тўпланган эди. Генерал унвонига кутарилган граф Н. Игнатьевнинг ўзбек хонликларининг ҳақиқий аҳволи ва уларни Россия назоратига олишни қай йўсинда амалга ошириш ҳақидаги ахборотлари бу маълумотлар орасида алоҳида ажralиб турарди.

Граф Игнатьев биринчи галдаги вазифа сифатида Қўқон хонлигига қарши бевосита ҳарбий ҳаракатлар бошлашни таклиф қилган. Ана шу таклифга кўра, Россия 1860 йилда Қўқон хонлигига қарши эълон қилинмаган уруш бошлади.

#### **1. ЭЪЛОН ҚИЛИНМАГАН УРУШ... ҚЎҚОН**

Қўқон беклари жойлардаги ўзбек, қипчоқ, қирғиз аҳолиси билан иттифоқ бўлиб, чет эл босқинчиларига қарши ҳамжиҳатликда ҳаракат қилишга интилмадилар. Уларнинг бебошлиги ва зулми мамлакат барқарорлигига футур етказибгина қолмай, душманнинг фалабасига имкон яратиб берди. Иш шу даражага бориб етдики, қозоқ бийлари Россияга ўз ҳукмдорлари зулмидан халос қилишни сўраб мурожаат қилишди. Улар ҳатто русларни Бухоро ва Қўқон хонлари бирлашса, истилога жиддий хавф туғилишидан огоҳлантиришди. Муаррих бу ҳақда «Қўқон амалдорларининг зулмидан безор бўлган ва сабр косаси тўлиботшган қозоқ бийлари русларга бориб айтибдиларки, Моварроннахр хонлари, чунончи, Бухоро ва Қўқон хонлари орасида адоват ва хусумат пайдо бўлиб, Бухоро амири Фарғона мамлакатини тахти тасарруфига киритиб олмоқ муддаосига тушган. Агар Бухоро ва Фарғона бир мамлакат бўлиб қолса, у ҳолда Бухоро амири икки пойтахтни иҳота қилиб, то Тибат, Қандап-

ҳор тоғларидан тортиб лашкар жам қилгудек бўлса, иш оғирлашадур. Бу жойнинг аҳолиси ароларида низо ва беиттифоқлик пайдо бўлиб турган ҳолда ишни тезлик ва осонлик билан саранжом қиласурсиз»,<sup>1</sup> деб ёзган эди. Бу гапнинг даҳшати шундаки, Россия гё кенг омманинг кўз ўнгига босқинчилик билан эмас, балки таклифга кўра келган экан, деган тасаввурни ҳосил қиласарди. Бу ҳолатни пайқаган Қўқон ҳукмдори Султон Сайдхон<sup>2</sup> ва лашкарбоши Алимқул юрт барқарорлигини таъминлаш учун айрим чораларни амалга оширишга уринишиди. Бу жиҳатдан хоннинг қозоқ бийларига йўллаган мурожаатномаси дикқатга сазовордир. Унда хусусан бундай дейилган: «Худойи таолога шукрлар бўлсинки, шариат қонунлари асосида тинч-фаровон ҳаётга эришдик. Эндиликда 92 қавм<sup>2</sup> бирлашиб бир ҳалқни ташкил этди. Шу равишда бизнинг содик фуқароларимиз тинчланди, тарафдорларимиз узоқ-яқин жойлардан келишиб, бизнинг хурсандчилигимиз ва марҳаматимиздан баҳраманд бўлмоқдалар. Сизлар ҳам динимиз ва она-юрт ҳурмати юзасидан ҳузуримизга ташриф буоришингизни ҳамда олий илтифотимизга мушарраф булишингизни сўраймиз».

Алимқулнинг буйругига кўра, Нурмуҳаммад күшбеги Авлиё-отага бориб Талаҳ дарёсининг юкори оқимида истиқомат қилиб турувчи қиргизларнинг сардорларини йигиб улар билан сұхбатлашди. У ташқи душманга қарши курашда уларни ҳамкор бўлишга ундан, Катта ва Ўрта жуз қозоқларини ҳам шу иттифоққа тортиш зарурлигини уқтириди. Алимқулнинг бундай сиёсати рус амалдорларини ташвишга солди. Улар ўз тасарруфларидаги қирғиз мулқлари сардорлари билан учрашиб, уларнинг Қўқон хонлиги тарафига кўчиб ўтмасликларини алоҳида буюрдилар.


Рус зобитлари ўртасида ўзининг чўрткесарлиги ва ўта жангарилиги билан донғи чиққан полковник Михаил Черняев 1864 йилда Авлиёта шаҳри томон юриш бошлади. У Санкт-Петербургда ўқиган ва Россиянинг шарқдаги «маданиятпарварлигига» кўр-кўrona ишонган қозоқ зодагони, маърифатпарвар олим, штабс-ротмистр Чўқон Валихоновни ўзига маслаҳатчи қилиб олган эди. Русларга астойдил ишонган бу зиёли ана шу юришда рус зобитлари ва аскарларининг нималарга қодир эканлигини ўз кўзи билан кўрди.

Авлиёта ҳимоячилари душман билан мардана олишдилар. Шаҳар ҳокими Ниёз Али додхоҳ шаҳарни ташлаб, Туркистон тарафга қочиб кетиб қолганига қарамай, ҳалқ ўз ташаббуси билан шаҳрини мудофаа қилди.

Авлиёта аҳолисининг бир жон, бир тан бўлиб босқинчиларга қарши кўрсатган қаршилиги, ҳатто болалар ва аёллар-

<sup>1</sup> Мулло Олим Маҳдумхўжа. Туркистон тарихи, 92-бет.

<sup>2</sup> Ўзбек уруғлари.



Сафардаги истилочилар.

гача қўлда қурол билан она тупроқ ҳимоясида шаҳид бўлгани қозоқ маърифатпарвари Чўқон Валихонов қалбини ларзага келтирди. Черняевнинг шаҳарнинг талон-торож қилинишига йўл бериб қилган ёвузлиги Чўқон Валихоновнинг у билан низолашиб қолишига сабаб бўлди. Штабс-ротмистр Валихонов истеъфога чиқиб, рус армияси хизматидан ўзини четта олди.

Полковник Черняев эса Авлиётада қўлга киритилган фалабдан сўнг генерал-майор даражасига кўтарилди. Туркистон шаҳрига ҳужум қилган полковник Верёвкин қўшинлари ҳам хунрезликда черняевчилардан қолишмади. Улар ҳазрат Аҳмад Яссавий мақбарасини тўпга тутишдан ҳам тап тортмадилар.

### Чимкентда рус аскарларининг маглубияти

Авлиёота ва Туркистон каби муқаддас шаҳарларнинг руслар тарафидан босиб олингани ҳақидаги хабар бутун Кўқон хонлигини эмас, балки бутун мусулмон оламини ларзага солди. Кўқон хони Султон Сайдхон ва лашкарбоши Алимқул бор кучларини туплаб Тошкентнинг Мингўрик мавзеида марра эгалладилар. Мингўрикда тўп ва милтиқлардан отиш бўйича ҳар куни машқлар ўтказилди. Хон ва унинг сардорлари қўшин билан бирга бўлиб уларни руҳлантиришга ҳаракат қилдилар. Чимкент томон юриш бошланганда Султон Сайдхон ва лаш-

карбоши мулла Алимқұл ҳар бир маҳалла ва масжид олдида тұхтаб, халқдан ва дин пешволаридан дуо ва фотиҳа олишти. «Бутун халқ құлларини дуога очиб, — деб ёзған эди үша давр тарихчиси, — муллалар вәйзу насиҳат қилиб, ҳаммани йиғлатиб ғазот урушига даъват этдилар»<sup>1</sup>.

Юрт ватанпарварлари билан рус қүшинларининг Чимкент үчүн бұлған ҳал құлувчи жангы 1864 йил 14 июль тонгидада боцанди. Уч күн давом этган уруш ҳақида муаррих Мұхаммад Солиҳ қызық маълумотлар берган. Мингбой қипчоқ баҳодир бошчилигидаги юрт фидойилари жангни бошлаб беришли. Үндан кейин Мирзо Давлат құмандонлигиде тошкентликтер, сұнгра Хұжанд ҳокими Мирзо Аҳмад құшбегининг йиғитлари майдонга отилиб чиқдилар. Бириң-кетин Марғилон, Құқон, Андижон, Үш, Наманган йиғитлари жангга кирдилар. Калонхожа судур, Мұмінхожа судур, Мирбобо понсадбоши, Аваз Мұхаммадбий каби лашкарбошилар билан биргә жанг майдонида уламолар, фозиллар ва бошқа нұфузли кишилар ватанпарварларни рухлантириб ғалабага үндадилар. Муаррих ана шу воқеалар хусусида тұлқынланиб бундай деб ёзади: «Үрисларни пасткам ерда, чаشма ёнила мужоҳидлар тұрт тарафдан қамал құлдилар. Бир кече-кундұз тұплардан ва мильтиқлардан отищма бўлди. Шундан кейин уламо ва фозиллар навкарлар, жангчилар ва йиғитлар орасыда юриб, пайғамбар ҳадисларидан айтишиб, жиҳод ва ғазотта чақырдилар, зафар ва мұваффақиятлар тиладилар.

Лашкарбоши мулла Алимқұл мужоҳилларнинг ҳар бириңнинг күнглини күтариб, ҳаммани отдан тушиб ҳужумға үтишга буюрди. Шу равишида карнайлар садоси остида тұрт томондан үрисларға қарши ҳужум қилинди. Үша онда ҳозир бұлған кишиларнинг сұзларыға қараптанды, мужоҳидлар 2—3 минг қадамгача олдинга силжидилар, икки томон үртасыда тахминан бир ярим минг қадам қолғанда үрислар замбарак ва мильтиқлардан шундай қаттық ўқ ёғдирдиларки, бирданига 12 минг киши жанг майдонида үлдирилди ва жароҳатлантирилди».

Бу жангдан сұнг штабс-капитан Мейер үликларни ҳамда ярадорларни майдондан олиб чиқишини баҳона қилиб, урушни тұхтатиши ҳақида музокара бошлайды. Лекин руслар нимагадир чекинишга қарор қилишади, штабс-капитан Мейер ва подполковник Лерх бошчилигидаги қисмлар Авлиёта ва Туркистон томон чекинишади. Маҳаллий муаррихлардан Аваз Мұхаммад Аттор Ҳұқондий Чимкент останасыдаги ғалабани шундай тасвирлайды: «Ватан ҳимоячилари бор күч-құдрати билан динимиз душманларыға қарши урушайлық ва зарба берайлық, шоядки, коғирларға кимлигимизни күрсатсак, деган қарорға келишди... Мулла Алимқұл эшик оғаси құлиға зафар жиловини олиб,

<sup>1</sup> Қарант: Мұхаммад Солиҳ. Тарихи жадидаи Тошканд. ЎЗФАШИ, 11072-рақамлы құләзма, 448-бет.

иқбол останасига қадам қўйди, шарафи осмон авжига етиб, фатҳу зафарли аскарларга ишорат қилди... Икки томондан ҳам ҳарб ногораси ва уруш найи чалинди. Мусулмонлар тантанаси фазода акс-садо берарди. Довул садоси, ёшу қари фарёди аршдаги малак қулоғини ҳам кар қилди. Газабнок суворийлар ва шилдаткор йигитлар душман томон ҳамла қилдилар. Омонлик товуси оромини йўқотиб, зогга үхшаб бир чеккада турарди. Ажал лочини уруш майдонида парвоз қилиб, руҳ қушини сайл этарди. Қатл олови шундай ёниб кетдики, осмон тоқига етарди. Уруш шуъласининг таъсири шундай эдики, унинг нури фалакни ёритарди. Диловар аскарлар ўз жонларидан кечиб, ширин ҳаётни унутиб баҳордаги чақмоқ қамишзорга ургандек, курашга ташландилар. Хусусан, аҳли ислом кофирларни қаттиқ жазоладилар, уларни жало тифи билан уриб, шижоат ўқини отиб, бошларини танидан жудо қилиб ташладилар. Кўп кушайшлардан сўнг зафар насими Оллоҳ инояти ила мусулмонлар томонига эсли, кофирлар бошига бадбаҳтлик тупроғини ҳовчубаб сепди ва уларни шарманда қилди. Уруслар тез орада омонлик сўраб мусулмонлар олдидা тиз чўкиб бош қўйдилар»<sup>1</sup>.



Полковник М. Г. Черняев. У 1865—1866 йилларда Туркистон вилояти ҳарбий губернатори, 1882—1884 йилларда Туркистон үлкаси генерал-губернатори бўлган.

Чимкент останасидаги жангда юрт фидойилари эришган муваффақият ва русларнинг лашкарбоши Алимқул хузурига элчи жўнатишгани ҳақида маҳаллий муаррихларнинг асарларида қарама-қарши маълумотлар мавжуд. Аваз Мұхаммад Аттор Ҳўқондийнинг ёзиича, «Кўп урус кофирлар бошяланг, қулоқларини қўлга олиб, қўрқиб узр сўраш учун мулла Алимқул сардор хузурига келдилар. Совға-саломларини тортиқ этиб, душманлик ва адоват руҳидаги калималарни унутиб, ўз мақсадларини баён қилишди. Мусулмонлар сулҳ васиқасига имзо чекиб, ўрислардан икки лак миқдорида Россия тилласида пул талаб қилишди. Бу эса Ҳўқанди латифнинг 225 минг бир мисқолли ашрафийисига тенг эди. Улар Туркистон вилоя-

<sup>1</sup> Аваз Мұхаммад Аттор. Тарихи жаҳоннамойи. «Шарқ юлдузи», 1991 йил, 8-сон, 123-бет.

тини ҳам қайтариб беришга рози бўлиши». Мұҳаммад Солиҳ Тошкандийнинг ёзишича, «ўрислар томонидан бир элчи жамоаси келиб аҳду паймонлар қилиб, Султон Сайдхон олдида ўз шартларини изҳор қилиш мақсадида амири лашкар мулла Алимқулга совға сифатида түн келтирдилар ва жавобга мунтазир бўлиб турдилар»<sup>1</sup>.

Лашкарбошилар кенгashiда тошкентликлар руслар билан мозакара юритишга қарши чиқдилар ва бу фикр кўпчилик томонидан қувватланди.

Амири лашкар Алимқулнинг Ватан йўлида жонини тикканлиги, унинг ҳар қарич заминини муқаддас билиб, душман қўлида Қолдирмаслик учун ўтмишни, келажакни ўйлаб, буюқ давлат арбобига хос, туркий миллат жипслиги манфатларини кўзлаш жиҳатидан иш кўрганлигини бир тарихий далил шаҳодат этади. Муаррих, ўша пайтда шифовуллик мансабида турган мулло Юнусжон мунший амири лашкар Алимқулни кўп бора рус ҳарбий қўмондонлиги билан сулҳ тузишга, ёв тараф ҳам босиб олинган ҳудудларни (Туркистон ва Чимкентни — муалл.) қўлда сақлаб қолиш шарти билан, ярашишга рўзи эканлигини билдириб, уни кўндиришга интилганлигини айтади.

Амири лашкар Алимқул бу ҳақда кўп ўйлаб кўргандан кейин, ўз шифовулига шундай дейди: «Бу мусолеҳа<sup>2</sup> ниҳоят яхши ва фисандидадур ва мундин яхши маслаҳат йўқ, аммо бир нуқтамиз ани қабул қилмоқдин манъ қиладур. Бу мусолеҳани қилсак, Туркистон ва Фарғона ҳалқи «Амири лашкар ва шифовул деган икки малъун ўз осойиши ва айш-ишратларин кўзлаб, бу қадар мусулмонларни Уруссияга ташлаб сулҳ қилдилар, агар булар ғайрат ва ҳамият қилсалар ҳаммамиз газотга отланиб, бул тараф Урунбурх, ул тараф Симфулад (Симферопол) ва Шомгача олур эрдук», деб тирик бормиз ўзимизга ва ўлғанимиздан сўнгра фарзанд ва набираларимизга лаънат ва таъна юборсалар керак..... Энди бизга мусолеҳа важҳидан сўз қилманг, токи савдом қўзғолиб, сафром ғалаба қилмасун, дедилар»<sup>3</sup>.

Генерал Черняев, полковник Лерх ва капитан Мейер Чимкентдаги мағлубият оқибатларидан чўчиб, барча кучларни Оқбулоқда жамладилар. Бу жанг ҳақида рус манбаларида маълумотлар жуда юзаки. Мұҳаммад Солиҳ Тошкандий асарида эса бу воқеа шундай баён қилинади: «Мингбой баҳодир биринчи фотиҳани олиб қипчоқ қабиласи йигитлари билан ўруслар йўлини тўсиб, урушга ҳозирланди. Иккинчи тарафдан тошкентлик жангчилар уруш майдонида пайдо бўлдилар. Шу ҳолда Мирзо Аҳмадбек қушбеги бошчилигидаги Хўжанд навкарлари

<sup>1</sup> Мұҳаммад Солиҳ. Тарихи жадидаи Тошкент, ЎзФА ШИ, 11072-қўлёзма, 453-бет.

<sup>2</sup> Ярашиш, сулҳ.

<sup>3</sup> Мулло Юнусжон Мунший. Амири лашкар Алимқул тарихи, 49—50-бетлар.

урушга киришдилар. Хўжандлик, марғилонлик, андижонлик ва намангонлик сарбозлар амири лашкар мулла Алимқул қўмон-донлигига Жинон қабристонининг бир томонида жанг қилдилар. Бу ерда қилич ва найзабозлик билан ёқалашиши. Шундай қирғин бўлдик, ўликлардан тепалар ҳосил бўлди. Жангда Мингбой қипчоқ от устида қилич билан у ёқдан-бу ёққа чопиб душманлар бошини танасидан жудо қилди. Аммо унинг ўзи ҳам душман ўқидан ҳалок бўлди. Хуллас, кун ботгунча тұхтоворсиз уруш бўлиб, ўруслар охири чидай олмай орқага қайтиб, Авлиёотага чекиндилар».

Аваз Мұхаммад Аттор Хўқондий ҳам шунга ҳамоҳанг ёзади: «Сафар ойининг чоршанба, йигирма иккинчи кунида бир неча минг коғир ўз «гўрхона»ларидан тұсадан чиқиб, ислом лашкарини писанд қилмасдан, уларга тұту тұфандан ўқ отиб, Чимкент қалъаси томон йўлга тушдилар. Камози таллигача етиб келиб, шу ердан шаҳар қалъасини тұпта тутиб, шундай уруш қилдиларки, одамнинг вужуди ваҳимага тушиб, ҳайратдан гунг ва лол бўлди. Мулла Алимқул сардор жаноблари ҳар бир паҳлавон гуруҳни жойига тайинлаб, Мингбой қушбегини орқасига жойлаштириди. Мулла Алимқул эшик огасининг ўзи бир неча душман билан урушарди...

Алқисса, икки томон ҳам шу хатарли ҳамда хавфли жойда матонат ва сабот ила бир-бирлари билан қаттиқ олиши. Фарғона қўшини эртадан кечгача муҳарриба қилди... Охири зафар шамоли Фарғона томон эсли ва коғирлар тор-мор бўлиб, қочиши ихтиёр қилдилар».

Алимқул эришилган бу ютуқни мустаҳкамлаб, руслар эгаллаган шаҳарларни озод қилиш учун қўшинни қўпайтириш ҳаракатига тушди. Ана шундай тарааддуд қизиган куз ойила Бухоро амири Музаффарнинг Кўқон хонлигига қарашли ерларга бостириб киргани ҳақида хабар олинди. Бу орқадан урилган ханжардек хоинона иш эди. Алимқул шундай ҳал қилувчи бир вақтда Бухоро амирининг ёрдам бериб, Ватанини ҳимоя қилиш ўрнига, Кўқонга қилган ҳужумига қарши юришга мажбур бўлди. Бир томондан, босқинчи рус қўшинларининг, иккинчи томондан, амир Музаффарнинг зарбасига учраган Алимқул асосий қўшини билан Кўқон ҳимоясига отланишга мажбур бўлди ва инглизларнинг Ҳиндистондаги ваколатхонасига ҳамда Туркияга ёрдам сўраб мурожаат қилди.

Алимқул Хўжанд ва Уратепала амир Музаффарнинг қўшинлари билан жанг қиласётган бир пайтда, Черняев 1864 йилнинг 14 сентябрида иккинчи марта Чимкентга юриш бошлади.

Русларнинг Ўрол, Оренбург казаклари, 3-рота мунтазам пиёдалари ва тўпчилардан иборат гуруҳи Туркистондан, Черняев қўмонлонлигига, полковник Лерх бошчилигидаги Фарбий Сибирь батальони, 4-рота ўқилар, казаклар, пиёда тоғ артилерияси взводлари ва отлиқ ўқилар эса Авлиёотадан чиқиб,

Сайрам остонасида бирлашдилар. 22 сентябрдаги жангдан сұнг Чимкент истило қилинади. Чимкенттің олиниши билан истилочиларнинг узоқни мұлжаллаб түзган режаси амалға ошиб, Оренбург-Сибирь қүшинлари бирлаштирилди. Қүшин бошлиғи қилиб Черняев тайинланды.

Хуллас, Россия империясінінг кенг истилочилик фаолиятіни давом эттириши учун жуда қулагай шароит вужудға келди. 1863 йилда Польша, Литва, Белоруссия ва үнг қирғоқ Украина-даги құзғолонлар бостирилған эди. 1864 йилда эса Казказда тоғлайларнинг сұнгги таянчи, ҳозирғи Чеченистон ҳам рус қүшинлари тарафидан ишғол қилиниб, узоқ йиллар давомыда рус мустамлакачиларига қарши курашга раҳбарлық қылған имом Шомил таслым бұлды. Бундан ташқары империядаги ички ақвөл Үрта Осиёга қарши ҳужумкорлық кайфияттің күчайтирилди. 1861—1862 йиллардаги Шимолий Америкадагы фуқаролар уруши рус саноати учун келтирилаётган пахта оқимини тұхтатыб, бу хом ашёға әхтиёжни күчайтирилди. 1864 йилда Үрта Осиё пахтасининг нархи Россияда 1860 йилға нисбатан беш марта күтарилиб кетди. Империя ташқы ишлар вазирилігі ҳарбийлар билан биргаликда император номига тайёрланған ахборотномада «Россиянинг Шарққа доимий назарі күчли бұлғани»ни әслатиб, Үрта Осиёдеги «ярим ёввойи қабилалар билан тинчликсөвар сиёсат үтказишнинг иложи йүқлиги» үқтирилди ҳамда Құқон хонлигидеги беҳқисоб табиий бойликларга алоҳида ургу берилди. Рус саноатчиларининг асл мақсадини матбуот ҳам ошкорға қилиб, ҳукumatни «чүл қароқчилари билан пачакилашиб үтирасликка» чақырди. Москваниң «Голос» журнали очиқдан-очиқ зұрлік ишлатыш ва «ёввойи күчларға күч ва террор билан жавоб қайтариш зарурлығы»ға үндади. Генерал Катенин эса Тошкентни эгаллаш русларнинг «Үрта Осиё мұлкларыға таъсирини бенихоя оширишиға» дикқатни қаратди.

Бундай шароит ва кайфияттің вужудға келиши урушқоқ рус генералларининг мустақил ҳаракатында кенг йүл очди.

### **Босқинчиларнинг Тошкент ва Иқондаги мағлубиятлари**

Амалда Құқоннинг чинакам ҳукмдорига айланған лашкар-боши Алимқұл ички сиёсат бобилаги парокандалиқка чек қүёлмади. Натижада, русларға қарши иттифоқни мустаҳкамлай олмади. Нуғузли амалдорлар ва саркардалар бошини қовуштириш амалда мүмкін бўлмади. Айниқса обрули қозоқ бийларидан ҳисобланған Бойзокбийнинг қатл этилиши хунук оқибатларга олиб келди. Қозоқлар сардори Бойзокбий Алимқұлдан ҳукмни ўзgartиришни илтимос қиласи. Бу ҳақда муаррих шундай дейди: «Амири лашкар: «Сен икки марра аҳд қилдинг, яна буздинг» деб, жомадорга «Муни замбаракға солиб отқил!», деб буюрса, бечора Бойзок чол, қари киши әркан, ёши юздан утган

экан, айтибдурки, «ҳой, Амири лашкар, мени булаг қилма, күзимни күр қилиб, Ҳўқандга жубор, мен Русияга дафъ бўламан, мени хабарим болаларим ва бийларга етса, санга ёв бўлурлар, Русияни сенга бошлаб келурлар, ҳар иш қилиб, мени ўлдирма» деса, Амири лашкар қулоқ солмай, «кафил хат берайнин» деса ҳам қабул қилмай, охири юз пайса доруни замбаракка солиб, кичкина одам экан, ёнига икки бօғ қуруқ беда тиқиб отдурублур на ўлуги ва на суюги ҳам кўрунмади»<sup>1</sup>.

Қозоқларнинг 120 бий сардори отаси Бойзоқбийнинг ўлими Алимқулга нисбатан обрули қозоқлар оммасида кучли адоват ўйғотди. Ана шу адоват оқибатида улар русларга кўнгилли аскар-зобит бўлиб хизматга киришган. Бойзоқбий ўғилу қариндошлари ва яқинларидан 400 киши генерал Черняев қўшини сафида Тошкент юришида қатнашдилар. Черняев 1864 йилнинг 27 сентябрида Тошкент томон юриш қилганида ўлдирилган Бойзоқбийнинг ўғли Оқмулла юклар ортилган туяларни бошқариб борган. Бойзоқбийнинг бошқа ўғиллари эса йўл бошловчи бўлиб хизмат қилишди. 1864 йилнинг 1 октябрида Черняев Тошкент шаҳрининг шарқий томонидаги Дарвишак қопқа леган жойга етиб келали. Рус ҳарбийлари бу ердан Анҳор сувидан ўтиб, Чинобод ва хожа Аҳрор вақф ерлари, яъни Оққўрон орқали шаҳарга яқинлашиб, Кўқон ўлига жойлашдилар. Душман келаётганидан хабардор бўлган шаҳар аҳолиси девор устида жангга тайёр турган эди. Қўшфармончи қипчоқ бошчилигидаги аскарлар Кўқон дарвозаси, Мирза Аҳмад күшбеги сарбозлари Қашқар дарвозаси ҳимоясига отланганлар. Тўпчилар эса бу икки дарвоза орасидаги девор устига ўрнашдилар. Мудофаага барча шаҳар аҳолиси отланиб «ғарилар, фуқаролар, қариялар, ҳатто ибодату намоздан кўра, қўлимиздан келганча хизмат қилиш яхши ва савоб, дейишиб муҳоҳидларга ва гозийларга сув ҳамда озиқ-овқат етказиб турдилар»<sup>2</sup>.

1864 йилнинг 2 октябрида эрталабдан бошлаб ҳар икки томон ўртасида тўплардан ўқлар узилди. Бу вақтда Эшонкули додгоҳ мадрасаси мултаваччалари, хусусан, эшон Шарифхўжа Оғоқхўжа ўғли, эшон Ҳожихон Молиҳҳожи юзбоши ўғли Саъид Аҳрорхўжа Сотиболдиҳўжа ўғли, пичноқи уста Содик Назар, ўратепалик Хидирназар заргарнинг укаси ва бошқа зиёли вакиллари «газотни ва бу шарафли урушни Қуръон, тафсир ва ҳадислардан олинган сўзлар билан исботлаб, ҳаммани газотга ва урушга чорлади. Уларнинг ўзлари ҳам Кўқон дарвозасига бориб, тўпчиларга қўшилиб ўқ жойлашда ва отишда қатнашдилар»<sup>3</sup>.

Тошкент девори тўплардан ўққа тутилгандан кейин подполковник Обух 2 рота аскари ва 4 тупи билан ҳужумга ўтиб, деворнинг бир қисмини тешишга эришди. Шундан кейин рус

<sup>1</sup> Ибрат. Фарғона тарихи. Т., «Камалак», 1991, 307-бет.

<sup>2</sup> Тарихи жадиди Тошканд, 459-бет.

<sup>3</sup> Ўша асар, 462-бет.

аскарлари подполковниклар Обух ва Лерх қўмондонлигига шу жойдан шаҳарга бостириб кириш учун зовурни кечиб ўтишга ҳаракат қилганлар. Муҳаммад Солиҳнинг гувоҳлигига кура, «ўруслар олға чопиб зовурга ўзларини отдилар; уларнинг иккинчи гуруҳи ёрдамга келмоқда эди. Шу онда девор устидаги шертабиат ва довюраклар ўзларини пастга ташлаб, зовур ичидаги ўруслар билан ёқама-ёқа ушлашиб бир-бирларини ханжар билан ўлдира бошладилар. Ҳатто баъзи кишилар қочиб кетаётган душман орқасидан қувиб ва ушлаб, ханжар ва қилич билан жанг қилдилар. Зовур ичидаги ўруслардан уруш ва талаш билан 72 кишининг боши танасидан кесилиб, яроғ-аслаҳалари ўлжа олиниб, фозийларга бўлиб берилид».

Ана шу воқеа ҳақида рус зобитларидан К.К.Абаза ўзининг «Туркистон истилоси» китобида шундай деб ёзган: «Шаҳар деворига 2 рота ва 4 замбаракдан иборат ҳарбий қисм подполковник Обух қўмондонлигига ҳужум қилди. Кўп ўтмай улар деворни тешишга эришилар. Шундан кейин Обух подполковник Лерх билан ҳал қилувчи ҳужумни бошлаб юборди. Аммо қўқонликлар шу даражада қаттиқ ўқقا тутдиларки, солдат деворга етгунча барча бошлиқларидан айрилдилар. Обух эса, ўлар ҳолатда жароҳатланди. Черняев ёрдамга келган бўлса-да, лекин вақт ўтган эди, йўлда ғулклар ётарди, ярадорлар жон бермоқда эди. Тириклар эса, зовурда қалашиб мадорсиз ётишарди. 80 га яқин киши ўз бошлиқларининг «жасорати» учун ҳалок бўлдилар. Черняев аскарлари ашуласиз ва хурсандчиликсиз ғамгусса билан Чимкентга қайтдилар. Аммо уларнинг ҳар бири қўқонликлар галабадан қувонаётганликларини яхши тушунардилар»<sup>1</sup>.

Муаррих Аваз Муҳаммад Аттор Ҳўқондий Қўқон хони Султон Сайдхонни «жаноби соҳибқирон» дея улуглаб, бу галаба ҳақида шундай ёзган: «Кофиirlар ўз жойларига қайтиб кетдилар. Тошкентликлар бу фатҳу зафарни эшишиб, жаноби соҳибқиронга беҳисоб лашкар билан бир неча кофирнинг бошини ҳадя ва совға сифатида жұнатдилар. 19-жумадул аввал, чаҳоршанба күніда<sup>2</sup> бу башоратли хабар ул хосиятсиз бошлар билан бирга Ҳұқанди латифга келди. Кабиру сагир, фуқаролар бир неча кун хурсандчилик қилдилар»<sup>3</sup>.

Сўнгра улар Тошкентда ғолибларни қандай қутлашгани ҳақида Муҳаммад Солиҳ қори ҳам ёзган: «Султон Сайдхон ва Мулла Алимқул амири лашкар кўп аскарлар билан Чирчиқдан ўтганда шаҳар аҳли, акобирлари, уламолари, фозиллари, сардорлар ва шайхлар уларнинг қаршисига чиқиб зиёрат этиб, йиғи-сиги билан кўришиб ва дуога қўл кўтариб, уларни шаҳар-

<sup>1</sup> Абаза К.К. Завоевание Туркестана. СПб, 1902, 85-бет.

<sup>2</sup> 1864 йил 21 октябрь.

<sup>3</sup> Тарихи жаҳоннамойи, 124-бет.

даги ҳукумат саройига олиб келдилар. Уларга мужоҳидлар, ғозийлар ва шаҳар аҳолиси қатнашувида зиёфат берилди».

1864 йилнинг ноябрь ойида Тошкентда Султон Саидхондан фотиҳа олингандан кейин Алимқул сарбозлар ва ғозийлар билан Шайхонтахурнинг катта қўчаси бўйлаб Сағбон кучаси ва Сағбон дарвозаси орқали Сариоғоч йўлига чиқади. Улар бу ергача «ҳар бир маҳаллада ва масжидлар олдидা тўхтаб жамоа аҳлидан дуо ва фотиҳа олиб» келдилар.

Күшинда Алимқулдан ташқари миরза Давлат қушбеги, Күшфармончи қипчоқ, Юсуфбой доддоҳ, Утамбий қушбеги қипчоқ ўғли ва бошқа нуфузли кишилар бор эди. Аваз Муҳаммад Аттор Хўқондий уларнинг навбатдаги юришини шундай тасвирилаган: «Шундай қилиб, қиши ҳам кирди. Кундан-кунга ҳаво совуб, қору ёмғир ёғиб, ер яхлаб, қорнинг баландлиги оту тия кўкрагига тегадиган бўлди. «Туф», десангиз музлайдиган ҳавода соҳибқироннинг гайрати тошиб, лашкар сафидан 12 минг ёш йигитни танлаб, уларга мулла Алимқулини сардор қилди ва Туркистондаги кофиirlарга қарши жангга боришларини буюрди. Шу вақт ҳавонинг совуқлигидан ҳис ва ҳаракат руҳи бадандан соқит бўлиб, нафас танадан худди пўст ташлайдиган илонга ўхшаб зўрга чиқарди. Айниқса Тошкентдан чиқиб Қайроғоч мавзесига етиб келган кун тунда шундай шамол кутарилдики, Од қавмини йўқ қиласидиган тўфонга ўхшарди. Мусулмонларнинг бир неча нафарининг оёқ-қулини совуқ урди, бальзиларининг юзлари, кўзлари музлади, байзи кишилар эса ақлдан озиб, сафдан чиқдилар. Бир гаройиб аҳвол юз берди. Лашкар тез суръатлар билан ҳаракат қилиб Чулак мавзеига келди. Одамлар манзил қилган шу жойда кофиirlар ҳам кичик кўргон бино этиб, бир даста сарбозларни ҳимоя учун қолдирган эканлар. Шу қавмдан қарийб 50 кишини ўлдириб, хотираларини тоза ва мусаффо қилиб Иқон қальаси олдидা қўш урдилар»<sup>1</sup>.

Маглубиятга утратилган ўша рус ҳарбий қисми ясовул (майор) Серов бошчилигида Иқон қишлоғига тўрут чақирим қолган жойда Алимқул кўмандонлигидаги лашкар томонидан куршаб олинган эди. Ясовул Серовга ёрдам бериш учун Туркистон шахридан етиб келган русларнинг мадал кучи ҳам тор-мор қилинд<sup>2</sup>. Муҳаммад Солиҳнинг ёзишича, юрт фидойилари «Тошкент акобирларининг маслаҳатига кўра, ҳашак, қамиш ва тиканни наматга ўраб ва дехқонларнинг «қора бўйра»сини ясаб орқасидан отлиқлар ҳужумга утдилар. Натижада душман аскарлари яроғ-аслаҳаларини ва бошқа нарсаларини ташлаб ҳамда кўп кишисини йўқотиб Туркистонга қочишига улгурди»<sup>2</sup>.

Иқон жангига оид аҳборот Аваз Муҳаммад Аттор Хўқондий асарида ҳам учрайди.: «Намози аср ва шом вақти орасида кет-

<sup>1</sup> Тарихи жаҳоннамойи, 125-бет.

<sup>2</sup> Тарихи жадиди Тошканд, 477-бет.

ма-кет шундай хабар келдиким, бир неча юз ўрус кофиirlари дабдаба билан яқинлашиб келмоқда эдилар. Бу хабарни эши-тиб соҳибқироннинг фафлат уйқуси бошидан учди. Мардлик файрати унинг ҳамма паю суюкларида ҳаракатга келиб, аҳли лашкирини қуроллантириб, кофиirlар йўлини тўсиш учун жўнади. Сарбозлар душман йўлини ҳамма томонлама босиб олдилар. Қору муз отларнинг кўкрагига тегар, ҳаво совуклиги эса ифрот қаддига етарди. Шу кечани сарбозлар от устида ўтказдилар, уларнинг кўпчилигини совук урди. Кофиirlар эса ўзлари кавлаган хандакларга кириб, юз минг ранжу азоб ила кечани қундуз қилдилар ... Ислом лашкирининг фозийлари тўрт томондаги кофиirlарга қарата ўқ ёмғирини ёғдирдилар. Эш паҳлавон йигитлар отларига миниб, ҳар тарафга чопиб кетдилар, кофиirlар эса ваҳимага тушиб, уларни ўзларига йўлатмасдилар. Шундай қилиб, кечгача жанг қиссалар-да, ҳеч бир натижага эриша олмадилар. Кофиirlар тоғдек мустаҳкам эдилар. Ақсли одамлар ўз расму ойинларига қараб, маслаҳат қилиб, ҳийла йўлини тутдилар. Улар бир кеча-қундуздан кейин ҳар хил нарсалар — намат, дараҳт шоҳлари, қору муздан «қорабўйра» ясад уни олдиларига кўйиб юмалатиб, кофиirlар мавзеига яқинлашидилар. Уларнинг ғорқасидан панараб келган навкарлар тұсатдан душманга ҳужум қилиб, кофиirlарни паришон ҳолда нобуд этдилар. Баттоллардан ўттиз-қирқ киши от ва туяларни миниб, Туркистон сари қочишига тушди. Мард сарбозлар бундан хабардор бўлиб, уларга етиб олиб, ақлсиз кофиirlарни милитиқ билан отиб ўлдириши. Минг хил ҳийла ва найранг билан шу қавмдан 3—4 нафари қутулиб, Туркистон қалъасига етиб бордилар<sup>1</sup>.

Иқон жангидаги рус аскарлари ва зобитларидан 57 нафари ўлдирилиб, 43 нафари жароҳатланган эди.

Тошкент ва Иқондаги босқинчиларнинг мағлубияти мамлакат ватанпарварларини руҳлантириб, келгуси синовларга маънавий бирдамлик бағишилади.

### Тошкент жангидаги жасорат ва хиёнат

1865 йилнинг баҳорида генерал Черняев Ниёзбек қалъасини босиб олди. Тошкентга русларнинг иккинчи ҳужуми бошланди. Черняев юрт хоинларидан бири Абдураҳмонбек Шодмон ўғлининг маслаҳати билан Бўзсув түғонини бузиб, уни Чирчик сойига буриб юборди. Абдураҳмонбек аслида Тошкент шаҳрининг Чувалачи маҳалласидан бўлиб, Черняевга муҳим маълумотларни етказиб турган хиёнатчилардан эди. Вақтида, Абдураҳмонбек кўнгилли равишда Россия хизматига ўтади. Душманга сотилган хоинлардан яна бири шаҳарнинг энг катта бой-

<sup>1</sup> Тарихи жаҳоннамойи, 125-бет.

ларидан Мұхаммад Соатбой бұлиб, у Петропавловск, Троицк ва Россиянинг бошқа шаҳарларидағи савдо-сотиқ доиралари билан яқын алоқада бўлган. У Россияга хайриҳоҳ савдо аҳлиниңг сардори сифатида Тошкентдаги иқтисодий, сиёсий ва ҳарбий вазият ҳақида генерал Черняевга мунтазам равишида маълумотлар етказиб турган. Кейинчалик Россия империяси фахрий фуқароси ва «Авлиё Анна» олтин нишони соҳиби бўлган Сайдазим Мұхаммад ўғли ҳам ватанфурӯш сотқинлар орасида алоҳида ажралиб туради.

Муаррих Мұхаммад Солиҳнинг сўзи билан айтганда, улар ўз маслаги ва ватанидан юз ўғирган кишилар эдилар.

Юрт фидойилари бу вақтда Тошкент мудофааси учун зарур бўлган барча чораларни куришган. Улар Оқмачит маҳалласида истиқомат қиливчи Эшон Бобохўжа Аминни рус босқини ҳақидағи хабарни етказиш учун Қўқонга юборадилар.

Воқеаларнинг бевосита қатнашчиси ва жонли гувоҳи бўлган Мұхаммад Солиҳнинг ёзишича, Мингўрикда Тошкент аҳли иштирокида Султон Сайдихон, Алимқул ва сарбозлар шарафиға зиёфат берилади. Ана шу анжуманда лашкарбоши Алимқул нутқ сўзлаб, Тошкент аҳлига душманга қарши кўрсатган жасорати ва қаҳрамонликлари учун миннатдорчилик билдиради. Донгдор саркарда душман билан уларни «бир томчи қони қолгунча» курашишга даъват қиласиди. Мұхаммад Солиҳнинг яна ёзишича, Алимқул Бухоро амирининг худбинлик билан олиб бораётган сиёсатини қоралаб, қаҳрли оҳангда амирга таҳдид илиа оташин маъруза қиласиди. Мұхаммад Солиҳ шаҳар мудофаачиси ҳамда муаррих сифатида лашкарбоши Алимқулнинг Тошкент мудофааси учун кўрган чора-тадбирлари хусусида зўр кўтарилик билан қалам тебратади. Тошкентта келган сарбозлар ва фозийлар орасида қўқонликлар, андижонликлар, наマンганликлар, ўратепаликлар ва бошқа юрт фидойилари ҳам бор эди. Ўша жанг арафасида бомдод намози адo этилгандан кейин одамлар руҳланиб, душман билан олишувга шай туришиди. Жангчиларга оддий фуқаролар, муллаваччалар ва бошқа фозийлар ҳам қўшилиб, Афросиёб тепалигига марра эгаллашди. Лашкарбоши Алимқулнинг ўнг кўл сардори, тажрибали саркарда Султон Содик Кенесарин бошчилигидаги сарбозлар душман тарафга разведкага боришиди. Бу вақтда рус аскарлари Шўртепадан ғиқиб Олтингепага ўрнаша бошлагани маълум бўлди.

Бош қўмондон Алимқул душманга қарши биринчи навбатда қора кийимли сарбозларни, кейин нимча кийганларни ва орқасидан жиба кийган 2000 навкарни, 2000 кулоҳпушларни, сўнгра милтиқ билан қуролланган отлиқларни юборди. Уларнинг кетидан яна отлиқлардан ва қўнгилли фидойилардан иборат кучлар боради. Амири лашкар Алимқулнинг ўзи отланиб сарбозлар ва фозийлар орқасидан тезлик билан Афросиёбтепага

чиқади. Вазиятни чамалаб, шаҳарнинг Қўқон дарвозасига замбаракларни шундай тартиб билан ўрнаштиради, ҳар бир жанговор саф бошидан охирига қараганда худди бир одам тургандек кўринарди. Сафлар орасида 36 замбарак ўрнаштирилди. Кўп ўтмай душман тўплари гумбирлаб ўт очади.

Муҳаммад Солиҳнинг ёзишича, «ўрис аскарларига қарши тўп ва милтиқлардан ўқлар отилди. Шундан кейин жанг майдони тўп ва милтиқлар тутунидан киши бир-бирини кўра олмайдиган даражага етди». Бу вақтда, «Алимқул ҳар бир жангчи олдига бориб, хусусан баҳодирларга, сардорларга ва сарбозларга ширин сўзлар билан мурожаат этиб, дин ва ватан учун жангга руҳлантириб турди». Отлиқлар уч тарафдан хужум қилиб, душман сафини тўзитди. Олчоқ ва Олтинтепа мавзелари орқали Шўртепагача русларни таъқиб қилдилар. Чекинган рус қўшини тепаликка чиқиб жон сақлади. Дастрлабки тўқнашув шу тариқа юрт мудофаачилари фойдасига ҳал бўлди. Руслар устидан қозонилган бу дастрлабки ғалаба довруги хонликнинг барча жойларига тарқалиб, мамлакат мудофаачилари руҳини қутарди. Қўқон хони билан Алимқул ҳали душман кучлари буткул мағлуб бўлмаганини яхши англаган ҳолда, келгуси жанг режаларни муҳокама қилиш учун ҳарбий кенгаш чақирди. Кенгашда Тошкент вакиллари катта жасорат ва ғайрат билан ғалабага эришилганлигини эслатишиб, Султон Содиқ ва унинг иниси Арслон Кенесари ўғиллари бошчилигига навкарлар ва ғозийлар билан Туркистон, Оқмачит, Тўқмоқ ва бошқа руслар эгаллаган жойларни озод қилиш учун бориш зарурлигини айтишади. Аммо кенгашда худбинлик ҳолати ҳам кўзга ташланади. Қўқонлик Отабек шарбатдор қозоқ сардорлари кучайиб кетишидан хавфсираб, Алимқулга шундай дейли: «Агар уларнинг бу режалари рўёбга чиқиб қолса, у вақтда бириси хон, бириси вазирликни хоҳлаб, биздан юз ўгириши турган гап»<sup>1</sup>. Кенгашда ана шу фикр устунлик қилиб, дастрлаб ички низоларни тугатиш, сўнг русларга қарши урушни давом эттириш лозимлигига келишилади. Ҳарбий кенгашнинг дастрлабки ютуқни мустаҳкамлаб, жангни давом эттириш ўrnига, душманга нафас ростлашга имкон берувчи бундай хатонинг юзага келиши хунук оқибатларга олиб келди.

Шўртепада турган рус аскарлари билан тўқнашув кенгаш хатосини рўй-рост исботлади. Шўртепа қатъасининг нариги томонида уч бўлинмадан иборат рус аскарлари билан жанг ниҳоят даҳшатли бўлди. Қўлига қурол олиб жанг қилган Муҳаммад Солиҳнинг ёзишича, «Тўплар ва милтиқлар оғиздан думалоқ ўт-олов чиқиб, ҳавога парвоздиб, душман устига ёгар эди. Жасур ва фидойи сарбозлар ва мужоҳидлар уруш майдонида душманни ёқасидан тутиб ва муштлаб, қулларидағи тиг, қилич

<sup>1</sup> Зиёев Ҳамид. Кўрсатилган асар, 157-бет.

ва найзалар билан жанг қылдилар. Майдонда ўлган ва жаро-хатланғанларнинг оҳ-воҳлари ва фарёллари ҳар томондан эши-тилиб турарди<sup>1</sup>. Бош құмандон Алимқұл шахсий ибрат күрса-тиш учун үзини жанг майдонига отди. Алимқұлга дуч келган ҳар бир душман чавандози омон қолмаган. Жанг авжига чиқ-қан пайтда бир ўқ Алимқұлнинг киндиғи пастидан тегиб, у қаттық жаро-хатланади. Гувоҳнинг ёзишича, Алимқұл от усти-дан йиқилаётганды отнинг бўйнидан маҳкам тутиб, үзини яна от устига олди ва шу ҳолда тўпхона олдига бориб, фармон берди: «Тошкент фуқаролари аста-секин орқага қайтиб, ўзла-рини шаҳар ичига олсинлар, бошқа сарбозлар ва муҳоҳидлар эса урушни давом эттирсинлар».

Яна бир муаррих мулла Олим Маҳмуджаннинг ҳикоясига кўра, қипчоқ ва қирғизларнинг баъзи бошлиқлари ниҳоятда хавф-хатарли ва тақдирни ҳал этувчи дамларда очиқдан-очиқ жанг қилишдан бош тортган: «Тошкентдан тахминан ўн икки чақиримлик Олчоқ мавзеига яқинлашганда мулла Алимқұл курибдурларким, Русия қўшини бир жойга жам булиб туруб-дур. Аларнинг муқобилига мулла Алимқұл отлиқ мерғанларни пиёда қилиб, тўпчи сарбозларни ёнига кўйиб, тўпларни рўбарў айлаб, икки тараф отишма бошладири. Ҳар икки тарафнинг тўп-туфанг отишидан ва чанг губордан уруш маъракаси қо-ронғу булиб, бир-бирларини кўрмайдуғон даражага етуб, бу урушда Мулла Алимқұл ўзи қўшинга бош булиб, гоҳ бул тараф, гоҳ ул тарафдаги аскарларнинг тепасига бориб, кўнгил сўраб турган. Аксар қипчоқ-қирғизия саркардалари қўшинлар билан урушга аралашмай мулла Алимқұлга кўриниш айлаб, тепа усти-дан урушни назорат қилиб турубдурлар. Мулла Алимқұл Юнус-жон шифовулни юбориб айтибдурларким: «Бу қандай аҳвол... хусумат ва адованнинг вақти эмас, уруш тамом бўлгандан ке-йин ҳар нима кўнгилларингизда бўлса муддоан табъ жойига етказурман. Ҳаммамиз иттифоқлашиб обрў олайлук, бўлмаса мулку мамлакат, давлат қўлдан кетадур. Бу сўзларни Юнусжон шифовул еткурғон ҳолда аларнинг ичидан Пўлод қирғиз ном дағал одам қаттиқ ва нодуруст жавоб бериб, Юнусжонни қай-тарди. Шул уруш асносида мулла Алимқұл сувора ҳар қайси қўшин дастасида гоҳ тўпчилар, гоҳ пиёда мерған ва отлуг ас-карлар олдига бориб, ҳар қайсиларига ўзи амр бериб турган ҳолда, биқинидан ўқ тегиб отдин йиқилди. Дарҳол уни от ўза олиб, қўшиннинг назарига соғ одамдек кўрсатиб, қўшинга дар-ҳол тўп ва тўпхоналар ишан аскар Тошкент рафига қайтсин, деб амр берилди».

Алимқұлнинг ярадор булиб, сафдан чиқиши мудофаачилар-га қаттиқ таъсир кўрсатди. Шунга қарамай улар ўз куч ва иро-даларига таянган ҳолда замбаракдан душманга қарши ўт очиб,

<sup>1</sup> Тарихи жадидаи Тошканд, 510-бет.

сүнг карнай садолари остида ҳужумга үтишди. Душман билан юзма-юз жанг қилган филойилар тартиб билан Салор ариги томон чекиниши. Аммо мудофаачиларнинг айрим гурухлари бирин-кетин жанг майдонини тарк эта бошлалилар. Қипчоқ-қирғиз ва андижонликлар қўлга тушган ўлжаларни олиб Фарғона томонга қараб йўл олдилар.

## **Мулоҳаза учун далолат**

### **Жангчи муаррих**

Муаррих Мұхаммад Солих қуролдошлари билан даладаги икки түпни шаҳар ичига жойлаштиришга ёрдам берәётганда белига олтин камар бөлгаган, күмуш гилофда қилич ва олтин сопли ойболтаси бор сардорлардан бирига кўзи тушади. Мұхаммад Солих уни шаҳардан қочаётгани учун хоинликда айблаб, темир таёқ билан елкасига туширади. Русларнинг тупдан отган снарядларидан бири тўпчиларни ўлдиради, баъзиларини эса жароҳатлантиради. Натижада туп отувчи киши қолмаганидан Мұхаммад Солих ҳамроҳлари билан укни тўлга жойлади. Шундай бир ёш йигит келиб, исми Тошмуҳаммад эканлигини ва Оққўргонданлигини маълум қилиб, туп отишга киришади. Бу йигитнинг отган уқлари хато кетмасдан мўлжалга тегиши орқасида рус замбаракларининг овози учади. Бундан хурсанд бўлган Мұхаммад Солих унга шундай дейди: «Эй, жен углим, хизматинг шарофатидан мусулмонлар катта фойда курдилар. Қалъя кунгирасидан қарайлик-чи, уқлар бекорга кетмаганимкан. Тездан қарасак, руслар Ниёзбекни катта йўли бўйлаб тўпларини пастлик ерга кўйиб, сунгра аста-секин Шуртепа томонга юрдилар. Буларни куриб тарихи Тошкандий «Охиратинг обод бўлсин, зоту зурриётингга раҳмат!», — деб Тошмуҳаммадни дуо қилди».

Мұхаммад Солих ҳамроҳи Эшонхон ҳожи билан масжиддан чиққанда, Чуст ҳокими Мұхаммад Айюб минг кишилик отлиқ аскари билан шаҳардан кетаётганини курди. Уларга «қаёққа кетаётисизлар», деб савол берилганда, «руслар Кўкча дарвозаси томон келмоқчи, амири лашкар мулла Алимқўул уша ёққа боришини буюрдилар», деб жавоб беради. Шу пайтда бир киши Амири лашкар ўлдилар, улар қочиб кетаётир, деган. Чуст ҳокимига «Хукумат берган тузини» инобатга олиб, душманга қарши урушни давом эттириш лозимлигини айтганда, ҳоким: «Бу муллавачча нималарни гапирайпти», — деб қиличи билан унинг бошига туширмоқчи бўлган. Мұхаммад Солих эса чаққонлик билан милтигининг қўндоги билан ҳоким отининг тумшугига ва орқа томонига урганда гандирлаклаб, орқага кетаётган отларга бориб урилган.

Мұхаммад Солих яна бир воқеанинг гувоҳи бўлган. У кучада кетаётганда чопони ичиди қиличи бор икки кишининг юқ ортилган икки отни етаклаб кетаётганиларини куради. «Бизлар савдогарлармиз, ҳукумат саройига бораётмиз», — дейишишади улар. Аммо Мұхаммад Солихнинг шогирдларидан бири у отликлар Кўқондан қори Шамсиддин томонидан мулла Алимқўулга уруш харажатлари учун юборилган маблагларни олиб кетаётган Ҳакимхўжа ва Ёқуббойвачча номли кишилар эканлигини маълум қиласи. Юклар давлат хазинасига тегишли маблаг эканлигини англаган Мұхаммад Солих хазинани Муса Мұхаммадбий деган кишининг уйига туширтирган ва ўғирланишдан сақлаб қолган. Шундан кейин Мұхаммад Солих бу ҳақда маълумот бериш учун Султон Сайдидхон ҳузурига боради. У ҳамроҳи Эшонхўжа билан Балҳ ариги кўпригидан ўтганда подшоҳлик анжомларини ва ҳар хил нарсаларнинг тепасида турган Тўракул деган шахсга дуч келган. У киши хазинага тегишли нафис ва қимматли буюмларни шаҳар ичига олдиришда ёрдам беришини Мұхаммад Солихдан илтимос қилган. Бу сўров сарбозлар ёрдами билан амалга оширилган. Кейин маълум бўлишича, хазина моллари қаергадир олиб кетишига тайёрлаб қўйилган экан. Мұхаммад Солих Султон Са-

йидхоннинг дарвозанинг шимолидаги Давлатбой деган кишининг ўрикзорида турганини аниқлайди. Мұхаммад Солих Султон Сайдхоннинг: «Қаердан келаётисизлар», — деган саволига шундай жавоб беради: «Мужоҳидлар ва ғозийлар жамоасига Құқон дарвозасини беркитдириб, паришонқол ва ҳар томонға қочаёттан кишиларни үз жойларига қайтариб ва яхши сұзлар билан күнгилларини күтариб, юрларидаги ҳар түрли вахима ва хавфни чиқариб подшоҳлик тегишил түрли молларни ва маблагларни талон-торож этишдан холи этиб, маълумот беріш учун хузурингизга келдик». Шунингдек, у сүзининг охирида Тошкент шаҳрининг «құршовдаги күл-оёқсиз ва ташналиқда қолған ҳалқини озод этишининг охири баҳайр бұлишилгини», «яхши ном қолдириси ва буни авлодлар қалбіда абадул абад сақлашими таъкидлаб үтади».

Мұхаммад Солихнинг чин юракдан айтган сұздлары Отабек шарбатдорнинг газабини құзғатди. У үзини туаолмай, навкарларга Мұхаммад Солихни отиб ташлашни буюрди. Аммо, Мұхаммад Солих күчанинг уртасига тушиб улардан олдин милитиклари билан уларнинг пешонасими нишонга олади. Бу холни күріп турған вилоят катталаридан бири эшон Мансурхожа: «Отабек, ҳозир шундай вақтқи, фитна-фасодни ва ҳалқнинг паришонлигини даф этиб ва орқага қайтиб, мамлакатдорлик ишлари билан машгул булиш даркор. Айни бир вақтда подшоҳлик асбобу анжомларини бир ерга туплаш лозимдир», — деге уни вазмийликка қақырди. Шундан кейин йұлға чиқишига отланиб турған Султон Сайдхон «дарҳол отининг жиловини орқага буриб қайтиб» Мұхаммад Солихнинг олдига келиб, үзининг Тошкентдан кетмаслигини айтади. Мұхаммад Солих шу тариқа үзи шахсан Тошкент мудофаасига муносиб ҳиссасини қушади.

## Тошкент хони

Султон Сайдхондан юз үгириб қочиб кетған қипчоқлар, қыргизлар ва айрим құқонлик сардорлар Құқонға чекиниб, таҳтта янги хонни үтқазиш ҳаракатига тушиб қолған бир пайтда Тошкент ҳалқы Султон Сайдхонга содиқ қолиб, уни қайта хонлик таҳтига үтқазишида. Муаррихнинг ёзишича, мамлакат аўёнлари, ашрофлар ва мутасаддийлар, хусусан, Содиқ тұра ва унинг иниси Арслон тұра, мұлла Солих додхоҳ, Бобожон понсадбоши, мұлла Содиқ ва Отакул маҳрам ясовул ва бошқа сардорлар ҳозир булишиб таъзим ила салом беришиб, юзларини подшоларининг мазаллати тупроғига суртиб, амал даражалари мақомига яраша үтиришиб, яқдиллик билан Султон Сайдхонни тұрт бурчакли оқ кигизнинг устига үтқазиб, юзини қибла томонға қаратиб қүйдилар. Тұрт жамоа ва қабила бошлиқлари кигизни бир бурчагидан, уламо ва фозиллар иккінчи бурчагидан, Содиқ тұра ва Арслон тұра ва бошқа элат бошлиқлари учинчи бурчагидан, Құқон сардорлари тұрттыңчи бурчагидан, Тошкент аўёнлари, ашрофтери ва саркардалари, жумладан, Шер Алибий, ҳаммалари бирданига тақбир айтиб, саловот үқиб, үйгешашиб уни подшоҳликка күтариши ҳамда подшоҳлик тожини унинг бошига кийгизиши. Шу онда улар «Муборак бұлсын!» дейишиб, уни табриклишдилар. Султон Сайдхон шарафига зиёфат берилді.

Султон Сайдхон Мұхаммад Солихнинг хизматларини тақдирлаб, унга шойи тұн кийгизиб шундай деган: «Эшони домул-

ла! Энди давлатга шерик бўлдингиз, хабар олиб турсунлар». Шу равишда Тошкент ўз хонига эга бўлиб, Кўқондан мустақилигини намойиш этади.

Ана шу воқеа арафасида Мұҳаммад Солиҳнинг амакиваччаси эшон Юсуфхўжа Иноғомхўжа читбурушнинг ўғли хонадонидан мулла Алимқулнинг жасади олиб чиқилиб, Шайхондатхур қабристонига қўйилган. Мулла Алимқулнинг жон бериши ва дағн этилишини Аваз Мұҳаммад Аттор Ҳўқондий шундай баён этган: «Қирғиз ва қипчоқлар вафосизлик қилиб, Ҳўқанди латифга кетган кунларида сартия аҳолиси замон хонига вафодорлик кўрсатиб, амири лашкар билан қолдилар. Қипчоқ ва қирғизлар хиёнати амири лашкарга ҳам маълум бўлди. Бундан дард чекиб, Алимқулнинг касаллиги яна оғирлашди ва пешиндан кейин унинг руҳ қушчаси тананинг тор қафасидан халос бўлиб, жаннат оламининг фазосига учиб кетди. Жонни жон ато қилганга бериб, шаҳодат даражасига етди. Амир лашкарнинг фарзандлари, хотинлари ва тобелари бу аҳволни мушоҳада қилиб мажруҳ қалблари яна маҳзун бўлди. Сабру қарор жабрини кўлдан бериб, фам ва қайғу тариқасига ўтдилар. Аркони давлат, аъёни шавкат сартия мамлакатининг акобири ашрофлари, Тошкентнинг каттаю-кичиги ҳайма қайғуга тушиб йигладилар. Кузларидаги ёшлар дурга ўхшаб оқарди. Алқисса, ул жамоатнинг нолаю фарёди фойда қилмади ва бу дарди бедавога илож ҳам топилмади. Ниҳоят, Фоҳира дунёning орият либосини амири лашкар танидан ечиб, охират либосини кийинтирдилар. Аркони давлат ва аъёни мамлакат мулла Алимқулнинг жасадини қайси маконга қўяйлик, деб машварат қилиб бир қарорга келолмадилар. Шу маҳал амири лашкарнинг бир неча ишончли кишиси ўзаро маслаҳат қилиб, иттифоқликда жасадни фозиллар қўёши ҳазрат Шайховандтахур мозорида дағн қилдилар»<sup>1</sup>.

Султон Сайдхон Россия тажовузига қарши курашда ёрдам сўраб Туркия султонига, Бухоро амирига ва Кўқонга элчилар жунатди. Кўқонга юборилган элчилар жанг майдонидан қочиб бораётган Кўшпарвоначи қипчоқ ва Мирзо Аҳмад күшбеги бошлигидаги навкарларни Пскент ва Курамада учратиб, ёрдам бериш тўғрисидаги хатни топширишди. Аммо улар орқага қайтишга кўнмай, Султон Сайд ва муфсид Отабек шарбатдор номларига хат ёзиб, қандай бўлмасин Султон Сайдни Кўқонга олиб кетишини, акс ҳолда таҳт бегоналарга ўтиб кетишини маълум қилдилар. Улар Сирдарё қирғонидаги Сарой деган жойда Шодибекнинг ўспирин ўғли Худойқулни таҳтга ўтқазиш билан хусусий манфаатларини қондирмоқчи бўлдилар. Кўп ўтмай ушбу 12 ёшли йигитча Саройга олиб келинди, сўнг Кўқонга йўл олишди. Бу ерда қипчоқ ва қирғизлар ҳокимиятни эгаллаб,

<sup>1</sup> Тарихи жаҳаннамои, 126—127- бетлар.

Худойқулни таҳтга ўтқаздилар. Кейин эса ҳалққа зулм қилиб, яна солиқлар солишиди. «Коғирларга қарши ғазовот» учун деб фуқародан юз минг тилла пулни йигиб олишиди.

Мұхаммад Солиҳнинг ёзишича, Бухорога себзорлик эшон Ҳакимхұжа қозикалон бошчилигида ҳар даҳадан түрт оқсоқол юборилади. Бухоро амири ўз мактубида Султон Сайдхоннинг унга бўйсуниши ва шундан кейингина Тошкентга ёрдам бериш мумкинлигини ёзди. Амирнинг мактуби шаҳарнинг нуфузли кишилари томонидан муҳокама этилади. «Тарихи жадидаи Тошканд» асари муаллифи Мұхаммад Солиҳ бу кенгашда, Бухоро амирининг таклифини Кўқоннинг олий лавозимдаги амалдорлари, хусусан, Отабек шарбатдор қувватлаб, Султон Сайдхонни Бухоро амири ҳузурига юбориш ҳақидағи амирнинг талабини қувватлаганини, унинг ўзи мазкур кенгашда Мұхаммад Солиҳ қатнашганини ва хонга савол берганини эслайди:

«Шаҳзода, сиз кимнинг фарзандисиз?»

Жавоб бердилар: «Шаҳид Маллахоннинг арзанда ва азиз ўғлиман».

Мен дедим: «Отасига ҳам, ўғлига ҳам раҳмат. Бириси адоплат ноғорасини чалди, иккинчиси эса, ғазот ва жиҳод йўлида хизмат кўрсатиб ва яхши ном чиқариб, ўзга ҳукмдорларни ҳайратга солди. Шаҳзода бамисоли хонлик хазинасидаги жавҳардир, уни бекордан-бекорга қўлдан бой бермаслик лозим. Бу зотни этагидан тутиш бурчимиздир. Ҳали қўлга кирмаган насияга ишониб қўлдаги нақдни бериш ярамайди. Давлатнинг тузини ичган ҳар бир амалдор ва саркарда унинг фамини емай, хизмат қўлмай ва ўз вазифасини адо этмай ҳар томонга қараб қочса, фуқаролар душманнинг асирига айланиши турган гап».

Мұхаммад Солиҳнинг бу оташин нутқи кенгашда кучли таассурот уйғотди. Отабек шарбатдор шайхонтаҳурлик мулла Гулмирзо оқсоқол ўғлини Бухорога элчи қилиб юборишини таклиф қилди. Аммо Мұхаммад Солиҳ бунга эътиroz билдириди. У генерал Черняев ҳузурига ақдли ва тадбиркор элчини юбориб, урушнинг тұхтатилишини ва унинг Чимкентга қайтишини таклиф этиб, бу режа амалга ошса, ҳарбий тайёргарлик кўриш учун вақтдан ютиш мумкин бўлишини айтди. Бу таклифга кенгашдаги жоҳил кимсалар Ҷарши чиқиб, «Бизлар русларга бош эгиб ҳеч вақт элчи юбормаймиз», — дея калондимоғлик билан мажлисни тарқ қилишиди. Султон Сайдхон эса муаррихнинг сўзларидан таъсирланиб, унга шойи тұн кийгазди. Бухородан Искандар бошлиқ элчилар келиб Султон Сайдхонни расман амир томонидан Бухорога таклиф қилишганида ва кенгашдаги кўпчилик унга қўшилганда ҳам, Мұхаммад Солиҳ қори ўғли эътиroz билдириб, шундай башоратомуз сўзларни айтади: «Давлат тузини ичган амалдорлар ва сардорлар қочсалар, қалъанинг тупроғини ялаб ётган фуқаро, фариллар бева-бечораларнинг қўллари қиёматгача уларнинг ёқасига ёпишиб, мало-

мат ва таъна остида қоладилар». Лекин унга қулоқ солмадилар. Қисқаси, тазиң остида Султон Сайидхон 1865 йил 9 июнда Мирҳамил Мирҳалим ўғли бошчилигига 500 аскар ва бир түп билан Бухорога йўл олди.

\* \* \*

Генерал Черняев эса шаҳарни тўлга тутишда давом этар эди. Унинг зарбдор кучлари Сирдарё қирғоғидаги Чиноз қалъасини эгаллади. 1865 йил 14 июндан 15 июнга ўтар кечаси полковник Абрамов, подполковник Жемчужниковлар қўмон-донлигидаги 7 рота ва 8 замбаракдан ташкил топган аскарлар аста-секин боғлар орасидан Камолон дарвозаси томонга қараб юрдилар. 15 июнь эрта тонгда рус аскарлари тўсатдан Тошкентнинг Камолон дарвозаси деворидан ичкарига бостириб кирдилар. Мұҳаммад Солиҳнинг сўзларига қараганда, руслар даставвал деворнинг бир киши ўталиган тор жойидан кириб олишган. Сўнгра дарвоза ва девор устига чиқишиб, у ердаги тўпни ерга улоқтирганлар ҳамда Мұҳаммад Солиҳ ва унинг атрофидаги кишиларга қаратса милитиклардан ўқ отишган. Шу пайтда мурло Исламнинг деган бир киши қўлтигидан тўрт бўлак тошни чиқариб: «Биз ҳам чимкентликларга ўхшаб гуноҳкор бўлиб, ҳаром ўлайликми? Яхиси, бу заминда ғозий ёки шаҳид сифатида ўлганимиз афзал», — деб қичқирган.

Рус аскарлари Камолон дарвозасидан кириши биланок Абрамов 250 аскар билан девор ёнидан ўнг томонга кетган



Босқинчилар ва ватанпарварлар жанги.

күча бўйлаб боради. Йулда унга қарши 200 сарбоз 4 замбарак билан хужум қиласди. Аммо душман ғолиб келиб замбараклар жарга ташланади. Абрамов аскарлари уч жойда мудофаачиларнинг қаршилигини синдириб, бир неча тўпни ўз жойларидан ағдариб ташлаб, тўгри Қорасарой дарвозасига қараб юрадилар. У бу ердан Эски жўва бозори томонга қараб ҳаракат қилиб, дуч келган тўсиқлардаги мудофаачиларни қириб ташлайди. Подполковник Абрамов, майор Делакра ва подполковник Жемчужниковларнинг аскарлари Қўқон дарвозасини очадилар. Шундан кейин Краевскийнинг ҳарбий қисми шаҳар ичига киради.

Кейинги жанглар Анҳор атрофига давом этади. Муҳаммад Солиҳнинг гувоҳлик беришича, рус аскарлари баланд овоз билан «ур-ра», деб тўрт томонга миљтиқ отишиб, йўлларида учраган одамни олдиндан ва орқадан отиб кетавердилар. Мулла Муҳаммад Юсуф деган кишининг таклифи билан катта кучанинг олд томонини аравалар билан тўсишга киришилади. Муҳаммад Солиҳ фозийлар ва сарбозлар билан Анҳор кўпригининг фарб томонини аравалар билан тўсиб баррикалалар куришга бошчилик қиласди. Кўприкнинг ҳар икки томонида дўконлар бор эди. Бир вақт, «ўруслар икки томондан «ур-ра» деб қичқиришиб, бирданига миљтиқлардан ўт очадилар. Фозийлар кўркмасдан домулло Фозил охундга қарашли дўконларнинг иккичи томонига ва масжидга урнашиб олиб ва миљтиқ отиш учун дўконларнинг деворларини тешиб, жангга шай бўлиб турдилар. Руслар то тўпларини жойлаштиргунга қадар дўконлар ичидан уларга қарши ўқ ёғилди».

Шаҳар уламолари фозийларни жангга отлантиришда жонбозлик курсатдилар. Шайх Абу Ҳаким Ўрда тўғонининг устига чиқиб қўлидаги таёғини ерга уриб «коғирларни ўлдиринглар!», деб бақирган ва Қўқон дарвозаси томонга қараб чопган. Душманнинг унга миљтиқ ўқталишига қарамай, тикка туриб олган ва қаттиқ жароҳатланган. Шу ҳолда у «икки кўзларидан ўш оқизиб ва такбир, саловат ўқиб, фозийлар ва мужоҳидларга: «Мени қўяверинглар, душманни ўлдиринглар», — деган.

Юрт фидокорларининг қаттиқ қаршилиги туфайли душман Қўқон дарвозасини ташлаб чиқиб, Шайх Шиблий ариғидан утади. Сунг Қўқон дарвозасидан чиқиб катта кучаб билан Имом Ҳасанхон ва Саъид Маҳмудхон ўғли Юсуфхон масжидлари ичига кириб ўрнашадилар. Улар бу ердан тўплардан ҳар томонга сочма ўқлар отишади. Оқибатда маҳаллаларда ёнғин чиқиб, одамлар бошқа жойларга кетишга мажбур бўлади. Анҳор суви атрофидаги дўконларга ҳам душман томонидан ўт қўйилади.

## **Мавзуга доир ахборот**

### **Рус зобитининг гувоҳлиги**

«Корасарой дарвазасига етгач, Абрамов Кошгар ва Қўқон дарвозалари уртасидаги белгиланган манзилга тўғри чиқиш учун шаҳар томон чапга бурилди. Лекин у шаҳар кўчасига утиши биланоқ гоят кучли қаршиликка дуч келди — дэярли ҳар бир қадамни жанг билан босишига тўғри келди. Сартлар дараҳтлар орқасидаги уйларга, дараҳтларга, деворлар ортига жойлашиб олган, кўчалларга тусиклар үрнатган эдилар. Уларни ўти очиш ва найзалар билан энди қувиб чиқишгач, яна шундай қаршиликка дуч келишарди. Шаҳар марказида ҳалқни ислом дини ва ўз хонадонини ҳимоя қилишга чақирган руҳонийлар таъсирида шу дараҳжада мутаассиблашган олономон аскарларимизга нафақат найза, балки ойболталар билан, балки қули билан ҳам ташланардилар ва албатта, найздан омон қолмасдилар».

(Ю.Д.Южаков. Взятие Ташкента. СПб, 1881)

### **Солиҳбек додҳоҳ**

Маҳаллий ва рус манбаларида Султон Сайдихон кетганидан сунг шаҳар мудофаасига мударрис Муҳаммад Солиҳбек додҳоҳ бошчилик қилди, — деган маълумотлар келтирилади.

Кофирилар қанчалик ҳийла-найранг кўрсатиб, ярашиш хусусида ваъдалар бермасинлар, барибири, фозийлар жанг қилишга тайёр эдилар.

Тошкент ватантарварлари ташқи ёрдамга куз тиккан ҳолда урушни давом эттиришга қаттиқ бел боғлаган эдилар. «Улар, — деб таъкиллайди Муҳаммад Солиҳ, — урушни ҳозиргидек давом эттирасак, шоядким, Хоразм, Бухоро, Фаргона ва Тошкент вилоятига тегишли атроф жойлардан ёрдам келиб қолса»,<sup>1</sup> — деган умидда жанг қилишли. «Тошкентликлар, — деб ёзган эди Солиҳбек додҳоҳ, — очликка, сувсизликка, ташналийка ҳамда ҳалокатга ва талафотларга қарамай, урушни давом эттириб, шаҳарни ўз қўлларида сақлаб турибдилар. Ҳозирда фозийлар, етим-есирлар, очлар ва ташналар номидан ёрдам сўраб Кировчи қаъласидан тортиб Курама, Чиноз, Хужанд, Жиззах, Самарқанд, Бухоро, Қўқон ва Фаргона ерларига хатлар юбориш зарур»<sup>2</sup>. Бу таклиф дарҳол маъқулланиб, кўрсатилган жойларнинг ҳукмдорлари номига хат тайёрлаш мунший Мирзо Юнусхон мулло Бобоҷон ўғлига топширилди. Шу тарзда 50 дан ортиқ хат тайёрланган эди.

Аммо, сотқинлик разолатли интиҳоға сабаб бўлади, хоинлар ўқ-дори омборини босқинчи русларга кўрсатиб беришиди. Бу маҳфий омбор Ўрда ичиди бўлиб, унга душман отган снарядлар тушгач, даҳшатли портлаш юз берди.

Қирқ икки кунлик қамалда азоб чеккан ҳалқнинг руҳига жуда ёмон таъсир этган бу ҳол, Черняевга ўз ёвуз мақсадига

<sup>1</sup> Зиёев Ҳамид. Курсатилган асар, 177-бет.

<sup>2</sup> Тарихи жаҳоннамойи, 127-бет.

эришишни осонлаштириди. У энди Темур дарвозадан, яъни шаҳарнинг жанубидан ҳужум уюстириб, Бухоро ва Хоразмдан келиши мумкин бўлган ёрдам йўлини кесиб қўяди.

Руслар томонидан Тошкентнинг ишғол қилиниши халқаро миқёсда ёмон кайфият уйғотиб, Англия, Туркия, Эрон, Хитой ва бошқа давлатлар томонидан кескин норозилик билдирилишига асос булишини англаган Черняев маккорлик йўлига ўтади. У Тошкентнинг «ихтиёрий» равишда топширилганлиги ҳақида сохта ҳужжат тайёрламоқчи бўлади. Шунинг учун Черняев шаҳарнинг Ҳакимхожа қозикалон, Абулқосим эшон, домла Солиҳек охунд сингари нуфузли кишилари билан музокаралар бошлайди.

Генерал Черняев «аввало Ҳакимхожа қозикалондан бошлаб Абулқосимхон эшон, Мұхаммад Солиҳ доддоҳ ва бошқа уламо, фузало, акобир, савдогарлар ва сардорлар билан бирма-бир, алоҳида қўл бериб қўришиб, ҳол-аҳволларини суриштириб, бир-бирларининг исмларини айтиб, сунгра ваъда-аҳду паймонни ва ярашишни таклиф қилди»<sup>1</sup>. Мұхаммад Солиҳ мазкур аҳднома беш нусхада тузилиб, бири генерал Черняевга топширилгани, қолган тўрттаси Шайхондтахур, Бешёоч, Кўкча ва Себзор даҳалари вакилларига топширилганини маълум қиласи. Мұхаммад Солиҳ доддоҳ муаррих Мұхаммад Солиҳни ўз ҳузурига чақиртириб: «Аҳдномани зеҳн ва диққат билан ўқиб, хотираңгизда сақлангким, биз дунёдан ўтгандан кейин балким сизларга керак бўлиб қолиши мумкин»<sup>2</sup>, деган.

Аҳднома мазмуни қуйидагича эди: «Оқ подшо ва унинг вакили генерал Искандар Черняевнинг фармони бўйича, Тошкент аҳолисига шуни маълум қиласи, улар Оллоҳ таолонинг хоҳиш-иродасига мувофиқ, Мұхаммад пайғамбар динини қаттиқ ушлаб, шариат қонунларидан бир қарич ҳам орқага чекин-масинлар. Уларнинг барчаси шу ўлканинг фойдаси ва манфаатлари учун ҳаракат қиссинлар. Беш вақт намозни ўз вақтида адо этсиналар, муллалар доимо мактабларга боришиб, Мұхаммад пайғамбар динини тарғибот қиссинлар. Ўқувчиларнинг бирор соати ҳам бекорга кетмасин, муллалар болаларни мактабларга жалб қилиб, ёскорчиликка йўл қўймасинлар. Керак бўлса, қаттиқ чоралар кўриб болалар мактабларда ўқишига мажбур этилсин. Борди-ю, ота-оналар болаларнинг ўқишлирага аҳамият бермасалар, у ҳолда раис ёки қозикалон ҳузурига чақиртирилиб, шариат асосида қаттиқ жазолансинлар. Бу диёргининг аҳолиси вақтларини беҳудага ўтказмай, ўз ишлари билан шуғуллансанлар, савдогарлар эса савдо-сотифини давом эттирсанлар.

<sup>1</sup> Зиёев Ҳамид. Кўрсатилган асар, 179-бет.

<sup>2</sup> Ўша асар, 180-бет.

Ислом дини бұза ва ароқ ичишни, бемаңни үйинлар билан шуғулланиши ёки ахлоқсиз бұлишликни ман этади. Шу боис шариатта зид ҳар қандай бидъатлардан сақланиш лозим.

Тошкентдеги барча бой ва камбағал табақалар юқорида шархланғанларни сұzsиз бажаришлари шарт. Шаҳардаги үйлар, боғлар, яйловлар, сув тегирмонлари үз әгалари ихтиёрида қолдирилади.

Рус аскарлари ахолидан ҳеч нарса олмайдилар. Туб ахолидан аскарлик хизматига одам олинмайды. Ҳарбий кишилар бирорта хонадонға қўйилмайды, борди-ю бундай ҳол юз берса, дарҳол хабар берилсін ва айборлар жазоланади. Оқ подшоҳ бизга катта ғамхўрлик кўрсатди, шунинг учун биз унинг соғлигини худодан сўраб дуо қилишимиз керак.

Агар бирор кимса бир кишини ўлдирса ёки савдогарлар молини таласа, у вақтда айборлар рус қонунлари асосида жавобгарликка тортилади. Агар бир одам ўзини-ўзи ўлдирса, у вақтда унинг мол-мulkи меросхўрига берилади ва ҳеч нарса олинмайды.

Мен, губернатор Искандар Черняев, сизларни бу йилги солиқлардан озод қиласман, кейингиси Буюк Оқ подшоҳимиз хоҳишлири буйича белгиланади. Ўйлайманки, сизларга бундан ҳам зиёд ғамхўрлик қилинади<sup>1</sup>.

1865 йил 1 июлдан кучга кирған мазкур аҳдномадаги шартлардан куриниб турибиди, босқинчилар қиласар ишни қилиб, мазлум халқда майл үйготиш учун атайдан ён бериш йўлини тутадилар. Биринчи навбатда, ислом динига қаттиқ риоя қилишга, шариат қоидаларига сұzsиз амал қилишга ва мактаблар фаолиятини сусайтирмасликка алоҳида аҳамият берилган. Шунингдек, халқнинг мол-мulkи ва дини-эътиқоди дахлсизлигини сақлаш муҳим ўрин әгаллаган. Умуман олганда, аҳдномада миллий анъаналар ва урф-одатлар очиқ таҳқир ва таъқиқдан холи, маҳаллий аҳоли турмуш тарзи муҳофаза этилишига ваъда берилиши диққатни жалб қилмай қолмасди. Генерал Черняев аҳдномани тузишда шаҳар катталарининг талабларига ён берганида, шубҳасиз, қандай бўлмасин, урушни тұхтатишини ва ғалабани қўлдан бой бермасликни ўйлаб иш тутган. Шунинг учун ҳам у аҳолини бир йил давомида солиқлардан озод этган. Бундан ташқари, у бир қанча рағбат чораларини ҳам кўради. Чунончи, у аҳдномага имзо чекилгандан кейин Ҳакимхожа қозикалонга, Мұҳаммад Солиҳ доддоҳга, тўрт даҳанинг оқсоқолларига зар ёқали чакмонлар кийгизади. 1865 йил 12 июлда, жума намозидан кейин, генерал Черняев «Ҳакимхожа қозикалоннинг үйига бориб, унга кўп ҳадялар бориб, кўнглини овлади. Сунгра Регистон растасига бориб, одамларга ва гадойларга тангалар сочди, мажруҳларга ва жароҳатланғанларга тиббий ёрдам берди»<sup>2</sup>.

<sup>1</sup> Зиёев Ҳамид. Курсатилған асар, 181-бет.

<sup>2</sup> Ўша асар, 181-бет.

Тошкент рус аскарларига таслим бўлиши билан боғлиқ воқеаларнинг давоми Ҳакимхожа эшон таржимаи ҳолига оид асарда қуидагича берилади: «Халқ раҳнамосига айланган бу до нишманд қария кўпгина қози ва амалдорларни ёнига олиб, Черняеф қароргоҳига борди. У Тошкент шаҳрининг таслим бўлиши хусусида Черняеф билан музокара олиб бориб, ҳамма масалада ўз халқи манфаатлари сақланган ҳолда амниятнома тузилишига муваффақ бўлди».

Тарихий асарларида Тошкент тарафидан бу ишда бир неча киши бош бўлгани айтилиб, уч кишининг, яъни Ҳакимхожа, домулло Солиҳбек охунд ҳамда Абулқосим эшоннинг номлари алоҳида таъкидланади. Бу уч улуг зот аслида ҳақ йўлига ўзини тиккан, ватанпарвар одамлар бўлганликлари айтилган. Чунончи, домулло Солиҳбек охунд ҳақиқат учун курашда ҳатто ўлимдан ҳам қўрқмаслигини рус қўшинлари Тошкентни эгаллагач, генерал Черняев шаҳар катталарини тўплаб, гўё олдинги мусулмон ҳукмдорларидан кўп жабру-жафо қўрганимиз сабабли «ўрис аскарлари ва сардорларини ўз ихтиёrimiz билан олиб келиб, уларга шаҳарни топширдик», деган мазмунда жаҳон афкор оммасини чалғитишга мўлжалланган мурожаатнома тайёрлаб ва имзолаб беришни талаб этганида яққол намоён бўлади. Уша йиғиннинг иштирокчиси бўлган «Тарихи жадидаи Тошканд» асарининг муаллифи Черняевнинг бу ҳаёсизларча талашибига домулло Солиҳбек охунд кескин жавоб берганлигини айтади. У бундай деган: «Биз воқеъ бўлган ҳодисаларни тафийр ва табдил қилмасдан, ҳаққоний равишда айтамизки, Туркистон замини ва Тошканднинг Оқмачитдан Фулжа тарафигача бўлғон ҳар бир қаъла ва вилоятни насронийлар ва русияликлар жангу талошу муҳориба билан ўз ҳукуматларига тобе қилдилар. Уларнинг аксари тунда тўсатдан, бевақт ва бетавақкуф ва бемуомала ва ҳеч нарса вайда қилмасдан ва бемуҳлат ҳолда жангу муҳориба қилмасдан, қаттиқ талошу зўр қотиллик билан олиб борилиди. Хусусан, Тошканд шаҳри зулҳижжа ойининг ярмидан сафар ойининг ўн иккинчисига қадар сувсиз ва озиқ-овқатсиз қолдирildi. Амири лашкар мулла Алимқул шаҳид бўлганидан кейин шаҳар етакчисиз ва сultonсиз, қўшунсиз — аскарсиз қолди. Бухоро амири ва Хоразму Урганч, Фарғона ва бошқа шаҳарлардан, Муҳаммад умматларидан бўлган қабила ва элатлардан беёрдам ва бекўмак ва бенажот, бекуролу ва беяроғ, бедорую ва бекўрошин қолдириб, Тошканд фуқароси ва аҳолиси ва унда турғун бўлиб қолганлар динлари учун урушталош қилиб, кечаси саҳар вақтида русиялар ва насоролар Хиёбон дарвозаларидан ва тепаликлардан ошиб, фуқаролар гафлатидан фойдаландилар. Фуқаро огоҳ бўлгач, панжшанба кунигача муттасил жанг бўлиб, аксар иморатлар олов ичидаги қолиб, ташна ва мадорсиз ҳолда йиқилиб-қўпиб, душману дўст аралашиб кетиб, қаттиқ елкама-елка жанг бўлди. Ва ахийри панж-

шанба куни пешин намозидан кейин насоро ва русиялар ваъда ва аҳдномалар билан сулҳа талабгар бўлиб, ярашишга майл кўргуздилар. Шундан кейин биз шарту шароитларга рози бўлиб, сулҳ туздик». Мислсиз иймон-эътиқод билан берилган бу жавоб ўз бошига қандай катта фожиа келтиришини домулло Солиҳбек охунд яхши билган, албатта. Жавобдан сўнг ўзигина эмас, балки унинг жавобига қўшилган яна олти киши ҳам дарҳол Сибирь сургунига жўнатилиди.

### Ҳакимхожа қозикалон

Унинг фаолиятига доир маълумотлар қозикалон таржимаи ҳолига оид асарнинг русча нусхасида, «Туркистон вилоятининг газети» мұҳаррири Н. Остроумовнинг нашр этилган китоблари ва кундайларидан, шунингдек, Мұхиддинхожа қозидан бизгача етиб келган баъзи ҳужжатларда сақланиб қолган.

Маълум бўлишича, Тошкентни руслар эгаллаганидан кейин, орадан бир неча ой ўтгач, Туркистоннинг муваққат губернатори генерал Романовский билан қозикалон ўртасида қаттиқ тўқнашув бўлиб ўтади. Ана шу тўқнашувда Ҳакимхожа эшоннинг ички дунёси намоён бўлади. Туркистоннинг янги бош ҳукмдори ҳузурида ўтган катта бир йиғинда унинг номига битилган ва шаҳарнинг йирик амалдорлари муҳри босилган тавсифнома топширилган эди. Ушбу шармандали ҳужжатда қозикалон муҳри босилмаганини кўрган Романовский Россия империяси қудратини кўрсатиб қўйиш учун уни итоаткор одамлар олдида дағдага билан сўроққа тутади. «Бу қоғозда менинг мухрим босилмаган бўлса, бунинг узрли сабаблари бор, — деб жавоб беради Ҳакимхожа, — негаки бу тавсифнома шариатга хилоф равишда битилган. Унда айтилган мақтov сўзларни бирорта ҳам мусулмон оғзига олиши мумкин эмас. Бу тавсифномани битган ва унга ўз муҳрини босгандар ислом динида эмаслар, деб ҳисобланиши лозим. Бизнинг динимизга иснод келтиришга ҳеч ким сизга ҳақ-хуқуқ бермаган, деб ўйлайман. Сиз ҳаддингиздан ошяпсиз. Мендан шу қоғозга муҳр босишни талаб этишга қандай журъат қилдингиз?» Романовский бу сўзлардан дарғазаб бўлиб, күтқу билан гапира бошлиган. Бироқ Ҳакимхожа бўш келмай, Романовскийга: «Ҳаммамизни яратган ҳақ Таоло бор. Унинг амири ҳар бир инсон учун муқаддасdir. Бинобарин, сизнинг амрингиздан юқори туради. Агар у хоҳласа, ҳаммамизни ва бутун оламни йўқ қилиб юбориши мумкин. Шунга кура аввало Тангрининг амрини вожиб деб биламан. Агар ҳақ Таоло мени ўз паноҳида асраса, сизгина эмас, балки сиздан юқорида турғанлар ҳам ҳеч нарса қила олмайсизлар. Агар ҳақ Таоло менга жазо беришни хоҳласа, унга қаршилик

<sup>1</sup> Тарихи жадидай Тошканд, 2-жилд, 12—13-бетлар.

күрсатиш бефойда ва ҳеч қандай куч, ҳеч кимнинг ҳомийлигию меҳрибонлиги унинг жазосидан сақлаб қола олмайди. Муҳтаграм жаноб, сиз мени қўрқитиш билан шариат йўлидан тойдирошга мажбур қиласман деб ўйламанг».

Қозикалоннинг бу муомаласидан кейин мустамлака маъмурлари унга эҳтиёткорлик билан муносабатда бўладилар ва ҳамиша қўйинларида тош сақлаб юрадилар. Орадан бир неча ой ўтгач, 1867 йил бошида Туркистоннинг биринчи генерал-губернатори К. П. фон Кауфман Тошкентда ўз фаолиятини бошлайди. Ўлка бош ҳокимининг энг аввал қилган ишларидан бири шу бўлдики, Ҳакимхожа эшонни унинг Себзор даҳа Қози қўчасидаги уйига бориб зиёрат қиласи ва юртни бошқарища қийинчиликларга дуч келган чоғларида унинг маслаҳатини олиш учун хузурига келиб туришга рухсат сўрайди. Бош ҳокимнинг ўта муғомбирлик билан қилган хушмуомаласига лаққа учган қозикалон бир неча ой мобайнида у билан яхши муносабатда бўлиб, ўз лавозимини адо этиб туради. Бироқ, юқорида айтганимиздек, Ҳакимхожа эшон учун қўйнида тош асраран фон Кауфман уни қозикалонлик лавозимидан узоқлаштиришнинг бир неча усулларини ишга солади. Бу усуллардан бири шаҳардаги тўрт даҳа қозиларини тугатиб, барча ишни олтмиш беш ёшли, касалманд қария устига ортишдан иборат ҳийла эди. Турган гапки, қозикалоннинг ёши ҳам, соғлиғи ҳам масъулияти чексиз бўлган бу вазифани ўзи истагандек ҳалоллик билан адо этишига асло имкон бермасди. Шу муносабат билан ўз аҳволини тушунтириб, генерал-губернаторга хат йўллайди ва Кауфмандан «ундай бўлса, қозикалонлик муҳрини топшира қолинг», деган мазмунда жавоб олади. Қилинган барча ҳийлагарликлар мағзини чаққан қозикалон ўзининг чўян муҳрини катта темир парчаси устига қўйиб, катта болға билан мажақлаб, фон Кауфман номига ёзилган лавозимдан бўшаш ҳақидаги аризага ўраб жўнатиб юборади.

Қозикалонлик лавозими барҳам топғанлиги сабабли, Ҳакимхожа эшоннинг фарзанди Муҳаммад Муҳиддинхожани Себзор даҳаси қозилигига сайлайдилар. Муҳиддинхожа замона зайленинни яхши тушунадиган, фан ва маърифатни, мумтоз меросни омма орасида тарғиб қилғувчи теран маълумотли киши эди. Шу сабабли айрим рус олимлари ҳам, янгича йўналишдаги ўзбек маърифатпарварлари ҳам ҳамиша у билан ҳаммаслак, ҳамфикр эдилар. Масалан, йирик шарқшунос олим, академик В. В. Бартольд Муҳиддинхожа қозининг эски китобларини, айниқса, отасидан мерос қолган Шарафиддин Али Яздий «Зифарнома»сининг мукаммал нусхасини, ноёб «Тарихи Табарий»ни ва бошқа нодир қўлёзмаларни foят қадрлаганлиги маълум.

Отаси сингари Муҳиддинхожани ҳам Тошкент ҳокимлари Путинцев, Кисиев, Лодиженский ва бошқалар тинимсиз таъқиб этганликлари, унга қарши турли ифво ва бўхтонлар уюштир-

ғанниклари ҳақидаги маълумотлар бир қатор манбаларда сақла-  
ниб қолган. Шу муносабат билан Н. Остроумовнинг «Констан-  
тин Петрович фон Кауфман — Туркистон үлкасининг бунёдко-  
ри» номли китобида (Тошкентда 1899 йилда рус тилида чоп  
этилган) келтирган бир лавҳасини эслаш ўринли бўлур эди.  
Лавҳада айтилишича, 1877 йилда Эйлер деган терговчи кимлар-  
нингдир ғаламислиги билан Бош губернатордан рухсат олиб  
Муҳиддинхожанинг қозихонасиningина эмас, балки у яшаб тур-  
ган ҳовлини ҳам муҳрлаб кетади. Бу ҳақда «Туркистон вилояти-  
нинг газети»да маҳсус хабар ҳам босилиб чиқади. Мустамлакачи  
маъмурларнинг бебошлигидан танг ахволга тушган Муҳиддин-  
хожа қози ноилож генерал-губернаторга арз қиласди. Фон Кауф-  
ман генерал Абрамовга қараб: «Сиз бу қозининг отасини била-  
сизми?» деб сўрайди. Ундан «Биламан», деган жавобни эшигтан  
генерал-губернатор: «Йўқ, билмайсиз» деса, Абрамов яна «Била-  
ман», дейишига қарамай, фон Кауфман: «Йўқ, сиз унинг отаси-  
ни билмайсиз» деган сўзларни тақорорлагач, «У зот Худодан  
бўлак ҳеч кимдан қўрқмаган ажойиб үнсон эди», дейди ва ўз  
буйругини бекор қилиб, Муҳиддинхожанинг қозихонасидан  
ҳам, ҳовли-жойидан ҳам муҳрни олиб ташлашга рухсат беради.

Тошкент истило этилгандан икки кун кейин генерал Черняев  
халқ қўлидаги қуролларни топширишни буоради. У Эшонқул  
доддоҳ мадрасасига кириб, муллаваччаларга ўқишни давом этти-  
ришларини айтади. Сўнгра амири лашкар Мулла Алимқул қабри-  
ни бориб қўради ва қўнглида шубҳа қолмайди. Черняев Кўкал-  
дош, Бекларбеки ва бошқа мадрасаларни ҳам айланаб чиқади. У  
урушда шикастланган ёки ўт тушган масжидларни, ҳовлилар ва  
дўконларни тузатиш учун Ҳакимхожа қозикалонга кумуш танга-  
лар берган. Генералнинг Тошкент аҳлига кўрсатган меҳрибонли-  
ги, ғамхўрлиги ва инсонпарварлиги сунъий ва соҳта бўлиб,  
кузбўямачилик ҳамда найрангбозликдан иборат эди. У бу ишлар-  
ни шаҳарда ўз мавқенини мустаҳкамлаш ва ҳалқни ҷалғитиш учун  
йўлаб топган эди. Черняев аслида ўта туллак босқинчи, шафқат-  
сиз, золим ва миллатчи киши эди.

### **Мавзууга доир ҳужжат**

#### **Рус подшохига Тошкент аҳли номаси**

«Бисмиллоҳир роҳманир роҳийм! Бисмиллоҳ ҳайрул асмо!

Оқ подшоҳи азим, шонли ва биょқ даражали ҳазратларига, ўз қўзлари  
урнига бўлган улугимиз губернатур Туркистон вилояти женероли Чурноев  
ҳазратларига.

Оқ подшоҳи аззам тамом улуғ подшоҳлар устига ҳаммасидан улуғ ва  
ғолиб келган подшоҳимиз ҳазратларига арзимиз шулким, биз Тошкент  
қалъасининг ичидаги фуқароларингиз, бизлар шунча йил ва шунча замон-  
дан бери неча бул юрт улугларига тобе бўлиб юриб зулм - ситам, жабру  
жафодан бўлак ҳеч яхшилик юзини бу жаҳонда кўрмайин утдик. Охирilar  
шул умид билан сизнинг ҳазратингизни улуғ подшоҳ ва адолатлик англаб,  
ўзимизни сизнинг паноҳингизга ташладик, алҳамдуллоҳ давлатли бўлиб

ва ҳам омонда бўлиб, бул тарафнинг зўрли улуғ подшохларидан саломат қолдик ва ҳам сиздек улуғ подшоҳимиз ҳимоятлари бирлан динимиз, ал-ҳамдуиллоҳ, ривоҷли, равнақли бўлиб, шариатимиз кундан -кунга зоҳир ва ҳувайдо бўлиб, кечакундуз улуғ подшоҳимиз ҳазратларини умрларини узунлигини ва давлатларини зиёдалигини ҳазрат Ҳудойимиз Жалла Жалол амма навала даргоҳидан ва ҳазрат пайгамбаримиз ва расолат паноҳимиз ва шафоатҳоҳимиз Мұхаммад Расулуллоҳ Саллаллоҳу алайҳи вассалламининг ҳазратларини шафөъ этиб утуниб, беш вақт намозимизда дуойи жонингизни тилаймиз ва сиздек каби женерол майорсиз, эмди сизга утунамизки бизнинг бул сувртда тобе бўлиб тинчликда ва хотиржамликда бўлиб, дуойи ҳазратларина машгул булишимизни ўн икки калит шаҳримиз бирла улуғ азим подшоҳимиз ҳазратларига еткурасизким, бул ўн икки калит биз фуқароларни тобе бўлиб, итоат қылғонимизга кафилдир. Тошкент шаҳримиз ўн икки дарвоза бирлан тамомдур. Бу калитлар шу дарвоза калитлари булгай. Эмди биз фуқароларни сиздек улуғ подшоҳ ҳазратларига ҳазрат таолодин, ҳазрат Мұхаммад Расулуллоҳ Саллаллоҳу алайҳи вассалламни шафөъ этиб беш вақт намозимизда дуоингиздин бошқа арзимиз қолмади.

Домла Аҳмад охунд Бобой ўғли қўлим қўйдим,  
Мирҳомил қўлим қўйдим,  
Дўстмуҳаммад бой қўлим қўйдим,  
Муҳаммад Олим Шарифбой ҳожи ўғли қўлим қўйдим,  
Эшмуҳаммад бой Ёдгор ўғли қўлим қўйдим,  
Муҳаммадрасул Мусомуҳаммад ҳожи ўғли қўлим қўйдим,  
Мирзоҳужа эшон қўлим қўйдим,  
Сайдибек Бобобек ўғли қўлим қўйдим,  
Содиқбек қўлим қўйдим».

\* \* \*

Ўзининг машъум ниятини амалга оширишни шу тариқа ниқоблаб, «Туркистонга халқ талаби билан келдик» деб «далилий» аюҳаннос солишига муваффақ бўлган Черняев бу мактубни Абу Сайд ва Ҳодижӯжа исмли савдогарларга бериб, Петербургга бориб Оқ подшога топширишни буюради. Бу мактуб туфайли босқинчилик сиёсати оқибатида Англиядек кучли давлат билан тўқнашишга мажбур бўлиб қолишдан чўчиган Россия ҳукумати халқаро жамоатчилик кўз ўнгила ўз ҳатти-ҳаракатларини оқлаши лозим эди. Шунинг учун, бу мактубдан нусхалар кўчирилиб, 1865 йилда Россиянинг Туркиядаги элчиси қилиб тайинланган Н. Игнатьев орқали Истанбул кучаларига қадар иладилар.

Дарвоқе, Россия истибодининг Ўрта Осиё бўйлаб тобора кенгроқ ёйила бошлиши хавфи Англияning Шарқдаги манфатларига футур етказмай қолмасди. Чунки, стратегик жиҳатдан ғоят муҳим аҳамият касб этувчи Тошкентнинг олиниши сабаб, Англия қўл остидаги Ҳиндистон билан Россия чегараларининг жуда яқинлашиб бораётгандиги Англияни ташвишга солиши табиий эди. Шунинг учун Англия Ташқи ишлар вазири лорд Кларендон Петербургдаги инглиз элчисига рус қўшинларининг Туркистонга кириши Ўрта Осиё ҳонликларининг мустақиллигига таҳдид солишини ва бу Россия Ташқи ишлар вазири Гор-

чаковнинг 1864 йилнинг 3 декабрида қилган баёнотига зид эканлигини айтиб, Рус ҳукуматини огоҳлантиришни топширади.

Муваффақиятли истилолар орқасида бу вақтга келиб, анча кучайиб олган Россия ҳукумати Англиянинг норозилигини ётиборга олмади, чунки Англиянинг ўзи ҳам Хиндистон ва Афғонистонда босқинчилик сиёсатини юргизаётган эди. Шунинг учун бўлса керак, Россия Ташки ишлар вазири Горчаков инглизларга берган жавобида Туркистондаги воқеалар ҳарбий бошлиқларнинг қарори билан амалга оширилганлигини, бунинг эса Англияга алоқаси йўқлигини эслатишни лозим топади.

Тошкент руслар томонидан ишғол этилгач, Бухоро амири Музаффар Черняевга элчи жўнатиб, шаҳарни бушатиб қўйиши талаб қилди (тўйдан кейин нофора!). Аммо, Черняев буни рад этгач, бошқа яна бир нуфузли элчилар юбориб, Россия ишғол қилган ерлар билан Бухоро ҳудуди орасида бўш жой (бетараф ҳудуд) бўлиши лозимлигини уқтиради. Чунки, амир Музаффар ҳам рус қўшинларининг ўз давлати чегараларига яқин келётганидан хавотирга тушган эди.

Босқинчилик ҳадисини олган генерал Черняев Тошкентнинг хавфсизлигини таъминлаш учун унинг атрофларидаги баъзи ерларни ҳам ишғол этмоқчилигини ва бу ерлар Кўқон хонлигига қарашли бўлгани учун Бухоронинг аралашмаслиги кераклигини маълум қиласи. Узбек хонликлари ичida алоҳида мавқега эга бўлган Бухоро амирлигининг бу ишларга аралашуви Черняевга қимматга туши мумкин эди. Шунинг учун у Бухоро амирини Тошкент аҳолисига ёрдам бериш фикридан қайтариб ва қўрқитиб қўйиш учун Тошкентдан Оренбурггача бўлган ерлардаги бухоролик савдогарларни таъқиб этишга ва уларнинг молларини талашга буйруқ беради.

Россия билан бўлган келишмовчиликларни тинч йўл билан бартараф этишдан умидини узмаган Бухоро амири 1865 йилнинг июль ойи бошларида Нажмиддинхўжа бошлиқ элчиларни Петербургта жўнатди. Аммо Черняевнинг хоҳишига биноан элчиларнинг Оренбургда генерал-губернатор Крижановский томонидан тутиб қолиниши Бухоро амири Музаффарнинг нафсиятига тегади ва у ҳам Бухорода турган рус элчиларининг Россияя қайтишларини таъқиқлаб қўяди.

Бир «ёввойи осиёлик» ўзи билан бундай муносабатда булишидан жазавага тушган Черняев элчиларнинг зудлик билан озод этилишини талаб қиласи. Бунга жавобан Музаффар «менинг элчиларимнинг подшо билан учрашишига монеълик қилдингиз. Буни мен файри дустона муносабат деб биламан.... Менинг элчиларим подшо билан учраштирилгунларига қадар сизнинг элчиларингизни ушлаб тураман», деб жавоб беради.

## 2. ЭЪЛОН ҚИЛИНМАГАН УРУШ... БУХОРО

Туркистон вилоятининг ҳарбий губернатори қилиб тайинланган генерал Черняев 1866 йил январь ойида Бухоро амирлигини бўйсундириш учун унга қарши эълон қилинмаган уруш бошлади. Унинг қўмандонлиги остида қўшинлар Жиззах томон отландилар. Бу хабарни эшитган амир Музаффар ўзи таҳтга қайта ўтқизган ва таъсирида деб ҳисобланган Кўқон хони Худоёрға русларнинг йўлини тусишини буюрди. Худоёрхон эса Россия билан тўқнашишдан қўрқиб, амир Музаффарнинг фармонини бажармади.

Рус истилочилари Бухоро хонлигига қарши уруш ҳаракатларини икки ҳарбий мавсумда — 1866 ва 1868 йилларда ўтказади. 1866 йилда олиб борилган истилочилик босқинлари оқибатида хонликнинг Ўратепа, Жиззах ва Янгиқўргон сингари ҳудудлари Россия таркибиغا киритилади. Иккинчи ҳарбий мавсумда — 1868 йил қиргингаротида эса Самарқанднинг олиниши, амир қўшинларининг Зирабулоқда узил-кесил торморм этилиши содир бўлади. Ўрта Осиёнинг қадимий пойтахтларидан бири, Соҳибқирон Амир Темур довругини жаҳонга ёйган Самарқанднинг босиб олиниши, нафақат хонликда, шу билан бир қаторда, дунё афкор оммаси кўз ўнгидаги шимолдан келган оқ айиқнинг ёвуз мақсадлари чегара билмаслигини намоён этган эди. Амир Музаффар талафотлар олдида қаттиқ эсанкирашга тушади, у ўз тасарруфидаги ҳудуднинг қарийб тенг ярмидан маҳрум бўлган эди.

Чор Россияси ҳарбий кучларининг жанг майдонларидағи ғалабасини таъминлаган омил, шубҳасиз, уларнинг курол-ярогига, ракета отувчи қурилмаларга, тез ҳаракат қилувчи артиллериага, пистонли милтиқларга эга эканлигига боғлиқ эди. Шу сабабли ҳам, бу ҳарбу зарбларда сон эмас, қўрошин, порох, чўян ва темир, яъни туплар, замбараклар ҳал қилувчи ўрин тутади. 1866 йилги ҳарбий мавсум қатнашчиси, ўрта бўғин зобитларидан бўлган М.Зиновьевнинг бу жиҳатдан эътирофи эътиборни тортмай қолмайди. Амир қўшинлари билан Ўратепа ва Жиззахда юзма-юз жанг қилган бу зобит, «Уларнинг (яъни, амир сарбозларининг — муалл.) ўқи, айрим истисноли ҳолларда бўлмаса, деярли қўрошин ялатилган тошчаларга ўхшайди. Қўрошиннинг қимматлиги яхлит ўқлардан фойдаланишга имкон бермайди»<sup>1</sup>, деб қайд этади.

Амир Ҳайдар ҳокимиятининг охирроғида унинг ҳузурига келган рус элчилари сафида Е.К.Мейендорф ҳам бўлган. У ўзининг кейинчалик ёзган «Оренбургдан Бухорога саёҳат» ном-

<sup>1</sup> Зиновьев М. Осада Ура-Тюбе и Джизака. Воспоминания об осенней экспедиции 1866 г. в Туркестанской области. Военный сборник, 1868, № 3—4. 331-бет.

ли асарида амир Ҳайдар лашкарининг қуролланиш даражаси ҳақида фикр юритади. Элчилик ташрифининг саноқли кунларида хонлик ҳарбий кучлари ҳақида бу қадар тўлиқ маълумот жамлашга улгuriш кишини ҳайратга солмай қолмайди. У, мана шундай ёзади: «Сипоҳийлар пилта милтиқ, жуда узун найза ва эронийларники каби ёйсимон қиличлар билан қуролланган. Улардан айримлари калта жибалар кийишади, темир дубулға ва ҳӯқиз терисидан қилинган қалқон тақишиади. Артиллерия эса йигирмата эрон замбаракларидан иборат бўлиб, учта ёки тўрттаси темир қозиклари бўлмаган лафетлар билан жиҳозланган, холос. Лафетлар, гарчи учта фиддиракка ўрнатилган бўлсада, шунга қарамай, улар катта қийинчилик билан ҳаракатта келтирилади»<sup>1</sup>.

Ўзбек хонлари, жумладан, Бухоро ҳукмдорлари ҳам қўшин ва қурол-ярог бобида тамомила хотиржамлиkkка берилган эди дейиши тўғри бўлмайди. Рус босқини хавфи сезила бошлаганда, ҳатто Хива хони Оллоқулихон амир Насруллога бу йўлда итти-фоқлашиш таклифини ҳам орага соғсан эди. Амир Насруло ҳарбий соҳада маълум ислоҳотларга қўл уради-да, ора йўлда қолиб кетади. Бунинг маъноси шулки, у ўзининг 34 йиллик салтанати давомида хонликдаги ички низолардан кутила олмади. Бутун ҳарбий кучини итоатдан чиққан вилоятларни бўй-сундиришга сарф этди. Йўқса, Бухорода узоқ муддат яшаган, Зарафшон ҳарбий округини бошқарган, Туркистоннинг ҳарбий қувватини синчилаб ўрганган Г. А. Арандаренко айтганидек, «Насруллохон даврида дала тўплари сезиларли даражада яхшиланган эди, улар учун инглиз ҳарбий низомидан чала-чўлпа хабарлор бўлган афғон тўпчилари хизматга олинади. Огири қуролли отлиқлар — фальконетли хасабдорлар сони ҳам оширилали, пиёдалар кўпайтирилиб, тўплар ҳимоясида жангга кириш ва қалъаларга ҳужум қилиш кўллана бошлайди»<sup>2</sup>.

Амирик қўшинининг асосини хасабдорлар ва галаботирлар ташкил этар эди. 1868 йилга қадар бу икки қўшин турига олинганлар бир умр хизматда бўлар эди. Пиёда сарбозлар, одатда, тинч шароитда уйларда яшар, ҳафтада тўрт кун (чоршанба ва жумадан ташқари) эрта тонгда эшак билан Бухорога келар ва уч-тўрт соатлик машқларда қатнашиб, яна қайтиб кетарди. Г. А. Арандаренко, шу важдан, Бухоро «ҳарбий тизимида» қоровуллик хизмати мавжуд эмас», дейди.

Амир Насруло даврида ва ундан кейин ҳам тўпчибоши қўшиннинг бош қўмандони ҳисобланган. Бу, ҳарбий иш мувозанатида отлиқ қисмга нисбатан техникага аҳамият бериш ибтидоси бўлганми, ҳар ҳолда, аниқ бир нима дейини мушкул. Эрондан олиб келинган Абдусамад тўпчибоши, муаррих Мулло

<sup>1</sup> Мейендорф Е.К. Путешествие из Оренбурга в Бухару. М., 1875, 140-бет.

<sup>2</sup> Арандаренко Г.А. Досуги в Туркестане. 1874—1889, СПб, 1889, 543-бет.

Олим Маҳдумнинг «Туркистон тарихи» китобида айтилишича, билимли, заковатли киши бўлган. У, чамаси, тўп ва тўхоналарнинг дала шароитидаги ҳаракат имкониятини оширишга эришади. Тўплар, уларни тортиб юрувчи отлар гурухланади ва рақамланади. Маълумки, бунгача тўпларни ҳўқизлар судраши таомилда бўлиб келган эди. Абдусамал тўпчибошининг қисмати фожей якун топади, амир Насрullo уни Шаҳрисабз беклари билан тил биринтиришда айблаб, қатл этади. Ёлланма лашкарбошиларга ружу қўйишдан, барибир, қайтилмаган.

Шу пайтгача осонликча эришилган ғалабалардан мағурланган генерал Черняев уришқоқ ва ҳарбий маҳорати баланд қисмлар билан Жиззахни тез фурсат ичидага эгаллашига шубҳа қилмаган эди. Лекин ўз юрти, она тупроғи ва муқаддас ватани озодлиги учун ҳаёт-момот жангига бел боғлаган Жиззах мудофаачилари русларга қақшатқич зарба беради. Уларнинг сони 8—9 минг кишидан ошиқ бўлмаса ҳам, Черняев қўшинларига қарши мардона жанг қилиб, уларни мағлуб этадилар. Шу вақтгача чинакам мағлубият аламини тотмаган генерал Черняев учун Жиззахдаги жанг жуда қимматга тушди. Жиззах мудофаачилари енгилмас деб овоза қилинган рус аскарларини ҳам енгиш мумкинлигини, бунинг учун уларга қарши бир жон, бир тан бўлиб, уошган ҳолда жанг қилиш лозимлигини намойиш қилди. Улар бу жангда рус аскарларини енгибина қолмай, қаттол генерал Черняев фаолиятига ҳам чек қўйди. Санкт-Петербург шу вақтгача ғолиб бўлиб келаётган русларнинг Жиззахдаги мағлубияти Россиянинг Ўрта Осиёдаги мавқеига жиддий футур етказишидан хавфсираб, ўзбошимча Черняевни мансабидан четлатди. Туркистон вилояти ҳарбий губернатори ва қўмандони қилиб генерал Романовский тайинланди.

Шу тариқа, Россиянинг ҳукмрон доиралари, бу билан ўз ҳаракатлари халқаро майдонда босқинчилик сифатида қорала нишидан чўчиб, унинг бевосита ижроиси деб генерал Черняевни асосий айбор сифатида жазолаш билан ўзини четта олмоқчи бўлди. Лекин, Россиянинг ҳарбий-сиёсий доиралари, бошқа томондан, енг учидаги Романовскийга қатъий ҳарбий қаракатлар олиб боришга ижозат берди.

Россиянинг босқинчилик сиёсати моҳиятини англай бошланган Бухоро амири муфтий хожа Муҳаммад Порсо бошчилигидаги элчиларни, Афғонистон ва Ҳиндистон орқали, ёрдам сўраб Истанбулга жўнатди. Хожа Муҳаммад Порсо инглизларнинг Ҳиндистондаги вакили Жон Лоуренсга амир Музофарнинг мактубини топшириб, Англия қироличасига ҳам бу илтимосини етказишини сўради. Жон Лоуренс хожа Муҳаммад Порсо билан бўлган суҳбатда Бухоро амирининг 1842 йилда инглиз полковниги Стодарт ва Коноллиниңг ўлдирилишига монеълик қилмаганининг сабабини сўраганда, Бухоро элчиси: «Бўлиб ўтган воқеадан жуда афсусланаман. Аммо, у вақтда ёш

эдим ва давлат хизматида эмаслигимдан, бу нарсага таъсир эта олмас эдим. Ҳозирги амир ҳам у вақтда давлат ишларига яқинлаштирилмаган шаҳзода эди», деб жавоб берди.

Үз фуқароларининг Бухорода үлдирилишини унумаган инглиз ҳукумати Истанбулга келиб, у ердаги Англия элчисидан ёрдам сўраб мурожаат қилган Ҳожа Мұхаммад Порсога бошда ўзларининг Ҳиндистондаги вакили Жон Лоуренс, кейинроқ эса Истанбулдаги элчилари Генри Эллаб орқали орадаги масофа узоқлигини важ қилиб, рад жавобини беради.

Муаррих Мирзо Абдулазим Сомийнинг «Тарихи салотини Мангитий» асарида айтилишича, рус қүшинларининг тобора ичкарилаб келиши амирликнинг илғор фикрли зиёлилари орасида қаттиқ нафрат уйғотади. Бухорода мадраса талабалари жунбушга келиб, коғир босқынчиларга қарши газот қилишни талаб қилиб чиқа бошлайдилар. Бухоро шаҳри раиси эшон Бақохожа садр амирни газотга отланишга даъват этади. Иложсиз қолган амир, Абдулазим Сомий айтмоқчи, «бейхтиёр босқынчиларга қарши юришга қарор қилди. Муқаддас газот учун пайшанба куни беадал қүшин ва беҳисоб хайриҳоҳлар билан узангига оёқ қўйди ва Бухоройи шарифдан жунаб кетди»<sup>1</sup>.

Амир русларга қарши жиддий ҳарбий тайёргарлик кўрмасдан, фуқароларнинг қистови билан, қўшиннин муқаррар ҳалокат сари бошлаб борди. Воеаларнинг кейинги ривожи шундай хуносага олиб келади.

Англия ва Туркиядан ёрдам кутган амир Музаффар ҳатто ўз ҳомийлигидаги Қўёндан ҳам мадад ололмаганидан тегишли хуносага чиқармади. Қўл остидаги бор имкониятлардан фойдаланиб, барча беклар ва сардорларнинг бошини қовуштириб, душманга қарши бирлашиб хужум уюштиришни ҳам ўйламади. Бу ҳол бош қўмондон Романовскийнинг қўшини Сирдарё даштига чиққани ҳақида хабар олгандан кейин амир Музаффарнинг ҳатти-ҳаракатларида яққол кўзга ташланади. У рус қўшинларининг йўлини тўсиш учун 30 минг кишилик лашкарни Оллоёр девонбеги қўмондонлигига жанговар маррани эгаллашга буюради. Амир ўз ихтиёридаги лашкари билан апрељ ойининг охирларида йўлга чиқади ва Ўратепа яқинидаги Рогун қишлоғига тўхтайди ва амир Оллоёр девонбегининг ҳусни-жамолда тенги йўқ қизини ўз ҳузурига келтиришни буюради. Юрт тақдиди учун ҳаёт-момот жанги олдиди ҳам амир ўзининг ҳузур ҳаловатини ўйлади ва ҳарамига келтирилган 10 ёшли қиз, ўз лашкарбошисининг фарзанди эканлигини ҳам унугиб, ишратга берилади. Оллоёрбек девонбегининг сарбози Парчаюз Абдураҳмондан ёзиг олинган эсадаликда айтилишича, ўша тонгда бу қизнинг сўйилган мурдасини топишган. Кўп ўтмай, севимли қизининг мудҳиш ўлими ҳақидаги хабар жанго-

<sup>1</sup> Мирзо Абдулазим Сомий. Тарихи салотини Мангитий. М., ИВЛ, 1962, 61-бет.

вор маррани эгаллаб турган Оллоёрбек девонбегига етиб кела-ди. У фарзанд дөгіда күйіб, бир неча кун давомида чодирдан чиқмай ётади. Оллоёрбекка қилинган зулм унинг қариндошлари Тұхтамишбек ва Фозил додхөчларнинг амирға қарши адватини үйғотади. Құшни Үратепада ҳам норозилик кайфияти ку-чаяди. Амир Мұзаффар эса қүшиннинг бундай ҳолатидан беха-бар ҳолда, Үратепа билан Жиззахни бирлаштирувчи карvon йўли ёқасидаги катта бир тепаликда (у кейинчалик «Амир қоч-ған тепа» номини олган) ўз қароргоҳини ұрнатади. 1866 йил 8 майда генерал Романовский қўшинларининг илғор қисми Эр-жарда кўриниши билан Оллоёрбек ва унинг қариндошлари Тұхтамишбек ва Фозил додхөч бошчилигидаги қўшин жанг қилмай, Ховос томон чекиналилар. Бу иш билан улар бегуноҳ ҳалок этилган қизчанинг ўлими учун амирдан ўч олдик, деб ўйладилар. Шахсий хусумат юрт манфаатидан устун келиб, 30 минг кишилик лашкар жанг майдонини русларга бушатиб бе-ради. Натижада, руслар амир ихтиёридаги қўшинни бир ҳамла билан тўзгитиб юборадилар. Музффар жанг майдонини шар-мандаларча ташлаб қочади.

Эржарда осонликча қозонилган ғалаба Романовскийни руҳ-лантиради ва рус қўшинлари 17 майда Ҳўжанд остоналаридан пайдо бўлади. Эркесварлиги билан танилган ва босқинчилар-нинг кўп марта додини берган бу кўхна шаҳар босқинчиларга қарши марди-майдон йигитларини жангга ташлайди. «Ғарбий қисмлар, — деб ёзган эди Романовский, — шаҳарга кираётган-ларида ниҳоятда қаттиқ қаршиликка дуч келдилар. Шаҳар ҳимо-ячилари ҳар бир қарич ер учун жанг қилдилар». Ҳўжанд ҳалқи-нинг қаҳрамонона курашини Аваз Мұхаммад Аттор Ҳўқондий шундай тасвирлайди: «Ҳўжандликлар ғайрат камарини беллари-га боғлаб, уларни (рус аскарларини) орқага қайтардилар... Шу пайт хиёнаткорлар дарвозани очиб бердилар. Шунинг учун Ҳўжанд қалъасини коғирларга олиш осон тушди. Ҳўжанд фуқа-роси коғирларнинг шаҳарга киришларини кўриб ғайрат ва ши-жоат ила ўрусларнинг йулини тушиб, қатъий ҳаракатлар билан жангга кирдиларки, еру осмон, доно ва нодон кишилар афсус бармоқтарини ҳайрат тишлари ила тишлаб таҳсин ва оғаринлар айтдилар. Ҳар икки тараф тупу тўғанғ, чўпу таёқ ила бир-биirlарини уриб яксон қиласдилар. Хусусан, мусулмонлар кўпроқ тупу тўғанғ қурбони булиб, орқага қайтиб ҳар бири куча, маҳалла ва боғлар ичидан қочиб қолдилар. Коғирлар ҳам улар орқаларидан қувлаб кетдилар, кўча, маҳалла ва бозорларда одам қолмасдан, аёлу бола демасдан, кўп кишиларни милтиқ билан отиб шаҳид қилдилар. Файз осор шайх Муслиҳиддин ҳазратларининг мозорларida паноҳ топган гарibu бекаслар. кўру чўлоқлар, гадою дарвишлар, майибу мажруҳлар — ҳамма-лари, киши қолмасдан нобудлик оламига кетдилар.

Мадраса ва саройлар талон-торож қилиниб, кўп одамлар

қатл этилдилар. Икки томон ҳам тинчиб, қиёмат асар можоралар тўхтагандан сўнг, ҳар бир тоифа ўз ўликларини топиб, уларни санаш билан машгул бўлдилар. Мусулмонлардан 2600 киши, эркагу аёл, кабиру сағирдан шаҳодат даражасига етиб эканлар; куффордан эса 1200 киши дўзах ва жаҳаннам даргоҳига кетган экан. Шундай фожия ила Хўжанд фуқаролари кофирларнинг зулм-ситамига гирифтор бўлдилар. [Хўжанд] вилоятининг мўттамиллари минг ажзу дард ила жаноб хон (Худоёрхон) валийнеъматга кетма-кет элчи билан хат юбориб, ислом аҳлидан мадад сўрадилар. Жаноб хон узоқ муддат андиша денгизига гарқ бўлиб, кофирларга қарши бирон журъат қилмади».

Босқинчилар билан саккиз кун давом этган жангу жадалларда ана шундай марди-майдон фидокорлардан беш минг киши шаҳид бўлади. Душман катта талафот эвазига Хўжандни эгаллади. Шундан сўнг истилочиларнинг ёвуз нигоҳи Ўратепага қадалади. Босқинчилар 2 октябрда унинг остонасига яқинлашадилар. Уз эли, юрти, озодлиги учун ёниб курашаётган ва шу йўлга азиз жонини тиккан Мардлар қаторига кекса-ю ёш, ва ҳатто, аёллар ҳам қўшилди. Гувоҳларнинг сўзларига қараганда, жангда Ўратепанинг 30 минг ҳимоячисидан ярми ҳалок бўлади. Гувоҳларнинг ёзишича, «жанг шу даражада даҳшатли бўлганки, тўкилган одам қони бамисоли ариқ сувига ўхшаб оқсан». Ўратепадаги жанглар Аваз Мұҳаммад Аттор асарида батафсил баён этилган: «Абдулғаффорбек Ўратепа вилоятининг ҳокими эди. У бир қанча жасур ва мард одамларни йўл қўриклишга юборган экан. Йўлда икки гуруҳ душман билан тўқнашдилар. Мусулмонлар катта куч билан кофирларга шундай ҳамла қилдиларки, тобу тоқат ва сабру сабот қолмади ва келган йўлларига қайтиб, минг найранг ила қочиб кетдилар. Ўқтам йигитлар чаққонлик билан кофирларга етиб олиб, пўлатсимон найзалар отиб, ёмғирдек ўқ ёғдириб, қўшларигача қувиб бориб, қайтиб келдилар. Мусулмонларнинг журъати аҳли куффорга маълум бўлди. Беқарор юракларида сабру тоқат қолмади ва улар пайшанба куни эрталаб ўз жойларидан кўчиб, Кўрккат мавзеига келдилар. Ислом лашкарлари кофирларнинг йўлини тусиб, саъиу қўшиш ила жанг азим қилдилар. Кофирларнинг ҳарбий қудрати зўрлиги туфайли аҳли ислом мағлуб бўлиб, уруша-уруша орқага қайтдилар. Новкат мавзеига келиб, отларини тўхтатиб, яна қаттиқ жангга киришдилар. Ҳар бир мавзэй ва қароргоҳ учун бетиним жанг қила-қила Моховзор мавзеига яқинлашдилар». Бу жангда юрт ҳимоячилари дастлаб душманни мағлубиятга учратганлар. Рус манбаларида Ўратепадаги руслар мағлубияти ҳақида њеч нима дейилмай, кўпроқ рус солдатлари «жасорати»га эътибор берилади.<sup>1</sup>

<sup>1</sup> Содиқов Ҳ., Шамсутдинов Р., Равшанов П., Жасорат ва хиёнат. «Ўзбекистон адабиёти ва санъати», 1998 йил 27 февраль.

Муаррих Аваз Мұхаммад Аттор Ҳұқондий асарида эса ҳақиқиүй манзара тасвирланған: «Аҳли күффор қалъани эгалаш қасди ила йүлға чиқди. Мусулмонлар бир қанча мусулмон мерғанларни қалъа атрофига жойлаб құйған эканлар. Мерғанлар баттол коғирлар яқынлашишлари биланоқ уларнинг атрофла-рини үраб олиб, тұпу тұфандың жүшу хурожга келтириб, тұрт томондан мұқобатсиз отидилар. Коғирларда тоб-тоқат қолмади ва улар катта зарар құриб, қаттық зарба еб қайтдилар. Кундан кунга жангу жадал кучайиб борарди. Якшанба кечаси, жумоди үл-өхир ойининг 4-си, ё 5-сида коғирлар учта дарвозага одам-ларни таъйинлаб ва үрнаштириб, Мұғ дарвозасининг чуқур хандакини хас-хашак билан тұлдириб, шундай кең жойни бир кечада текис қилиб, үзларига йүл очиб, тонгни кутиб турдилар. Шу пайт шаҳар аҳолиси ғофил ва үз аҳду ҳолига машғул бўлиб, оламдан бехабар үйқуда ётар эдилар. Бироз вақт үтгач, саҳар пайтида, шаҳар дарвозаларига бир минг-иккі минг кишини қўйиб, үрусларнинг губернатори ва генерали кўп сонли тұда илиа Мұғ дарвозасида ҳозир бўлди. Тусатдан үзлари текислаган йўлдан утиб, шаҳар дарвозасидан кириб туғ санчигини Мұғ қалъасига үрнатишни буюрди. [Мұғ қалъаси] шу вилоят ҳокимининг жойи эди. Коғирларнинг қолган лашкари шаҳарга ҳар бир дарвозадан фирмә- фирмә, туб-туб, гурух-гурӯх бўлиб қич-қириб, шовқин-сурон күтариб кирди ва оламни тұс-тұполонга кўмиб бозорга яқынлашдилар. Аҳли ислом мусулмонлик ҳамиятини дилга жойлаб Сади Искандардек туриб жанғ қиласдилар. Улар үз юртининг ҳокими Абдулгаффорбек коғирлар келиши биланоқ жуфтакни ростлаганини эшишиб, заиф ва бемадор бўлиб, қочишни мўлжал қиласдилар. Одамлар хилват жойларга яшириниб, коғирлар назаридан маҳфий бўлдилар. Қишлоқ ва саҳрдан шаҳарга келган аҳоли жангга тушиб үрусларнинг тұпу тұфанды сочган оташ балосидан нобуд бўлиб, шаҳодат даражасига етуб, охират оламига кетардилар. [Үруслар] уч соатга яқын вилоятни талон-торож ва аҳолини қатл қилиб, замона мардумига омонлик бердилар. Шу даҳшатли жанг жараёнида мусулмонлардан саккиз мингдан күпроқ киши коғирларнинг тұфанды шамширлари тигидан ажал топди. Коғирлардан үлгандарнинг сони беш мингдан ошиб, дўзах оташига сазовор бўлдилар. [Үруслар] куч ила Үратепа мамлакатини үз кўлларига олдилар».

Истилочилар энди үз олдига Жиззахни забт этишни мақсал қилиб қўядилар. Аввалги маглубият аламини унутмаган босқинчилар 11 октябрда уни қуршов остига оладилар. Мудофаачилар русларнинг биринчи ҳужумини муваффакиятли қайта-ришади. Қамалнинг иккинчи кунидаги тұқнашув ҳам ғоят даҳшатли ва беаёв бўлғандыги ҳақида муаррих Мирзо Абдулазиз Сомий ёзиб қолдирган.

Жиззахдаги жангларда Искандарбек бошчилигидаги афон

ҳарбийлари ўзларини кўрсатиши. Улар тўп отишда моҳирликлари билан мудофаачиларга далда бериши. Рус аскарлари даставвал шаҳарга борадиган сувни беркитиб, Самарқанд ва Ўратепа дарвозаларидан ҳужум қилишга киришилар. 15 октябрь куни кечкурин капитан Михайловский 4 пиёда рота, 6 тўп ва 2 мортира билан Самарқанд дарвозаси остонасидан жой олади. Полковник Воронцов-Дашков қўмондонлигидаги 2 рота, 200 казак ва 4 тўп шаҳарнинг жануби-гарбий бурчагига ўрнаштирилади. Шаҳар қалъасига ҳужумда Михайловский, Григорьев, Воронцов-Дашков ва Пистолкарс бошлигидаги қисмлар қатнашган. Руслар ҳеч қаерда бундай қаттиқ мудофаага дуч келишмаган эди. Уларни Жиззахда бир воқеа ҳайрат ва даҳшатга соглан. Ватанпарварлардан бир қисми душманга асир тушишдан ўлимни афзал кўриб, ўзларини портлатиб юбориша-ди. Рус тарихчиларидан бири ана шундай фидокорлик ҳақида қизиқ бир маълумот келтиради: «Шаҳар ҳимоячиларининг қаҳрамонлиги ва қаттиқ қаршилик кўрсатишига тан бериш лозим. Ҳатто қалъадаги бир қисм кишилар урушни давом эттиришга илож қолмаганидан кейин порох омборига киришиб ўзларини портлатиб юбордилар. Бундай қилиш учун юксак маънавият, катта жасорат ва матонат керак бўлган».

Рус қўмондонлиги солдатларга Жиззахни талон-торож қилишга ижозат беради. Россия матбуоти, хусусан, «Русский вестник» рўзномасида шаҳардан таланганд бойликлар ҳақида кўп хабарлар чоп этилган.

Жиззахда турли-туман бойликлар шу даражада кўп ва бебаҳо бўлганки, бунақасини руслар ҳали кўрмаган эди. Уларнинг орасида ҳар хил қимматли кийим-кечаклар, тилла ва кумуш билан сайқалланган яроғ-аслача, эгар-жабдуқлар ва бошқа буюмлар кўп эди. Кишини ҳайратга соладиган туркман отларини кўриш мумкин эди. Турк, кавказ ва рус қиличлари бор эди. Жуда кўп отлар қўлга киритилган. Ҳатто бир солдат минг тилла тангаси бор халтacha «топиб олганлиги» ҳақида овозалар тарқалган.

Оренбург генерал-губернатори Крижановскийнинг Россия ҳарбий вазири Милютинга 19 октября ёзган телеграммасида айтилишича, Бухоро амирининг Сирдарё водийсидаги сунгги таянчи бўлган Жиззах беш кунлик қамалдан сунг, 18 октябрь куни соат 12 да эгалланган: «...26 байроқ, 53 та қурол ва жуда кўп бойликлар қўлга туширилди. Бизнинг йўқотишимиз, Худонинг иродаси билан, 100 кишидан камроқ бўлиб, 4 зобитимиз яраланди». Шу ўринда, Қўқон ҳукмдори Худоёрхоннинг ўз ҳомийси Бухоро амирига нисбатан хойнона иш тутганини муаррихлар тарих саҳифасига муҳрлаб қолдирганлигини айтиш лозим. Худоёр ҳатто Ҳужанд ва Жиззахда минглаб ватанпарварларнинг қонини тўккан генерал Романовскийга табрик телеграммаси йўллаган. Унда, хусусан, мана бу гаплар бор: «Оқ

подшо билан дүстликни сақлад, турли баҳоналар билан Құқондан чиқмадим ва үз худудларимни сақлаш учун 35 минг кишилик қүшинні тұплаб, Шайтонмұзгарда турдим. Шундан сұнг, Хұжандда турған амир үз қүшини ва ҳарбий бошлиқдарини олиб, шағарни мутлақо бүш қолдирғанligини эшитдим. Бу хабарни эшитиб, үз қүшиним ва замбаракларим билан орқага қайтдим. Агар мен Оқ подшо билан дүстликни истамаганимда, қүшиним билан Шайтонмұзгардан қайтмасдан Хұжандга киар әдим... Оллоқ ёрдамида Сиз Хұжандни забт этдингиз. Буни эшитиб, илгариги дүстликни мустақамлаш учун Сизни ғалаба билан табрикрайман». Ұшанда Худоёрхон «Оқ подшо билан дүстлик» Фарғона салтанатига ва, қолаверса, үзиге қандай қимматга тушишини хаёлиға ҳам келтирмаган эди.

Генерал Романовскийнинг эътироф қилишига күра, Жиззах мудофаачиларидан 6 минг киши үлдирилган, 2 минг киши асир олинган. Оренбург генерал-губернатори генерал Крижановский Бухоро амирлиги ҳудудидаги босқынчилек урушини бундан сұнг қай йүсінде давом эттириш режаларини тузиш учун Петербургга бориб, кераклы күрсатмалар олиб қайтди. Шундан кейин, у генерал Романовскийнинг Бухоро қүшинлари устидан қозонған ғалабасидан мамнунлигини шундай изҳор қиласы: «Сен амирни енгішга мұваффақ бұлғанингдан кейин, уни исканжага олишда давом этиб, нафас ростлашига имкон бермаслигинг зарур. Құқон хони Худоёрнинг эса бизга вассал булишдан бошқа иложи йўқ. Борди-ю, бизга қарши ҳаракат бошласа, унинг масаласини ҳам бутунлай тутгатар эдик».

Россия ҳукумати янгидан босиб олинган ерларни бошқариш ва бу ҳаракатни яна давом эттиришни мувофиқлаштириш учун 1867 йилнинг 11 июлида Туркистан генерал-губернаторлигини таъсис этди ва унинг раҳбарлигига подшо Александр II билан яқин алоқада бұлған генерал К. П. Фон Кауфманни тайинләди. Туркистан халқы истехзә билан «яrim подшо» деб атаган К. П. Кауфман мустақил равиша уруш әйлон қилиш, сұлғ тузиш ва бошқа күплөгінде ваколаттарға ега бўлади.

Бухоро амирининг ўша вақтдаги фаолиятини муаррих шундай тасвирлайди: «Ҳукмдор муттасил қайғуриб, — деб ёзади Мирзо Абдулазим Сомий, — чора-тадбирлар күра бошлади. Жиззахдан омон етиб келган кам сонли кишиларнинг күпчилиги ярадор ва хаста, отсиз, қуролсиз эди... Амир жаноби олийлари Самарқанддан Карминага келиб қарор топди. Абдулмалик тұра (амир Музаффарнинг тұнғич ўғли, Ғузор ҳокими — муал.) билан Ҳисори шодмон ҳокими Раҳмонқули парвоначини Самарқандда қолдирди. Үрислар Жиззахни эгаллагандан ўн беш кун үтказиб беадад қүшин билан Илон ўтти орқали Самарқандга равона бўлдилар»<sup>1</sup>.

<sup>1</sup> Мирзо Абдулазим Сомий. Құрсатилган асар, 66-бет.

Генерал-губернаторлик вазифасига тайинланган фон Кауфман 1868 йилнинг 1 январида Тошкентга келди. У ҳам Черняев каби Туркистон заминдаги хунрезликларни ниқоблаш мақсадида найрангбозлик йўлига ўтди. У рус давлати мавқенини мустаҳкамлаш ва Туркистон ўлкасидаги фожиаларни хаспўшлаш мақсадида бир гурӯҳ туб аҳоли вакилларини, Марказий ҳукумат билан келишган ҳолда, Петербургга юборишга қарор қилди. Бу вакиллар асосан рус давлатига содик кишилардан иборат булиши керак эди. Вакиллар рўйхатига шайхулислом Носир мулло Исоқ (Туркистон шахридан), Кози Мирзо Талашпан (Чимкентдан), оқсоқол Амин сўфи Шайхов (Иқон қишлоғидан), дуғлат қабиласининг бийи майор Худойберган (Авлиёотадан), қорақирғиз қабиласининг бийи Бойтиқ Канап (Авлиёотадан), Сайдазимбой Мұхаммадбоев, Эшонхон Имомхонов (Тошкентдан), қозикалон Юсуфхожа Абдуллахожа (Хўжанддан), оқсоқол Абуфаффор Саримсоқов (Жиззахдан) ва бошқалар киритилган эдилар. 1867 йил март ойида Петербургга етиб келган Туркистон вакиллари дабдаба ва иззат-икром билан кутиб олиниди. Улар, тузилган режага асосан, ҳукумат вазирликларида, Император саройида, ҳалқ кутубхонасида, музейларда, фанлар академиясида, ҳайвонот боғида, Петропавловск қалъасида, фабрика ва заводларда, савдо биржаси ва дўконларда, театр ва циркда, касалхоналарда, Император боғи (Царское село)да ва Петербургнинг бошқа диққатга сазовор жойларида бўладилар. Бундай «мехмондустлик»нинг асосий мақсади Россия давлатининг қудратини намойиш қилиш эди. Туркистон вакилларини, ҳатто, подшо Александр II нинг ўзи қабул қилади. Улар Туркистон аҳолисининг рус давлати тобелигига олинганини бахтиёрлигини, ўлканинг императорга абадий содиклигини изҳор этувчи мактубни топширганлар. Бу мактубга Тошкент, Туркистон, Хўжанд, Чимкент ва бошқа ерларнинг оқсоқолларидан 59 киши имзо чекиб, муҳр босганлар. Муртадлик ва сотқинликдан иборат «вазифа»ни адо этган Туркистон «вакил-



Туркистон ўлкасининг биринчи  
генерал-губернатори ва Туркистон  
ҳарбий округи кўмандони  
К. П. фон Кауфман (1867—1881).

(Авлиёотадан), Сайдазимбой Мұхаммадбоев, Эшонхон Имомхонов (Тошкентдан), қозикалон Юсуфхожа Абдуллахожа (Хўжанддан), оқсоқол Абуфаффор Саримсоқов (Жиззахдан) ва бошқалар киритилган эдилар. 1867 йил март ойида Петербургга етиб келган Туркистон вакиллари дабдаба ва иззат-икром билан кутиб олиниди. Улар, тузилган режага асосан, ҳукумат вазирликларида, Император саройида, ҳалқ кутубхонасида, музейларда, фанлар академиясида, ҳайвонот боғида, Петропавловск қалъасида, фабрика ва заводларда, савдо биржаси ва дўконларда, театр ва циркда, касалхоналарда, Император боғи (Царское село)да ва Петербургнинг бошқа диққатга сазовор жойларида бўладилар. Бундай «мехмондустлик»нинг асосий мақсади Россия давлатининг қудратини намойиш қилиш эди. Туркистон вакилларини, ҳатто, подшо Александр II нинг ўзи қабул қилади. Улар Туркистон аҳолисининг рус давлати тобелигига олинганини бахтиёрлигини, ўлканинг императорга абадий содиклигини изҳор этувчи мактубни топширганлар. Бу мактубга Тошкент, Туркистон, Хўжанд, Чимкент ва бошқа ерларнинг оқсоқолларидан 59 киши имзо чекиб, муҳр босганлар. Муртадлик ва сотқинликдан иборат «вазифа»ни адо этган Туркистон «вакил-

лари»нинг аслида Ватан ва халқ иродасини ифодалашга маънавий хукуқлари йўқ эди.

Шу тариқа, чор маъмурлари Туркистон генерал-губернаторлиги таркибидаги аҳоли гүё ўз «ихтиёри ва хоҳиши» билан рус давлати фуқаролигига ўтганлигини жаҳонга намойиш қилишга уринди.

Замонавий ҳарбий қурол-аслача жиҳатидан русларга баробар келолмаган Бухоро амири фон Кауфманга элчи жұнатиб, сулҳ шартномаси тузишни таклиф қиласади. Аммо К. П. Кауфман Бухоро амири олдига жуда оғир шартлар қўйгач, бу шартнома имзоланмади. Шундан кейин амир Музффар охири умид билан Туркия ҳукуматига, Афғонистон ва туркманларга элчилар юбориб, шошилинч ёрдам курсатишни сұради. Туркистондаги сўнгги воқеалар ҳақида ёзилган, бири амир Музффарга, иккинчиси қушбеги Мұхаммадшоҳга тегишли икки мактуб 1868 йилнинг апрель ойида Маккадан—ҳаж сафаридан Истанбулга қайтган элчи Хожа Мұхаммад Порсо қулига тегади. У, амир Музффарнинг 1868 йилнинг 7 февралда ёзилган, жами 14 киши имзолаган форсча мактубини Туркия ҳукуматига топширади.

### **Мавзуға оид далолат**

#### **Амир Музффарнинг Туркия сultonига мурожаатномаси**

«Сизларга сўнгги маротаба арз қиласизки, Россиянинг истилочилик фаолияти унинг журъатини янада оширди. Руслар бир неча вақтдан бери қароргоҳ сифатида фудаланиб келишаётган Оқмачитдан чиқиб, Ҳазрати Сulton, Чимкент, Авлиёта ва Тошкентни қулға киритиб, халқнинг қўпини шаҳид қилди ҳамда мусулмонларга ҳаддан ортиқ адолатсизлик ва зулм ўтказди.

Орадан бир йил ўтгач, Жиззах яқинига келган бўлсалар-да, маглуб бўлиб, Сирдарё соҳилидаги Тўракўргон деган мустаҳкам бир жойда қишлидилар. Жаноби олийлари амир катта қўшини билан руслар устига юрди. Бухоро қўшини кучли ва тартибли булган русларнинг урушиш усулини билмаганлигидан орта қайтди. Бунинг оқибатида русларнинг жасорати ошиб, Хўжандни олдилар ва анча мусулмонни шаҳид этдилар. Рус қўшини Хўжанддан чиқиб, Янгиқургонни олди ва Уратепага яқин келди. Уратепани олган руслар кўплаб мусулмонни ўлдирдилар. Жиззах сари юриб, бир ҳафта ичida Жиззах кўргонини олган руслар бу ерда ҳад-хисобсиз мусулмонни ўлдирдилар. Жаноби олийлари бу хабарни эшишиб, кўп сонлиқ қўшинни Жиззахга жунатди. Бу вазиятда руслар сулҳ шартномаси тузмоқчи эканликларини айтиб, Бухоро қўшинини хўйла билан орқага қайтардилар. Қўшиннинг орқага қайтанидан кейин Янгиқургон ва Жиззахдан уч фарсан узоқликдаги сой бўйига келгани ҳақида хабар етгач, жуда кўп аскар ва тўп билан коғир устига юрildi. Икки-уч марта кичик жанглар бўлди. Оренбург ҳокими Янгиқургонда тураркан, Бухоро амирига бир мактуб юбориб, сулҳ тузиш истагини билдиради. Бухоро амири русларга алданиб, қўшиннинг орқага қайтарди. Буни эшиктан коғир ўз қўшинини Янгиқургондан олмади. Ҳодисанинг вуқӯй этишини арз қилдик. Халифа ҳазратлари русларни мусулмонлардан узоқлаштирасин, шу тариқа исломият ривож топсин ва заифлашмасин. Бу тарафда жаноби олийлари тұpxона қурдириб, 10.000 кишилик аскар коғир билан қарама-қарши турибдир. Агар Халифа ҳазратлари (Туркия сultonи) мактуб ёки киши юбориб русларни мусулмон-

лардан узоклаштирса, давлатининг ривожини ва яхшилик-ла эсланиши-нинг сабаби булажак. Чорасиз қолган бу мусулмонлар Халифанинг бу шарофати билан кутупсалар, амал дафтарига буюк савоб ёзилади. Ожизлик ва чорасизлик ичидағи мусулмонларнинг аҳволи Халифа ҳазратларига билдирилсин»<sup>1</sup>.

\* \* \*

Мусулмонлар халифаси — Туркия султони Абдулазиз (1830—1876) Бухоро амирига ёрдам берадиган аҳволда эмас эди. Чунки Россия таъсирининг Болқон ярим оролида ёйилиши Туркия давлатига хавф-хатар туғдириб турарди. Шунинг учун Франция императори Наполеон III таклифига биноан Парижда очилган катта бир күргазмани томоша қилиш баҳонаси билан 1867 йилда Францияга кетиб, қайтишда йўл-йўлакай Англия қироличаси Виктория, Бельгия қироли Леопольд II, Пруссия қироли Вильгельм I, Австрия императори ва Венгрия қироли Франсуа Жозеф I, Руминия шаҳзодаси Карл I лар билан учрашган Абдулазизхон, ниҳоят, Бухоро амирининг мактубини муҳокама қилишни лозим топади. Аммо, Туркия ҳукуматининг Махсус мажлиси 1868 йилнинг май ойи бошларида хатни муҳфама қилишга киришган бир пайдада, Бухоро билан Россия ўртасидаги уруш янада кучайиб, амир Музafferнинг руслар билан сулҳ тузишдан ўзга чораси қолмаганлиги ҳақида хабар олинади.

Шу ўринда, Туркистон генерал-губернаторининг 1868 йил 22 апрелда Самарқанд шаҳри аҳолисига қилган «Мурожаатнома»сини келтириб утиш лозим. Унда, жумладан, шундай дейилган: «Самарқанд шаҳрининг фуқаролари! Мана, мен бойдан бўён ҳукмдоримнинг руҳсатига биноан, сизларга тинчлик ва осойиштатик баҳш этишга ғамхўрлик қилмоқдаман. Оқ подшо урушишни истамайди. Лекин Амир менинг яхши ниятларимни тушунмайди, ёки тушунишни хоҳламайди. У фойдали тинчлик сулҳини тузиш ўрнига, қўшини ва ҳалқини Россия билан урушишга тайёрламоқда. Мен уруш орқасида ҳалқнинг қони тўкилишига йўл қўймаслик учун барча чораларни қўраман. Мен зарари тегмаётган ҳалққа эмас, амирга қарши бораётирман. Чунки Оқ подшо одамларга ёмонлик эмас, яхшилик истайди. Агар сизлар тавсия этилган битимнинг қабул қилинишига мени ишонтирангиз, қон тўкилмайди ва қўшин қайтириб олиб кетилади. Оқ подшонинг мақсади — тинчликни сақлаш ва уруш қўймасликдан иборатдир. Фурсатни қўлдан бермангиз!»<sup>2</sup>

Кауфман бошчилигидаги Туркистон ҳарбий округи қўшинлари жавобни кутмасдан Самарқанд билан Жиззах ўртасидаги

<sup>1</sup> Мерт У. Бухоро амирининг элчиси Муҳаммад Порсо афандининг Истанбулдаги дипломатик фаолиятлари (1867—1869). «Турк қултури араштирумалари», ХУ/1-2. 1976, 98—99 ва 112—113-бетлар.

<sup>2</sup> Очерки военных действий 1868 г. в Зарафшанской долине, 189-бст.

Янгиқўргон томон йўл олади. Душман юриши ҳақида хабар олган Самарқанд беги Бобохожа амирга куйидагича ахборот юборади: «Тақсир, мен олган маълумотларга кўра, рус аскарлари Янгиқўргонда туришибди. Яқин кунларда Самарқандга юришса керак. Бунга қарши қандай чора кўришни буюрасиз? Сизнинг кўрсатманизга биноан, ўғлингиз бошчилигидаги қўшин Чупонота тепалигига ўрнаштирилди. Аҳолининг бир қисми қуроллантирилиб, аскарларга қўшиб қўйилди. Фуқароларингиз Сизнинг келишингизни, эрта тонгда қўёш чиқишини пойлагандек, кутмоқдалар. Сизнинг ташриф буюришингиз жасоратли қушинингизни руҳлантириши мумкин». Аммо амир Музаффар журъатсизлик қилиб, Самарқандга фақат бир Мирзо Шамсиддинхўжани юборди. Бу пайтда Самарқанд атрофида минглаб юрт фидокорлари босқинчиларга қарши шайланиб турган эди. Уларнинг сафида русларга қарши узоқ йиллар давомида жанг қилиб бой ҳарбий тажриба тўплаган Султон Содиқ Кенесарин 2 мингдан зиёд қозоқ ватанпарварлари билан алоҳида зарбдор куч сифатида турарди.

Амир Музаффар тасарруфидаги бўлган Самарқанд шаҳрида бу пайтда Шерали иноқ ҳоким эди. Абдумалик тўра ҳам унинг ёнида ўз лашкари билан турарди. Тарихчи Абдулазим Сомийнинг ачиниш билан ёзиича, Шерали иноқ зулмидан Самарқанд аҳли доду фарёдга келганлиги туфайли, улар амир Музаффарга арзнома йўллаб, шундай шартни қўядилар: «Тобакай, бизни Шерали иноқ зулмидан кутқариб, янги бир ҳоким қўйсалар, шунда барчамиз — аёллар, эркаклар, каттаю-кичик, то охирги кишимиз қолгунча кофирларга қарши тургаймиз, зероки, Бухоро лашкари пароканда бўлиб, кофирлар билан жанг қилмоққа бирон-бир саъй-ҳаракат кўрсатмайдурлар»<sup>1</sup>.



Таассуфки, амир Музаффар Шерали иноқ қаҳридан озурда ва безор бўлган шаҳар халқи талабини инобатга олмайди. Аксинча, иноққа қаттиқ ишонч боғлайди. Оқибатда, янада ҳаволанган Шерали иноқ амирга мурожаат қилганлардан аёвсиз уч олди. Бу ҳам кифоя қил-

Бухоро амири Сайд Музаффархон (1860—1885).

<sup>1</sup> Мирзо Абдулазим Сомий. Кўрсатилган асар, 67-бет.

май, Абдумалик тұрага ҳам шубҳа туғдиради. Гүё ёш тұра таҳти әгаллаш илинжида исён қымызы, деган тұхмат билан уни Фузорға жұнатып юбориша ҳаракат қилади. Абдумалик тұранинг Самарқандда туриши унинг (Шерали иноқнинг) әркин ҳаракат қилишига, бир даражала бұлса-да, монеълик қиласы.

Шерали иноқ фаолиятининг ёмон тарафға йұналиш олиши Самарқанд ахолисига қаттық таъсир қилади. Шаҳар оқсоқоллары ачық устида рус губернаторига мактуб йұллаб, уларни үз паноҳига олишни сұрайдилар. Бу эса Кауфманга жуда құл келади.

К.П. фон Кауфман үзининг босқынчилик урушини оқлаш мақсадыда Туркистан ҳарбий округи құшинларига қыйидаги мазмунда мурожаатнома йұллады: «Кейинги вактларда Бухоро, Самарқандда Россияға қарши құшин тұпланаётғанлығы ҳақида аниқ маълумотлар олинмоқда. Самарқандда русларға қарши урушни тарғиб қилаётған ва гүё дин учун курашаётған мутасиблар ёғилиб келиб, Сирдарё вилоятининг үтрок ахолисини ғалаёнға дағыват этмоқдалар. Мен ярим йил мобайнида музокаралар воситасыда тинчликка әришиш учун бор күнимни сарфладым. Бухороликларнинг сұлҳ шартномасини үзил-кесил қабул қилишни атайин өзүишінде қаратылған нағрангларини сезмасликтік интилиб, Россия бидан Бухоро үртасидаги сұлҳ битимини түзиш зарурлығига амирни ишонтиришінде күп уриндим. Мен амир бир неча бор рус қушиналари билан бұлған тұқнашувлардан үзігін сабоқ олади, деб үйлаган әдім. Аммо амир курол кучи билан үзининг Ырта Осиёдеги мавқеини тиқлашға ҳаракат қымызы. Агар Бухоро құшинларининг тұпланиши Россияға қарши қаратылған бұлса ҳамда бизнинг чегараларимизда курол ишлатмай, тинчликни таъминлашнинг иложи бұлмаса, у вактда құлда қилич билан тинчликка әришиш зарурити туғилади».

Воқеаларға шоҳид бұлған кишилар ва маҳаллий тарихчиларнинг маълумотларында қараганда, рус құшинлари Яңғиқұрғонни әгаллагач, зарбаны қадимий шаҳар Самарқандға қаратади.

Чұпонота тепалигіда мудофаада турған Бухоро құшини 12000 пиёда, 3000 отлиқ, 1500 тұпчидан иборат әди. Уларнинг ярмидан күпини күнгиллилар ташкил этарди. Пиёда аскарларнинг бир қисми тепалик тағида, қолган күпроқ қисми эса тепалик устида жойлаштирилғанды. Пиёда аскарларнинг үрта ва орқа томонини отлиқ сарбозлар әгаллаган. Тепаликнинг оралиқ қисмінде 20, бошқа жойларында яна 20 тұп үрнатылған әди.

1868 йил 1 май куни Бухоро құшинлари билан рус аскарлары үртасыда Чұпонота тепалигіда Самарқанд учун ҳал құлувчи жаңг бұлади. Минглаб юрт фидойиларининг қони тұқилған бу тепаликта истилочилар кейинчалик ғалаба тантанаси сифатида

хочкуббали баланд ёдгорлик минорасини ўрнатдилар. Унга жангда иштирок этган Туркистон йўналиши (линияси) батальонлари, роталари, Оренбург казак полки бўлинмалари ва уларнинг зобитларининг номлари битилди (бу даҳмаза нимагадир ҳозирда ҳам ўрнатилган жойида турибди).

Ҳарбий ахборотларда Самарқанд Чўпонота тепалигидаги жангдан сўнг, 2 майда жангсиз эгалланганлиги айтилади. Аммо, унинг ҳақиқий тафсилотлари атай унтилади. Русларнинг Самарқандни эгаллашида ёрдам берган хоинлар тилга олинмайди. Бу хусусда маҳаллий муаррихларнинг гувоҳлиги эътиборга лойиқdir. Айтилишича, 1868 йил 2 майда Самарқанд сотқинларидан бир гуруҳи фон Кауфман ҳузурига келишади. Уларни мамнуният билан қабул қилган генерал-губернатор бу хиёнаткорларга рус солдатларини шаҳар дарвозасида, рус одатига кўра, нон-туз билан кутиб олишини буюради. Шундан кейин Кауфман бошчилигидаги рус қўшини қозикалон, катта оқсоқол ва бошқа амалдорлар кузатувида шаҳарга кириб келадилар.

Генерал-губернатор ғалаба муносабати билан Петербургга тубандагича ахборот юборади: «Сиз император олий ҳазратларини Ўрта Осиёнинг қадимий ва машҳур шаҳари, ўзининг шон-шуҳрати билан гурурга сабаб мусулмонларнинг маркази Самарқанднинг эгалланиши билан табриклайман!» Рус рассоми ва зобити В.Верешчагин ёзади: «Биз ҳаммамиз, яъни Самарқандни забт этувчилар, генерал Кауфман изидан бориб, амир саройида жойлашдик. Ниҳоятда баланд ва кенг хоналардан иборат асосий бинони генерал, сарой атрофидаги уйларни биз — қароргоҳ аъзолари эгалладик. Менинг қадрдоним, генерал Головачев чекига эса, амирнинг собиқ ҳарами тушдики, илгарилари ҳар қандай мард, жасур жангчининг ҳам қадами бу ерга этиши амри маҳол эди. Табиийки, биз келгунча қушчалар қафаслардан бўшалиб, учиб кетишга улгуришган экан. Генерал Кауфман хоналари билан бизнинг хоналаримиз Темурлангнинг машҳур таҳти турган хонага туташиб кетганди. Муҳташам сарой айланасини ҳашаматли йўлаклар ташкил этарди. Турли чиройли бўртма нақшлар билан зеб берилган бу хонада катта оқ мармар бўлаги — улуғвор таҳт — кўктошнинг айни ўзи турарди. Бу саройга бутун Осиё ва Европанинг кўпгина жойларидан ҳукмдорлар ҳамда элчилар ташриф буюришган, таъзим бажо келтиришган, тобелик ва садоқат рамзи сифатида қимматбаҳо совға-саломлар келтиришган. Темурланг бу таҳтда виқор тўкиб ўтириб, кўп сонли вассалларини қабул қиласарди. Мен кўпинча генерал Кауфман билан ҳозир биз забт этган жойларнинг тарихи, бу ерга келишга улгурган сайёҳлар, китоблар ва ҳоказолар ҳақида фикр алмашган ҳолда залда айланиб юрардим».

К.П.Кауфман 1868 йил 3 майда шаҳарнинг катталари, дин

пешволари ва, умуман, нуфузли кишилар иштирокида қабул маросими үтказади. Бунда бир тұда сотқынлар шаҳарни Оқ подшо панохига олғанлиги ва рус құшинининг «саҳийлиги» учун К. П. Кауфманга миннатдорчылык билдиришиб, халқни Оқ подшоға содиқ бўлишга даъват этишларини ваъда қилдилар. К. П. Кауфман ялоқхўрларга тұңтар кийгизади, баъзиларини император номидан кумуш медаллар билан мукофотлайди. Биринчи нишон шаҳарнинг «урушсиз таслим бўлишини» изҳор этган тұда бошлиғи — қозикалонга берилди. Аммо қозикалон, мени халқ исломдан қайтган киши сифатида кўрсатади ва таъна қилади, деб медални олишдан бош тортади. Бунга жавобан фон Кауфман шундай дейди: «Яхши, мен медални чакмонинг устига тақмаслигингга розиман. Лекин уни олиб, буюк Оқ подшо тасвирини юрагингда сақла. Маълумки, империя таркибида кўп миллатли мусулмонлар фарогатда яшаб, уларга ўзларининг диний эътиқодларида қолиш ҳуқуқлари берилган. Яқиндагина Самарқанднинг Оқ подшоғ панохига олинишини сўраган сен эмасмидинг?» Шундан кейин қозикалон медални олиб, уни кўкрагига тақиб юришини айтади. Истилочилар мукофотига «сазовор» бўлган бошқа сотқынлар ҳам ер ўтиб ўз миннатдорликларини изҳор қилиб, ҳамма вақт нишонни таққан ҳолда Кауфманга кўринганлар. Қозикалон ҳам юрагининг устига тақилган медални ҳар гал ҳарбий округ бошлиғи билан учрашганды намойиш қилиб турган.

1868 йил 4 майда К.П.Кауфман Самарқанд шаҳри ва атроф аҳолиси номига мурожаатнома ёзади: «Улуғ рус подшохининг панохида яшашни хоҳловчи турли шаҳар ва қишлоқлар вакиларини қабул қилиб, маълум қиласанки, ҳамма одамлар ўз уйларida ва ерларida яшаб, мол-мулқларидан фойдаланаверсинлар. Катта шаҳарларга керагича муфтийлар ва аъзамлар қўйилади. Барча кишилар тинч ва бир-бирларига душманлик қилимасдан яшашлари учун оқсоқолларга, қозиларга, маҳдуми аъзамларга ҳамда муфтийларга генерал-губернаторнинг имзоси чекилиб, муҳри босилган ёзма буйруқлар берилади. Ўзларингизнинг касбларингиз ва савдо-сотиқларингиз билан шуғулланаверинглар. Оқ подшонинг ҳукми бўйича шариат эскича ўз кучида қолаверади.

Ҳар бирингиз масжидларда Оқ подшо ва унинг оиласининг соғлигини сўраб, дуо қилинглар!

Сирдарёning чап ва ўнг қирғоқларидаги руслар тасарруфига ўтган ерлардан хазина фойдасига белгиланган тартибда хирож ва бошқа солиқлар олинади. Агар амирнинг одамлари қишлоқларга келишиб, солиқ тўпласалар, у вақтда улар тутилсун ва бошлиқларга топширилсун. Сизларнинг губернаторингиз ва бошлиғингиз этиб, генерал Головачевни тайинладим».

Шу билан бирга генерал-губернатор Бухоро амирига қўйидаги сулҳ шартларини юборади:

1. «Аълоҳазрат, Россия императори жаноблари хукуматига мансуб бўлган ерларга аввал руслар томонидан ишғол этилган, Кошфар, Довон, Нурота тоғлари шимолидан ташқари. Оқ подшо тобелигига ўтишни илтимос қилган Самарқанд шаҳри ўз музофотлари билан Россия таркибиға киради. Жануб томондан бу ўлка Шахрисабз тоғлари билан чегараланиб, Зарафшон водийси ва Нурота тоғлари ўртасидан ўтади. Бухоро билан бўладиган чегара эса, шу сулҳ битими амир жаноби олийлари томонидан таклиф этилган шартлар билан қабул қилиниб, улар ўз муҳрларини босиб қайтарганидан сўнг аниқланади. Шундан сўнг, чегара гарб томондан Нурота тоғларининг энг баланд жойидан ва Бухоро худудида жойлашган Нурота қальясидан ўтали. Шу ердан Қизилкўм саҳроси ўртасидан ўтиб, Бўкантоғ орқали Янгидарё қуйилишигача ўтади.

2. Ҳамма рус фуқаролари, қайси динда бўлишларидан қатъи назар, Бухорога ва унинг бошқа жойларига бориб, савдо қилиш хуқуқига эга бўладилар. Бухоро амирининг фуқаролари ҳам илгаригидек, Россия империяси билан савдо қилишларига ижозат берилади. Амир жаноби олийлари Россия фуқароларини карvon ва барча мол-мулклари билан ҳимоя қилиб, уларнинг ўз мулки худудида хавфсизлигини назорат қиласди.

3. Россия савдогарлари учун Бухоро шаҳарларида ва улар хоҳлаган жойларда ўз молларини сақлаш учун карвон-саройлар қурилишига ижозат берилади. Россия шаҳарларида ҳам Бухоро савдо аҳли учун шундай хуқуқ берилади.

4. Савдо ишларининг тўғри бориши ва қонуний бож олинишини назорат қилиш учун рус савдогарлари ўз ихтиёрлари билан Бухоро амирлигининг ҳар бир шаҳаридаги ўзларининг карвонбошилари бўлишига хуқуқидилар.

5. Россия худудидан, Бухорога ёки Бухородан Россияга олиб бориладиган товарлардан Туркистон ўлкасида олинадиган ҳажмла, ҳар ҳолда, Бухоронинг мусулмон фуқаролари билан бир хилда, яъни молнинг умумий қийматидан 2,5 фоиз микдорида бож олинади»<sup>1</sup>.

Фон Кауфман, айни вақтда, Бухородан катта товон олинишини эслатишни ҳам унутмаган.

Бухоро амири Музаффар Самарқанд воқеасидан даҳшатга тушиб ва жаҳл устида ушбу шум хабарни келтирган кишини осиб ўлдиришга ҳукм қиласди. Амирнинг чорасиз ва иложсиз васвасаси аста-секин йифига айланди. У «худо мени Самарқанддан маҳрум қилгандан кура, жонимни олгани яхши эди!»,

<sup>1</sup> Сулҳ шартномаси 1868 йил 11 майда юборилган. К а р а н г: Зиёев Ҳамид. Кўрсатилган асар, 267—268-бетлар.

деб нолаю фигон чекли. Дарҳақиқат, бир вақтлар улуг пойтахт бўлган бу шаҳарни гайридинларнинг босиб олиши катта мусибат эдики, бу воқеа бутун ислом дунёсида кучли акс-садо беради. Амир ўз лашкарбошилари билан ўтказган кенгашда биринчи бўлиб сўз олган Усмонбек йигилганларни фаол ҳаракат қилишга ундали: «Хонлик халқи урушни давом эттиришни талаб этаётган бир пайтда, кофирларга товон тўлагандан кўра, бир томчи қон қолгунча курашган афзалроқдир!». Кенгаш қатнашчилари бу фикрни яқдиллик билан маъқулладилар. Амир Музаффар бор кучини жамлаб, Самарқандни қайтариб олишга кириши. Тез орада 15 минг отлиқ, 6 минг пиёда ва 14 та тупга эга бўлган Бухоро қўшини Зирабулоқ тепалигига келиб ўрнашади. Сарбозларни руҳлантириш ва ғалабага чорлаш нијатида амир Музаффар уларга шундай мурожаат қиласди: «Содик мусулмон фуқаролар! Сизлар чеккан заҳматларингиз учун раҳмат! Сизларни ишонтирамизки, ғалаба биз томонда бўлгай. Самарқанд ва Каттакўроннинг қўлдан кетиши биз учун унчалик катта талафот эмас. Биз темурийлар авлодимиз, ўз еримизни қандай қилиб қайтариб олишни кўрсатиб қўямиз. Мусулмонлар! Мен динимиз ва Ватанимиз учун мусулмон аҳлиниң қаҳрамонона жанг қилишини кофирлар кўз ўнгидан намоён этишингизга умид қиласман. Халқ биздан ғалаба кутаяпти, у жангдан сўнг сизларни қарши олганла дин ва Ватан ҳимояси учун курашган ва еримизни кофирлардан тозалаганлар, деб айтсан. Зирабулоқ жангни майдонида ҳалок бўлганлар шарафига шонли ёдгорлик ўрнатилади. Мусулмонлар! Туркистон генерал-губернатори талаб қилаётган 125 минг тилла совға сифатида сизларга берилади. Ишончим комилки, сизлар менинг умидларимни рўёбга чиқариб, самарқандликларнинг чопонидаги қора догни юvasизлар. Мусулмонлар, сизларга зафар ёр бўлсин!. Ушбу мурожаат тўпларнинг гумбур-гумбури остида ўқиб эшилтирилди. К.П.фон Кауфман қўмондонлигидаги рус қўшини билан ҳимоячилар ўртасида жанг бошланди.

Уруш тақдирини Зирабулоқ жангни ҳал қиласди. Бу урушда ҳам руслар хиёнат туфайли ғалаба қозонадилар. Тарихчи Мирзо Салимбекнинг ёзишича, миллати рус бўлиб, кейин асирилкда ислом динини қабул қилган ва амир қўшинида олий мартабага эришган Усмон тўқсабо ҳал қилувчи дақиқада амирга хиёнат қиласди: «Туркиялик саркарда Ҳожи Тўққир сўл тарафдин ўрисларга ҳужум қилиб, уларни танг аҳволга солиб қўйди. Улар енгилай деганда Усмон тўқсабо чекиниш карнайини чалиб, ўз лашкарини орқага қайтарди». Тарафларнинг кучлари ва қурол-ярголари хусусидаги маълумотлар таҳтил қилинса, рус қўшини муваффақиятининг яна бир сири очилади. Бухоро қўшинлари сон жиҳатдан ортиқ, яъни олти минг сарбоз ва 15 минг отлиқ-

<sup>1</sup> Ўша жойда.

дан иборат бұлса ҳам, уларнинг қурол-яроғлари ва ҳарбий аңжоми ибтидоий әди. Рус пиёда ва отлиқ қүшинларининг умумий сони 2 мингдан ошмаса ҳам, уларнинг бари сарапанган, касби-кори уруш бўлган ҳарбийлар эдилар. Оренбург, Урол казаклари, линия батальонлари, тўпчилар бригадаси бой ҳарбий малакага эга ва уруш кўрган, тажрибали аскарлар ҳамда зобитлар бўлиб, уларнинг ихтиёрида замонавий 14 тўп ва 6 ракета мосламаси бўлган. Уруш тақдирини қилич эмас, ҳарбий техника ҳал қиласи. Россия қўшинларининг Зираубулоқдаги ғалабаси шу жиҳатдан табиий әди. Бу воқеалардан огоҳ бўлган қаршилик шоири Хаёлий:

Келубдур аҳли коғир сўйи ислом қасди қатл айлаб,  
Умид шулдир алар бирлан ажойиб корзорим<sup>1</sup> бор.  
Агарчанди, яроғу хийлаи тадбиримиз йўқтур,  
Валс, ўзбек эрумиз, кўнглума минг турлик орим бор,<sup>2</sup>

деб ёзган әди.

Босқинчиларга нафрат, Ватанга муҳаббат туйғулари бутун амирлик аҳолисини осққа турғизади. Бу ўринда Амир Темур ватани Шахрисабз йигитлари кўрсатган жасорат таҳсинга лойиқдир. Қоратепа қишлоғидаги рус қўшинлари билан Шахрисабз отлиқлари ўртасида бўлган жанг бунинг ёрқин намунаси-дир.

Рассом Верещагин ана шу воқеанинг шоҳиди бўлган, унинг сўзларига эътибор беринг: « Кавказлик жасур зобит Писталкарс жануби-шарқ тарафдан келаётган Шахрисабз ва китоблик ўзбек аскарлари тўдасини тифга тортиш учун юборилган әди. У аввал шахрисабзликларни енгди, аммо манзилига қараб юриши биланқ, улар яна бирлашиб шундай зарба бердиларки, таъбир жоиз бўлса, унинг елкасига миниб олиб, Самарқандгача қувиб келди. Генерал Кауфман ва биз қайтиб келаётган отрядни кутиб олиш учун отландик. Шаҳардан ташқарига чиқишимиз билан ўққа тутишди. Теварак-атрофдаги дароҳтзорлар орасида шундай қизғин отишма бошландик, қўмондоннинг хавфсизлигини таъминлаш учун ёнимиздаги барча казакларни шу заҳотиёқ қарши ҳужумга ташлашга тўғри келди. Биз ярадорларни олиб шаҳарга қайтишга мажбур бўлдик. Оқибатда чекиниш билан якунланган бояги ғалаба кўпчилик зобитлар орасида норозилик уйғотди. Ботир зобит Назаров Самарқандга қараб қилинган кейинги ҳаракат жуфтакни ростлашдан бошқа нарса эмас, деб очиқдан-очиқ гап тарқатгани учун Кауфман томонидан қамоққа олингани ва бўлажак ҳаракатларда қатнашишдан

<sup>1</sup> Уруш, жанг.

<sup>2</sup> Равшанов Олим. Кўнглума минг турлик орим бор. «Ёзувчи», 1997 йил 5 ноябрь.

маҳрум қилинғанлыги ҳақида эшитдим. Маҳаллий аҳоли буни чинакам ғалаба деб ўйлаб, курсандчилигини яширмади»<sup>1</sup>.

1868 йил 29 майда Каттақўрғон атрофидаги 30 минг кишидан иборат қўшин ва оломон рус аскарларига қарши жангга ташландилар. Душман бу урушда 30 тўп ва 13156 дона милтиқ ўқларини ишлатиб, 7000 кишининг ёстигини қуритди. Аммо бу катта талафотга қарамай, ватанпарварлар 31 майда Каттақўрғон истеҳкомидаги рус аскарларига ҳужум қилдилар. Каттақўрғондаги жанглар босқинчиларга қарши курашнинг энг даҳшатлиларидан бири сифатида намоён бўлади. Шунинг учун ҳам Каттақўрғонга Кауфманнинг шахсан ўзи бориши бежиз бўлмаган.

Зираубулоқдаги мағлубият ва амирнинг Қизилкўм тарафга қараб қочгани ҳақидаги хабар Самарқандда кучли акс-садо берди. Шаҳар ватанпарварлари энди биргина ўз кучларига ишониб, ислом ва озодлик йўлида жонбозлик кўрсатдилар.

Абдумалик тўра бошчилигига Қарши ва Ғузорда русларга қарши ҳужумга қизғин тайёргарлик кўрилаётган эди. Улар Ҳисор, Шеробод қўнғиротларига, Қарши атрофидаги истиқомат қилиб турган аҳоли ҳамда Эрсари туркманларига хат йўллаб, Абдумалик тўрага содик бўлишга даъват этдилар, қасамёд қилиб, русларга қарши отланишга чақирдилар. Тез орада Абдумалик тўрага тарафдор бўлган, ғазот алансасида ёнган кишилар туда-туда бўлиб Ғузорга йиғила бошлайдилар. Ҳисор, Шеробод, Денов, Кулоб бекликларида амир Музаффар томонидан қўйилган ҳокимлар ағдарилиб, Абдумалик тўрага тарафдор кишилар тизгинни қўлга оладилар. Жумладан, Шерободда қўнғирот қавми амир қўйган Каримқўлбийни бекор қилиб, ўрнига Остонакулбийни ҳокимликка кўтарадилар.

Шаҳрисабз ва Китоб бекликлари эса амир Музаффар таҳтга чиққанининг иккинчи йилиёқ амирликка бўйсунмай қўйган эди. Воқеалар кечеётган даврда (1867—1868) Шаҳрисабзда Ҳакимбекбий, Китобда Жўрабек ҳоким эди. Абдумалик тўра ва тарафдорларининг газотга даъват қилган саъй-ҳаракатлари бошқа бекликларда ҳам амирга тобеъликтан чиқиш кайфиятини кучайтириб юборди.

Амир Музаффардан юз ўғирган Ҳакимбек ва Жўрабеклар Абдумалик тўрага хат ёзиб, русларга қарши муқаддас жиҳод йўлида у билан бирга бўлишни, унга итоат этишларини изҳор этдилар. Ватан туйғуси амир билан низода бўлган бекларни русларга қарши жанг ҳозирлигини қўраётган унинг ўғли билан иттифоқда бўлишни тақозо этади.

Ниҳоят, Абдумалик тўра тарафдорлари йиғилиб, бир неча минг киши жам бўлгач, Ҳакимбек ва Жўрабекларнинг бирикуви сабаб, русларга қарши юриш бошланади. Улар Ғузордан чиқиб,

<sup>1</sup> Верешчагин В. 1868 йилда Самарқанд. Рассом хотиралари. О. Абдуллаев таржимаси. «Шарқ юлдузи», 1991 йил, 4-сон, 188-бет.

Шаҳрисабз орқали Самарқандга йўл оладилар. Ҳакимбек ва Жўрабек ўз кучлари билан Абдумалик тўрага қўшиладилар.

1868 йилнинг 2 июнида бўлган Зирабулоқ жанг арафасида хонликнинг шарқий худудида русларга қарши кучли ҳарбий иттифоқ вужудга келиб, улар истилочилар таянчи бўлган Самарқанд гарнizonини қамал қилишга улгурган эди.

«Зирабулоқ мағлубиятидан сўнг, — деб ёзади Д. Н. Логофет, — гё қон тўкар уруш хотима топгандек туялар эди. Зероки, қўшинидан ажралган амир бир тўда яқин мулозимлари билан қочиб, жон сақлаш пайига тушиб қолган эди. Бироқ, жазавага тушган руҳонийлар қуткуси халқ оммасининг кайфиятини жўнбушга келтирмай қолмайди. Оқибатда, улар Бухоро таҳти-нинг валиаҳди Катта тўра Абдумаликхон атрофида жамлана бошладилар. Амидан норози бўлган барча унсурлар тезлик билан бирлашиб кучли фирмә туздилар. Уларга авваллари ҳам ѡеч қачон амир ҳокимиётини тан олмаган, мустақил бўлиб келган тоғлик бекликлари Шаҳрисабз ва Ҳисор аҳолиси ҳам кўшилди»<sup>1</sup>.

1868 йилнинг 2 июнидаги Зирабулоқ урушида қатнашган амир лашкарлари, маҳобат қилинганидек, «бехисоб», «сон-саноқсиз» бўлмай, нисбатан жуда кам эди. Рус ҳарбий вазирлиги 1868 йилнинг 12 июнида Туркистон ҳарбий окрути қўшинлари кўмандони Кауфман ёзган 215-маълумотномада (айтиш жоизки, бу маълумотнома айни вақтда фалаба ҳисоботи ҳам эди) қайд этилишича, амирнинг пиёда сарбозлари адади 6 мингдан зиёдроқ, отлиқ аскарлари 15 мингга яқин, жами 20 минг нариберисида бўлган. Шунингдек, 14 та енгил замбарак ҳам жангга шай турган.

Руслар эса, 10 пиёдалар ротаси, 6 тўп ва 300 казак билан уларга муқобила бўлади. Уруш бўладиган 2 июн куни<sup>2</sup> русларга тағин ёрдамчи кучлар қўшилади, энди пиёдалар ротаси сони 18 тага, тўплар эса 14 тага етказилади. Жангари казаклар ҳам 600 тага қўпайтирилади. Маълум бўладики, амир лашкарида қиличлар сони кўп бўлгани билан оғир тўплар, милтиқлар ва ракета мосламаси бобида босқинчилар катта устунликка эга эди. Бунинг устига Бухоро қўшини ҳамон замбараклардан отиш, мўлжалга олишда тажрибасизлик даражасида қолиб келаётган эди. Кауфманинг шаҳодатича, «дushmanning Zirabuloқ тепаликларидан отган тўплари бирон зарар етказмаган»<sup>3</sup>.

Истилочилар Зирабулоқ муҳаррибасига бутун кучларини сафарбар этганлар, зеро, бу жанг ҳар иккала томон учун ҳам ҳал қилувчи оқибатлар бўсағаси эди. Полковник Абрамов гуруҳининг шошилинч ҳарб майдонига киритилиши уруш тақдирини,

<sup>1</sup> Логофет Д. Н. Бухарское ханство под русским протекторатом. Томъ I. СПб. 1911, 28-бет.

<sup>2</sup> Записки Кавказского отдела ..., 186-бет.

<sup>3</sup> Ўша асар, 187-бет.

жумладан, амирликнинг мустақил давлат сифатидаги қисматини ўзгартириб юборади. Бухороликлар тўпларини судраб қочишига тушадилар, пиёдалар тўплар қувватловидан маҳрум бўлгач, ноилож, ўқларга ем бўлмаслик учун Кармана тарафга қочишига тутунади. Қочаётган жангчилар орқасидан отилган ракета мосламалари уларни ер тишлатади. Руслар битта ташлаб кетилган тўпни ўлжа қиласидар. «Душманнинг йўқотишларини рақамларда аниқ айтольмайман, — дейди К.П. фон Кауфман, — бироқ ўзим кўрганим, аҳолининг айтишларидан чиқадиган хуносага кўра, уни юзлар билан эмас, минглар билан ҳисоб қилиш керак бўлади. Сўнгги маълумотларга кўра, қочиб қутилган пиёдалардан Карманада бори-йўғи 1000 киши тўда бўлибди».<sup>1</sup> Демак, Зирабулоқ жангиде Бухоро қўшинининг деярли ҳаммаси қириб ташланган.

Зирабулоқ жанги давом эттаётган кунларда Самарқанддаги руслар гарнizonига ҳужум қилган Абдумалик тўра, Жўрабек, Бобобек (Ҳакимбек ўғли — муалли) ва бошқа ўзбек, тоҷик, туркман, қорақалпоқ, қозоқ қавмлари бошлиқларининг 8 июня қадар уруш ҳаракатларини давом эттирганликларини алоҳида таъкидлаш лозим. Кауфман ҳарбий вазирга йўллаган маълумтономасида Самарқандни қамал қилган шаҳрисабзликларнинг 25 минг, Одил додхоҳ бошлиқ хитой-қипчоқларнинг 15 минг, Ҳусанбек, Абдул Faффорбек ва Умарбек раҳбарлик қилган самарқандлик, ургутлик, панжикентлик, найманлик, туркман, қорақалпоқликларнинг адади 15 минг атрофида бўлиб, жами 50 минг кишини ташкил этганлигини жуда ошириб кўрсатади. Бироқ у Туркистондаги зафарли юриши тарихида илк даъфа, «Самарқанд гарнizonидаги йўқотиш жуда катта»<sup>2</sup>, деб эътироф этишга мажбур бўлади.

Англашиладики, Ватан тақдиди ҳал бўлаётган дамларда, амирдаги сусткашлик, иродасизлик хонликнинг мард, жасур фарзандларига хуш келмаган. Г. А. Арандаренко, нима сабабдандир, ўзи гувоҳ бўлган бу қаршилик ҳаракатидан кўз юмади. Ҳолбуки, Қарши, Шаҳрисабз ва Китоб учун истилочилар яна, камида икки йилга яқин, зарбдор кучларини жангта ташлашга мажбур бўлган эди. Бухорода узоқ йиллар яшаган, ўта мустабидона қарашли Д.Н.Логофет, ҳар ҳолда, амир лашкари узилкесил тор-мор этилгандан сўнг ҳам, истилочиларга қарши мардонавор бош кўтарган, Ватан озодлиги йўлида ҳаётини тиккан жасур, ботир ўлонлар бўлганлигини истар-истамас, гижиниб бўлса-да, тилга олади.

Ўзбекларнинг, умуман, рус босқинчиларига қарши курашган Бухоро амирилиги аҳолисининг табиатан баҳодир, шижоатли бўлганлигини шубҳа остига олиш, бу мамлакат тарихидан

<sup>1</sup> Ўша жойда.

<sup>2</sup> Ўша асар, 188-бет.

хабарсизликдан ёхуд нописандликдан бұлак нарса эмасди. Дарвоқе, Абдумалик тұра қүшини зүрлик ва зуғум эмас, хоҳиш ва талаб билан жам бұлган ватанпарварлар, биргина үзбеклар эмас, тожиклар, қозоқлар, туркманлар, қарақалпоқлардан ҳам таркиб топған эди. Абдумалик тұранинг Қаршида катта обру-этиборга эга бұлғанлигини ұша пайтда яратылған асарлар да-лолат этади. Қаршилик шоир Хәёлий девонида,<sup>1</sup> масалан, «Та-рихи қазрат Шаҳзодаи олиймақом» деган шеър бериліб, унда Катта тұра — Абдумаликнинг Қаршиға ташрифи күтариңки рұх билан талқин этилади:

Не хуш йил бұлды бул йил, Қарши узра комрон келмиш,  
Сайыл қазрат Музаффар үғли — шоқбози жақон келмиш.

Хәёлий валиаҳд Абдумалик тұранинг Қаршиға келиши та-рихини:

Хәёлий омиліғ бирлан деди таърихи Шаҳзодин —  
Минг иккі юзу саксон учға тожу хисравон келмиш, —

сатрларida күрсатади.

1283 ҳижрий йил милодий ҳисобда 1866/67 йилға тұғри ке-лади. Бинобарин, Абдумалик тұра атрофида жам бұлаёттан ватанпарварлар рус босқынчиларига қарши қарийб бир ярим — иккі йиллик тайёргарлар күрганлар.

Абдумалик тұранинг лашкари йұлға чиққанда, Абдулазим Сомий айтганидек, «губернатор керагиша қүшини билан Каттақұрғонда Бухоро лашкарига қарши турған эди. Самарқандша рус қүшинининг унча катта бўлмаган қисми қолған эди»<sup>2</sup>.

Гузор, Қарши, Ҳисор, Шаҳрисабз, Китоб, Шеробод, хуллас, Жанубий бекликлардан жам бұлған катта қүшин билан келган Абдумалик тұра руслар турған истеңкомни қамал қиласы. Шу орада амирликда катта нуфузга эга бұлған «Умархон эшон Маҳдуми Аъзам катта гурух билан тұрага ёрдамға» етиб келади. Хитой-қипчоқ, қарақалпоқ, тожик қавмлари ҳам Абдумалик тұра билан иттифоқ бўлиб русларга қарши отланади.

Муаррихнинг гувоҳлик беришича, амир лашкари билан рус қүшини Каттақұрғонда жанг ҳолатида турғанида, Самарқанд қамали хабари эшитилади. Бу хабар руслардан күра, амир Музаффарни қаттиқ ташвишга солади ва Абдумаликни орадан күтариб ташлаш пайига тушади. Мирзо Абдулазим Сомий бу ҳақда изтироб билан шундай ёзади: «Қачонки, тұра Самарқанд-ни әгаллагудай бўлса, голиблик яловини күтарар, бундан шох-лик қадри тушиб, одамлар, шубҳасиз, ундан бўлак ҳукмдорни

<sup>1</sup> Равшанов Олим. Құнглима минг турлик орим бор. «Езувчи», 1997 йил, 5 ноябрь.

<sup>2</sup> Мирзо Абдулазим Сомий. Күрсатылған асар, 85-бет.

хоҳламаган бўларди, шу боис амир унинг маглубияти ва ҳало-катини истарди»<sup>1</sup>.

Руслар амир учун оғир бўлган вазиятда фурсатни бой бермай, Бухоро қўшини билан жанг қиладилар, Самарқандга қўшимча куч юбормаслик маъқул топилади. Икки ўргада уруш бошланади. Амир лашкари енгилади, Ҳожи аскаридан битта ҳам сарбоз қолмай қириб ташланади. Бу жангда кучлар нисбати руслар фойдасига ортиқ бўлса-да, Бухоро лашкаридан жон бериб-жон олган жасур сарбозлар кўп эди. Руслар Каттақўғон урушида ғолиб келган бўлсалар-да, ўзлари ҳам катта зарба еганларини ҳис қиладилар. «Бухоро лашкари душманнинг қўзини очиб, чекинишга мажбур қилди»<sup>2</sup>, дейди тарихчи.

Карманада турган амир Музаффар икки ўт орасида қолган эди. Бир томондан, русларнинг қули баланд келиб, тобора унинг қароргоҳига яқинлашиб келаётган бўлса, бошқа тарафдан, Абдумалик тўранинг эътибори ошиб, Самарқанд бўсағасида русларга таҳдид солаётган, мабода зафар қўчгудек бўлса, Бухоро таҳти унинг қўлига ўтиши муқаррар эди. Мирзо Абдулазим Сомий бу ҳақда, «амир Хоразмга кетишга қатъий қарор қилди»<sup>3</sup>, дейди. Амирининг ҳафсаласи пир булиб, умид ва ишончи қолмаган, Хоразмдан бошпана топишдан ўзга чора йўқ, деб ҳисоблаган пайтида, эсига Шукурбий иноқ тушиб қолади. Шукурбий иноқнинг амир олдидা хурмати катта, умуман, аркони давлат орасида нуфузи баланд эди. Шукурбий иноқ анча кундан бери ҳисбда сақланаётганди. Шукурбий иноқнинг ҳисбса олинишининг сабаби, Мирзо Абдулазим Сомийнинг кўрсатишича, руслар Жиззахдан Самарқандга бориши ўйладиги Сойбўйи қатъасида турганларида, Бухоро лашкари Фиштқўприкда муқим эди. Амир Музаффар иш кўрган, ақдли сардор Шукурбий иноқни лашкар бошлиғи қилиб тайинлади. Шу орада Шаҳрисабз ва Китоб бекликларидан 2 мингта сарбоз Шукурбий иноққа келиб қўшилади. Шаҳрисабз ва Китоб ҳокимлари унга хат ёзиб, юртга ёв келганда амир билан бизнинг ихтилоф қилиб туришимиз тўғри бўлмас, иттифоқ булиб жанг қилайлик, амир билан бизни яраштириб қўйинг, деган таклифни ўртага қўядилар. Шукурбий иноқ уларнинг гапини маъқуллайди ва келган лашкарга жой кўрсатади. Бироқ, айрим ҳасадгўйлар буни амирга тескари тушунтирадилар: гўё Шукурбий иноқ кенагасларга қўшилиб, улар билан амирга қарши фитнага тил бириктирган эмиш. Соясидан ҳам ҳадиксирайдиган бўлиб қолган амир ифвога ишониб, Фиштқўприкка Абдулқодир девонбегини жўнатади, Шаҳрисабз лашкарига жавоб беришни, Шукурбий иноқни эса яхши гап билан ҳузурига олиб келишни топширади. Энди, амир икки ўт орасида қолган, таҳ-

<sup>1</sup> Уша асар, 86-бет.

<sup>2</sup> Уша жойда.

<sup>3</sup> Уша асар, 87-бет.

ту баҳтидан ажралай деб турган пайтида сиёсат юргизишни яхши биладиган, мулоҳазали Шукурбий иноқдан ҳам маслаҳат олиш ортиқча бўлмас, деб ҳисоблайди.

Шукурбий иноқ гарчанд зиндондан чиқиб келган бўлса-да, гина-қудуратни бир четга қўйиб, амирга шундай маслаҳат беради: «Хоразмга қочмоқ ёв қулига банди бўлмоқдан юз карра ёмондир, зеро, ҳужум қилиб келаётган қўшиндан қочиш жазони оширгани каби, гуноҳ ҳамда шармисорлик ҳисобланади. Бордию душманга асир бўлмоқ эса, олижаноб ва баҳтли хотимотдир. Энди, Самарқанднинг қўлдан кетганлиги, ёвнинг шижаоат кўрсатганлиги боис қайғуга ботиш, ўзни хор қилиш ўриниз. Аксинча, худони дилга солиб, қатъият билан иш тутмоқ лозим. Бу кўхна олам бундай ўзгаришларнинг қанчасига гувоҳ бўлган, бинобарин, Самарқанднинг қўлдан кетиши Бухоро давлатининг ҳалокатига сабаб бўлолмас. Нечунким, бурунги замонларда ҳам аксар вақт у бошқа ҳукмдорларга тобе бўлиб келган. Бордию амирнинг безовталиги кофириларнинг жасурлиги туфайли бўлса, бундан ортиқ хавфсираш туғри бўлмас. Негаки, губернатор рус императорининг кўпдан-кўп бошлиқларидан биридир. Русларда мавжуд бўлган одатга кура, ҳукumatдин яна бошқа тоишириқ бўлмаса, унинг ҳукмдор иродасидан ўзга ҳаракат қилиши марғуб тутилмас. Шу кунларда Кауфман Самарқанд қамали ҳақида хабар олган экан, шубҳасиз, уни бартараф этишини муҳим деб билур ва сулҳга мойиллик билдирур. Давлат равнақи учун, зудлик илиа губернатор олдига кимнидир йўллаш, ярашув аҳдини ўртага солиш керак. Сиз эса баҳтсаодат илиа йўлга чиқиб, Бухорога кутб мисол кириб, давлатхона марказидан жой олмогингиз даркор»<sup>1</sup>.

Амир Музаффарга Шукурбий иноқ маслаҳати маъкул тушиб, Хоразмга қочиш қароридан қайтали. Губернатор Кауфманга элчи билан мактуб йўллаб, дўстлик ва сулҳни таклиф этади. Кауфманнинг ҳам, Шукурбий иноқ айтганидек, ярашувдан ўзгаchorаси ийқ эди. Шундай қилиб, Амирилик ва руслар ўртасида сулҳ қарор топади. Ширинхотун мавзесидаги кўприк оралиқ чегара деб эътироф этилади. Бу сулҳнинг вужудга келиши ва кучга кириши 1868 йилда юз беради.

Руслар билан сулҳга эришиб, ўзини бир қадар тутиб олган амир Музаффар бор куч ва имкониятини ўғли Аблумалик тўра ва унинг тарафдорларини маҳв этишга қаратади. Мирзо Абдулазим Сомий таъкидлайдики, «ҳукмдор тўранинг ишлари юришиб, ғалаба қилгудек бўлса, шак-шубҳасиз, ҳокимият унга ўтиб, подшоҳликни даъво қила бошлайди, деган хавфда эди. Шу боис, тўранинг обрўсини тўкиш, ўжарлигини жиловлаб қўйиш тадбирларини кўра бошлади»<sup>2</sup>.

<sup>1</sup> Мирзо Абдулазим Сомий. Кўрсатилган асар, 89-бет.

<sup>2</sup> Уша жойда.

Амир Музаффар рус босқинчилариға қарши амирлик ҳудудида катта мавқеъ ва халқ ишончига сазовор бўлиб, кураш бошида турган ўғли Абдумалик тўрага қарши азалий синалган макр-хийлани ишга солади. Бунда, яна ўша Шукурбий иноқнинг қўли борлиги эҳтимолдан холи эмасди.

Абдумалик тўранинг муқаддас жиҳодга отланган қўшинида Қарши беклиги лашкари ҳам бор эди. Лашкарбошиларнинг аксарияти мангит қавмидан эди. Улар орасида Мўминбек тўқсона исмли айёр, кескир киши ҳам бўлган. Бир ишга киришса ҳал қилмай қўймайдиган бу кимсани Мўмин поки деб атардилар. Ана шу Мўмин покига киши юборилиб ва катта ваъдалар берилиб, унга қандай қилиб бўлмасин Абдумалик тўранинг қўшинини тарқатиб юбориш вазифаси топширилади. Мўмин поки Абдумалик тўранинг тарафдори бўлган, чор-атрофдан йигилиб келган ҳокимлар, лашкар бошлиқлари, эътиборли баҳодир ва паҳлавонларга хат ёзиб, «Ўрис билан амир аҳднома тузиб, ярашди, энди улар биргаликда Шаҳрисабз устига Усмонга қўшиб ўрис аскарларини юбораёттир»<sup>1</sup>, деб ваҳима соладилар. Хатлар қўлиғилигини қилади. Ҳокимлар, айниқса, Шаҳрисабз, Китоб беклари шаштидан қайтадилар.

Қамал қилинган Самарқанд эрта-индин Абдумалик тўрақулига ўтайдеб турганда, Мўмин покининг ифвоси билан лашкарлар бирин-кетин орқага қайтиб, тарқала бошлайдилар. Абдумалик тўра ва бир қанча беклар қанчалик саъӣ-ҳаракат кўрсатмасинлар, Бухоро ва рус қўшини биргаликда келиши ёлғон эканлигини айтмасинлар, руҳи пасайган ғазотчиларни ушлаб туриб бўлмайди.

Шу тариқа, русларга қарши Абдумалик тўра уюштирган сўнгги ҳамла ҳам сўнди. Бу хиёнат руслар асоратига тушишдан кўра, тожу тахтдан ажраб қолиш ваҳми билан боғлиқ эди. Ватан манфаатидан тахт ва шахсий мавқенинг афзал кўрилиши оқибатлари нималарга олиб келганлигини бугунги авлод яхши билиб олиши зарур.

1868 йилда Кауфман билан сулҳга эришган, бирқадар нафасини ростлаб олган амир Музаффар Абдумалик тўрани, уни кўллаб-қувватлаган Қарши ва Фузор халқини жазолаш учун қўшин тортади. Ҳожа Муборакка келиб тушибоқ, Йўлдош Эшикогобоши мангит ва Тоғаймурод эшикогобошиларга тўрани тутиб келишни буюради. Қарши ҳокими Нуриддинхон тўрага ҳам шундай топшириқ берилган эди.

Амирнинг ўғлига, хусусан, русларнинг босиб келишига қарши нафрат билан ёнган халқقا, ватанпарвар бекларга қарши ҳаракатлари натижада бермади. Жўрабек, Бобобек каби ҳокимлар амир фитнасининг моҳиятини англаб, яна Абдумалик тўрани кўллаб-қувватлай бошладилар. Амир Музаффар тўрани топши-

<sup>1</sup> Мирзо Абдулазиз Сомий. Кўрсатилган асар. 90-бет.

ришни талаб қилганда, беклар мулойимлик билан шундай жа-  
воб берадилар: «Тұра, жаноби олийларининг тұнғич ўғли ва  
хукмдоримиз фарзандлари дидир. У бу ишларни амиримизга хай-  
рихоқ бүлған, давлат заволига йұл құймаслик мақсадыда, дин  
байробини құтаришга бел bogлаган баъзи олижаноб кишилар  
даьевати билан қилмоқда. Мабода, ишлар юришиб кеттүдек  
бұлса, бу жаноби олийларининг обру-эътиборларини оширгу-  
сидир. Таассуфки, айрим ғаразли кимсалар тұранинг бу инти-  
лишини исёң, шижаотини ғалаён деб, сиз жаноб олийларининг  
раъйини қайтаришга, орага адсоват солишга ҳаракат қилмоқда...  
Энди тұра үзини қутқарыш учун бизнинг ҳудудда мақом топиб-  
дур. Одамийлик ва ориятни сақлаш важхидан меҳмоннинг оёқ-  
құлини боғлаб мухолиғға топшириш ярамайды»<sup>1</sup>.

Абдумалик тұра ҳам, барибир, тез орада мавқеини тиклаб  
олади. Амирнинг Самарқандда уюштирган иғбоси моҳияти  
құпчиликка ошкор бұлади. Қаршида тұра мустақиллик яловини  
құтаради, энди унинг атрофига аввалгидан ҳам күпроқ одам  
жам бұлади. Яна бекликлардан унинг ҳокимиятини тан олуучи  
иноятномалар кела бошлайды. Амир Музаффарнинг Абдурах-  
монхожа садр, Каримқұлбий иноқ, Абдулазизбий ва бошқа бир  
нече ҳокимлари унга асир тушади. Мұхими шундаки, Бухородан,  
амир саройидаги нұфузлы амалдорлар ва ҳарбий бошлиқ-  
лардан ҳам унга итоат қилиш ҳақидаги мактублар, туҳфалар  
кела бошлайды. Муаррих ўша пайтдаги вазиятни шундай ифо-  
далайды: «Иш шу билан якун топдикі, ул жаноби олийлари  
(амир Музаффар — муалл.) ёнида мұқаддас ва бутун олам Ол-  
лохидан ўзға ҳеч ким қолмади, зеро, ҳамма юрак-юракдан  
тұрага талпинаётгап зди»<sup>2</sup>.

Амирнинг Баҳодирбек парвоначи баҳрин деган энг яқин,  
күп йиллардан бүён хизмат қилған беги ҳам ундан юз ўғириб,  
тұра ҳұзурига келади. Ҳатто, тұрани тутиб келтиришга юборил-  
ған Йұлдош әшик оғобоши ҳам унинг томонига ўтиб кетади.  
Амир жуда оғир ақвонда қолиб, яна Шукурбий иноқ ва Яъкуб  
қүшбегини маслаҳаттаға қақыради. Улар, «тұрага қарши кураш —  
давлатнинг қулашиға ва шармандалиқка сабаб бұлади. Чунки  
тұранинг исёни ўз вақтида коғирларға қарши қаратылған зди,  
улар ҳозир ҳам русларға қарши курашта қызғын тайёрғарлік  
күрояпты. Амир жаноблари эса, руслар билан иттифоқда, шун-  
дай экан, исёнкорлар аслида губернаторнинг душманлари  
бўлиб, улар коғирларни қириб ташлаш ниятидадирлар, ҳозир  
ҳам уларни бартараф этишта тайёр турибдирлар. Бас, уларнинг  
қаршилигини синдириш биздан күра, күпроқ губернаторга за-  
рурроқдир»<sup>3</sup>, деган фикрга келадилар.

<sup>1</sup> Ўша асар, 93-бет.

<sup>2</sup> Мирзо Абдулазиз Сомий. Күрсатилған асар, 96- бет.

<sup>3</sup> Ўша асар, 97-бет.

Амир Музаффар шундан кейин губернаторга қўйидаги мазмунда хат ёзади: «Тўра атрофида бўлаётган уруғ-қавмлар ғалаёни, норозилик тўлқини, ул юксак давлатга бўлаётган ишончсизлик аслида русларнинг келиши туфайлидир. Шу боис, Бухоро ва Россия давлати ўртасида дўстлик ва тинчлик ўрнатилгандан кейин норозилик тўлқини кучайиб кетди... Сиз тарафингииздан тўра ва қавмларнинг ғалаёни асосларини йўқ қилиб ташлаш учун замбарак ва аслаҳалар билан қуролланган қўшин гурухини юбормоқ вожибdir»<sup>1</sup>.

Абдумалик турда раҳбарлигидаги қаршилик ҳаракати, нафакат таслимчи амир Музаффар ҳокимиятига, балки, энг аввало Туркистонга човут солиб, уни мазлум этаётган русларни ҳайдаб юборишга қаратилган эди. «Абдумаликхон раҳнамолигида, — деб таъкидлаган эди Д.Н.Логофет, — Қаршида янги қўшинлар йиғилаётганлиги яна уруш хавфини сола бошлаган эди. Шу сабабли ғалаёнчилар жамъ бўлган Қарши шаҳрига маҳсус отряд юборишга қарор қилинди»<sup>2</sup>.

Кауфман жазавага тушиб, генерал Абрамов бошчилигига энг сараланган, жангари аскарларни тиш-тирноғига қадар қуроллантириб, хонликнинг асосий шаҳарларидан бўлган Қарши устига жўнатади. 1868 йилнинг 28 июнида Самарқанддан Жом йули орқали етиб келган, амир Музаффар кучлари билан бирлашган генерал Абрамовнинг 6 ротаси, 8 тўп гурухи ва 200 кишилик ракета курилмалари батареяси Қарши шаҳрини истило этишга<sup>3</sup> муваффақ булади.

Қарши шаҳрининг қадимий қалъаси вайрон этилади, аҳоли қирғин-баротга дучор қилинади. Шаҳарни қиличлар сони билан эмас, балки ўша вақтда энг оммавий қирғин воситалари бўлмиш артиллерия ва ракета мосламалари устунлиги туфайли қўлга киритган руслар уни яна амир Музаффар тасарруфига берадилар. «Абдумаликхон лашкарини тор-мор қилиб, рус қуролининг кучи билан забт этилган Қарши шаҳрининг, Бухоро хонлигидаги иккинчи пойтахтнинг Бухоро амирига қайтадан топширилганлигидан буҳороликларнинг ўзлари ҳайратга тушган эди. Рус отряди эса Самарқандга қайтиб кетади»,<sup>4</sup> — деб ёзади кейинчалик алам билан Д.Н.Логофет.

Рус қуролининг кучи билан қонга ботирилиб, истило этилган Қаршининг амир Музаффарга қайта инъом этилиши бесабаб бўлмаган. Зотан, руслар Туркистонни босиб олишга киришганларидан бўён бу хилдаги «олижаноблик» мисли кўрилмаган иш бўлган эди. Яна шу Д.Н.Логофет истилочиларнинг бу хилдаги «қўли очиқлиги» сабабларини шундай изоҳлайди: «Туркистонда рус қўшинларининг кам сонли эканлиги ва Анг-

<sup>1</sup> Ўша асар, 98-бет.

<sup>2</sup> Логофет Д.Н. Кўрсатилган асар, 29-бет.

<sup>3</sup> Ўша жойда.

<sup>4</sup> Логофет Д.Н. Кўрсатилган асар, 29-бет.

лиядан ҳадиксираш, ишнинг умумий мөҳиятига унчалик мувофиқ тушмайдиган шундай қарорга келишга унданган эди<sup>1</sup>.

Бухоро хонлигининг Россия таркибига сўзсиз, тӯла киритилишига ашаддий тарафдор бўлган Д.Н.Логофетнинг бу хуласасида жон бор, албатта. Гап шундаки, Абдумалик тӯра, охироқибатда, русларга қарши кураш йўлида ўзига иттифоқчи излай-излай, охири инглизларга тобеъ бўлган Ҳинд мулкларидан қўним топади. Абдумаликхонни инглизлар қувватлаб туриши, қолаверса, хонликнинг шарқий ҳудудида ҳали руслар қадами етмаган, аммо қаршилик алангаси бурқсиб турган бекликлар, ўч олиш қасдида ёнган кучлар йўқ эмас эди. Бундан ташқари, Қаршининг географик жойлашуви русларнинг бу шаҳарга алоҳида йўлак ҳосил қилишларига монеълик қиласиди. Чунки, Жом орқали, Тахти қорача довони орқали ўтадиган йўл ва ҳудудлар ҳарбий қуввати баланд Шаҳрисабз беклигига қарап эди. Руслар шаҳрисабзликлар қиличининг зарбини, икки йил олдин, Самарқанд бўсағаларида елкаларида синааб кўрган эди. Шу жиҳатлар, чамаси, Қаршининг амир тасарруфида қолдирилишига сабаб бўлган кўринади.

Рус қўшинлари қўмондонлиги, шахсан Кауфманнинг буйруғи билан кўп ўтмай, жангларда синаланган, Жиззахни қонга ботирган жангари қўшинни тиш-тирноғигача қуроллантириб Қаршига йўллади. Амирнинг ҳам 10 минг сарбози<sup>2</sup> от ўйнатиб, Абдумалик тӯра ва унинг тарафдорларига қарши юришга чиқади. Рус қўшини Қўнғиртов томонидан, амир лашкари Ко-сон тарафдан ёпирилиб кела бошланди. Ўртада қаттиқ жанг бошланади. Йўлдош Эшик огобоши 2 минг кишилик отлиқ жангчиси билан руслар сафини бузиб, жасорат кўрсатади. Замбараклар, милтиқлар олдиди қилич, найза иш бермай қолади. Гумбирлаб отилаётган замбараклар мудофаачилар сафини сийраклаштириб, майдонни минглаб жасад билан тўлдириб ташлайди. Руслар Қаршини амир Музаффар ҳоҳиши билан беаёв тўпга тутиб, голиб бўладилар. Улар Чортокқа етиб, қалъани вайрон қилишга киришадилар. Мирзо Абдулазим Сомий бу жанг тафсилотини ҳикоя қиласар экан, «Қарши қўрғонида кўп одам ҳалок бўлди, тирик қолганларнинг қочищдан бўлак чораси қолмади. Улар қўрғон деворлари ортига, боғ-роғлар ичига қочиб жон сақладилар»<sup>3</sup>, дейди ачиниш билан. Муаррих Қаршининг руслар томонидан истило этилиш йилини 4 сатрлик тарихда («Фатҳи Қарши ва Насаф») келтириб, бу воқеанинг 1288 ҳижрийда (1871/72 м.й.) содир<sup>4</sup> бўлганлигини таъкидлайди. «Махфий қолмасинки, — деб уқтиради тарихчи,— кофирлар Қаршини олганларидан сўнг уни беомон талаб, шаҳарни

<sup>1</sup> Ўша жойда.

<sup>2</sup> Мирзо Абдулазим Сомий. Кўрсатилган асар, 98-бет.

<sup>3</sup> Ўша асар, 99-бет.

<sup>4</sup> Муаррих келтирган санада тафовут бор — муаллиф изоҳи.

Бухородан келган лашкар бошлиқларига топшириб, катта ўлжа билан қайтдилар.

Амир қаттол русларни мукофотлашда зўр ҳиммат кўрсатади. Абдумалик тўра ёнида қолган 400 киши билан Тошқўргонга чиқиб кетади, Қаршида унинг хотин-халажи асир олинади. Қаршига амир Музаффар учинчи ўғли Абдулмўмин тўрани ҳоким қилиб қўяди.

### Самарқанд исёни. Шаҳар фожеаси

1 июнда<sup>1</sup> Самарқандда қўтарилиган қўзғолон ҳақида Туркистон генерал-губернатори К.П.фон Кауфманнинг эсдаликлари диққатга сазовордир: «Шаҳрисабзликлар хурж қилиб, — деб ёзди у, — Самарқандга ёрдамга, ўрисларга қарши курашмоқ учун келдилар. 1—8 июнда Самарқанд мудофааси номи билан машхур ҳафта бошланди. 1 июнь кечаси Самарқанд оқсоқоллари менинг тарафимдан қолдирилиган комендант майор барон фон Штемпелнинг уйига келиб мурожаат қилдиларки, гё шаҳрисабзликларнинг шаҳарга кириш мақсадида қиласидаган ҳужумининг олдини олиш учун Ҳужа Аҳрор дарвозаси томонга бир булинма юборишини сурашган. Шу мақсадда жұнатилган гуруҳ дарвоза яқинида душман йўқлигига амин бўлган. Аммо Чўпонота тепалигига саноқсиз отлиқ тўдаларга кўзлари тушган. 2 июнь куни тонгда мазкур оқсоқоллар яна шикоят билан келдилар. Майор фон Штемпел икки тўп ва икки рота аскар билан дарвозага келди ва чекинаётган кичик бир тўда билан тўқнаш келиб, отишма бошланди. Шу ўртада баъзилар Самарқанд халқининг тинч турганига ишора қилиб, дарвозадан ўнг тарафга қараб ўқ отмасликни сўрайди. Лекин тезда маълум бўлдики, душман Ҳужа Аҳрор дарвозасидан ўнгга — Бухоро дарвозаси тарафга ўтаётган экан. Шунда майор ўша томонга ҳужум қилиб, душман тўдаларини тарқатиб юборди ва қалъя истеҳкомига қайтди. Орадан бирон соат ўтгандан кейин бутун шаҳар аҳолисининг бизга қарши қўзғолгани маълум бўлди. Душман тўдалари аҳоли ҳамроҳлигига ҳар томондан истеҳкомга яқинлаша бошлади. Аскарларимиз ҳужум қилиниши тахмин қилинган жойларни олдиндан ишғол қиласидилар. Шаҳрисабзликлар ва Самарқанд халқи ўша жойларга қаттиқ ҳужум уюштирилдилар. Лекин уларнинг ҳужумлари қайтарилиди. Тун бўйи отишмалар тухтамади. Баъзи үринларда гарнizon аскарларининг ҳоли жуда оғир бўлди. Аскарлар фақат тоқат ва жасорат туфайли ўзларининг чарчаганликларини ҳис қилишга йўл бермадилар.

Кейинги жанг, 3 июнь кунги ҳужум, кечагидан ҳам қаттиқроқ бўлди. Лекин шаҳрисабзликлар соат 3 ларда Ургут йўлидан чекина бошладилар. Қамал қилувчилар ҳам истеҳком атрофини

<sup>1</sup> 1868 йил.

ташлаб кетдилар. Кундуз соат 5 ларда душман боғлардан чиқиб келиб, янгидан хужум қилди. Ором олиш узоққа өзүйләмди. Отишма бошланди. Икки кун мобайнида биринчи марта одамларимиздан юз эллик нафари сафдан чиқди. Шу тариқа, талафот давом этаверса, икки кунда истеңкомнинг барча деворларини муҳофаза қилиш имконидан ажраламиз. Биз шундай фикр билан үзимизни овутдик, душман истеңкомга кириб оладиган бўлса, биз амир саройида жам бўлиб, охиригача мудофаа қиласмиз, аммо бу ёққа ҳам кирадиган бўлса, дорихона ва тўп ўқларини портлатиб, нобуд қиласжакмиз. Бахтга қарши охирги кунларда душманнинг тазиёки анча сусайди. Улар ўюштираётган ҳужумларни гарнizon осонлик билан қайтара оладиган бўлиб қолди. Шунда ҳам муҳораба шиддат билан давом этарди. 8 июнь куни, илфор қисмларимизнинг ёрдамга етиб келгунича, гарнizon аҳволи жуда ёмон эди».

Генерал Кауфман гарнizon зобитлари ва аскарларини орден ва медаллар билан тақдирлаб, улар шаънига мақтovлар битилган буйруқ чиқаради. Мукофотланганлар орасида кейинчалик ўз асарлари билан танилган рассом-прапоршчик В.Верешчагин ҳам бор эди. Худди ана шу зобит-рассом ўз мўйқалами билан чизган расмлари ва ёзган хотираларида Самарқандда руслар қилган қирғинни ошкора тақаббурлик билан рўй-рост акс эттириди. 1868 йил 8 июнда фон Кауфман буйруғи билан шуҳрати оламга кетган соҳибқирон Амир Темурнинг пойтакти бир варакайига тўпга тутилади. Шаҳарни батамом ёқиб юбориш ҳақида буйруқ олган аскарлар ва зобитлар қирғин бошлайдилар. 9 июнда минглаб кишининг ёстигини қуритган Самарқанд фожеаси бошланади. Қатли ом уч кун давом этади. Юзлаб одамлар ҳеч қандай терговсиз, сўроқсиз отиб ташландилар. Верешчагин ўз хотираларида ўлкамизда қонли ва даҳшатли из қолдирган полковник Назаровнинг қилмишлари тўгрисида яширмай, ҳаққоний ҳикоя қилган. Учига чиққан майшатбоз, ароқхўр зобит бегуноҳ қишиларни қириш, кўхна масжидларни, буюк обидаларни ёндириб, ер билан яксон қилишда айниқса жонбозлик кўрсатади. Бутун вужудини маҳаллий халққа нисбатан нафрат ва ёвузлик эгаллаган бу зобит ўлжага олинган байроқни аскарларига пайтава қилиб улашади. У «Самарқанднинг ёндирувчиси» бўлиб тарихга кириш, «ном қозонищдек» манфурликдан ўзини тия олмайди. В.Верешчагин бу манзараларни шундай тасвирлайди: «Қаердан ўтган бўлсак, орқамиздан қора тутун бурқсиб кўтарилади». В.Верешчагин маҳаллий аҳолини қирғин қилиш, унга азоб бериш, қийнаш манзарасини тасвирлар экан, мустамлакачиларнинг ғалабаларидан мағрурланади. «Мен, осилган, энди танаси чирий бошлаган жасадларни чизганман, мен бир муллаваччани минорадан улоқтирганман», — деб мақтанади жаллод мусаввир.

В.Верешчагин, агар Самарқанд бундан олдинроқ ёндирил-

ганды эди, хавфсизлик таъминланиб, мазлум аҳоли бош құта-  
ролмаслиги ҳақида шундай дейди: «Бу шунчаки хавфсизлик  
учун зарур бүлган ёнғинни бош құмондон (Кауфман) анча ил-  
гари амалга ошириши керак эди. Табиийки, у азбаройи оққун-  
гиллиги туфайли ҳамда аҳолига ортиқча заар етказмасликни  
үйлаб бундай қилмаган. Оқибатда анча одамимиз үлдирилди.  
Бунинг устига қальдан ажралишимизга сал қолди, мабодо ен-  
гилганимизда, бутун Үрта Осиё халқи құзғалиб кетган бүлар-  
ді».

Верешчагин «оққунгіл» деб атаган Кауфманнинг золимли-  
гини рассомнинг кейинги сұzlари ҳам тасдиқлайды: «Олижа-  
ноб Кауфман кескін чоралар зарурлыгини мутлақо анлаган  
холда, атайлаб Самарқанддан бир неча қақирем узокда туна-  
ган. Бу билан күп сонли аҳоли, айниқса, аёллар ва болалар  
қочиб кетишига имкон берган. Энди бұлса, шаҳарни росмана-  
сига вайрон қилиш, ҳеч кимни ва ҳеч нарсаны аяб үтираслик  
тұғрисида шафқатсизларча буйруқ берди. Үз іхтиёри билан жа-  
золовчилар тұdasига қуйилған ҳарбий таъминотчи маъмурлар-  
дан бири менә мана буларни сұzlаб берди: «Бир қанча аскар  
билан бир уйга бостириб кирдик. Қарийб, қоқ сүяқ бұлып кет-  
ган кампир бизни «Омон, омон!», деб қаршилади. Үтиран  
бүйрасининг остидан бир нарса қимирлади, қарасак, 16 ёшлар-  
даги үйгитча яширинган экан. Судраб чиқдик ва албатта, буви-  
сига құшиб найзага тортдик».

Кауфман халқнинг мол-мұлқини талашта ҳам рухсат берга-  
нини Верешчагин шундай тасдиқлайды: «Аскарларга дүкөнлар-  
ни талашта рухсат берилганида, у ёқдан нималарни олиб чи-  
қышмади, дейсиз! Улар ерли аҳолининг бир-биридан чиройли  
ва нафис кийимларини кийиб, тақынчоқларини тақиб, шундай  
ғалати қолатта тушишгандыки, күрган киши күлгидан үзини  
сира тиёлмас эди. Бу ерда арзимаган бир-икки сүмга этнограф  
учун бутун бошли хазинага арзидиган буюмларни сотиб олиш  
мүмкін эди.

Әнгин пайтида құхна ёдгорликтар, үймакор дарвозалар, ус-  
туңлар ёниб кетдікі, бунинг үзи дахшат! .. Назаров 8 күнлик  
қамал өзінде бесаранжомлық келтирған құхна шаҳар билан ана  
шу тарзда ҳисоб-китоб қилиб, тасқин топаёттан эди. Айниқса, у  
шаҳар минорасидан туриб ярадорларимиз ва замбаракларимизга  
қараб үқ отилған Шердор мадрасасига бутун қаҳру ғазабини соч-  
ғанды. «Лаънати масжиддагиларнинг ҳаммасини найзага санч-  
дим», — деб мақтантанған эди кейин у. Мана шу масжидда мен та-  
нийдиган мұлла хизмат қиласарди, гарчи бизга қарата машъум үқ  
узилған пайтда у ҳам иштирок этган, деб зымдан гүмөн қылса-  
да, унинг тақдирігі бефарқ қараёлмадим. Назаров билан қирғи-  
нда қатнашған зобитларнинг биридан масжидда одам күп эди-  
ми? — деб сүрадим. «Йұқ, күп эмасди», — деб жавоб берди у.  
«Лаънатилар қочиб кетишибди». Енгил нафас олдым. «Фақат бир

кекса муллага дуч келдик. Ишонасизми, у худди мушукка ўшаб қочиб, миноранинг учига чиқиб олди».

— Кейин-чи?

— Кейинми? Албатта, найза санчиб юбориши.

— Уфф!!

Генерал Кауфман кўз ўнгимда аниқ жонланиб турибди, шунча алғов-далғовдан кейин у ёнида қурол топилгани учун ушланган, ёки бошқа ноҳуш ишларда гумонсираб қўлга олинган одамларни саройда судлаб, жазога хукм қиласарди. Зобитлар куршовида сафар ўринидига ястаниб олган олижаноб Константин Петрович Кауфман тўхтовсиз папирос чекар ва мутлақо шафқатсиз оҳангда: «Отиб ташлансин, отиб ташлансин, отиб ташлансин!» деган гапни такрорларди, холос».

Подшо армиясининг қонхўр зобити В.Верещагин Самарқандда кўрсатган «мардлиги ва жасурлиги учун» ўз замонасизнинг олий мукофотларидан бири — «Георгий хочи» билан тақдирланади. Яна бир рус зобити Самарқанд фожеасини шундай баҳолайди: «Самарқандликларни сотқинликлари учун жазолаш ва бошқа осиёлик халқлар учун ўрнак бўлсин деб генерал Самарқандни аскарларига уч кунга талон-торож ва ўч олиш учун топшириб қўйди. Босқин ва қонли жазолашнинг бу оғир кунлари сатрлар қатида умрбод сақланиб қолди».

Ҳақиқатда ҳам, ўлдирилган 400 босқинчи учун 49 минг фарзандидан ажралган Самарқанд тарихида бу фожеа аянчли ўрин тутади. Ҳозирда ҳам ўша фожеани Чупонота тепалигига рус зобит-аскарлари хотирасига бағишлаб мустамлакачилар томонидан қўйилган мудҳиш ёдгорлик эслатиб турибди. Вақтида бу даҳмаза қора кўланка мисол, юрт мустақиллиги учун жон фидо қилганлар руҳини таҳқирлаш учун ўрнатилган эди.

### Амирзода Абдувалик ва беклар кураши

«Русларни урушда енгсам, оқ отда Петербургга кириб борам!» деб мақтанган амир Музаффар 1868 йил 23 июнда Туркистон генерал-губернатори фон Кауфман билан сулҳ тузиб, Россиянинг вассалига айланади. Бу сулҳга кўра, Бухоро амирлиги ўз мустақиллигини йўқотибгина қолмай, Самарқанд, Каттақўргон ва Зарафшон дарёсининг юқори қисмидаги ерлардан ҳам ажралади. Амир товон сифатида 500 минг сўм миқдорида олтин ҳисобида товон тўлашга, хорижий мамлакатлар билан мустақил алоқа ўрнатмаслик мажбуриятини олишга ва рус савдогарларига амирлик ҳудудида эркин савдо қилишларига, карвонсаройлар ҳамда дўконлар куришга рози бўлади. Амирнинг таслимчилик сиёсати ислом дини таянчи Бухори Шариф ватанпарварларининг кучли норозилигига сабаб бўлади. Улар руслар билан курашни давом эттириш, миллатнинг шон-шуҳ-

рати бўлмиш Самарқандни озод қилиш иштиёқида Музаффарнинг тўнгич ўғли амирзода Абдумалик тўра (1848–1909) ва эркесвар беклар Жўрабек, Бобобек ҳамда Кенесари Қосимовнинг ўғли Султон Содик билан бирикдилар. Бирлашган ватанпарвар кучлар Амир Темурнинг Оқсаройида тантанали тарзда Катта тўра номи билан машхур бўлган амирзода Абдумаликни амир деб эълон қилдилар. Музаффарнинг муозимларидан Худоёр, Абдулла, Иброҳим тўқсаболар ва кўпчилик уламолар бу қарорни маъқуллаб, Музаффарнинг таҳтдан туширилганини тан олдилар. Ватанпарвар кучлар Шаҳрисабздан сўнг Қаршини эгаллайдилар. Кармана, Чироқчи ҳам тез орада уларнинг қулига ўтди. Руслар билан курашда чиниқсан қозоқ халқининг содик фарзанди Султон Содикни амирзода Кармана вилояти ҳокими қилиб тайинлади. Амирга тескари кайфиятда бўлган Китоб ҳокими Жўрабек ва Шаҳрисабз ҳокими Бобобек каби лашкарбошилар Абдумалик эълон қилган газот йўлида барча элпарвар кучларни жамлашта уриндилар.

Туркистон генерал-губернатори фон Кауфман воқеалар ривожини ташвиш билан кузатмоқда эди. У, сулҳга кўра, Бухорнинг ички ишларига аралаша олмас, шунинг учун қулагай фурсат ва баҳона излар эди. 1868 йилнинг кузидаги амир Музаффарнинг амирикнинг бутун шарқий қисмини эгаллаган қўзғолончиларга қарши кураш учун ёрдам сўраб қилган мурожаати фон Кауфман учун айни муддао бўлди. Бухоронинг босиб олинган ҳудудлари ҳисобига ташкил этилган Зарафшон округи бошлиги генерал Абрамовга амирга ёрдам бериш учун барча чораларни қўриш топширилди. Русларнинг Бухоро ишларига аралashiшига қонуний тус бериш учун генерал Абрамов 6 октябрда маҳсус хитобнома тайёрлатди. Унда хусусан бундай дейилган эди: «Бухоро ҳукмдори бўлиш мақсадида Абдумалик Тангрини ва ўзининг буюк пайғамбарини ҳам унуди. Сотқинларча ўз отаси буюк амирга қарши қўл кўтариб келмоқда». Ана ўндай риёкорлик билан навбатдаги босқинни ниқоблаган Абрамов катта қўшин билан ҳарбий ҳаракатларни бошлаб юборди. Қарши остонасида Бухоро ватанпарварлари сон ва қурол-ярог жиҳатидан устун бўлган душманга қарши қаттиқ жанг қилдилар. Жўрабек, Бобобек ва Султон Содик генерал Абрамов қўшини билан жангларда ўзларининг моҳир саркарда эканлигини намойиш қилдилар. Аммо кучлар teng эмаслиги дарҳол билинди. Абдумалик тўра Шаҳрисабз томон чекинди. Руслар билан бирга амир Музаффар сарбозлари ватанпарварлар эгаллаган ҳудудларни бирин-кетин эгаллай бошладилар. Абдумалик тўра билан Султон Содик Хива хонлиги томон қочишга мажбур бўлдилар. 1868 йил 22 декабрда Хива хонининг муозимлари Муҳаммад Ниёз девонбеги ва шоир Огаҳий амирзода Абдумаликни тантанали равишда кутиб олишди. Хон эса уни меҳмоннавозлик ила қаршилаб, амирзодага катта мулк ва 1500 тилла маош тайинла-

ди. Мұхаммад Раҳимхон II унинг қиёфасида босқинчиларга қарши курашган элпарвар ҳукмдорни күрар эди. Аммо унга бевосита ҳарбий ёрдам кўрсатишга ожиз эди. Шунинг учун ҳам Абдумалик Хивала кўп туролмай, Афғонистон томон йўл олди. Кобулда ҳам унга иззат-икром кўрсатилди. Афғон амири Шералихон амирзодага хайриҳо бўлса ҳам, Англия билан яқинлашиб келаётган урушда Россиянинг мададига суюнишни мақсад қилиб тургани учун унга ҳарбий ёрдам берга олмас эди. Амирзода сўнгги умидини Кўқонга боғлаб, Худоёрхон ҳузурига борди. Бу ерда ҳам у мақсадига эришолмади. Худоёрхон ўз манфаатини кўзлаб, руслар билан ўчакишишни истамади. Абдумалик тўра ўша вақтда донги кетган ўзбек саркардаси Ёқуббек ҳузурига Кошгарга боришга аҳд қилди. Кўқон хонининг собиқ лашкарбошиси Ёқуббек 1853 йилдан бери рус босқинчилариға қарши курашиб, Оқмачит, Чимкент ва Тошкент мудофааларида ўзини кўрсатган саркарда эди. У 1865 йилда Кошгарни эгаллаб, тарихга «Етти шаҳар давлати» номи билан кирган мустақил давлатни барпо қилган забардаст ҳукмдор эди.

Туркистон ватанпарварлари умид кўзи билан қараган Етти шаҳар ҳукмдори ундан паноҳ истаб келганларга доимо марҳамат кўрсатган. Рус босқинчилариға қарши кураш яловини бир муддат баланд кутарган Абдумалик тўра ҳам Кошгарда шундай иззат-хурмат куради.

Ёқуббек ҳузурига келган Абдумаликка ўз қариндошидек муносабатда булади. Етти шаҳар ҳукмдори унга амир сифатида хурмат кўрсатиб, Янги ҳисор қалъасини унинг ихтиёрига топшириди. У Ёқуббекнинг ёрдамида Туркия ҳукумати билан алоқа боғлади.



Китоб ҳокими Жўрабек Қаландар  
қори ўғли.

Кошгарга келган Англия элчилари билан ҳам учрашди. Амирзода қудратли Буюк Британия империясидан ёрдам олиб, Бухорони озод қилиш учун узоқ йиллар давомида ҳаракат қилди. Ҳиндистоннинг Калкутта шаҳрида, сунг Пешоварда истиқомат қилди. Абдумалик тўра 1885 йилда отасининг бетоблигини эшитиб, Бухоро таҳтини эгаллашга уриниб кўрди.

Амирзода Абдумаликка Афғонистон амири Абдураҳмонхон ва Англия ёрдам беришга ваъла қилишган бўлса ҳам, турли сабабларга кўра, унинг ниятлари амалга ошмади. Абдумалик 1909 йилда Пешоварда армон билан оламдан кўз юмди.

Китоб ҳокими Жұрабек ва Шаҳрисабз ҳокими Бобобек эса ватанпарварлық курашини давом эттириб, Бухоро амири Музаффар ва унинг ҳомийиси рус босқинчилариға таҳдид солиб турдилар.

Бухоро амири Музаффар бутун амирликдаги ватанпарвар күчларнинг дарғалари бўлиб қолган Китоб ва Шаҳрисабз ҳокимлари Жұрабек ва Бобобекка қарши курашда ёрдам сўраб 1870 йилда фон Кауфманга мурожаат қилган эди. Амир унга ўз элчиси орқали яна бир муҳим сирни ҳам ошкор қилди. Афғонистон амири Шералихон билан Жұрабек ўртасида тузилган иттифоқни маълум қилди. Туркистон генерал-губернатори бу хабарга фавқулодда эътибор қаратди. Фон Кауфман 1869 йилда Тошкентга Афғонистондан қочиб келган Шералихоннинг жияни сардор Абдураҳмонхонни узоқни кўзлаб ўз паноҳига олган ва унга нафақа тайинлаган эди. Китоб ҳокими Жұрабекнинг русларга қарши Афғонистон амири билан бирга битим тузгани уни гоят ташвишга солди. Генерал-губернатор империя ташқи ишлар вазирилиги Осиё департаменти директори Н.Стремоуховга 1870 йил 16 августда йўллаган мактубида ўз ташвишини баён қилди. Империя ҳукмрон доиралари фон Кауфманга зудлик билан тегишли чоралар кўришни тавсия қилдилар. Туркистон ҳарбий округи қўмондонлиги исёнкор бекларга қарши қаратилган махфий операция тайёрлашга киришади. Бу операция режасининг ижроси Зарафшон округи бошлиғи генерал Абрамова топширилди. Унга ёрдамга полковник Соковнин бошчилигидаги дивизия ҳам берилади. Генерал Абрамов бошчилигидаги асосий кучлар тўплар билан таъминланган эди.

1870 йилнинг эрта баҳорида талвасага тушган генерал Абрамов 6 рота, 200 казак, отлиқлар батареяси ва ракета мосламаси дивизиони билан Зарафшоннинг рус истилочилариға қарши кутарилаётган юқори оқимидағи аҳолини жазолаш учун йўлга чиқади ва Искандаркўл деган жойга етиб келади. Подполковник Деннет қўмондон бўлган иккинчи гурӯҳ эса Матчоҳ дарёси юқори қисмiga ташланади. Зарафшон юқори қисмida хунрезликларни 25 июнда ниҳоялаган руслар, бу жойларнинг рус подшоҳи таҳти тассаруфига ўтганлигини эълон қилиб, Кўликалон мавзеъида шаҳрисабзликлар лашкари билан жангта киришади. Шаҳрисабзликлар жангда катта матонат кўрсатган бўлишига қарамай, қуроллар нисбатидаги устуңлик руслар қўлининг баланд келишига сабаб бўлади. Шаҳрисабз лашкари тартиб билан чекинади.

Шаҳрисабзликлар адабини бериб қўйиш зарурати ҳарбий харакатларни давом эттиришни тақозо этди ва генерал Абрамов отряди тоғ довонидан ошиб ўтиб, бекликнинг водий қисмiga тушади. Шаҳрисабз ва Китобни олиш учун амалга оширилган босқинчилик уруши кундалиги бундан анча муқаддам генерал-майор Абрамов томонидан битилган эди. Аниқроқ ай-

тиладиган бұлса, Шаҳрисабз ва Китобни истило этиш Туркистон генерал-губернатори Кауфманнинг мунтазам назоратида бұлиб, құмандон Абрамов уни ҳарбий ҳаракат режаси, татбиқ этилиш натижалари билан батағсил таништириб борган. Бунинг сабаби шунда әдіки, 1868 йил ёзіда Шаҳрисабз ва Китобнинг 25 минг кишилик лашкари Жұрабек ҳамда Бобобек бошчилігіда Самарқанддаги рус гарнизонини 8 іюнга қадар зир титратған әди. Кауфманнинг 1868 йил 12 іюнда ҳарбий вазирға ёзған 215-сонли маълумотномасыда, жумладан, шундай әътироф мавжуд: «Қалъани (Самарқанд — муалл.) қамал қылған душман тұдаси Жұрабек ва Бобобек (булар тоғлиқ одамлар бұлиб, фавқулодда жасур ва бенихоя мерған ҳисобланадилар) етакчилігіда келған шаҳрисабзликлардан иборат әди<sup>1</sup>.

«Фавқулодда жасур ва бенихоя мерған» шаҳрисабзлик ва китоблик ватанпарварлар устига тиіш-тирногига қадар қуролланған қүшин билан борар экан, құмандон Абрамов ҳар бир қылған хатты-харакатини әнг майда тағсилотларига қадар Кауфманга ёзма равишида маълум қилиб туради.

Шаҳрисабзликлардан ҳадиксираш, шубҳасиз, катта доирада бўлиб, бу юришга алоҳида синчковлик билан әътибор берилғанлигини тасаввур қилиш мүшкул эмас.

Әнди, генерал-майор Абрамовнинг Туркестон ҳарбий округи құмандонига 1870 йилнинг 31 августда ёзған маълумотномасыдан айрим үринларни көлтириб үтәмиз. Зоро, босқинчиликнинг неchoғлик андишасызлик билан амалга оширилиши ҳақида бевосита шу қонли иш ижрочисининг ўз сұзларини мушоҳада этиш аниқ хуласаларга келишда бекітес аҳамият касб этади:

«1). 3 август кунида.

7-куни әрталаб барвақт юришни бошлайман<sup>2</sup>. Бош гурух қуйидаги таркибда бўлади: 3-линия батальони тұлалигича, 3-батареяning 6 тұпи, 2-енгил қуролланған отлиқ дивизион, 6 ракета мосламаси ва 200 казак.

Бу гурух 8-куни Жомга етиб келади. 9-куни Жомдан чиқиб, Қашқадарё водийсига тушиб, Шар (Шаҳрисабз — муалл.) куринадиган жойда түнни үтказади. 11-куни мұлжалга олиш ва шаҳарларни забт этиш билан бөглиқ зарур топшириқларни бажа-риш билан банд булишади. 12-куни, агар бирор-бир жиддий қаршиликлар чиқиб қолмаса, шаҳарларни эгаллаш.

Подполковник Соковнин бошчилігидаги 9-батальоннинг 3 ротаси, 2 тоғ қурол-ярғи, 2 ракета мосламаси ва 150 казакдан иборат ёрдамчи отряд 9-куни йўлга чиқади ва Қоратепада ётиб, 10-куни довон ошади.

<sup>1</sup> Записки Кавказского отдела императорского русского географического общества. Кн. XI. Выпуск первый. Тифлис. 1880. 197-бет.

<sup>2</sup> Извлечение из донесений генерал-майора Абрамова об экспедиции в Шахрисиабз в 1870 г.: «Записки Кавказского отдела...», 207-бет.

Икки отряд ҳам 10 кунлик озиқ-овқат, ҳар бир милтиқقا 200 тадан ўқ, 1,5 жамланмадан (тоғ взводи 1 жамланма) тұп үқлари билан таъминланади.

2). 1870 йил 7 август кунида.

Шу куни отряд Самарқанддан чиқиб Жом сари, Сизга, жаноби олийлари охирги хатимда айтилған таркибда юришни бошлади. Мен тарафдан фақат бир үзгартыш — 2 енгил қуролярға үрніга, дивизионни бутунлай жалб этиш киритилди.

Олдимизда турған ҳаракат билан bogliq вазияттан келиб чиқиб, Жомда захира сифатида 2 рота пиёдаларни қолдиришни зарур деб топдым. Бу роталар 8-куни йүлгә чиқади ва 6-батальонга бириктирилади.

...Отрядим жуда қониқтиарлы (1300 киши) таркибда ва жуда яхши таъминланған. Умид қиласынан, Жомда турадиган захирарада 2 ротага ҳам зарурат бўлмайди.

Подполковник Соковнин, олдиндан белгилаб қўйилганидек, 9-куни йўлга чиқади, унда 600 га яқин одам бор.

3). 12 август кунида.

9-август куни Жомдан чиқиб, тоғ йўлидан яхши ўтдик. Водийга етиб, мен олдин үйлаганимдек, Шарга эмас, тўғри Китобга — Шаҳрисабз тогининг жанубий ёнбошидаги йўлдан кетдим. Отряд йўналишидаги үзгариш мен томондан кўпгина сабабларга кўра амалга оширилди, улардан энг асосийси Шаҳрисабзга олиб борадиган адир йўлининг нокулайлиги эди. 11-куни мен Китобга яқинлашиб келдим ва Ўрус қишлоқда, Қоратепага олиб борадиган тўғри йўл бўйида тўхтадим. Бу жой Китоб муқобиласидаги шаҳар деворидан 2,5 чақирим (Китоб ва Шар бир умумий девор билан үралган) келади».

Шаҳрисабз ва Китобни босиб олиш тафсилоти генерал-майор Абрамовнинг Туркестон ҳарбий округи қўшинлари қўмондони Кауфманга 1870 йил 31 августда ёзган 591-рақамли билдиришномасида<sup>1</sup> ўз аксини топган дейиш мумкин: «Сиз жаноби олийларининг буйрганинг мувофиқ, Шаҳрисабз бекларига қарши ҳаракат қилиш учун Зарафшон округи қўшинларидан «Шаҳрисабз» деган умумий ном остида гуруҳ (отряд) шакллантирилди. Шаҳрисабзга қарши ҳаракатда ва Зарафшон водийсидан Шаҳрисабз водийсига юришда умумий кулай бўлиш учун ҳаракатдаги гуруҳни икки қисмга (колонна) ажратдим, улардан бирини Жом ва Жомтоғи орқали ўтадиган айланма йўлга, бошқасини эса тўғри Қоратепа тоғига томон йўналтирдим, ҳар иккала гуруҳ Шаҳрисабз водийсига бир вақтда етиб келади.

Шаҳрисабз гуруҳи таркибига: 3-Туркестон линия батальонининг ҳаммаси, 9-батальоннинг 4 та ротаси, 3-отлиқ дивизиони, 2 тоғ тўпу, ракета батареяси, Оренбург казаклар полкининг

<sup>1</sup> Записки Кавказского отдела..., 208—217-бетлар.

200, Сибирь казак полкининг 150 жангиси киритилди. Гурух ўзи билан 10 кунлик озиқ-овқат захираси ва 1,5 ҳажмда ўқдори мажмуаси ва артиллерия снарядлари олган эди. Жом орқали ўтвучи гуруҳ араваларда, сўлдан Қоратепа тоғ йўлидан юрувчилар эса туяларда эди.

Бунинг устига, Самарқанддан ўнг гуруҳга захира сифатида, Жомга 6-батальоннинг икки ротаси юборилди. Улар ҳаракатдаги гуруҳнинг Жомдаги захира озиқ-овқатлар омборини қўриқлаб турдилар.

3-Туркистон линия батальонининг беш ротаси, отлик дивизионнинг 6 тўп батареяси, 6 ракета қурилмаси, Оренбург казак қўшиннинг 6, 15-юзликларидан иборат ўнг гуруҳ ўт отувчи батарея командири полковник Кобилинский қўмондонлигига Самарқанддан 7-августда йўлга чиқди ва икки манзил (65 чақирим) юриб, Жомга етди. 8 августда Жомга келишим билан, Зарафшон округи қўшинлари бўйича бўйруққа кўра, Шахрисабз гуруҳи қўмондонлигини ўз зиммамга олдим, шу билан бирга, Сиз жаноби олийларининг фармойишингиз билан Самарқандга келишган Бош штаб полковниги Троцкийни сафар штабининг бошлиғи, полковник Михайловскийни Жом ўнг гуруҳининг бошлиғи, подполковник Соковнинни Қоратепа чап гуруҳининг бошлиғи этиб тайинладим. 9 ва 10 август кунлари ўнг гуруҳ Жом тоғи бўйлаб юрди, икки кунда у 34 чақирим йўл босди ва 11 августда эрталаб соат 9 ларда Шахрисабз водийсига, Макрит қишлоғига чиқдилар. Жом тоғи бўйлаб ҳаракат қилиш қўшин ва тўплар учун айтарли қийинчиликлар туғдирмади.

11 куни пешиндан сўнг, соат 5 ларда гуруҳ Шахрисабз ташқи деворидан 2,5 чақирим нарида бўлган Ўрус қишлоқ боғларига етиб келди. Шу куни кеч соат 10 ларда Ўрус қишлоқда белгиланган жойга Қоратепа тоғи орқали ўтган чап гуруҳ ҳам етиб келди. Шундай қилиб, Шахрисабз гуруҳлари тўла равишда жам бўлди.

Жом орқали юраётган ўнг гуруҳ тоққа, яъни Қалқама қишлоғига етгунига қадар, йўлда учраган қишлоқлар аҳолиси ўз жойида бўлиб, юмушлари билан банд эдилар. Қалқама қишлоғидан кейинги йўлда гуруҳга қишилар учрамади, қачонки, гуруҳ Шахрисабз водийсига қадам босгач, Макрит қишлоғидан Ўрус қишлоққа етгунча Китоб тарафдан душман пистирмалари қораси кўрина бошлади. Уларнинг айримлари илгорни ва асосий лашкарнинг бош қисмини ҳаракатга келтириб, гуруҳнинг аравалар ва аръергард бўлган орқа қисмига яқинлашиб кела бошлади ва милтиқлардан ўт очди. Гуруҳ қўмондони Михайловский шунда ўнг ҳалқага милтиқлардан отишни буюрди. Душман пистирмасидагилар сўқмоқлар орқали чекиндилар, улар изидан тўдага қараб отилган ракеталар ҳаммасини ер тишлатди.

Чап гурух Үрус қишлоқда белгиланган маррада Жом гурухи билан бирлашгунга қадар Самарқанддан уч манзил йўл юрди. У 9-батальоннинг 4-ротаси (1, 2 ва 4-үқчилар), тоғ взводи, 2 ракета қурилмаси ва 150-Сибирь қўшинлари казакларидан иборат эди. Бу гурух Самарқанддан икки кун сўнг, яъни 9 августда чиққан эди. 10-куни гурух довонга кутарилди ва шу ерда буйруғимни кутиб турди. 11-куни эрталаб подполковник Соковнинг тағдиди ошиб ўтишни ва Үрус қишлоқ сари, Жом гурухи билан бирлашиш учун юришни таклиф этдим ва у ўз вақтида бажарилди.

Шаҳрисабзнинг бутун кучлари жойлашган Үрус қишлоқ марраси қуйидагича: унинг марказида учта қўрғон бор, улардан ўтладагиси нисбатан катта ва баландроқ. Бу қўрғондан бутун теварак-атроф ва узоқ масофа қуриниб туради. Юқорида айтилганидек, қўрғонлардан қалъага қадар 2,5 чақирим бўлиб, дурбиндан истеҳком деворлари ва шинаклар бор буйича аниқтимиқ қуриниб туради. Қўрғонларнинг чап тарафидан, бир неча қадам нарироқдан Китобга йўл ўтарди ва марранинг орқасида бир чақиримчалик масофада у иккига ажralарди, бири Макритга, униси эса Қайнар орқали Қоратепа довонига олиб бораарди.

Марра олдида, ундан ярим чақирим нарида тушган йўл Үрус қишлоқдан чорак чақиримча масофадан сўнг кўз илгар очиқ жойда оқиб ётган Қашқаларё ўзанидан ўтиб, истеҳком қалъаси орқали боғлар, шаҳар ва Китоб қалъасига туташарди.

Ўнг томондан, маррага Үрус қишлоқ боғлари ва ўнгирлари тақалиб келар, орқада ишлов берилган очиқ далалар қуриниб туарди.

12-куни эрталабдан марра олдида, ўнг тарафдан босимроқ бўлган ҳолда душман тўдалари пайдо бўла бошлади ва астасекин марра сари яқинлашиб, ўт очишга киришли. Үқчилар гурухини уларга қарши йўллашга буйруқ бердим ва улар шу заҳотиёқ душман тўдасини анча масофага улоқтириб ташлади.

12-куни соат 9 да гурухдан пиёдалар ротаси, 20 казак ва 2 ракета қурилмасини олдимда, истеҳком мудофаасини мўлжал қилишга отландим. Штаб бошлиғи полковник Троцкий, Бош штаб зобитлари — капитанлар Соболев, Фридс ва штабротмистр Аминовлардан ташқари, менинг ихтиёrimда бўлган кишилар, икки гурух бошлиқлари, полковник Михайловский, подполковник Соковнин ва гурухнинг муҳандислик қисми бошлиғи подполковник Богаевскийлар мўлжалга олиш пайти-мизда мен билан бирга эди.

Мўлжалга олиш ишлари маррадан тўғри Китобга қараб кетувчи ва истеҳком деворидан 300 қадамча нарироқдаги баланд қўрғонда амалга оширилди. Қўрғондан истеҳкомнинг ўнг тарафини шахсан кўздан кечириб, Михайловский гурухининг хужум қилиш жойини танлаб ва кўрсатиб, полковник Михай-

ловский, подполковник Соковнин ва Богаевскийларга күргөндан чапга юриб, истеңком деворининг у томонини қараб чиқишини ва подполковник Соковнин гуруҳи учун жой танлашни буюрдим. Шу билан бир вақтда, бош штаб капитани Соболевни қўргондан тўғри полковник Михайловский батареяси учун мўлжалланган жойни синчиклаб кузатиш учун юбордим. Соковнин гуруҳи учун жойни танлаб ва кузатиб бўлгач, мен лагерга қайтдим, полковник Михайловский ва подполковник Соковнинлар эса пиёда ротаси билан истеңком деворлари ва тусиқларни янада синчиклаб кузатиш, қолаверса, теварак-атрофни ўққа тутиш учун лагердан келтиришни буюрганим икита тўп учун қулай жой танлаш учун қолишидилар.

Мўлжалга олуви гуруҳ Ўрус қишлоқ боғларидан чиқиши ва менинг қўргонга келиб тўхташимдан бошлаб, бутун мўлжалга олиш ишлари давомида, душман гуруҳга истеңком девори ҳамда тўпхоналардан узлуксиз ўқ ва замбарак отиб турди. Полковник Михайловский, подполковник Соковнин ва Богаевскийларга эса қалъани чап томондан ўраб турган боғлардан отликлар тўдаси ҳужум қилиб, милтиқлардан ўқ уздилар. Тўдаларга қараб отилган бир қанча ракета уларни тум-тарақай қилиб юборди.

Жойни муфассал кўздан кечириб, истеңком тўпхоналарини дастлаб, мўлжалга олуви гуруҳ турган қўргондан сўнг, қўргон ўнг тарафидаги майда тепаликдан ўққа тутиб, полковник Михайловский ва подполковник Соковнин рота ва тўпчилар взводини ўzlари билан бирга олиб қайтдилар.

Шу кечаси батареяни танланган жойга ўрнаштириш масаласини ҳал этиб, ҳужумда асқатадиган нарвонлар ҳозирлашни буюрдим. Икки ротани Ўрус қишлоққа арқон ва керакли нарсалар келтириш учун юбордим.

Китобга ҳужум қилиш ва унга икки ёқлама киришни кўзда тутиб, шу мақсадда қўшинни икки гуруҳга ажратдим: ўнг гуруҳ полковник Михайловский қўмондонлиги остида, 3 рота (1,2 ва 3-ўқчи батальон жангчилари), тўпчилар ва отликлар батареяларининг 1 тадан взводлари 2 ракета қурилмаси ва 10 казакдан иборат таркибида; чап гуруҳ подполковник Соковнин қўмондонлиги остида, 9-батальоннинг 3-ротаси (1—2-роталар ва ўқчилар), тўпчилар ва отликлар батареяларининг 1 тадан взводлари, тоғ замбаракчилари взводи ва 20 казак таркибида.

Қўргон олди, оралиги ва орқасида ҳужум учун қўйилган қўшинга захира тариқасида 3-батальоннинг 4-ротасини, бир тўпни ва 250 казакни қолдирдим. Захира ясовул Принц командаси остида эди. Маррадаги лагерда бутун ашёлар, аслаҳалар 3-батальоннинг 2-ротаси, 9-батальоннинг 4-ротаси ва 20 казак қўриқловида турарди. Лагерни идора этиш рота командирларининг мартабаси улуғи, поручик Гамзинга топширилган эди.

Полковник Михайловский гуруҳида унга ёрдамчи қилиб майор Полторацкий, артиллерия бошлиги подполковник Кобилинский ва муҳандислик ишлари раҳбари подполковник Богаевскийлар тайинланди ҳамда унинг ихтиёрига Баш штаб капитани Фридс берилди. Подполковник Соковнин гуруҳида унга ёрдамчи, подполковник Раевский, артиллерия бошлиги ясовул Топорнин, муҳандислик ишлари раҳбари штабс-капитан Непокунний тайинланди ҳамда унинг ихтиёрига Баш штаб капитани Соболев биринчирилди.

12 август кечкурун, қоронғу тушиши билан ҳужумга шай турган қўшин пиёдаларига батареялар эгаллаши лозим бўлган маррага томон юриш буйргуни бердим. Иккала гурух қўшин Ўрус қишлоқдан ўта туриб, у ерда тайёрлаб ва араваларга юклаб қўйилган нарвон, арқон ва зарур аслаҳаларни ўзлари билан олдилар. Тун қоронғулиги ва сокинлигига амалга оширилган ҳаракат душман томонидан сезилмади, иккала гурух қўшин белгиланган ерга етиб, шу заҳотиёқ батареяларни жойлаштиришга киришди ва бу ишлар деярли бир ўқ отилмай уddeланди. Михайловский батареяси қўрғондан 220, Соковнин батареяси эса 78 қадамлик масофада ўрнатилди.

13-куни тонгда ишлар ниҳоясига етказилди. Батареяларга артиллерия етиб келган заҳотиёқ, унинг бир қисми душман тўпхоналаридаги (барбет) замбаракларга, яна бир қисми эса, истеҳком деворининг ўйиш мўлжалланган жойларига қараб ўт очди. Душман биз томондан узилган ўқларга тўп ва замбараклардан шиддатли ўт очиш билан жавоб қайтарарди, бу айниқса, Соковнин батареяси тарафда кучли бўлди. Эрталаб, соат 5-да батареяларга ўт очишни кучайтириш ҳақида буйруқ бердим ва, изма-из, ёнимдаги кишилар ва б-ракета қурилмаси билан Соковнин батареясига жўнадим. Бу ерда вазиятни қўйидагича баҳоладим: Бу батареяга қарши душманнинг уч батареяси ҳаракат қилган эди: бири тўғри қарши томондан 5 тўп билан, бошқаси батареянинг ўнг тарафидан 4 замбарак билан, учинчиси чапдан 2 тўп билан зарба берган эди. Душманнинг бутун ўқотиш чизиги батареянинг ўнг ва сўл тарафига қадар ўқчилар томонидан ишғол этилганди. Шу сабабли, артиллерия ҳамда милитик ути ниҳоятда кучли<sup>1</sup> эди. Душман артиллеријасининг ҳаракатини сал-пал бўлса-да, сўндириш мақсадида мен шу лаҳзода ўқчиларни батареядан чап тарафдаги боянинг чети ва батареядан бироз наридаги майда ўнгир бўйлаб тарқалишга буйруқ бердим.

Афтидан, Шаҳрисабз бекларининг мудофаа воситалари соат сайин кучайиб бораётганилиги сабабли, ҳужумда ҳар қандай сусткашлик фақат ишни қийинлаштирап ва муракаблашти-

<sup>1</sup> Соковнин батареясига қарши истеҳком деворининг дарвозасидан бошлаб Жўрабек, Михайловскийга қарши эса Бобобек лашкарлари курашаётган эди.



Шаҳрисабз мудофааси раҳбари  
Бобобек.

сабз) ўз-ўзидан қўлимиизга ўтиши қўлини чарчаб қолгани учун Шарга ўтолмадим ва бу ишни эртанги кунга қолдирдим.

Асирга олингандарнинг кўрсатмалари бўйича, қуролланган мудофаачилар 8 мингга яқин бўлган. Ҳозирги Шаҳрисабз беклари (Бухоро) менга айтишдики, Жўрабий ва Бобобий 13 мингта қадар қуролланган кишиларни қўйиши мумкин эди. зеро, олдинлари улар Бухоро амирларига қарши шунча қўшин жам қилас эканлар. Энди бўлса, бизнинг келишимиз улар учун кутилмаган бўлиб, зарур тайёргарлик кўришга улгуромай қолгандилар.

Душман ниҳоятда катта талафот кўрди. Асиrlар, ҳужум бошланган кун 600 га яқин киши ўлдирилган эди, деб ҳисоблайдилар. Бизнинг йўқотишларимиз ҳам сезиларли даражада, яъни: 1 обер-офицер (прапорщик Козловский), қуий пофонадан 18 та ўлдирилди. 1 генерал (отряд бошлиғи, яъни Абрамовнинг ўзи) енгил, 4 штаб зобитлари (Михайловский — енгил, Соковнин — оғир, подполковник Раевский — енгил, майор барон Миллер-Закомельский — енгил), обер-офицерлардан 2 та — прапорщик Маминь ва корнет Морозов енгил яраланди.

парди, шу боисдан шаҳар деворини Соковнин батареяси ўишини кутиб ўтирасдан, хаёлламай ҳужум ўюшибирша қарор қилдим.

Ясовул Принцга зудлик билан барча казаклар билан Раватоқ дарвозасига ёпирилиб, уни дарҳол мажақлаш ва эгаллаб олиш буйругини жўнатдим. Ясовул Принц ҳеч нарсага, ҳатто тўплардан ўқ узиш билан қарши олинганига қарамай, ушбу буйруқни тез ва тоза бажарди. Үн дақиқадан сўнг мен дарвоза ағдарилиганини ва эгаллаб олингани хабарини олдим.

Соат 8-00 ларда (13 августдан 14 август тонги) ҳаммаси тугади, бу пайтда мен қальяга шахсан етиб келган эдим. Китоб қальаси ҳеч қандай ҳарбий аҳамиятга эга эмас. Бу бекнинг анча маҳобатли, покиза ва айтарли даражада бой бўлган турар жойи, холос. Китобнинг олиниши Шарнинг (Шаҳри-

бўлган эди. Шу куни қўшин

Күйи қоғонадан 59 та оғир, 42 та енгил ярадор бўлди. 29 та тўп ва замбарак, қилич, милтиқ, артиллериянинг кўп ўқ-дориси қўлга туширилади.

Китобни забт этгач, эртаси куни (15 август), мен Шарга бордим. Аҳоли шаҳардан 3 чақиримча берида мени нон-туз билан қарши олди. Уларга жаноби олийларининг Шаҳрисабз мулкларини унинг қонуний эгаси, Бухоро амирига бериш ҳақида азми қарорини эълон қилдим ва барчасига ўз жойларига қайтишни, амир томонидан тайинланадиган янги беклар келишини кутишларини топширдим. Эртаси куни (16 август) менинг ижозатимга кўра, Чироқчидан Тўхтамишибий 1500 суворийси билан шаҳарларнинг (Шаҳрисабз, Китоб) гарнизонлари ни дастлабки кунларда идора қилиш учун келди.

Шаҳарларни тайин этилган бекларга топшириб ва бу ҳақда амирга хабар бериб, Самарқандга қайтиш тараалдууда турганимда, янги беклардан, гўё Жўрабий ва Бобобий Мояндида З минг чоёли қўшин тўплаб, руслар кетиши биланоқ Шаҳрисабзга ҳужум қилмоқчилиги хабарини олдим...».

Шаҳрисабз ва Китобнинг истило этилишида амир Музаффарнинг тажовузона ҳаракатлари ҳам аҳамият тутмай қолмаган. Мангитий амирларнинг кенагас бийларига нисбатан адовати азалий бўлиб, амир Музаффарнинг отаси амир Насрулло 1858 йилда Шаҳрисабзни куч билан тобеъ этган эди. У нечанчи бор қайта бўйсундирилган Шаҳрисабз ва Китобга ўз мангитларидан ҳокимлар тайин қилган, бу ерда ҳукм суреб келган валламийлар сулоласини қатағон этган, Дониёр оталиқнинг (1840 йилда вафот этган) қизи, Даҳяқ ҳокими Ёқуббекнинг хотинини (Кенагас ойимни) икки боласи билан тортиб олиб, никоҳига зўрлик билан киритган эди. Ўша вақтда Шаҳрисабзда ҳоким бўлиб турган Дониёр оталиқнинг ўғли Искандарбекни Қоракўл туманига ҳоким номи остида бадарға этган эди.

Амир Музаффар отаси амир Насруллонинг Шаҳрисабз маликаси Кенагас ойим томонидан қулогига заҳар қўйиб ўлдирилганлигини<sup>1</sup> унотолмас эди, албатта. Тошкент руслар томонидан эгаллангач, Искандарбек ўёққа жўнатилади. Искандарбек зиммасидаги вазифани уддалай олмаган киши сифатида амир Музаффар томонидан ўлдирилиб юборилади.

Д.Н.Логофетнинг «Генерал Абрамовнинг рус қўшинлари отряди Шаҳрисабз ўлкасига кирганда, Бухоро қўшини шаҳарга фарб томондан яқинлашиб келди. Уч томонлама қамал қилинган (Михайловский, Соковнин, Бухоро лашкари) Шаҳрисабз, Китоб ва Яккабог олингандан сўнг Шаҳрисабз беклари Қўқонга қочди», деган сўзлари замирида асрлар бўйи давом этиб келаётган шахсий адоват, ички низоларнинг ватан, эл-улус

<sup>1</sup> Хорошхин А.П. Туркистон ўлкасига оид мақолалар тўплами. СПб, 1876, 518-бет.

манфаатидан устун келишидек қабоҳат пинҳон ётади. Амир Музаффар русларга бўлган вассаллик имкониятидан ҳар иккала томон учун ҳам манфаатли бўлганлиги сабабли, ҳаёлламай фойдаланиб қолган.

Шу тариқа, икки ёқлама босқин гирдобида қолган қадимий шаҳарлар — Қарши, Шаҳрисабз ва Китоб, бундай айтганда, Қашқа воҳаси руслар томонидан истило этилади. Амир Музаффар бу ўлканинг босиб олинишида восита ҳамда фаол қатнашчи бўлади. Д.Н.Логофет бу ҳақда, «Рус қуролининг кучи ва кўлоб бўлиб тўкилган рус қони эвазига олинган Шаҳрисабз ва Китобдек улкан беклил Бухоро амирига берилди. Шундай қилиб, тарих билан ҳисоблашилмади ёхуд Шаҳрисабз ва Ҳисор ўлкаларининг кўпдан бери Бухоро ҳокимиятини тан олмай, мустақил бекликлар иттифоқини ташкил этиб, ўзига хос ҳаёт кечираётганлиги ҳам эътиборга олинмади», дейди надомат билан.

Д. Н. Логофетнинг аламинин тушунса бўлади. У, рус қуроли ва қони ҳисобига забт этилган бекликлар Россия таркибига киритилмаганидан таажжуб қилиб, ачинали. Бироқ, ўн минглаб қурбон бўлган шаҳрисабзликлар қони унинг хаёлига ҳам келмайди. Қонлар дарё бўлиб тўкилиши ҳақида гап боргудек бўлса, ўлган битта аскарини ҳам ҳисобга олиб борган руслар маҳаллий аҳолини қирғин қиласар экан, уларни тўпларига ем қилганлиги, ўликлардан майдонлар, дашту далалар, ҳатто боғлар тўлиб кетганлигини айтишни унугдилар. Бошқача айтилса, мазлум нуфус унинг кўзига, ақалли, чумчуқча ҳам кўринмайди.

Шаҳрисабз ва Китоб бекликларининг Бухоро амири ихтиёрига берилиши, Қарши бўйсундирилиши ва унинг ҳам амир Музаффарга топширилиши бобидаги ички - ташқи сабаблар таъсири катта эди, дейиш мумкин. Абдумалик тўрани ҳамон қўллаб-қувватлаб турган инглизлардан ҳадиксираш, Туркистонда ҳарбий кучларнинг озлиги рус истилочиларини шундай, ўз босқинчилик ниятларига хилоф йўл тутишга мажбур қилган омиллар бўлган. Бунда, Д.Н.Логофет афсус-надомат билан таъкидлаган — тарихни унугтиш, яъни Шаҳрисабз бекларининг Бухоро итоатидан бўйин товлаб, мустақил бўлиб келганлигини ҳисобга олмаслик ҳам унинг амирга топширилишида асосий сабаблардан бири бўлмай қолмаган. Арқонни узун ташлайдиган босқинчилар сопни ўзидан чиқаришла устаси фаранг эди: Бухородан норози Шаҳрисабз ва Китоб тез орада ўз ташаббуси билан Россия таркибига киришга истак билдиради ёхуд амирлик ичида ихтилоф вужудга келиб, бутун хонликни бир ҳамлада босиб олиш имконияти туғилади, деб шундай қарорга кelingan.

## **Мулоҳаза учун ахборот**

### **Бобон тұқсабо**

Бобон Каттақурғоннинг Мингбозор қишлоғида, ривоятларга күра эса, Иштихона тұғилады. Отаси вафотидан кейин, онаси Нурободнинг Қарақурсоқ қишлоғида яшовчи Алибай исмли деңқонға тұрмушға чиқады. Бобон жуда гавдали, пахлавон йигит бұлғанидан уни ҳарбий хизматта оладылар. Ва у тез орада довюраклиги, тадбиркорлиги, рус босқинчилариға қарши жангларда курсатған қаҳрамонліктери учун олий ҳарбий үнвон — тұқсаболик дәражасыга сазовор булады. Бирок, әлсевар тұқсабо амир Мұзаффарнинг жасоратсизлиги ва босқинчиларға қарши дурустrok мудоғаға өзараларни күрмаганлығынан газабланады. Дархақыт, амир Зирағулоқ тепаликлари дагы сұнгги жангда мағлубиятта учраб азиз юритимини Россия мұстамлакасыга айлантириб қойды, уруш ҳаражатларини қоплаш учун халққа оғир солиқлар солиб, қашшоқлиқда яшаёттак камбағал деңқонларни хонавайрон қилди. Натижада, Бобон Зиёвуддин, Норпой, Хатирчи тұманларини үз ичига олган мұстакил миллій давлат тузишга қарор қиласы. У амир хизматини тарқ этишден олдин, мавқеидан фойдаланиб етарлы дәражада қорол-яроғ, үқ-дори туплайды. Сұнгра, үзина яқын қишилардан кичик бир гурұх тұздады. Гурұх аъзолари 1869 ийліннеге қарастырылғанда 18 қишидан иборат бұлса, орадан иккі ой үтмай беш қою қишидан ошиб кетады. Бу давдров Бобон үзини амирликка ҳам, русларға ҳам бүйсүнмайдыған мұстакил давлат бошлиғи, халқ таъбири билан айтғанда, «ярим подшо», деб әзлон қиласы. У үз давлатида инсофадолат, тартиб-интизом үрнатыш мақсадыда фақат шариатда курсатылған солиқларнине қолдириб, бошқаларни бекор қиласы. Каттақурғон ва Зиёвуддин чегараларда ҳарбий истекхомлар, божхоналар бино эттириб, чегарадан үтган савдогарлардан бөх олады. Бошқа амалдорларға үрнак булсın деб, Хатирчи амлөкдори (солиқчысы) пораҳұр Раҳимбайнинг молмұлқини мусодара қилиб, камбағалларға булиб беради. Халқа зулм үтказған Зиёвуддин беги Мұхаммад Юсуфбой додхөхининг эса бойлигини мұхтожларға тақсимлаб, хөвлисini ёндериб юбординди.

Амир Бобон ҳаракатини бостириш учун бир неча марта құшин үйләлді, бироқ ҳар гал мағлубиятта учраб қайтады. Амир мүшкүл ақвоздан қутилиш учун Туркистан мұстамлакачи маъмурияттінинг Зарафшон округидан ёрдам сұрайды. Каттақурғон уезді бошлиғи Бозенков құзғолончиларға қарши жазо гурұхи юборады. Норпой — Каттақурғон чегарасынан жангда жазо гурұхи катта талафот күріб чекинады. Гурұх мағлубияттың газабланған Туркистан генерал-губернатори Кауфман Каттақурғонға штабс-ротмистр Скобелев бошчилігінде отлиқ жазо гурұхини юборады. Гурұх Каттақурғонда 25 қақирим узоқлікдегі Чоршанба қишлоғидаги жангда мағлубиятта учраб, қочишига мажбур бұлдағы. Кауфман Скобелевни подшо обруйига футур етказишида айблаб үннінг ишинин ҳарбий трибуналға топширады. Шундан сұнг, Каттақурғонға 500 қишилик казак жазо гурұхи юборилады. Гурұх савдо карвони никәбіда араваларда бекиниб келади ва тұстадан ұхумыға үтиб, божхона ходимлары ва бир неча соққини үқә тутады. Бирок пистирмалардан отилған үк әмғири остида қолиб, жуда күп үлигу ярадорларини қолдириб орқага қочады. Кетма-кет мағлубиятлардан тутаққан Кауфман 1869 ыйлек деқабрь охирида, полковник Корганов бошчилігінде сон жиҳатидан жуда катта, яхши куролланған жазо гурұхи үйләлді.

Коргановнинг жазо гурұхи иккінчи марта 1870 ыйліннеге 14 январида Қарақурсоқ қишлоғида жангда кирады. Жазо гурұхи бу сафар ҳам уарнны тор-мор келтира олмайды... Нихоят, чор ҳұкуматтіннинг исковчи, собиқ ағфон Гурұхининг жангчысы Каттақурғон уезді бошлиғининг кичик ёрдамчысы Сайдхон Каримхонов үзіндек бир хоин ёрдамида құзғолончилар мансипини аник-лаб жазо гурұхига хабар берады. 1870 ыйліннеге сентябрьда Каттақурғоннинг Тұртқул қишлоғида охирги — ҳаёт-мамот жангы булады. Құзғолончилар қаҳрамонона жанг қилиб, деярлі барчасы ҳалок бұлдағылар. Жарохатланған Бобон бир уйға кириб олиб, жангни давом эттирады. Уйға үт қүядилар.

Бобон жұхоризорға кириб бекинади. Жұхорини ҳар томонидан ўришга киришадилар. Шунда Бобон «хом жұхорини үрмәнглар», деб чиқиб таслим бұлади. Бирок амир Бобоннің сұраб олади ва унға: «авалгидек садоқат билан хизмат қылсанғ, омон қоласан», дейди. Бобон күнмайди ва қуролдош дүстлери олдидеги қасамәдиге содик бўлиб қолажагини айтади. Амир уни ўлимга ҳукм қиласди ва «тила энди тилагингни», дейди. Бобон минорадан ташлашларини сўрайди. Минора устида ҳам уни амир хизматига даъват этадилар. У бош чайқаб, жаллоднинг итариб юборишини кутиб утирумай, ўзини минорадан ташлаб юборади.

Бобон кишилар онгига Ватанга меҳру садоқат билан хизмат қилиш тимсоли сифатида чуқур из қолдирди<sup>1</sup>.

### 3. ЭЪЛОН ҚИЛИНМАГАН УРУШ... ХИВА

Россиянинг ҳукмрон доиралари Туркистан генерал-губернаторлигини ўзининг Ўрта Осиёдаги ҳарбий режаларини амалга ошириш учун таянч марказига айлантириб, бу сафар истило тигини Хива хонлигини тұла буйсундиришга қаратдилар. Улар Пётр I васиятини сира унутмаган эдилар. 1717 йилги Бекович-Черкасский қўшинининг ҳалокати ва 1839 йилда Перовский юришининг барбол бўлганлиги рус генералларининг хотирасидан чиқмаган эди. Пётр I нинг босқинчилик режасини тұла амалга ошириш учун тайёргарлик ишларини поёнига етказишигач, истилочилар Хива хонлигига кўз тика бошладилар.

Хива хонлиги мустақиллиги билан мустамлакачиларга жиддий хавф солиб туар жи. У минг йиллардан бўён давом этиб келаётган қадим Хоразм давлати тимсоли сифатида ҳам Россия учун хавфли куринди. Россия империяси ўз тасарруфидаги қозоқларни озодлик курашига рағбатлантириб турган Хива эканлигини ҳам яхши биларди. Қозоқларнинг миллий-озодлик курашига раҳбарлик қылган Кенесари Қосимов Хивадан доимо, мадал олиб, ўн йил давомида Россияни безовта қилиб келаётганлигини ҳам унутмадилар. Масаланинг сиёсий томонидан ташқари, Санкт-Петербург бутун Туркистан үлкасида тижорат ишларини ҳам батамом ўз қўлига олишни мақсад қилиб қўйган жи. Каспий денгизининг шарқий соҳилларидан Туркистан шаҳарларига олиб борувчи барча савдо йўллари эса Хива хонлиги худудларидан ўтар жи.

1872 йил охирларида ҳарбий вазир бошчилигига Петербургда Туркистан, Оренбург генерал-губернаторлари ва Кавказдаги подшо ноиблари иштирокидеги махфий кенгашда Хива хонлигини босиб олишга қарор қилинади. Генераллар режасига кўра, Туркистан генерал-губернаторлигига қарашли күнлар шарқдан, Оренбург губернатори ва Кавказ ноиблиги ихтиёридаги ҳарбий кучлар эса гардан ва шимоли-гардан Хива устига юришлари керак жи.

<sup>1</sup> Мұхаммад Маҳмуд. Бобон түқсабо. «Жамият ва бошқарув», 1998 йил, 3-сон, 40—41-бетлар.

Россиянинг тажовузкорона нияти Хива хони ва унинг олий мансабдорларига сир эмас эди. Сайид Муҳаммад Раҳимхон II (1865—1910) 1872 йилда Ҳиндистон вице-қироли ҳузурига элчи жўнатиб, руслар таҳдидига қарши Англиядан мадад сўраган эди. Ҳоннинг элчиси Аминбой Муҳаммад ўғли Калкутта шаҳрида лорд Норсбрук билан музокаралар олиб борди. Англияниг ҳукмрон доиралари Хива мустақилитини сақлаб қолишдан манфаатдор бўлсалар ҳам, Россия билан очиқ тўқнашувдан ҳавфсирав эдилар. Лондон ўзининг бой мустамлакаси Ҳиндистонга руслар таҳдил солишидан ва Афғонистондаги мавқеига Россиянинг жиддий хатар етказишини ҳисобга олиб, Хивага ёрдам кўрсатмаслик йўлини тутди. Ҳиндистон вице-қироли Норсбрук шу сабабли элчига иложи борича руслар билан алоқани яхшилаш воситаларини ишга солишини ҳамда қўшни мусулмон давлатлари иттифоқини вужудга келтиришини маслаҳат берди. Лорд Норсбрук, агар руслар билан уруш бўлиб қолса, Англия ёрдамига умид қиласмасликни ҳам очиқ изҳор қилди.

Хива энди ўз кучи ва имкониятига қараб иш кўриши лозим эди. Ҳонлик қўшинида ҳаммаси бўлиб 27 эски замбарак, 2 минг отлиқ аскар, 4 минг навкардан иборат қўшин бўлиб, улар ҳам асосан пойтахтда жамланган эди. Хива истилосига отланган Россия қўшини ҳам сон, ҳам сифат жиҳатдан, шунингдек ҳарбий техника имконияти, қурол-яроғлари билан ҳам Хива ҳонлиги қўшинидан устун эди. Мазкур ҳарбий операцияга раҳбарлик қўлиувчи зобитлар ва генераллар амалий тажрибаси ҳам хивалик лашкарбошилардан кўп даражада юқори эди. Туркистон қўшинларига (22 рота, 1800 казак ва 18 тўп) генерал Кауфман, Оренбург отрядига генерал Верёвкин (15 рота, 600 казак, 8 тўп), Мангъишлоқ отрядига полковник Ломакин (12 рота, 800 казак, 8 тўп) кўмондон бўлиб, Орол флотилияси ҳам улар ихтиёрига берилган эди.

Истилочилар қўшини, шу йўсинда, уч йўналиш бўйича Хива ҳонлиги устига бостириб кирди. Рус аскарлари генерал-лейтенант фон Кауфман ва генерал-майор Головачёв қўмондонлиги остида Тошкент тарафдан, иккинчи йўналишдагилар генерал Верёвкин ва учинчи йўналишдаги руслар полковник Ломакин қўмондонлигига Каспий дengизи тарафдан Хива томон кириб келди. Император Александр II Хива юришига катта эътибор беради. Ҳатто, айтиш жоизки, император оиласининг аъзолари — буюк князлар Хива сари юришда бевосита қатнашадилар. Николай, Константин, Евгений Романовлар ва Герцог Лейтенбергский каби олий зотларнинг ҳарбий қисмларга қўмондон қилиб тайинлангани ҳам Россиянинг Хива истилосига катта эътибор берганини кўрсатади.

Туркистон генерал-губернатори фон Кауфман юриш олдидан Хивани сиёсий тарафдан ҳам яккалашиб қўйиш чораларини қўради. У Бухоро амири ва Кўқон хонига таҳдидли мактублар

вага ёрдам бермасликка чақиради. Масалан, мартда Құқон хони Худоёрхонга йұллаган тилган эди: «Ұзимга ишониб топширилған иззах устидан, Бухоронинг шимолий ҳудуд-ин. Сизнинг доно ҳаракатларингиздан үрнак дүстона муносабатлар үрнатилишига қарнини жазолаш учун йұлга тушмоқдаман».

Музаффарнинг Кауфманга ёзған жавоб хати-мұзған руҳи үрмалаб туради: «Элчингиз, статмас-сиякиннинг Хива билан алоқасини батағсил дүстликни ifодаловчи хабарнинг маълум буятта хурсанд бўлдим. Албатта, ўртамиздаги сизнинг дўстингиз — бизнинг дўстимиз, ингиз—бизнинг душманимиз булишини та-бўлди. Бундай тушунаманки, агар Хива Россия билан бўлмаса, у вақтда унга қарши қурол ишлатади. Бундай ҳол юз берса, мен имкони борича да кўрсатишга тайёрман».

Оқ подшо-вага уч тарафдан йұл боради: улардан бири иккинчиси — Қозолидан, учинчиси — Оқ зидаги бизнинг еримиз Амударёдан ўтади. вобни статс-маслаҳатчи Струве орқали юбо-дўст ва қўшни сифатида сиздан илтимос ўз фикрингиз ва ҳарбий юриши вақтини ол-ингики, фуқароларимни хотиржам қилиш ва миляриимни юбориш имкони туғилсин».

Ҳарбий таълим олган, бош штаб академия-насарий ва жанговор малака ҳосил қилган зобитлари ихтиёрида энг замонавий тўп, амалар, пулемётлар бўлса ҳам, улар эркесевар ўшинларини мағлуб қилган Хивадан, баридан

масалани тинч йўл билан ҳал қилишга ури-гач, ҳарбий кенгаш чақириб, мудофаа ре-за душман истилочиларга қарши ўзининг сафарбар қиласи. Матмурод девонбеги, Ёкуббек қалмоқ, Элтузар иноқ ва Бобо зиги ўзбек ва туркман (ёвмит) йигитлари русни қайтариш учун икки гурухга бўлиниб

Верёвкин қўмондонлигидаги Оренбург отряди шганида шаҳар ҳокимлари тезлик билан пайдо бўлганлиги тўғрисида Хивага чо-вақтдан ютиш мақсадида руслар ҳузурига и. Генерал Верёвкин қўнғиротларнинг ва-б, унинг таклифларини эшитди. Музокара-

лар олиб бориб, масалани тинч йўл билан ҳал қилишни истамади ва шаҳарга ҳужум бошлиш ҳақида буйруқ берди.


Қўнғирот халқи Сайдбий, Тожимуродбий ва бошқа бийлар раҳбарлигига шаҳар қўлдан кетганда ҳам курашни давом эттиришга қарор қилдилар. Шаҳар ташқарисидаги йўлларда душманга ҳужумлар уюштириб, уларни ўққа тутдилар. Верёвкин қўшини эса талафотлар бериб, Хўжайли ва Манғит қалъаларини ишғол қилди. Айни бир пайтда генерал Головачёв бошлигидаги Туркистон қўшини Тошсоқа яқинида дарёдан кечиб ўтиб, мудофаачилар билан тўқнашди. Хива хонининг асосий зарбдор кучи бўлган Матниёз девонбеги лашкари Карвон қишлоғидаги пистирмадан душманга тўсатдан ҳужум қилди. 9 рота, отлиқ аскарлар, 8 тўп билан куролланган ўқчилар ва сапёрлар роталаридан иборат Головачёв қўшини бошда бу ҳужумдан эсанкираб қолди. Тўқнашув шиддатли ва аёвсиз бўлиб, ҳар икки томондан кўп қурбонлар берилди. Матниёз девонбеги кучлар нисбатини тўгри баҳолаб, Ҳазорасп томон чекинди. Қурол-ярог ва ҳарбий техника жиҳатидан устун бўлган Туркистон қўшини Ҳоразмнинг қўхна қалъаси Ҳазораспни эгаллади. Бу қалъани бош қўмондон фон Кауфман ўзига қароргоҳ қилиб, ичкари силжиш учун таянч пунктига айлантириди.

Руслар йўлда учраган ҳар бир шаҳар ва қишлоқни талааб, уйларга ўт қўйиб, қирғин-барот уюштиридилар. Уларнинг кетида эса култепалар ва жасаллар қолди. Аммо, Ҳоразм ватанпарварлари бўш келмай, ўзларига қулай жойлардан душманга ҳужумлар қилишди. Жанговар туркман ургулари: ёвмутлар, имралилар, човдирлар ва кўкалангларга мансуб навкарлар душман кетидан изма-из бориб, унга талафотлар етказишиди.

1873 йил 29 май куни русларнинг асосий қучлари Хива остоналарида пайдо бўлдилар. Хива хони ортиқча қон тўклишини истамай, музокаралар бошлиш ҳақида ўз вакилларини фон Кауфман ҳузурига жўнатди. Аммо урушқоқ генерал хоннинг таклифини оқибатсиз қолдириб, ҳужумга киришди.

Хива мудофааси йўлбошчиларининг номлари тарих саҳифаларига умрбод ёзилиб қолди. Зоро, 1873 йилда Хивани мудофаа қилган кишиларнинг исм-шарифлари истиқтол тарихидан муносиб жой олиши фарзdir. Урганч дарвозасига Муҳаммад Ризо тұра, Тошоёқ дарвозасига Абдуқодир тұра, Богишамол дарвозасига Раҳимбердібек Оллоҳберди тұра Мағфур, Шайх дарвозасига Оллоҳберғанбек ибн Ҳудойберғанбек тұра ўғли тайин этилди. Шаҳар ташқарисида эса русларга қарши жанг майдонига чиққан Ҳудоёр қүшбеги, Раҳматулла ясовулбоши, Абдулла маҳрам, Маҳмуд ясовулбошиларнинг навкарлари фидокорона жанг қилдилар.

Хива шаҳри ва унинг атрофидаги жангларда қиличу пилта милтиқ билан куролланган мудофаачиларга қарши руслар 692 граната, 133 ракета ва 78605 ўқ отишган. Ҳарбий ҳисоботга кўра,



Россия армияси Хива останасида.

Туркистон отряди 62 граната, 5245 дона ўқ ва 28 ракета; Оренбург отряди 537 граната, 38060 дона ўқ, 52 ракета; Мангышлоқ отряди эса 93 граната, 35300 дона ўқ ва 58 ракета отган.

Хива хони, сулҳ ҳақидағи навбатдаги тақлифи рад этилгач, құшимча күч тұплаш учун шаҳардан чиқиб, туркман ёвмут ахолининг ўтовлари сари йўл олди. Афуски, шундай қалтис бир пайтда, хоннинг оиласи ва яқин қарндошлари душманға қарши яқдил булиш ўрнига, сулолавий низоларга берилиб кетдилар. Ўзбек хоңликлари тарихидаги одатдаги фожеа—босқинчиларга қарши кураш учун бирлашиб ҳаракат қилиш ўрнига бўлиниш яна мудҳиш тарзда қайта тақрорланди. Хоннинг иниси ва унинг яқинлари душманга қарши бирлашиб курашиш ўрнига у билан келишиш ўйлига ўтиб олдилар.

1873 йил 29 майда Россия императори Пётр I нинг машъум васияти амалға оширилиб, Хоразм салтанати пойтахти — Хива ишғол этилди. Шаҳарга голибона кириб келган Туркистон, Оренбург, Кавказ құшиналари талон-торожга киришдилар.

Хон саройида олий ҳукмдорларнинг тахти, бебаҳо олтин-кумуш буюллари, турли-туман қымматли матолар ва нодир құләзма асарлар Петербургга, подшоҳ саройига ўлжа сифатида олиб кетилди. Ўлжа олинган беҳисоб бойликлар генераллар, зобитлар ва аскарлар үртасида тақсимлаб олинди. Босқинчилар

аввалдан пухта ишлаб чиқилган режа бўйича Хоразмнинг моддий ва маданий бойликларини талон-торож қилишга киришилар.

### **Мулоҳаза учун далолат**

Генерал-губернатор фон Кауфман русларга қарши курашга қодир ва барчани уз атрофига бирлаштиришга лаёқатли бўлган Хива хонини зарарсизлантириш чорасини кўриб, унга мактуб йўллади. Муҳаммад Раҳимхон II таҳти сақлаб қолиш илинжидаги, ўзи таклиф этилган Гандимиён богига етиб келади.

Туркистон генерал-губернатори фон Кауфман билан Хива хони уртасида музокаралар бошланади. Генерал Хивани идора қилишга оид янги низомни хон диккатига ҳавола этади. Рус давлатчилиги русумларини жорий этишга қаратилган бу ҳужжатга биноан хонликда бошқарув тизими булган девон тузиш лозим эди. Девон аъзолигига Хива хони томонидан русларга ҳайриҳоҳ амалдорлардан Матниёз девонбеги, Элтузар иноқ ва меҳтар Абдуллабий, руслар тарафидан эса бош штаб подполковни Пожаров, артиллерия подполковни Иванов, подполковник Хорошин ва савдогар Олтинбоеев тайинланиши лозим эди. Русларга қарши жангларда шижоати ва ватанпарварлиги билан танилган Муҳаммад Муродбеги ва Раҳматулла ясовубошилар эса Хивадан сургун қилиниши лозимлиги кўзда тутилган эди.

Генерал фон Кауфман музокаралар билан бир вақтда, эркесвар туркманларни жазолаш учун генерал Головачёв қўмондонлигидаги катта кучни сафарбар қиласи. Пиёдалар, отлиқлар, тўп ва ракеталар билан қуролланган Головачёв жазо корпусининг «Бекович хуни учун» деб қилган ваҳшӣйликлари рус ҳарбий идоралари ҳужжатлари ва маҳаллий муаррихлар битикларида сақланиб қолган.

\* \* \*

«Хотунлар ҳам чап қўлида боласи ва ўнг қўлида тиг билан Россия отлиқларига ҳамла қўлур эдилар. Бир микдор уруш бўлғандан сунг, Россия аскари голиб келиб, оларнинг ҳам ҳаммаларини тигу тӯfonг била қириб тамом этдилар. Баъзи заҳмдорлар ўлукларнинг ораларида ўзларини ўлукдек этиб ётмиш эрдилар. Россия аскари оларни куриб, милтиқ уки билан оларни уруб катл этдилар. Ул ҳолда тўрт казак отли бир явмутнинг изидан этиб, ўртага олиб ҳар тарафдин тиг урмоқ бошладилар. У явмутнинг қўлида ҳеч ярог йўқ эрди. Онга кўп заҳм урдилар. Қулларидан ва тамоми баданидан қон оқиб борур эрди. Явмут кўрди, булар они ўлтурмоқидурлар, гайратга қириб бир ҳамла қилиб, ул қазакларнинг биридан қиличини қонтириб, қўлидан олиб, ул қилич била ҳамул тўрт казак отлиқни қатл этди. Чун заҳмларидан қон кўп оқиб эрди, беҳол булюб йиқилиб қолди. Ул ҳолда икки казак отли бу ахволда кўруб келиб, отиб ва тиг билан шаҳид этдилар».

(Муҳаммад Юсуф Баёнийнинг «Шажараи Хоразмшоҳий» асаридан)

\* \* \*

«Хива хонининг талабларимизни сўзсиз бажаришга ҳамда хонликда осойишталик истаги туркманларга жарима солиш фикрини уйғотди. Ёвмут ўргуи оқсоқолларига 300 минг сўм пул йиғишини маълум қилиб отряд билан генерал Головачёвни улар устига юбордим. Ёвмутлар эса оиласи, ҳўжалик нарсалари билан туркманларнинг бошқа уруғлари яшаётган ер-

ларга қочибди. Эндилиқда Илонли қальаси билан Қизилтақир оралиғида Емралылар манзилида 150 мингга яқын түркмен йигилган. Уларга 15 июль эрта тонға тұстадан ҳужум үштирилди. Берилған күчли зарба натижасыда жаңға 500 га яқын түркмен үлдирилди».

(Генерал фон Кауфманнинг ҳарбий вазирга 1873 ийлік 25 июля йүллаган ахборотномасыдан)

### Мавзуга оид ахборот

Чор Россияси Туркистанға XIX аср иккінчи ярми бошларыда ҳужум қилемшідан неча үн йиллар мұқаддам, бу үлкани ҳам энига, ҳам бүйига пинхона тадқиқ этишга киришади. Худди шундай номатлуб, жосусона йўл тутиш инглизлар томонидан ҳам олиб борилғанлыги маълум. Иккиси мустамлакачи давлат манфаатлари тоғ Ҳива, гоҳида Бухоро амирлиги сиёсий чоррахаларидан тұқнаш келған ҳоллар күп бўлган. Акад. В.В.Бартольд, гарчи, «Туркистан рус истилосига қадар илмий тадқиқотлар учун деярли ёпиқ эди», деган бўлса-да, элчи либосидаги ҳарбийлар, туркий тилни, исломни яхши билған жосуслар — сайджелар хонликларда бўлғанларидан уз маъмурларини қизиқтирган маълумотларни тўплаганлар.

Илмий жосуслик хизмати, турган гапки, мазлум этиладиган үлканинг ҳарбий қуввати, нуғуси, табиий бойликлари, иқтисодиёти, маданияти, ҳуллас, ҳамма жаҳбани қамраб олишини тақозо этарди. Шунга кўра, рус муаррихлари кейинчалик эътироф этгандаридек, асосий дикъат қўлёзма манбаларга қаратилади<sup>1</sup>. Қўлёзма манбалар юртни босиб олиш, идора этиш ва бойликларни тасарруф этишда бекиёс омил эканлигини босқинчилар яхши билғанлар.

Хонлар, амирлар бу хилдаги қора ниятлардан ғофил, келған элчиларга мулозамат кўрсатиб, ноёб қўлёзмаларни ҳам тўхфа этганлар. Масалан, 1820 йилда Негри бошлиқ, рус элчиларига Мұхаммад Юсуф Муншийнинг «Муқимхонийлар тарихи» тортиқ қилинади. Бухорода бўлған Н.Хаников жами 166 нодир асарни Санкт-Петербургга ўмариб кетади. Бу китоблар орасида, жумладан, Азиз ибн Мұхаммад Насафийнинг «Ал-Мақсад ал-ақсо» (1411 йил), «Бадойиъ ал-лугат» (1705), «Лугати Навоийя» (1815), «Девони Хоқоний» (XVII аср), «Вақфия» (1815), «Дастур ал-вузаро» (1566), «Тузуки Темур» (1847), «Фатхномайи Сultonий» (1847), «Зичи Улугбек (XVI аср). «Рисола дар илми ҳисоб» (1835), «Дафтари Чингизнома» (XIX аср), «Искандарнома» (1523), «Абушқа» (1560), «Аҳсан ал-қисас» (1850), «Мажмуи дростон» (XVII аср), Ҳусайн Бойқаро девони (1868) қўлёзмалари бўлган. Бу бебаҳо хазина жавоҳирлари ҳозирги пайтда «Хаников йигмаси» номи остида Санкт-Петербургдаги Давлат оммавий кутубхонасида сақланяпти.

1858 йилда элчилар гуруҳида юртимизга келған П.И.Лерх Император Фанлар академиясининг Осиё музейи учун «Худуд ул-олам» (Х аср), «Китоб ал-ансоб» (XII аср), «Тарихи Рашидий» (XVI аср) асарларини олиб кетади. Тилмоч Ю.К. Казбеков ҳам қўлёзмаларни горат қилиши ишидан четда қолмайди. У, Ҳожа Ахрор ва Абдураҳмон Жомий асарларининг асл нусхаларини, Тура Ҳожа Андиконийнинг «Мельроҳ ал-футух», Аваз Мұхаммад Атторнинг «Тарихи Шоҳруҳий», Фаридуддин Атторнинг «Тазкират ал-авлие» сингари асарларини олиб кетади.

Г.А.Арандаренко (Самарқанд вилюяти ҳарбий губернатори) Қарши, Шахрисабз бекиллари мазлум этилган пайтларда 2 та «Шоҳнома», «Ҳафт иқлим», «Захираи Хоразмишоҳий», «Китоб тибб», «Искандар тарихи» сингари қўлёзмаларни кўлга киритади.

Туркистанда узоқ муддат яшаган В.Л.Вяткин, И.А.Кастанье, В.П.Наливкинлар ҳам бутун имкониятни ишга солиб, қўлёзма асарларини жамғарыш пайда бўлғанлар. В.Л.Вяткин йикқан асарлар 190 жилни ташкил этган.

<sup>1</sup> Муфассал маълумот учун қаранг: *П.Равшанов, Р.Ўроқов. «Аждодларимиз қадри». Т., «Шарқ» 1999, 265—282-бетлар.*

Улар орасида «Фатхнома», «Зубдат ул-осор», «Мифтоҳ ал-толибин», «Китоб түхфат ал-насаб», «Низом ут-таворих», «Түхфат ал-Хоний», «Тарихи Муқимхоний», «Темурнома» «Тарихи мулуки Ажам», «Тарихи Роким», «Акбарнома», «Мурод ул-орифин», «Маҳбуб ул-кулуб», «Хамса», «Тазкират уш-шувар» каби илмий-тарихий қиммати бекиёс китоблар асосий күпчиликни ташкил этган.

Граф Н.Я.Ростовцев («Мунтахаб ут-таворих», «Равзат ус-сафо», «Хулосат ул-ахбор», «Матлаъ ус-саъдайн ва мажмаъ ул-баҳрайн», «Зичи Курагоний»), Н.Маллицикий («Зафарнома», «Равзат ул-ахбоб») каби лавозим соҳиблари ҳам Шарқ қўлёзмаларини тўплашга ружу қўйган эдилар. Истило ва ундан кейинги мустамлакачилик йилларида Фрейтаг, Акимушкин, Иванов, Смирнов, Глуховский, Строганов, Костигов, Эрдман, Дорн, Фолькман, Симонич, Долгорукый, Тамаев, Уиллин, Картовов, Гейнц, Позальян, Дьяконов, Тригоров, Голик, Ревель, Кац, Данзас сингари олим-у корчалонлар Туркистондан умарган қўлёзмаларни Санкт-Петербург кутубхоналарига топширадилар. Шубҳасиз, текинга эмас. Биргина Волочинский юртимиздан олиб кетган 24 асарни император кутубхонасига катта мукофот эвазига тақдим этади.

Ачинарли жойи шундаки, Бухоро амирларининг бой ва кўп қамровли кутубхоналари буткул талон-торож этилган. Амир Насрулло давридан бошланган горат амирликнинг вассаллик йилларида авж нуқтага кутарилади. Амир кутубхонаси мундарижасидаги «Муракқаб» (1197 ҳ.), «Мисбах» (991 ҳ.), «Юсуф ва Зулайҳо» (930 ҳ.), «Тузуки Темурий», «Хамса» (986 ҳ.), «Девон» (1111 ҳ.), «Равзат ас-сафо» (1009 ҳ.), «Шоҳнома» (1007 ҳ.), «Ажойиб ал-маҳлукот ва гаройиб ал-мавжудот» (910 ҳ.) каби асарлар Санкт-Петербургда сақланиб турибди.

Маънавий ҳазинамизни талон этиш ва ташиб кетишида генерал-губернатор К.П.Кауфманнинг қўли узун, имконияти чекланмаган эди. Санкт-Петербургдаги Давлат оммавий кутубхонасида «Кауфман йигмаси» номли остида сакланётган 150 жилдан ошиқ қўлёзмалар мундарижаси диққатни тортмай қолмайди. Туркистонни қонга ботирган жаллод, айни вақтда, Шарқ қўлёзмаларининг қимматини яхши тушиниб, уни кутубхонага «тортиқ» қилишни ҳам эсдан чикармаган. Унинг Қўқон, Хива ва Бухоро хонликлари шаҳар-қишлоқларидан, таникли фузало ва арбоблардан турли йўллар билан қўлга киритган асарлари сирасида «Тарихи қипчоқий» (XVIII), «Тазкират уш-шувар» (XVII аср), «Тасаввуф», «Темурнома», «Ҳафт авранг» (XVIII аср), «Кимиёни саодат», «Лубби лубоб», «Латоийф ат-тавоиф», «Маснавии маънавий», «Мажма ал-гаройиб», «Махзан ат-таъарруф» (XIX аср), «Меъроҳ ан-нубувват» (XVII аср), «Риёз ал-восилин» (XIII аср), «Шавоҳид ан-нубувват» (XVII аср), «Кулиёти Жомий», «Кулиёти Хожа» (XV аср), «Кулиёти Соиб» (XIX аср), «Кулиёти Қосим Анвар», «Хамса», «Захират ал-мулк», «Рашоҳати айн ал-ҳайот», «Равзат ал-ахбоб» (XVIII аср), «Равзат ас-сафо» (XV аср) каби ноёб қўлёзмалар мавжуд. 1916 йилда М.Ф.Гаврилов маънавий талончиликни давом этириб, «Зафарномайи Ҳудоёрхоний», «Ҳафт иқлим», «Равзат ус-сафо», «Шайбонийнома», «Субхонкулинома», «Таворих анбийя ва мулук», «Тарихи кабир» асарларини олиб кетган эди.

1834 йилда шарқшунос X.Д.Френ Ўрта Осиёдан излаб топиш мумкин бўлган Шарқ муалифларига мансуб юзта асарнинг хронологик рўйхатини тушиб чиқди.

1868 йили Самарқанд эгаллангач, мусулмон дунёсига машҳур ҳалифа Усмон Қуръони генерал Абрамов томонидан улжа қилиниб, Санкт-Петербургга жўнатилди. Ҳудди шу генерал Абрамов Шаҳрисабз ва Китоб беклиларини эгаллагач, юзга яқин нодир қўлёзмаларни ҳам мусодара қилган эди.

Генерал фон Кауфман топширигига кура шарқшунос А.Л. Кун Хива саройидан 300 қўлёзма, 18 қуръон, 50 дарслик китобларини мусодара қилган. 140 жилди бу нодир қўлёзмалардан 129 таси тарихий асарлар эди. Шарқ шоирларининг 30 жилдли асарлари, 50 жилдли фикҳ илмига доир китоблар Петербургдаги Халқ кутубхонасига юборилди. Кун ва унинг ёрдамчилари Хива хонлари танга зарб этиш учун ишлатган 200 муҳр ва юзлаб тангалар, нодир безак-буюмларни олиб кетдилар. Улар орасида

хивалик усталар қандакорлик санъатининг энг юксак намунаси — Қўнгиrot сулоласи хонлари таҳти бебаҳо ўлжа бўлди. 1874 йили бу Хива хонлари таҳти курол-аслаҳа Палатасига топширилди.

Қулёзма манбаларнинг Санкт-Петербургга муттасил ташиб кетилиши оқибатида XX аср бошларига келиб, қадимий қулёзмаларни топиш амала мумкин бўлмай қолади. 1902 йилда В.В.Бартольд Туркистонга навбатдаги сафарга келганида, тан олиб, «Хозирги вақтда Қўқонда бирон-бир қулёзмалар йигмаси қолган эмас. Ҳатто, Ҳудоёрхон кутубхонасининг 1897 йилда К.Г.Зелеман (Осиё музеи директори — муалл.) шу кутубхона китобдори Саримсоқ хожада кўрган энг охирги нусхалари ҳам йўқолибди», дейишига мажбур бўлган эди.

#### 4. ВИЛОЯТГА АЙЛАНТИРИЛГАН САЛТАНАТ

Россия давлати Бухоро ва Хива хонликларига қарши босқинчилик уруши олиб бораётган йилларда Қўқон хонлиги ўз бошидан чуқур сиёсий ва ижтимоий-иқтисодий бўхронни кечираётган эди. Бу вақтга келиб хонликнинг ҳозирги Қирғизистон, Қозогистон худудларидағи Оқмачит, Туркистон, Сайрам, Чимкент, Авлиёта, Пишпак, Алмати каби вилоятлари, яъни салтанатнинг деярли ярми Россия томонидан босиб олинган эди. Қўқон хонлигининг ҳудуди асосан Фарғона водийсидан иборат бўлиб қолганди.

Қўқон хонлигининг Туркистон, Чимкент, Тошкент ва бошқа шаҳарларини босиб олган чор истилочилари бу худудларни Россия тасарруфига киритиб олдилар ва расмий «қонунлаштириб» ҳам қўйдилар. 1868 йил 13 февраль куни Туркистон генерал-губернаторлиги билан Қўқон хонлиги ўртасида шартнома имзоланди. Бу келишув, ўз моҳияти билан, Қўқон хонлиги учун ниҳоятда оғир, шармандали шартнома эди. Мазкур шартномага кўра, рус савдогарлари Қўқон хонлигидаги барча шаҳарлар ва қишлоқларда истаган карvonсаройга эга бўлиш ва савдо агентликларини тузиш ҳукуқига эга бўлдилар. Қўқон хонлиги савдогарлари эса фақат Туркистон генерал-губернаторлиги ҳудудидаги шаҳар ва қишлоқлардагина, яъни ўз юритидагина шундай имтиёзга эга бўлдилар, холос. Бу ҳол маҳаллий савдогарлар табақаси ўртасида кучли норозилик ўйғотди. Россия ҳукумати тазиёқи остида, Россиянинг манфаатларини кўзлаб тузилган бу шартномадан хонликнинг бутун ҳалқи қониқмади. Ўша пайтда ҳалқ орасида хон ва унинг гумашталаши Қўқон хонлигини чор Россиясига сотмоқчи, деган фикрлар ҳам кенг тарқалган эди.

Россия Қўқон хонлигини бутунлай ўз таркибиغا киритиб олиш учун астойдил харакат бошлаб юборди. Ҳусусан, Қўқон хонлигини жосуслик йўли билан ўрганишни атрофлича қучайтириди. Полковник Шауфус Қўқонга ҳам элчи, ҳам жосус бўлиб тайинланди. У, ўзи тўплаган маълумотлари асосида, Ҳудоёрхон рус мустамлакачилари тарафида эканини, бироқ унга қарши турган иккинчи гуруҳ мавжудлиги ва бу гуруҳ Шерали доддоҳ

билан Абдураҳмон Офтобачи томонидан бошқарилаётганини рус маъмуриятига етказди.

Бу даврда хонлик чегараси анча қисқариб кетган, хазинага тушадиган даромал камайган эди. Хазинани тўлдириш учун эса оғир ва хилма-хил солиқ ва мажбуриятлар жорий этилади.

Бу ўринда рус тарихчиларидан Н. Раевскийнинг эътирофи ни келтириш мақсадга мувофиқдир. У бундай деган: «Ўлкани руслар эгаллагандан кейин аҳолининг аҳволи кундан кунга оғирлашиб борди. Аҳолидан биз кўп нарсани талаб этмоқдамиз. Улардан солиқ йифишида эса ҳаддан зиёд авжга чиқаётимиз. Лекин ҳалқа нима бердик? Тошкентда ва турли комиссияларда чиройли айтилган иборалардан ташқари, ҳалқ хўжалиги учун биз ҳеч нарса қилмадик».

Қўон хони Худоёрхон мустамлакачиларга ўзини яхши кўрсатишга зўр берарди. Шу боис, у рус маъмурларига ўз садоқатини ва ҳар қандай хизматга тайёрлигини изҳор этувчи бир қанча хатлар ёзиб турди. Бу хусусда Худоёрхоннинг 1869 йил 18 апрелда Туркистон генерал-губернаторига йўллаган бир мактуби диққатга лойиқдир. «Сизлар томонга қочиб ўтган сарбоз Турсункулов билан, —деб ёзган эди у, — юборган самимий хатингизни олдим. Сизга нисбатан бўлган дўстлик туфайли мазкур сарбозни кечириб, сарпо кийгиздик ва хурсанд қилдик. Чунки у бегона давлатга эмас, балки Қўон билан бир давлат — Россияга, яъни бир мамлакатга қочган». Худоёрхон ўз вақтида юрти ва ҳалқига хоинлик қилиб, мунофиқлик, пасткашлик, диёнатсизлик билан душман тарафига ўтган кишини афв этанида Россияга нисбатан садоқатини ошкора намоийиш қилмоқчи бўлган, албатта. Унинг «бир давлат» ҳақидаги гаплари русларга тиз буккан давлатининг итоаткор хизматкор булишга ҳозирлик эътирофи эди. Бу каби субутсизлик, таслимчилик руҳидаги хатлари эвазига Худоёрхон вақтинчалик Туркистон генерал-губернаторлиги маъмуриятининг таҳсинига сазовор ҳам бўлган эди.

Муаррих Исҳоқхон Жунайдуллахожа Ибрат Худоёрхоннинг салбий фазилатларини умумлаштириб, «Русиядан хотиржам бўлуб, вақтини ўйинкулки билан ўtkазуб, қуш солмоқ ва кўксабури чопмоқ йўларинда бўлуб, уламо ва фузало



Шоир, тилшунос ва тарихчи Олим Исҳоқхон тўра Ибрат (1862—1937).

насиҳатларига амал қилмай, жабру зулм тарафига ўтуб турганида, раияту халқ [ундан] юз ўғирди»,<sup>1</sup> — деб ёзган эди.

Унинг замондошларининг гувоҳлик беришича, Худоёрхон сўнгги ўн йиллик (1865—1875) ҳукмдорлигида ўз халқини мислиз талади, бу давр ўғрилик ва қотилликга тұла эди.

У Бухородан паноҳ топиб юрган кезларида ўзининг ўтмиш қилмишларидан тавба қилиб, энди салтанатга келсам адолатли иш тутаман деган хаёлға ҳам борганлиги маълум.

«Яна тахтта ўтирасам ҳаммага тенг подшо бўламан, бирини биридан фарқ этмайман» деб парвардигорга шарт ва ваъда қилган экан»,<sup>2</sup> — деб ёзади Муҳаммад Азиз Марғилоний. Худоёрхоннинг айшу-ишратга муккасидан кетиб, халқ, Ватан манфаатини чет эл босқинчиси оёғи остига ташлаганини эса шундай тасвирлайди: «Урусия билан урушмайман. Божи хирож бериб туришни хоҳдайман. Пулни кўпайтирасам бўлар экан. Бошқа томондан келадиган ёв йўқ. Бохузур айшу ишрат қилиб ётаман», деб муқаррар қилибди<sup>3</sup>.

Таниқли муаррих Аҳмад Закий Валидий ўзининг «Худоёрхоннинг сўнгги кунлари» асарида хонни «мислсиз очкӯз, дунёпарам, ўта зулмкор, шафқатсиз, маънавий қашшоқ» шахс сифатида таърифлайди. «Худоёрхон, — деб ёзади у, — кўп бадавлат бўлиб, хотинларни кўпайтиришга ҳирс қўйган. Кайфу сафони, роҳатни ва тинчликни яхши кўрган. Халқнинг фойдасига иш юритмаган... Мамлакатнинг турли томонларида бир нечта боғларида гуллар орасида кайфу сафо қилиб ётган: бедана, каклик ва ҳуроз уришириш билан шугулланган. Масҳарабозлар ва ҳофизлар ҳамда маъносиз ўйинлар билан умр ўтказган.

Молу дунёга ҳаддан зиёда ҳирс қўйган ва ҳазинасини бойитиш учун кўп солиқлар солган. Худоёрхоннинг мана шундай ишлари ва разил ахлоқи халқ, беклар, сипоҳийлар, бойлар ва уламоларнинг норозилигини келтириб чиқарган»<sup>4</sup>.<sup>1</sup>

Худоёрхоннинг мажбурий йўллар билан солиқ тўплаб, катта бойлик ортиргани, ҳатто, ўлкани истило қилган рус мустамлакачиларининг асарларида ҳам ўз аксини топган: «Солиқقا тортиладиган молларнинг турлари жуда кўп бўлиб, улар имкони борича барча нарсалардан олиниб, халқ том маънода шилинганди. Ҳатто камбағаллар келтириб сотадиган қамиш шюшибба, янтоқ ва шунга ўшаш нарсалардан ҳам солиқ ундирилган. Кейинги вақтларда тоғлардан ариқлар орқали оқиб ке-

<sup>1</sup> Ибрат. Фарғона тарихи. Т.: «Мерос», 1991, 310-бет.

<sup>2</sup> Марғилоний Муҳаммад Азиз. Тарихи Азизий (Фарғона чор мустамлакаси даврида). Нашрға тайёрлончилар: Шодмон Воҳидов, Дилором Сангирова. Т.: «Маънавият», 1999, 104-бет.

<sup>3</sup> Уша жойда.

<sup>4</sup> Зиёев Ҳамид. Курсатилган асар. 133-бет. Худоёрхоннинг ижобий томонлари ва бунёдкорлик ишлари ҳам бўлганини ўзбек олимлари Р. Набиев (Из истории Кокандского ханства. Т., 1972) ва Ш. Юсупов (Хуфия қатламлар. Т., 1999) курсатишганини эслатиб ўтамиз. — Муаллифлар.

ладиган сувга ҳам солиқ солинган. Фақат нафас олинаётган ҳаводан солиқ олинмаган, холос. Бу ҳол хонга қарши норозиликнинг асосий омилларидан бири бўлган эди<sup>1</sup>. Оқибатда мамлакатда галаёнлар бошланди. Галаёнлар қай тариқа бошлангани хусусида муаррихлардан мулло Мирзо Олим Тошкандин асарила маълумот бор. «Абдураҳмон Офтобачини қўшуб, кўп аскар бирла буюрди. Булар бориб урушуб қирғизларни қочурдилар. Қирғизлар паришон бўлуб кетдилар. Бир неча бийлар, чунончи, Умарбек, Абдураҳмон шайтон, Қорақушбий ва Сулаймон ўғри ва бир неча қирғиз бийлар бирла қўлга тушти, кўп обрў бирла келиб хонни куруб, мулоқот қилиб, дуо айладилар. Филжумла, хотиржам бўлдилар. Эрса Мусулмонқул деган қирғиз қипчоқ урушдан қочуб, бир неча қирғизлар маслаҳат айлаб хонзода топмоқ учун Бухоро тарафига бориб, Пўлатхон валади Муродхонни олдига бориб васваса қилиб экан. Урганжга, Мұхаммад Алихон ўғли Музаффархоннинг олдига бориб, неча кун туруб васваса қилдиким, хон қилиб, ота тахтига ўлтурмоққа фотиҳа ўқубмиз, сизга буюрдилар, ҳамма ҳалойиқ сизга мунтазир турубдирлар, дебди. Музаффархон айтдиким: «Сизга қирғиз ҳалқини эътиборларинг йўқ турур. Қаландархон акамни ҳам олиб бориб, Мурғзор қишлоқда ўлдуруб қўйдинглар. Алҳамдулulloҳ ёвҳат баҳузур» деб қабул қилмади. Мусулмонқул ноилож қайтиб, Тошкентга келди, эрса Мұхсинбойнинг ўғли мулло Абдулмўминнинг ҳовлисиға кўнуб эрди. Анда бир мулла Исҳоқ деган қирғиз бала Мазанг деган мавзеъда носфурушлик қилур экан. Азбаройи нос олмоққа келган экан. Абдулмўмин мазкур айтдиким; «Эй аҳмоқ қирғиз, шул қирғиз балани Пўладхон деб олиб боргил. Иш саранжом топганда, бир хон топилур», деди эрса маъқул бўлуб, ўшал қирғиз балани олиб Облик устидин ошиб Чуст устиға келиб, қўшунға қўшулди. Қирғизлар ҳурсанд бўлуб, шодиёна қўйдилар, оқ қифизга солиб хон қўтардилар<sup>2</sup>.

Тарихчининг сўзларига қараганда, мулло Исҳоқ мулло Ҳасан ўғлини Қўқон хони Олимхоннинг набираси деб Чустда хон кўтарди.

Мулло Исҳоқ Марғилон шаҳрига яқин Уҳна деган қишлоқда истиқомат қилувчи Бўстон қабиласига мансуб оиласда туғилган ва отаси Марғилондаги Оқмадрасала мударрислик қилган. Мулло Исҳоқ дастлабки маълумотни Тунқотар мадрасасида, сунгра отаси ҳузурида олган. 1867 йили ўқишини ташлаб Фарғоналаги Сўхга келади ва бу ердаги қўчманчи қирғизлар орасида икки йил яшаб, сунг Уҳнадаги масжидда, кейин эса Андижондаги масжидларнинг бирида имомлик қиласди. Айни пайтда савдогарлик билан ҳам шугулланади.

<sup>1</sup> Ўша асар, 334-бет.

<sup>2</sup> Мирзо Олим Мушироф. Қўқон хонлиги тарихи (Ансаб ус-салотин ва тавориҳ ул-ҳавоқин). Т.: 1995, 80—81-бетлар.

Мулло Исҳоқ хонликнинг нуфузли кишиларидан бири, курамалик Абдулмўмин доддоҳ билан дўстлашиб, иккалари Тошкентга келадилар. Хонликнинг сиёсий курашларида фаол қатнашган ва кўпни кўрган Абдулмўмин кўп воқеаларни унга гапириб бериб, мулло Исҳоқнинг сиёсий онги ўсишида муҳим аҳамият тутган. Сохта Пўлатхон бўлиш таклифини у шу ерда қабул қиласди.

Чин Пўлатхоннинг тақдирни эса бундай бўлган эди: 1810 йили Қўқон хони Олимхон ўлдирилгандан кейин унинг хотини Оталиқхон исмли ўғли билан Қоратегинга қочади. Қоратегин ҳокими Шо ўз қизини Оталиқхонга никоҳлаб беради ва уларни Бухоро амирига хизмат қилиш учун Самарқандга жўнатади.

Бир қанча вақтдан кейин Оталиқхон ота таҳтини қўлга киритиш мақсадида Қўқонга жўнайди. Аммо у йўлда ўлдирилади. Унинг хотини, ўғли Пўлатбек ва қизи (Пўлатбекнинг опаси) қийин аҳволга тушиб қоладилар. Оналари вафот этгандан кейин Бухоро амирининг маслаҳати билан Пўлатбекнинг опаси Хожа Аҳрор масжиди мутаваллисининг ўғлига турмушга чиқади. Пўлатбек шу масжидда истиқомат қиласди.

Генерал Абрамовнинг сўзига қараганда, Пўлатбекнинг кўзи филай бўлиб, ўзи 35 ёшлардаги кишига ўхшар эди. Ташқи кўринишидан унинг гарифона ҳаёт кечириши сезилиб турар, аммо фикри жуда ҳам теран бўлган<sup>1</sup>.

Худоёрхоннинг Самарқандда истиқомат қилиб турган жияни Носирхон 1876 йил январь ойининг бошларида тасодифан Пўлатбекни кўриб, таниб қолади ва Зарафшон бўлимининг бошлиғи генерал А. Абрамовга бу ҳақда хабар беради. Шундан кейингина русларга Қўқондаги Пўлатхоннинг сохта эканлиги аён бўлади. Аммо рус қўмондонлиги ҳам буни сир тутади. Чунки улар шунча вақт алданиб юргаңликларининг ошкора бўлишини истамас эдилар<sup>2</sup>.

Собиқ ҳукмдор Олимхоннинг невараси сифатида сиёсий курашга отланган мулло Исҳоқ Пўлатбек, халқнинг Худоёрхон зулми ва Россияга қаршилигини яхши англаб Наманганд туманинг шимолий қисмидаги, яъни Косон ва Нанай оралигидаги Кутлуг Сайд қабиласининг ёрдами билан атрофига 500 кишини тўплашга муваффақ бўлади. Шу тариқа Пўлатбек бошлиғидаги қўзғолон бошланиб кетади. Бу вақтгача ҳам Мамур Мерган ўғли бошлиғидаги Андижон туманида ва Маъмун Шоумурзоқ ўғли раҳбарлигига Чотқолда қўзғолон кўтарилган эди. Аммо улар хон аскарлари томонидан бостирилди. Пўлатбек бошлиғидаги халқ ҳаракати ўша қўзғолонларнинг бевосита давоми бўлди.

Пўлатхон ўз атрофига қирғиз-қипчоқлардан аскар тўплайди.

<sup>1</sup> Бобобеков Ҳ. Пўлатхон қўзғолони. Т., 1996, 9-бет.

<sup>2</sup> Ўша асар, 9-бет.

Худоёрхоннинг бообрў амалдорларидан Исо Авлиё, Абдураҳмон Офтобачи кабилар, ҳатто хоннинг иниси, Марғилон ҳокими Султон Муродбек, ўғиллари Насридинбек (Андижон ҳокими), Мұҳаммад Аминбек, шунингдек мусулмон руҳонийлари ҳам уша сохта Пўлатхон томонига ўтиб кетадилар. Худоёрхон сохта Пўлатхонга қарши қўшин юборишга мажбур бўлади. Ҳар икки тараф қўшинлари ўртасида жанг бўлади. Унда қирғиз-қипчоқлар мағлуб бўладилар ва Пўлатхон билан қочадилар<sup>1</sup>. Орадан маълум вақт ўтгач, қирғизлар Косонга келиб, қипчоқлар билан учрашиб, биргаликда кураш олиб боришга келишадилар.

Муаррихнинг ёзишича, «Худоёрхон воқиф бўлуб, Абдураҳмон Офтобачини ва мулла Исо Авлиёни бош қилиб, тамоман калоншавандаларни фармонлади, эрса, жамоат булиб, дарёдан ўтиб, Наманганга доҳил бўлдилар. Наманган Ўрмонбекга номзод бўлуб эрди. Мулла Турдиқули ботурбоши, Умарали хожамирзабоши эрди. Бир-икки кун туруб, қўшунни орқасини еткуриб, жамоат бўлуб отланиб, лашкар тортиб, фавж-фавж, тўп-тўп, байдоқ-байдоқ, алам-алам бўлуб Косон устига бостилар. Шукуҳ бирла бориб муқобил бўлуб саф торттилар эрса, қипчоқ халқи урушқа анча рағбатлари йўқ эрди, чароким кечаси хат ва одам келиб, қипчоқ катталариға сўзлашиб экан. Назирқул ботурбоши Шахрихон аскари бирла «Оллоҳу Акбар», деб от қўйди. Ўнг тарафдин Кийикбой ботурбоши қипчоқ, Маҳрам тўпи от қўйди. Маҳрамлар отиб, чопиб, ўлдуруб, заҳмдор қилиб, ёвни қочирдилар. Беҳад ва беадад банди тушти»<sup>2</sup>.

Бу жанглардан кейин Пўлатхон бир гуруҳ кишилари билан Чотқол тоғларига қочади. Кўп ўтмай у Лайлак қишлоғида пайдо бўлади ва куч тўплайди. 1875 йили Пўлатхон Ўзгандаги қўзғолонга бошчилик қиласи. Хонликка катта хавф солган бу қўзғолонни даф этиш учун Худоёрхон Исо Авлиё, Абдураҳмон Офтобачи ва Саримсоқ эшик оғаси бошчилигига 4 минг кишилик аскар юборади. Аммо бу қўшин 1875 йил 17 июлда қўзғолончилар томонига ўтиб кетади. Яна бунинг устига Андижон ҳокими Насридинбек ҳам 18 июлда беш минг кишилик қўшини билан Пўлатхон бошлиқ қўзғолончилар сафига қўшилади. Бундан олдин Худоёрхоннинг укаси Султон Муродбек ҳам шундай иш тутган эди. Хонликнинг асосий ҳарбий қисмлари ва лашкарбошиларнинг қўзғолончилар тарафига ўтиб кетиши Худоёрхоннинг кейинги тақдирини ҳал этган мұхим сабаблардан бири бўлган эди.

Бу орада Ўш, Наманган, Андижон, Асака шаҳарлари қўзғолончилар томонидан ишғол этилади. Улар Марғилонни ҳам эгаллаб, Олтиариқقا яқинлашадилар. Қўзғолоннинг бу тарзда

<sup>1</sup> Уша асар, 10-бет.

<sup>2</sup> Мирзо Олим Мушириф. Кўрсатилган асар, 80—81-бетлар.

ривожланиши унинг моҳиятан русларга қарши қаратилғанлиги-ни кўрсатиб турарди. Шу боис, Россия ҳукумати саросимага тушиб, полковник М.Д.Скобелевни қўзғолонни бостириш учун Туркистон ўлкасига юборади. Худоёрхон эса ўз салтанатини сақлаб қолиш учун фон Кауфманга ёрдам сўраб мурожаат қиласди.

Шу тариқа Худоёрхон узил-кесил ўзини ҳам, бутун хонликни ҳам Россия иҳтиёрига топшириб қўяди.

1875 йил 20 июлда у Туркистон генерал-губернатори фон Кауфманга хат ёзди: «... Бу қийин ва машъум вақтда мен содиқ ва ишончли деб билган одамлар, жумладан, Мулла Исо Авлиё, Абдураҳмон Парвоначи ва Ҳақназар Парвоначилар ўз қўшинлари билан менинг душманларим бўлмиш қирғиз қўзғолончилари томонга ўтиб кетдилар ва улар билан бирлашиб, менга қарши уруш олиб бордилар. Мен Сиз саодати олийларидан кўпгина дўстона мойиллик кутдим. Шундай бўлгач, бу гал ҳам сиз мени ҳақиқий амалий ёрдамсиз қолдирмайсиз ва қўллаб-куватлагайсиз, деб умид қиласман. Ўзимни ва Кўқон хонлигини қудратли император ҳазрати олийлари ҳимоясига топшираман ва Сизга қўзғолончиларнинг нияти амалга ошмасдан Кўқон шаҳрига артиллерияни, рус қўшинларини имкони борича тезлик билан юборишга буйруқ беришингизни дўстона иззат-икром, илтимос билан мурожаат қиласман Сиз менинг илтимосимни бажариш учун лутф айлагайсиз, деб умидворман<sup>1</sup>.

Аммо Худоёрхон Россиядан мадад кутиб фоятда катта хатога йўл қўиди. Чунки бу вақтда чор Россияси Ўрта Осиёдаги учала хонликнинг ҳаммасини босиб олиш, ўз ҳудудига қўшиб олиш ҳаракатида эди. Бироқ рус ҳукмдорлари, ўзларининг бу ёвуз ниятларини устамонлик билан яшириб сиёсий ўйин қилишиди.

Россия Худоёрхон билан сиёсий дипломатик ўйин олиб бориб, унга нисбатан маккорлик қиласди. Генерал фон Кауфманга келган мактубларда гўёки чор Россияси Кўқон хонлигига хайриҳоҳ ва салтанат Худоёрхон қўлида сақланиб қолишидан манфаатдорлиги қайд этилган. Қалбаки маълумотлар шахсан Худоёрхонга етказиб турилган. 1868 йил 29 январда Тошкентдан Кўқонга келган ўшандай мактублардан бирида шундай дейилган: «Улуғ рус подшоҳи бизга чегарадош давлатларда хонлар билан фуқаролар ўртасида нифоқлар чиқишига ҳеч қаҷон йўл қўймайди»<sup>2</sup>.

Петербургдан Тошкентга мунтазам равишида юбориб туриладиган маҳфий йўл-йўриқлар табиати бошқача эди. 1874 йил 31 май куни фон Кауфман Худоёрхонга ёзган мактубида: «Агар ўз фуқароларингизни бошқариш усусларини ўзgartирмас экансиз, у ҳолда тақдирингиз ёмон тугашини олдиндан айтиб қўймоқ-

<sup>1</sup> Бобобеков Ҳ. Кўқон тарихи. Т., «Фан», 1996, 70-бет.

<sup>2</sup> Юсупов Шариф. Худоёрхон ва Фурқат. Т.: «Шарқ», 1995, 10-бст.

чиман», дея таҳдид қиласи. Ўша йилнинг 13 сентябрида император имзоси билан Туркистон генерал-губернаторига йўлланган расмий қулланмада эса, Қўқон хонлигига ички бошбошдоқлик ва ғалаёнлар бошланиб кетганидан фойдаланиб: «Хон таҳтдан батамом қулатилган тақдирда қўли баланд келган гуруҳ билан дуруст муносабатни ўрнатиши» энг долзарб вазифалардан бири эканлиги таъкидланган<sup>1</sup>.

Худоёрхон пойтахтни тарк этишни 22 июлга белгилайди, тайёргарлик кўради, хазинаси, кўп сонли оиласи ва бошқаларни йиғишириш билан машгул бўлади. Бу тайёргарлик ва пойтахтни тарк этишдан аҳоли ва қўзголончилар бехабар бўлишлари лозимлигини М. Д. Скобелев ва А. А. Вейнбергга маълум қиласи<sup>2</sup>.

20 июль куни Қўқон шаҳрида турган хон қўшинидан 4 минг пиёда аскар Худоёрхоннинг иккинчи ўғли Муҳаммад Аминбек бошчилигига қўзголончилар билан бирлашиш учун пойтахтни тарк этали. Шу куни Абдураҳмон Офтобачи қўшинининг илгор қисми Қўқон шаҳридан 3 тош наридаги Қоровултепа мавзеига етиб келган эди. 22 июль куни эрталаб пиёдалар, сарбозлар ва артиллериядан иборат хон қўшинлари пойтахтни қўзголончилардан ҳимоя қилиш баҳонасида шаҳарнинг ташқарисига юборилади.

Хон қўшини шаҳар кўчаларининг ўртасидан ўтаётганида шаҳарликларнинг ўзлари турли қуроллар: сўйиллар, тошларни кўлларида олиб, уларни кузатиб туар эди. Хон ўрдасининг олдидаги майдонда қўшин ва халқ тўпланиб, силжишга ҳам имконият йўқ эди. Рус элчиларининг майдонга чиқсанларидан ярим соат ўтгач Худоёрхон, Отабек ноиб, Мирза Ҳаким парвоначи, мулла Маъруф ва бошқалар ҳам келишади. Худоёрхоннинг кўриниши хавотирсиз эди. У чорак соат ўрда дарвозаси олдилда туриб, сўнгги буйругини бериб, кейин рус элчиларига қўли билан «олдинга қараб юринглар» деган ишора қиласи. Лекин Худоёрхон Маҳрам йулига чиқадиган Катта Фозиёлик дарвозаси томонга боришдан кўрқади, чунки омма хоннинг қочаётганини сезиб қолиб, тўсқинлик қилиши мумкин эди. Шунинг учун у Мўймуборак дарвозаси томон йўл олади. Хон исёнчилардан шаҳарни ҳимоя қилиш учун кетмоқда, деб ўйловчилар ҳам бор эди. А.А. Вейнберг, М.Д. Скобелев ва уларнинг ҳамроҳлари Ўрмон остидаги бутазор Говхона олдилда тұхташади. Қўқон хонининг қолган қўшини 4000 пиёда, 2000 сарбозлардан ва 68 та турли хил тўплардан иборат эди<sup>3</sup>. Улар чамаси бир ярим соатча ўша ерда турганларидан кейин Мирза Ҳаким келиб, хоннинг Бешариқ томон йўл олганини айтади. Рус элчилари ҳам хавотирга тушиб, араваларни ҳозирлаша

<sup>1</sup> Юсупов Шариф. Ўша асар, 10—11-бетлар.

<sup>2</sup> Бобобеков Ҳ. Қўқон тарихи, 71—72-бетлар.

<sup>3</sup> Бобобеков Ҳ. Қўқон тарихи, 74-бет.

бошлайдилар. Шу пайт хоннинг 100 қадам нарида турган сарбозлари тўпланишиб, нималарнидири маслаҳатлашади-да, туғ ва байроқларини йиртиб, сўнг отланишиб шаҳар томон кетишади. Замбаракчилар тўпларини ташлаб, уларнинг қилган ишларидан ўрнак оладилар, пиёда аскарлар эса боғлар томон тарқалиб, қочиб кетишади. Афтидан, уларга Худоёрхоннинг қочиши ҳақидаги нияти маълум бўлиб қолган.

А.А.Вейнберг, М.Д.Скобелев ва бошқалар Худоёрхоннинг олдига боришади. У шу пайтда бир катта дараҳтнинг тагида қизил туғ остида исёнчилардан ӯзини ҳимоя қилиб, отишма қилиб турган эди. Рус элчилари, Худоёрхон билан биргаликда отишмалар қилиб Ҳўжанд томон қоча бошлайдилар. Кўзголончилар уларни таъқиб қилиб борадилар...<sup>1</sup> Тўқнашувлар бўлиб, унда хон аскарларидан 8 киши ўлиб, 9 киши ярадор бўлади, рус элчихонаси дагилардан 2 киши ўлиб, биттаси йўқолади. Хон архиви ҳам шу ерда йўқолади. Кўзголончилар хонга тегишли 30 аравани қўлга туширадилар.

Худоёрхон Ҳўжандга келиб, бу ерда 10 кун истиқомат қиласди. 1875 йил августда уни Туркистон генерал-губернатори Тошкентга чақиртиради. Бу ҳақда «Туркестанские ведомости»нинг 1875 йил 5 августдаги 31-сонида шундай ёзилган: «31 июля

Мулла Абдулкарим бошлиқ Кўқон элчилари Тошкентга келишиди. Улар Худоёрхонга қарши газабнок бўлган қипчоқлар гуруҳи томонидан Кўқонда сайланган янги хондан мактуб олиб келишганди. Янги хон Худоёрнинг катта ўғли Насриддинбек бўлиб, отаси даврида Андижон беклигини бошқарган. Насриддин 28 июля хон қилиб сайланган ва ўша заҳотиёқ бу ҳақда генерал-губернаторга мактуб билан маълум қилган... Собиқ Кўқон хонига Ҳўжанддан Тошкентга кўчиб келиш таклиф этилди»<sup>2</sup>.

Худоёрхон 70 кишилик аҳли аёли, 500 га яқин ҳамроҳлари, 40 арава хазина билан Тошкентга Туркистон генерал-губернатори фон Кауфман хузурига паноҳ излаб келади.



Фарғона салтанатининг сўнгти хукмдори Худоёрхон.

<sup>1</sup> Бобобеков Ҳайдарбек. Пўлатхон қўзголони, 12-бет.

<sup>2</sup> Юсупов Шариф. Худоёрхон ва Фурқат, 12-бет.

Кауфман 40 аравадаги бойликни мусодара қилиб, Худоёрхоннинг ўзини Оренбургга сургун қилади. Мирза Олим Тошкандий ёзади: «Махфий ва мастур қолмағайким, 1292 сана — бир икки юз тўқсон икки тарихинда фирқаи Русия хуруж айлаб Фаргона мамлакатларини таҳти тасарруфига олди. Худоёрхон саодатнишинни аҳли авлоди бирлан асир айлаб, ўн бир одами бирлан Ўрунбурун вилоятига юбориб, анда сақлади». Кейинчалик хон Оренбург тутқунлигидан қочиб, Маккаи Мукаррамага ҳажамалларини адо этгани боради.

Шу тарзда Худоёрхоннинг тақдири, зулмга ружу қўйиши, ўйловсизлиги ва она-юрт тақдирига бефарқ қараганлиги туфайли, аянчли якун топади.

Худоёрхон Қўқондан чиқиб кетишдан олдиноқ юқори табақа вакиллари томонидан Насриддинбек Қўқон таҳтига хон этиб ўтказилди. Бунда Абдураҳмон Офтобачи бошчилигидаги гуруҳнинг хизмати катта бўлди.

«Тарихи Фаргона» китобида шундай ёзилган: «Марғилонда Султон Муродбекни Ҳўқандга хон қилмоқчи бўлиб аҳду паймон қилиб турганда Насриддинхонни боруб Офтобачига эллик минг тиллага шарт қилиб, Насриддинхонни хон қилмоқ муддаосида бўлуб, зоҳири ғазот, ботини фасод Насриддинхонни Ҳўқандга ўрдуга ўтказуб, хон қилиб қўйди». Шу тариқа Абдураҳмон Офтобачи бошчилигидаги гуруҳ таҳтга Насриддинбекни ўтказишга муваффақ бўлдилар. Мирза Олим Тошкандий ҳам Насриддинбек Абдураҳмон Офтобачи ёрдамида хон этиб сайланганини айтади. Янги хон эса Туркистон генерал-губернаторлиги билан гўё яхши алоқаларни ўрнатиш мақсадида фон Кауфман номига мактуб йўллаган. Унда ўзининг таҳтга ўтирганлигини маълум қилади ва дўстона алоқада бўлиш истагини изҳор этади. Муҳими, у амалда Россия ҳукуматининг босқинига қарши куч тўплашга киришади. Шу мақсадда Насриддинбек Бухоро амирига ҳам мактуб билан мурожаат қилади. Унда хусусан шундай дейилган: «Отам ўрнига таҳтга ўтирган мен сизга маълум қиласманки, ҳозирда дин ҳимояси учун курашга отланган шаҳар ва дашт аҳолиси катта куч-ғайрат билан бош кўтарди. Она-Ватанга муҳаббат ва содиқлик ҳамда дин учун кураш шунча кўп одамларни бир жойга жамладики, сон-саноғи Худодан бошқа ҳеч кимга маълум эмас. Мени Андижондан келтириб, кофириларга қарши курашишни зиммамга юкладилар. Биз таҳтга эга бўлдик, шаҳар ва дашт аҳолиси бизни хонлик либоси билан зийнатлади. Ҳозирда кофирилар ўтадиган ҳар бир йўлга ҳарбий қисмлар юбордик. Шахсан менинг ўзим ҳам кофириларга қарши курашиш мақсадида беҳисоб қўшин билан йўлга чиқдим.

Олий ҳазрат! Сизни отам ўрнида ва исломнинг йирик ҳукмдорларидан бири сифатида кўриб, ўзимизнинг ишларимиз ва эзгу мақсадларимизни изҳор этмоқдаман!»<sup>1</sup>.

<sup>1</sup> Зиёев Ҳамид. Кўрсатилган асар, 339-бет.

Мазкур мактубни Сайдалихожа Абдусаттор Маҳзум ўғли амирга топширади. Ўз навбатида ўша Абдураҳмон Офтобачи ва Исо Авлиёлар ҳам Бухоро амирига хатлар йўллаб, ундан Туркестон генерал-губернаторига қарши уруш олиб бориша ёрдам беришни сўрашган эди. Юқоридаги мазмундаги мурожаат ва хатлар Тошкентдаги нуфузли кишиларга, жумладан, Сайдазимбойга ҳам жўнатилган эди.

Мактубларда руслар Ҳужанд, Тошкент, Ўратепа, Самарқанд ва бошқа жойларни зўравонлик билан босиб олганликлари, дини исломга тажовуз қилинаётгани, шу боис барча мусулмон аҳли уларга қарши урушни муқаддас бурч билиб қўзғолонга тайёр эканлиги маълум қилинган эди.

Собиқ хон Худоёрхоннинг Оқ подшога сажда қила-қила, охири, расво бўлиб, юртни тарқ этгани ҳам зикр этилганди. «Шундан кейин, — дейилганди мурожаатда, — барча руҳонийлар ва хизматчиларнинг вакиллари, ҳамма катта-кичик одамлар бир ёқадан бош чиқариб, келишмовчиликларни бартараф этиб, хоннинг катта ўғли Сайд Муҳаммад Насриддинни тахтга ўтқаздилар. Давлатимиздан 3 лак, яъни 300.000 киши чиқади ва бу билан биз катта кучга эгамиз. Биз катта-кичик ҳаммамиз ҳамда ҳар бир киши алоҳида курашишни муқаддас бурч, деб билиб, бир киши қолгунга қадар жанг қиласиз ва Худонинг марҳамати илига ғалабага ишонамиз.

Агарда ҳозир сизлар бу хатни олганингиздан кейин мусулмон динини ҳимояси учун муқаддас урушни хоҳласангизлар, у вақтда бир жойга тупланиб урушга тайёр туринглар<sup>1</sup>.

Аммо Бухоро амири ҳам ўша мактубларни Туркестон генерал-губернатори фон Кауфманга икки қўллаб топшириб, ўзларининг Оқ подшо ҳукуматига содиқлигини намойиш этдилар.

Шундай қилиб, озодлик курашчиларининг ташқаридан ёрдам олишига қилган умид ва саъй-ҳаракатлари пучга чиқди.

Насриддинбекнинг 1875 йил 28 июлда Туркестон генерал-губернаторига ёзган хатига К.П. Кауфман томонидан 4 августда бундай жавоб хати юборилди: «Ражаб ойининг 8-куни ёзган хатингизда ҳалқингиз уламою фузало Сизни Қўқон тахтига сайлангани ҳақида хабар берисиз. Сизга маълумдирки, дадангиз билан узоқ йиллар давомида дўст булишимга қарамай, мен ҳеч қачон унинг хатти-ҳаракатини маъқуллаган эмасдим. Ҳозир мен Сизнинг хонлигингизни тан олишим мумкин, аммо Сиз қўйидаги шартларимни бажарсангиз, биринчидан, Худоёрхон билан мен 1868 йили имзолаган битимни тан олишингиз; бу барча ҳукуматлар орасида одатдир, шунингдек, охирги воқеалар туфайли узилган савдогарларимизнинг кредитларини тўла-тўқис тиклайсиз; иккинчидан, Худоёрхонга қарши кутарилган

<sup>1</sup> Зиёев Ҳамид. Кўрсатилган асар, 340-бет.

құзғолонлар томонидан бизнинг элчиларимизнинг тортиб олинган мулкларини қидириб, қайтарасиз. Чунки Говхона мавзейдан кетиласттанды хон бизнинг зобитларимиздан уч чақирим олдинда эди. Шунинг учун исенчиларнинг тұларидан отылған үқлар русларға қарши қаратылған эди. Башарти, бу мулкни қидириб топа олмасанғиз, сиз талон-торож этилған буюм ва нарсалар үрніга пул тұлашингиз лозим, пулнинг миқдорини кейин айтаман, чунки ҳозирғи барча йүқолған мулкнинг миқдори аниқланған әмас; учинчидан, бизнинг элчиларимиз ихтиёридаги иккі ҳалок бұлған йигитларимиз хуни учун төвөн тұлашингизни талаб қыламан; тұртнчидан, Сиз отанғиз Худоёрхон учун нафақа тұлашингиз лозим, пул миқдорини мен кейин хабар бераман. Мен авваллари ҳам Сизга моил эканлигимни исботлаган әдим ва Сиз бунга шубҳаланишингиз мумкин әмас; шунинг учун ҳам хонликка Сиз сайланғанингиздан мен хурсандман, аммо менинг талабларим қатый ве уларни аниқ бажаришингиз шарт, фақат шундагина, Сиздан расман розилик олғанимдан сұнг, олампанох император номидан Сизни хон деб тан олишим мүмкін. Шунинг учун Сиздан тез фурсадта жавоб юборишиңизни сұрайман»<sup>1</sup>.

Кескин талабдан иборат хатта Күқон хони Насриддинхондан жавоб хатини күтиб үтирмасдан, генерал-губернатор К.П. Кауфман Россия қарбий вазирига 1875 йил 6 августда хабар беріб, ундаң агар Күқон хукумати Россия билан дүстлик алоқаларини үрната олмаса, хонликни босиб олиб империя таркибиға құшиб олишликка рұхсат сұрайды.

Хонликдаги борган сари кучайиб бораётған халқ ҳаракатла-ри ва хоннинг мамлакатни ташлаб қочиши, подшо Россияси учун бу мамлакатни босиб олишда қурай имконият яратди. Бу вазиятни құлдан бермаслик учун Еттисувда турған Кауфман зудлик билан Тошкентта қайтиб келади ва хонликни босиб олишга киришади.

Миллий-озодлик курашчилари, бириңчи навбатда, Қурама тұманини истилочилардан озод қилишга уриндиштар. 1875 йил 6 августда 2 минг қоролланған ватан ҳимоячилари Тошкент томон юриш бошлайдилар. Улардан 1000 нафари Оқангарон дарёсидеги Облиқ қышлоғига, 500 таси Бұкага, қолған 500 нафари Қароқчига келади. Бундан ташқари, қоролланған катта-кичик отрядлар Оқча қышлоғини егаллаб, Паркентта үтишга ҳаракат қылдилар. Құшработнинг юқорисида эса қоролланған навкарлар жаңгга кириш учун шай бўлиб туришди.

7 август куни кеч соат 5 да Головачёвга кундузи соат 3 да Облиққа 1000 кишилик ва 2 тұп билан Күқондан отряд келған-лиги ҳақида хабар беришади. Қышлоқ оқсоқоли Головачёвга Күқонликларнинг сони тахминан 10 мингга яқин деб айтади.

<sup>1</sup> Бобобеков Ҳайдарбек. Пұлатхон құзғолони, 15-бет.

Генерал эндилиқда вазият мураккаб тус олганини пайқаб, зудлик билан бош құмандон фон Кауфманга операцияға кенг миқёсда ёndoшиш зарурлигини үқтириди. Генерал-губернатор фон Кауфман унинг фикрини қувватлаб, Петербургга шошилинч хабар йүллайди. Бу хабарда Туркистон ҳарбий округи қүшинлари құмандони Россия империяси ҳукумати ҳарбий вазиридан Құқон хонлигига қарши чинакамига уруш очишига туғри келаётганини билдириб, бу урушни моддий ва сиёсий жиҳатдан таъминлашни сұради.

Император Александр II вазир ахборотини күриб, бу урушға розилигини билдиради ва 100 000 рублни ана шу талбирға ажратади.

Шундай қилиб 1875 йил 9 августта Кауфманнинг бүйруги билан уруш бошланиб кетди. Биринчи ҳарбий тұқнашув Үргози дарасида іуз беради. Бу ерда турган 800 құзғолончига қарши полковник Егаштин яхши қуролланған 100 аскари билан ҳужум қиласы.

1875 йил 13 августта К.П. Кауфман құқонликларға қатый ультиматум рұхидаги мурожаатнома юборди. «Сизларнинг бошлиқтарингиздан бири, — дейилади үша мурожаатномада,— русларға қарши уруш бошлади. Бу урушдан нима чиқишини биласызлар. Аслида, мен сизларни жазолашим керак. Лекин, агарда сиз құқонликлар қипчоқ ва қирғиз халқынинг душмани бўлмиш бузгунчи Офтобачини тутиб менга топширсаларинг гуноҳларингдан ўтаман. Фақат шундагина мен сизларга тұла «омонлиқ» әйлон қиласман!»<sup>1</sup>.

Құқонликлар Саримович құмандонлигидаги рус отряди билан 14 август куни 9 соат давомида жанг қиласылар. Бу оғир кечган жангда құзғолончилар мағлубиятта учрадыллар.

Фон Кауфман 1875 йил 13 августта Тошкентдан чиқиб 18 август куни Хұжандга етиб боради. Бундан аввал полковник Ефимович бошчилигига 200 казак артиллерия дивизиони билін Самарқанддан Хұжандга етиб келган эди. Туркистон генерал-губернаторлигига қарашиб ҳарбий кучлар Құқонға ҳужум қилиш учун Хұжандда тұпландади. Хұжандда 16 рота пиёда аскар, шу жумладан, битта сапёр ротаси, 20 тұп, 900 отлиқ аскар ва 8 ракета мосламаси жангга шай бўлиб турарди.

Құшин шахсан фон Кауфманнинг умумий құмандонлиги остида 1875 йил 20 август куни Хұжанддан Құқон йұлы бўйлаб юриш бошлади. 40 чақирим йул босилгач, Махрам қалъаси ёнига келишади ва шу ерда 22 августта қаттық жанг бўлади. Махрам қалъаси шимолдан Сирдарёға, жанубдан айрим жойлари боғлар билан тулашиб кетган эди. Қалъанинг жанг олиб бориш мумкин бўлган гарб томони сув тұлдирілған зовур билан үралған. Умуман, қалъа мустаҳкам истеҳкомга айлантирилған эди. Бу ерда 15 минг ватан ҳимоячилари жангга шай бўлиб турардилар.

<sup>1</sup> Бобобеков Ҳайдарбек. Пұлатхон құзғолони, 16—17-бетлар.

Маҳрам қальаси ва унинг атрофи жанг жадал майдонига айланади. Биринчи булиб шахсан Кауфманнинг ўзи қўшини билан Маҳрамнинг орқа томонидан хужум бошлайди. Ватан ҳимоячилари эса бунга жавобан душманни ҳам орқадан, ҳам чап томондан куршаб олади. Руслар тўплардан тинимсиз ўқ ёғдириб турдилар. Бу ҳол қўзғолончиларга душманга яқинлашишга имкон бермади. Шундай бир ҳолатда босқинчилар астойдил хужумга ўтилар. Ўз навбатида ватан ҳимоячилари ҳам душманга қарши 10 та тўпдан ўқ узуб турдилар. Душманда эса 12 та тўп бор эди. Ҳар икки томондан жанг бораётган бир пайтда Кауфман генерал Головачёвга артиллерия ёрдамида хужумга ўтиш ҳақида буйруқ берди. Қирғин-барот багоят авжига чиқади. Генерал Головачёв бошчилигидаги қўшинлар Маҳрам дарвозасини бузиб, ичкарига бостириб киришга муваффақ бўлдилар. Душман 16 тўп, кўп яроғ-аслаҳа, ўқ-дори ва озиқ-овқатни ўлжа қилиб қўлга тушурди. Ватан ҳимоячилари дарё тарафга чекинишга мажбур бўлдилар. Шундан сўнг полковник Скobelев 500 нафар аскарлари билан Маҳрам боғларида пистирмала турган қўзғолончиларга хужум бошлайди.

Ҳар бир қўқонлик истилочиларга зарба бериш учун жиход, озодлик байроби остида мустаҳкам жипслашиб чинакам қаҳрамонлик, ватанпарварлик намуналарини кўрсатдилар. Улар жонларини аямай душман билан олишдилар. Лекин, муаррих Мирзо Олим Тошкандийнинг сўзларига қараганда, бу урушда ҳар икки томондан ҳам кўп одам нобуд бўлган. У бундай ҳикоя қиласди: «Абдураҳмон Офтобачи Маҳрамга бориб тушти. Эрса якбора ўрус Хўжанддин чиқиб Маҳрам устига келиб, толиби жанг бўлуб туруб эрди, эрса Ҳўқанд кулли ботурлари таҳти дил бирла урушга бел боғлаб омода бўлдилар. Чунон тўп ва милтиқ оттиларки, жанг, гўё қиёмати суро бўлди, ота ўғулдин бехабар бўлди. Кофирлардин кўб нобуд бўлди, мусулмонлардин ҳам кўб шаҳид бўлди. Шул вақтда Офтобачи мажнун урушмай, жамоаси бирла тог устига чиқиб кетти, эрса қирғизлар баҳона тобмай, ноилож туруб эрдилар, ҳол-аҳволлари бузулуб кетти.

Якбора Ўрussия лашкари бостурди, кўб мусулмонлар ѩаҳид бўлдилар. Мусулмонлар мутафарриқа бўлуб кеттилар. Ўшал куни Офтобачи Мўйи Муборакка келиб тушуб, қипчоқ халқи Офтобачини ўртага олиб, кўб сарзаниш ва таъна қилдилар»<sup>1</sup>.

Мирзо Олим Мушриф бу воқеани шундай талқин этган: «Бир кун хон бирла аркони давлат отланиб Ўрдага келиб, хазиналарни кўриб, маслаҳат қилиб Тошкентга мактуби беназокат бирла элчи юбордилар. Ва яна бир неча кундан сўнг пушаймон бўлуб, Офтобачи бир неча саркардани Ҳўжанд устига буюрди ва неча саркардани гаровчи устига буюрди. Ўзи жами аскари

<sup>1</sup> Мирза Олим Тошкандий. Ансоб ус-салотин ва таворих ал-ҳавоқин. ЎзР ФАШИ қўлёзмалар жамғармаси, инв. № 3758.

билин Махрам бормоқ бўлди. Хон бирла мулла Исо мингбошини ўрдага қўюб, тўп ва тўпхона бирла отланиб фотиҳа олиб равона бўлди. Хоннинг хазинасини қирғиз, қипчоқларга дондек сочиб, бир неча манзил тай қилиб, Махрамга бориб тушти эрса, якборса ўрис Ҳўжанддин чиқиб, Махрам устига келиб, толиби жанг бўлиб тўп қўйди эрса.

Хўққанд кулла ботурлари тахти дил бирла урушға бел боғлаб, омада бўлдилар. Чунон тўп ва миљтиқ оттилар, бўлди гўё қиёмати сурро бўлди. Ота ўғулдин бехабар бўлди, ҳар ким ўз ҳолига шавқ-завқ бирла тўп ва миљтиқ отар эрди. Кофирилардин кўп нобуд бўлди, мусулмонлардин ҳам кўп шаҳид бўлди. Шу вақтда Офтобачи мажнун урушмай жамоаси бирла тоғ устига чиқиб кетти эрса, қирғизлар баҳона топмай ноилож туриб эрдилар, ҳол-жонлариға бузулуб кеттилар, якбора Русия лошкари бостурди. Кўп мусулмонлар шаҳид бўлди. Мусулмонлар ҳам мунафарриқа бўлиб кеттилар»<sup>1</sup>.

«Махрам атрофида, — деб ёзган рус солномачиларидан бири, — душман қанча талафот қўрганини аниқ айтиш қийин. Тўсиқлар орқасида ва Махрам қалъаси ичida 100 дан ортиқ мурда топилиб, дафн этилди. Махрам орқасидаги майдонда казакларнинг қиличи билан чопилган 1000 дан ортиқ мурдани отряддаги йигитлар йигиштириб олишиб, кўмишди; генерал фон Кауфманнинг қўриқчи бўлинмаси дарё ёқалаб қочаётгандарни қувиб, 100 кишини қиличдан ўтказди. Тоғдан тушиб келиб отрядларимизга хужум қилган чавандозлар ҳам кўп курбон беришди. Улардан қанчаси ўлиб, қанчаси ярадор бўлгани номаълум. Жуда кўп қўқонликлар Сирдарёга чўкиб кетдилар. Очигини айтганда, шафқатсиз қирғин рўй берди, чегарамизни бузишга журъат этиб, ерларимизга бостириб киришгани ва бизга тобе одамларнинг осойишталигини бузгани учун муносиб интиқом олинди»<sup>2</sup>.

Скобелевнинг маълумотномасига кўра, жанг майдонидан 2000 салла йигиб олинган.<sup>3</sup>

«Биз, — деб айтилади яна бир ахборотда, — 39 замбарак (дарёга тушиб кетган тўп бу ҳисобга кирмайди), 1500 миљтиқ, беҳисоб найза, қилич, чўқмор, 50 дан ортиқ тут, байроқ, нишонларни ўлжа қилиб олдик. Қалъада ўқ-дори, снарядлар ва қўргошин ҳамда 1910 пуд ун, 834 пуд гуруч, 320 пуд жўхори сақланаётган катта омборхоналар топилди, 224 та от қўлга олинди.

Жангдан кейин Кауфман Тошкент орқали император номи-

<sup>1</sup> Мирзо Олим Мушриф. Ансоб ус-салотин ва товариҳ үл-ҳавоқин (Қўқон хонлиги тарихи). Нашрга тайёрловчилар: Акбар Матғозиев, Мухаббат Усмонова. Т., 1995, 9-бет.

<sup>2</sup> Серебренников А. К истории Кокандского похода. Военный сборник. 1876. №2, 194—195-бетлар.

<sup>3</sup> М.Д. Скобелев. СПб, 1894, 17-бет.

га күлгө түшгөн үлжалар ва қурбонлар сони маълум қилинган қўйидаги телеграммани юборди: «...дushman тўла мағлуб этилди; унинг хонлик аҳолисига таъсири ниҳоятда катта бўлди. Аммо Маҳрам жангининг оқибатлари ҳақида олдиндан бир нима дейиш қийин. Ҳужанддан кутилаётган қўшимча улов келиши билан Кўқон сари ҳаракатни давом эттираман. Сизга тобе улуг император қўшинлари ўз шуҳратига муносиб мардона жанг қилди. Вазифа аъло даражада бажарилди»<sup>1</sup>.

23 августда Россия императорига юборган телеграммасида фон Кауфман Маҳрам жангини батафсилоқ ёритади: «Хужанддан икки қунлик масофа босиб ўтилгандан сўнг бизнинг қўшинларимиз 7 мингга яқин дushman кавалериясига дуч келди. Уларда фальконетлар ҳам бор эди. Сиз император олий ҳазратларининг флигель-адъютантингиз полковник Скобелев қўмондошлигида саккизта юзлик отряд, тўртта отлиқ тўплар ва ракета батареяси билан дushmanга қарши жанг қилди. Биз томондан талафот бўлмади. Йигирма иккинчи август куни эса Худонинг ёрдамида бизнинг қуролларимиз, менинг шахсий бошчилигимда қўшинлар 30 мингга яқин қўқонликлар тудаси устидан тўлиқ ғалаба қозонди. Дushman Маҳрам қалъасига туашган ҳимояга мослашган жойни эгаллаган эди. Бу жой атрофи чукурлик бўлиб сув билан тўлдирилган ва артиллерия билан қуролланган эди. Бу жойга генерал-лейтенант Головачёв бир қисм пиёда ва артиллерия билан ҳужум қилиб, жанг билан эгаллади. Кавалерия бошлиги Сиз Олий ҳазратларининг флигель-адъютантингиз полковник Скобелев қўқонликлар мағлубиятини ниҳоясига етказди, уларни отлиқларимиз ўн беш чақирик масофагача қувиб Сирдарёга сиқиб қўйди, уларнинг кўпчилиги чопиб ташланди ва дарёда чўқтирилди. Сиз Олий ҳазратларининг мулозим генерал-майори Троцкийнинг кечаги ва бугунги шонли юришлари жанг давомида менга ёрдам берди. Сиз император Олий ҳазратларининг қўшинлари ўзларини муносиб қаҳрамонларча тутдилар. Иш тоза бажарилди»<sup>2</sup>.

«Маҳрам қалъасини олиш чоғида генерал Кауфман ўзини жуда хотиржам тутган. Рус қароргоҳи яқинига ўқлар учиб келиб, тўп ўқлари ёрилиб, бир аскар ва бир йигит ярадор бўлган. Шундан кейингина Кауфман генерал Головачёвга қалъани тўпга тутишни буюрган. Икки замбарак қулай маррани эгаллаб, яқин масофада қалъани яксон қилишга киришиди. Ўн минутдан кейин қатъя вайрон бўлди ва рус аскарлари ҳужумга ўтди. Туземецларнинг жуда кўпи ўлдирилди, кўркувдан ўзини дарёга ташлаб гарқ бўлганларнинг сон-саноғи йўқ эди. Ҳужум тамом бўлиб, ҳаммаёқ тинчигандан кейин ниҳоятда димоги чоғ

<sup>1</sup> Терентьев М.А. История завоевания Средней Азии. СПб, 1906, 2-жилд, 358-бет.

<sup>2</sup> Бобобеков Ҳайдарбек. Пўлатхон кўзғолони, 19-бст.

Кауфман Раимхұжанинг олдига келиб: «Рус аскарлари қандай урушар экан?» — деб сүради. «Яхши урушдилар, саодати олий», деге жавоб қилди Раимхұжа. Генерал Кауфман бунга жавобан: «Худо хоҳласа, бутун Фарғонани мана шундай жанговар ҳаракатлар билан бүйсундирәмиз ва құшиб оламиз»<sup>1</sup>.

Маҳрам қальасида 60 минг атрофида сарбоз бор эди. Қатыа девори пишиқ, мустаҳкам эканлыгига қарамай, у бор-йүғи чорак соатда таслим бўлади. Қочганларни аёвсиз таъқиб қилиб қириб боришган<sup>1</sup>.

К. П. Кауфман Россия ҳарбий вазири Д. А. Милютинга Маҳрам остонасидаги қирғин Кўқон хонлиги тақдирини ҳал қилди, деб хабар берган.

Маҳрамдаги мағлубият Кўқон хони Насридлинбек ва унинг атрофидагиларни саросимага солди. Хон Кауфманга Фозил Аҳмад Маҳдуми Аъзам ва мулла Мұхаммал Исо Авлиёни элчи қилиб юборди. Хоннинг Кауфманга ёзган мактуби губернаторга ялиниб-ёлворишдан, тиз ҷўкиб узр сўраш руҳида ёзилган эди. Мактуб қанчалик таслимчилик руҳида ёзилган бўлмасин, барибир уни Кауфман инобатга олмади. «Жаноби олийлари! — дейилган эди, масалан, ўша мактубда. — Бизнинг отамиз билан тинч ва дўстона равишда яшаб, ҳар икки томон ҳалқи хотиржам эди. Менинг падари бузрукворим шариатга қарши янги тартиблар қўллаб, ҳалқни ҳар томонлама эзди ва уни шу даражада ёндириди, бурнидан тутун чиқарди. Буларнинг ҳаммаси қўзғолон кўтарилишига ва отамнинг таҳтдан маҳрум этилишига олиб келди. Сиз яхши биласизки, мулла Абдулкарим мирохур орқали сизга юборган хатга узоқ вақт жавоб олмадик. Биз йўллар хавфсизлигини таъминлаш мақсадида турли жойларга қўшин юборган эдик. Сизнинг мулла Абдулкарим мирохур орқали юборган хатингиздан хайриҳоҳлигингиз ва шартлар иnobатга олинган тақдирда хонлигимизни тан олишингизни билдик. Дўстлигингиз ва яхши ниятларингизга ишонган ҳолда шартларингизнинг ҳаммасини қабул қилиб, хат ёзмоқчи бўлиб турганимизда Қорахитойда (Тиловда) икки қўшин ўртасида тўқнашув бўлиб, улардан бирида [кўқонликлар] чекинишига мажбур бўлганлар. Биз дарҳол Муллаҳожи Мирзо Карим орқали сизга ўзимизнинг дўстлигимиз ва исёнлар тўхтатилганлиги ҳақидаги хатни ёзишни буюрган эдик. Аммо кеча Маҳрамда, Худонинг хоҳишига кўра, содир бўлган воқеани эшитдик. Биз исённи бостиришга кўп ҳаракат қилдик, лекин уddaрай олмадик. Шунинг учун ҳам мулло Абдулкарим билан юбориладиган хатни жунатишнинг иложи бўлмади. Сизнинг барча шартларингизга розилигимизни ва қипчоқ исёнчиларнинг қилган ишларига узримни ўз ичига олган хатимни Фозил Аҳмад Маҳдуми

<sup>1</sup> Остроумов Н. П. Личные воспоминания. Константин Петрович фон Кауфман — устроитель Туркестанского края (1867—1881). Т., 1899, 211-бет.

Аъзам орқали ясатилган икки от ва икки бўқчадаги совғалар билан юбормоқдамиз»<sup>1</sup>. Ўшанда 18 рус асири ҳам элчи орқали Кауфман ҳузурига жўнатилиди. Аммо Насриддинхоннинг бу илтимосларини Кауфман атайин қабул қиласди. Унинг асл мақсади Кўқон хонлигини сақлаб қолиш бўлмай, аксинча, уни тамомила тутгатишдек қабиҳ холосадан иборат эди. Шу боис ҳам Кауфман хоннинг совғаларини олмади ва хоннинг ўзи келиб бўйсуниши лозимлигини элчига маълум қилди. Чунки бу вақтда рус ҳукумати назарида номигагина таҳтда ўтирган Насриддинхон билан юқори даражада алоқа ўрнатишнинг ҳожати қолмаган эди. Айниқса, Маҳрамдаги ғалабадан кейин Кауфманнинг хонликнинг тамомила тор-мор этилишига кўзи етиб қолганди. 31 августда Абдураҳмон Офтобачи ҳам Кауфманга хат ёзиб, ундан «омонлик» ва «тинчлик» сўради. Губернатор эса ундан ўзи келиб таслим бўлишини талаб қилди. Аммо бу талабга Абдураҳмон Офтобачи рози бўлмади.

1875 йил 26 августда К.П.Кауфман ўз қўшинлари билан Маҳрамдан чиқиб, Кўқон томон юрди. Йўлда уни Насриддинхоннинг элчилари хат ва тортиқлар билан кутиб олдилар.

Кўқоннинг Саримозор дарвозасида туриб К.П.Кауфман императорга телеграф орқали мана бу хабарни йўллади: «Хонлик пойтахти, Сиз император ҳазратларининг сёқ остингизда. Хон шаҳардан чиқиб бизни кутиб олди. У билан бирга мен шаҳардан уч чақирим наридаги ўзимизнинг лагеримизга қайдим. Маҳрамдан Кўқонгacha юришимиз тантанали намойишга ухшади. Ҳар жойда аҳоли мени нону туз билан кутиб олиб, итоат қилишларини изҳор этдилар. Кўқондан ўттиз беш чақирим беррида мени пойтахт савдогарларининг вакиллари кутиб олдилар. Улар билан бирга хонзода қўшиб юборган бизнинг барча қўлга тушган асирларимиз ҳам бор экан. Хонликнинг қолган қисмида аҳвол тинч эмас.

Агарда Сиз Олий Ҳазратларига хонликни қўшиб олиш маъкул бўлмаса, уч ёки тўрт батальон, саккиз юз кишилик аскар ва икки батарея билан Сирдарё ва Нориннинг ўнг қирғои томонини эгаллаш билан чекланиб, ҳудудларимизни шулар билан белгиласак»<sup>2</sup>.

Фон Кауфман императорга йўллаган телеграммаларидан яна бирида бутун Намангандек беклигини, Сирдарёнинг ўнг қирғои билан Россияга қўшишга рухсат сўралганида, император агар бу тадбир келажакда чегара хавфсизлигини таъминлашга хизмат қилса, уни амалга ошириш зарур деб жавоб берган эди.

Фон Кауфман Кўқон шаҳри бўйлаб қўшинни дағдаға билан олиб ўтади. Кўқон атрофидаги ҳарбий лагерга боришида унга

<sup>1</sup> Зиёев Ҳамид. Кўрсатилган асар. 344—345-бетлар.

<sup>2</sup> Бобобеков Ҳайдарбек. Пўлатхон қўзғолони, 20-бет.

Насриддинхоннинг ўзи ҳамроҳ бўлали. Кауфман вазият тақо-зосига кўра, Насриддинхон билан вақтингчалик муросага бо-риб, Маҳрам қатъасини унга қайтариб ҳам беради. Кауфман, Марғилон, Андикон, Ўш ва Наманганга хат йўллаб, нуфузли кишиларнинг Кўқонга келишларини сўрайди. Унга жавобан жойлардан Россияга бўйсуниш борасида маҳаллий киборлар-нинг муҳрлари босилган розилик хатлари олинади. Бироқ бу кишилардан биронтаси ҳам Кўқонга, губернатор ҳузурига келмай, амалда бу тақлифни рад этадилар. Зоро, миллатнинг бо-обрў кайвонилари босқинчиларга нафрат билан қарапдилар.

Губернатор 1875 йил 5 сентябрда Марғилон сари йўл ола-ди. Бу вақтда Марғилон ҳимоячилари орасида Абдураҳмон Офтобачи ҳам бор эди. У, душманга қарши туришнинг фой-даси йўқдигини англайди ва Марғилонни ташлаб чиқиб кета-ди. Кауфман 8 сентябрда Марғилонга етиб келади. Юқори табақа вакиллари ватан ҳимоячиларидан қолган 9 тўпни «ўзларининг итоат этганликлари» белгиси сифатида Кауфман-га топширадилар. Кауфман полковник Скobelев бошлигидаги 600 казак, 1 ракета батареяси, 2 тўп ва 2 рота пиёда аскардан иборат кўшинни Абдураҳмон Офтобачининг орқаси-дан жунатади.

Рус кўшинни Абдураҳмон Офтобачи бошлиқ ватан ҳимоячи-ларининг изидан бориб, Мингтепага яқинлашадилар. Бу вақтла улар тарқалиб тоғларга қочишга ултурган эдилар. Рус аскарла-ри ватан ҳимоячиларининг кетишга ултурмаган охириги қисмла-ри билан тўқнашадилар.

Қўзголончилар хавфи бироз тугаши билан Кауфман Нас-риддинхон билан сулҳ тузишга киришади ва сулҳ лойиҳасини унга тақдим этади. Сулҳ лойиҳасига кўра, Сирдарёнинг ўнг қирғоғидаги ерлар Россия империяси таркибига кириши ҳамда Насриддинхон ҳарбий харажатларни қоплаш учун рус ҳукума-тига 600 минг тонга товон тўлаши лозимлиги кўрсатилган эди. 1875 йил 23 сентябрда Насриддинхон Кауфманга навбатдаги мактубини топширади. Унда, жумладан, бундай дейилган эди: «Ярим подшо! Сизга қуйидаги сўровларни маълум қиласман: воқеалар (қўзголонлар) бошланган вақтларда мен Офтобачи-нинг қистови туфайли ихтиёrimсиз хон бўлганман. Офтобачи қўл остида сон одамларнинг кўплиги туфайли ҳеч нарса қила олмаганман. Офтобачи ўзбошимчалик билан ҳарбий юриш қилиб, Маҳрамдан қочгандан кейин мен мулла Абдулкарим орқали юборилган (сизнинг) хатингизни олишим биланоқ, мамнуният билан розилигим ва содиқлигим ҳақидаги хатимни совғалар билан, эшон Фозил Аҳмад Маҳдуми Аъзам ва Исо Авлиё орқали юборганман.. Сиз бу томонга юрганингизда ва тўхтаган ҳар бир жойингизда имкони борича ўз хизматимни адо этдим. Мен Сиз билан учрашганимдан кейин сизнинг доно сўзларингизни тушундим ва тамомила тинчландим ҳамда сизга

бўлган умидим кундан-кунга ортиб борди. Мен сизнинг ваъда-ларингиз ва эътиборингизни барчага тарғибот этганимда халқ қаноат ҳосил қилди».

Ушбу хат Насриддинхоннинг нақадар оғир аҳволга тушиб қолгани оқибатида хонлик тақдирини тамомила Россиянинг ихтиёрига топширишдан бошқа иложи қолмаганлигини яқзол кўрсатиб турибди. Хазинани Худоёрхон олиб кетганлиги туфайли, ҳукумат хазинасининг бўм-бўшлиги ва товонни тамом қашшоқлашган халқдан тўглашнинг ҳеч иложи булмаганини Насриддинхон эмас, ҳатто Кауфманнинг ўзи ҳам биларди.

Насриддинбек билан Кауфман ўртасида олиб борилган музокаралардан сўнг 1875 йил 22 сентябрда таҳқири ва шармандали битим имзоланади. Битимга қура, Кўқон хони ўзини Россия салтанатининг хизматкори деб тан олади, қушни хонликлар билан ҳеч қандай алоқалар ва муносабатлар ўрнатмасликка ваъда беради. Сирдарёнинг ўнг қирғофидаги барча ерлар Россия ихтиёрига ўтади. Кўқон хонлигига қарши олиб борилган урушда рус армияси кўрган олти юз минг сўм ҳажмидаги зарарни тўлаш Кўқон хонлиги зиммасига юклатилади. Айни пайтда шартномада 1876 йил 1 ноябрдан бошлаб Кўқон хонлиги Россия хазинасига ҳар йили 500 минг сўмдан тўлаб туриши шарт қилиб қўйилди. Қўзғолоннинг асосий «айбдори» Абдураҳмон Офтобачини қўллаб-кувватлаганликлари учун марғилонликларга 125 минг тилло ҳажмидаги товон тўлаш мажбурияти белгиланди. Халқнинг оғир аҳволда яшаётганлигини эътиборга олиб, 60 минг тиллони 1875 йил 21 октябргача, қолган 65 мингини эса 1876 йил 21 октябргача тўлашга ижозат берилди.<sup>1</sup>

Кўқон хони Худоёрхоннинг қочиши, Насриддинбек билан Кауфман ўртасида тузилган тенгсиз ва ҳақоратли битим халқ оммасининг катта куч билан қайтадан қўзғолон кутаришига сабаб бўлди. Бу галги қўзғолон маркази Андижон бўлди. Ўша кунлари Пўлатхон ўз тарафдорлари билан Андижонга келди. Бироқ 27 сентябрда шаҳарни тарқ этди. Айрим маълумотларга қараганда, у билан бирга Абдураҳмон Офтобачи ҳам бўлган. Шу муносабат билан генерал-майор Троцкий Андижонга жазо отрядини жўнатмоқчи бўлди. У таҳдид билан шаҳар ҳокимига ёзди: «...мабодо дастурхон юборишиша қабул қилмайман... [шаҳарни] ёқиб ташлаш учун ҳар қанча гранаталарни улоқтиришини таклиф этаман. Аҳмадбекка, Кун ва Перовларга қарши қўзғолон кутарган Кўр қора кўз аминни ушлаб менга топширишни Дарвиш Али ваъда қилди. Андижонда уни дорга осиш фойдали бўлади, деб ўйлайман»<sup>2</sup>.

<sup>1</sup> Битимнинг тўла матни ЎЭР МДА 715-жамгарма, 1-рўйхат, 63-ишида. Россия Марказий Давлат ҳарбий архиви, 1393-жамгарма, 1-рўйхат, 81-ишида сакланмоқда. Бу хужжатнинг ўзбекча матни X.Бобобековнинг «Пўлатхон қўзғолони» (1996) китобида (23–26-бетлар) тула келтирилган.

<sup>2</sup> Бобобеков Ҳайдарбек. Пўлатхон қўзғолони, 28-бет.

1875 йил 26 сентябрда Наманганга келган Кауфманга Андижон шаҳрида ва унга яқин бўлган жойларда Пўлатхон ва Абдураҳмон Офтобачи бошчилигида катта қўшин тўпланганиниг ҳақидаги хабар етиб боради: «Андижонликлар шаҳарнинг ўн иккита катта кўчасида турли нарсалардан тўсиқлар ўрнатгандар. Андижон ҳимояси учун шаҳарликлардан ташқари, қишлоқларнинг аҳолиси ҳам келган. Шаҳар ҳимоячиларининг сони 60—70 минг кишидан иборат бўлиб, уларга Абдураҳмон Офтобачи бошчилик қилган. Пўлатхон эса 15 минг қирғиз билан русларга орқа тарафдан зарба бериш мақсадида шаҳар чеккасига ўрнашган».

Аслида эса Пўлатхон ўз атрофига нафақат қирғизларни, балки енгилиб қочган Кўқон аскарларини, қипчоқларни ҳам йиққан эди. Унинг атрофида қирғиз ва қипчоқларнинг энг обрули кишилари тўпланган. Улар Насриддинхондан нафраталиниб, Андижоннинг Бўтақора қишлоғида Пўлатхонни хон қилиб кўтардилар.

Шундай қилиб, хонликда ўрнатилган ҳокимиият икки шахс — Пўлатхон ва Абдураҳмон Офтобачи қўлига ўтди. Бу икки шахс ҳокимиияти хонликдаги кучли қабилалар — қипчоқ ва қорақирғизларга таяниб, фаолият кўрсатаётган эди.

Абдураҳмон Офтобачининг ёзма таклифига кўра, Ўш, Шаҳриxon, Булоқбоши, Асака, Аравон, Маргilon ва Кўқондан келган ўзбеклар, қирғизлар ва қипчоқлар Андижонда йигиладилар ва бу ерда охирги томчи қонлари қолгунча шаҳарни ташлаб кетмасдан курашишлари ҳақида қасамёл қиласидилар. Андижондаги қўзголоннинг етакчиси Абдураҳмон Офтобачи эди. Унга барча маҳalla оқсоқоллари ёрдам беришган эди.

Кўзголон бошчиларидан яна бири Хотамбой понсад бўлди. У таниқли ва ҳурматли киши сифатида қўзголонда фидойилик ва жасурлик намуналарини кўрсатади.

Курбонбекхўжа ва Дали понсадлар Абдураҳмон Офтобачи маслаҳати билан кўчаларда мудофаа тўсиқлари қуришади.

Тайёрлананаётган қўзголондан хавфсираган Кауфман зудлик билан генерал Троцкий бошчилигидаги 1400 кишилик қўшинни 4 ракета отув мосламалари ва 8 та тўп билан Андижонга юборди. Истилочилар 29 сентябрда ёқ шаҳарга яқин жойга келиб ўрнашдилар. 1875 йил 1 октябрда генерал Троцкий Андижонга ҳужум қўлиш ҳақида буйруқ берди. Истилочилар шаҳарга яқинлашганларида Пўлатхоннинг отлиқлари ҳужумга ўтдилар. Бироқ душман қўли баланд келиб, ватан ҳимоячиларининг ҳужуми қайтарилди. Босқинчилар эрталаб соат 8 да шаҳарга кириб келишади. Улар Ўрда майдонига икки йўл билан бордилар. Биринчи колоннага полковник Скобелев, иккинчисига барон Миллер-Закомельскийлар бошчилик қиласидилар.

Ватан ҳимоячилари биринчи бўлиб Скобелевнинг колоннаси билан тўқнашади. Мудофаачилар душманни шаҳар девори

ортидан мильтиқ отиб, қарши олади. Шаҳарга найзали мильтиқлари билан казаклар кириб келадилар ва бозор тарафга қараб силжий бошлайдилар. Ҳар икки ўртада кучли жанглар булиб, босқинчилар биринчи, иккинчи ва учинчи тўсиқлардан утиб шаҳар ичкарисига кирадилар. Полковник барон Аминовнинг казаклар колоннаси ҳам жуда қаттиқ жанглар билан шаҳар кучаларидан марказга қараб силжиб борали. Қўзголончилар ҳар бир боғ, уй, масжидни мардонавор жанг қилиб, ҳимоя қиладилар. 2 соат давом этган кучли кўча жангларидан сўнг душман шаҳар марказига жойлашган Ўрдани қуршовга олиб, ҳоким саройини босиб олади.

Истиючилар шаҳарни эгаллаганларидан кейин, Троцкийнинг буйруғига кўра, ҳамма қўшинилар битта колонна бўлиб шаҳар бошқармасига чиқади. Колонна бошида Скобелев, охирида Миллер-Закомельский борали. Жанглар шаҳардан чиқишида ҳам давом этди. Шу тариқа чекиниш чоғида босқинчилар орқада нима учраса барчасини ёндириб бордилар. Шаҳар ҳимоячилари уларга қарши тинимсиз ҳужум қилиб турдилар. Ҳар бир тўсиқдан жанг билан ўтилди. Улар шаҳардан чиққанларida Пўлатхоннинг отлиқ отряди билан тўқнашдилар. Кундуз соат 2 ларда рус қўшиниларнинг ҳаммаси шаҳардан ташқаридаги белгиланган жойга йиғилдилар. Соат 4 да Троцкий Андижон шаҳрини тўпга тутиш ҳақида буйруқ берди. Икки соат давомида шаҳар узра тўп ва мильтиқлардан ўқ отилиб турди. Айрим маълумотларга қараганда, 1—2 октябрь кунлари биргина Андижон шахрининг ўзига тўплардан 200 дан зиёд снаряд отилган. Бу ҳужумда рус қўшинилари 2821 кишидан иборат эди. Улардан 1674 пиёда, 814 таси отлиқ ва 333 таси тўпчи эди.

Андижон мудофаачилари рулар шаҳардан чиқиб кетгандан сўнг тўпланиб юзага келган вазиятни муҳокама қиладилар. Йиғилиш аҳли шаҳар чеккасидаги Афғон боғда турган Пўлатхонни шаҳарга таклиф қилиб, у билан бирлашишни таклиф қилмоқчи бўлдилар. Аммо шу маслаҳат асносида мажлис бўлаётган уйга рус тўпларидан отилган ўқ тушиб, мажлис аҳлидан 14 киши ҳалок ва ярадор бўлади. Натижада, кенгаш иштирокчилари Мир Пўстин, Ҳуқанд, Бобо Содиқ каби қишлоқларга қочиб кетадилар, айримлари чекка маҳаллаларга яширинадилар.

Айни шу пайтда Кўқон шаҳрида ҳам қўзголон тайёрланган эди. Бундан воқиф бўлган К.П. Кауфман Насридинхонга мактуб йўллаб, қўзголон бошлиқларидан савдогар Миролим, хазиначи Мирзаолим, мулло Абдулкарим ва Маҳмудхон удайчиларни ҳибсга олишни, мумкин бўлса қатл этиш зарурлигини талаб қиласди. Шунга мувофиқ, Миролим ва мулла Абдулкарим шифовул ҳибсга олинади, Маҳмудхон тўра ва унинг акаси Муҳаммад Сайдхон эса Кауфман ҳузурига жўнатилади. Насридинхон губернаторга йўллаган мактубида уларни «хоҳласангиз

Сибирга сургун қилинг, хоҳласангиз қатл қилинг» деб ёзган эди. Хоннинг бу ёвуз қилмиши нафақат шаҳар, балки бутун хонлик аҳолисини газабга келтириди. Абдураҳмон Офтобачи ва Пўлатхон, барча шаҳар ва қишлоқларга ҳатлар юбориб, халқни русларга қарши бирлашишга, Насриддинхонни таҳтдан туширишга чақирадилар. Хуллас, 9 октябрда Кўқон шаҳрида қўзғолон бошланиб кетди. Қўзғолончилар Ўрдага ҳужум қиласидилар. Хоннинг энг яқин кишилари ҳам қўзғолончилар томонига ўтиб кетадилар. Ҳатто, улар қўзғолончиларга Ўрда дарвозасини очиб бердилар. Буни қўриб турган Насриддинхон орқа дарвозадан чиқиб қочади ва уни қўзғолончилар Сирдарёгача қувиб борадилар. Хон дарё кечувидан ўтиб, жонини сақлаб қолади.

Қўзғолон шаҳар атрофидаги қишлоқ аҳолисини ҳам ўз гирдобига тортди. Сотқинлик қилиб, русларга ёрдам қилган Мирзо Ҳаким парвоначининг уйи талон-торож қилиниб, ёқиб юборилади. Султон Муродбек асир олинади, Отабек ноиб ўлдирилади<sup>1</sup>.

Энди Пўлатхон хонликда ягона ҳоким бўлиб қолади. У хонлик билан Туркистон генерал-губернаторлиги ўртасидаги низоларни имкон борича тинч йўл билан ҳал қилишга ҳаракат қилди. Аммо нияти бузук Кауфман буни хоҳламас, хонлик ва губернаторлик халқларининг жанжаллашиб, бир-бирларини талашларини истарди. Чунки бу рус маъмуриятига кулагай бўлиб, ҳужум қилиш, босиб олиш, жазо отрядлари юбориш учун баҳона бўларди.

1875 йил 19 октябрда генерал-майор унвонига сазовор бўлган М.Д.Скобелев муғомбирлик қилиб, ўзбек, тоҷик, қирғиз ва қипчоқлар ўртасида миллий низо чиқаришга уриниб кўрди. Шу мақсадда у Намангандаги кичик бир гарнizon қолдирив, барча қўшинлари билан шаҳардан чиқиб Тўракўргон томон йўл олди. Шу пайтда шаҳарда қўзғолон кўтарилиди. Лекин у 23 октябрда тўсатдан, Балиқчи ва Тўракўргонга ҳужум қиласиди. Мудофаачиларнинг кўпчилиги ҳалок бўлади.

1875 йил 26 октябрда Скобелев Намангандаги останаларига қайтиб келиб, 27 октябрда 26 та тўп билан шаҳарни ўқса тутади. Қўзғолончилар тор-мор этиладилар. Расмий маълумотларга қараганда, улардан 3800 киши ҳалок бўлади. Руслардан эса 6 киши ўлиб, 38 таси ярадор бўлади. Аслида ҳалок бўлган қўзғолончилар бундан ҳам кўп эди. Скобелев 1875 йил 30 ноябрда Сирдарёнинг чап соҳилидаги Тўйтепа қишлоғида турган 1500 қўзғолончига қарши ҳужум қилиб, қишлоқни ёқиб юборади. 2 декабрда эса Ботир тўранинг отлиқ отрядини Нориндан нарига чекинишга мажбур қилиб, Ўлжабой қишлоғида жойлашган қўзғолончиларнинг бир батальон келадиган одамларини қириб ташлайди.

<sup>1</sup> Бобобеков Ҳайдарбек. Кўқон тарихи, 92-бет.

Туркистон генерал-губернатори К.П.Кауфманга 1876 йил 16 январда империя ҳарбий вазири Д.Милютиндан үтә мағфий хат келади. Үнда мана булар ёзилган эди: «Қимматли саодати олийлари Константин Петрович! Сиз саодати олийнинг бизга йўллаган, Қўқон хонлигига нисбатан бизнинг келажакдаги хатти-ҳаракатимиз баён этилган тақдимнома мазмунини мен давлатпаноҳ императорга етказдим. Олий ҳазратлари Сиз келтирган далилларни, яъни Сирдарё вилояти чегарасида қатъий тадбирлар билан тинчликни ва осойишталик ўрнатиш ва бизнинг кучимизни Ўрта Осиёда мавқеини сақлаб қолиш учун Қўқон хонлигининг қолган қисмини ҳам Сиз ҳазрати олийлари куладай ва лозим топганингизда эгаллай олишингизга рухсат берадилар»<sup>1</sup>.

Шу тариқа, император Қўқон хонлигини тўла равишда ўз таркибига қўшиб олишга фатво берди. Кауфман бу кўрсатмани сир сақлади ва хонликни узил-кесил босиб олишнинг осонроқ режаси ҳақида бош қотира бошлади. Айни шу вақтда генерал Скобелев хонликни туттишга қаратилган «Икки сув ораси операцияси» режасини ишлаб чиқиб, уни амалга ошириш учун Туркистон генерал-губернатори вазифасини вақтингча бажарип турган Колпаковскийдан рухсат олади. Босқинчиларнинг бу режасидан озодлик курашчилари раҳбарлари ҳам хабар топиб, душманга қарши зарба бериш чораларини кўра бошлайдилар.

Мудофаачи кўчларнинг асосий қисми Ботир тўра қўмон-донлигига Марғилон шаҳрида турарди. Сирдарё соҳилида ҳам Қўзғолончиларнинг бир қисми жангта шай бўлиб турарди. Андижон шаҳри эса босқинчиларга қарши курашнинг мустаҳкам истехжомига айланган эди. Қўзғолончилар Андижонда русларни мағлубияттага учратиб, ундан сўнг Наманганга бориб, у ердаги кучлар билан бирлашишлари керак эди.

Пўлатхонга қарши жўнатилган Кауфман отряди Андижон остонасида мағлубияттага учради. 1875 йил 7 октябрда эса қўзғолончилар хон қўшинини тор-мор келтириб, Қўқонни эгаллайдилар. Аммо 11 ноябрда Скобелев қўмондонлигидаги аскарлар қўзғолончиларни Балиқчи яқинида зарбага учратдилар. Бу хакда М. А. Терентьев шундай ёзади: «...Балиқчи шаҳрига ёриб кириб душман лагери ва кўчаларини эгалладилар. Тонг отгандан кейин артиллерия кечувдан ўтиб шаҳарга ўқ ота бошлади. Шу заҳоти Скобелев 2-ёндош батальонга қарашли 2-рота ва элликтаки казак отлик уқчилар билан ҳужумга ўтди, душманнинг чекинишига йўл қўймаслик учун бутун отлиқ аскарларни замбараклар билан шаҳарнинг орқа томонига юборди. Жангга кирган булинмалар учта истехжомни мажақлагандан кейин бозорни ишғол қилдилар ва шу ерда тор кучадан келаётган қипчок-

<sup>1</sup> УЗР МДА, 715-жамғарма, 1-рўйхат, 66-иш, 125-варақ.

ларнинг катта отлик оломонига дуч келиб қолдилар. Даҳшатли ур-йиқит ичидаги мерғанларимиз дўлдек ёғдирилаётган ўқига учган қипчиоқлар бор-йуги 20 қадам нарида туда-туда булиб йиқилар, кўча юзи уларнинг ўлигига тўлиб кетган эди. Бу даҳшатли жаҳаннамдан бир амаллаб қутилиб чиққанлар нариги ёнбошда пойлаб турган казакларнинг чангалига тушар эди. Уларни икки чақирим жойгача қувиб бориб, ҳеч қандай раҳм-шафқат қилмай қиличдан ўтказиши.

Биз томондан бир қуий амалдаги киши ўлиб, 8 та ярадор, шундан учтаси контузия олган эди. Скобелев душманнинг талафотини 2000 киши деб ҳисоблади<sup>1</sup>. Скобелев йўл-йўлакай барча қишлоқларга шафқатсизларча ўт қуийб, ер билан яксон қилиб, олдинга силжиб борди. Айниқса у Андижон шаҳрининг кулини қўкка совурди. Уни беомон тўпга тутиб, бомбардимон қилдирди. Терентьев бундай деб ёзди: «Скобелев йўлда келар экан, Колпаковскийга вақт-соатини курсатмай телеграмма жўнатди. Телеграмма 7 февралда эгасига келиб тегди. Унда Андижонда ҳамма нарса жойида эканлигини, аниқ маълумотларга қараганда, шаҳар тўпга тутилган пайтда харобалар орасида 20000 киши ҳалок бўлганлиги айтилган эди<sup>2</sup>. «Андижонликлар қаттиқ қаршилик курсатдилар: улар ҳар бир тўсиқдан фойдаланаар эдилар, томлар устидан туриб ўқ отишар, кўчалар, ҳовлилар, уйлар, масжидлар ичидаги юзма-юз олишардилар. Уларнинг қаршилик курсатишлари олдинда ҳужум қилиб бораётганларни газаблантираар, тобора жунбушга келтираарди. Бозор майдонида Скобелев колоннаси юрик ёғочлардан қилинган тўсиқقا дуч келиб қолди. Замбаракларимиз олдинга ўтказилди ва бир неча ўқ узилгандан кейин душман тумтарақай бўлиб қочди. Туркистонликлар бешта истеҳкомдан ташқари, мустаҳкам қурғончага айланган уйларни ҳам жанг билан қўлга киритдилар. Ниҳоят, ҳар учала колонна ўрдага етиб келди ва саройни исёнчилардан тозалади. Қисқа муддатли ҳордиқдан сўнг манзилгоҳга қайтилди. Дарвоҷе, йўл ёқасидаги иморатларнинг ҳаммасига ўт қуийб борилди. Олд қисмлар қаерда кетаётганини ёнфинга қараб билib олиш мумкин эди. Отишмалар ҳали тинмаган, андижонликларнинг «Ур!», «Ур!» садолари эшитилиб турарди. Андижонни бутунгай вайрон қилиш учун генерал Троицкий Скобелевга олтига замбарак бериб, шаҳарни тўпга тутишга, бозор ва ёнгин бўлаётган томонларни нишонга олишга буйруқ берди<sup>3</sup>.

Генерал Скобелев Андижоннинг кулини қўкка совуриш билан кифояланмай, андижонликларни товон тўлашга мажбур этиб, 33 минг сўм ундириб ҳам олади.

<sup>1</sup> Терентьев М. А. Курсатилган асар, 451-бет.

<sup>2</sup> Каримов Ш., Шамсутдинов Р. Туркистон Русия босқини даврида. Андижон, «Мерос», 1995, 39-бет.

<sup>3</sup> Воспоминания М.Д. Скобелева. Ташкент, 1907, стр. 15.

Андижонда содир бўлган қўзғолончилар ҳалокати ва андижонликларнинг мислсиз қаҳрамонликлари фақат Қўқон хонлигини эмас, балки бутун Ўрта Осиёни ларзага солди. Бу тарихий жангда озодлик курашчиларининг моддий ва маънавий кучига жуда катта талафот етказилиди.

М.Д.Скобелев Андижонни забт этгани ҳақида Туркистон ҳарбий округининг мувакқат қўмондони Колпаковскийга ҳабар бериб, энди Асака ва Марғилонга ҳарбий юриш қилиш учун рухсат сўрайди. Колпаковскийдан «агарда душман кучи кўп тўпланган бўлса, Асакага юриш билан чекланилсин» деган телеграмма олинади.

Скобелев Асакани қўлга киритиш учун уни ҳар томонлама ўрганади. Рус қўшинлари 2 рота пиёда аскар, 240 отлик, 500 казак, ракета батареяси ва 4 тўп билан Асакага ҳужум бошлияди ва унинг марказини тўғига тутадилар. Асака тепалигига турган ҳимоячиларга қарши солдатлар ҳужумга ўтиб, уларни чекинтиришади. 20 январь куни Абдураҳмон Офтобачи рус қўмондонига элчи юборади. 24 январда у ўзининг 12 сафдоши, шу жумладан, Ботир тўра, Исфандиёр, Холиқ парвоначи, Нормуҳаммад додхоҳ ва 700 йигити билан Скобелевга таслим булади. Пўлатхон бундан хабар топиб ҳақиқий Пўлатхоннинг акукалари ва келинини ўлдиртиради. Шунингдек, у штабс-капитан Святопол-Мирский, унтер-офицер Ф.Данилов ва 8 рус асирини ўлимга ҳукм қиласди.

Абдураҳмон Офтобачи таслим бўлгач, Насриддинхон 1876 йилнинг 21 январида Қўқон таҳтини қайтадан эгаилаш учун Маҳрамдан йўлга чиқади. Найманча қишлоғига келганида унга Пўлатхон тарафдорларидан Қўқон ҳокими ўрила турган Абдуллобек ўз аскарлари билан ҳужум қиласди. Хон урушда 200 кишисини ўқотиб, Маҳрамга чекинади. Аммо 28 январда хон тарафдорлари Абдуллобекни енгиб, Насриддинхонни Қўқонга таклиф этадилар ва 29 январда уни таҳтга ўтқизалилар.


Генерал Скобелев Миллер-Закомельскийга 600 казак, ракета батареяси, 2 рота пиёда аскар ва 4 тўп бериб Марғилонга, Пўлатхонга қарши юборали, ўзи эса Наманганга жўнайди.



Жазо қўшини қўмондони  
М. Д. Скобелев.

Бу вақтда генерал Троцкий Наманганга яқын жойда Пұлатхон лашкари билан жаңг олиб борарди. Аммо құзғолончилар мағлубиятта учрайдилар. Пұлатхон қочиб кетаётганда отдан йиқилиб, оёғи синади. Шунға қарамай, курашни давом эттириб, Асакага келиб бұлажак жаңгларға ҳозирлик күради. Бу вақтда унинг құл остида 12 минг лашкар тұпланған эди. Бу қүшин бирин-кетин бир неча ғалабага ерішали. Ўш, Андіжон ва Марғилонни әгаллайды. Бундан саросимага тушган Насриддин-бек Марғилоннинг собиқ беги Султон Муродбек бошчилигіда Пұлатхонға қарши аскар юборади. Аммо ҳужум қилишдан үйінде Султон Муродбек Файзобод қышлогига ўрнашиб олиб қыргыз құзғолончиларнинг айрым гурухлари устидан ғалаба қиласы. Шу жаңгларда асир тушган 30 нафар қыргыз Құқонда хон томонидан дорға осилади. Шу вақтда Пұлатхон тарағыдан Марғилон беги лавозимига тайинланған Валихон 20 минг киши билан Файзободға ҳужум қилиб, Султон Муродни тор-мор келтиради.

1875 йыл 16 октябрда Кауфман генерал Скобелев бошчилигіда 14 рота, 500 казак, 4 ракета мосламаси, 16 тұпдан иборат қүшинни Наманганга қўйиб, ўзи Хўжандга кетади. Скобелевни эса Наманган бўлимининг бошлиғи этиб тайинлайды.



Құзғолончиларни жазолаш.

<sup>1</sup> Зиёев Ҳамид. Курсатилган асар, 357-бет.

Рус қүшини Пұлатхоннинг изидан бориб, 1876 йилнинг 28 январида Учқұрғонни қуршаб олади. «Девордан биринчи бұлиб, — дейилади бир рус манбасыда, — капитан Куропаткин кирди. Үрдала Пұлатхонни күтқарып учун жонини тикканлар билан құл жаңги булди. Бу пайтда 300 солдат ва 4 тұп билан етиб келиб, дархол жаңгга ташланди. Пұлатхоннинг күчлари сочилиб кетди. Бу жаңгда 5 мис тұп, күп қурол-аслача ва Пұлатхоннинг мол-мұлқи, хазинаси ўлжа олинди». Шундан кейин Пұлатхон бир гурух ишончли кишилари билан Чавай деган жойға қочади ва шу ерда рус ҳұкумати вакилларига топширилади. Бунда унинг ашаддий душманлардан бири Мирзо-құлнинг «хизмати»кіттә бұлди.

Пұлатхон құзғолонининг бостирилиши империя пойтахты Петербургда, хусусан, император томонидан мамнуният билан қарши олинди.

1876 йил 1 март куни Марғилон шаҳрида ватан озодлиги ва мустақилдік учун жон олиб, жон берган халқ қаҳрамони, истиқдол жаңгчиси ва етакчиси Мулло Исҳоқ (Пұлатхон) дорға осиб ўлдирилди. У билан бирга эрк, озодлик ва мустақилдік учун курашған 33 нафар яқын сафдошлари ҳам ўлдирилди. Руслар бу билан чекланмай, босқынчилікка сарфланған харажаттарни ақолидан ундириб олишгача бориб етдилар. Фақат биргина Марғилон беклигига Кауфман томонидан Пұлатхоннинг ёнини олғанлайларды учун 500 минг сүм товон солиғи солинди.

Россия империясининг асл ва туб мақсады Құқон хонлигиди — мустақил давлатны қурол кучи билан бартараф қилиб, Россиянің губерниялардан бирига айлантиришідан иборат зе.

1876 йил 30 январда Насриддинбекнинг Құқон шаҳрига келиши ва бу ерда унинг расман хон деб әзілон қилиниши рус маъмуриятини саросимага солиб қўйди. Генерал Скобелев зудлик билан Құқон хонлигини тұлиқ босиб олиш, ҳеч бұлмаганды русларга сўзсиз бўйсунадиган ҳокимият ўрнатишни Туркистон генерал-губернаторига тақлиф этди. Айни пайтда Санкт-Петербургда турған К.П.Кауфман 2 февраль куни Тошкентта, унинг ваколатини бажарып турувчи генерал-майор Колпаковскийга телеграмма йўллаб, унла тўғридан-тўғри, очиқ-ошкора тарзида: «бутун Құқон халқининг Россия фуқаролигини қабул қилиш истакларини қондириш учун ва халқни бошқа йўл билан тинчлантириш имконияти бўлмаганлиги сабабли император ҳазратларининг фармонларига биноан шу заҳотиёқ бутун хонликни Олий ҳазратлари тасарруфига олишни шахсан Сизга топшираман...», — дейди.

Колпаковский 4 февралда К.П.Кауфмандан яна телеграмма олади: «Насриддин таҳтта ўтиргани билан Құқонни тинчлантиришга у кафолат бўла олмайди, шунинг учун кечаги кўрсатманы ўзгартиришнинг ҳожати йўқ». Бу кўрсатмага амал қилиб Колпаковский уша куни генерал Скобелевга шундай буйруқ

йүллайди: «Олий фармон билан менгө Күкөн хонлигини босиб олиш юклатилди, ундан Фарфона вилояты таъсис этилди, вилоятни бошқариш Сиз саодати олийларига юклатилади...»

Рус құшиналыры Күкөн хонлигини тұла босиб олиш ҳақидаги байруқ шахсан император Александр II томонидан берилған.

Хуллас, руслар Күкөн хонлигига ялпи ұхжум қилиб, 1876 йил 7 февральда Яқкамулла қышлогига этиб келдилар. Насрилдинбек ҳеч қандай қаршилик күрсата олмай, таслим бұлды. 8 февраль куни руслар Күкөн шаҳрига кириб келди.

19 февралда ҳарбий вазир Д.Милютин Күкөн хонлиги тугатилиб, унинг үрнида Фарфона вилояты ҳарбий губернаторлығы ташкил қилингандығынан эзептесінде қылды. Халқ қонини мисоли дарә қилиб оқызынан, үйлида учраган барча шаҳар ва қышлоқтарнинг кулини күкка совурған, бола демай, аёл демай, қары демай барча тирик жонни қиличдан үтказған генерал М.Д.Скобелев 1876 йилнинг 19 февралыда император Александр II фармоми билан янгидан ташкил этилған Фарфона вилоятининг ҳарбий губернатори этиб тайинланды<sup>1</sup>.

Руслар учун миллий қаҳрамон санаған генерал Скобелев шу тариқа үзининг юқсак мартабаларига бирма-бир күтарила бошлади. Бу генерал минглаб фарфоналикларнинг озодлик учун түкілған қонлари сингтан заминда рус қуролининг шавкатини күттарған шахс сифатида улуғланды.

1876 йил февраль ойидан Россия империяси губерниялари қаторига вилоят сифатида құшиб олинған Күкөн хонлигинин чинакам ұхымдори сифатида расман эзептесінде қилинганды генерал Скобелев минглаб рус зобитлари учун жасорат рамзига айланды. Фарфона вилоят ҳарбий губернатори М. Д. Скобелевнинг номи янги Маргилон шаҳрига берилди. Бу шаҳар узоқ вақт Скобелев, маңалдый тиңде «Искобил» деб юритилди.

Фарфонаны «Фарфона вилояты» номи остида Туркистан генерал-губернаторлығы таркибидеги рус чоризмиге қарамағынан 1917 йилғы большевик инқилобига қадар давом этди<sup>2</sup>.

Мустамлакачилар хонликни тутатғани билан босқынчиликка қарши күтарилған халқ ҳаракатларига бархам бера олмади. Ва-

<sup>1</sup> Бу бобни ёзишда қуйидаги асарлар асос қилиб олінди: *Ибрат*. Фарфона тарихи. Т., «Камалак», 1991. *Бобобеков Х.Н.* Народные движения в Кокандском ханстве и их социально-экономические и политические предпосылки (XVIII-XIX вв.). Т., «Фан», 1990. Шу мұалтиф: Пұлатхон құзғолони. Т., 1996; Күкөн тарихи. Т., «Фан», 1996. *Мирзо Олим Мұшриф*. Күкөн хонлиги тарихи. Т., 1995. *Юсупов Ш.* Худоёрхон ва Фурқат. Т., «Шарқ», 1995. *Зиёев Ҳамид*. Туркистанда Россия тажовузы ва ұхқароңлығынан қарши кураш. Т., «Шарқ», 1998. *Марғилин Мұхаммад Азиз*. Тарихи Азизий (Фарфона чөр мустамлакасы даврида). Т., «Маънавият», 1999. *Кененсариеев Т.* Искак Асан уулу Полотхан. Ош. КГК. 1998. *Уша мұалтиф*: Қыргыздар Жана Кокон Ҳандығы. Ош, 1997 ва бошқалар.

<sup>2</sup> Али Бодомчи. 1917—1934 йылдар Туркистан миллий истиқбол қаралаты ва Анвар пошшо. Бириңчи жылд. Құрбоншылар. Истанбул. 1975 йил, 203—205-бетлар.

тан озодлиги учун бұлған бу кураш «Олой маликаси» номи билан шұхрат топған қыргыз аёли Курбонжон доддоқ ва унинг ўғиллари томонидан 1876 йил охирларигача давом эттирилди.

### **Мавзуга доир өзгі**

#### **Олой маликасига тұн ёпған генерал**

«Малика бошини қуйи солғанча шамдек қотиб турар эди. Скобелев унинг ёнига келиб құлни узатди. Малика күтілмаган саломдан довдираб қолди, лекин тезда үзини құлға олиб, қыргизчалаб нималарни деди. Скобелев эса тилмочға қараб деди:

— Доддохқа айтинг. Мен уни сихат-саломат курганимдан хурсандман. Мен унинг доно қокимлиги ҳақида күп эшитғанман. Құшни хонлар хурмат-зътибори катталигини ҳам биламан. Аминманки, у русларға душманлық бе-фойда эканлигини яхши тушунади ва Олойнинг күчмансы ахолисини тинчликка үндай олади. Үнга яна шуни ҳам айтингки, у она сифатида үз угилла-ри билан фахрланиши мүмкін. У яна шуни билсінки, руслар жасур душманларини ҳурмат қиласылар. Агар у үз үғилларини Олойға қайтишга күндерса, мен уларни ботирлар сифатида мұкофотлайман. Энди эса мен доддохни дастурхонимга таклиф қиласынан.

Генералнинг бүйруги билан унинг олдига ноз-неыматтар төгдек үолған катта патнис көлтирилди. Зиёфатдан сұнг эса Скобелев үз құлы билан маликанинг елкесига заррин тұн ёпди».

(«Түркістан истилоси (харбий тарихдан ҳикоялар)».  
Тузувчи К.К.Абаза, Санкт-Петербург. 1902 йил, 245—251-бетлар)

Тарихда шундай улут бобо ва аждодлар борки, улар үз фаоли-яты билан миллий қаҳрамонларға айланған. Тұмарис, Широқ, Спитамен, Алпомиш, Манас, Гүрәли ва бошқалар шулар жум-ласидандыр. Үзбек, қырғыз, тоғыз, қозоқ, түркмен каби Үрта Осиё халқдары үз озодлуклари йүлида курашған жасур фарзанд-ларини құшиқ-ұланларда, достону ривоятларда күйлаб, номла-рини улуғлаб абадиятга дахлдор қылғанлар. «Олой маликаси» номи остида довруг қозонған Курбонжон Мамат қизи ҳам ана шундай қаҳрамон сиймолардан биридір. Үзбек ва қырғыз халқ-ларининг миллий-озодлик кураши тарихига порлоқ сақыфалар биттін бу аёл иккі қон-қардош әлнинг фарзандидір.

1811 йили Үш шаҳрининг күнчиқар тарафида жойлашған Моди қишлоғида чүпон оиласыда дүнёға келған Курбонжон ғұзал ва оқыла аёл бұлған. Ёшлиғиданоқ мустақил фикри, ме-тин иродаси ва талбиркорлиги билан ҳамқишлоқларини ҳай-ратта солған. Курбонжон кейинчалик Андіжон қокими Олим-бекнинг назарига тушади ва унинг рафиқаси бұлади. 1833 йили Олимбек уни Құқон саройига олиб келиб, малика Нодирабе-гимга таништиради. Құқон лашкарининг зарбдор кучи бұлмиш Фарғона навкарларининг таниқли саркардаси Олимбек саройда катта обру-эътиборға эга бұлғаны учун унинг рафиқасига ҳам катта иззат-икром құрсатылади. У Құқон хони, унинг амалдор-лари, сарой ҳәеті билан яқындан танишади. Машхұр үзбек шоидалари Нодирабегим, Увайсий ва бошқаларнинг таъсирида унинг дүнекараши шакланади.



Ўзбек ва қирғиз ватанларварларининг рус босқинчиларига қарши кураши  
йүлбошчиларидан Қурбонжон Мамат қизи (1811—1907).

Бу қирғиз аёли эри Олимбек каби от чопиш, ўқ отиш, қиличбозлик соҳасида йигитларни ҳайратда қолдирад эди. Қурбонжон Андижонни идора этиш ишларидаги яқин кўмакдош бўлади.

Олимбек рафиқасининг ақл-заковатига тан бериб кўп масалаларда у билан кенгашадиган, кўпинча эса унинг изми билан иш тутадиган бўлиб қолади. Қурбонжон тўрт ўғилнинг онаси бўлади.

Андижон ҳукмдори гўзал, оқила ва жасур хотинига доимо ҳурмат билан қарashi сабабли у вилоятни ўз ҳолича тасарруф этар, хонлар эса унинг ишларига аралашибдан ҳайқишаради. Қўқон хони Маллахон сўнгги вақтларда Андижон бегига ўча-кишиб қолади. Буни сезган Олимбек ҳамфирлари билан тил

бириктириб, 1862 йилда Үрдага бостириб киради ва ўз қули билан Маллахонни бўғизлаб ташлайди, тахтга эса Шомуродни утқазиб, Андижонга қайтади. «Уч кун хон бўлсам бу дунёдан беармон кетардим», деб орзу қилган Шомуродхон мақсадига зришди. Уч кун эмас, балки етти кун подшолик қилди.

1863 йили Олимбек ҳам фанимлар фитнасининг қурбони бўлади. Гўзал тожик канизаги шаробга солган заҳардан Олимбек ҳаётдан кўз юмади.

Тул қолган Қурбонжон эри ўрнида ҳоким бўлиб қолади. Лекин кўп ўтмай фитнаю фасод, фисқу фужур уяси бўлган киборлар дунёсидан кўнгли қолган бу аёл фарзандларини олиб она юртига кетиб қолади ва «Олой маликаси» деб довруғ чиқаради. Еттисувдан, ҳатто Хитой чегарасидан ҳам қиргизлар унинг олдига келиб маслаҳат сўрайдиган бўлиб қоладилар. Бухоро амири Музаффар Қурбонжон ойим ақлига, дилбарлигига қойил қолган эди. Муҳими, Қурбонжондаги саркардадек мардлик ва дадилликни, сиёсатчига хос эҳтиёткорликни у билан ўшда учрашганида тан олган эди. У Олой маликасини ўзига иттифоқчи қилиш пайига тушади.

— Биз сизга додхоҳ ёрлигини тухфа этурмиз,— дейди амир суҳбат охирида, —иншооллоҳ, сиздек жасур муслима музaffer ислом байробини дадил кўтарали.

Сарой амалдорлари, шайхулислом, қозикалон ва бошқа уламолар ҳайрат ила ёқа ушлашли. Заифага додхоҳ мартабасини бериш мумкинми? Шариатда борми шунга ўхшаш воқеа? Дини ислом маркази Бухоро ҳукмдорининг ўзи наҳот бу ишга имзо чекса?

— Жаноби олийларининг амри вожиб,—деди Китоб вилоятি ҳокими Жўрабек.

— Ҳақ гап,—уни қувватлади Шаҳрисабз беги Бобобек.

Кўқон таҳтини эгаллаган Худоёрхон эса бутун Олой водийсига Қурбонжон додхоҳ—ҳоким қилиб тайинлангани ҳақидаги фармонга муҳр босди. Шундай қилиб, 1865 йилда Бухоро амири билан Кўқон хони тарихда биринчи марта аёл кишига саркарда унвонини бердилар.

Кўқон хони зулми ва беҳисоб оғир солиқларидан безор бўлган халқ 1873 йили қўзғолон кўтаради, Қурбонжон додхоҳнинг фарзандлари Абдуллабек, Маҳмудбек, Ҳасан ва Ботир ҳам қўзғолончилар тарафида бўлдилар. Худоёрхон қўзғолончилардан енгилиб, танг аҳволга тушиб генерал Кауфмандан ёрдам сўрайди. Бухоро, Хива хонликларини ўзига бўйсундириб, энди Фарғонага кўз тиккан Кауфман бундан фойдаланиб Кўқонни забт этиш учун М.Д. Скобелевни юборади. Қурбонжон додхоҳ ва унинг тұнғич ўғли Абдуллабек қўзғолончилар тарафида туриб, жасорат кўрсатади. Ўшанда ўзбек, қирғиз йигитлари улар бошчилигига босқынчиларга кўп талафот етказишади. Бу ҳақда фон Кауфман шундай ёзган эди: «Руслар ҳали Ўрта Осиёда ҳеч

қачон бундай узоқ ва қаттиқ қаршиликка дуч келмаган эдилар. Биз биринчи марта матонатли жангчилар билан тұқнашылғанда маҳаллий хонликлар хукмдорларынан нисбатан ахолига қарши курашиш нақадар мүшкүл эканлыгини ҳис этдик». Иш шу даражага бориб етдіки, машхұр генерал Скобелев олойликлар қаршилығини енгә олмаслигига күзі етиб шахсан Қурбонжон додхоҳ билан музокара олиб боришига мажбур бўлди. Ўзаро қонли урушни тұхтатиши ҳақидаги музокаралардан сүнг Скобелев, юқорида айтилғанидек, ўз қули билан Қурбонжон додхоҳнинг елкасига зарбоф тұн ёпди. Рус қўмондонлиги уни генерал сифатида тан олди.

Ўзбек ва қирғиз йигитларининг жанговарлигига қойил қолған рус зобити, ўлкашунос К.Абаза шундай ёзған эди: «Биз, дейишади қирғизлар, — Чингизхон билан дунёning ярмисини эгаллаганлар авлодимиз. Бизларга паст назарда бўлманглар. Чингизхон қонунлари ва одатлари бизда амалда. Хуллас, биз ўзбеклармиз. Бундан ортиқ нима керак?»

Қурбонжон додхоҳнинг набиралари 1898 йилги миллий-озодлик кўзғолонида ҳам фаол қатнашганлар. Рус амалдорлари доимо Олой маликасидан ҳайқишишган. Шунинг учун губернаторлар унинг олдига тез-тез келиб туришган. 1901 йилда Россия империяси ҳарбий вазири генерал Куропаткин Үшга келиб Қурбонжонга императрицанинг совгасини шахсан топширган. Қурбонжон 31 невара, 57 чевара ва 6 эвара кўриб, 1907 йилда Үшда вафот этади.

Хуллас, Қўқон хонлиги Россия губернияларидан бирига—Туркистон генерал-губернаторлигининг Фарғона вилоятига айлантирилди.

Энди Россия Марказий Осиёдаги сўнгги мустақил Ёқуббек давлатини тугатиши фикрига тушди. Чунки Еттишаҳар давлати (1865—1877) мустамлакачиларга қарши курашда Қўқон, Бухоро, Хивадаги ватанпарварларга доимо ёрдам бериб турарди. Хитой ҳукуматининг Россиядан «Шарқий Туркистонда тартиб ўрнатиши учун рус қўшинидан фойдаланиш» ҳақидаги илтимоси айни муддао бўлди. 1877 йил 22 июня рус қўшини Фулжага бостириб кирди.

Иккинчи томондан Цзо Цзун Тайъ бошчилигидаги Хитой қўшини Урумчи дарасига яқинлашиди. Амир Ёқуббекнинг тўсатдан вафот этиши Еттишаҳар давлати қўшинининг мағлубиятга учрашига сабаб бўлди. Қўқонга ёндош бу давлатнинг ҳалокатига Россия асосий айбдор эканини бош штаб полковники Д. В. Путята очиқ тан олган. Ёқуббек ҳукмронлиги даврида «унинг доно бошқаруви натижасида Шарқий Туркистон узоқ вақтдан бери ҳали курмаган осойишталикка эришди»<sup>1</sup> дея Россия сиёсатини қоралаган эди.

<sup>1</sup> Путята Д. В. Китай. СПб, 1895, 227-бет.

## 5. КҮКТЕПА МУДОФАСИ

Күкон хонлиги тутатилиб, давлат вилюята айлантирилгач, Фарғонадан хотиржам бўлган урушқоқ рус генералларининг нигоҳи Каспий ортига қаратилди. 1877 йили Ахалтака воҳасидаги йирик манзилгоҳ Қизил Арват рус қўшинлари томонидан эгалланди. 1879 йили эса генерал Лазарев қўмондонлигидаги қисмлар Кўктепага ҳужум қилдилар. Аммо мард ва эркесвар туркманлар босқинчиларга шиддатли зарба бердилар. Руслар катта талафот кўриб, орқага чекинишга мажбур бўлдилар. Генерал Лазарев экспедициясининг мағлубияти босқинчиларга қарши курашаётган ҳалқнинг руҳини кўтарди. Рус қўмондонлиги эса бу мағлубият сабабларини қўшинлар таъминотини яхшилаш учун зарур бўлган темир йўл йўқлигидан кўрдилар. Шу баҳонада, Россия бу ерда темир йўл қуришга қарор қилди. «Саҳрораги мўъжиза» деб ном олган Каспийорти темир йўли курилишига генерал Анненков раҳбарлик қилди. Ҳарбий-стратегик мақсадда бошланган бу темир йўл қисқа муддатда куриб битирилиши ва Марв воҳасини эгалаш учун тайёрланаётган янги экспедицияни ўқдори, аскар ва озиқ-овқат билан таъминлашга хизмат қилиши керак эди.

Босқинчиларнинг янги кучларига 1877—1878 йиллардаги Россия-Туркия урушила «Миллий қаҳрамон», «Болгария ҳалоскори» деб улуғланган генерал-лейтенант М.Д.Скобелев бошлиқ қилиб тайинланди. Фарғонада истиқдолчилар, Шипка довонида турклар қонини беаёв тўккан бу генерал ўзининг қасбдоши генерал Н.И.Гродеков сингари туркманларни «ер юзидаги қора дор» деб ҳисоблади.

Генерал Скобелев экспедицияси билан туркманлар ўртасида 1881 йил январь ойида ҳал қилувчи жанг бўлди. Руслар ҳеч қачон Кўктепа остонасилик кескин қаршиликка дуч келишмаган эдилар. Буни воқеаларнинг гувоҳлари ҳамда муаррихлар тан олишади. Туркман ватанпарварларига жасур Тиқма сардор бошчилик қилган.

Руслар бойлик, мартаба ва шон-шуҳрат учун, туркманлар эса ўз она тупроқлари, эрк ва озодликлари учун жанг қилишади. Таниқли муаррих, академик В.В.Бартольд бу тарихий воқеани ҳаққоний ёритади: «Рус қўшини 8000 кишидан иборат бўлиб, уларнинг ихтиёрида 70 дан ортиқ замбарак бор эди. Йигирма кунлик қамалдан сўнг, 1881 йилнинг 12 (24) январида Кўктепа қалъаси штурм билан ишғол қилинди, сўнг талонторож қилиш учун аскарлар ихтиёрига тўрт кун муҳлат берилди. Қалъани қамал қилиш ва забт этиш чоғида 6000—8000 киши ҳалок бўлди. Буни Ўрта Осиёдаги бошиқа жангларга қиёсласак, руслар катта қурбонлар эвазига галаба қозонганини кўрамиз. Улар ўлган ва ярадорларни бирга ҳисоблаганда, 10000 дан ортиқ одамини йўқотди. Бундан ташқари, Кўктепа жангида

Туркистанда биринчи марта русларнинг байроғи ва замбараги ўлжа олинди»<sup>1</sup>.

Ахалтакада бўлган урушнинг бевосита қатнашчиси, рус зобити К. Гейнс Кўктепадаги даҳшатли манзарани кўз ўнгимизда янада ёрқинроқ гавдалантиради: «Кирғин бошланди. Чарчаш нималигини билмайдиган драгунлар биринчи узун ҳовлини туркманлар қонига фарқ қилдилар. Олишув узоқса чўзилмади. Душман қаттиқ курашса-да, охири дош беролмади: қарама-қарши томонга, баланд девор ёқалаб Ички қалъага қараб чекинди. Аммо фурсат бой берилганди. Отрядимизда мардлиги билан ном чиқарган княз Голициннинг казаклари ва поручик Нахичеванскийнинг I-эскадрони драгунлари жарликдан чиқиб, уларнинг йўлини тўсдилар. Чорасиз аҳволда қолганларини сезган така-туркманлар қўлларидаги ятоганларини ўйнатиб... рақиби устига ташландилар. Аммо девор орқасидан деярли ёнма-ён туриб отилаётган милтиқ ўқига учраб, кетма-кет кулаги бошладилар. Қалъа билан пахса девор ораси мурдага тўлиб кетди»<sup>2</sup>.

Рад этиб бўлмайдиган далил ва ҳужжатлар генерал Скобелевнинг туркман қардошларимизнинг жаллоди бўлганлигини яна бир марта исботлайди. Генерал Скобелевнинг яқин хешларидан бўлган Адам Жульєтт Ламбер «Генерал Скобелев» китобида қуидагича ҳикоя қиласи: «Жаноб Марвин билан сұхбат чоғида генерал Скобелев Ўрта Осиёни буйсундириш ҳақила ўз қараашларини очиқдан-очиқ қуидагича ифодалади: «Гап шундай, жаноб Марвин. Фақат буларни газетангизда босиб чиқара кўрманг. Жаҳон жамоаси назаридан гирт ёввойига айланаб қолишини истамайман. Менинг ақидам шундай: Осиёда осо-йишталик ўрнатиш масаласи тўғридан-тўғри одамларнинг қанчча кўп қирилишига боғлиқ. Зарба қанчалик кучли бўлса, душман шунчалик тез бўйсунади. Биз Кўктепада 20000 туркманни ўлдиридик. Тирик қолганлар бу сабоқни бир умр унутмайдиган бўлади». Сўнг икки ўртала бошқача сұхбат бўлди. Марвин: «Умид қиласанки, бу ақидаларингизнинг босиб чиқарилишига рухсат берасиз. Расмий ахборотингизда Сиз ҳужум ва таъқиб пайтида ҳар икки жинсга мансуб 8000 душман ўлдирилди, деб ёзгансиз. Шу тўғрими?»

Генерал Скобелев: «Тўппа-тўғри. Уларни санашгандан роппа-роса 8000 одам чиқди».

Марвин: «Бу маълумот Англиядада жуда кўп шов-шувга сабаб бўлди, сабаби, Сизнинг аскарларингиз эркаклар билан бир қаторда аёлларни ҳам ўлдиришган экан».

Генерал Скобелев: «Бу ҳам мутлақо тўғри, ўлганлар орасида кўплаб аёллар бор эди. Ёлғон гапириш табиатимга тўғри кел-

<sup>1</sup> Бартольд В.В. Геок-тепе. Изб. произв. в 9-томах. М., 1995, 3-жилд, 399-бет.

<sup>2</sup> Военный сборник. СПб, 1882, №6, 27-бет.

майды. Шунинг учун ахборотимда ҳар икки жинсга мансуб деб очиқ ёзғанман».

Марвин сүзида давом этиб мана буларни ёзади: «Бу хусусда шуни айтишим лозимки, Скобелев мен билан суҳбат чоғила «Кўплаб аёллар ўлдирилди. Аскарлар дуч келган одамни қилич билан чопиб ташлайвериши», деб тан олган эди. Бошқа дивизиядагилар ҳеч кимга шафқат қилишмади: аскарлар худди машинадек ишлаб, ҳалқни қилич билан роса бурдалашди». Капитан Маслов: «Ахалтаканинг бўйсундирилиши» номли асарида ҳужум бўладиган куни эрта тонгда ҳеч кимни асир олмаслик ҳақида буйруқ бўлган эди», деб гувоҳлик беради. У рус аскарларининг ёвузликларини ўта «майдалаштириб» кўрсатади». Улар қаршилик кўрсатаётган ёки жонини асраш учун қочиб кетаётгандарнинг қовурғасига, қорнига найза санҷдилар, тиккасига отишар, ё бошига қўндоқ билан туширишар,... ҳатто қўпчилик милтиқларнинг қўнлоги ёрилиб кетган эди...»

Генерал Скобелев даҳшатли қирғин бўлишини олдиндан яхши билган ва бунга пухта тайёргарлик кўрганди. У юришга отланишдан аввал император ҳузурида бўлади ва Александр II дан: «Биронта ҳам журналист сафарда қатнашмаслиги керак», — деб қаттиқ илтимос қилганди. Александр II «Ҳа, майли, шундай бўлсин» деб генерал Скобелев илтимосини маъқуллаган<sup>1</sup>.

А.Н.Куропаткин ёзади: «Қалъя ичига назар ташлаш даҳшатли эди. Беҳисоб ўликлар бир неча кундан бери уйилиб ётарди. Баъзи кулбалар мурдаларга тулиб кетганди». Туркман ҳалқини «Ер юзидаги қора дөғ» деб ҳисоблаган калондимоғ зобит Н.И. Гродеков қўшимча қиласди: «Душман қамал пайтида миљтиқ ва замбарак ўқларидан қай даражада даҳшатли талафот кўрганини қальянни эгаллаганимиздан кейин билдик. Қалъя ичидаги баъзи уйларда ҳатто ўн бештагача ўлик ётар эди ...»<sup>2</sup>.

Жанг арафасида Скобелев: «Тўкилган ҳар томчи рус қони учун душман қонини дарёдек оқизаман», — деб мақтанган эди. У Кўктепада жон бераётган мулланинг «8000 бегуноҳ одамни ўлдирганинг учун виждан азобида қолмайсанми?!»— деб берган саволига юзсизлик билан, «Йўқ! 80000 бўлмаганига ачинаман!»— деб жавоб берган эди. У ҳатто шундай гапларни ҳам айтган эди: «Очиини айтсам, урушни яхши кўраман. Ҳар бир миллат ўз ҳудудини табиий чегараларгача кенгайтириш ҳукуқига эга ва бу қонунийдир. Биз славянлар, албатта, Босфор ва Дарданелни эгаллашимиз зарур, акс ҳолда ҳар қандай «тарихий аҳамиятимизни» йўқотамиз. Агар қўлимиз бу бўғозларгача етмаса, ерларимиз қанчалик чексизлигига қарамай, биз ҳалок булемиз».

<sup>1</sup> Костин В. Скобелев. 1843—1882. М., «Патриот», 1990, 153-бет.

<sup>2</sup> Карапан г: Каримов Ш., Шамсутдинов Р. Туркистон Русия босқини даврида, 42—43-бетлар.

«...Мен буни күриб, ҳис қилиб турибман. Башорат қилиб айтаманки, славянлар бир куни Германияни ҳам ейди»<sup>1</sup>.

Генерал Скобелев үтакетган ёвуз, шовинист, босқинчи одам эди. Мана унинг орзулари: «Немисларга асло тоқат қила олмайман», «Буйруқ бўлса, худди така-туркманларни қандай ўлдирган бўлсам, рязанлик мужикларни ҳам шундай хотиржамлик билан отиб ташлайвераман».

«Рус босқини тошқин дарёдек оқиб, қутуриб, ҳамма ёқни топтаб бормоқда. Асрий салтанатлар емирилмоқда: бир томонда Эрон, бир томонда Туркия қалтираб турибди. Бу қурратли босқинни тұхтата оладиган мұжизавий бир куч оламда борми-кан?»

Мана, орадан бир асрдан зиёд вақт үтди. Аммо «кароттгай» генерал Скобелевнинг бу «орзулари» амалга ошмади. Туркия, Эрон, Афғонистон, Ҳиндистонни босиб олишга чор Россиясиянинг «қурратли» күчи етмади. Аксинча, унинг ифлос кирдикорлари жаҳон афкор оммаси орасида шарманда бўлди. Қилич ва замбарак билан ўрнатилган ёвузлик империяси чокчокидан сўклилиб кетди. Славянлар Германияни ҳам «еб» юбора олмади. Бугунги кунда ҳатто немис кухаркалари ҳам қурратли Россиянинг ворисларига — Москва қашшоқларига хайру садақа улашмоқдалар. Ҳар бир нарсанинг ўз ибтидоси ва интиҳо-си бор...

1884 йилда рус қүшинлари Марв воҳасида ўз ҳукмронлигиги-ни ўрнатдилар ва шу билан амалда Туркистон ҳудудининг Россия томонидан босиб олиниши асосан якунланди. Бироқ рус қүшинлари 1895 йилга қадар Туркистоннинг жанубий ҳудудла-рида босқинчилик урушларини олиб бордилар. Бир неча бор Афғонистон қўшинлари билан чегара тўқнашувлари бўлиб үтди. Фақат 1895 йилда тузилган битимлардан сўнггина можа-роларга чек қўйилди. Тожиклар яшайдиган ҳудудларнинг Панж дарёсининг ўнг қирғоғигача бўлган қисми, Туркманистоннинг Кушка дарёсигача, Пенде воҳасидаги Кушка, Мурғоб ва Та-жаннинг қўйи оқимидағи ерлар Россия ихтиёрига үтди. Шун-дай қилиб, Россиянинг 1864—1885 йилларда Туркистон ҳудуди-да йигирма йилдан зиёд вақт мобайнида олиб борган даҳшатли, қирғин-барот урушлари натижасида Ватани из халқлари ўз гарданларига оғир, шармандали мустамлакачилик бўйинтуруғи-ни илишга мажбур бўлдилар. Бу урушлар оқибатида Россия 1583255 квадрат километрдан иборат, ёки Франция, Германия. Австро-Венгрия ҳудудларини бирга қўшиб ҳисоблаганда тенг келадиган ерларни эгаллаб олди. Ўлкада чоризмнинг мусибат-ли ва даҳшатли мустамлакачилик сиёсати даври бошланди.

<sup>1</sup> «Шарқ юлдузи», 1992 йил, 6-сон, 148—149-бетлар.

## 6. БАДИЙ АДАБИЁТДА РУС ИСТИЛОСИ ТАЛҚИНІ

Россия империяси томонидан Туркистоннинг босиб олиниши собиқ шуро тарихнавислигига бир ёқлама талқин этилиб, гүё зиёлилар, шоирлар, олимлар рус истилосига хайрихоҳ бўлган сифатида кўрсатилди. Мустамлакачиларнинг зўравонлиги, оммавий қирғин сиёсати хаспўшланиб, вақтида Баш губернаторликнинг кўрсатмаси асосида ёзилган ва маърифат, савдо, санъат соҳасидаги ўзгаришлар руслар келишига боғлаб мадҳ этилган шеърлар дарсликларга киритилди.

Бугина эмас, чор Россиясининг Марказий Осиё, жумладан, Туркистон тарихини ўрганишга сафарбар этилган бир гуруҳ тарихнавислари илмий холислик йўлидан чекиниб, мустабидлар раъйини ифодаладилар. Таниқли рус олимларидан бири В.В. Бартольд, масалан, Ўрта Осиё халқлари XVII асрда биргина Махтумкулини билар эдилар, дейди. Бу, тарихимизни, бинобарин, қадимий маданиятимизни, илм-фан ва мумтоз адабиётимизни сохталашибирлишга, мустамлакачилик манфаатига хизмат қилдиришга интилиш оқибати эди. Ҳолбуки, ўша XVII асрнинг ўзида Бобораҳим Машраб, Турди Фарогий, Сайдо Насафий, Андалиб сингари кўпгина шоирлар ижод қилган эди. Шоир Турди Фарогий Туркистоннинг уч хонликка бўлинниб қолишига уруғчилик ва бош-бошдоқлик асосий сабаб деб айтган эди. Кейинги асрларда яшаб, ижод этган шоирлар юртнинг яхлитлигини орзу қилдилар. Умуман, ўзбек мумтоз адабиётида марказлашган давлат тоғаси барқарор мавзу бўлиб, ҳамма асрларда ҳам илғор фикрдаги ижодкорларнинг диққат марказида бўлиб келган эди.

Дарҳақиқат, рус босқини халқимиз учун жуда оғир, аянчли кечди. Подшо аскарларининг раҳм-шафқатни билмаслиги, аждаҳодек ажал оловини пурковчи тўплар ва милтиқлар даҳшати қишлоқ ва шаҳар аҳолисини саросимага соглан эди. Энг ёмони, рус келгиндилари босиб олинган жойларда халқнинг орномусини поймол этувчи, таҳқирловчи ишларга ҳаддан зиёд ружу қиласди.

Истило йилларида халқимиз кўрган жабр-ситам кўламини аслига монанд тарихий-бадиий жонлантиришда бадиий адабиёт беназир манба бўлди. Шу жиҳатдан, бу воқеаларга гувоҳ бўлган фозил кишилар, шоирлар яратган асарлар тарихий қиммати бекиёсdir. Қайд этилгани сингари, вақтида рус маданиятпарварлигини улуғловчи шеърлар кенг тарғиб этилиши бараварида мазлум халқнинг дардини, кўргуликларини акс эттирувчи, рус қабоғатини ифода этадиган асарлар йўқ қилинди.

Бундай шоирлар ва асарлар бор эди. Улар халқ бошидан тегирмон тоши юритилганда ҳам меҳнатдан, ижоддан тўхтамаганлар. Подшолик цензураси нечоғлик монеълик қилмасин, барибир, ватанпарвар ноширлар озодлик тоғаси билан сугорил-

ган асарларни панд-насиҳат китоблари орасида, диний рисолалар қатида бериб, халққа еткиздилар. Бундай китобларнинг бир қисми шу кунларга қадар сақланиб қолган. Ватанпарварлик, озодлик, миллый ғуур руҳи билан сугорилган бундай асарлар ҳақида алоҳида китоб ёзиш лозим бўлади.

XIX аср иккинчи ярми бошларидаги ижод этган, бевосита рус истилосига гувоҳ бўлган шоирлардан бири Мавлоно Хаёлийдир. Шоирнинг номи ҳам, салмоқли шеърлар девони ҳам ҳозирга қадар унтилиб келинди. Қарши шаҳрида яшаган, амир Музаффар ва унинг ўғли Катта Тўра — Абдумаликнинг рус босқинчиларига қарши курашини бутун вужуди билан қўллаб-кувватлаган шоир чинакам ватанпарварлик руҳи билан суғорилган шеърлар яратади. У, жумладан, бир шеърида:

Келибдур ахли кофир суйи ислом қасди қатл айлаб,  
Умид шулдир, алар бирлан ажойиб корзорим бор.  
Агарчанди, яроғу ҳийлаи тадбиримиз йўқтур,  
Валс, ўзбек эрумиз, кўнглума минг турлик орим бор.

— дейди ифтихор билан.

Шоир дастлабки пайтлар, руслар Тошкент ва Жиззахни босиб олган кезларда уларга қарши қўшин тортган амир Музаффарга катта умид болгайди. Лекин, амир қўшинларининг кетма-кет мағлубияти, айниқса Каттакўргон фатҳидан кейин юз берган таҳқири сулҳ воқеаси Хаёлийнинг амирга бўлган ишончини чиппакка чиқарали. Амир Музаффар катта товон эвазига ҳудуд ва нуфуснинг бир қисмидан айрилиб, тожу таҳтни сақлаб қолади. Ориятли ватанпарварлар шу боисдан таслимчи амир эмас, унинг шиҷоатли ўғли Абдумалик тўра атрофида жислашдилар. Китоб ва Шаҳрисабз беклари Абдумалик тўрани қўллаб-кувватлайдилар. Шоир Хаёлий озодлик ва эрк курашчиларининг ўша пайтдаги кайфиятини шундай тасвир этади:

Умидим бор, шояд хуружи кофир йўқолғай деб,  
Тўрамни жабҳасига икки давлат тавомон келмиш.  
Муборак мақдами Қаршига етти, бўлди жаннатдеск,  
Худо лутф айлади, бизларга гўё Хумо келмиш.  
Худоё, кофир элатни поймоли Тўражон қылғил,  
Сабаб недур, бу Дизах мулкига ул баднамо келмиш<sup>1</sup>.

Шоир Хаёлий Абдумалик тўранинг Қаршига келишини «Минг икки юзу саксон учга токи Хисравон келмиш», деган сатрда кўрсатади. Бу милодий 1866 йилга тўғри келади. Руслар ғалабасидан умидсизликка тушмаган шоир, «Дўстлар, айб этмангиз, кофир ахли ғолиб ўлди деб, иншооллоҳ, нусрати ҳақ бўлғай ислом устина», дейди қатъият билан. Босқинчи руслар

<sup>1</sup> Олим Равшанов. Кўнглума минг турлик орим бор. «Ёзувчи», 1997 йил 5 ноябрь.

түккан қонлар совумай туриб ёзилган бу сатрларнинг аҳамияти бекиёсдир.

Иход аҳли орасида бевосита рус босқинчилариға қарши куршда иштирок этган ва қалам тебратгандарнинг яна бири мулло Холбек ибн Мусо Андижонийидир. У амири лашкар Алимқул бошчилигига рус босқинчилариға қарши олиб борилган жангларда қатнашади ва босқинчилар Қўқонни ўз тасарруфига олгач, 10 йилга бадарға этилади. Мулло Холбек ёзди:

Эшит, эй жамъияти аҳли расолар,  
Фақиру бой, мискин, порсолар,  
Асираман Русия куффор элинда,  
Овохтада, уй мискини, саллот қулинда.  
Бу ташвишлар илон йилнинг қишинда.  
Сана минг икки юз тўқсон<sup>1</sup> бешинда.  
Бадарға айлади ислом еримдин,  
Бўлуб ҳоким биза Русия бедин.....  
Русия юртига ўн йил субҳи шом,  
Қўйғон эрди маҳқум этиб бул шоҳи урус,  
Муддати ўн йил тамом беками куст,  
Истиқомат айладим фурбат билан,  
Қўшулуб Маъмурга<sup>2</sup>, бул ифво қиласан,  
Деб бадарға айлади, булдуру сабаб,  
Фурбат ичра бўлди дафтар қанча кўб.

Бинобарин, Мулло Холбекнинг «Алимқул жангномаси» деб аталган достони ва ўз аҳволидан баён этувчи бу асар ЎзР ФА Шарқшунослик институти жамғармасида 8816 рақами остида сақланадаёт. «Алимқул жангномаси» тарихий жангнома асардир. Достонда амири лашкар Алимқулнинг ҳарбий истеъоди жанг воқеалари орқали очиб берилади.

Рус мустамлакачиларининг ўлкада зўравонликка, талончиликка, миллий камситишига, маҳаллий аҳолини хўрлашга асосланган сиёсати боис, норозиликлар, озодлик, ор-номус учун бўлган интилишлар, курашлар ҳам кучая борди. Ҳусусан, Дукчи эшоннинг подшоликни таҳдикага соглан миллий-озодлик ҳаракати истибод ва зулмга қарши қаратилган эди.

Шу боис, ўзларини киборлар, маданиятли кишилар деб фарз қилган подшо Россиясининг Туркистон генерал-губернаторлиги Муҳаммад Али эшон ва унинг исёнини шафқатсизлик билан бостирибигина қолмай, Ўрта Осиё ҳалқларини маънавий яксон этишга ҳам ҳаракат қилди.

Аввало, аҳли қаламга, матбуотга Дукчи Эшон шахсини таҳқирловчи, исёнини лаънатловчи асарлар яратиш буюрилди. Оқибатда, Санкт-Петербургни даҳшатга соглан исён ва унинг

<sup>1</sup> 1872 йил.

<sup>2</sup> Маъмур Мерган, кўзғолон бошлиғи.

йүлбошчиси, миллий-озодлик яловини күтарган, истиқдол учун ҳайт-момот жангига кирган Мұхаммад Алини масхара этувчи талай шеърлар, манзумалар яратилди.

Маҳаллий бошқарув вакилларининг зобитларнинг зулми муттасил тарзда амалга оширила борғанлигига қарамай, аввал бошданоқ ҳалқнинг дарду ҳасратини, қора кунларини ифода этган шоирлар бундай таъсирга тушмадилар. Аксинча, үрнатилған қаттиқ назорат-цензурани чалғитиши, қандай қилиб бўлса-да, босқинчиларнинг кирдикорини, мудҳиш жиноятларини элу ҳалққа шеърий сатрларда ошкор этиш йўлидан бордилар.

1911 йилда Тошкентда Фулом Ҳасан Орифжонов матбаасида «Саду як банли Мушфиқий» деган китоб нашр этилади. XVI аср воқеалари билан бошланувчи бу асар мундарижасидан рус истилосига бўлган муносабатни акс эттирувчи шеърлар ҳам ўрин олган. Матбаачилар цензурани чалғитиб, ватанпарварлик руҳидаги асарларни ҳам чоп этишга муюссар бўладилар. Масалан, китобда Мұхаммад Амин Ҳўқондий ва Ҳофиз Рўзибой Машраб манзумалари берилади, уларда истилочиларнинг мудҳиш қиёфаси фош этилади. Жумладан:

Насоралар<sup>1</sup> олиб бу шаҳарни шоҳи жаҳон бўлди,  
Раиятларга зулми ҳаддин ошиб, кўп ямон бўлди.  
Неча бебоку бехуда бу юртларга калон бўлди,  
Фасоду фитналарким қўзголиб, охир замон бўлди.  
Чиқолмай кучка-кўйга бир неча яхши мусулмонлар,  
Замона фитнасидин қўрқибон бўлди паришонлар.  
Ётолмай уйларида, бойдур деб оти чиққанлар,  
Бирорвлар ҳовлисинда ётибон хонавайронлар,  
Ҳамиша хавф бирлан ранглари чун заъфарон бўлди.

Бу шеърда Мұхаммад Амин Ҳўқондий Қўқоннинг олиниши, беаёв таланиши воқеаларини ҳаққоний акс эттиради. Рус солдатлари бойларнинг мол-мulkини, харислик билан йикқан олтинларини тортиб олади, уларга катта жарималар солади. Аён бўлишича, шулардан бири Абдураҳмонбойга ҳам 1500 сўм миқдорида тавон солинади. Бундай торождан нафақат одий фуқаро, балки бойлар ҳам хонавайрон бўлға<sup>1</sup>, уй-жойидан айрилган эди. Юқорида келтирилган сатрларда айтилгани каби, жон ҳовучлаб, яшириниб юрган бойлар мустамлакачи — қароқчилар азми иродасини бажармай қўлга тушса, отиб ташланган.

Истилодан сўнг ҳам Қўқонда кечган бедодликларнинг чеки бўлмаган. Шу асарга киритилган, «Ҳикмат» деб номланган икки шеърда рус босқинчиларнинг аянчли, таҳқирил қилмиши надомат билан таъриф этилади:

<sup>1</sup> Христианлар, яъни руслар назарда тутилади.

Дүстларим, охир замон бүлди, күринг.  
Бедин кофиirlар оламға тұлди, күринг.  
Мүминларнинг үғил-қызин қылди ҳалок,  
Асир қилиб, фарзанд дөғин солди, күринг.

Шарқона қадриятлар, исломий ахлоқ руҳида тарбияланған ҳалқымиз учун бундан ортиқ қақорат булиши мүмкін эмасди. Шу боис, қасоскорлик қарапатлари шактана боради. «Хикмат»ларнинг номағым мұаллифи айтгани каби, «бу кофиirlарнинг барисини қириш» муддоаси қарор топа беради. Афсуски, ҳарбий күчлар тенг эмас эди.

Курашчилар, шу жумладан, ҳалқимизнинг зукко, солих фарзандлар армонли фарёлдарини, қонли күз ёшларини яшира олмадилар. Иложисизлик сабабларини қидириш, бу янглиг машъум ҳолга тушиб қолишни бадий идрок этиш намоён бұла бошлади.

Бухоро амирлигига тарихий вазият, рус босқини құланкаси унинг сархадларига яқынлаб келаётган йиллардаги ҳолат ҳам адабий асарлар сақыфаларыда ўз аксини топа беради.

Құқон хони Худоёр тақдирiga бефарқ бўлмаган, уни иккича бор таҳтга қайта ўтқазган амир Музаффар рус босқини қулеми хавфини ҳали тўла даражада англаб етганми-йўқми, айтиш қийин.

Отаси ўрнига Бухоро таҳтига ўлтирган амир Абдулаҳад подшолик Россияси билан тинч-тотув яшаш аҳдига Эришган бўлса-да, сиёсий жиҳатдан оёқ-қули boglaniib қолганлигини аংগলান, албатта. Бу, унинг бадий мушоҳадаларида ҳам акс этади. Амир Абдулаҳад «Ожиз» тахаллуси билан шеърлар ёзган. Бу жиҳатдан, унинг:

Дүстлар, айланг дуо бу дийда хунбор учун,  
Айрилибман хонумонимдин, билинг, дилдор учун,

сингари рамзий ифода этилган мисралари дикқатни ўзига тортмай қолмайди.

Амирликда, шубҳасиз, ён беришдан норози бўлган, илм-маърифат, тараққиёт тарафдори бўлган күчлар бор эди. Айниқса, илғор зиёлилар Европанинг, шу жумладан, Россиянинг ҳарбий қурдатини илм-фан, маданият юксалишида деб ҳисоблангарлар. Ҳақиқатда, XIX аср охирларидан ҳарбий техника, ўқотиши қуроллари Европада Шарқдагидан бир неча баробар устун эканлигини таъкидлашга зарурат йўқдир. Бунинг устига подшолик Россиясининг уруш тажрибаси ҳалқаро йўсунда меъёрига етган, руслар шу аср давомида бир неча давлатлар билан жанглар қилган эди.

Зиёлилар миллатни гафлатда қолган, жаҳолат ва қолоқлик тараққиётга ғов бўлган, деб ҳисоблар эдилар. Амир Абдулаҳад саройида русларга тилмошлиқ қилган, «Таржимон» тахаллуси билан ижод этган шоир, масалан,

Сен, эй миллат, ўён, күп ётма, тур уйку канориндин,  
Ониб күз, бир йўла боқ, қолдиму дониш баҳориндин,  
Хазон бўлмиш яшил япроглар нодонни нориндин.  
Хаёлга келтир ўтиш асрлар атвори кориндин,  
Нега чиқмассан, эй миллат, туриб фафлатни кориндин,

— дейди ачиниш билан.

Юрт боғларининг хазонга юз тутиши, табиийки, ҳаққоний хулоса эди. Таассуфки, Туркистон бирлигини қаламга олиш, иттифоқ бўлган ҳолда умумий ёвга қарши кураш гоясини куйлаш хонларга ҳам, амирга ҳам, муҳими, мустабидларга ҳам мақбул тушмаган. Шу сабабдан, босқинчиларга, уларнинг ёвуз тажовузига қарши руҳда бўлган шоирлар унтилди, уларнинг шеърлари кўлэзма ҳолида қолиб кетди, кўплари йўқотилди. Фақатгина ватанпарвар ноширларнинг саъй-ҳаракати билан XX аср бошларида айримларининг ижод намуналарини мухтасар тарзда ҳалққа етказиш имкони бўлди.

Қашқа воҳасининг Қамаши қишлоғида вояга етган, катта обрў-эътиборга эга бўлган Ҳофиз Рӯзибой охунд Машраби Соний (XIX асрнинг бошларида туғилиб, охирги йилларида вафот этган) рус истилочиларининг ўлқамизни босиб олиши ҳақида мушоҳада юритар экан, аччиқ ҳақиқатни қаламга олади:

Хаста дилман, аҳли маънилар фано бўлди, дариг,  
Ҳосили тахтим вафо жабру жафо бўлди, дариг,  
Гандалар бош бўлди, хублар тахтию бўлди, дариг,  
Бода нўш ўлди неча бемаъни ва бебодалар,  
Кўйдилар элни иззага неча бор зангар чиқиб,  
Йил хусусан қишига тортиб, жабҳага кофир чиқиб  
Бул ажаб, ҳар ҳафта мўъминдан олур ҳиндуда ҳирож,  
Дафновозу лўли ва қарсакчилар соҳиб ривож,  
Они учун аввали келди уруслар, охирда соч,  
Тавба қилмай, ҳалқ поймол, бало бўлди дариг.

Англашиладики, ўлкада бошбодоқликнинг авжга чиқиши, элга бош бўлганларнинг нодонлиги, айш-ишратга чўмганликлари, ичкилик, охир-оқибатда, юртни келгиндиларнинг эгаллашига сабаб бўлади.

Абдураҳмон Офтобачи фитнаси юз бермаганда, ўзаро ҳокимият талашиш, тахт олиш пойгаси бўлмаганда, водийдаги кучлар жам бўлиб, ёвга қарши отланганда Қўқон хонлиги вассал тариқасида сақланиб қолиши мумкин эди. Амал талашиш, тангназарлик, ибтидоий уругчилик сарқитлари хонликнинг нуфузли кишилари иттифоқлашишига монеълик қилди. Бу ўта бачканга кайфият ҳатто Ватан туйғусидан ҳам устун келди. Руслар ўзларининг таҳқирловчи, эзувчи ҳокимиятини Қўқон хонлиги бўйлаб ўрнатар экан, энг аввало, ана шундай, кечагина

бир-бирини сотган, хоинлик қилган, амал деса ор-номусдан ҳам воз кечишга тайёр кимсаларга таянди.

Құқоннинг Шахрисабз маҳалласида яшаб ижод этган, Қиялисой күчасида косиб оиласида туғилган Фофуржон қори мұлло Аъзамжон ҳожи ўғли Камина (1922 йилда вафот этган) шуни назарда тутиб:

Эй оқсоқоллар калтаси, нафси колон өр оқсоқол,  
Оlamдаги бор оқсоқол сендан этар өр, оқсоқол.  
Хокимға таъзим айлагай ногоҳ йүлиқса тұнқайиб.  
Ерга бошин сткурмаса таъзими бекор, оқсоқол  
Манға гароднушдин хабар келди бутун жандарм үтар,  
Сув сеп дебон ахли гузар бошида барқарор. оқсоқол,

деб ёзган эди.

«Ансоб ас-салотин ва таворихи ал-ҳавоқин» мұаллифи, Құқон хонлигіда XIX асрнинг охирларыда кечган воқеаларнинг жонли шоҳиди мұлло Мирзо Олим ибн мирзо Раҳим Тошкандий Россиянинг талончилик сиёсати ва уни амалга оширган маҳаллий малайлар ҳақида койиниш билан гапиради.

Рус маъмурлари жамики мирзоларни тұплаб ерларни үлчаб, ҳисобға олишни буюради. Муқимийнинг «Танобчилар» шеърида тұғри тасвир этилганидек, улар бу ишда ҳам ғаразни, манфаатни ҳамма нарсадан устун құяды.

Ачинарли жойи шундаки, мұлло Мирзо Олим ўз китобида айтганидек, мустамлака ҳокимияти ҳар таноб ерга 70 тийин, яна құшимчалари 35 тийин ҳисобланиб, жами 1 сұму 5 тийиндан солиқ белгилайдилар.

Иноқлар ва мингбошиларнинг солиқ йиғувчилари собық хонликнинг қишлоқларидан бир йұла 4 ийлilik солиқни тұпладындар. Мирзо Олим босқында хонавайрон бұлған, бор-буудан айрилған қишлоқлар ақолисидан 4 жыл учун олдиндан олинған хирож солиғининг 90 фоизини мустамлакачиларнинг малайла-ри бўлмиш солиқ йиғувчилар ўзлаштириб олганлигини таъкидлаб үтади.

«Ансоб ас-салотин ва таворихи ал-ҳавоқин» да руслар хизматига кирған, уларға ялоқхұр бұлған бундай малайларни халқ киноя билан «бұзча»лар деб атаганлиги тилга олинади.

Қанчалик оғир бўлмасин халқ зиёлиларида, ватанпарвар, миллатпарвар шоирларда, олимларда, ноширларда истиқболга ва истиқдолга бўлған ишонч туйғуси барқарор эди.

## 7. МУСТАМЛАКА ҲУКМРОНЛИГИНИНГ ЖОРЙ ЭТИЛИШИ

Үрта Осиё истилосидан сұнг, Россия, Пётр I васиятини бажариб, жаҳоннинг энг иирик империяларидан бирига айланди. Европанинг илғор жамоатчилиги XIX аср охирида Россияни «беадад миқдордаги мулк ўғриси», деб таърифлаб, «ҳисоб-

китоб вақти келганды, у бу мулкларни ўз эгаларига қайтаришга мажбур бұлади», деб башорат қылган эди.

Россия империяси жағоннинг құдратли давлатлари Буюк Британия, Франция ва Германия империялари қатори катта мустамлакачи давлат бўлиб қолди. Болтиқ бўйларидан Кавказ тоғларигача, Украина даштларидан Узоқ Шарқ ва Ўрта Осиё худудларигача чўзилган ерларда империянинг икки бошли бургут тасвири туширилган оқ-яшил байроби үрнатилиб, Россия Польша, Финляндия, Болтиқбўйи мамлакатлари, Кавказ үлкаси, Бошқирдистон, Сибирь ва қалмоқлар юрти унинг тахти тасарруфига муҳрланди. Ўз мустамлакалари худуди жиҳатидан энди Россия Буюк Британия, Франция ва Германияни орқада қолдириб кетди. Англия мустамлакалари 13 миллион квадрат километр, Францияники 11 миллион квадрат километрни ташкил қиласа, Россиянинг биргина Сибирь мустамлакаси худуди 13 миллион квадрат километрни ташкил қиласади. Россиянинг Туркистон генерал-губернаторлорлиги худуди эса кенглиги жиҳатидан Франция, Германия ва Австро-Венгрия империялари майдонига тенг бўлди.

Туркистон мъемурияти империянинг бошқа үлкалари бошқарувидан ўзининг кескин ҳарбийлашгани билан алоҳида ажраби туради. Россия ҳукуматининг Туркистон учун 1865—1916 йиллар давомида ишлаб чиқсан ва амалга татбиқ этилган ўнта қонун лойиҳаси (1865, 1867, 1871, 1873, 1882, 1884, 1886, 1908, 1912, 1916)га ва унинг моддаларига адлия, молия, ҳарбий, ички ишлар ва бошқа вазирликлар кириктган ўзгартиришларда ана шу ҳолат ўз аксини топган. Туркистон үлкаси сиёсий тизимида Санкт-Петербург олий ҳарбий-сиёсий доираларининг ниқобланган ва жаҳон афкор оммасини ҷалгитишга қаратилган найранглари ҳам рўй-рост гавдаланган. Ҳарбий вазирликнинг Бош штаби Осиё бўлими, Ички ишлар вазирлиги полиция департаменти, «император ҳазрати олийларининг ўз маҳкамаси», Вазирлар қўмитаси ва Вазирлар Кенгашининг Туркистон идорасига оид ҳужжатларида Россия ҳукумати Туркистон халқларининг «хоҳиш-иродаси ва розилигига қараб қолмаслиги» ҳамда «ўз фаолиятида тўла эркин бўлишлари зарурлиги» алоҳида уқтирилгани бежис эмас. Ана шу ҳужжатларда аҳоли «амалдорларга тўланадиган маошни ўзлари бераётганидан воқиф бўлмасликлари ҳамда бу ишни ҳукумат марҳамати» деб тушишнишлари учун зарур чоралар кўриш ҳам таъкидланган.

Ўлка бошқаруви зўравонликка асосланган ва у доимий усул сифатида сақланиб келган. Оқсуяк рус зодагонларидан бири барон А.Б.Вревский ҳам шу зайлда фикр юритиб, «Туркистон халқлари ўзларини бошқарувчи ва суд қилувчи ягона ҳокимиётга кўнишкан», деб ўлкада қаттиққўл мустабид идора зарурлигига ишора қылгани ҳам тасодифий эмас.

Туркистонда империячилик бошқарувининг мустамлакачи-

лик тамойили расман Туркистоннинг биринчи генерал-губернатори фон Кауфманнинг 1868 йил 22 январда Тошкент шаҳри аҳолиси билан бўлган учрашува сўзлаган дастурий нутқида ўзининг яқъол ифодасини топган эди. У мазкур нутқида русларни Ўрта Осиё ҳалқларининг катта оғаси деб атаб, Туркистонда рус ҳокимиятининг қатъий ва доимий ўрнашганлигини алоҳида уқтирганди.

Фон Кауфманнинг Туркистон генерал-губернатори этиб таинланиши тасодифий эмас эди. Романовлар сулоласи подшоҳликнинг ишончли хизматкорларини танлашда ҳамма вақт хориждан ёлланганларга катта эътибор берган. Биринчи навбатда, немис дворянларига бўлган ишонч кучли эди. Фон Кауфман шундай ишончни қозонган, синалган, ҳамма лавозимларда подшо сиёсатини кўнгилдагидек амалга оширганлардан бири эди. Шунинг учун ҳам унга кучли ва қурдатли ҳокимият подшо Александр II томонидан олтин ёрлик тарзида (ваколат ёрлигининг муқоваси олтиндан бўлгани учун ёрлик шундай аталган) инъом этилган эди.

Кауфманнинг чекланмаган қўламда фаолият курсатиш стратегияси 1868—1876 йиллардаги ҳарбий юришларда амалга оширилди. Бу юришлар унинг номини Россияда Туркистон ўлкасининг омадли генерали ва истилочиси сифатида машҳур қилди.

Кауфман ҳукмронлиги даврида Туркистонда генерал-губернаторлик бошқаруви унинг жиловланмаган истибоди асосида амалга оширилган. Махфий маслаҳатчи Ф. Гирс қайд этганидек, «генерал-губернаторнинг ҳокимияти, қонун буйича иш юритилишини тақоза этган бўлса-да, амалда, ўзи хоҳлаганча иш тутди. Генерал-губернатор ўлка ҳокимиятининг ягона бошқарувчисига айланган эди. Ҳокимиятни бир йула марказлаштириш оқибатида барча иш қонун асосида эмас, аксинча, генерал-губернаторнинг курсатмаси асосида амалга оширилди.

Тошкент шаҳри қўлга олинганидан (1865) кейин, мустамлака шароитидан келиб чиққан ҳолда, Сирдарё ҳудуди ҳамда 1864 ва 1865 йилларда босиб олинган ерлар ҳисобига, Оренбург генерал-губернаторига бўйсундирилган Туркистон вилояти ташкил этилди. Туркистон вилоятини бошқариш учун 1865 йил 6 августда «Муваққат низом» эълон қилинди. Унинг асосий мақсади, русларнинг янги босиб олинган ерларда, бошқарувнинг умумий асосларини белгилаш орқали, тинчлик ва хавфсизликни таъминлаш бўлган. Жойларда бутун ҳокимият ҳарбий бошлиқнинг қўлида бўлган, маъмурий органларга эса маҳаллий ҳалқ устидан назоратни ўрнатиш вазифаси юлатилган.

1865 йилда император Александр II нинг азми қарорига кўра, Оренбург ва Фарбий Сибирь генерал-губернаторлиги

ҳамда Туркистон вилояти аҳолисининг турмушки ва умумий аҳволини ўрганиш учун «Дашт комиссияси» тузилади.

Дашт ҳайъати томонидан ишлаб чиқилган «Еттисув ва Сирдарё вилоятларини бошқариш ҳақидаги қоидалар лойиҳаси» бўйича Вазирлар маҳкамаси қабул қилган қарорда қуидагилар қайд этилади:

1. Лойиҳада кўрсатилган ҳудудларда Еттисув ва Сирдарё вилоятлари таркибида Туркистон генерал-губернаторлиги ташкил этилсин.

2. Генерал-губернаторга ўлкани бошқариш учун лойиҳада назарда тутилган штатлардан келиб чиққан ҳолда, бошқариш учун амалдорлар олишга имконият берилсин.

3. Генерал-губернаторга лойиҳада кўрсатилган ерларда, ўлкадаги маҳаллий шароит, тузем халқларнинг эҳтиёжларини ҳисобга олган ҳолда, сўнгги марта қонуний тартибда кўриб чиқиш ва қабул қилиш учун унинг қисмлари бўйича ва яхлит ҳолда ўзининг хulosасини бериш топширилсин. Унгача, лойиҳада кўрсатилган ҳолатларни асос сифатида қабул қилиб, ўлка тузилиши учун фавқулодда муҳим ва фойдали деб ҳисобланган ҳамма чораларни кўриш топширилсин».

1873 йил бошида Туркистон ўлкасидаги вилоятларнинг барча бошлиқлари иштирокида лойиҳадаги қоидалар қайта кўриб чиқилгандан кейин қонун лойиҳаси ҳарбий вазирликка юборилади.

Фон Кауфман лойиҳасининг таҳрир этилган нусхасида Россиянинг бошқа ўлкаларидаги генерал-губернаторларнидан фарқли ўлароқ, Туркистон генерал-губернаторининг хукуқ ва имтиёзларини кенгайтириш кўзда тутилган. Жумладан, у Туркистон ўлкасида ҳарбий вазирликка бевосита бўйсундирилган барча вазирликлар органларини таъсис этишни таклиф этган эди.

1878 йил ўрталарида ҳарбий вазирлик Туркистон генерал-губернаторига вазирликларнинг таклиф ва мулоҳазаларини, шунингдек, Фарғона вилояти ва Амударё бўлимини ҳисобга олган ҳолда, лойиҳани тўлдириш ва қайта ишлашни таклиф этди.

1881 йилда ҳарбий вазирликда Туркистон генерал-губернаторлиги сарф-харажат сметаси кўриб чиқилаётганда бошқариш бўйича харажатларни қисқартириш ва унинг даромадларини ошириш зарурлигига эътибор қаратилди.

Туркистон генерал-губернатори этиб тайинланган генерал-лейтенант М.Г.Черняев (1882—1884) таклифи билан 1882 йил 8 майда императорнинг Туркистон генерал-губернаторлигини тафтиш қилиш тўғрисидаги фармони эълон қилинди. Тафтиш ишларини олиб боришга раҳбар этиб Ички ишлар вазирлиги кенгаши аъзоси, Дашт комиссиясининг собиқ раиси, маҳфий

маслаҳатчи Ф.К.Гирс тайинланди. Гирс 1883 йилда тафтиш ишларини тугаллаб, императорга генерал-губернаторлик ва унга қарашли ташкилотларнинг аҳволи тұғрисидаги ҳисоботни, «Үлкани бошқариш тұғрисидаги низом лойиҳаси»ни тушунтириш хати билан бирга тақдим этди. 1884 йил 21 январда император Александр III нинг күрсатмаси билан Давлат Кенгаши аъзоси, генерал-адъютант, граф Н.Игнатьев раислигига «Туркистон үлкасини бошқариш тұғрисидаги низомнинг қайта ишланган сұнгы лойиҳасини ишлаб чиқиш» бўйича комиссия ташкил этилди.

Граф Игнатьев комиссияси таркибига Гирс бошчилигидаги ҳайъат аъзолари, 1881 йилги лойиҳани тузганлар, Осиё департаменти маҳфий маслаҳатчиси Кобеко, Бөш штабнинг Осиё бўлими бошлиги полковник Иванов, генерал- майор А.Н. Куропаткин (булажак ҳарбий вазир) ва бошқа юқори мартабали шахслар аъзо бўлдилар. Комиссия кенгашида генерал-лейтенант Черняев ўрнига тайинланган Туркистон генерал-губернатори, генерал-адъютант Н.О. Розенбах (1884—1889) ҳам иштирок этади.

Чоризмнинг олий доиралари томонидан тузилган комиссиянинг асосий вазифаси «Үлкани Россияга қатый қарам қилиб қўйиш мақсадлари ва уни бошқаришда харажатларни камайтириш, даромадларни эса оширишга, шунинг билан бирга, фуқароларни бошқариш талабларига ва жойларнинг шарт-шароитларига тўғри келадиган низом» тузилишини амалга оширишдан иборат эди.

Комиссия ўз ишига Гирс томонидан ишлаб чиқилган Туркистон үлкасини бошқариш тұғрисидаги ва генерал-лейтенант Колпаковский раҳбарлигидаги Тошкент комиссиясига тақдим этилган 1881 йилги низом лойиҳасини ҳамда Туркистон маъмуритининг олдинги барча лойиҳаларининг хulosаларини асос сифатида қабул қиласди.

Граф Игнатьев комиссиясининг «Туркистон үлкасини бошқариш тұғрисидаги низом лойиҳаси» үлкани бошқариш бўйича тузилган олтинчи лойиҳа эди.

Император томонидан «Туркистон үлкасини бошқариш тұғрисидаги Низом» 1886 йил 12 июнда тасдиқлангандан кейин ҳам маъмурий қурилиш бўйича эътиrozлар давом этди. Аммо император Туркистон үлкасида собиқ генерал-губернаторлик бошқарувининг асосий тамойилларини сақлаб қолган ҳолда унга баъзи ўзгаришлар киритди.

«Туркистон үлкасини бошқариш тұғрисидаги низом» бўйича Туркистоннинг вилоятларга бўлиниши, ҳарбий вазир фикрича, «аҳолининг этнографик, майший ва иқтисодий шарт-шароитларини ўрганиш асосида эмас, балки үлкани босиб олиш жарәёни билан боғлиқ ҳолда амалга оширилди. Уездларга бўлиниш эса аҳолининг рус босқинигача бўлган марказларида таш-

кил этилган эди. «Туркистон үлкасини бошқариш тұғрисидаги низом»да күрсатилганидек, суд ҳокимиятini маъмуритдан тұлық ажратиш тамойили Туркестон генерал-губернатори барон Вревскийнинг фикрича, «Янги Европа қонунчилигининг натижаси булиб, уни Россия ахолисига ҳам, шунингдек үз ҳукуматининг қуллик зулмидан холи бұлған Үрта Осиё халқтарыга ҳам тадбиқ этиб бўлмайди».

Шундай қилиб, Туркестон үлкасида Россия ҳукмронлик қилган йилларда қонун лойиҳалари доимо тұлдирилиб, ўзgartирилиб турилди. Бунинг сири жуда oddий эди. Чор Россияси-нинг қонун лойиҳалари Туркестонни Россия империясининг марказлашган бошқаруви тизимиға киритиб, уни рус буржуазияси ва дворян-помешчиклар мулкига айлантиришга қаратаилган эди. Империя асосчиси Пётр I нинг армонини қондирған ҳолда ўзбек хонларидаги минг йиллик давлатчилик заминларини қўпоришни қўзлаган эди. Асосий мақсад бутун жаҳонга танилган Амир Темур салтанати ворисларини тобе қулларга айлантириш, халқарини эса секин-аста руслаштириш жараёнига тортиб, қўхна Турон заминни империянинг чекка губернияларидан бирига айлантириш эди. Империячилар қачонлардир, аниқроғи XIV аср охирида соҳибқирон Амир Темур рус князликларини ўзига тобе қилиб, Москва остонасида барчага даҳшат солганини сира унтишмаган. Рус солномаларида муҳрланған бу даҳшат уларда адоват чўғини алангалатган.


Қўш бошли бургут рамзи туширилган Россия империяси туғи Амир Темур ватани заминига қадалгач, империячилар асрий орзуларини амалга оширишга қатъян киришилар.

Санкт-Петербургнинг сиёсий доиралари ҳарбий-миршабдик тартибларини үлкада құллашлари заруратлигини қуйидаги-ча изоҳлаганылар: «Туркестон тузем ахолиси ҳали жуда күйи ақдий тараққиёт босқичидалир. Улар ҳуқуқ, маъмурият, қонун нималигини билишмайди. Жамият қонун томонидан бериладиган ҳуқуқдан фойдаланишин билмайди, бу ҳуқуқ унинг зарарига хизмат қиласади». Ана шундай калондимоглик ва менсимаслик нұқтаи назаридан келиб чиқылған ҳолда Туркестон генерал-губернаторлиги бошқарув тизими юзага келған эди. Үлка идораси марказий, вилоят, туман (уезд), жабха (участок), қишлоқ ва шаҳар бошқаруви шаклида ташкил топды.


Бинобарин, Марказий үлка бошқаруви генерал-губернатор, унинг кенгаши ва маҳкамасидан иборат бўлган.

Куйида чоризмнинг Туркестонда амалга оширган ҳукмронлик бошқарув тизими маҳсус жадвалларда берилди. Улар тадқиқот материаллари таҳлили асосида тузилған булиб, муаллифларнинг илмий хуласалари натижасидир:

## I. Марказий бошқарув



## II. Вилоят бошқаруви




### III. Туман бошқаруви




### IV. Шаҳар бошқаруви


*a) туман шаҳарлари идораси*




*б) Тошкент шаҳри идораси*



*V. Қишлоқ бошқаруви*




## VI. Шарнат қозиси («халқ суди»)




## VII. Миршаблик бошқаруви

*a) Мустабид идора усулининг миршаблик амалиёти*




*б) Рус империяси Йчки ишлар вазирлиги полиция департаменти органи — Туркистон туман муҳофаза бўлими (маҳфий сиёсий полиция — охранка) — ТРМБ*


## I. Шахсий таркиб



**2. Туркистан ўлкаси ТРМБга бўйсунувчи полиция-жандарм боиқармаси бўлими**



**VIII. Александр II томонидан 1864 йилда суд низомларининг жорий этилишидан сўнгги умумсалтанат суди  
(XX аср бошлари)**



Жадваллардан кўриниб турганидек, Туркистон генерал-губернатори ўз қўлида ҳарбий ва фуқаро ҳокимиятини бирлаштирган. Бир вақтнинг ўзида у подшо ноиби, ҳарбий округ қўшинлари қўмандони, Еттисув казак қўшинлари атамани, бош миршаб, бош прокурор вазифасини ҳам ўтаган. Унга Бухоро амири ва Хива хони ҳам бўйсунган. Генерал-губернатор вассаллари бўлмиш Бухоро амирини Россия император агентлиги (1885—1917), Хива хонини эса Амударё бўлими (1873—1918) бошлиғи орқали назорат қилган. 1882—1884 йилларда Туркистон ўлкасидағи бошқарувни атрофлича тафтиш қилган марказ вакили — императорнинг маҳфий маслаҳатчиси Ф. Гирс генерал-губернаторнинг Россиядаги касбдошларидан фарқли ўлароқ, Туркистонда мустабид ҳоким эканлиги, империя қонунчилигига мутлақо риоя қилмай, ўзича қонунлар чиқаргани ва ўз майлича ҳукм юритганини эътироф қилган эди. Ҳарбий губернаторлар, суд палатаси раиси, прокурор, округ штаби бошлиғи, генерал-губернатор ёрдамчиси, генерал-губернатор Кенгашти ўлка бошқарувининг муҳим масалаларини ўзларича ҳал қилган.

Марказий бошқарувда генерал-губернатор маҳкамасининг ҳам аҳамияти беқиёс катта бўлган. Бош бошқарманинг ижроия органи бўлган генерал-губернатор маҳкамаси дастлаб тўрт бўлимдан иборат ўзи. Биринчи бўлим маъмурий ва назорат ишларини бошқарган Иккунчиси бош бошқарманинг молиявий-хужалик ишларига қарашан. Учинчи бўлим эса солиқлар, шаҳарлар маблағлари ҳамма бошқарувга доир низомлар лойиҳаларини тайёрлаш бишан шуғулланган. Тўртингчи бўлим маҳсус бўлиб, унинг фаолият доираси фоят кенг ва серқирра бўлган. 1886 йилгача мустақил иш кўрган бу бўлим ҳарбий ва аллия вазирлари кўрсатмадарига хилоф равишда суд қарорларини ҳам қайта кўриш билан шуғулланган.

Россия империяси губернияларидаги биронта ташкилот генерал-губернатор маҳкамасидек чекланмаган ваколатларга эга бўлмаган. Маҳфий маслаҳатчи Гирснинг сўзларига қараганда, Кауфманнинг маҳкамаси империя қонунларини ҳам чекловчи ўз қонунларини чиқарган.

Генерал-губернаторнинг ўзи Афғонистон ва Кошгар масалалари буйича шуғулланувчи өлчилик бўлинмасини ҳам 1899 йилгача бошқариб турган. 1899 йилдан эса бу вазифани бажариш учун генерал-губернатор ҳузурида дипломатик ишлар буйича маҳсус лавозим жорий қилинади. Туркистон оммавий кутубхонаси, Тошкент музейи, марказий архив, «Туркестанские ведомости» газетаси ва босмахонаси ҳам мазкур маҳкама ихтиёрига берилган эди.

Генерал-губернатор бепоён ўлка ҳаёти билан асосан маҳкама бошқаруви орқали танишиб борган. Шунинг учун ҳам бу идора ўлканнинг ижтимоий-сиёсий ҳаётида ҳал қилувчи рол ўйнаган.

Маҳкама ўлка ҳокими учун ахборотнома, маъруза ва маълумотномалар тайёрлар, генерал-губернаторнинг шахсий манфатларини кўзлаб иш юритган. Шунинг учун ҳам маҳкама бошқарувчиси генерал-губернаторликдаги энг нуфузли амалдорлар катори юксак мавқеда турган.

Туркистон ўлкаси Марказий Бос башқармаси таркибида генерал-губернаторга бўйсунмайдиган марказ вакиллари — адлия, молия, зироат ва давлат мулклари вазирликлари идоралари ҳам бўлган.

Туркистон генерал-губернаторлиги XX аср бошларига келиб беш вилоятга бўлинди: Сирдарё, Фарғона, Самарқанд, Еттисув, Каспийорти вилоятлари. Уларни рус армияси генералларидан шахсан подшонинг ўзи тайинлайдиган ҳарбий губернаторлар башқарган. Улар ҳарбий ва фуқаро ҳокимиятини ўз қўлида тушишган. Ҳарбий соҳада улар вилоятлардаги қўшинлар (дивизия ёки корпус) қўмондони, фуқаро ишларида эса губернатор ҳукуқига эга бўлишган. Барча маъмурий, полиция ва суд ҳокимияти ҳам уларнинг измида бўлган.

Ҳарбий губернаторлар қошида вилоят башқармалари бўлиб, улар губерния башқармаси ҳукуқларига эга бўлишган. Вилоят ижтимоий ҳаётининг барча масалалари шу башқармаларда кўрилган. Вилоятлар ўз навбатида туманларга (уездларга) бўлиниб, уларни туманбошилар идора этишган. Туманлар Туркистон генерал-губернаторлиги маъмурий тузилмасининг асосини ташкил этган. Улар аҳолининг турмуши, худуднинг хусусиятлари, миллатлари ё элатларидан қатъи назар, рус амалдорлари хоҳишича ўзбошимчалик билан тузилаверган. Подшо ҳукумати миллий, элат ва тарихий хусусиятлардан келиб чиқмаган ҳолда, мустамлакачилик нуқтаи назаридан бу масалага ёндошган.

Ўлканинг туб вилоятлари хисобланган Сирдарё, Фарғона, Самарқанддан ташқари Еттисув, Каспийорти вилоятлари ҳам шу асосда туманларга бўлиниб идора қилинган.

Сирдарё вилояти қўйиладиги туманларга бўлинган: Тошкент, Авалиёта, Қозоли, Перовск, Чимкент. Амударё тумани ҳам шу вилоятга бўйсунган. Фарғона вилояти-



Фарғона вилоятининг Ўш тумани ҳокими М. Е. Ионов.

га Марғилон, Андижон, Қўқон, Наманган, Ўш туманлари қараган. Самарқандга Жиззах, Каттакўргон, Ҳужанд, Самарқанд туманлари; Еттисувга Верний, Жаркент, Копал, Лепсинек, Пишпак, Пржевальск; Каспийорти вилоятига Ашхобод, Красноводск, Манғишлоқ, Марв ва Тажан туманлари кирган.

Ҳар бир туман ўз таркибидаги шаҳар ва қишлоқлари билан туман ҳокими — туманбошига бўйсунган. Туманбоши Россиядаги исправник, земство бошлифи, полицмейстер, шаҳар бошқармаси бошлиғи ҳуқуқларига тенг бўлган. Туманбоши вилоят ҳарбий губернатори тавсияси билан бевосита губернатор томонидан тайинланган.

Туркистон ўлкасидаги туманбошиларнинг Россиядаги ҳамасбларидан фарқи томонлари шунда эди, улар маъмурий, полиция ва ҳарбий ҳокимиятни ўзларida бирлаштирганлар. Туманбошиларнинг жуда кенг ваколатлари ва ўта мустақил ҳамда зўравонларча иш юритишларини юксак лавозимда турган рус амалдорлари эътироф этишгани диққатга сазовордир. Сенатор граф К.К. Пален Туркистон туманбошиларини ўзбек хонликларидаги «бекларнинг худди ўзгиналари»дир, деб атагани бежиз эмас. Улар кўл остидаги аҳолидан истаган кишига жарима солишлари ва 7 кунгача қамаб қўйишлари мумкин бўлган.

Туманбошилар рус армияси катта зобитларидан, асосан майор, ротмистрдан то полковник узвонигача бўлганлардан тайинланган. Ҳалқ уларни «ҳоким тўра» деб атаган.

Туманлар бир неча жабҳа (участка)ларга бўлиниб идора қилинган. Жабҳаларни кичик узвондаги (поручик, штабс-капитан) ҳарбий зобитлар бошқаришган. Улар жабҳа приставлари номи остида «Туркистон ўлкасини бошқариш ҳақидаги низом»да тилга олинади. Император томонидан 1886 йилда тасдиқданган бу «Низом»да қасаба приставларига маҳаллий аҳолидан исталған одамга жарима солиш (5 сўмдан 10 сўмгача) ва 3 кунгача ҳисбса сақлаб туриш ҳуқуқи берилган эди. Қасаба приставлари «ҳарбий — ҳалқ бошқаруви»даги ҳарбий бўғиннинг энг қўйиси бўлиб, уларга «маҳаллий ўз-ўзини бошқарув», яъни «ҳалқ бошқаруви» амалдорлари — волост бошқарувчилари, қишлоқ оқсоқоллари, юзбоши ҳамда элликбосилар бўйсунишган.

Туркистон ўлкасида подшо маъмурияти қишлоқ бошқарувини «ерли» (туземное) ва «рус» каби икки тоифага ажратган. Рус амалдорлари «ерлилар» (туземец) атамаси билан Туркистондаги барча ўзбек, қозоқ, қирғиз, туркман, тоҷик, қорақалпок, араб, уйғур ва дунгандарни тушунган. Турмуш тарзига кўра эса, рус амалдорлари барча аҳолини иккига: «қирғизлар» ва «сартлар»га бўлишган. Қирғизлар деганда кўчманчи, сартлар деганда ўтрок аҳоли назарда тутилган.

Чор ҳукумати сиёсий нуқтаи назардан келиб чиқиб, қишлоқ

лөк, унинг бошқарувини маҳаллий ва рус бошқаруви сифатида ажратиб, уни аста - секин умумимперия туридаги русча идора-га ўтказиши кўзлади. Шу мақсадда Ўрта Осиёга мутлақ ёт булган географик ислоҳни бошлаб, волост, қишлоқ йиғини қабиларни жорий қилди. 1867 йилдаги «Туркистон генерал-губернаторлиги вилоятларини бошқариш ҳақидаги Вақтли Низом лойиҳаси» деб аталган қонунлар мажмуасига кўра, кўчманчи аҳолига икки босқичли (волост ва овуллар), ўтроқ аҳолига эса бир босқичли (оқсоқолликлар) бошқарув тарзи жорий қилинди.

Волост асосини мингдан икки минг хонадонгача, овлу жамоаларини эса юз ўтовдан икки юз ўтовгача аҳоли ташкил этган. Чоризм шу билан кўчманчи аҳолининг уруғчилик асосидаги тарихий булинишига хотима бермоқчи бўлди.

Рус амалдорларидан иборат ҳайъат узоқ вакт давомида қишлоқ маъмуриятини ташкил қилиш ҳаракатида Туркистон аҳолисининг биринчи умумий рўйхатини олди. Натижада солиқлар миқдори ошди, аҳоли туманлар, қасабалар, волостларга тақсимланиб, илк бор сайловлар асосида маҳаллий маъмурият сайланди.

Волост бошқарувчиси — мингбоши, қишлоқ оқсоқоли, овлу старшинаси аҳоли томонидан уч йилга сайланар, уларнинг номзодлари эса рус маъмурияти томонидан тасдиқдан ўтарди.

Сайловчилар йиғинида ҳар ўн хонадон, ё ўн ўтовдан вакил иштирок этиб, улар ўнбоши сифатида қишлоқ оқсоқоли ёки овлу старшинаси ва уларнинг муовинларини сайлашган. Волост бошқарувчиси — мингбошини эса ҳар 50 хонадон ёки 50 ўтовдан тайинланган вакиллар — элликбошилар йиғини сайлаган. Бу тартибга 1886 йилда бир неча ўзгаришлар киритилди. 1886 йилда кучга кирган янги қонунлар мажмуаси — «Туркистон ўлкасини бошқариш ҳақидаги Низом» ўтроқ аҳолининг бир босқичли бошқарувини икки босқичлига айлантириб, оқсоқолликларни волостларга бирлаштириди. Овлу жамоалари ва оқсоқолликлар вакиллари йиғини умум сайловчилар йиғилиши билан алмаштирилди. Элликбошиларнинг волост йиғинида ҳар 50 хонадондан вакил қилиб юборилиши бутун қишлоқ ё овлу йиғинидан ҳар 50 хонадондан вакиллар сайлаш билан ўзгартирилди. Рус маъмуриятига, ҳарбий губернатор ва генерал-губернаторга сайлов бекор қилинганда қишлоқ маъмурияти вакилларини бевосита тайинлаш ҳуқуқи берилиди. 1886 йилги «Низом» аввалгидек аҳолини «қирғизлар ва сартлар» сифатида эмас, балки «утроқ ва кўчманчи» деган атама билан ажратди.

Волост бошқарувчисини сайловчилар вакилларининг қурутойи сайлаган. Қурутой вақтини ва ўтказиладиган жойини туманбоши белгилаган. Сайлов арафасида туманбоши ёки унинг ёрдамчиси рўйхат бўйича элликбошилар сонини аниқла-

ган, чунки курултойда сайловчи вакилларнинг учдан икки қисми иштирок этмаса, у кучга кирмаган ҳисобланган.

Сайлов яширин овоз бериш йўли билан ўтказилиб, овозлар кутига ташланган соққалар воситасида аниқланган. Элликбосилар бирма-бир туманбоши олдида турган усти ёпиқ кути олдига келиб, ўзлари истаган номзоднинг исми-шарифини айтишган ва қўлларидаги тақсимчадаги соққани кутига ташлашган. Бу маросим барчанинг кўз олдида очиқ ўтган ва унинг якунида ким кўп овоз олгани эълон қилинган. Овоз бериш натижалари қоғозда барча элликбосиларнинг муҳри ва имзоси билан муҳрланган ва туманбоши ёки унинг ёрдамчиси томонидан тасдиқланган.

Волост курултойи икки номзодни сайлаган, бири волост бошқарувчиси, иккинчиси унга номзод бўлган. Ҳарбий губернатор курултайдаги сайлов натижасини кўриб чиқиб, номзодларни тасдиқлаган. У тасдиқламаган тақдирда, курултой қайта чақирилган ёки лавозимга тўғридан-тўғри губернатор танланган шахс қўйилган. Шу йўсунда маҳаллий бошқарув тизими рус маъмурияти қўлида сақланган. Волост курултойи волост бошқарувчисига маош белгилаган. Унинг миқдори одатда 300 сўмдан 500 сўмгача бўлган.

Қишлоқ оқсоқоллари, номзодлари ва оқсоқол ёрдамчилари қишлоқ жамоаси томонидан бевосита волост бошқарувчиси иштирокида сайланган. Уларни лавозимга туманбоши тасдиқлаган. Қишлоқ жамоаси йиғини уларга йилига 200 сўмдан маош белгилаган. Йиғин ариқларга қаровчи миробларни ҳам сайлаб, уларга маош тайинлаган. Катта ариқларни тўғридан-тўғри ҳарбий губернатор томонидан тайинланадиган ариқ оқсоқоллари бошқариб, улар ирригация мудирига итоат қилишган.

Рус маъмуриятининг аҳолига «ўз-ўзини бошқариш» ва «сайлов ҳуқуқини бериши» фильтсиёсий лўттибозликтан иборат бўлиб, аслида ишнинг тизгини уларнинг қўлида қолган. Худди шундай усул шаҳарлар бошқарувида ҳам ўз аксини топган.

Туркистон ўлкасида вилоят ва туман бошқармалари шаҳарларда жойлашган. Тошкент, Самарқанд, Қўқон, Анлижон, Марғилон, Наманганд ва Ашхобод ўлканинг асосий шаҳарлари ҳисобланган. Ана шу қадимий шаҳарлардан ташқари, Чимро чи, Жиззах, Термиз ва Каттакўрғон каби шаҳарлар ҳам мавқе тута бошлаган эди. Бундан ташқари, рус қўшинларининг истилочилик юришлари натижасида вужудга келган шаҳарларни ҳам айтиш лозим. Рус зобитлари казармалар торлигидан қўшин манзилгоҳи атрофида ўзлари учун уй куриб олишган. Қўчганда уларни янги келганларга сотиб кетишган. Истевфога чиқкан катта-кичик зобитлар, қуйи унвондаги ҳарбий хизматчилар маълум мулкка эга бўлиб, ўша жойларда қолаверишган. Бу ҳол мустамлака маъмурияти ходимлари ўргасида ҳам рўй берган. Улар хизмат жойида муқим қолиб кетишган. Худди шундай

кишилар, ўлкада ўтириб қолган биринчи руслар асосан ҳарбий хизматчилар эдилар. Құшынндар ортидан юрган савдо ахли ҳам доимий манзилгоҳларда қолиб фаолият күрсатғанлар. Қозоли, Перовск, Петро-Александровск каби шаҳарлар шу тариқа вұждага келған эди.

Босиб олинган шаҳарларда руслар учун маҳсус ажратылған даҳалар пайдо булади. Шаҳарлар тузилиши ва уларни руслаштиришга подшо ҳукумати катта аҳамият қаратған эди. Ана шу мақсадда, дастлаб, Еттисув вилоятидаги Сериопол ва Копал шаҳарларыға маҳсус имтиёзлар берилди. Бу шаҳарлардаги ҳунармандчилік корхоналари ва фабрикалар очған кишилар барча солиқтар ҳамда ҳарбий мажбуриятлардан озод этилди. Савдо-сотиқ, саноат, ҳунармандчилік учун имтиёзлар яратылды. Бундай мавқега Сирдарё вилоятининг Тошкент, Хўжанд, Жиззах, Туркистон, Чимкент, Авлиёота, Перовск, Қозоли каби шаҳарлари ҳам эришди. Бу имтиёзлар шаҳарларнинг барча аҳолисига эмас, балки факат русларигагина берилди. Олий ҳарбий-сиёсий доиралар «мусулмон аҳолисини кучайтириб юбор-маслик учун уларни имтиёзлардан маҳрум этиш үринли булади», деб очиқдан-очиқ айтишган.

Туркистон шаҳарлари ичиде генерал-губернаторликнинг сиёсий, маъмурий ва маданий маркази Тошкент бошқарувига мустамлака маъмурияти алоҳида эътибор берди. Шаҳар босиб олингандан (1865) кейин генерал-майор Романовский зобитлар ва амалдорлар учун унинг шарқий қисмидан жой танлади. «Рус Тошкенти»ни барпо этиш учун маҳсус құмита тузилди. Құмитанинг иккى йиллик фаолияти (1866—1868) давомида маҳаллий аҳолининг юзлаб уй-жайлари бузиб ташланди, мусодара қилинган ҳудудда зобитлар ҳамда уларнинг оиласлари учун турар жойлар, кӯчалар ва оромгоҳлар барпо этилди. Шу тарзда кўхна Тошкент бағри иккига бўлиб ташланди. Руслар истиқомат қуловчи қисм янги шаҳар, ўзбеклар яшайдиган қисм «Эски шаҳар», деб атала бошланди. Эски шаҳар аҳолисига янги шаҳарга ўтиш қатъиян ман этилди.

Янги шаҳарда қатор замонавиий бинолар, истироҳат боғлари ва бошқа катта ободончилик ишлари олиб борилди, лекин юз минг аҳолиси бўлган эски шаҳар ўша хонлик замонила қандай бўлса, шундайлигича қолаверди. Унинг ободонлиги учун ҳеч қандай маблағ ажратылмади. XIX асрнинг 70-йилларида Тошкент бошқарувини ўзgartириш ҳақида Туркистон маъмурияти ҳаракат бошлади. Чунки биргина шаҳар бошлиғи — ҳоким илораси ривожланиб ва көнтгайиб бораётган шаҳар хўжалигини бошқаришига қодир бўлмай қолди.

1872 йилда Сирдарё вилоят бошқармасининг умумий раёсати Тошкентда «Шаҳар низомини қўллаш» масаласини кутариб чиқди. Россия ички губерналарида 1870 йилдан қўлланған бошлаган «Шаҳар низоми»ни мустамлака маъмурияти манфаатла-

рига мос равищда ўзгартириш, құшимчалар киритиш асосида Тошкентда жорий этилишига доир лойиҳа тайёрланди. Полковник Фридрикс бошчилигидаги маҳсус комиссия уни атрофлича муҳокама қилди.

Тошкент шаҳрида Низомни жорий этиш масаласи бюрократик рус аппаратида узоқ сарсонликдан кейин беш йил үтиб, Санкт-Петербург маҳкамаларининг «рухсати олийси» олингандан кейин ҳал бўлди. Шаҳар низомини қўллаш бўйича Вақтли комиссия тузилиб, у 1877 йилдан иш бошлади. Мустамлакачи олий амалдорлардан ташкил топган комиссия сайловчилар рўйхатини тузиб уларни табақаларга бўлди. Мулк миқдорига қараб, сайловчилар уч табақага ажратилди. 3000 сўмдан ортиқ қўзғалмас мулкка эга бўлганлар биринчи, 1000 сўмдан ортиқла-ри иккинчи, 500 сўмдан зиёд мулк эгалари учинчи тоифага киритилди. Мустамлакачилик нуқтаи назаридан янги шаҳар қисмida мулк цензи мулк қўйматининг бир фоизи сифатида белгиланди. Шаҳар зиёлилари, ишчилар ва ҳунармандларнинг қўзғалмас мулкка эга бўлмаганлари сайлов ҳуқуқидан маҳрум этилди. Ҳар бир тоифа шаҳар бошлиғи — ҳоким тўра раислигида сайлов йиғинини тузди. 2400 сайловчи иштирокида ўтган йигинда шаҳар думаси ва бошқармаси сайланди. Шаҳарни бошқарадиган ноиблар (гласний) сонини белгилашда ҳам эски шаҳарга нисбатан адолатсизлик қилинди. Озчиликни ташкил қилган руслардан эса ноибларнинг учдан икки қисми сайлан-ганилиги далили буни яққол кўрсатади.

Шаҳар думаси фармойиш берувчи, ноиблардан (гласний) сайланувчи бошқарма ( управа ) эса ижроия ҳокимиятга эга бўлди. Рус мустамлакачилари ўзларича империяда амал қилувчи Низомга ўзгартиришлар киритишиб, шаҳарнинг «ўз-ўзини бошқаруви» устидан назорат қилувчи «Шаҳар ишлари бўйича вилоят идораси (присутствие)» тузишиб, раислигига Сирдарё ҳарбий губернаторини тайинлашди. Санкт-Петербург «сартлар ҳали ўз-ўзини бошқаришга тайёр эмас», деган фикрда иш кўрди. Тошкент шаҳар думасидаги «қоидалар ва ўзгартиришлар» шунинг учун ҳам қизгин қўллаб-кувватланиб, император Александр III томонидан 1888 йилда расман тасдиқланди. Шаҳар ўз-ўзини бошқаруви тимсоли бўлган Тошкент думаси фаолияти устидан подшо ҳукумати шахсан генерал-губернаторнинг ўзи назорат қилишини буюрди. Санкт-Петербургнинг олий ҳукмрон доиралари шаҳар низомида белгиланган ички ишлар вазири ҳуқуқини Туркистанда қўллашни ҳарбий вазир зиммасига юклиди. Тошкент думаси оқсоқоли (голова) бевосита марказ томонидан тайинланалиганди бўлди. Шаҳар бошқармаси аъзоларининг учдан икки қисми руслардан, бир қисми эса рус тилини билувчи «туземец»лардан бўлиши шарт қилиб қўйилганигини таъкидлаш жоиздир.

Тошкент шаҳар думасининг оқсоқоли вазифасини 1877

йилдан 1907 йилгача шаҳар бошлиғи — ҳоким тұранынг үзи бошқарғани ҳам мустамлака маъмурияттінің қиёфасини күрсатып турибди. Сирдаре вилюяты ҳарбий губернатори 1885 йил 15 сентябрда подшоға йұллаган мактубада яна ҳам кенгрек хуқуқ берилешіни сұраб ёзали: «Шаҳарнинг маъмурій — полиция ҳокимиятига... тұла итоаткорлигини ҳисобға олиб, ана шу итоаткорлик қонунлаштириб қойилса, яғни шаҳар оқсоқоли лавозими шаҳар бошлиғи лавозими билан құшиб юбориласа...». Амалда шундай бұлғанини зийрак замондошлардан бири бундай эътироф эттан: «Сайланадиган шаҳар оқсоқоли туземелар күз үнгіда доимо бой, савдогар қиёфасида гавдаланса, шаҳар бошлиғи эса ҳоким тұрадыр».

Россия империясіда амалда бұлған шаҳарға оид иккита низом (1870, 1892 йилги) Туркистанда фақат Тошкент ва Еттисуддаги Верний (хозирғи Алмати) шаҳарларда құлланилиб, бошқа шаҳарларда жорий этилмади. Рус маъмурияти Тошкент тажрибаси «бу чорани Туркистан үлкасидаги бошқа шаҳарларға құллашнинг фойдаси ҳақида фикр юритишга әрта» деган таҳқиromuz ҳудосага келған әди.

Чоризмни, рус халқпарварлари, «миршаблик подшолиги» деб атагани бежиз әмас. Ана шу полиция тузумига сұянған подшо ҳуқумати Туркистан үлкаси идорасини эңг қуий бұғинидан олий бұғинигача үз құлида тутган. Генерал-губернаторнинг үзи бош миршаб вазифасини үтаган. Ҳокими мутлақ генерал-губернатор үлкалаги истаган одамини, хоҳ үзбек, хоҳ рус бўлишидан қатын назар, империянинг чеккаларига 5 йил муддаттагача сурғун қилиши ҳуқуқи қонунан мустаҳкамланған әди. У ҳарбий бўлмаган фуқаролар устидан ҳарбий судлар ҳукмини тасдиқлашдек ички ишлар вазири ваколатларини ҳам үз қулида жамлаган. Вилоятларнинг ҳарбий губернаторлари, туманбошилар, қасаба приставлари ҳам полиция генераллари ва зобитлари ваколатларига эга бўлғанлар. Бундан ташқари, үлкала ички ишлар вазирилигининг идоралари, унинг вакиллари ҳам шунга муқобил тарзда иш кўришган.

Туркистан шаҳарларда полицмейстерлер полицияның жорий этилиб, уларнинг ҳуқуқлари туманбошилар ҳуқуқлари билан баробарлаштирилди.

Тошкентде янги ва эски шаҳар полицмейстерлари иш олиб борган. Уларга полиция приставлари бўйсунган. Маҳаллий маъмурият — волост бошқарувчилари ва оқсоқоллар ҳам қуий миршаблик зобитлари ваколатларига эга бўлиб, уларга ёлланған миршаблар хизмат қилған.

Туркистандаги адлия бошқарувида ҳам үзига хос мустамлақача мезонида иш тутилди.

1867—1886 йиллар мобайнида үлкада умумсалтанат рус судлари ва халқ судлари, яғни шариат асосида иш кўрувчи қози судлари фаолият кўрсатар әди. Рус судларига туман судлари,

суд палатаси ҳуқуқидаги вилоятлар бошқармалари, мировой судялар қурултойлари, ҳарбий суд комиссиялари кирган. Туман судьялари мулкдан маҳрум этишга дахлдор бўлмаган жиной ишлар, давлат хазинаси манфаатларига оид бўлмаган 2000 сўмгача миқдорда бўлган даъволарни кўришган. Вилоятлар бошқармалари эса туман судлари ҳукмларидан шикоятлар, қайта кўриш каби масалаларни ҳал қилган. Давлат вазифаларини бажаришдаги жиноятлар, ҳокимиятга қаршилик кўрсатиш, қароқчилик, давлат мулкини ўғирлаш, сохта пул ясовчиларнинг ишлари каби туман судлари ваколатларига кирмаган ишларни ҳам кўришган. Марғилон, Самарқанд, Ўш каби шаҳарларда фаолият курсатган ҳарбий суд комиссиялари эса ҳарбий жиноят уставига асосланниб, давлатга хиёнат, ҳокимиятга қаршилик, почта, телеграфга ҳужум, насронийларни ўлдириш, мансабдор шахсларга нисбатан қотиллик қилиш, ўзга диндагиларни насронийликка ўтгани учун уларни ўлдиришга оид ишлар, рус миллатига мансуб кишиларнинг жиноятларини кўриш билан шугуфланган.

Расман «халқ судлари» деб аталган қозию қуззотлар шариат қонунлари асосида маҳаллий ўтроқ ва кўчманчи аҳолининг фуқаролик ва жиной ишларини кўришган. Лекин давлат аҳамияти касб этадиган, шунингдек, сиёсий ишлар уларнинг ваколат доирасига кирмаган.

1886 йилда тасдиқланган «Туркистон ўлкасини бошқариш ҳақидаги Низом» мавжуд суд тартибини сақлаб қолган ҳолда унга айрим ўзгартиришлар киритди. Туман судлари бекор қилиниб, уларнинг ўрнига муроса (мировой) судлари жорий этилди. Ўлкада вилоят судлари ташкил қилиниб, уларга мировой судялар вазифалари юкланди. Вилоят суди аввалги вилоят бошқармалари ихтиёрида бўлган ваколатларни олди ва муроса судлари ҳал этувчи масалаларни кўриш ҳуқуқига ҳам эга бўлди.

Вилоят прокурори ва унинг ўриндоши, суд терговчиси лавозимлари жорий қилинди. «Низом» расмий равишда суднинг ҳокимиятдан мустақил булишини қонулластирган бўлса ҳам, амалда у бир бутун ҳокимиятни ўз қўлларида тутган ҳарбий маъмуриятнинг кучли таъсирида қолаверди.

Империя судларида рус ҳокимиятига бевосита ва билвосита қарши қаратилган маҳаллий аҳоли вакиллари ишлари кўрилган. Русларга қарши жиноят қилган ўзбеклар ёки руслар билан бирга ноқонуний ишга қўл урган ўзбекларни шу судлар жазолаган. Рус қишлоғи, шаҳар қисми ва умуман руслар истиқомат қилиб турган ерларда жиноят қилган ўзбеклар империя судида жавобгарликка тортилган. Турли миллатларга мансуб кишиларнинг жиноятлари ҳам рус судида кўрилган. Шу тариқа туб аҳолининг рус ёки қози судида судланиши 1886 йилги Низомга кўра қуйидагича белгиланган:

1. Айбланувчининг у ёки бу миллат, ё златга мансублигига қараб.
2. Содир этилган жиноят турига кўра.
3. Жиноят содир бўлган ҳудудга кўра.
4. Жиноят кимга ва нимага қарши қаратилганига кўра.

Худди ана шу белгиларга кўра жазо белгиланган ва жиноят расман шариат асосидами ё Россия империяси жиноий қонунларига кўра белгиланиши аниқланган.

Туркистон ўлкасидаги қонунчилик бўйича яна бир янгилик 1898 йилда содир бўлди. Чор ҳукумати 1864 йилги суд ислоҳотини 33 йилдан кейингина мустамлака Туркистонда амалга оширишга киришди. 1864 йил 20 ноябрда Россияда жорий этилган суд ислоҳоти судни қонунчилик, ижроия ҳокимиятдан ажратиш, кўриладиган ишлардаги ошкоралик ва маслаҳатчилар иштироки каби бир қатор илгор буржуача тартибларни амалга оширган бўлиб, бунинг натижасида икки суд тизими дунёга келди. Улардан биринчиси сайланиб қўйиладиган судъяли судлар, мировой судья ва мировой судлар қурултойи; иккинчиси эса тайинланадиган судъяли судлар — округ судлари ва суд палаталари эди. 1864 йилги суд ислоҳоти бошқа қонунлар каби Туркистонда мустамлака қолипига тушириб анчагина ўзгартиришлар билан қўлланди. Рус амалдорлари «маҳаллий халқларнинг маданияти паст эканлиги»ни таъкидлаб, мировой судъяларни сайлаш ўрнига ҳукумат томонидан тайинлаб, мировой судлар қурултойи вазифасини округ судларига, мировой судларга тааллуқли шикоят ишларини суд палатасига юклашга қарор қилинди.

Рус судларига ишончсизлик маҳаллий аҳоли ўртасида кучли бўлгани учун ҳам суд органларига шикоятлар кам тушган. Бу ҳолатни маъмурлар нотўғри талқин қилишган. Санкт-Петербургдан келган генерал-адъютант граф Игнатьев бошчилигидаги комиссия фикри бунга ёрқин мисол бўлади: «Текширишлар шундай ажиб бир ҳолатни кўрсатдики, маҳаллий аҳолининг шикоят-ариза идораси бўлимига эҳтиёжи кам экан. Бунинг аниқ далили сифатида Фарона вилоятида судья қарорларидан 3 фоиз, Сирдарёда 4,5 фоиз шикоят тушганини кўрсатиш мумкин. Бу, масалан, Санкт-Петербург мировой округидагидан анча кам демак». Лекин ўлка халқлари турмушида рус судлари эмас, балки маҳаллий шариат судлари салмоқли ўрин тутган. Ўтрок аҳолининг қози-судлари ва кўчманчиларнинг бий судлари маҳаллий судларни ташкил этган. Шунга алоҳида эътибор қилиш керакки, чор ҳукуматининг сиёсий бўлмаган барча фуқаролик ишларини қози ва бий судларига топширишида баразли мақсад ётган. Мустамлакачилар шариат қонун-қоидаларидан ўз истибодод тузумларини мустаҳкамлашда фойдаланмоқчи бўлганлар. Олий ҳарбий арбоблардан бири императорга ёзган

ахборотида Россиянинг миллионлаб мусулмонлари билан империя доимо ҳисоблашиб келгани сабабини ўзича шарҳлаб ва империянинг мусулмонлар устидан 350 йилдан бери ҳукмронлигига тұхталиб, ислом дини билан муомалада дингә эътиборни сусайтирмасликни үқтиради. Ана ўша арбоб — инфanterия генерали С. М. Духовской ислом ўз қиёфасида «нуфузли бир күчдіркі, у билан биз узоқ даврларгача муқаррар равища ҳисоблашиб туришга мажбурмиз», деб эътироф қылганида чукур маъно бор эди.

Хуллас, Туркистан үлкасида уч турдаги «халқ судлари» мавжуд бўлган. Сирдарё, Самарқанд, Фарғона ва Еттисув вилоятларининг ўтроқ аҳолиси учун шариат, кўчманчилар учун одат, яъни бий судлари ва Каспийорти вилояти учун улардан фарқли маҳсус «халқ» судлари фаолият кўрсатган.

Мустамлака маркази Санкт-Петербург Туркистан халқлари ҳаётида катта аҳамиятга молик маҳаллий судлар — шариат ва одат бўйича судларнинг фаолиятини пухта ўрганиш учун Бош штаб зобити штабс-капитан Давлетшинни Туркистанга юборган. Унинг ҳисоботини шахсан ҳарбий вазир Куропаткин ва подшоҳ Николай II ўқиб, унда билдирилган фикр-мулоҳазаларга ўз муносабатларини қайд этишган. Бу ҳужжатлар чоризмнинг мустамлака сиёsatининг маҳаллий ички бошқарувидағи асосий йўналишларини ўзида яққол гавдалантирган.

Давлетшин үлкадаги қози ва бий судлари рус маъмурияти хоҳиш-иродасига кура иш олиб борганлигини баён этиб, Каспийорти вилоятида рус маъмурияти «халқ суди»ни ўз қулида маҳкам тутишда ҳаддидан ошиб кетганини, Туркистаннинг бошқа вилоятларида эса подшо амалдорлари бўлар-бўлмас ишларга ҳадеб аралашавериб маҳаллий қози ва бийларни обрусиzlантираётганини таъкидлаган. Давлетшин ҳисоботини ўқиган ҳарбий вазир Куропаткин Каспийорти вилоятида халқ ўртасида шариатнинг кучайишига йўл қўймаслик ҳақида маҳсус қайд битган. «Энг муҳими, — деб ёзган эди ҳарбий вазир, — шариатни жорий этмай, одатга риоя этишни қўллаб-куватлаш зарур».

Рус императори Николай II 1898 йилда Фаргона вилояти ҳарбий губернаторининг маҳаллий судларнинг бевосита рус маъмуриятига бўйсундирилиши лозимлиги тўғрисида ёзган ҳисоботи бўйича ҳарбий вазирдан фикр сўрагани ва бу масалада олий ҳарбий-сиёсий доираларнинг мулоҳазалари ҳам мустамлака сиёsatининг нозик қирраларини кўрсатади.

Қарийб ўн йилча (1890—1898) Каспийорти вилоятини бошқарган, 1875—1876 йилларда Скобелев дивизиясида штаб бошлиғи лавозимида Ўрта Осиёни истило қилиш ҳарб-зарбларида қатнашган ҳарбий вазир А. Н. Куропаткин (1898—1903) Туркистан үлкасини ўрганиш борасидаги ўз тажрибаларидан келиб чиқиб, қози ва бий судларини рус алия маъмуриятига бўйсундиришга қарши чиқди. Куропаткин бу чора катта харажатлардан



Каспийорти вилояти бошлиги  
А. Н. Куропаткин.

ташқари, маҳаллий одатлар ва шариатни яхши билишни талаб қилиши, бунга рус амалдорлари сира ҳам қодир эмаслигини алоҳида таъкидлади. Туркистон генерал-губернатори унинг фикрига қўшилиб, «халқ судини тубдан ислоҳ қилмай, балки унинг ваколат доирасини төрайтириб боришни ва келгусида барча суд ишларини рус судига юклаш учун пухта тайёргарлик кўриш лозимлиги»ни баён этди. Ҳарбий вазир императорга худди шу хусусда ўз холосасини берди, унда қози ва бий судлари ваколатлари чекланниб, келгусида уларни тамоман йўқотишнинг услублари ўз ифодасини топди ва улар император томонидан маъқулланди.

Рус мустамлакачилари маҳаллий бошқарув идораларига масъул шахслар тайинланишида ниҳоят хушёр иш тутиб, баётарти илфор, тараққийпарвар ва миллатпарвар кишилар волост бошқарувчиси, оқсоқол, юзбoshi ёки қози сифатида сайланиб қолса, уларни лавозимга тасдиқламаслик учун турли ҳийла-найрангларни ишлатди. «Туркистон ўлкасини бошқарув ҳақидаги низом» эса уларга бу борада кенг фаолият майдонини яратиб берган эди.

Туркистондаги мустамлака идораси 1898 йилгача «ҳарбий-халқ бошқаруви», ундан кейин эса «маъмурий-полиция бошқаруви» деб аталган бўлса ҳам, унинг моҳияти мазмунан ўзгармади. Барча ваколатлар рус маъмурияти қўлида жамланиб, мустамлака истибоди йил сайнин кучайиб борди.

Туркистондаги сиёсий идора тизими туб аҳоли ўртасида ҳар қандай норозиликни таг-туғи билан юлиб ташлаш ва шафқатсизлик билан бостириш, бирон-бир душманлик ҳолати сезилса дарҳол унинг кучайишига йўл қўймай бўғиб ташлаш ва русларнинг куч-қудратини кўрсатиб қўйиш учун ҳар қандай чора-тадбир кўриш руҳи билан сугорилган эди. Чоризмнинг маъмурий сиёсати ўлкани иқтисодий жиҳатдан қонини сўриш, маънавий-руҳий эзиш билан омухта равища олиб борилиб, пировард натижала, унинг мазмун-моҳияти Ўрта Осиё ҳалқларини руслаштиришга қаратилган эди.

Бу сиёсат тиги империя васийлигидаги Бухоро амирлиги ва Хива ҳонлигига ҳам қаратилди. Империянинг ана шу сиёсатини Бухорода Россия император сиёсий Агентлиги (1885—1917),

Хивада эса Амударё бўлими (1873—1917) олиб борди. Сиёсий агент Бухоро амири устидан назорат олиб бориб, унинг Петербург билан алоқа қилишида воситачи бўлган. Сайд Абдулаҳадхон (1885—1910) ва Сайд Олимхон (1910—1920) Россия императори марҳамати ва илтифотига эришиш йўлида барча воситаларни ишга солишган. «Зоти олийлари» (светлость), сўнг «ҳазрати олийлари» (высочество) мақомига кўтарилиган, император мулозим генерали (генерал-адъютант), энг олий генераллик унвонига (генерал-от кавалерии) эришган Абдулаҳадхон империянинг биринчи ордени (Андрей Первозванный) кавалери бўлган. У Россия императори Александр III (1881—1894) шарифига соғ олтиндан «Искандар» орденини таъсис этиб уни рус подшосига тақдим этган. Бухоро амири Петербург киборлари доирасида ўзининг совга-саломлари ва қуюқ зиёфатлари билан катта эътибор қозонган. Амирнинг қимматбаҳо ҳадяларини император Николай II (1894—1917), ҳарбий вазир генерал А. Н. Куропаткин (1898—1903) ва ҳатто ревизия комиссияси раиси граф, сенатор К. К. Пален (1908—1910) ҳам мамнуният билан қабул қилган. Амир шунинг учун ҳам Россия паноҳида ўзини хотиржам сезиб ҳалққа беҳад оғир солиқ-мажбуриятлар юклаб роҳатда яшаган. Унга қарши кўтарилиган қўзголонлар эса рус милтиқлари ёрдамида бостирилган. 1888 йилда Кўлоб беклигига дехқонлар қўзголони кенг кулоч ёйганда Памир чегара қўшини амирга ёрдам кўрсатиб қўзголонни бостирган. 1889 йилда эса Келиф аҳолиси ҳоким зулмидан безор бўлиб кўтарилиганда бекни рус қўшини ўз ҳимоясига олган.

1910 йилда Бухорода кўтарилиган қўзголон ҳам рус қўшини воситасида бостирилган. 1914 йилда эса Тошкўприк, Шахрисабз, Китоб, Қарши ва Ҳисордаги ҳалқ фалаёнлари ҳам рус ҳарбий кучлари ёрдамида бартараф этилган<sup>1</sup>.



Бухоро амири Олимхон мулозимлари ва рус зобитлари даврасида.

<sup>1</sup> ЎзР МДА, 3-жамғарма, 2-рўйхат, 178-иш, 15-вараг.

Амирнинг русларга мутелиги зиёлилар, савдо-саноат аҳли ва тараққийшарвар уламоларнинг кучли норозилигини уйғотган. Шунинг учун ҳам 1910 йилда Бухоронинг 56 уламоси маҳсус хат билан Туркия ва Афғонистон ҳукмдорларига мурожаат қилиб Россия восийлигидан халос қилишларини сўрашган<sup>1</sup>. Бухоро уламолари 1915 йилда Туркия Россияга қарши уруш эълон қилганда туркларга ёрдам жамғармаси тузишган. 1916 йилда эса улар миллий-озодлик қўзғолонига кутарилган Жиззах аҳолисига ёрдам кўрсатишга Бухоро ҳалқини ундашган эдилар<sup>2</sup>.

Россия империясининг мустамлака зулми ва амир истибоди йил сайнин кучайиб боргани уларга қарши муҳолиф ҳаракатнинг ривожланишига олиб келган. Петербург тазиёки билан ўтказилган бож ва пул ислоҳоти Бухорони империя иқтисодига занжирбанд этиб ҳалқ аҳволини тобора оғир аҳволга солди. Амир эса, «энг итоатгўй туман бошлиғи»<sup>3</sup> сифатида бунга қарши ҳеч қандай чора кўрмаган. Сайд Абдулаҳадхон ҳам, ўғли Сайд Олимхон ҳам рус васийлигидан халос бўлишга интилмади. Бухоро амирларининг итоатгўйлиги Петербург доираларига ёқса ҳам лекин Бухоро ва Хивани буткул империяга губерна сифатида қўшиб олиш нияти уларни тарк этмаган.

Хива хонлигига эса сиёсий назорат губернатор ваколатига эга бўлган Амударё бўлими бошлиғи томонидан амалга оширилган. Муҳаммад Раҳимхон II (1865—1910) амирдан фарқли ўлароқ мустақил бўлишга интилган. Зукко давлат арбоби ва маърифатпарвар инсон бўлган, ҳалқ ўртасида Феруз шоир сифатида шуҳрат қозонган Муҳаммад Раҳимхон II Афғонистон амири, Туркия ва Англия вакилларини яширин қабул қилгани ҳамма қандайдир музокаралар олиб боргани ҳақида Туркистон генерал-губернатори маҳкамаси маҳсус бўлими, округ штаби контрразведкаси ахборотлари диққатга лойиқ.

Хивада ўтказилган бож ислоҳоти (1885) хонликни рус моллари бозорига айлантиргани, пул ислоҳоти эса (1900—1907) иқтисадни мушкул аҳволга соглани хонни ана шундай ҳаракатларга ундашган эди. Россия хонликнинг ички мустақиллигига ҳам раҳна солиб танга зарб этишини ман этгани Муҳаммад Раҳимхонни жиддий ташвишга солган эди.

XX аср бошларида империя ҳукмрон доираларида Бухоро ва Хиванинг ички мустақиллигини йўқотиб уларни бутунлай Россияга қўшиб олиш масаласи 1909 йилдаги икки кенгашда, 1910 йил 28 январда Бош вазир П.Столипин бошчилигидаги Вазирлар Кенгashi Маҳсус мажлисига, 1916 йилда император ҳузури-

<sup>1</sup> ЎзР МДА, 3-жамғарма, 2-рўйхат, 66-иш, 78-варап.

<sup>2</sup> ЎзР МДА, 3-жамғарма, 2-рўйхат, 66-иш, 80-варап.

<sup>3</sup> Туркистон генерал-губернатори фон Кауфман Бухоро амирига шундай ном берган.



Хива хони Мұхаммад Раҳимхон II сарой амалдорлари билан.

даги махфий кенгашда атрофлича муҳокама этилди. Петербургнинг олий раҳбарлиги иқтисодий жиҳатдан бу тадбир зарарли эканига тұхталиб, амир ва хон амалдорлари воситасида мустамлака сиёсатини давом эттиришнинг сиёсий афзалликларига ургу беришди. Улар яқын келажакда Бухоро ва Хивани рус губерниясига айланиши учун тегишли заминларни яратиш лозимлиги хусусида бир қарорға келишди.

Холоса қилиб айтганда, Россия империяси Үрта Осиёда ўзбек давлатчилигининг барча күринишиларини таг-туғи билан йўқотиш ва русча идора услубини қатъий жорий этиш бўйича изчил йўналишда иш олиб борди. Маъмурий-бошқарув тизими ана шу мақсадга қаратилиб, Туркистон ўлкаси, Бухоро амирлиги ва Хива хонлиги Россия губернияларига айланиши учун барча сиёсий, иқтисодий, маданий ва маънавий чоралар кўрилган эди.

## Россиянинг Туркистонни иқтисодий ва маънавий тутқулиқда тутиш сиёсати ва унинг оқибатлари

### I. АГРАР СИЁСАТ

Россия империясининг Туркистондаги аграр сиёсатидан кўзланган бош мақсади ва асосий йўналишларини Давлат муллари ва зироатчилик вазири А.В.Кривошеин шундай ифодалаган: «Бу марказий масалада уч кўриниш мавжуд. Агар биринчисида ярқираб турган ёзув «Пахта» бўлса, иккинчисида «Сугориш» ва ниҳоят, учинчисида унча кузга ташланиб турмаган бўлса ҳам, аслида ҳаммасидан муҳими — «русларни кўчириб келтириб ўрнаштириш» ёзуви турибди»<sup>1</sup>. Подшонинг вазири марказнинг Туркистондаги мустамлака сиёсатининг асосий йўналишларини жуда лўнда, муҳтасар тарзда, яъни «пахта», «сугориш», «русларни кўчириб келтириш» каби уч сўзда ифодалади. А.В.Кривошеин ўз фикрларини аниқ далиллашга уриниб, масаланинг дастлаб иқтисодий томонига ургу беради. «Бизнинг ички бозоримизга, сўнгги 20 йил ичиди Америка пахтаси учун фақат бож тариқасида 700 миллион рубл тўлашга тўғри келди. 1900 йилдан эса йилига 40 миллион рублдан тўлаб келмоқдамиз»<sup>2</sup>.

Туркистоннинг Россия салтанати учун бебаҳо табиий бойликлар макони эканлиги масаласига, яъни мавзунинг соғи иқтисодий томонига Санкт-Петербург алоҳида эътибор қаратган эди.

Олий лавозимли яна бир арбоб М.Бродовский Туркистон ўлкасининг Россия манфаати бобидаги ўрни ва аҳамиятини янада ихчамроқ қилиб ифодалайди. «Империяга қўшиб олинган бу ҳудудга, — деб ёзган эди у, — империя билан чамбарчас болгланган мустамлака сифатида қаралиши лозим... Бу жой Европа Россияси мануфактура саноати эҳтиёж сезаётган жанубий иқлим маҳсулотларини етиштиришга қодир. Қисман кўчманчи чорвадор ва қисман ўтрок, асосан деҳқон аҳоли яшайдиган бу мустамлакада мануфактура саноати жуда паст ривожланган. Шунинг учун ҳам у табиий равишда Европа Россияси мануфактура маҳсулотлари чаққон сотиладиган бозорга айланади»<sup>3</sup>.

<sup>1</sup> Кривошеин А.В. Записка главноуправляющего земледелием и землеустройством о поездке в Туркестан. СПб, 1912, 111-бет.

<sup>2</sup> Уша асар, 72-бет.

<sup>3</sup> Бродовский М. Колониальное значение наших среднеазиатских владений для внутренних губерний. Москва, 1891, 4-бет.

Подшо амалдори Туркистоннинг мустамлака сифатидаги аҳамиятини давом эттириб «истило этилган бу ерлардаги буш ерларга ҳукумат ҳўжайин эканлигини ҳисобга олсан, Ўрта Осиёдаги мулкларимиз ички губерниялардаги ортиқча аҳолини кўчириб келтиришга имкон берувчи мустамлака аҳамиятини касб этади»<sup>1</sup>, деган холосага келади.

1886 йилги «Низом» ўлкага рус аҳолисини кўчириб келтириш йўли билан ўлкани руслаштириш ҳаракатини қонунан мустаҳкамлаб, унга сиёсий тус берди. Кўчиб келувчиларга 10 танобдан кам бўлмаган ер ажратиш белгиланди. Шуни алоҳида таъкидлаш керакки, Туркистонга келиб ўрнашиш ва ер-мулкка эга бўлиш ҳуқуқи фақат насроний динининг православ мазҳабидагиларгагина берилди. 1886 йилги қонунга кўра ўлкага кўчиб келувчиларни танлаш ва жойлаштириш тартиблари белгиланди. «Буш давлат ерлари»га биринчи навбатда хизматдан бушаган захирадаги зобит, қуий унвондаги ҳарбий хизматчилар жойлаштирилиши алоҳида кўрсатилди. Аммо қонунда «Буш давлат ери» атамасида қандай ерлар назарда тутилганлигига изоҳ берилмаган. Ҳолбуки, ана шу масала ўлкадаги ер-сув муносабатларига бевосита алоқадор бўлиб, у кейинчалик ўткир муаммога айланди.

Ер-сув муносабатларида чоризм икки мақсадни кўзлаб иш тутган. У Ўрта Осиёда ўз ҳукмронлигини мустаҳкамлаш ва унинг иқтисодий имкониятларидан мустабид Россиянинг ҳукмрон табақалари манфаатлари йўлида фойдаланишга интилган. Шу мақсадлар учун маҳаллий ҳукмрон доираларнинг қаршилигини синдириш, ўлкада амалда бўлган қадимий муносабатларни сақлаб қолиш, иқтисодий ва маданий тараққиётта имкон бермаслик керак эди.

Узоқни кўзлаган мақсаддан келиб чиққан ҳолда Россия Туркистонда олиб борган ер-сув муносабатларида қўйидаги сиёсатни ўтказди:

1. Ўлкадаги барча ерлар давлат хазинасига тегишли, деб эълон қилинди. Ўтроқ маҳаллий аҳолига ер меросий якка жамоа эгалиги тариқасида, кўчманчи аҳолига эса муддати чекланмаган тарзда жамоа бўлиб фойдаланиш учун топширилди.

2. Ўтроқ жойларда ер ундан амалда фойдаланаётганларга бириктирилди. Бу тартибга биноан суд органларига ер-сувга оид мунозарали масалаларни ҳал этишда қозилар томонидан берилган ерга эгалик қилиш ҳақидаги ҳужжатларига — васиқаларга таянмай, аксинча, ердан ким амалда фойдаланаётганига қараб иш тутиш лозимлиги ҳақида кўрсатма берилди. Ўрта Осиё Россия томонидан босиб олингунга қадар катта ер эгалари деҳқонларга ижарага берган ерлар эндиликда ижаракиларга меросий тарзда фойдаланишга топширилди. Чоризмнинг ер-сув соҳаси-

<sup>1</sup> Ўша жойда.

даги бундай «тантлиги»нинг сабаби, биринчидан, Россиянинг дастлабки йилларда кўчириш эҳтиёжлари учун зарур ер жамғармасига мұхтож бўлмагани, иккинчидан, бу соҳада ўзига рақиб бўлган маҳаллий зодагонлар билан курашда кенг меҳнаткашлар оммасини бетараф қилиб қўйиш эди.

3. Кўп ҳолларда вақфлар аввалги тарзида қолдирилди, аммо айрим ҳолларда вақф ерларини давлат ихтиёрига олиш ҳам мумкинлиги белгиланди.

4. Собиқ имтиёзли шахсий мулк ерларига бошқалар қатори солиқ солинди. Улар энди хусусий мулк эмас, балки давлат ерлари деб аталди ва деҳқонларга меросий равишда эгалик қилиши ва фойдаланишга топширилгани маълум қилинди.

5. Шаҳар ташқарисида рус аҳолисига ер ажратиш ҳам тақиқланди.

6. Европаликлар, хусусан, руслар томонидан маҳаллий аҳолига қарашли ерларни сотиб олиш мутлақ ман этилди. Бу таъқиқ 90-йиллар охирига қадар ўз кучини сақдаган.

1886 йилги «Низом»да маҳаллий аҳолининг ерга эгалик қилиши «одат бўйича» деб белгилангани ҳолда, унинг ерга қонунан хўжайн, ё хўжайн эмаслигига доир аниқ таъриф киритилмади. Рус қонунлари подшолик ерларига нисбатан ҳоњликлар давридаги ҳуқуқни расмийлаштириди, лекин улар туб аҳоли кўпчилигининг ерларини уларга шахсий мулк сифатида бириктирмади. Чоризмнинг 1867—1916 йиллар давомида ерсувга эгалик масаласидаги ҳужжатларини ўрганиш шуни кўрсатадики, рус амалдорлари ўртасида Туркистондаги ерларга эгалик масаласида икки хил нуқтаи назар ҳукмронлик қилган. Биринчиси, Туркистон ўлкасини рус мустамдакаси сифатида ўзлаштиришда дворян-помешчикларнинг фикри. Рус дворянлари Туркистон деҳқонларини 1861 йил ислоҳотига қадар давлат деҳқонлари, яъни ҳуқуқсиз деҳқонлар сифатида ишлаган рус крепостнойлари аҳволига туширишни исташган. Иккинчиси, Россия буржуазиясининг фикри. Улар Туркистон деҳқонларини эркин ер эгалари деб эълон қилишни, уларнинг ўз ерларидан шахсий мулк сифатида фойдаланишларини истаб, шу йўл билан Туркистон қишлоқ ҳўжалигида капиталистик муносабатларга кенг йўл очишни кўзлаган.

Рус амалдорлари тузган ва жорий этган қонунларда ана шу икки қудратли синфлар манфаатлари тўқнашуви ўз аксини топди. Россия Туркистон учун чиқарган қонунларида рус мустамлака қуллиги маккорона ниқобланиб, уларнинг моддалари бир-бирларидан баттар бебурд ва бекарор бўлган. Аслида, Туркистонни эзиш ҳамда талашда рус дворянлари ва буржуазияси яқдил бўлган. Лекин унинг йўллари, шакл ва услублари ўртасида кучли ихтилофлар бор эди.

1882—1884 йилларда ўлкада тафтиш ўтказган императорнинг ҳақиқий маслаҳатчиси Гирс ўз ҳисоботи ва под-

шога тақдим этган қонун лойиҳасида рус буржуазияси манфатларини ифодалаган эди. У Туркистон деҳқонлари ўз ерларининг тұла хұжайинлари бұлған ҳолда империя саноатига хом ашё етишириш учун шарт-шароитта эга булишларини ёқлаб чиқди. Гирс тайёрлаган қонун лойиҳасида барча ерлар, яйловлар деҳқонларга, қишлоқ аҳлига мавжуд «одат бүйіча ҳар бирига алоҳида равиша да тұла хусусий мулк сифатида бириктирилиши зарур»<sup>1</sup> эканлигини таъкидлади.

Махфий маслаҳатчи Гирс ўзининг тафтиш якунларини ифодалаган тақдимномасида ер-сув муносабатларига тұхталиб шундай деб ёзған: «Туркистон үлкасидаги ҳар бир қишлоқ участкаларга бұлинади, уларнинг әгалари ундан одат ва мерос ёки ҳужжатларга күра тұла хұжайин сифатида фойдаланадилар. Ана шу ерга әгалік шаклидан халқ мамнун экан, бу шаклни сақлаб, уни қонунан тасдиқлаш керак»<sup>2</sup>.

Аммо дворян-помешчиклар, буржуазия фикрига қарама-қарши үлароқ Туркистон ерларини талон-торож қилишни истаганлар. Бу эса рус буржуазияси учун хом ашё манбаларини камайтирап ва оқибатда рус моллари бозори доирасини чеклашга олиб келган. Дворянлар ва буржуазия фикрларидаги қарама-қаршилик Санкт-Петербургнинг ҳукмдор табақалари доирасида ўз ифодасини топиб, улар ҳам қонун лойиҳаларыда ҳам бир-бирига зид моддаларни ўйлаб топғанлар. Подшолик Россияси бу икки қутбни ўзаро яқынлаштириш ва муросага келтиришга уринган. Аммо, күпинча император ҳукумати, Давлат Кенгаши ва Вазирлар құмитаси дворянларга ён босған.

Подшо ҳукумати Туркистон үлкасидаги ўтроқ аҳолининг ерлериның қишлоқ жамоалари ва қишлоқтарға беркитиб солиқ ийғишида «доиравий жавобгарлик»ни жорий этди. Бунда солиқ бирлиги сифатида аввалгидек якка ҳовли — ҳұжалик эмас, балки бутун қишлоқ, ё жамоа олинди. Рус амалдорлари камбағаллар учун уларнинг бой қариндошлары ёки ҳамқишлоқтары унинг солиғини тұлаб юборишларини билиб, шу одатни қонунлаштирудилар. Күпинча солиқ ийғувчиларнинг үzlари камбағалларнинг солиғини тұлаб, кейин уни ортиғи билан үндериб олишган. Санкт-Петербург киборлар доираси вакили, Туркистон үлкасини 1908—1910 йилларда тафтиш қылған сенатор граф К.К.Пален ана шу одат ҳақида ўз фикрини шундай ифодалаган: «Рус маъмурий органлари бугун омма билан эмас, балки унинг манаплари, сultonлари ва бойлари билан муомалада булишни афзал күрадилар, худди шулар турмушнинг бир маромда тинч ўтиши ва ҳукumat фармойишлари бажарилиши ни бекаму-күст таъминлашга қодирлар»<sup>3</sup>.

<sup>1</sup> ЎЗР МДА, 1-жамғарма, 12-рүйхат, 923-иш, 63-варақ.

<sup>2</sup> Ұша ҳужжат, 64-варақ.

<sup>3</sup> Пален К.К. Тақдимнома, 47-бет.

Солиқ йиғишида одамларнинг қандай йул тутганлигини туманбошилар йигинида (1898) Каттақұрғон вакили шундай ифодалаган эди: «Солиқлар камбагалларга күп, бойларга эса кам тушади»<sup>1</sup>.

Чоризмнинг бундай сиёсати маҳаллий деҳқончиликнинг капиталистик асосда ривожланишига халал берган. Эски муносабатларнинг сақланиби қолишига имкон берувчи тартиб-қоидалари эса ўлка қишлоқларida судхурликнинг кенг илдиз отиб, қишлоқ хўжалигининг тараққиёт йўлини бўгиб қўйган.

Туркистонда қонун кучини олган 1886 йилги «Низом»да тилга олинган «бўш давлат ерлари» атамаси руслар томонидан маҳаллий деҳқонларнинг ерларини тортиб олишда дастак бўлди. Империянинг қора тупроқли марказий ҳудудларидан ер тақчиллигидан қутулиш сиёсати оқибатида мустамлака Туркистонда бойиш учун рус мужиклари бетухтов оқиб келабошлади. Улар маъмуриятнинг ижозатисиз ҳам ўлкага келиб ўзбошимчалик билан туб аҳолига қаравши ерларни эгаллай бошлишди. 15 йил давомида (1875—1890) Туркистонга 1300 оила кучиб келиб жойлашиб, 19 та рус қишлоғи ташкил топди. Айниқса, 1891—1892 йилларда Россияда очарчилик бошланганда Туркистонга кўчиб келувчилар ниҳоятда кўпайиб кетди, Ана шу икки йил давомида 25 та янги рус қишлоғи (посёлкаси) пайдо бўлиб, рус деҳқонлари сони икки баробарга кўпайди. Маҳаллий аҳоли билан рус деҳқонлари ўртасида ер-сув масаласида, сугориш иншоотларидан фойдаланиш хусусида ўзаро тўқнашувлар кучайди. Бу тўқнашувларда рус маъмурияти рус деҳқонлари тарафида бўлди. Масалани одилона тинч йўл билан бартараф қилишига уринган айrim амалдорлар қувгинга учради. Туркистон ҳарбий округи штаби бошлиғи солдатчасига 1882 йилда шундай деб ёзган: «Барибир, очиқчасини гаплашадиган ва тан оладиган пайт келади-ку, ахир! Бизнинг ишимиз аввало русларники, миллий рус иши... қирғизлар жойлашган ер уларники эмас, балки давлатникидир. Утроқ рус нуфуси уларни ўлкалан сиқиб чиқариши ёки бутқул қириб ташлаши даркор»<sup>2</sup>. Худди ана шундай руҳда ишлаб чиқилган 1889 йил 13 июлдаги қонун кўчиб келган русларга имтиёзлар ва моддий ёрдам беришини белгилаб берди.

Туркистонни руслаштириш сиёсатида кескин бурилиш 1892 йилда бошланди. Худди шу йили Россиядан ўзбошимча кўчиб келган минглаб «келгиндилар» маъмурият назорати билан келганилар қатори уларга берилган ҳуқуқлардан фойдаланишлари мумкинлиги жорий қилинди.

Ўз ерларидан деҳқонларнинг чекка ўлкаларга кетиб қолишига қаршилик қилган рус помешчиклари ҳам мамлакатда ку-

<sup>1</sup> ЎзР МДА, 18-жамғарма, I-руихат, 761-иш, 107-варак.

<sup>2</sup> ЎзР МДА, I-жамғарма, 16-рўйхат, 2257-иш, 91—92-вараклар.

чайиб бораётган дәққонлар ҳаракатидан хавотирланиб, «тұполончи унсурлар»нинг Туркистонга кетишига хайрихохлик күрсата бошлади. Мустамлака үлкасига русларни күчириш ма-саласи билан шуғулланувчи маҳсус идора—«Күчириб келтириш бошқармаси» ташкил қилинди. Чор ҳукумати 90-йиллар охиридан рус дәққонларидан кам ерли ва ерсизларга «Осиё Россия-сіда бұш ётган эркін ерлардан» фойдаланишга кенг имконият яратди. Шундай қилиб, подшо ҳукумати Россия дворян-по-мешчиклари манфаатини күзлаб, уларни «ички бало» бұлмиш камбағал дәққонлар хуружидан сақлаш ниятида, Туркистон ер-ларини уларга әхсон қилди. Ички норозиликни эса мустамлака халқини зәищ, уларни янада камбағал ва ночор ақволға туши-риш ҳисобидан босишиша уринди.

Чоризм жорий этган қонунлар мажмуаси бұлмиш 1886 йилги «Низом»да үтрең маҳаллій ақолига ерга әгалік қилишда «ярим мулкчилик» үрнатылғаны дворянларни қониқтирмаган зди. Бу қонуннинг 270-моддасига күра, үтрең ақолига ер авлоддан-ав-лодға меросий тарзда фойдаланишга, азалий удум бүйіча тақ-симланишга берилған, күчманчи ақолига тегишли ерлари эса давлатники деб зълон қилиниб, улар күчманчиларға фойдала-нишга берилиши қайд қилинған зди. Империядаги катта ер әгалари — помешчиклар ҳукмрон дворянлар синфи вакиллари сифатида Низомдаги бу моддага қарши чиқдилар. Уларнинг талаби билан Давлат Кенгашида бир қанча олий амалдорлардан иборат комиссиялар иш күришди. Аммо буржуазия вакиллари ҳам қараб турмай, үз манфаатларини ҳимоя қилдилар. Россия-нинг савдо-саноат доираларига Туркистон пахтакори ва пилла-кори тәрак зди. Шунинг учун ҳам 1886 йилги «Низом»нинг 270-моддасини қайта күриб чиққан мағфий маслағатчи Кобеко раислигидаги олий ваколатлы комиссия дворянлар талабини зътиборсиз қолдириб, бу моддага үзгартыриш ва құшимча кири-тишни рад қилди. 1896 йили шу тариқа Туркистон ерлари тақ-дири масаласида рус буржуазиясининг қули баланд келди. По-мешчиклар 1910 йилдагина үз ниятларига етдилар.

Тұқымачилик саноати учун Туркистон пахтасининг ҳал құлувчи роли ҳақида подшо вазирларидан Кривошеин импе-торға йүллаган ахборотида лўнда қилиб шундай деган: «Туркистоннинг ҳар бир пуд галласи рус ва Сибирь галласига рақобат-бардордир. Туркистон пахтаси эса Америка пахтасига рақобат-бардордир. Шунинг учун үлкага қимматга түшса ҳам, галла келтириб бериш лозим»<sup>1</sup>. Пахта яккақомиқтегини үрнатыш ҳақидаги бундай ғояни Туркистон генерал-губернатори құллаб-құвватлаб, бу тадбир ҳукуматға йилига 70 миллион олтин рубл-ни тежашға имконият яратишини үқтиради. Унинг фикрича, «күп миллионли ватан пахта толасини қайта ишлаш саноатини

<sup>1</sup> Кривошеин А. В. Тақдимнома, 113-бет.

хонавайрон бўлишдан сақловчи кафолат ролини ўйнаши — мана шу Туркистоннинг Россияга кўрсатадиган буюк иқтисодий хизматидир<sup>1</sup>.

Пахта яккаҳокимлигини ўрнатиш мақсадида Туркистондан Россияга юбориладиган пахтадан бутунлай бож олинмайдиган бўлди. 1879 йилдан эса бож йифими ҳар пуд пахтадан 40—50 тийин миқдорида белгиланди. Солиқ олишда ҳам пахтакорларга айrim имтиёзлар берилди. Молия вазирлиги рус буржуазиясининг Туркистон пахтачилигини ривожлантиришдаги ҳаракатларини фаол кувватлаб турди.

Рус шовинистлари қаравини ўзида ифодалаган рус матбуоти ана шу соҳада фикр билдириб, «Туркистон амалдори доимо қирғиз ва сартнинг тарафини олиб, русларга қарши боради, чунки қўймижоз туземешлар уларнинг алдашига лаққа тушади. Русларни эса бундай лақиллатиб бўлмайди, шунинг учун «йуқолсин руслар, яшасин туземешлар!» деб хитоб қилишмоқда<sup>2</sup>, деган холосага келган эди.

Мустабид салтанат маркази талаби билан 1905 йилда зироат ва давлат мулклари вазирлиги таркибида «Кучирувчилик бошқармаси» тузилди. Туркистонда эса 1906 йилда «Сирдарё кучирувчилик райони» ташкил этилиб, маҳаллий аҳоли ерларини рус мужиклари учун тортиб олиб бериш режали тус олди.

Туркистондаги мустамлака маъмурияти бундан аввал бу соҳада ўз ҳолича иш тутган бўлса, эндиликда маҳаллий аҳоли ерларини тортиб олиш бевосита марказ томонидан бошқариладиган ва изчил амалга ошириладиган бўлди. Натижада XX аср бошида рус келгиндиларининг сони 175 мингдан ошиб кетди. Туркистон аҳолисининг атиги 5 фоизини ташкил этувчи рус мустамлакачилари кўлига экин экиладиган ҳосилдор ерларнинг 60 фоизи бериб қўйилган эди<sup>3</sup>.

## 2. ТУРКИСТОНДА РУС АҲОЛИСИНИ КЎПАЙТИРИШ БЎЙИЧА КЎРИЛГАН ЧОРАЛАР

Россиянинг Туркистондаги мустамлака сиёсати асосида ўлкани руслаштириш гояси тургани учун рус нуфусини Туркистонда мунтазам кўчириб келтириш мустабид ҳокимиятнинг доимий эътиборида бўлди. XIX асрнинг охиirlарида ўлкада 116 рус посёлкаси қурилиб, уларда 70745 киши истиқомат қилган. XX аср бошига келиб Туркистондаги рус аҳолисининг сони 197420 кишига етиб, уларнинг аксарияти ҳозирги Қозоғистон

<sup>1</sup> УзР МДА, I-жамғарма, 5-рўйхат, 939-иш, 5-варақ.  
<sup>2</sup> Дмитриев И. И в Туркестане гонят русских. «Земшина» газетаси, 1910 йил 7 октябрь.

<sup>3</sup> Исакаев Б. 20-летие восстания в Киргизии. «Революция и национальности». М., 1936, 9-сон, 32-бет.

ва Қирғизистон худудида жойлашган эди.<sup>1</sup> Биргина Пишпак тумани (уезды)даги рус посёлкаларига оид жадвал бу ҳақда яқын тасаввур беради.

1-жадвага<sup>1</sup>

Қишлоқтар	Ташкил этилган вақти	Ховли сони	Аҳоли миқдори	Ерлари (таноб)
Түкмөк	1866	510	4037	11435
Лебединское	1868	278	2150	4895
Новотроицкое	1868	155	1508	4329
Беловодское	1868	437	4218	5550
Покровское	1870	115	941	4148
Михайловское	1871	49	352	1918
Иссик-ота	1882	48	450	1160
Георгиевская	1893	181	1621	6357
Ивановское	1893	201	1149	7110
Петровское	1902	324	2462	6500
Архангельское	1907	200	1466	5799
Новопокровское	1907	260	2403	7185
Павловское	1907	151	954	3761
Вознесенское	1907	136	823	2973
Ж а м и	—	3044	24531	260

Тадқиқотчилар томонидан тузилган яна бир жадвалда Россиядан Еттисув ва Сирдарё вилоятларига 1896—1914 йиллар давомида күчиб келгандар ва яна ўз юртларига қайтиб кетгандар ҳақида қызық маълумотлар келтирилади.

2-жадвага<sup>2</sup>

Йиллар	К е л г а н л а р				К е т г а н л а р			
	Еттисувда		Сирдарёда		Еттисувда		Сирдарёда	
	хаммаси	хаммаси	фоиз	хаммаси	фоиз	хаммаси	фоиз	
1896-1909	17911	9824	27735	2284	12,8	1859	18,9	
1910	6575	1559	8134	906	13,8	491	31,5	
1911	4842	7995	5837	1535	31,8		42,2	
1912	11298	1166	12464	834	7,4		36,5	
1913	14321	2454	16775	1233	8,7		15,3	
1914	10574	1345	11919	763	7,2	127	9,4	
1910-1914	47610	7519	58129	5275	11,1	1841	24,5	
Ж а м и	65521	17343	82864	7559	11,5	3700	21,3	

<sup>1</sup> Фомченко А.П. Русские поселения в Туркестанском крае в конце XIX — нач. XX вв. Ташкент, 1993, 75-бст.

<sup>2</sup> Турчанинов Н., Домрачев А. Итоги переселенческого движения за время с 1910 по 1914 г. Петроград, 1916, 50—51-бетлар.

Бу маълумотлар таҳлили шуни кўрсатадики, Туркистонга кўчиб келган русийзабон аҳолининг мутлақ кўпчилиги ўлкада муқим қолиб кетишган. Бунинг асосий сабаби чоризмнинг улар учун бу ерда кулагай шарт-шароитлар яратиб берганлиги эди.

Ўлкага кўчиб келганлар хўжаликларида 1916 йилда мавжуд мол ва чорвалар миқдорини кўрсатувчи жадвал ҳам уларнинг туб аҳолига қараганда мулкий устиворлигидан далолат беради.

### 3-жадвал<sup>1</sup>


Вилоятлар	Отлар	Йирик қорамоллар	Кўй-эчклилар
Еттисув	128045	273120	330867
Сирдарё	35743	82810	93755
Самарқанд	3711	8155	2630
Фарғона	7914	11652	299
Каспийорти	1692	6816	19862

Рус амалдорларидан бири кўчиб келган рус деҳқонларининг аҳволи туб ерлиларнидан юқори бўлгани сабабларини эътироф этган ҳолда шундай деб ёзган: «Туркистон ўлкасининг барча рус посёлкаларида кўчиб келганлар қирғизлар ҳисобига ва улар меҳнати билан кун кечиришади».

1906 йилда Ўш уезди Покровское қўшилоғида ўзига тўқ рус кишилари яйлов ва жамоа ихтиёридаги ўтлоқни маҳаллий аҳолидан тортиб олган. Андижон тумани Кўгарт волостида эса келгинидилар туб жой аҳолининг ерларини зўрлик билан эгаллади. Аҳоли улар устидан шикоят қилганда эса Кўчирув маҳкамаси амалдорлари рус деҳқонлари томонида туриб, уларнинг манфаатини ҳимоя қилишади. Зўравонлик шу қадар кучайиб кетдики, ҳатто Туркистон генерал-губернатори Гродеков, унинг ёрдамчиси генерал Кондратович, Еттисув вилояти ҳарбий губернатори генерал-майор Ионовлар Кўчирув маҳкамаси бошлиги Велецкийнинг ўзбошимча ҳаракатларига чек қўйишни талаб қилиб, Петербургга телеграмма юборишади<sup>2</sup>. Аммо марказ тескари иш тутиб, аввало генерал Ионовни истеъфога чиқарди, сунг Гродеков ва Кондратовичларни лавозимларидан четлатиб, Петербургга чақиртириб олинди. Янги генерал-губернатор Мищенко, Зироат ва давлат мулклари бошқармаси бошлиги Лазаревский Кўчирув маҳкамаси фаолиятига чек қўйишга интилишганда улар ҳам вазифаларидан четлатилди. Биргина Кўчирув маҳкамаси бошлиги коллеж маслаҳатчиси Велецкий учун Петербургнинг олий доиралари ундан бир неча баробар

<sup>1</sup> Фомченко А.П. Кўрсатилган асар, 85-бет.

<sup>2</sup> УЭР МДА, 1-жамғарма, 1-рўйхат, 670-иши, 4-варақ.



Келгинди рус мужиги хұжалити.

юқори мартабали түрт генерал ва 2 статс-маслахатчининг баҳридан үтди. Ана шу далилнинг үзи ҳам чоризм биринчи навбатда рус дворянлари манфаатини қанчалик юқори құйғанлигидан далолат беради,

Давлат рағбати билан үлкада рус мужиклари салмоғи нечоғ-лик ортиб боргани ҳақида қуйидаги жадвал гувоҳлық беради:

4-жадвайл

**ХХ асп босида Еттисув ва Сирдарё вилоятларыда рус нұфуси жойлашуви  
(1915 йилдаги якунлар)**

Йиллар	Жойлаштирилган әркаклар сони			Ұсиш миқдори
	Еттисув	Сирдаре	Жами	
1907	332	—	2332	100
1908	650	2400	3050	130
1909	4755	1053	5808	249
1910	11005	107	11112	476
1911	13732	1542	15274	655
1913	7729	5818	13547	580
1914	8629	2931	11560	495
1915	5977	1635	7612	326

<sup>1</sup> Галузо П.Г. Аграрные отношения на юге Казахстана в 1867—1914 гг. Алма-Ата, 1965, 226-бет.

Күриниб турибдики, айниңса Еттисув вилоятида рус келгіндилари салмоғи күчли эди. <sup>1</sup> Вилоятта маҳаллий ахоли нинг 4193,5 минг таноб ери мусодара қилинib, ундан 667,2 минг таноб ер казак құшинлари ихтиёрига берилган эди. 1912 йилга келиб Туркестон үлкасида фойдаланишга яроқли 17,6 миллион таноб ернинг 11,7 миллион таноби давлат үрмөн хұжалиги ихтиёрига берилди. Туркестон үлкасида энг йирик заминдор рус императори Николай II нинг оиласи эди. Марі вилоятининг Байрам Али тұманида 104 минг десятина энг яхши сугориладиган ердан Мургоб давлат именияси ташкил этилди. Рес келгіндилари үзларига берилган ерларнинг тұла хұжайынлари булып олиб, бу ерларни мерос тариқасида қолдиришлари мүмкін булып қолди. Маҳаллий ахолига тегишли ерлар эса давлат мулки деб ҳисобланди.

Туркестонда рус нұфусини күпайтиришга марказ катта зътибор беріб, бунга маблагн аямади. 1908—1910 йилларда үлкәни тағтиш қылған марказ вакиғи сенатор граф К.К.Пален Туркестондаги рус ҳұмроңлигининг асосий воситаси үлкәндең тұқ рус деңқонларини күпайтириш деб ҳисоблади. Сенаторнинг фикрича, ана шундай мужиклар империя билан мустамлакани үзаро боғловчи ва яқынлаштирувчи «ишончли» үнсүр булып қолди. 1906—1915 йилларда Сирдарё-Фарғона күчирув худуди бўйича рус мужиклари учун маҳаллий ахолига қарапши 744,9 минг таноб ер мусодара қилинди. Мустабид ҳокимиятнинг бундай талончилик сиёсати ҳақида Россия парламенти—Давлат Думасида князь Мансуров гапириб, Туркестонда маъмурият ерли ахоли устидан «крепостной ҳуқуқни амалда құлдаётганини» алоҳида уқтириб ўтгани бежиз эмас эди. Давлат Думасининг 1910 йил 7 апрелдаги мажлисида Қозон губерниясидан келган ноиб ана шу күчирув бошқармасининг фаолиятини танқид қилиб, подшолик агарар сиёсатини шундай сўзлар билан фош қилди: «Туркестон руслар учун! Бу шиор қисқа, лекин тушунарсиз. Буни қабул қилиш дўстларни душманларга айлантириш демакдир. Туркестонни сайлов ҳуқуқидан, ўз-ўзини бошқариш ҳуқуқидан маҳрум қылғанингизда ҳам үлка хотиржамликин сақлар деб ўйланг. Майли, балки сиз уни тушунмайди, деб ҳисобланг. Аммо сиз унинг ерларини тортиб ола бошласангиз, бу ҳолда шу вақтгача осойиша булып келаётган үлка ҳаракатга келиб құзғолиши мүмкін»<sup>1</sup>. Аммо подшо ҳукумати парламент минбарида туриб қилинган бундай огоҳлантиришларга кулоқ солмади. 1912 йили Зироат ва давлат мулклари вазири Кривошеин Туркестон сафари ҳақида императорға йўллаган ҳисоботида үлкадаги 3 миллион таноб сугориладиган ерларни рус ҳұжаликтери фойдасига мусодара қилиш тақлифини илгари сурди. Ана

<sup>1</sup> Государственная Дума. Стенографический отчет. Созыв IV, сессия V, закрытое заседание 15 декабря 1916 г. 130—131-бетлар.

шу ерлар 300 минг түк рус хұжаликлари ихтиёрига берилиши лозим эди. 3 миллионтан обарынинг бир миллионы ғұза майдонларига айланиши керак эди.

«Мусулмонларга!» деб аталған бир хитобномада империядағи 1905—1907 йиллардаги сиёсий воқеаларга шарқ берилиб, подшолик Россиясынинг Туркистандаги мустамлакачилик ва руслаштириш сиёсати фош қылған. Хитобномада үқиймиз: «Золим ҳукumat зулми остида неча йиллар эзилиб ётган рус ишчилари ва деңқонлари сұнгги йилларда баҳт-саодатта эришиш учун ҳукуматта ён босиш эмас, аксинча унга қарши курашиш зарурлигини тушундилар. Икки йил мұқаддам барча халқтар томонидан тенг асосда вакиллар сайланиб, подшо Николайга халқ ақволини баён қилишга жиришилди. Амалдорлар ва бойлар томонидан құллаб-куватланған подшо Николайга бу ёқмади. Аммо халқ талабидан құрқиб, халқ вакиллари йиғинини чақиришга мажбур бүлди. Халқнинг таң бұлғаны ва қашшоқлигининг бош сабаби подшо әнг яхши ерларни үзининг яқын амалдорлари ва князларга бұлиб беріб, бутун Россия халқларини солиқлар юки остида эзіб ташлаганидан эди. Айнан шу халқ ердан ҳам, ҳуқуқдан ҳам маҳрум бұлғаны учун халқ вакиллари йиғилишиб, уни асоратдан ва очликдан халос қилиш учун ерни үз мулки деб ҳисоблаган амалдорлар ва князлардан уни тортиб олиб, қақиқий ҳұжайин бұлған халққа бұлиб беришни талаб қылдилар... Халқнинг бундай адолатли талаби подшо Николайга ёқмади ва у Думани тарқатып юборди. Аммо Дума тарқатылған бұлса ҳам халқ тинчимади ва үз мақсадига эришиш учун курашни давом эттириди. Шунда подшо Николай ноилож иккінчи Думани чақиришга мажбур бүлди. Иккінчи Дума депутатлари ҳам ҳуқуқсиз ва ерсиз халққа ер ва әрк талаб қылди. Николай нима қилишини билмай халқ вакилларига вазири Столипин орқали қуйидаги жавобни йүллади: «Агар камбағал ва ерсиз деңқонларга ер керак бұлса мен уларға шундай ерни, помешчик ва катта бойларникидан ташқари, тоғиб бераман. Мана, Туркистан үлкасида ерлар күп, ерга муҳтож мужиклар үша ерга күчіб бораверишсін, мен эса үз тарафимдан бу зироатчиларға ёрдам күрсатаман». Вазирнинг сұзларини эшитган Туркистан вакиллари үрінларидан туриб эътиroz билдирилар: «Эй, ватандош биродарлар! Вазирнинг сұзлари түгри эмас, чунки Туркистан ерларига жон ато қилишга бутун куч-куватларини багишлиған қыргызлар ва сартларға ҳам ер етишмайды». Шунда Думада иштирок қылаётган рус ва бошқа депутатлар «бечора туркистанликларнинг ерларини тортиб олиш, үзларига ҳам етишмейткан ердан маҳрум қилиш яхши иш эмас», деган фикрга келишиди. «Бизга помешчиклар құл остидаги үзимизнинг ерлар керак. Шунинг учун жазира мағазасынан Туркистанға күчіб бормай шу жойдаги үз ерларимизни оламиз», дейишиди. Депутатларнинг бундай баёнотини эшитган подшо Ни-

колай жаҳли чиқиб яна депутатларни ҳайдаб юборди. Рус мужиклари эса Туркистон депутатларининг сўзларини эшишиб, помешчикларнинг ерларини тортиб олишга жиддий киришдилар.

Подшо энди учинчи Думани чақириб, унга туркистонлик вакилларни кириш ҳуқуқидан маҳрум қилди. Энди улар Россияга ўз аҳволини билдириш имкониятини йуқотдилар. «...подшо Николай Туркистонда ер кам, қирғиз ва сартларга ҳам етиш-маслигини билгани ҳолда, буни рус депутатлари ҳам билишини истамади. Золим подшо ерсиз дәхқонларни алдаб, Туркистонда ер кўп демоқда ва уларни бу ерга жойлаштироқда, унинг амалдорлари зўрлик билан қирғиз ва сартлардан ерини тортиб олиб мужикларга бермоқда... Ҳозирги кунда бу ерга кўчиб келётган мужиклар золим подшо ва унинг амалдорларининг пуч сўзларига ишониб, Туркистоннинг чинакам аҳволини билмай, қирғиз ерларига жойлашмоқда. Натижада улар билан қирғизлар ўртасида қонли тўқнашувлар содир бўлмоқда. Подшонинг бу тўқнашувлар ҳақида хабари бор, лекин бу ҳол уни ташвишлантираётгани йўқ, чунки бу тўқнашувлар унга ҳам, помешчикларга ҳам фойдалидир. Чунки бечора сартлар ва қирғизлар билан ерсиз, ҳуқуқсиз ва қашшоқ мужиклар ўртасидаги тўқнашувлар улар ўртасига душманлик солади, ўзаро курашда ҳукуматга қарши кураш учун зарур кучлар заифлашади. Подшо Николай мужикларни Туркистонга кўчирища худди шу максадни кўзлади. Улар билан ерли ҳалқ ўртасида қонли тўқнашувлар бўлишини истайди... Мусулмонлар, агар Сизлар пешона терингиз билан ишланадиган ерларингизни қўлдан беришни истамасангиз, помешчикларнинг ерларини тортиб олиш учун курашаётган рус дәхқонлари ва ишчиларига ёрдамга келинг, бўлмаса Николай подшо ўз амалдорлари орқали барча ерларингизни тортиб олиб, мужикларга тақсимлаб беради. Шунда сўнгги пушаймонларингиз ўзларингизга душман бўлиб, сизларга ҳеч ким ёрдам беролмайди. Шунинг учун сизлар бошقا миллатлар билан биргалашиб подшо ҳукуматига қарши кураш-мопингиз керак. Бу курашга зарур маблаг ва воситаларни тайёйланг»<sup>1</sup>. Туркистондаги эсерлар партияси 1908 йилда чиқарган бу хитобномада тарихий ҳақиқат ўз аксини топган. Туркистон ҳалқларининг ота мерос ерлари рус келгиндиларига зўравонлик билан тақсимлаб берилаётгани аниқ далиллар асосида кўрсатилган.

Чоризм турли йўллар ва воситалар билан маҳаллий ҳалқнинг ерларини рус мужиклари фойдасига мусодара қилишга уринди. Ерга солиқлар миқдорини ҳаддан ташқари ошириб юбориш ана шундай воситалардан бири бўлди. Натижада аҳоли ўз ерларини сотишга ёки ундан буткул воз кечишга мажбур

<sup>1</sup> ЎзР МДА, 461-жамғарма, 1-рўйхат, 1988-иш, 141—143-варақлар.

бўлди. Биргина Марғилон туманида шу тариқа ўзбекларнинг 11,5 минг таноб ери мусодара қилинди. Жалолқудук волостида эса солигини тўлолмай еридан воз кечган ўзбек деҳқонларига қарашли жойда 3 рус посёлкаси, Андижон туманида 2, Ўшда эса 1 посёлка барпо этилди. Шу тариқа 1906—1913 йиллар мобайнида Туркистонда 116 рус посёлкаси қурилди. «Ҳар бир рус посёлкаси,— деб ёзган эди Сирдарё вилояти ҳарбий губернатори Н. Гродеков, — рус қўшиналарининг бир батальонига тенг ҳарбий салоҳиятга эгадир»<sup>1</sup>. 1912 йилга келиб, ўзбек тупроғида барпо этилган рус посёлкалари икки кун давомида рус қўшиналари сафига 31 минг қуролли аскар ҳозирлаб беришга тайёр эди.

Подшолик аграр сиёсати 1916 йилги міллий-озодлик қўзғлонидан сўнг очиқдан-очиқ зўравонлик тусини олди. Генерал-губернатор А.Н.Куропаткиннинг бўйруғи билан биргина Жиззах туманида ўзбек деҳқонларининг 1810 таноб ери рус мужиклари фойдасига тортиб олинди. Санкт-Петербургнинг ҳукмдор доиралари Туркистонда «сиёсий нуқтаи назардан» руслардан катта ер эгалари — плантаторлар, фермерлар ҳужаликларини ташкил этишни, ниҳоят, «зарур эҳтиёж» деб ҳисоблаган ҳолда ўлкада рус хусусий мулк эгалигининг устивор бўлишига доир барча чора-тадбирларни амалга оширидилар. «Иккинчи рус Туркистони»ни яратиш foяси подшолик аграр сиёсатининг тутал мақсалига айланди. Паҳта якка ҳокимлигини Туркистон қишлоқ ҳужалигида ўрнатиш, Санкт-Петербург ҳукмрон доиралари фикрича, бу сиёсат асосини ташкил қилиши керак эди. Ўлкага қимматга тушса ҳам, Россиядан ғалла келтириш ва ўлка ҳалқининг рус донига мутелик эҳтиёжининг доимий тус олишини таъминлаш, шунингдек, Туркистон деҳқонларини далаларда нуқул гўза ўстиришга мажбур этиш — бу соҳада таъсиран воситалигини Петербург алоҳида уқтириди ва шу йўналишда изчил фаолият кўрсатди.

Хулоса қилиб шуни алоҳида таъкидлаш лозимки, подшо ҳукуматининг аграр сиёсати ва унинг ўткир тифи бўлган кучи-рувчилик тадбирлари охир-оқибатда ўлкада русларни кўпайтиришга олиб келди, уларнинг иқтисодий мавқеини кучайтириб, маҳаллий ҳалқа нисбатан калондимоғлигини янада ошириди. Бу эса буюк рус шовинизмининг ижтимоий-иқтисодий заминини яратди.

<sup>1</sup> Галузо П.Г. Вооружение русских переселенцев в Средней Азии. М., 1926. 5-бет.

### 3. ТУРКИСТОННИНГ ХОМ АШЁ МАНБАИ ВА ТАЙЁР МАҲСУЛОТЛАР БОЗОРИГА АЙЛАНТИРИЛИШИ

Ўрта Осиёнинг арzon хом ашё манбаи ва рус саноат моллари сотиладиган қулай бозор бўлишини 1826 йилдаёқ генерал-майор Веригин император Николай I (1825—1856)га йўллаган тақдимномасида баён қилган эди. Веригин Россияда ишлаб чиқарилётган моллар мамлакат ичкарисида ҳам зўр-базур сотилаётгани ва сифати паст бўлгани учун Европа бозорларида сира рақобатга дош беролмаслигини кўрсатиб, Ўрта Осиё бу жиҳатдан рус саноат моллари сотиладиган қулай бозорга айланниши мумкинлигини баён қилган эди.<sup>1</sup> Бу фикри сенатор граф К.К.Пален ривожлантириб шундай деган эди: «Туркистонни истило қилишнинг сиёсий сабабларини ҳисобга олмаган тақдирда ҳам бу ўлка Россия тарафидан босиб олинишининг дастлабки кунлариданоқ Россия учун икки жиҳатдан қизиқиш уйғотган эди: 1. Молиявий сиёсат жиҳатидан давлат даромади манбаи ва ички ишлаб чиқариш маҳсулотлари учун янги бозор. 2. Мустамлакачилик сиёсати нуқтаи назаридан марказий губерниялардаги ортиқча аҳолини кўчириш учун янги ҳудуд сифатида дикқатга лойиқ эди»<sup>1</sup>.

Империя юқори сиёсий доираларининг нуфузли вакили сенатор граф К.К.Пален ўлканинг метрополияга тўладиган солиқлари миқдориини аниқ билгани ҳолда уларни янада ошириш режасини ҳам ишлаб чиқсан эди. Бу режа изчилик билан амалга оширилган. Агар XIX аср охирида ер солиги 4 миллион сўмни ташкил қилган бўлса, 1914 йилга келиб у 75 фоизга кўпайди. Россиянинг Туркистондан оладиган даромади 300 фоизга ошди ва 1916 йилга келиб 38.329 минг сўмни ташкил қилди.

Империянинг Туркистон хом ашёсидан оладиган фойдасининг аниқ миқдорини ҳеч ким билмаган ва у фақат метрополия буржуазиясигагина маълум эди. Россия тўқимачилик саноати маҳсулотлари қиммати 1900 йилдан 1913 йилга қадар 150 фоиз ошганидан келган фойда ҳам шу рус капиталистларининг ҷўнглагига тушган ва унинг ҳисобини ҳам ҳеч ким билмайди.

Россия Туркистонни қисқа мuddатда ўз саноати учун хом ашё манбаига айлантирди. Агар 1885 йилда пахта майдони 41,4 минг танобни ташкил қилган бўлса, 1915 йилга келиб у 541,9 минг танобга етди, яъни 13 баробарга ўди. Ўлка Россиянинг асосий пахта базасига айланди. Бу ҳақда Туркистон жадидлари етакчиларидан Убайдуллаҳўжа Асадуллаҳўжаев 1917 йил июль ойида Қозонда ўтган 2-Бутунrossия мусулмонлар курултойида шундай деган эди: «Шу кунгача Туркистон рус капиталистлари

<sup>1</sup> Материалы к характеристике народного хозяйства в Туркестане. ч.1. отд.4, СПб, 1911, 111-бет.

учун говмиш сигир бўлиб келмоқда. Бугунда Туркистон Россияга пахта етказувчидир. Ҳанузгача тұхтамаётган уруш туфайли пахтага эҳтиёж тобора ортиб бормоқда, чунки у порох тайёрлашда керакдир. Агар урушгача бўлган даврда Америка пахтасининг 1 пуди Россияга 18 сўмдан тушган бўлса, ҳозирда барча молларга нарх-наво 3 баробар ошганда, 1 пуд Туркистон пахтаси Россия томонидан 7 сўмдан 10 сўмгача сотиб олинмоқда, ҳолбуки, 1 пуднинг баҳоси ҳозирда 20 сўмни ташкил қилиши лозим. Демак, Туркистон пахтакорлари ҳар пуд пахтадан 10—12 сўм зарар кўришмоқда. Бундан шундай хулоса чиқадики, агар Туркистонда йилига 10—12 миллион пуд пахта етиштирилса, у ҳолда бизнинг пахтакорлар томонидан ишлаб топилган 100 миллион сўм ҳар йили рус капиталистлари чўнтағига тушмоқда»<sup>1</sup>.

✓ Метрополиянинг иқтисодий сиёсати Туркистонни хом ашё базасига айлантириш, уни рус моллари сотиладиган бозор сифатида тутиб туриш ва табиий бойликларини марказга ташиб кетишга қаратилган эди. Бу сиёсатдан дворян-помешчиклар синфидан ташқари, тобора ривожланиб ва кучга кириб бораётган рус буржуазияси, айниқса тўқимачилик саноатининг эгалари манфаатдор эдилар. Туркистон мўмай даромад манбаи сифатида ҳам чор Россиясининг хазинасини бойитиб бораётган эди. Бу даромадлар 1867—1896 йилларда 4 баробарга кўпайди, аҳолидан олинадиган солиқлар 1889—1893 йилларда 40 фоизга ошли. 1869—1896 йиллар давомида империя хазинаси ўлқадан 158 миллион сўм даромад олди<sup>2</sup>.

Туркистоннинг бойликларини талашда империя марказини мустамлака билан туташтирувчи темир йўл мустамлакачиларга қулай келди. Каспийорти, Сибирь ва Оренбург темир йўллари Россия империясининг Европа ва Осиё қисмини ўзаро бирлаштириб, ўлкаларни империянинг мол алмашинуви жараёнiga жалб этди. Метрополиядаги капиталистик муносабатларнинг ривожи мустамлакаларни ҳам ўз домига тортиди. Туркистон ўлкаси ҳам бу жараёнга жалб этилиб, унда ҳам марказ манфаатларига мос келган капиталистик муносабатлар ривожлана бошлади. Ўлканинг биргина Фарғона вилоятида XX аср бошида 157 пахта тозалаш заводи бўлиб, улар маҳаллий, рус ва чет эл капиталистларига қарашли эди. Туркистоннинг Самарқанд, Сирдарё ва Фарғона каби уч вилоятида 1867—1900 йиллар мобайнида 170 саноат корхонаси очилган бўлса, 10 йил давомида (1900—1910) яна 220, 4 йил ичida (1910—1914) эса 180 корхона ишга туширилган<sup>3</sup>.

Ўлка фабрика-завод саноатининг асосини ҳам худди шу

<sup>1</sup> «Хуррият» газетаси, 1917 йил 15 август.

<sup>2</sup> Степекевич А. Убыточен ли Туркестан для России? СПб, 1899, 7-бет.

<sup>3</sup> ЎЗР МДА, 36-жамгарма, I-рўйхат, 3298-иши, 42-варақ.

пахта тозалаш корхоналари ташкил этгани тасодифий эмас, албатта. Чунки метрополиянинг саноат соҳасидаги сиёсатини рус буржуазияси белгилар, унга эса ўлканинг пахтаси биринчи навбатда зарур эди. Князь Масальскийнинг таъбирича, пахтачиликни ҳар томонлама ривожлантириш рус тўқимачилик саноати учун «яқин келажакда ҳаёт-мамот масаласига айланади»<sup>1</sup>. Генерал-губернаторнинг ёзишича, Туркистоннинг империяга кўрсатадиган буюк иқтисодий хизмати ҳам ана шунда эди. Рус тўқимачилик саноати Туркистон пахтачилигининг ривожи туфайли жаҳон бозорида мустаҳкам маррани эгаллади. 1900 йилда Туркистон пахтаси рус саноати эҳтиёжининг 25 фоизини ташкил қилиб, бу рақам йил сайн ошиб борди ва биринчи жаҳон уруши арафасида 50 фоизга етди. Империя газлама саноатининг гуркираб ўсиши ана шу пахта туфайли эди. 1889—1916 йиллар орасида америка нави экиладиган Туркистон ўлкаси пахта майдонлари 7 баробар кенгайганининг боиси ҳам шунда эди<sup>2</sup>. Биргина Қўлоннинг ўзидагина 1900 йилда 22 та пахта тозалаш заводи ишлаган. Арzon хом ашё асосида ишловчи ёғ, вино, пиво, колбаса заводлари, ўлка ер ости бойликларини ўзлаштирувчи тог-кон корхоналари пахта тозаловчи заводлардан кейинги ўринда турган.

1884 йилдан рус саноатчилари «Америка» навли пахтани ўлкада катта майдонларда эктиришларидан сўнг империя тўқимачилик саноати корчалонларининг иштаҳаси очилиб кетган эди. 1889 йилда бундай нав 50 минг, 1895 йилда 100 минг таноб майдонга экилди. 1901 йилга келиб эса ўлкада 186326 таноб ерни эгаллаган пахтадан 174026 таноби рус саноати эҳтиёжи учун мўлжалланган америка навига тегишли пахта эди. Рус ишбителмонлари ва чет эл фирмаларининг маҳсус пахта плантациялари ҳам шитоб билан ўз майдонини кенгайтириб борди. Г.Беляков, Н.Раевский, С.Тарсин каби плантаторлар америка навли пахтани Туркистонда кенг тарқатиш ишининг ташаббускорлари ва бошловчилари бўлишди. Энг катта плантация Катта Ярославль мануфектурасига тегишли эди (2750), кейингиси эса рус келгиндиларининг Андреев хутори (Андижон уезди) бўлиб, у 700 таноб майдонни эгаллаганди.

✓ XX аср бошларидаги пахтачилик Туркистон саноати ва қишлоқ хўжалиги ялни маҳсулотининг 40 фоизини ташкил этган бўлса, дон — 37 фоиз, бошқа экинлар эса 1,2 фоизни ташкил қилган. Пахтачилик империянинг чет элларга сарфлайдиган 70 миллион олтин пулини тежашда ёрдам бергани ҳам тўқимачилик, газлама саноати гуркираб ўсишига туртки берди.✓

Туркистон ўлкасидан 1906 йилда 566878, 1909 йилда — 1102876, 1913 йилда — 2115119, 1915 йилда эса 2426298 пуд

<sup>1</sup> Туркестанский край. Т. XIX, СПб, 1913, 559-бет.

<sup>2</sup> УзР МДА, 1-жамғарма, 5-рўйхат, 939-иш, 6-варақ.

пахта Россия тўқимачилик саноатига етказиб берилди. Шунга қарамай, пахтанинг нархи ниҳоятда паст эди. 1913 йилда пахта нархи 50 фоиз оширилганда мустамлака маъмурияти атайлаб энг муҳим озиқ-овқат маҳсулотлари баҳосини 400—500 фоизга ошириди. Ноннинг нархини 6 марта кутариб, пахта нархини эса 20 фоизга камайтириди<sup>1</sup>.

Рус мустамлакачилари Туркистондан 1914—1916 йиллар мобайнида 59 миллион пуд пахта, 8,5 миллион пуд пахта ёфи, 950 минг пуд пилла, 2925 минг пуд тери, 300 минг пуд гүшт, 229 минг пуд совун, 474 минг пуд балиқ олиб кетдилар.

Туркистон ўлкаси империянинг хом ашё манбаи бўлишидан ташкари у Россиянинг Европа бозорларида рақобатга дош берадолмайдиган ўтмас матоҳларининг сотиладиган қулий бозорига ҳам айлантирилди. XX аср бошларида Туркистонга келтирилаётган темир, мис, чинни идишлар, газлама ва бошқа маҳсулотлар миқдори 8 марта кўпайган<sup>2</sup>. Хусусан, биргина Фарғонага Москвадан — 605412, Ирбитдан — 5000, Нижний Новгороддан — 71233, Оренбургдан — 23910, Лоуздан — 33600 рубллик моллар келтирилган<sup>3</sup>.

1895 йилнинг бир ўзида Россиядан Туркистон ўлкасининг Фарғона вилоятига 6010005 рубллик рус моллари келтирилган. Метрополиядан 1914 йилга келиб бир йилнинг ўзидагина Туркистонга 243,6 миллион рубллик мол келтирилиб сотилгани ҳам ўлканинг рус товарлари учун қулий бозорга айланганини яққол кўрсатади. Мутахассисларнинг ҳисоб-китобига кўра, Россиядан келадиган молларнинг 40 фоизини газлама, 15 фоизини озиқ-овқат, 11 фоизини металлни қайта ишлаш, 7 фоизини ёғочни қайта ишловчи, 6 фоизини кимё саноати маҳсулотлари ташкил қилган<sup>4</sup>.

Рус фирмалари ва ширкатлари молларнинг турлари буйича Туркистон бозорида ўз монополияларини үрнатиб олишган эди. Хусусан, чой савдосини Швецов, Синицин, Лушников фирмалари эгаллаб олган эдилар. Бу фирмалар 1902 йилда 26222 пуд, 1903 йилда эса 26327 пуд чойни сотишган. Чинни буюмлар савдоси эса Кузнецов ва Гарднер ширкати монополиясида эди. «Владимир Алексеев», «Братья Каменские», «Барон А.Кноп», «Братья Шлюсберг» каби савдо уйлари, «Шипс, Сту肯 и К°», «Ярославль катта мануфактура» ширкатлари, Москва савдо-саноат ширкати ҳам Туркистон бозорида ҳукмрон мавқени эгаллаган эдилар.

Рус капиталистлари ўз манфаатларини ўйлаб қайта ишлаш саноатини ўстиришни истамаганлар ва асосий капиталларини савдо-сотиқ муомаласи доирасига сарфладилар. 1913 йилдан

<sup>1</sup> ЎзР МДА, 461-жамғарма, 1-рўйхат, 1676-иш, 2-варақ.

<sup>2</sup> ЎзР МДА, 1-жамғарма, 1-рўйхат, 2599-иш, 2-варақ.

<sup>3</sup> ЎзР МДА, 19-жамғарма, 1-рўйхат, 23742-иш.

<sup>4</sup> ЎзР МДА, 19-жамғарма, 1-рўйхат, 24156-иш, 33-варақ.

1915 йилгача Москва ва Санкт-Петербургнинг фирма ва ширкатлари ўлка хўжалигига сарфлаган 313 миллион сўм маблаг-нинг 60 фоизи кредит тармогига тўғри келган. Туркистондаги хусусий тижорат банклари икки катта корчалон гурухни: Москва ва Петербург банкларини ташкил қилиб, ўлка иқтисодиётидаги ҳал қилувчи роль ўйнаган. Мунтазам ўтказиб келинган иқтисодий зўравонликнинг оқибатларидан расмий идоралар ташвишга тушгани ҳақида маълумотлар кўп. Хусусан, таникли мутахассислардан Н.П. Верховский чоризмнинг Туркистонни хонавайрон қилувчи иқтисодий сиёсатини танқид қилиб, 1909 йилда бундай деб ёзган эди: «Бундай ижтимоий-иктисодий эволюциянинг бориши ўлкани буткул хонавайрон қилибгина қолмай, барча руслардан ётсирашга олиб келади. Хонавайрон бўлган аҳолининг иқтисодий норозилигини кучайтириб, хукуматга ва русларга қарши ташвиқот учун қулай замин яратадиган нуфусини вужудга келтиради»<sup>1</sup>.

1916 йил 4–6 март кунларида бўлиб ўтган Туркистон қишлоқ хўжалиги жамияти мажлисида пахтачилик билимдони ҳисобланган С. Понятовский Россиядан келтириладиган газла-ма, темир, мис буюмлар, чой ва дон маҳсулотларига ҳеч қандай чекланишсиз нарх-наво қўйилгани ҳолда, масалан, биргина ёгнинг нархи 1913–1916 йиллар давомида 20 баробар қутарилгани ҳолда пахтага нарх қатъий нормада сақланиб қолаётганига дикқатни қаратади. «Москва, — деган эди у, — бизнинг Ўрга Осиё пахта толасига ниҳоят катта эътибор бераётганини кўриб турибмиз ва бу эътибор келгусида улкан фалокатга олиб кела-ди»<sup>2</sup>.

Пахта якка ҳокимлиги Туркистон саноатига тамоман мустамлака тусини бериб, уни метрополия буржуазиясига рақобатчи эмас, балки унга хизмат кўрсатувчи соҳага айлантирган эди. Рус буржуазияси ва шаклланиб бораётган Туркистон буржуазияси ўртасидаги муносабатда ҳам шу ҳолат ўз аксини топди.

Марказдаги капиталистлар, чет эл фирмалари билан ҳамкорликда Туркистон бойликларини ўзлаштириш ишида маҳаллий буржуазияни ўзига воситачи қилиб олган эди. Рус буржуазияси Туркистон саноати, қишлоқ хўжалиги ва ер ости бойликларини ўзлаштириш ишига нисбатан, капиталистик муносабатлардан келиб чиқсан ҳолда сиёсат ўтказар ва ана шу масалада дворян-помешчиклар билан тўқнашар эди. Рус подшосининг саройи, Давлат Кенгashi ва Министрлар Қўмитасида асосий ўринларни эгаллаган дворян-помешчиклар эса Туркистонга нисбатан ҳарбий-феодал сиёсат юритиб, очиқдан-очиқ унинг бойликларини талаш, ер-сувларини тортиб олиш тарафдорлари эди. Ҳар икки синф манфаатларини мувофиқлаштиришга уринган подшолик

<sup>1</sup> Туркестанские сельское хозяйство, 1909. №22, 839-бет.

<sup>2</sup> Уша ҳужжат, 1916, №5.

шунинг учун ҳам мустамлакаларда «Ҳарбий-феодал империализм» сиёсатини ўтказиб келарди. Александр II (1856–1881), Александр III (1881–1894) ва Николай II (1894–1917) ҳукуматлари таркибига кирган дворян-помешчикларнинг ҳал қилувчи мавқеи рус буржуазиясининг норозилигини уйғотарди. Буржуазия мустамлака сиёсатини ўтказиши монополистик капитализмга хос бўлган янги усусларда: капитал чиқариш, қарз бериш, концессиялар олиш, ҳом ашё манбаларини қўлга киритиш каби воситалар ёрдамида амалга оширишни истаса, дворян-помешчиклар эса ўлка ерларини тортиб олиб, рус помешчикларига бўлиб бериш, иқтисодий ҳарактерга эга бўлмаган воситаларни ҳарбий куч ва зўравонлик билан патриархал-феодал муносабатларни сақлаб қолиш тарафдорлари эдилар. Бошқа соҳалардаги каби худди шу мустамлака сиёсатини ўтказишида дворянларнинг устиворлиги рус буржуазиясини подшо ҳукуматига қарши қайради.

Шубҳасиз, шу йилларда Туркистон ўлкасида ишчилар синфи билан баробар маҳаллий буржуазия ҳам шаклланиб, ўз ҳақ-хуқуқларини таний бошлаган эди. Рус ва чет эл капиталистлари билан ҳамкорликдаги фаолият давомида тижорат илмини ўзлаштирган маҳаллий буржуазия қаддини ростлаб, жаҳон бозорига чиқишига ҳам урина бошлаганди. Андижонлик Миркомил Мирмўминбой ҳожи ўғли (1860–1919) ана шундай йирик ўзбек буржуазиясининг ёрқин намояндаси эди. XX аср бошларида унинг шахсий бойлиги 15 миллионга яқин бўлган ва у «Ака-ука Шлюсберг», «Кноп», «Ака-ука Стенцум» фирмалари, Москва ҳисоб банки, Рус - Хитой банки, Рус - Осиё банки ва бошқа савдо-сотиқ фирмалари ҳамда банклари билан ҳамкорликда фаолият кўрсата бошлади. Миркомилбойнинг 5 та пахта тозалаш заводи, 5 минг таноб ери, 300 дан ортиқ дўконлари, 4 та катта боғ-узумзори, 6 миллиондан ортиқ нақд пули, қимматбаҳо қофоз, акциялари бўлган<sup>1</sup>. Рус капиталистларининг воситачи хизматкори бўлиб ўз ҳалқини талашда қатнашган, судхўрлик қилган ва ҳар хил йўллар билан бойлик орттирган бошқа тижоратчилардан фарқли ўлароқ, у рус ва чет эл капиталистлари билан муваффақиятли рақобат қила олган, тадбиркор ва маърифатпарварлиги билан ҳам ўз биродарларидан кескин ажралиб турган. Рус мустамлакачилари уни ёмон кўришса ҳам у билан ҳисоблашишга мажбур бўлишган.

Миркомил Мирмўминбой ҳожи ўғли ва Аҳмадбек ҳожи Темурбеков каби андижонлик мулкдорларнинг илгор вакиллари ижтимоий-иқтисодий адолатни интиқиб кутаётган ишчи, хунарманд ва дәжқонлар мафкурасини XX аср бошларида ўз фаолиятларида намоён эта бошладилар.

<sup>1</sup> ЎзР МДА, 19-жамгарма, 4-рўйхат, 178-иш, 97-варақ.

#### **4. МУСТАМЛАКАЧИЛИК ДАВРИДА ТУРКИСТОН АҲОЛИСИ. ХУНАРМАНДЧИЛИК, САНОАТ, ШИРКАТЛАР ВА ТИЖОРАТ**

Туркистон аҳолисининг Россия босқинидан кейинги нуфузи ва умумий сони ҳақида аниқ маълумотлар йўқ. Император Александр III нинг топшириғига кўра Туркистон ўлкасини тафтиш қилган (1882—1884) Ф.Гирснинг аниқлашича, Туркистонда ҳаммаси (эркак ва аёл) бўлиб 2406000 киши истиқомат қилган ва шундан эркаклар сони таҳминан 1200000 кишини ташкил этган. Манбаларнинг гувоҳлик беришича, XX аср бошида ўлкада 7464100 киши, Бухоро амирлигига 2236437, Хива хонлигига эса 640 мингдан кўпроқ киши яшаган<sup>1</sup>.

Туркистон Хазина Палатаси томонидан солиқ тўловчиларнинг сони ва уларнинг иқтисодий имкониятларини аниқлаш мақсадида тузилган ижтимоий ҳўжалик бошқармаси ҳужжатларида кўрсатилишича, 1884 йилда Кўқон шаҳрида 7711 ҳовли бўлиб, уларда 60 минг ўзбек, 2400 тожик, 420 қирғиз, 410 лўли, 302 рус, 72 дунгган, 21 ҳинд, 17 аффон истиқомат қилган. Кўқон шаҳри аҳолисининг умумий сони 63642 кишига етган. «Умуман олганда, — деб ёзган эди Гирс, — Туркистон ўлкасининг аҳолиси империянинг бошқа қисмларида истиқомат қилувчи мусулмон аҳоли сингари рус ҳукуматига нисбатан яхши муносабатда эмаслигини пайқамасликнинг иложи йўқ. Шубҳа йўқки, ўзининг сиёсий мустақиллигини йўқотиб қўйган ҳалқда ўтмишини эслаш унинг голибга нисбатан бўлган муносабатида ёқимсиз таъсирини ўтказмай қолмайди. Бироқ ҳукуматимиз бу туйғуни юмшатиш учун мағлуб ҳалқнинг иқтисодий аҳволини яхшилаш борасида кўп ишларни амалга оширдик<sup>2</sup>. Империя Давлат кенгашида Туркистон аҳолисининг руслар билан бирга таълим олишларига йўл қўйиш масаласи муҳокама этилганда, Россия империяси ҳарбий вазири генерал-адъютант граф Д. Милютин ҳам, ҳалқ маорифи вазири, ҳақиқий маҳфий маслаҳатчи граф Д. Толстой ҳам Гирснинг юқоридаги гапларига ҳамоҳанг фикрлар билдиришган эди. Ҳар икки вазир ҳам маҳаллий аҳоли, хусусан, ўзбеклардан ташкил топган ва савдо ва деҳқончилик билан шуғулланётган мулойим табиати билан ажralиб турган мусулмон аҳолини ёппасига мутаассиб деб аташ адолатдан бўлмаслигини қайд этишган. Вазирлар «уларнинг руслар билан бирга таълим олишларига рухсат бериш» мумкинлигини эътироф этишган.

XIX аср охирларида ўлкада саноат ишлаб чиқариши асосан аҳолининг майший эҳтиёжларига хизмат қўрсатувчи майда ҳунармандчилликдан иборат эди. Саноат ибтидоий босқичда эди.

<sup>1</sup> ЎзР МДА, I-жамғарма, 25-рўйхат, 26-иш, 18-варақ.

<sup>2</sup> ЎзР МДА, I-жамғарма, 12-рўйхат, 923-иш, 8-варақ.

Күчманчи аҳоли орасида ҳунармандчилик: кигиз тайёрлаш, уй жиҳозлари ишлаб чиқариш, оила эҳтиёжи учун тери ва мўйна ишлаб чиқариш кенг йўлга қўйилган эди. Бу ерда кигиз (намат) тайёрлаш анча ривож топган, чунки унга талаб ҳамма вақт катта бўлган. Умуман, Туркистонда буз, атлас, шойи тўқиш, дўппидўзлик, темирчилик, заргарлик кенг ривож топган. Қандолатчилик, ширмонпазлик, нөввойлик ҳам тарақкий этган.

Уй-рўзгор ишларидаги, хўжаликда керак бўладиган барча жиҳозлар: эгар-жабдуқ, сандик, мис идишлар, ҳалатлар, чарм буюмлар, сопол, ёғоч, кумуш, олтин буюмлар, кетмон, пи-чоқ, маҳси, калиш ва шу каби кўпгина нарсалар ишлаб чиқарилган.

Минтақа иқтисодиётини үрганиш учун Тошкентда очилган Ўрта Осиё саноат ва қишлоқ хўжалигига доир биринчи (1886) ва иккинчи (1890) Туркистон кўргазмаларида маҳаллий ҳунармандлар ҳамда саноат корхоналари ишлаб чиқарган буюмлар, қишлоқ хўжалик маҳсулотлари намойиш қилингандаги гилам тўкувчилар, куролсозлар, заргарлар ва тўкувчиларнинг тайёрланган буюмлари кўргазма иштирокчиларининг диққат-эътибориги қозонган эди.

Шуни ҳам айтиш керакки, шаҳар ҳунармандлари XIX асрнинг иккинчи ярмида пахта йигириш учун чарх, қўлбola тўкув дастгоҳини ишлаб чиқардилар. Бу буюмлар анча оддий бўлиб, ундан фойдаланишни үрганиш учун кўп вақт талаб қилинмас, маҳсус малакага эга бўлишнинг ҳам ҳожати йўқ эди.

XIX асрнинг иккинчи ярмидан бошлаб Россиядан саноат маҳсулотларининг келтирилиши ортиб борган сари маҳаллий ҳунармандчилик ишлаб чиқариши инқизорзга учрай бошлади. Тўкувчи қўл дастгоҳида 17–18 соатдан ишлаб бор-йўғи 4–8 аршин (1 аршин 72.12 смга тенг) мато ишлаб чиқарар, лекин оладиган маоши арзимаган миқдорда эди. Хонавайрон бўлган ҳунарманд-косибларнинг сони ортиб борди.

Хонликлар Россия тарафидан босиб олинишига қадар уларда фабрика ва мануфактура ишлаб чиқариши бўлмаса-да, баъзи талқиқотчиларнинг фикрига кўра, «уйда ишлайдиган дехқон ҳунармандчилигига асосланган» марказлашган, шунингдек асосан тарқоқ ҳолдаги мануфактураларнинг куртаклари мавжуд бўлган». Самарқанд, Маргилон, Кўқон, Анлижон, Бухоро шаҳарлари ўлканинг ҳунармандчилик марказлари ҳисобланар эди. Бухорода 1841 йилда 6 та чўян қуийш цехи бўлиб, уларда қишлоқ хўжалик қуроллари, тўплар учун ядро ишлаб чиқарилган. Худди шундай корхоналар бошқа хонликларда ҳам мавжуд эди. Биргина Тошкент шаҳрининг ўзида 1870 йилда 775 га яқин тўкувчилик устахонаси фаолият кўрсатиб турган. Туркистон ўлкасида рус капиталига хизмат кўрсатувчи катта-кичик корхоналар сони ҳам аста-секин ортиб борган. Бу хусусла генерал-

губернатор фон Кауфманга Тошкент шаҳрининг руслар яшайдиган қисмидаги фабрика ва заводлар ҳақида берилган маълумотлар диққатга муносабидир<sup>1</sup>.

#### Тошкент шаҳридаги фабрика ва заводлар сони

Корхоналар	1872 йил	1873 йил
Заводлар:		
Совун ишлаб чиқарувчи	17	17
Кун ишлаб чиқарувчи	90	91
Фишт ишлаб чиқарувчи	35	34
Вино ишлаб чиқарувчи	5	6
Пиво ишлаб чиқарувчи	1	2
Фабрикалар:		
Пиллақашлик	3	3
Тұқувлылық	430	420
Бұяш	14	14

Күриниб турибдикі, тұқувлылық устун даражада ривожланған бўлиб, улар аҳолига ҳам турли матолар етказиб берган. Фабрикаларда тұқылған газламалар үлкага оммавий тусда көлтирилиши муносабати билан ярим кустар корхоналар сони камайиб борган. Бу жараён ҳақида қўйидаги маълумотлар аниқ тасаввур беради:

#### 1890—1913 йилларда Туркистандаги ҳунармандчilik-тұқувлылық ишлаб чиқариши

Күрсаткичлар	Фарғона вилояти		Сирдарё вилояти	
	1890 йил	1913 йил	1890 йил	1913 йил
Корхоналар сони	869	754	230	20
Ишчилар сони	934	817	246	36
Маҳсулот (минг рубл)	200.6	149.4	49.8	18.8

<sup>1</sup> Бу маълумотлар тадқиқотчи А.Тожибоев томонидан ишланған. Туркистан саноати, темир йўл ишчилари ҳақида аҳборотлар ҳам шу тадқиқотдан олинган.

Жадвалдан күриниб турибиди, ана шу йиллар орасида корхоналар сони 43 марта, уларда ишлаб турган ишчилар сони деярли 26 баробар, ишлаб чиқарылган маҳсулот қиймати 10,7 баробар қисқарған. Худди шундай ахволни бошқа вилоятлар ва хунармандчилик корхоналарида ҳам күриш мумкин.

Улка забт этилгандан сүнг маҳаллий саноатнинг ривожланиши пахтани қайта ишлаш билан бевосита бөлиб қолди. Пахта тозалаш, ёғ, совун пишириш корхоналари тармоғи кенгайди. Туркистондаги биринчи пахта тозалаш заводи 1874 йилда Тошкентда курилди. 1880 йилда Олимхўжа Мұхаммаджонов Андижонда пахта тозалаш заводи қурди, саноатчи Л.Югович 1881 йилда Каттақўронда шундай завод барпо этди. 1890 йилда эса Андижон туманининг Бўтақора қишлоғида пахта заводи ишга туширилди. У кўп тармоқли агросаноат корхонаси бўлған «Андреев хутори» номли савдо-саноат ширкати таркибига кирди. Завод бир кеча-кундудза тахминан 1800 пуд пахтани чигитдан тозалаган. Мавсум мобайнида 200 минг пудгача (3200 т) пахтани тозалаш имкониятига эга бўлган.

Хуллас, 1880—1914 йиллар орасида қарийб 220 та пахта тозалаш заводи қурилди. Бундай заводлар Бухоро амирлигида ва Хива хонлигига ҳам барпо этилди. Масалан, Бухоро амирлигига 1905 йилда 9 та, 1913 йилда эса 26 та пахта заводи ишлаб турган. 1890 йилда Хива хонлигига 81 та саноат корхонаси бўлиб, улардан 27 таси нисбатан йирик корхоналар эди. 1917 йилги февраль инқилоби арафасида Хива хонлигига 36 та пахта тозалаш заводи, 4 та ёғ ва совун ишлаб чиқариш заводлари ишлаб турган. Пахта тозалаш заводларининг эгалари савдогарлар ва йирик ер эгалари бўлиб улар орасида ака-ука Вадъяевлар, Фузаловлар, Юсуфбоевларнинг салмоғи катта бўлган.

Дастлабки ёғ ишлаб чиқариш заводлари 1884 йилда Кўқон ва Тошкентда пайдо бўлди. 1897 йилда Каттақўронда ҳам ёғ заводининг қурилиши ўлкада йирик ёғ ишлаб чиқариш корхоналарининг пайдо бўлишига асос яратди. 1915 йилда бу ёғ заводи қарийб 2 млн. пуд ёғ, 5 млн. пуддан кўпроқ кунжара, 5 млн. пудга яқин шулиха ишлаб чиқарған. Ёғ ишлаб чиқарувчи корхоналарнинг анчагина қисми Фарғонада жойлашган. Бу ерда тайёрланган ўсимлик талай қисми Россияяга, кунжара Германия ва Англияга олиб кетилган.

Пахта саноатчиларининг йирик монопол бирлашмалари ҳам вужудга келди. 1915 йилнинг июляда 5 та йирик фирмани бирлаштирган «Бешбош» савдо-саноат ширкати ташкил этилди. 1892 йилдан 1915 йилгача ўлкада Давлат банкларининг 10 га яқин бўлимлари ва хусусий тижорат банкларининг 40 та бўлими очилди. Банк-молия капитали Ўрта Осиё иқтисодиётининг барча соҳаларига кириб борди. Дастлабки монополиялар пахтачиликда ва у билан бөғлиқ бўлган ёғ ишлаб чиқариш соҳасида вужудга келди. Лекин улар ички жамгармалар ҳисоби-

га эмас, балки Россия молия капитали томонидан ташкил этилди. Туркестон ўлкасига хорижий фирмалар ва уларнинг капиталлари ҳам кириб келди. Улар орасида жаҳонга машҳур «Зингер» фирмаси алоҳида ўрин тутади. Россияни ўлка билан боғлаган темир йўллар ишга туширилгач, рус ва чет эл капиталининг Туркестонга кириши учун катта имкониятлар очилди.

Ўрта Осиё (1880—1898 йиллар), Тошкент-Оренбург (1901—1906 йиллар) темир йўллари давлат хазинаси маблағи ҳисобига, Фарғона (1911—1916 йиллар), Бухоро (1914—1916 йиллар), Еттисув (1912—1917 йиллар) темир йўллари эса ҳиссадорлик жамиятлари ҳисобига курилди.

Темир йўлларнинг курилиши, ҳаракат тартибининг ўсиб бориши ва ташиладиган юклар ҳажмининг кўпайиши жойларда қудратли таъмирлаш базасини вужудга келтиришни талаб қиласарди. Темир йўллар ёқасида уларга хизмат курсатадиган устахона ва деполар курила бошланди. 1882 йилда Қизил Арвот вагон-таъмирлаш, 1900 йилда Тошкент ва Красноводск устахоналари ишга туширилди.

Ўлкада 1895 йилдан 1914 йилгача 11 та уруғ заводи, ўнлаб кўн, фишт, оҳак қиздириш, мис эритиш, жун ювиш цехлари, вино, пиво, фармацевтика, озиқ-овқат корхоналари ишга туширилди.

Электрлаштириш ҳали бошланғич ҳолатда эди. Фақат бир нечта йирик корхоналарда электр аппаратлари мавжуд эди, холос. «Чимён» ҳиссадорлик жамиятининг нефть ҳайдаш заводи ўзининг дизел электр станциясидан қувват олган. Қовунчи қанд заводи эса хусусий ГЭС ига эга бўлган. Туркестон ўлкасида электр қувватининг ишлатилиши ҳали бошланғич босқичда бўлса, Фарбий Европа мамлакатлари 30—50 йил олдин бу йўлни босиб ўтишган. Агар 1913 йилда Россияда аҳоли жон бошига фақат 14 квт. соат электр қуввати тўғри келган бўлса, Туркестондаги аҳоли жон бошига 1 квт. соат электр қуввати ишлаб чиқарилган.

Шуни унугмаслик керакки, XX аср бошларида ўлканинг саноат жиҳатидан ривожланиши Россияга қараганда анча пастроқ даражада эди. 1908 йилги саноат корхоналари рўйхати маълумотларига қараганда, бу ерда 378 та саноат корхонаси мавжуд бўлиб, у бутун Россия империясидаги барча саноат корхоналарининг 2%ини ташкил этган. Вилоятларда саноат бир хилда ривожланмаган. 1880 йилдан 1914 йилгача Фарғона вилоятида 224 та, Самарқанд вилоятида 163 та, Еттисув вилоятида 107 та корхона бунёд этилган. Саноат корхоналарининг 60 фоизи ўлканинг йирик шаҳарларида жойлашган.

Яна шуни ҳам айтиш керакки, ўлкадаги ишчиларнинг асосий қисмини (70%ини) мавсумий ишчилар ташкил этган. Бу ҳол пахта етиштиришга хизмат курсатувчи корхоналарнинг устуворлиги билан белгиланди. Пахта тозалаш, жун, ёг саноатида

мавсумий меңнат оммалашган эди. Корхоналар ҳажмининг кичиклиги, техника таъминотининг заифлиги доимий ишчи кадрлар пайдо бўлишини секинлаштириди. Доимий ишчи кадрлар аввало кон қазиш саноатида ва темир йўл қурилишида кўпроқ вужудга келди. 1912 йилда Сирдарё, Фарғона ва Самарқанд вилоятларида жами ишчилар 1904 кишини ташкил қилди.

Темир йўлда ишловчи туб миллат вакилларига нисбатан мустамлакачилик сиёсати ўтказилган. Натижада маҳаллий аҳоли вакилларининг кўплари бу соҳадан сунъий равишда четлатилган. Буни куйидаги жадвалдан ҳам билса бўлади:

**Каспийорти темир йўлидаги ишчи ва хизматчиларнинг  
миллӣ тарқиби (темир йўл солдатлари бунга кирмайди)**

Миллатлар	1895 йил 1 сентябргача	1899 йил 1 январгача
Руслар	2803	4280
Ўзбеклар	174	25
Туркманлар	75	29
Эронийлар	240	60
Татарлар	—	5
Яхудийлар	—	17
Немислар	48	42
Арманлар	11	6

Темир йўллар фойдаланишга топширилгандан кейин маъмурлар ходимлар штатларини асосан Россиянинг марказий вилоятларидан кўчириб келтирилган ишчилар ҳисобига тўлдиришди. Улар бу ерга темир йўлчиларни имтиёзли шартлар билан олиб келдилар, улардан маҳсус ҳарбий қисмларда фойдаланилди. Темир йўлда ишловчи солдатларнинг иш малакаси турлича эди. Малакали ишчиларнинг бир қисми ҳарбий хизматни ўтаб бўлган солдатлар эдилар. Шу тариқа ишга қабул қилишда рус миллатига тегишли кишиларга катта имтиёз берилган. Маҳаллий аҳоли вакилларининг темир йўлга ишга кириши анча мушкул бўлган. Буни шундан ҳам билса бўладики, XX аср бошларида Каспийорти темир йўли қурилишидаги 6 минг ишчининг 81,3% ини руслар ташкил қилган<sup>1</sup>.

Маҳаллий аҳолидан темир йўлга оммавий киришни чеклаш мақсадида подшо маъмурияти маҳсус тартиб-қоидалар жорий этди. Масалан, насроний динида бўлмаган киши бош темир

<sup>1</sup> Путеводитель по Туркестану и Среднеазиатской железной дороге от Кизил-Арвата до Ташкента. СПб, 1903, 20-бет.

йўл устахонасида ёки дегода машинист, кондуктор, чилангар, ўт ёкувчи бўлиб ишлаши мумкин эмас эди. Мисол тариқасида мана бу фактни келтириш мумкин: 1894 йилда бечораҳол Омонов чилангар бўлиб ишга кириш мақсадида насроний динини қабул қилишга мажбур бўлган ва чўқинтирилган куннинг эртасига ишга қабул қилинган. Қора ишчиларнинг бош темир йўл устахонасида ишга кириши айниқса қийин эди. Ишга кирувчи-лардан яна 3 ой мобайнида бепул синов муддатини ўташ ҳам талаб қилинган. Шуни ҳам айтиш керакки, ишга кириш синовидан муваффақиятли ўтган киши кунига 15—20 тийиндан ҳақ олган. Ишга кириш вақтида пора олиш, иш ҳақини пасайтириш, арзимаган сабаблар билан ишдан бўшатиш, жарима соилиш одат тусига кирган.

Ўлка саноат корхоналарида меҳнат шароити ниҳоятда оғир бўлиб, меҳнатни муҳофаза қилишга мутлақо эътибор берилмаган. Фабрика механикларидан бирининг хабарига кўра, 1907 йилнинг июляда «Катта Ярославль мануфактураси» ширкати заводларида ўзбек ишчиларидан 18 киши шикастланган. Улардан 12 киши мутлақо ишга яроқсиз бўлиб қолган. 1906 йилда «Чимён» нефть конларида 53 киши майиб бўлган. Шикаст топганларнинг кўплари маҳаллий миллат вакиллари эди. Биргина 1911 йилнинг ўзида Ўрта Осиё темир йўлида 2938 баҳтсиз ҳодиса рўй берган. Ишчиларни сугурта қилиш эса корхоналарнинг айримларидагина мавжуд эди, холос. Завод, фабрика ва шахталарнинг эгалари кўп ҳолларда баҳтсиз ҳоллар рўй берганигини яширишар ёки уларнинг сонини атайлаб камайтириб кўрсатишган.

Ишчилар сафида хотин-қизлар ҳам бўлгани ҳақида маълумотлар бор. Ўзбек аёлларидан асосан саноатнинг пилла қутиш ва қуртиши фабрикаларида аёллар 56,5 фоизни ташкил қилган. Хуллас, 1914 йилда ўлканинг фабрика-завод саноатида 3672 аёл, шу жумладан, 2417 ўзбек аёли ишлаган.

Капиталистлар қурилиш ишларида арzon ишчи кучига эҳтиёж сезган. Шунинг учун ҳам подшо маъмурияти ўлкага чет эл фуқароларининг иш излаб келишига тўсқинлик қилмаган. Фарғона водийисига фақат Кошғардан 1904 йили 14556 киши, 1905 йили 13337 киши, 1907 йили 25056 киши, 1909 йили 12725 киши, 1911 йили 26463 киши, 1912 йили 27174 киши ишлаш учун келган<sup>1</sup>. Афғонистон, Эрон, Шарқий Туркестондан иш қидириб келган кишилар паспортсиз яшаб амалда ҳукуқсиз бўлиб қолган эдилар. Улар қишлоқ хўжалик маҳсулотларини қайта ишлаш корхоналарида, конлар ва шахталарда, қурилишларда ва темир йўлда қора ишчи бўлиб ишлар эдилар.

<sup>1</sup> Юферов В. И. Труд хлопковых хозяйств Туркестана. СПб, 1914, 22—23-бетлар.

Шундай қилиб, ўлка ҳудудида маҳаллий ва рус ишчилари билан бир қаторда күшни мамлакатлардан иш қидириб келган кишилар ҳам бўлиб, улар ишчи малакасига эга бўлишмаган.

1914 йилда ўтказилган тафтиш натижасига кўра, саноат ишчиларининг умумий сони 49,5 минг киши бўлиб, улардан 25,5 минг киши, яъни 51 фоизи саноатда, қолган 24,4 минг киши эса (49 фоиз) темир йўлда ва темир йўл устахоналарида ишлаган. Россия мустамлакачилик сиёсатининг асосини аввалимбор рус капитализмининг иқтисодий манфаатларини ҳимоялаш ва эҳтиёжларини қондириш муаммоларини ҳал қилиш ташкил қилган.

Юқорида айтилганидек, Россия капитализми учун Туркистон арzon хом ашё манбаи сифатида муҳим аҳамиятга эга эди. Туркистон билан Россия ўртасида темир йўл алоқасининг ўрнатилиши дехқон хўжалигининг Умумrossия бозори тасаруфига тортилишини тезлаштириди. XIX асрнинг охирги чорагидан ўлка қишлоқ хўжалигида саноат учун пахта етишириш билан боғлиқ бўлган катта ўзгаришлар даври бошланди. Пахтачиликнинг дастлабки тасири икки йўналишда намоён бўлди. Биринчиси, пахта майдонлари буғдој экиладиган, сугориладиган ерлар ҳисобига кенгайтирилди. Иккинчиси, аввал асосан ўз хўжалигининг эҳтиёжини қондириш учун пахта экадиган дехқон сўнгра бозор учун маҳсулот етишириш билан шуғуллана бошлади. Чунки мавжуд шароитда пахтага ихтисослашиш, уни бозорга сотиш иқтисодий жиҳатдан фойдалироқ бўлиб қолди. Туркистонда дехқон хўжалигининг бозор муносабатларига мослашиб суръатлари Фарбий Европага нисбатан ниҳоятда кам вақтни талаб қилди.

Пахтачиликнинг йил сайин кенгайиши натижасида XX асрнинг биринчи ўн йиллигига Туркистон қишлоқ хўжалиги бозор муносабатлари устиворлиги шароитида дастлабки иқтисодий тангликка учради. Унинг келиб чиқиши сабаби асосан майда дехқончилик хўжалигининг молиявий қийинчиликларга дуч келишида эди.

Европада дехқон хўжалигининг бозор муносабатларидаги иштироки ер майдонининг йириклишуви билан кенгайиб борди. Туркистонда эса, бозорга чиқариладиган маҳсулот майда дехқон хўжалигида умумий маҳсулотнинг 95 фоизини, ўтра хўжаликда 80 фоизини, йирик хўжаликларда 61,1 фоизини ташкил қилган. Йирик ер эгалари пахта майдонларини кенгайтишига интилмас эдилар, чунки ёлланма меҳнатдан фойдаланиш эвазига олинадиган пахта ҳосили бошқа экинларга нисбатан кўп фойда келтирмас эди. Оиласининг эҳтиёжларини қоплаш бош мақсад бўлган майда дехқон хўжалиги маҳсулотни ишлаб чиқаришга сарфланадиган меҳнат эвазига умумий даромадни оширишга интиларди. Пахта етиширилладиган хўжаликларда мавсум давомида тирикчилик ўтказиш учун маблағ зарур

эди. Оддий деҳқон сон-саноқсиз банклар ва фирмалар хизматидан фойдалана олмасди, чунки унинг олинадиган қарз учун гаровга қўядиган мол-мулки йўқ эди. Фарбий Европада деҳқон хўжалиги, буни ерни гаровга қўйиш билан ҳал қилган бўлса, Туркистонда ерни гаровга қўйиш шариат қоидаларига тўғри келмас эди. Бу ҳол, бир томондан, ернинг қўлдан-қўлга ўтишини маълум даражада чегаралаган бўлса-да, иккинчи томондан, деҳқон хўжалигини ривожлантириш учун узоқ муддатли кредит олишдан маҳрум бўлинган. Пахтачиликдан катта фойда оладиган фирмалар деҳқонлар билан бевосита муносабатлардан воз кечиб, уларга кафолат берувчи воситачилар ва даллоллар хизматидан фойдаланишни афзал қўрдилар. Шу тариқа Туркистонда буноқ тизими шаклланиб, маҳсулот етказиш билан боғлиқ бўлган судхўрлик юзага келди. Банклар ва фирмалар билан деҳқонлар ўртасидаги воситачилик мисли кўрилмаган фойда кўриш соҳасига айланди. Воситачилар 10 фоиз атрофидаги бадалга олинган маблагни деҳқонларга 40–60 фоиз устама билан етказадиган бўлишиди.

Ниҳоятда катта фоизлар ҳисобига қарз оладиган деҳқон ҳосил яхши битса қарзини уза олар, акс ҳолда, у тобора кўпайиб борар эди. Бу ҳол пахтачиликнинг, умуман қишлоқ хўжалигининг ривожланишига тўсқинлик қилди. Вужудга келган шароитда деҳқонни имтиёзли кредит билан таъминлаш подшо ҳукумати томонидан ягона йўл деб топилди ва Туркистонда кредит кооперациясини жорий этишга қарор қилинди.

Подшо ҳукумати узоқ вақт кооператив характердаги ташкилотларни тузиш учун аҳолининг умумий ҳуқуқий ривожланиши етарли даражада эмас, деган уйдирма асосида қарз берувчи ширкатларни тузишга рухсат бермади.

Чор ҳукумати бозор муносабатлари шароитида шаклланган, ўз-ўзини иқтисодий ҳимоя қилиш асосидаги кооперация тизимини ўлкада ўз манфаатларини ҳимоялаш таъсиридагина татбиқ қилган. Лекин инсоният тараққиёти жараёнида вужудга келган ижтимоий фаолиятнинг кооператив шакли ўлкамизда азалдан мавжуд бўлган. Хусусан, олимлар шарқдаги сув иншотларини ўрганар эканлар, бу ерда қадим замонларда ёқ, оддий кооперация шаклланганини асослашган. Масалан, шариат шерикликнинг тўрт турини ҳуқуқий томондан асослаб берган. Биринчиси, «мувафазо», яъни топширишда шериклик; иккинчиси — «ширкати айнан» — ишни шерикчилик асосида юритиш; учинчиси — «ширкати таҳаббул» — бир турли ҳунарни бирга қўшиб бажариш; тўртнинчиси — «ширкати вужуҳ» — шерик бўлиб мол олиб сотиш.

Туркистонда кооперация ҳаракатининг пайдо бўлиши тўғрисида манбаларда турлиса саналар келтирилади. Расмий равищда империя рўйхатидан ўтган биринчи кредит ширкати ўз фаолиятини 1907 йил 6 майда Кўконда бошлаган, Туркис-

тонда эса кредит кооперациясининг тарихини 1909 йилдан бошланган деб ҳисоблаш мумкин<sup>1</sup>.

Кооперация принциплари асосида иш юритадиган майда кредит ташкилотлари тузиш масаласи эса Туркистонда аср бошидаёқ күтарилиган эди. Лекин бу масала билан чор ҳукумати 1907—1908 йилларда пахта ҳосилининг камайиши натижасида гина кенг кўламда шуғулана бошлади. 1909 йилда Давлат банкининг майда кредит бошқармаси вакили В.В.Краинский ўлка билан танишиш учун Петербургдан Туркистонга келди. Россиянинг бирон жойида Туркистоннинг Фарғона, Самарқанд ва Сирдарё вилоятларидек, аҳолининг ташаббусига таянган ҳолда, ширкатлар тузиш учун шароит йўқ, деган хуносага келди. Шундан кейин Давлат банкининг Тошкент, Самарқанд, Ашхобод бўлимларида маҳсус инспекторлар тайинланди. Маҳаллий тилларни ва урф-одатларни биладиган бундай инспекторлар аҳолига кредит ширкатларининг тузилиши ва уларнинг фаолияти тўғрисидаги маълумотларни тарқатдилар.

Россияда кооператив ташкилотларнинг фаолиятини тузувчилар майда Кредит бошқармасига мурожаатнома юборишар, бошқарма рухсат бергач, губернаторлар қошидаги қўмиталар ва майда кредит (бошқарма) инспектори назоратида ташкилий ишлар бошланар эди. Одатда, ширкатнинг очилиши қўйидаги амалга оширилган: рухсат олингач, инспектор кооперативни таъсис этувчиларни тўплаб, бўлажак ишларга умумий жавобгарлик тўғрисидаги аҳдномага қўл қўйдирган. Умумий йиғилишда раис, одатда, инспектор, ширкат бошқармасининг маҳсус назорати йигинининг уч аъзоси ҳам сайланган. Йиғилиш бошқармага ажратиладиган маблағ ва ширкат томонидан бериладиган қарзнинг фоизини белгилаган. Шундан сўнг бошқарма ва маҳсус йигиннинг қўшма мажлиси раис ўринбосари, соқчи, пул тарқатувчини тайинлаган. Давлат банкасидан қарз олинган кун ширкат фаолияти бошланган кун ҳисобланар эди. Қарз маҳсус рўйхат бўйича фақат хўжалик юритиш билан боғлиқ бўлган харажатларга 6—9 ой муддат билан берилган. Бошқарма аъзоларининг маблағдан қандай фойдаланаётганлиги кузатиб борилган, бунинг учун улар инспекция олдида жавоб берган. Бошқарма маҳсус йигинининг ойлик мажлисларида, кундалик умумий йиғилишларида ширкат ҳаётининг муҳим масалалари ҳал қилинган.

Дастлабки пайтларда ширкатларда фойдасини дарҳол тушуниб олган ўзига тўқ аҳоли кўпчиликни ташкил қилди. Қашшоқ, ҳокимият ва бойлар таъсиридаги деҳқон ҳам қандай қилиб бўлса-да, ширкатга аъзо бўлиш ва тезроқ қарз олишга интилар эди. Шунинг учун ширкатни бошқариш ишлари раҳбариятга

<sup>1</sup> Бу мавзуга оид маълумотлар тадқиқотчи Ж. Мирзаев томонидан тайсранланган.

топшириб қўйилди. Маблаг биринчи навбатда раҳбарларга, уларнинг қариндош-уруғига ва яқинларига берилди. Баъзи ширкатларда ота-болалар, хўжайин ва унинг хизматчилари аъзо бўлиш ҳоллари учради. Мазкур камчиликларга қарамасдан, ширкатларга аъзо бўлиш деҳқон учун фойдали эди. Чунки судхўрдан 40—100 фоизли қарз олгандан кўра, ширкатдан 12 фоизли қарз олиш қулай эди. Туркистон ширкатларининг ўзига хос хусусияти шундаки, улар асосан давлат маблағларига таянар эдилар. 1913 йилда бутун Империя бўйича ҳар бир ширкатчига 80 сўм берилган бўлса, шундан давлат тарафидан Россияяда 17 сўм, Туркистонда 64 сўм кредит ажратилган. Бунинг сабаби, биринчидан, аҳолининг камбағаллиги, иккинчидан, ортиқча маблағи бўлганлар пулни ширкатга аъзо бўлмаган деҳқонларга бериб, бунинг эвазига катта фойда кўрар эдилар.

Ширкат иш бошлаган қишлоқда судхўрлардан қарз олиш шартлари ҳам ўзгарган. Масалан, Қўқон туманидаги Новҳат ширкати ташкил топган (1912 йил) пайтда қишлоқда 1000 сўмдан 3000 сўмгача бўлган маблағи бўлган 20 судхўр мавжуд эди. Бир йилдан кейин улар 5 кишига камайган бўлса, 1915 йилда бирорта ҳам судхўр қолмаган. Самарқанд вилоят Катта-қўргон туманидаги Пайшанба қишлоғида ширкат тузилмасдан олдин судхўр 40—50 фоиз фойда билан қарз берса, кейинчалик бу 15—25 фоиз билан чекланадиган бўлли.

Ширкатларда камбағаллар сони аста-секин ошиб борди. 1913 йилла Фарғона вилоят Скобелев туманидаги 26 ширкатда уtkазилган текширишга кўра, 7704 деҳқон 92683 таноб, ўртacha 12 танобдан ерга эга эди. Тадқиқотларга кўра, Туркистоннинг Самарқанддан ташқари барча вилоятларида ширкат аъзоларининг ери унга алоқаси бўлмаган деҳқонлар ерига нисбатан кам бўлган. Бунинг устига ширкатлардан бойларни қувиш ҳоллари ҳам бўлган. Масалан, Самарқанд вилоятида 1917 йилда 38 ширкатдан 310 киши бой сифатида четлатилган.

Шўролар даврида амалга оширилган айрим тадқиқотларда ширкат аъзоларининг асосий қисмини Россияядан кўчиб келувчиликлар ташкил қилган, деган нотўри маълумот берилган. 1914 йилда Туркистонла фаолият кўрсатган 517 ширкатдан 70 тасининг миллий таркиби руслардан ёки аралаш аҳолидан иборат бўлган. Шулардан 35 таси Еттисув, 14 таси Сирдарё вилоятининг Черняев туманида жойлашган эди.

Самарқанд вилояти бўйича тўлиқ сақланиб қолган маълумотларга кўра, 1917 йилга келиб, худуддаги 151 ширкатнинг 43048 аъзосидан 3 ширкатда 300 рус миллатига мансуб аъзо бўлган.

1913 йилдан ширкатлар воситачилик фаолиятини бошлади. Масалан, шу йили Самарқанд вилоятидаги «Шерқўргон» кредит ширкати ўзининг аъзолари учун Москвада 2700 пуд чигитни (ҳар пудини 65 тийиндан) сотиб олди. Маҳаллий бозорларда эса

бир пуд чигит одатда 90 тийин — 1 сүм атрофидаги нархда сотилар эди. Туркистондаги воситачилик ширкатлари ўз аъзоларини уруғ, меҳнат қуроллари, кундалик эҳтиёж моллари билан таъминлашдан то етиширилган маҳсулотни жамоа асосида со-тишгача бўлган ишларни ўз зиммасига олди. Кредит коопераци-ясининг ютуғи сифатида баъзи ширкатларнинг пахта заводлари-ни ижарага олиб, пахта тозалаш билан ҳам шуғулланганлигини айтиб ўтиш керак. Кейинчалик кредит кооперацияси аҳолини озиқ-овқат билан таъминлашни йўлга қўйиб, матлубот коопера-цияси вазифасини ҳам бажарган.

Ширкатлар Тошкентда хунармандларни, Қўқон, Андижон, Скобелев (Фаргона) шаҳарларида извошлиларни бирлаштириди. Хусусан, 1917 йилга келиб, Тошкентнинг эски шаҳар қисмида Бешёғоч ширкати 257 кишини, Қўштут ширкати — 223 киши-ни, Кўкмачит ширкати — 259 кишини, Чорсу ширкати — 129 кишини, Ровот ширкати — 84 кишини, Себзор ширкати — 265 кишини, Ҳасанбой ширкати — 96 кишини ўзига бирлаштириди. Барча ширкатлар шаҳар хунармандларига тегишли эди.

Ширкатларнинг тез кўпайиб бориши кадрлар тайёрлаш за-руратини пайдо қилди. 1913 йилдан ишчилар учун куз ва қиш ойларида ҳисобчилар тайёрловчи курслар очилиб, маҳаллий тилларда биринчи қўлланмалар пайдо бўлди. Дастлабки курс-ларни Самарқандда 185 киши, Тошкентда — 52 киши, Фаргона водийсида — 100 киши битирди. Ҳужжатлар шуни кўрсатади-ки, курслarda ўқишини хоҳловчилар талабалардан кўпроқ бўлди. Андижонда барча ширкатлар ўз ҳисобларидан курсларда фой-даланиш учун киноаппарат сотиб олишга 3—8 сўмдан пул ий-гишган.

1910 йилда Туркистонда 46 ширкатнинг 5288 аъзоси 178800 рублни, 1914 йилда 512 ширкатнинг 129910 аъзоси 9.780551 рублни, 1917 йилда 846 ширкатнинг 231405 аъзоси 43.655531 рублни ўзлаштириди. 1910—1917 йилларда ширкатлар сони 18 марта, аъзолар сони 43 марта, маблағлар ҳажми 243 марта кўпайди.

1910—1917 йиллар мобайнида ширкатлар сони 18 баробар (46 дан 846 га), аъзолар сони 43 баробар (5288 дан 231405 га), молиявий ҳиссаси 243 баробар (178800 рублдан 43.655531 рубл-гача) ўсади.

Шундай қилиб ҳужалик юритишининг кооператив шакли шахсий, жамоа ва ижтимоий манфаатларни бирга қўшишининг мукаммал услуги сифатида XX аср бошида Туркистондаги иқтисодий муносабатларнинг муҳим қисмига айланди. Майдадеҳқон ҳужалигининг анъанавий фаолияти сақланган ҳолда, бозор муносабатлари келтириб чиқарган муаммолар коопера-ция орқали ҳал қилинди. Бозор муносабати тараққиётни даража-си билан кооператив ташкилотлар фаолиятининг хусусиятлари ўртасида чамбарчас боғлиқлик намоён бўлди.

Рус капиталистлари саноат маҳсулотларини сотиш бозори ҳамда хом ашё манбай бўлган Туркистондаги ишлаб чиқариш жараёнинг бошда фаол иштирок этишдан ўзларини четга олдилар. Йирик саноат фирмаларидан бир йилга вексел сифатида қарз олган рус улгуржи савдогарлари ушбу фирмаларнинг маҳсулотларини Туркистонда Россиядаги нархидан бир неча баробар қимматига сотардилар. Маҳаллий савдогарлар ҳар кунги савдодан тушган маблагни рус савдогарларига берар, қарзининг қолган қисми учун эса устама ҳақ тўлар эдилар. Рус улгуржи савдогарлари Туркистонда сотилган маҳсулотларининг пулига ипак, тери, пахта, қуруқ мева сотиб олар ва уларни Россияга жўнатар эдилар.

Россиянинг йирик савдо кўргазмаларида тузилган савдо битимлари Ўрга Осиёнинг Россия билан иқтисодий муносабатларида алоҳида ўрин тутар эди. Бунда Нижегород ярмаркасининг роли катта бўлган. Маҳаллий сармоя рус капитали томонидан тамомила сиқиб қўйилган. Саноат маҳсулотлари ва пахтадан бошқа хом ашёларни четга чиқаришда эса маҳаллий капитал сезиларли ўрин тутган. Мамлакат ичидаги чакана савдо қилиш жабҳаси тўла маҳаллий савдогарлар қўлида эди. Россиянинг савдо-сотиқ соҳасидаги сиёсати савдо марказларидан бири бўлган Кўқон мисолида тўла намоён бўлади. Фарғона вилоят бошқармаси 1876 йилнинг 7 марта вилоятнинг ҳамма шаҳар ва туманлари учун умумий закот тўлаш тартибини ўрнатди. Вилоятдаги ҳамма маҳаллий савдогарлар йиллик савдо-сотиқ муомаласида бўлган капиталларининг 2,2% миқдорида закот бериши ва закот бошқармасини ўзларининг бойликлари ҳамда савдо хусусидаги ишлари ҳақида мунтазам хабардор қилиб туришлари шарт эди. Мазкур қонунни бузувчилар эса ўзларига қарашли умумий бойликнинг 1/10 миқдорида жарима тулагандар.

1877 йилнинг 1 июнида Фарғона вилоятида «Савдо-сотиқ ва бож ҳақида»ги қонунга амал қилина бошланди. Бу қонунни ишлаб чиқишида «Савдо-сотиқ билан шуғулланиш ҳуқуқи» ҳақидаги 1865 йил 9 февралда қабул қилинган Умумrossия қонуни асос қилиб олинган бўлиб, у Фарғона шаҳарларининг савдо-сотиқ соҳасидаги фаолиятида катта воқеа бўлган эди.

Кўқон шаҳар бошқармасининг 1877 йил 18 февралда вилоят бошқармасига берган ҳисоботида шаҳарда 517 давлат, 1817 хусусий дўкон борлиги қайд этилган<sup>1</sup>. Ушбу ҳужжатда таъкидланнишича, 1877 йилнинг январигача чорва билан савдо-сотиқ қилишдан тушган бож 1164 рубл, чойдан — 29126, ижарадаги давлат дўконларидан — 4393, ипакдан — 7370, буғдойдан — 4203, бошқа маҳсулотлардан — 18971 рублдан иборат бўлган. Шаҳардаги ҳамма дўконлар сони 2006 тага етган, туман қиши-

<sup>1</sup> ЎзР МДА, 19-жамғарма, 1-рўйхат, 10472-иш, 17-варак.

лоқларидан — 218 та, давлат дўконларидан — 891 та, савдо расталари ва 6 та карvonсаройдан тушган бож 11350 рубли ташкил қилган<sup>1</sup>. Туман бошлигининг ҳисоботида 1876 йилда четдан келтирилган моллардан 27945 рубл, четга чиқариладиган моллардан 27945 рубл йигиб олингани кўрсатилган<sup>2</sup>.

Туманнинг Бешариқ, Конибодом, Олтиариқ, Риштон, Бувайда, Исфара, Яйпан, Кудаш ва Ултарма каби қишлоқларидаги мустақил бозорлардан 6745 рубл миқдорида бож ундирилган. 1876 йилнинг 1 апрелидан 1877 йилнинг 1 январигача Қўқондан умумий миқдори 5517555 рубл 94 тийинлик мол четга чиқарилган ва бошқа шаҳарлардан 139039 рубл 80 тийинлик мол келтирилган<sup>3</sup>. Одатда, Қўқондан бошқа шаҳарларга пилла, ипак, газмол, мато, тери, пахта ва қофоз маҳсулотлари, жун, тамаки, этик, чопон каби 62 хил мол чиқарилган бўлса, ойна, ип, билтур, чой, бўёқ, қанд, гугурт, темир, пўлат каби 77 турдаги мол четдан келтирилган. Четдан келтирилладиган моллар орасида Эрон, Хитой, Ҳиндистон ва Европа мамлакатларининг маҳсулотлари кам учраб, бу асосан Россия молларидан иборат бўлган. Қўқон савдогарлари хонликнинг бошқа шаҳарлари ва Россияяга, одатда, Шарққа хос моллар жўнатишган. 1877 йилда Қўқоннинг йиллик савдо муомаласида четдан келтирилган моллар 2194683 рублдан иборат бўлган бўлса, четга жўнатилган моллар миқдори 1540179 рублни ташкил этган. Шу илини четдан келтирилган моллардан 411639 рубл, четга сотилганларидан эса 322938 рубл миқдорида бож ундирилган<sup>4</sup>. Қўқоннинг Бухоро, Самарқанд, Тошкент, Уратепа ва Хўжанд билан бўлган савдо-сотиқ ишларида четдан келтирилган кўк чой, трикотаж, чит, нил, темир буюмлар, тери ва бошқа моллар харидоргирилиги билан ажralиб турган. Бундай моллар билан савдо қилишида Авлиёхўжа Муҳаммад ва Зокир Курбонбоев каби қўқонлик савдогарлар катта ўрин тутганлар.

Шу йилларда Қўқондан Туркистон ўлкасининг бошқа шаҳарларига ипак ва ип матолар, жун, тамаки каби чакана моллар чиқарилган. 1881 йилнинг 19 декабряда Туркистон генерал-губернатори томонидан Туркия, Эрон ва Европадан келтирилаётган моллар миқдорини ва улардан олинадиган бож миқдорини чегараловчи ва оширувчи 22 банддан иборат қарор қабул қилинди. Чой, нон, бўёқ бундан мустаснодир. Бу қарор рус молларининг сотилишини осонлаштириш мақсадида чиқарилган эди.

Туркистон ўлкасига келтирилаётган молларнинг 25%и Қў-

<sup>1</sup> ЎзР МДА, 19-жамғарма, 1-рўйхат, 22615-иш, 52-варап.

<sup>2</sup> ЎзР МДА, 276-жамғарма, 1-рўйхат, 123-иш, 53-варап.

<sup>3</sup> ЎзР МДА, 19-жамғарма, 1-рўйхат, 22532-иш, 3-варап.

<sup>4</sup> ЎзР МДА, 19-жамғарма, 1-рўйхат, 22600-иш, 39-варап.

қонга, 14% и Самарқандга, 3% и Марғилонга келтирилган. 1882 йилга келиб, Қўқон четга мол сотиш бўйича Туркистон шаҳарлари орасида биринчи ўринни эгаллади. Бу 4920937 рублни ташкил этди. Қўқонга Россиядан, асосан, турли бўёқлар, жун, дори-дармон, китоблар, тангалар, қанд, темир, пўлат ва улардан тайёрланган буюмлар келтирилиб, пахта, пилла, чорвачилик ва турли ҳунармандчилик маҳсулотлари олиб кетилган. Қўқон шаҳрининг ички ва ташқи савдо муомаласининг нафакат вилоятда, балки ўлкада ҳам етакчи ўринлардан бирини эгаллаши Фарғона вилояти ҳарбий губернаторининг 1883 йил майда Туркистон генерал-губернаторига берган ҳисоботида ҳам таъкидлаб ўтилган. Қўқон қўшни шаҳарлар ва мамлакатлардан ташқари, Москва, Нижегород ярмаркаси билан ҳам савдо муомаласи олиб борган ва унинг йиллик савдо муомаласи 10 млн. рублдан ошиқ эди.

Савдонинг ривожланиши натижасида савдогарларни доимий капитал ва вексел билан таъминлаш мақсадида Қўқонда Давлат банкининг бўлимини очиш масаласи кўтарилди. 1884 йилда Москвадаги Ўрта Осиё тижорат банкининг қарорига кўра, Қўқон савдо ходимлари учун бутун шарт-шароитларни яратиш ва Ўрта Осиёдан келтирилган молларни сотиш ҳамда керакли рус товарларини Туркистон ўлкасига жўнатиш билан шуғулланиши лозим бўлган савдо агентлиги ташкил этилди. Асли қўқонлик бўлган Муҳаммад Носир Тоиров ушбу савдо агентлигининг вакили қилиб тайинланди ва унга бир йилга 1800 рубл маош белгиланди<sup>1</sup>.

1886 йилнинг 1 январида бутун Туркистон ўлкасида, шу жумладан, Фарғона вилояти шаҳарларида ҳам, ички божлар бекор қилиниб, рус ва маҳаллий моллардан ягона бож олиш ҳақидаги қонун кучга кирди.

1889 йил давомида «Катта Ярославль ярмаркаси» Қўқонга 24648 рубл 75 тийинлик моллар келтириб, эвазига 66600 пуд пахта (431850 рубллик) жўнатди. Ўша йили Қўқондан четга чиқарилган молларнинг умумий қиймати 10711277 рублдан иборат бўлди<sup>2</sup>. Фарғона вилояти бошқарувининг Туркистон генерал-губернаторига 1890 йил 4 сентябрда берган маълумотида ўлканинг савдо масалаларида Қўқон шаҳрининг ўрни алоҳида таъкидланиб, бу ерда Осиё мамлакатлари, Россия ва Сибирь шаҳарлари билан доимий савдо муносабатларида бўлган жуда кўп савдогарлар ва ҳунармандлар борлиги айтилади. Транспорт идораларининг маълумотларига кўра, 1892 йилда Қўқон туманига олиб келинган ва чиқарип кетилган моллар қиймати 21 млн. рублдан ошиқ бўлиб, бунинг 3/4 қисми шаҳарнинг ҳиссаси бўлди.

<sup>1</sup> ЎзР МДА, 1-жамғарма, 1-рўйхат, 2599-иш, 2-варақ.

<sup>2</sup> ЎзР МДА, 19-жамғарма, 1-рўйхат, 24118-иш, 12-варақ.

XIX асрнинг 90-йиларида савдонинг ривожланиши туфайли Қўқонда ички ва ташқи савдода асосий ролни ўйновчи иирик маблағга эга бўлган маҳаллий савдогарлар гуруҳи ажра-



Мустамлакачилар ўзбек бозорида.

либ чиқа борди. Йиллик савдо муюмаласида 50 мингдан 100 мингача пули бўлган ва доимий маблағи 500 минг рублни ташкил этувчи Сион Пинхасов, 250 минг маблағининг 200 минги савдо муюмаласида бўлган «Ислом Хоимов ва К», 500 минг маблағининг 300 минг рубли савдо муюмаласида бўлган «Юмоев ва К» кабилар шулар жумласидандир. Пинхас Рибаковнинг савдо муюмаласида 200 минг рубли бор эди. Фаргона вилоятида бундай йирик савдогарлар кўп эди. 123 яхудий савдогарларнинг 44 таси Кўқонда савдо қилар, улардан 19 таси-ning савдо муюмаласида 800000 рубл, 23 тасида ўртacha 2000 рублдан бўлган.

Каспийорти темир йўлининг Андижонгача узайтирилиши масаласининг ҳал этилиши Кўқоннинг ички ва ташқи савдосида катта роль ўйнади. Бу нарса айниқса чой билан савдо қилувчиларга қўл келди. Шунинг учун улар Хитой чойини Ботуми орқали кўпроқ олиб келиш учун у ерда мустақил божхона тузиш масаласини кутариб чиқдилар. Савдогарларнинг талабига кўра, 1898 йилнинг ноябрь ойида божхона бошқармаси Марғилондан Кўқонга кўчирилди. 1900 йилда 669753 рубллик 20345 пуд чойдан божхона 226.647 рубл 77 тийин даромад курган. Чой билан бўладиган савдо 4 та фирма ихтиёрида эди. 1900 йилда Щвецов фирмасида 7651, Синицинда 4477, Сабиров фирмасида 8603 пуд, ҳаммаси булиб 20731 пуд 77 фунт чой бор эди. Охирги ўн йилда чой билан савдо қилиш 2 баробар ўсди.

Кўқондаги ички савдода давлатга қарашли «катта бозор» ва шахсий савдо расталари асосий ўрин эгаллар эди. Тадқиқотчиларнинг маълумотига кўра, бозорда 5000 га яқин савдо дўконлари бўлган. Кўқон бозори ўзининг жойлашишига кўра, нафакат яқин туманларнинг, балки бутун Ўрга Осиё шаҳарларининг савдо марказларидан бири ҳисобланган. Бу ерда савдо кенг кўламда олиб борилган, савдо дўконлари маҳаллий бой-савдогарларга ижарага берилиши билан бирга, рус савдогарлари билан ҳам савдо муносабатлари яхши йўлга қўйилган эди. Марказий бозордан ташқари, туманнинг катта қишлоқларида ҳафтанинг айрим кунлари бозор уюштирилган. Кўқон атрофларида бу даврда 20 га яқин шундай бозорлар мавжуд эди.

Мутахассис тадқиқотчиларнинг кўрсатишларича, ички бозор аҳолининг қишлоқ хўжалиги маҳсулотларига, озик-овқат, мануфактура, арzon атир-упа, ишлаб чиқариш қуролларига ҳамда чой, қанд, оёқ кийими, гилам, ипак, тери, пахта ва куруқ меваларга бўлган эҳтиёжини қондира олган.

1909 йилда 44 тага етган карбонсаройлар ички бозорда катта ўрин тутган<sup>1</sup>. Савдо дўконлари хусусий шахслар ихтиёрида эди.

<sup>1</sup> ЎЗР МДА, 300-жамғарма, 1-рўйхат, 60-иш, 49-варак.

Шунинг учун ҳам маҳаллий ҳокимият янги савдо шахобчалари куриш, бозорларни кенгайтириш ва у ердаги шарт-шароитни яхшилаш ҳақида қайғурмас эди.

Шаҳар бозорлари асосан Марказий Россия саноати учун зарур бўлган маҳаллий хом ашё сотиб олиш ва олиб келинган рус молларини сотишда воситачилик ролини бажарар эди.

1890 йилда ихтисослаштирилган транспорт идоралари Кўқон туманидан 557555 пуд Америка ва 242546 пуд маҳаллий навли паҳтани олиб кетган. XIX асрнинг 90-йилларидан ўлкага Россиядан қишлоқ хўжалиги ва саноат машиналари, темир кўплаб келтирила бошланди. Россиядан келтирилаётган моллар 8 маротаба, Россияяга чиқарилаётгани эса 7 маротабага ўсди<sup>1</sup>.

Келтирилган рақамлар шуни кўрсатадики, Россия ишбилар-монлари ўзлари келтирган саноат маҳсулотларини сотишдан ҳам, хом ашё сотиб олишдан ҳам катта фойда кўрганлар. Улар олиб келаётган молларнинг миқдори ва сифати ўзгариб, бу моллар ичида тикув машиналари, унга эҳтиёт қисмлар, шиша, уй-рўзгор буюмлари, мусиқа асбоблари ва бошқаларни учратиш мумкин эди.

Шу тариқа XIX асрнинг охири — XX асрнинг бошларида Туркистон районлари ўзаро савдо алоқаларига кенгроқ жалб этила борди. Худди шу даврда Туркистонда ягона ички бозорнинг шаклланиши бошланди. Бу жараён Россия билан иқтисодий алоқаларнинг кенгайиши, Ўрта Осиё темир йўлининг курилиши ва Амударёда кема қатновининг ривожланишини анча тезлаштириди. Шу билан бирга, чоризмнинг Туркистондаги савдо сиёсати шуни кўрсатдики, Туркистон ўлкасининг савдо-ситиқ ишларида паҳтачилик, ипакчилик ва газлама маҳсулотлари асосий ўринни тутса-да, аммо улар керагича ривожланмади. Чоризм сиёсати маҳаллий тўқимачилик саноатининг пайдо бўлишига тўсқинлик қилди. Шунга қарамай, мустамлакачилик шароитида Туркистон бозори умумимперия бозорининг салмоқли қисмини ташкил қилас ва империя иқтисодиёти манфаатларига хизмат қиласади. Туркистон ўлкасининг Россия саноати учун хом ашё манбаи бўлиши бу ерда меҳнатнинг капиталистик тақсимоти тадрижига, шунингдек, тузумнинг умумий тараққиётига тўсқинлик қилди. Бу ҳолат Туркистон ўлкасида ягона миллий ички бозорнинг қарор топишига ва аҳоли иқтисодий ҳаётининг яхшиланишига монеълик қилди.

<sup>1</sup> ЎзР МДА, 19-жамғарма, 24149-иш, 50-варақ.

## 5. ЧОРИЗМНИНГ ТУРКИСТОНДА МАОРИФ, ФАН ВА МАДАНИЯТ СОҲАСИДАГИ СИЁСАТИ. ЖАДИДЛАРНИНГ МАОРИФДАГИ МУСТАМЛАКАЧИЛИККА ҚАРШИ ФАОЛИЯТИ

Рус мустамлакачиларини Туркистондаги кенг тармоқли халқ маорифи ўчоқлари: мактаблар ва мадрасалар фоят ажаблантирган эди. Истилочилар уларнинг фаолияти билан танишиб, мустамлакачилик тадрижи учун ўша мактаб ва мадрасаларнинг фоятда хавфли эканлигини пайқадилар.

Чоризм руслаштириш сиёсатини айни шу соҳадан бошлаш кераклигини англаб, ўз дастурини ишлаб чиқишига киришиди. Туркистоннинг биринчи генерал-губернатори, устамон дипломат ва пиҳини ёрган сиёсатчи К. П. фон Кауфман бу соҳада айниқса жон кўйдирб фаолият кўрсатди. Унинг бу соҳадаги ишлари беҳуда кетмади. 1880 йилда Империя Давлат Кенгашида Туркистондаги маҳаллий аҳоли болаларини руслар билан биргаликда ўқитиш масаласи кўрилганда Туркистон аҳолисининг «савдо-сотиқ, деҳқончиликда суяги қотганлиги ва ювош табиати» таъкидланиб, уларнинг «империядаги бошқа мусулмонлардан кескин ажralиб туришлари» қайд қилинди<sup>1</sup>.

Империя Давлат Кенгашининг 1880 йил февраль ойидаги қарори Туркистон генерал-губернатори К. П. фон Кауфман томонидан қизғин қўллаб-куватланди ва руслаштириш сиёсатининг янги бир жабҳаси халқ маорифига қаратилди. Кауфман «руслар ва туземешларнинг болаларини биргаликда тарбиялаш» масаласини қутарди. У «мусулмон ва рус мактабларининг ажralиб туриши» иқтисодий ва сиёсий жиҳатдан зарарли деб ҳисоблади<sup>2</sup>. Бу гояни Кауфманнинг издоши генерал-лейтенант Н. О. Розенбах (1884—1889) давом этириб, ибтидоий турдаги бошланғич мактаблар — «рус-тузем» мактаблари тармоғини яратиш лойиҳасини ишлаб чиқди. 1884 йилда Тошкентда биринчи рус-тузем мактаби очилиб, уларнинг сони XIX аср охирида юздан ошиб кетди. Бундай мактабларда ўқув куни икки қисмдан иборат бўлиб, биринчи қисмда икки соатлик машғулотни рус ўқитувчиси (ўқув, ёзув, ҳисоб бўйича), иккинчи қисмда эса сабоқни ўзбек муаллими олиб борган.

Фарғона ҳарбий губернатори генерал-лейтенант Н. И. Корольков 1898 йилда императорга йўллаган ҳисоботида подшо маъмуриятининг ўлкани руслаштириш бобидаги дастурини баён этиб, «туземешларнинг» ўз болаларини ихтиёрий равишида рус-тузем мактабларига беришига эришиш муҳимлигига эътиборни қаратган. Бунинг учун у маҳаллий маъмурият амалдорларига яқин беш йил ичida иш юритиши рус тилига кўчиритириш

<sup>1</sup> Журнал Государственного Совета, 5/1 — 29/II, 1880 г., №13.

<sup>2</sup> ЎзР МДА, 47-жамғарма, 1-рўйхат, 1004-иш, 32-варақ.

лозимлигини уқтиради. Корольков бу тадбир «туземешларни» мансабга қизиқиб, фарзандларини рус-тузем мактабларига беришга истагини уйғотади, деб ҳисоблаган. Подшо генераллари «рус-тузем мактаблари ва шаҳар билим юртларини муваффаққиятли тугаллаган туб ерли аҳолининг болаларига жиддий имтиёзлар берилсин»<sup>1</sup>, деган фикри илгари сурдилар. Ўзбек тилини мукаммал билган, саккиз йил давомида рафиқаси билан Нанай қишлоғида яшаб, ўзбек халқи руҳиятини пухта ўрганган, руслаштириш сиёсатининг «маданий» услуги тарафдорларидан бўлган собиқ зобит, Туркистон маорифи раҳбарларидан бири В.П.Наливкин (1857—1918) маслакдошлари ўртасида шундай гояни илгари сурган эди: «Улкада рус таъсирини мустаҳкамлаш учун икки томонлама иш олиб бориш керак.» Аҳолининг икки асосий гуруҳи ўзаро бир-бирларига яқинлашсан. Рус тилини маҳаллий аҳоли ўртасида кенг тарқатиш билан бирга руслар, айниқса, хизматдаги амалдорларга маҳаллий оғзаки нутқни ўргатиш керак»<sup>2</sup>. Туркистонда қарийб 40 йил хизмат қилиб, кичик зобитликдан генерал-лейтенант унвонига, шаҳар ҳокими ёрдамчиси, эски шаҳар полицмейстери лавозимидан вилоят ҳарбий губернаторига қадар мансаб пиллапояларидан кўтарилган Н.С.Ликошин ана шу фояга амал қилган амалдорлардан бири эди. У уч йил ичиди ўзбекчани ўрганиб, шу тилда ёзалиган, русчадан ўзбекчага, ўзбекчадан русчага бемалол ва эркин таржи-ма қиладиган даражага эришади. Н.С.Ликошин руслаштириш сиёсатининг нозик услубини ёқлаб, Туркистонда хизмат қилувчи ҳар бир рус мансабдори маҳаллий тилни билиши шарт деб ҳисоблади. Ликошин маҳаллий аҳолидан тушаётган ариза-ши-коятларни текшириш воситачилар орқали эмас, балки приставлар томонидан бевосита ўтказилиши лозимлигини уқтирган. Бу эса приставлардан маҳаллий тилни билишни талаб қиласарди. Ликошин рус зобитларини ўзбек тилинигида эмас, ўзбек ёзувини ҳам ўрганишга чақирган. Маҳаллий маъмурият вакиллари, аҳолининг нуфузли қатлами, уламо ва зиёлиларни билиш, назорат қилиш, халқ кайфиятидан вақтида хабардор бўлиб туриш учун энг яхши восита эканлигини таъкидлаган. Мустамлакачи амалдорлар бундай таклифни бошда ижро учун қабул қилиб, Туркистон халқлари тилларини ўрганишга оид тадбирларни йўлга қўйиш билан шуғулланувчи комиссия ташкил қилдилар. Комиссия ўзбек, тожик, қирғиз тилларини ўргангандар рус амалдорларига мукофот беришга қарор қилди. Ҳиндистонда инглиз амалдорлари маҳаллий тилни ўргангандар учун 600 рупия мукофот олишларини эслатиб, рус хизматчиларини маҳаллий тилларни ўрганишга рағбатлантириш зарурлигини кўрсатди.

<sup>1</sup> Бендриков К.Е. Очерки по истории народного образования в Туркестане (1865—1924). Москва, 1960, 67—70-бетлар.

<sup>2</sup> Бендриков К.Е. Кўрсатилган асар, 73-бет.

1886 йилда В.П.Наливкин томонидан рус зобитлари учун ўзбек тилини ўрганиш курслари очилди. У икки йил давомида 50 га яқин зобитни ўз атрофига тұплади. Наливкин ўзбек тилини ўрганишга оид қулланмалар, луғатлар ва бошқа асарларни ёзіб нашр эттириді<sup>1</sup>. Бириңчи рус-түзем мактабига раҳбарлық қылган В.П.Наливкин мукофотланғанлардан бири бұлғани тасодиғий эмас.

Шаҳарларда очилған билим юртлари ҳам руслаштиришнинг мұхим үчоги бұлиб хизмат қылды. Улар рус-түзем мактабларидан интернатлари билан ажралиб турған. Интернатда ўзбек, қирғиз, қозоқ болаларининг рус тенгдошлари билан бергә яшаб, рус тилини яхши ўзлаштиришлари мустамлакачиларга аён бўлди. Шунинг учун ҳам Туркистон генерал-губернатори М.Г. Черняев (1882—1884) Чимкент шаҳар билим юртини кенгайтириш учун 100 минг рубл ажратгани ва ана шу билим юртида үқиши истаган хотин-қизлар учун пул мукофоти таъсис этгани бежиз эмас, албатта. Ўша Черняев швейцариялик Генрих Мозер билан суҳбатда унинг туркистонликларни «руслаштиришни қачон охирига етказасиз?» деган саволига сипохларга хос жангарилик билан «маҳаллий аҳоли рус ароғи ва тамакисига ўрганиб бўлгандан кейин», дея жавоб берган.

Тошкентнинг Эски шаҳаридаги узоқ йиллар давомида полиция бошлиғи лавозимида ишлаган Н.С.Ликошиннинг ўзбек болаларининг билимга чанқоқлуги ва табиий қобилиятларига баҳо бергани диққатга сазовордир. У Содиқ деган боланинг рус тилини ўрганиш учун унинг уйида маълум вақт яшагани ва шу вақт ичидә күнт ва сабот билан рус тилини мутолаа қылганини ҳикоя қиласиди. Содиқ Ликошиннинг қизлари билан биргаликда дарс қилиб, оғзаки сўзлашувни ҳам яхшилаб ўрганиб олади. «Мен, — деб ёзган эди Н.С.Ликошин, — рус-түзем мактабида үқимай, эски мактабни битириб тұғри шаҳар билим юртига келган болаларни күрганман. Руслар орасида юрган бу болалар тезда ўз тенгдошлари билан чиқишиб, русча бийрон гаплашадиган бўлиб кетишидик, ҳатто рус-түзем мактабидаги тенгқурларини ҳам бу борада ортда қолдириб кетдилар. Бунинг асосий сабаби маҳаллий болаларнинг рус болалари билан бергә бўлишидадир. Ўйинларда ва болалик машғулотларида оғзаки нутқ тез ривожланади»<sup>2</sup>. Ликошин рус тилини ўзбек болалари мактаб доирасидагина эмас, балки рус тенгдошлари билан ўзаро суҳбатда ва мулоқотда ўрганиши самарали бўлишини алоҳида таъкидлаган.

Олий лавозимдаги мустамлака маъмурлари руслаштириш сиёсатида Туркестон ёшларига эътиборни қучайтиргани бежиз эмас, албатта. Улар маҳаллий халқни идора қилиш келажагини ёшлар орасидан тарбияланадиган содиқ қулларда кўрди ва шу

<sup>1</sup> Бендриков К.Е. Курсатилган асар, 79-бет.

<sup>2</sup> Ликошин Н.С. Полжизни в Туркестане. Петроград, 1916, 78-бет.

мақсадда уларнинг империя марказий шаҳарларига саёҳатини ўюштирилар. 1898—1899 йилларда шахсан генерал-губернатор ташаббуси ва фаол иштироки билан дастлаб катта ёшдаги туркестонликларни, сўнг ўқувчиларни Европа Россиясига саёҳатга юбориши. Кузатилган мақсад ҳақида Туркестон ўлка билим юртлари бош инспектори Ф.Керенский шундай фикр билдириган: «Сартлар ва қирғизларнинг болалари Россия улуғворлигини, қудрати ва бойлигини кўриб, аҳолисининг машғулотлари, меҳнат унуми, саноати ва савдо-сотиги билан танишиб, бу ҳақда узоқ эслаб, бошқаларга гапириб юришади. Улар буюк оқ подшонинг қудратли паноҳида фақат русларгина эмас, бошқа ўзга элатлар ҳам осойишта кун кўраётганига гувоҳ бўлишади». Биринчи саёҳатчиларни 1899 йилда ҳарбий вазирнинг шахсан ўзи қабул қилиб, уларни «азиз меҳмонлар» деб атади ва мулоҳим тарзда сұхбатлашди. Вазир уларга совға тариқасида 300 рубл берди. Царское селога томошага юбориб, уларга йўл бошловчи қилиб генерал штаб полковнигини тайинлади. Бу жойда император Николай II ҳарбий билим юрти юнкерлари қуригани ўтказмоқда эди. Зиёратчилар Царское селода қурикни кузатишаётган пайтда уларнинг олдига генерал штаб бошлиғи, императорнинг амакиси буюк князь келиб қўриниш берди. Қурикдан сўнг Россия императори Николай II ва унинг рафиқаси Мария Федоровна улар билан сұхбатлашди. Тошкент, Самарқанд, Андижон, Қўқон каби йирик Туркестон савдо-саноат шаҳарларидан келган, 14—18 ёшлардаги 15 ўзбек, 2 қозоқ, 1 тожик ўқувчи «давлатпаноҳ император» оқ подшонинг илтифотига сазовор бўлишди. Туркестон ёшлари икки ой давомида Санкт-Петербург, Москва ва Россиянинг бошқа йирик шаҳарларини томоша қилишди. Кейинги икки экскурсия ҳам шундай дабдабали тарзда якун топди<sup>1</sup>.

Рус амалдорларига русчани яхши билган ва халқ қўзини очиб, фафлат уйқусидан уйғотадиган зиёлилар керак эмас эди. Мустамлака маъмурияти Туркестон зиёлилари катта мансабга эришса, ўз халқи учун хизмат қилишлари ва мустамлака тартибларига қарши чиқишилари мумкинлигидан хавфсирашган. Ана шундай нуқтаи назардан келиб чиқиб, мустамлака маъмурияти ўлка аҳолиси рус тилини табиий равишида ва ихтиёрий тарзда ўрганади дейиш хомхаёлдир, бунинг учун ҳам зўрлик, ҳам устамонлик даркор, деган холосага келди. Бу ўринда Тошкентдаги эркаклар гимназиясида 1899 йил февраль ойида шаҳар жамоатчилиги билан бўлган бир йифиндаги воқеа характерлидир. Туркестон генерал-губернатори ёрдамчиси генерал-лейтенант Н.Иванов шаҳар бошликлари, мингбоши, қози ва бошқа мансабдорлар, мударрислар учун тарихда биринчи марта ташкил этилган илмий-оммабоп маъруза кечасида мадрасалар-

<sup>1</sup> Бендриков К.Е. Курсатилган асар. 217-бет.

да рус тилини алоҳида предмет сифатида жорий этишни таклиф қилди. Рус мустамлакачиларининг сардори ана шу ишда ҳам «сопини ўзидан чиқариш» қабилида иш тутиб, илғор ўзбек зиёлиларидан фойдаланишга ҳаракат қилди. Рус тили Туркистон халқлари учун Европа ва жаҳон маданиятини яқиндан билишiga восита бўлишини яхши тушунган зиёлилардан таниқди уламо, журналист Муҳиддинхўжа қози генерал Ивановнинг фикрини қувватлади, лекин унинг Осиё маданиятини ерга уриши ва мадрасаларнинг аҳамиятини камситганига қарши чиқиб, Европанинг Осиё маданиятидан ўрганса арзийдиган ижобий томонлари ҳам борлигини ўқтириб ўтди<sup>1</sup>. Муҳиддинхўжанинг миллатпарварлик гурури унга қимматга тушди. Бу гаплари учун у ўша йили ўтган сайловларда ғолиб чиқсан бўлса ҳам, номзоди тасдиқланмади. У элликбошилардан 62 овозни, рақиби подшо амалдорлари кутарган номзод Раҳматхўжа 12 овозни олди. Аммо вилоят ҳарбий губернатори, тараққийпарвар ўзбек зиёлиларини ўлгудек ёмон кўрувчи генерал Н. Корольков ўз ҳукуқидан фойдаланиб, сайлов натижасини бекор қилди. Қўшимча янги сайлов ўтказишни, номзодлар сафига Муҳиддинхўжанинги киритмасликни буюрди. Бу тараққийпарвар ўзбек уламосига қилинган биринчи адолатсизлик эмас эди. Муҳиддинхўжа 1899 йил 22 июлда генерал-губернаторга йўллаган аризасида ўз хизмати давомида кечирган уқубатларини тилга олишга мажбур бўлди: «Устимизда тургон шаҳар ҳокимимиз бизни шаҳарга келгонидин бери манга назарлари чап бўлуб, ёмон кўруб турадур. Шундог ёмон кўрушнинг сабабини, ўз тарафимдин бирор айб содир бўлмаганлиги маълум эмаслиги юзидин, муайян баён қилмоқга журъат қилолмайман, хизматимни гўё мукофотига бу шаҳар ҳокимидин ҳар бир жамиятда беҳурматлик кўруб, ҳақоратга оид бўладургон сўзлар эшитганим важҳидин кўрқинч остида бўлуб... ушбу аҳволотларимни жанобингизга ариза қилмоқни лозим билдим»<sup>2</sup>.

Генерал Корольковнинг императорга тақдим этган ерии аҳоли турмушига маънавий-руҳий тазиيқ ўтказиш дастурида ўлка хотин-қизларини ва болаларни русча ҳаёт тарзига ўргатиш алоҳида ўрин эгаллагани бежиз эмас. «Туркистон ўлкасида тарихан олий миссия ўтказишга чақирилган рус халқининг шифокор аёллари», унинг фикрича, ўзбек хотин-қизларининг «эрксиз, зиёсиз ва ҳукуқсиз турмуш тарзига ўзга тушунчалар олиб киради ва бошқача интилишлар уйғотади»<sup>3</sup>. «Туземканинг, — деб давом этади генерал Туркистон хотин-қизларини таҳқирили бир номда атаб, — ўзи бир жойда насроний аёл билан ялаши, у билан доимий ва яқин алоқаси унда ўз ҳаёт тарзини

<sup>1</sup> «Туркестанские ведомости», 1899, №5.

<sup>2</sup> ЎзР МДА, 1-жамгарма, 27-рўйхат, 1610-иш, 9-варақ.

<sup>3</sup> ЎзР МДА, 1-жамгарма, 31-рўйхат, 91-иш, 17-варақ.

рус аёллариники янглиғ яхшилаш фикрини аста-секин уйғотади, насроний тасаввурларни сингдириб боради ва бу ҳол унинг фарзандларини тарбиялаш жараёнига ҳам таъсир кўрсатмай қолмайди. Бундай аёлнинг ўғил-қизлари мусулмон бўлмаганларга муросасиз ва душман бўлмайди<sup>1</sup>. Шундай ишни муваффақиятли бажариш учун Корольков ўлкада хотин-қизлар амбулаторияларини кўпайтиришни таклиф қиласди. Бунга яна қўшимча тарзда у Россиядаги аёллар монастирларини Туркистон аёлларига «православ рус қарашларини сингдириш учун» хизматга жалб этиш заруратини ҳам алоҳида таъкидлаб ўтади<sup>2</sup>. Яна бир рус амалдори Кошгарда мажбуран хитойлар хотин-қизларнинг юзини очганига тұхталиб, Туркистонда ҳам хотин-қизларни «паранжи зулмидан халос этиш зарурлигини» уқтиради ва маҳаллий хотин-қизлар русларнинг яхши иттифоқчиси бўлиши мумкинлигига диққатни қаратади. «Рус кишисининг фикри» деб номланган сарлавҳа остида 1899 йилда Тошкентда нашр этилган китобда номаълум муаллиф худди шунга ҳамоҳанг фикрлар билдирган. «Ўлкани руслаштириш, — деб ёзган эди у, — қонунан асосланган қатағон даҳшати остида аҳолини тутиб туришга қодир кучларни кўпайтириш йўли билангина амалга оширилади, деган гап эмас. Тарихнинг ўзи рус кишисининг мустамлакачилик бобида зўр салоҳиятини курсатган. Ана шу лаёқатни тўла намоён қилиб, тинч йўл билан меҳнаткаш дехқонлар ва ярим жанговар казак кучларининг ўзаро ҳамкорликда иш куриши ҳамда рус элементини аста-секин кўпайтириш орқали Туркистон ўлкасини руслаштиришга замин ҳозирланади»<sup>3</sup>.

Шундай фикрларни ҳисобга олган ҳолда генерал-губернатор С.М.Духовской, генерал Корольков ишлаб чиққан дастурни тўлдириган ҳолда, империя ҳукумати ҳарбий вазирига 1898 йил 6 сентябрда юборган ахборотида рус ҳукуматининг Туркистон ўлкасида амалга ошириши лозим бўлган ишлари ҳақида ўз мулоҳазаларини билдириди. Булар қуйидагилардан иборат эди:

1. Ҳалқнинг маънавий-руҳий ҳолатига кучли таъсир ўтказувчи барча мусулмон муассасалари, айниқса мадраса ишларига фаол даражада аралашиш.
2. Барча маҳаллий мусулмонларни бирлаштиришга қодир орган сифатида мусулмон диний бошқаруви идорасига йўл қўймаслик.
3. Барча ерли мактабларни маъмурият ихтиёрига ўтказиш ва барча маҳаллий мусулмон ўқув юртлари ва диний муассасаларни тўла рўйхатдан ўтказиш.

<sup>1</sup> ЎзР МДА, 1-жамғарма, 31-рўйхат, 91-иш, 16-варақ.

<sup>2</sup> ЎзР МДА, 1-жамғарма, 31-рўйхат, 91-иш, 17-варақ.

<sup>3</sup> Мысли русского человека. Ташкент, 1899, 10-бет.

4. Туркистондаги барча мусулмонларга яхудийларга нисбатан ўрнатилганига ўхшаш муносабатларни жорий қилиш; шунинг учун барча ерли мусулмон мактабларига 1893 йил 1 март қонунини қўллаш; шу қонунга кўра мусулмон мактаблари ўқитувчилари ҳар йили алоҳида гувоҳномалар олишлари ва улар учун ҳақ тўлашлари лозим.

5. Сиёсий жиҳатдан заарли деб топилган маҳаллий мусулмон муассасаларини ёпиш ҳукуқини генерал-губернаторга бериш, оила ва никоҳ ишларини ҳал қилиш ҳукуқини рус маъмуриятига қайтариб бериш.

Генерал-губернатор бу таклифларнинг умумий асосини белгилаб, «нодон ва эҳтиросли осиёликлар учун ислом ҳамон кучли таъсир қилишини»<sup>1</sup> уқтириб, бу таъсир ҳали узоқ давом этишини таъкидлаб ўтди.

### Жадидларнинг маорифдаги мустамлакачиликка қарши фаолияти

XX аср бошларида Россиядаги мусулмон мактабларининг буюк ислоҳотчиси ва «Таржимон» жаридаси (1883 йилдан Кримда чиқа бошланган) ташкилотчиси Исмоил Фаспиралининг номи бутун Шарққа машҳур бўлиб кетди. У Бофчасаройда эски мактабларнинг мураккаб ўқиши усулига нисбатан енгил қироат усулига асосланган янги мактаб очиб, унда ўзи дарс берган, дарсликлар ёзган, чоризмнинг Шарқдаги сиёсатини фош қилувчи ўткир асарлари билан Туркистон жадидлари етакчилари Маҳмудхўжа Бехбудий, Мунаввар қори Абдурашидхонов, Тавалло, Абдулла Авлоний, Абдурауф Фитрат, Садриддин Айний, Абдулҳамид Чўлпон ва бошқаларнинг дунёқарашига катта таъсир ўtkазган. Янги усул



Жадид адабиётининг йирик намояндаси  
Тавалло — Тўлаган Ҳўжамёров  
(1882—1937).

<sup>1</sup> Всеподданнейший доклад Туркестанского генерал-губернатора генерала от инфантерии Духовского. Ислам в Туркестане, 1899, 6-бет.

мактабларининг вужудга келишида туртки, яъни намуна бўлган.

Мунаввар қори сўнгги Заср давомида вужудга келган, рус истибоди туфайли янада чуқурлашган маданият таназзули ҳосиласи бўлмиш миллий жаҳолат ва гафлатни йўқотиш учун биринчи навбатда маорифни қайта ташкил этиш ишига киришиди. Мунаввар қори Абдурашидхонов 1901—1904 йилларда Кримлик дўсти раис Кишод ёрдамида Тошкентда ўз ҳовлисида «усули савтия» мактабини очади. Бундай мактаблар тармоғини кенг қулоч ёйдириша қалдирғоч бўлган унинг «Намуна» мактаби катта шухрат қозондик, мустамлака маъмурияти ҳам ундан ташвишга тушди.

Чунки янги усул мактаблари



Туркистон жадидлари отаси  
Махмудхўжа Беҳбудий.

руслаштириш сиёсатининг томирига болта уради. Империя ички ишлар вазирлигининг 1900 йил 31 декабрда Тошкентдаги махфий цензори Н.П.Остроумовга юборган кўрсатмасидан ана шундай таҳлика сезилади. Ички ишлар вазирлиги полиция департamenti Туркистон ўлкасида маҳаллий ҳалқлар ўртасида янги усулдаги мактаблар очиш ҳаракати бошланиб, матбуотда бу ҳақда турли мақолалар эълон қилинаётгани, шу важҳдан Туркистон буйича мақола ёзиш, мактаб очиш ва дарс бериш ишида қатнашайтган барча шахслар ҳақида мукаммал материал туплаб шахсан. Ички ишлар вазирига маълум қилиш учун зудлик билан полиция департаментига юбориш вазифаси Остроумов зиммасига юқтатилганлигини маълум қилгани бежиз эмас эди, албатта. Жадидлар чоризмнинг мустамлака сиёсати стратегиясига жиддий заифлантирувчи ўзгаришлар қилишга мажбур этувчи ватанпарвар сиёсий куч сифатида айни шу XX аср бошида тарих саҳнасига чиқа бошладилар.

Жадидлар Туркистонда XIX асрнинг охирида пайдо бўлган илфор усулларни ёқлаган маърифатпарварларгина булиб қолмай, айни чоғда, туркий-исломий ҳукуқий мероснинг миллат ичидаги кенг ёйилиши, хурфикрлилик, тараққиёт ва миллий истиқбол учун ҳам курашни мақсад қилиб қўйган эди.

Жадидчилик вужудга келишинида Ўрта ва Яқин Шарқ мамла-

катларида кенг тарқалган бобийлик ва баҳоийлик сингари фалсафий-диний оқимлар, шунингдек, Туркиядаги «Иттиҳод ва тараққий» («Ёш турклар» ҳаракати)нинг таъсири катта бўлди.

Бобийлик ва баҳоийлик XX асрнинг бошларига келиб Кавказда, сўнгра эса Тошкент, Ашхабод ва Туркистоннинг бошқа шаҳарларида кенг тарқала бошлаган ва халқнинг маданий-маърифий даражасини кўтаришда катта таъсир кўрсатган. Ўз даврига нисбатан анча юқори савияли бир неча мажаллалар, жаридалар чиқарилди. Хусусан, ўша даврда нафақат Туркистонда, балки бошқа қардош ўлкаларда ҳам машҳур бўлган «Ал-Ислоҳ» мажалласи диққатга сазовордир. 1915—1917 йилларда мазкур мажалла саҳифаларида ислом, шариат масалалари, фалсафий муаммолар, таржималар, Туркистон ҳаётига оид баҳс-мунозаралар бериб борилган. Мажалла бобийлар «бонийси» (Абдулла Авлоний ибораси) Абдураҳмон ас-Сайёҳ ат-Тошкандий мұҳаррирлигига, унинг мажалла ёритишни кузда тутаётган мавзулари, гоялари, мақсадлари ва вазифалари тўғрисида муфассал сўзбошиси билан нашр этила бошланган. Мажалланинг 2—5 ҳамда 6—10-сонларида босилган «Дин ва дунёning бир-бирига тааллуқи» ва «Тасаввуф»га бағишланган мақолалар туркуми бағоят асосли ва замонага ҳозиржавоблиги билан ажralиб туради.

Биргина Тошкентнинг ўзида бобийлар ва баҳоийлар тарафидан «Туркистон», «Ислоҳ», «Осиё» (ҳозирги Чорсу бозорида жойлашган вилоят кутубхонаси) ва бошқа кутубхоналар, қиратхоналар ташкил этилган булиб, улар халқимизнинг турли қатламлари вакиллари ўртасида маърифат тарқатиш, халқнинг маданий савиясини ўстириш, сиёсий ва миллий онгини уйғотища катта роль ўйнади.

Жадидчилик ҳаракатининг катта ижтимоий-сиёсий куч сифатида майдонга чиқишида Туркистоннинг ўзида ҳам асосий омил бўлиб хизмат қўлган замин ва шароит етилган эди<sup>1</sup>.

Европа XVIII—XIX асрларда техника тараққиётiga йўл бериб, XX аср маданияти ва турмуш тарзи учун мустаҳкам пойдервор яратган эди. Осиё, жумладан, Туркистон, илм-фан амалиёти ва техника тараққиётидан орқада қолиб кетганди. Ўзбек хонликлари (Бухоро, Хива, Қўқон) ўртасида мунтазам давом этиб келган низолар охир-оқибатда уларни заифлаштириб, Россиянинг бу хонликларни босиб олиб, жаҳолат ва иқтисодий-маданий таназзулни янада чуқурлаштириб юборди.

Қолоқлик ва жаҳолат, ўлка аҳолисининг аянчли аҳволи Туркистоннинг Европа ва жаҳон цивилизациясидан орқада қолиб кетиши, Ислом ва шариатнинг оёқ-ости қилиниши ва бундай оғир фожиали ҳаётдан қутулиш, эрк ва озодликка эришиш

<sup>1</sup> Жадидчилик мөхиятининг янгича талқини Б. Қосимов, О. Шарафиддинов, А. Аҳмедов, А. Алисов, Ҳ. Зиёев, Н. Каримов, Д. Алимова, Ш. Турдисев, Ҳ. Содиков, М. Ҳасанов, Ҳ. Болтабоев, С. Аъзамхўжасев, С. Холбоев, С. Аҳмедов, Ш. Ризаев. Шамсутдинов каби олимларнинг қатор асар ва мақолаларида ўз аксини топган.

ҳақида ўз замонасининг илфор зиёли қатламларида фикр-мулоҳазалар пайдо бўла бошлади. Жаҳолат уйқусидан уйғониш тарихий заруриятга айланган эди. Бошқача қилиб айтганда, жадидчилик ҳаракати ижтимоий ривожланишнинг, тарихий тараққиётнинг талаб ва эҳтиёжларига жавоб сифатида майдонга келган улкан ижтимоий-сиёсий оқим, ҳаракат эди. Ўлкада миллатнинг дард-аламларини, бутун аянчли, мудҳиш, фожеали оғир қисматини ўз қалби ва вужудидан ўтказиб, ўзининг бутун борлигини, ақл-заковатини, онгли ҳаётини эрк, озодлик, тараққиёт учун сафарбар этган зиёлиларнинг бутун бир янги авлоди шаклланган эди.



Туркистон маърифати ва истиқлонининг  
толмас қурашчиси, жамоат арбоби  
профессор Аҳмад Закий Валидий Тұғон  
(1890—1970).

риб таҳсил қўраётган кўплаб зиёлиларда ўша мамлакатда амалга оширилаётган ижобий ислоҳотлар, илфор Европа турмуш тарзи, техника тараққиёти, маданияти, маърифатидан таъсирланиш. унга ҳавас билан қараш, ўз ватанларида ҳам шу каби ўзгаришлар бўлишини кўмсашиб ҳис-туйғулари ўйғона бошлади.

1889 йилда «Иттиҳод ва тараққий» деган ҳурриятпарвар оқим бутун Туркия бўйлаб ёйилди. Бу даврда Туркияда таҳсил кўрган туркистонлик зиёлилар ўз ватанларига қайтиб, она юртларида ҳам ўшандай жамиятларни ташкил этдилар.

Туркистонда жадидчиликнинг майдонга келиши ва ривожланишида Усмонли турк салтанатидаги ижтимоий-сиёсий, маданий-мағфуравий ғоя ва ҳаракатларнинг ҳам таъсири кучли бўлди. Айниқса, Туркия султони Абдулхамид II (1876—1909) даврида мамлакатни қолоқликдан олиб чиқишига қаратилган қатор қонунлар ва уларнинг ҳаётга тадбиқ этилиши Туркистон халқлари учун ҳам аҳамиятли эди. Туркиядаги илфор ислоҳотлар Европа маданияти ва турмуш тарзининг мамлакатда кенг оммалашувига олиб келди. Бу ижобий йўналиш Туркистонга ҳам ўз таъсирини ўтказди.

Бу вақтда Туркистон, Хива хонлигидан, Бухоро амирлигидан Туркияга бо-

Собиқ Иттифоқ Ташқи ишлар вазирлиги ҳузуридаги СССР ташқи сиёсат архивида, Ўзбекистон миллий хавфсизлик хизмати ҳужжатгоҳида Туркистон «Иттиҳод ва тараққиёт»чилари ҳақида кўплаб манбалар сақланиб қолган. Жадидчилик ҳаракати фаолларидан бири, кейинчалик шуроларга алданган ва раҳбарлик лавозимларида хизмат қилган, 30-йиллар бошида қатагон бўлган Акбар Бойтурсунович Урозалиев 1925 йил 6 июля Москвадан Хитойга дипломатик хизматга кетиш олдидан шахсий варақасидаги «Ўтмишда қандай партияга мансуб эдингиз?» деган саволига шундай жавоб ёзган: «1914 йилдан 1917 йилгача ёш ўзбекларнинг «Иттиҳод ва тараққиёт» яширин ташкилоти аъзоси бўлганман!»<sup>1</sup>.

Туркиядаги «Иттиҳод ва тараққиёт»чилардан Туркистондаги «иттиҳод ва тараққиёт»чиларнинг афзаллик томонлари бор эди. Уларда космополитик гоя деярли йўқ бўлиб, рус империализмига ва унинг мустамлакачилик тизимиға қарши кураш гояси кучли эди. Ҳолбуки, 1905 йилги рус ва 1908 йилги Туркия инқилобий ҳаракатларида империализм ва мустамлакачиликка қарши кураш гояси бўлмаган.

Бунга қарама-қарши ўлароқ, Туркистон жадидчилик ҳаракатида империализм ва унинг мустамлакачилигига қарши кураш олиб бориш биринчи ўринга кўтарила олган.

Жадидлар Бухоро амирлиги ва Хива хонлигига хон ва амирни ҳам ўз гоя ва маслакларига тортишга ҳаракат қилдилар. Бухоро жадидлари 1900 йил бошида амирдан янги усулдаги мактаблар очишга рухсат олишга муваффақ бўлдилар. Аммо бундай янги усул мактабларининг очилиши Россия манфаатига зид эди. Шу боис Россиянинг амирга бўлган таҳди迪 ортиб кетди ва амир жадидларга тазиий ўтказишга мажбур бўлди. Бутун Ўрга Осиё бўйлаб очилган янги усул мактабларига қарши Россия мустамлакачилари ўт очадилар, бу мактабларни «исломга қарши», «ғайридин мактаблари» деган ташвиқот юргиздилар, жосуслик идораларини ишга солдилар. Аҳвол шу дарражага бориб етадики, бу борада кўплаб қурбонлар берилди. Рус маъмурлари бу пайтга келиб ислом динига ҳам қарши курашни кучайтириб юбордилар. Ҳатто, 1903 йили подшо Туркистон аҳолиси учун муборак Ҳаж қилишни ҳам маҳсус фармон билан ман этди. Бу маҳаллий мусулмон аҳолисида кучли норозилик уйғотди.

1905 йилги тўнтариш ҳаракатидан сўнг Россия ҳудудидаги туркий халқлар ва уларнинг Туркия мамлакати билан қардошлик алоқаси кучайди. Ўз даврида Турк дунёси марказларидан бири бўлган Крим, Қозон, Истанбулда чоп этилган жадидчилик руҳидаги адабиётлар Туркистонда ҳам кенг ёйила бошлади.

<sup>1</sup> Шамсутдинов Р. Т. Тарихий меросимизга бир назар. Андижон, «Мерос», 1994, 47-бет.



«Ёш бухороликлар» фирмаси аъзоларидан бир гуруҳи. Ўртада утирган Файзулла Хўжасв.

Истанбулда ташкил топган «Жамияти хайрия», «Нашриёт» ширкатлари каби ижтимоий ташкилотлар Бухоро ва Хивада ҳам майдонга келди. Бу жамиятлар билан узвий ҳолда камол топган жадидчилик ҳаракати ўсиб, 1908 йилги Туркия инқилиби туфайли юзага келган «Ёш турклар» ҳаракатига муқобил ҳолда Хивада «Ёш хиваликлар», Бухорода «Ёш бухороликлар» жамиятларини юзага келтирди. Бу жамиятлар охир-оқибатда сиёсий партиялар мақомини олдилар. Жадидчилик ҳаракатининг бундай сиёсий ташкилотлари, жамиятлари қиска вақт ичida Тошкент, Самарқанд, Бухоро, Хива, Кўқон, Андижон каби Ўрта Осиёнинг йирик шаҳарларида кучли, нуфузли ташкилотларга айланди.

Шуни ҳам алоҳида таъкидлаш керакки, XX аср бошларида ёқ миллий-озодлик байроғини баланд қутариб, миллий кучлар бирлигини таъминлаш борасида салмоқли фаолият кўрсата бошлаган Туркистон жадидлари жаҳон жамоатчилиги эътиборини ўзига жалб қилди. 1906 йилнинг баҳорида Франция Республикаси бош штаби иккинчи бюроси (ҳарбий разведка) топшириги билан майор Лякост икки йил давомида Туркистондаги ижтимоий-сиёсий вазият билан яқиндан та-

нишди. У ўзининг кузатиниларини ҳисобот тарзида «Комита де Асия Франсайс» номли журналда чоп этади. Мақола Европада катта қизиқиш уйготди. Бу мақолада Туркистон генерал-губернаторлиги худудидаги ижтимоий-сиёсий кучлар ва партиялар фаолияти шарҳлаб берилган эди. Эътиборли томони шундаки, француз разведкачисининг ўткир нигоҳи билан Туркистонда қайси партия, қайси сиёсий оқим кучли экани шундай аниқлаб берилди, бу ҳол рус сиёсий полициясини ғоят жиддий ташвишга солди.

Майор Лякост Туркистон ўлкасидаги энг эътиборли ва келажаги порлоқ ташкилот сифатида социал-демократлар (большевик ва меньшевиклар), ёки социалист-инқилобчилар (сўл ва ўнг эсерлар), ё кадет ва либераллар эмас, балки ёш сартлар<sup>1</sup> деган хулосага келган эди. Разведкачи Туркистонда жадидлар таъсири кучли бўлган ўз фирмасига эга экани ва у 1906 йилнинг январида Санкт-Петербургга, Умумрусия мусулмонларининг курултойига вакил юборганини таъкидлаб, бу фирмә худди Қозон татарлари каби ўзининг миллий ластурига эгалиги ва рус истибдодига жиддий зарба бериши мумкинлигига ишора қилган эди.

Россиянинг Туркистондаги махфий полиция идораси ҳам жадидларни ўзбек савдо-саноат аҳли қўллаб-куватлаши ва улар шакланаётган ёш авлодга ёмон таъсир курсатаётганидан огоҳлантириб, марказни жадидлар билан жиддий ҳисоблашишга чақирган эди. 1916 йилги миллий-озодлик қўзғолони ва 1917 йилги Россия февраль инқилобининг ўлқадаги жадидчилик ҳаракатининг янада кенг авж олишида ва жадидлар фаолиятида кескин сифат ўзгариши юз беришида ўрни ва роли катта бўлди. Жадидларнинг маърифий-мафкуравий жабҳадаги кураши аниқ ифодаланган сиёсий кураш тусини олди ва бу ҳаракат сифат жиҳатидан янги босқичга кўтарилди<sup>2</sup>.

Жадидчилик ҳаракатининг асосий қаноти сифатида жадид адабиёти ҳам юзага келиб, мукаммал ғоявий тусга киради. Бу билан ҳам насрда, ҳам назмда руҳан янгиланиш, қолоқлик ва жаҳолатдан қутулиш гоясини кўйлаш, рус истилосига қарши кураш, маърифат ва ҳурриятга эришиш, истиқлонни қўлга киритиш кайфияти билан суғорилган янги бир адабий оқим вужудга келди. Бухорода Аҳмаджон маҳдум, Садриддин Айний, Усмонхужа Пўлатхўжа ўғли, Абдулвоҳид Рафий маҳдум «Тарбияйи атфол» номли яширин жамиятни асосладилар. Бу жамият империализмга, мустамлакачиликка, жаҳолатга қарши кураш бошлади.

«Тарбияйи атфол» жамияти Туркияда таҳсил қўраётган тала-баларга кўмак-ёрдам кўрсатиш мақсадида Истанбулда шўъба

<sup>1</sup> Расмий идоралар жадидларни ёш туркларга қиёслаб «Ёш сартлар» деб аташган.

<sup>2</sup> Бу ҳақда иккинчи китобда батафсил ҳикоя қилинади.



Жадидлар ҳаракатининг таникли намояндаси журналист, шоир ва мударрис Абдулла Авлоний.

жадидчилик ҳаракатининг йирик намояндалари эдилар. Асрий қолоқлик ва жаҳолатга қарши қаратилган кураш адабиётда ҳам ўз ифодасини топган эди.

Хуллас, бутун бир жадид адабиётчилиги юзага келди. XX асрдаги Туркистон миллий адабиётида Россия зулми, истилоси ва унга қарши кураш жуда ажойиб ва ўзига хос тарзда ифодаланди. Биринчи жаҳон уруши йилларидағи жадид адабиётида туркчилик ва унинг гояси асосий мавзу ва мағкура бўлиб қолди. Маҳмудхўжа Беҳбудий, Ҳожи Муин шу адабий оқимнинг кўзга кўринган намояндаларидан эдилар.

Садриддин Айнийнинг жаҳолатга қарши кураш олиб боришга даъват қилинган шеърлари маҳаллий аҳоли орасида кенг тарқалди:

Мактабсизлик қилди бизни қип-яланғоч,  
Мактабсизлик бизни этди талон-торож,  
Мактабсизлик Турон элин үлдирди оч,  
Қўзингни оч, бу ҳўрликдан мактабга қоч.  
Билим қочди қўлимиздан беш юз йилдир,  
Унутмагил Улуғбеклар бизнинг элдир,  
Турон эли, ўзбек тили бизнинг тилдир,  
Турон ўғли, эканингни тезроқ билдир!

ташкил этди. Унинг раҳбарияти Содиқ Ашур ўғли, Абдураҳмон ва Абдурауф Фитратлар эдилар.

Бухоро жадидларининг яна бир тармоғи «Турон нашри маориф» жамияти эди. Унинг ташкилотчилари А. Фитрат, Муқим Бойжон, Абдулазиз, Аҳмаджон маҳдум, Олимжон Идрислар бўлишган. Бу жамият қисқа вақт ичидаги Туркияга талабалар жўнатдилар. Улар тез орада аҳли илм бўлиб етишдилар. Самарқандда Маҳмудхўжа Беҳбудий, Тошкентда Мунаввар қори, Абдулла Авлоний, Кўконда Ашурали, Оренбургда Аҳмад Бойтурсун, Мирёқуб Дулат, Андижонда Абдулҳамид Сулаймон ўғли Чўлпон Туркистон

Жадид шоир ва адиллар маҳаллий газета ва журналларда истиқтол ғояси билан сугорилган шеър ва ҳикояларни мунтазам эълон қилиб бордилар.

Туркистон жадидларининг сардори Маҳмудхўжа Беҳбудий ташкил этган ва ўзи муҳаррирлик қилган «Ойина» журнали үлка ҳалқига истиқтол руҳини сингдиришда муҳим ўрин тутди.

Тошкент, Кўқон, Самарқанд, Андижондаги жадид ташкилотлари, бир томондан, истиқтол ҳаракатларини олиб бордилар, иккинчи томондан эса мингларча жилдлик асарларга эга бўлган кутубхоналар ташкил этдилар.

Туркистоннинг буюк шоири, Андижонда жадидчиликка асос солган Чўлпон ўз юртида «Турон кутубхонаси»ни ташкил қилган. Чўлпоннинг очиқ ифодаланган, гўзал туркча, тоза услуб билан битилган даъваткор, исёнкор шеърларида Россия мустамлакачилигини қораловчи, Туркистон истиқтолини мадҳэтувчи шеърлари үлка аҳолисининг миллий ҳис-туйгусини, миллий ўзлигини уйготган:

Эй, сен мени ҳақиқир кўрган, тубан кўрган афанди,  
Эй, устимда бир умрга хўжа бўлмоқ истаган,  
Эй, бўйнимга кишсан солиб ҳалокатта судраган,  
Кўзларимни заҳарлатиб ўйнамагил, бас энди...  
Кишанларинг занг босгандир, сергак бўлким, узилур,  
Томиримда кўзғолишнинг ваҳщий қони кўпирди.  
Эски фикр, анъаналар энди буткул узили.  
Ё битарман, ёки сенинг салтанатинг бузилур.  
Эй, сен мени қул ўрнида ишлатувчи афанди,  
Титра, кўрқум боғлиқ кўлин бош кўтарган куч инди.

### **Мулоҳаза учун ахборот**

«Азизим Озоджон!

Чўлпон аканинг Андижонда инқиlobга довур кўрсатган ижтимоий, сиёсий фаолияти ҳақидаги материални илтимосингизга кўра, Сизга юбордим. Бу тарихий, ҳақоний материал менинг қўлимга яқинда тушди ва мени қаттиқ ҳайратга ва ҳаяжонга солди.

Бу тарихий ҳужжат менга Чўлпон aka билан менинг қариндошларим ва яқинларим ўрталарида бўлган мустаҳкам, узилмас дўстлик ришталарининг сиру асрорини очиб берди. Андижонда чоризмга қарши яширин сиёсий жамият «гап» бўлиб, унинг фаол ташкилотчиларидан бири Абдулхамид Сулаймон (Чўлпон) экан. Таzkирада номи шарифлари зикр этилган тараккӣ парвар зотлардан бошқа бу «гап» деган ном билан иш кўрган жамиятга яна бир қанча зиёлилар, чунончи: менинг қариндошларим — поччаларим Мухаммадхон ҳожи, Ҳакимжон (Мавруф Ҳошимовнинг отаси), Олимжон, Яъкуб Саркаролар ва уларнинг биргаликда русско-тузем мактабида ўқиган қадрдан дўстлари Салоҳиддин Ашуралиев... Қаландар Девонабоев... Раҳматилла Султонов (Чўлпон бу киши вафот этганда унга бағишилаб марсия ёзган эди)...

Демак, шоир Чўлпон фақат зулмга қарши шеър ёзиш билан чекланмаган, оғир кишанларни, баланд дорларни, совук ва узоқ Сибирь азобларини хам



Жадид адабиёти юлдузи—  
Туркистоннинг буюк шоири Чўлпон.

нинг энг буюк шоирига айланган Чўлпон ўша вактда 15 ёшларда бўлган бўлса керак. Менга, тарих китобимни ўқиб, илҳомланганлиги ва фикрдошлик қилишимни айтиб, хат ёзди. Андижонга, уйларига меҳмонга таклиф қилди... Буюк ўзбек шоирининг ўзи билан ҳам, унинг меҳмондуст отаси билан ҳам танишиб олдик... Сулаймон ака билан хайрлашдик, у кишининг менга қилган совғаларини онамга олиб бордим...»<sup>2</sup>

Чўлпон 1914 йилдан Кўқонда «Садои Фарғона» номи билан чиқаётган жадид газетасининг Андижондаги обуначи ва эълон қабул қиласидаган вакили бўлганлиги газета саҳифаларида қайд этилган. Чўлпон билан бирмунча вакт бирга ишлашган Аҳмад Закий Валидийнинг гувоҳлик беришича, бўлгуси шоир 1913 йилдаёқ Турк тарихига доир асарларни ўқиб чиқсан, сўнгра «Турк юрди» ва «Сайра» каби туркчилик нашрларини кузатар экан». <sup>3</sup>

Ўзбек маърифатчилигининг тўнгич бўғинига мансуб машхур мураббий ва журналист Мўминжон Муҳаммаджонов 1916 йилда Чўлпон билан илк бор учрашгани хусусида шундай ёзган: «Абдулҳамид ҳар куни хусусий

<sup>1</sup> К а р а н г: Озод Шарафуддинов. «Ўзбекистон адабиёти ва санъати», 1999 йил, 25 июнь. № 26(3513).

<sup>2</sup> Закий Валидий Тўғон. Хотиралар. «Шарқ юлдузи», 1993 йил, 5—6-сонлари.

<sup>3</sup> Ўша жойда.

писанд килмаган мард, фидокор шоир экан. Бинобарин, Чўлпон ака ҳақидаги китобингизга унинг ийтлик чоғида Андижонда кўрсатган ижтимоий-сиёсий фаолиятига 4—5 саҳифа бағишиласангиз фоятда зўр савоб иш қилган бўларми дингиз... яна ўзингиз биласиз...

Фикр-мулоҳазангизни айтурсиз, деган умиддаман.

Камоли эҳтиром билан:  
Сизнинг Комил Яшин».

Мазкур мактубни ўқиб чиқкан ҳар бир адабиёт ихлосманди ҳаяжонга тушмасдан қолмайди. Чунки унда биз учун фоятда қимматли, фоятда муҳим маълумотлар бор — буни қарангки, Чўлпон 1914—1915 йиллардаёқ, яъни 17—18 яшарлигидан бошлаб мустабид чоризм зулмига қарши курашга қўшилган, унинг теварагида эса ўша даврдаги Андижондаги етук зиёлилардан бир қанчаси бўлган экан<sup>1</sup>.

«... Туркистонда танишган шахслар орасида Назир Тўракулов билан Абдулҳамид Сулаймон (Чўлпон) менга алоҳида яқин дўст бўлдилар... кейинроқ ўзбеклар-

равишда русча ўқир эди. Татаристон, Озарбайжон, Ҳиндистонда чикадиган ҳамма газет ва журналларга муштариб булиб, русча газеталарни ҳам ўқиб турар эди»<sup>1</sup>.

Андижондаги «Тараққийпарварлар», «Падаркушчилар», «Гап»чилар номи остида фаолият кўрсатган ижтимоий-сиёсий жамиятга мансуб ёшлар сафида Усмонхон Эшонхўжа ўғли, Фозилбек Отабек қози ўғли, Акбар Ўрозалиевлар ҳам бўлган:

Усмонхон Эшонхўжа ўғли (1899—1937) Андижоннинг янги шахридаги рус-тузем мактабини, олий бошланғич билим юртини, эрлар гимназиясини битирган, муаллимлик қилган. «Туркестанский голос» газетасида ишланган. «Бу газета, — деб ёзган Усмонхон кейинчалик, — бутун Туркистонда узининг инқилобий йўналиши жиҳатидан ягона газета эди. Унинг муҳаррири Туркистонда танилган социалист-революционер Вадим Чайкин эди»<sup>2</sup>.

Фозилбек Отабек қози ўғли (1886—1938). Мадрасани, рус-тузем мактабини битирган, фаол жадидчи. «Россия телеграф агентлиги» (РОСТА) Туркистон бўлими, Андижон шўйбаси мудири бўлиб хизмат қилган. Ўзбек, итальян, француз тилларини билган, моҳир публицист, таржимон, олим.

Акбар Ўрозалиев (1890—1937) фаол тараққийпарварчилардан. У 1917 йил 24 февралда Туркистон генерал-губернатори А. Н. Куропаткинга ёзган аризасида шундай сатрлар бор: «...1914 йилнинг 6 июлида Андижон шаҳрида маҳаллий ҳаваскор сарт ёшлари томонидан кўнгилочар кечакашкилни килинди. Унда сарт тилида Маҳмудхўжа Беҳбудий ёзган «Падаркуш» номли пьеса ҳам кўйилган. Пьеса ўз мазмунига кўра чукур ибратли эди. Ҳозирги замон сартлари жамиятининг маънавий тушкунлигини очиб берган. Шу кечада тўпланган маблағнинг бир қисми Андижондаги эркаклар прогимназияси фойдасига, бир қисми ҳозирги урушда ҳалок бўлганлар фойдасига, қолган қисми эса кўнгилочар бошқа муассасалар фойдасига сарфланган. Бу пьесани севиб, ўни ўйнаганлардан бири мен эдим...»<sup>3</sup>.

**Жадид мактаблари.** Тараққийпарвар ўзбек зиёлилари кенг халқ оммасини саводли қилишга, уларни жаҳолат уйқусидан уйғотишга интилиб, мактаблар очдилар. Биринчи бўлиб (Ҳусайнов маблағи ҳисобига) 1893 йили Самарқандда, 1898 йили Қўқонда Салоҳиддин домла томонидан, уша йили Тўқмоқда, 1899 йили эски Тошкентда Маннон Қори, Андижонда Шамсиддин домла томонидан жадид мактаблари очилди<sup>4</sup>. 1900 йили Бухорода Жўрабой қори томонидан янги усуздаги мактаб очилди. 1903 йили М. Беҳбудий ўз маблағи ҳисобидан Жомбойда мактаб очди. Жадид Ҳожи Муин ва Абдул Қодир Шакурийлар

<sup>1</sup> Аҳмад Закий Валидий Тўғон. Бугунги турк Эли (Туркистон) ва яқин тарихи. 1-жилд. Шарқий ва Фарбий Туркистон. 2-жилд. Истанбул, 1981; Қуронов Дилмурод. Чўлпон ҳәти ва ижодий мероси. Т., «Ўқитувчи», 1997, 3—5-бетлар.

<sup>2</sup> Муҳаммаджонов М. Турмуш уринишлари. Т., 1964, 130-бет.

<sup>3</sup> Шамсутдинов Р. Усмонхон Эшонхўжа ўғли — истиқлол курашчи. «Андижоннома», 1999 йил, 22 июнь.

<sup>4</sup> Темур Ҳўжа Усмонжон ўғли. Туркистонда жадид мактаблари. — «Хур Туркистон учун». Анқара, 1976 йил, 15 май.

бу мактабда сабоқ бердилар. 1908 йили бундай мактабларни Мирза Абдулвоҳид ҳам ташкил қилди. Муфтий домулла Икром бу янги усулдаги мактабларни диний жамоат томонидан қабул қилинишига эришди. 1911 йилда жадид мактаблари Туркистонда 63 та бўлиб, уларда 4106 бола ўқиган. Тошкентнинг ўзида 24 та бундай мактабларда 1740 бола ўқиган. 1917 йил бошларида ўлкада 100 га яқин жадид мактабларида 5 мингдан зиёд ўқувчи бўлган.

Жадидларнинг мактаблари истиқлолчилар етишигурувчи маскан эканлигини рус маъмурияти яхши англади. Хусусан, мустамлака маъмурияти бу ҳаракатга қарши кучли рақобатчилик усулини ишга солиб рус-тузем мактаблари фаолиятини кучайтиришга қарор қилди. Бу қалтис вазифага ишончли одамни топиш ўлка маорифи раҳбарларидан бири С.М. Граменицкийга топширилди. У 1-рус-тузем мактаби ўзбекча синфлар муаллими, шу мактабни битирган, Шайховандтахур даҳасининг Баланд мачит маҳалласида истиқомат қилувчи Сайдрасул Сайдазизовни рус амалдорлариға мақбул шахс деб топди. Таниқли рус олимлари В.В.Бартольд ва А.Н.Самойловичлар билан яқин алоқада бўлган, русчани яхши тушуниб дипломатик қобилияти кучли бўлган Сайдрасул домла Тошкентнинг етук зиёлиларидан бири эди. Унинг уйига руслардан ташқари, чет эллик шарқшунослар ҳам келиб-кетиб тургани ҳамда унинг билими ва заковатига тан берганлари мустамлакачи амалдорларга маълум эди. Сайдрасул домла рус-тузем мактаблари учун тайёрлаган дарсликда кўпгина рус муаллифлари асарларидан таржималар киритгани генерал-губернаторга маъқул бўлди ва китоб нашрга тавсия қилинди. Янги усул мактабларидан намуна олган тарзда қироат усули кўлланилган «Устоди аввал» дарслиги шу тариқа 1902 йилда дунё юзини кўрди ва кейин бир неча бор қайта нашр этилди. Сайдрасул Сайдазизов таниқли журналист, шоир ҳам эди. Академик Бартольд уни Туркистон ўлкасидағи «ўқув-тарбия ишларига ислоҳ кирита олган илфор зиёлий» деб атаган. У Россияга саёҳат қилиб, «Туркистон вилояти газети»да «Маҳаллий олимнинг 1910 йилда Москва ва Петербургта қилган маърифий сафари» сарлавҳаси остида туркум мақолаларни эълон қилган.

Мустамлака маъмурияти рус тилини ўрганишни тарғиб қилса ҳам ана шу тилни яхши ўзлаштирган ва руслар билан яқин алоқада бўлган маҳаллий миллат вакилларига шубҳа ҳамда ҳалик билан қараган. Шундай одамлардан бири ўзбек зиёлилари ўртасида бообру ва эътиборли собиқ Китоб беги Журабек Қаландар қори ўғли эди. 1868 йилгача руслар билан жанг қилган, хиёнат туфайли асир олинганидан сўнг эса рус армиясига хизматга ўтишга мажбур бўлган Журабекка 1901 йили генерал-майор унвони берилган. Миллат фожеасининг гувоҳи, мустамлака

истибдодининг барча қабоқатларини қарийб 30 йил генерал-губернатор маҳкамасидаги таржимонликда кўрган-билган Жўрабек истеъфога чиққанидан кейин мавжуд тузум мухолифлари раҳнамоларидан бирига айланган. 1902 йили академик В.В.Бартольд унинг уйидаги бўлганида истеъфодаги рус армияси генерали Журабек таниқли олимга ўзининг Шарқ қўлёзмалари мажмуини курсатиб, уни лол қолдирган эди<sup>1</sup>.

Ўзбек жадидлари Туркистон халқ маорифига жиддий эътибор берганлар. Бу соҳада таниқли мударрис ва маърифатпарвар Мунаввар қорининг хизмати каттадир. Мунаввар қори 1909 йилда маслақдош дўстлари Абдулла Авлоний, Убайдулла Асадуллахужаев, Тошпўлатбек Норбутабеков ва бошқалар билан ҳамкорликда тошкентлик бир бойнинг раислигида «Жамияти хайрия»ни ташкил қилди. Мунаввар қори ва сафдошлари жамият орқали қашшоқ ва касалманд кишилар, ўкувчиларга ёрдам кўрсатиш билан чекланмайди. Россия ва Туркиядаги олий ўкув ўртларига талабалар юбориш билан ҳам шуғулланади. Мунаввар қори гуруҳига мансуб кекса санъаткор Абдураҳмон Акбаров ўз хотирасида шундай воқеани эслайди: «Гуруҳдаги жадидларнинг бош раҳбари бўлган Мунаввар қори бир куни тўданинг мажлисига келиб: «Зиёли ёшлиардан бир нечтасини Германияга юбориб ўқитиш керак», деб узоқ нутқ сўзлади. Шундан кейин тўданинг раҳбарларидан 7—8 киши Орифхўжабойнинг янги шаҳардаги ҳовлисида шу ҳақда биринчи марта мажлис ўтказдилар. Орадан чамаси 15 кунлар кейин Каттахўжа Хўжаевнинг уйидаги иккинчи марта катта йиғин бўлди. Бу мажлисда Тошкентнинг энг машхур боёнлари йиғилдилар. Жумладан, Орифхўжабой, Сайдкаримбой, Комилжонбой чойфуруш, Асил оқсоқол, Боқижонбой ва бошқалар. Бу ерда тўплланганларнинг сони 50—60 тага етарди. Буни ташкил қилишда кўпроқ ташаббус кўрсатган Мунаввар қори билан Илҳом самоварчи ва Муродхўжа Солихўжа ўғиллари эди. Ҳамма йиғилиб бўлгандан кейин мажлис очилиб, биринчи бўлиб Мунаввар қори сўзга чиқди. Мунаввар қори: «Ўзбек зиёлий болаларини Германияга юбориб ўқитишга жуда муҳтожмиз. Болалар ўқуб, илм таҳсил олиб келсалар, миллатига катта хизмат қилаоладилар», деган сўзлар билан узоқ нутқ сўзлади. Унинг кетидан, Мунаввар қорининг сўзини кувватлаб, Самиг қори чиқиб сўзлади. Охирда саволлар тушди: ким, неча кишини юборамиз, деб Самиг қори «борадиган кишиларнинг рўйхатни ўқиб беришни сўради... Германияга ўқиб келиш учун борувчилар шулар экан:

<sup>1</sup> Академик В. В. Бартольд «Журабекка тегишли қўлёзмалар йиғиндиси» номли асар яратган. Ундаги «Жомеъ ут-таворих» асарини «Ўрта асрда на Осиёдаги, на Европадаги бирор халқда учрамайдиган улкан тарих қомуси» деб баҳолаган. Карап г: Бартольд В. В. «Туркестан в эпоху монгольского нашествия». Соч. Том. I, М., 1968, 24-бет.

1. Шайховандтахур даҳасидан Абдулаҳоб Муродий. Бешёғоч даҳасидан ҳам икки киши: 1-си Чақар маҳаллалик Муҳаммаджонов, 2-си Яланқири маҳаллалик Аъзам соатсоз ўғли, жами 4 киши экан. Мунаввар қори яна ўрнидан туриб «Жамоат, мана бу ёш, ўсмир болаларимизнинг ёрдами остида вужудга чиқади», — дейиши билан ўтирган бойларнинг бири Мунаввар қорининг қўлига анчагина пул берди... Пул тупланиб саналиб бўлингандан кейин Мунаввар қори ўрнидан туриб: «Миллатимизнинг келажакдаги баҳту саодати учун шундай катта ҳимматларингизга қўпчилик томонидан раҳматлар айтаман», деб ташаккур билдири<sup>1</sup>.

Бу далил қаддини ростлаб бораётган ўзбек буржуазиясининг миллий бирликка ва ўз-узини англаш жараёнига хайриҳоҳ бўлганини курсатади. Андижонлик Миркомил Мирмўминбоев каби бойларнинг хайрия ишларига катта маблағ ажратгани, ёшларни Германия ва Туркияга ўқишига жўнатгани ана шундан далолат беради. Мўминбоевга рус сиёсий полицияси шундай таъриф берган: «У жуда ақлли, айёр, улдабурон киши. Эътиқоди бўйича панисломчи ва русларга қарши... Андижон шаҳар тижоратчилар партияси бошлиги. Ушбу партия аъзоларининг ҳаммаси унга моддий жиҳатдан боғланган»<sup>2</sup>.

Андижонда ташкил топиб бутун ўлқада ўз ташкилотларига эга бўлган «Тараққийпарварлар» фирмаси ҳам Туркистон миллий буржуазияси ёрдамига таянган<sup>3</sup>.

Туркияга бориб таълим олган ёшлардан бири, кейинчалик машҳур шоир, адаб ва олим Абдурауф Абдураҳим ўғли Фитрат эди. Афғонистонлик машҳур мутафаккир Жамолидин Афғоний, мисрлик Муҳаммад Абдуҳ, қrimлиқ Исмоилбек Фаспиралининг сиёсий қарашлари, ҳур фикрлари, Туркиядаги турк ёшларининг «Турк ўчоги», «Иттиҳод ва тараққий» ташкилотлари ва бошقا сиёсий ҳаракатларинг истиқдол хусусидаги мақсад ва маслаги инглиз ва рус мустамлакачилари занжирини узиб, бутун мусулмон мамлакатлари тарқалган эди. Айниқса, Исмоил Фаспиралининг «Дорулоҳат мусулмонлари» асарининг Бухоро ва Туркистонда ёйилиши зиёлилар онгида инқилоб уйғотади. Ана шу илгор шахснинг таъсири билан Бухорода «Тарбияйи атфол» (Болалар тарбияси), Тошкентда «Турон» жамиятлари вужудга келди. Атоқли олим Аҳмад Закий Валидий Тўғон «Бугунги турк эли: Туркистон ва унинг яқин тарихи» китобининг «Ерли туркларда сиёсий ташкилот» бобида шундай ёзган: «1910 йили Бухорода мударрис Ҳожи Рафий, мирзо Абдувоҳид, Ҳамидхўжа

<sup>1</sup> Сироғисиддин Аҳмад. Мунаввар қори. «Шарқ юлдзуи», 1992, 5-сон, 107-бет.

<sup>2</sup> ЎзР МДА, 461-жамғарма, 1-рўйхат, 1902-иш, 64-варақ.

<sup>3</sup> ЎзР МДА, 1-жамғарма, 31-рўйхат, 1144-иш, 35-варақ.

Мехрий, Аҳмаджон маҳдум, Усмонхўжа<sup>1</sup> ва Мукаммалиддин маҳдум кабилар «Тарбияйи атфол» жамияти қурдилар. Бу жамият Истанбулда бир шӯъба очароқ, 1911 йили ўн беш, 1912 йили 30 талаба юборди. Бу шӯъба Бухорода «Таълим маориф жамияти» отила расмий бир жамият шаклини олди. 1910 йили Эрон йўли-ла Истанбулга келган шоир Фитрат ила Муқимиддин ва Русия йўли-ла келган Усмонхўжа, гулжалик Абдулазиз, Содик Ашур ўғли бу жамиятнинг қурувчиларидан эдилар. Фитрат Истанбулда форсча «Мунозара», «Сайёҳи ҳинди» отли танқидий ва ҳажвий асарларини бостирди.



Туркистоннинг маърифатпарвар сармоядори — жадидлар раҳнамоси  
Миркомил Мирмуминбоев тижоратчи дусти Ёкубхўжа билан.

<sup>1</sup> Усмонхўжа Пўлатхўжаев Бухоро жадидлари етакчиларидан, 1920—1921 йилларда Бухоро Ҳалқ Шуро Республикаси Марказий Ижроия Кўмитаси раиси бўлиб хизмат қиласкан, Афғонистонга ўтиб кетган, 1968 йили Туркияда қазо қиласкан. Қаранг: Шамсутдинов Р. Усмонхўжа Ватан хоини эмасди. «Ҳалқ сўзи», 1991 йил 15 сентябрь.



Машхур шоир, алиб ва олим  
Абдурауф Абдурахим ўғли Фитрат.

сўзларида Фарғона олий техника ҳар жиҳатдан асослаб бердилар. Соат 11 га бориб жамоат ташкилотлари ва айрим шахслардан институт очиш учун 40000 сўмлик хайрия жамғармаси ташкил бўлди. Бу жамғармага таркибида кўплаб тараққийпарварлар бўлган маърифат ҳаваскорлари жамияти 5000 сўм, миллионер бой, жадид Аҳмадбек ҳожи Темирбеков 25 000 сўм ҳадя этдилар. «Саҳоватли бой, ўзбек миллий сармоядорларининг типик вакили Аҳмадбек ҳожи кейин яна кўп маблағ ажратишга ваъда қилди... Йиғилишда институт очишни ҳал этиш учун 15 нафар аъзодан иборат ташкилий қўмита сайланди.... Худди шундай ташкилий қўмиталар, институт очиш хайрия фонdlари водийнинг Кўқон, Наманган, Ўш, Скобелев шаҳарларида ҳам ташкил этилиб, уларнинг жамиятларида жадидлар хизмати катта бўлди...»<sup>1</sup>

Ўзбек маърифатпарварларининг қудратли гуруҳининг фаолияти ҳақида рус маҳфий полицияси ТРМБ катта маълумот тўплаган эди. У Туркистон ёшлиарининг Туркия билан алоқасидан чўчиган ва ёш турклар таъсирини йўқотиш чораларини излаган. ТРМБ архивида Мирза Аҳмад Күшбегиевнинг «Тарақ-

Фитрат 1909—1913 йилларда Истанбулда таҳсил олиб қайтиш чоғида Ҳиндистон ва Афғонистонда бўлади. У Истанбулдан мутлақо янги туғилган одамдай бўлиб қайтади. Шу боис ўзига «Фитрат» — «Туғилиш» деб таҳаллус олади.

Бу ўринда Андижондаги «Тараққийпарварлар»нинг таҳсинга сазовор ташабbusларидан бирини эслаш ҳам жоиздир. 1917 йилнинг 19 февралялида шаҳардаги маҳаллий жамоат арбоблари, маърифатпарвар ташкилотлар вакиллари, жадидларнинг Фарғона водийсида замонавий институт очишфа бағишиланган йиғилиши бўлди. Йиғилиш кечқурун соат етти яримда бошланиб тунги 3 гача давом этди. П. М. Турнеев, П. Н. Шереметьевский, В. А. Чайкин ва бошқа кўплаб нотиқлар ўз

<sup>1</sup> «Туркестанский голос», 1917 йил февраль.

қийпарварлар жамияти ғоялари очерки» деб номланган маълумтономаси бу жиҳатдан дикқатга сазовордир. «Тараққийпарварлар жамиятининг бош ғояси, — деб ёзган А. Қушбегиев, — ёш турклар тараққиётига тақлид этишдир. Уларнинг режаси халққа сиёсий ва ички эркинлик бериш, аҳоли ўртасида улар ўз эътиборларини сиёsat ва дин заминидаги ҳаракатлари билан амалга оширишни режалаштиришган. Улар ўзларини халқни рус ва маҳаллий маъмурият зулмидан холос этишга қаратилган сиёsatни олиб борувчилар қилиб кўrsatiшга интилишади, рус тили ва маълумотини эгаллаган ва рус элементлари доирасида юрувчи ёшларнинг кўпчилиги уларга хайриҳоҳ ва ғояларини тарқатишда яқиндан ёрдамлашади»<sup>1</sup>.

ТРМБ туркларга хайриҳоҳ ёшлар сафидан энг хавфлиси деб Мунаvvар қоридан сўнг унинг дўсти Убайдулла Асадуллахўжавени билган ва уни тезда рўйхатга олган. У, маҳфий айғоқчи таърифича, «рус тили ва маълумотини эгаллаган ёшлардан» эди. Тошкент эски шаҳарининг «Қорёғди» маҳалласида боғбон Асадулла маҳсум оиласида дунёга келган Убайдуллахўжа рустузем мактабини битиргач, келиштирувчи судья идорасида тилмоч сифатида фаолиятини бошлаган. Унинг уқувлилиги, ақлидроқи ва билимга чанқоқлиги судья эътиборини ўзига жалб қилди. Саратов шаҳрига жўнашга тўғри келганда Убайдуллани ҳам ўзи билан олиб кетиб, унга устоз бўлишининг сабаби ҳам шу эди. Саратовда у адлия бўйича мутахассисликни ўрганиб, ҳам назарий, ҳам амалий билимларни эгаллади. Ўша йилларда У рус инқилобий ғояларига қизиқиб, эсерлар билан яқинлашди. Убайдуллахўжа 1909 йилда Лев Толстойга хат ёзгани ва унинг таълимоти ҳақида ўз фикр-мулоҳазаларини билдиргани дикқатга сазовор. Буюк адабнинг ёш ўзбек йигити мактубига жавоб ёзиб, Саратовга йўллагани ҳам Убайдулланинг ақл-заковати улуғ ёзувчи эътиборини жалб қилганидан далолат беради. У социал-демократ, эсерлар дастури билан танишади ва ўз дунёқарашини шакллантиришда уларнинг тажрибасидан фойдаланади.

### **Мулоҳаза учун маълумот**

**Убайдулла Асадуллахўжа ўғлининг 1909 йил 29 майда  
рус ёзувчиси Л.Н.Толстойга йўллаган мактуби**

Хурматли Лев Николаевич !

Мен Сизни безовта қилишни хоҳламасам-да, ушбу мактубим орқали ўзим учун шубҳали тюолган «ёвузликка ёвузлик қилмаслик» ҳақидаги саволга жавоб олиш учун мурожаат қилишга жазм этдим. «Ёвузликка ёвузлик қилмаслик» ҳақидаги гап сўзсиз ҳақиқат эканлигини эътироф этсан-да, куйида келтирилаётган воқеадан кейин қандай ҳаракат қилиш лозимлигини билмайман. «Ёвузликка ёвузлик билан жавоб бермаслик» нафакат мен

<sup>1</sup> ЎЭР МДА, 461-жамгарма, I-рўйхат, 1968-иш, 13-вараг.

амал қиласын Ислом дини ва дунёкарашига, балки Инжил ва Таврот талабларига ҳам тұлық мос келади. Менимча, «әвузлика әвузлик»нинг асосида «агар бирор киши қандайdir әвузлик қылса, бу билан битта әвузлик содир этилади, агар мен үша әвузликка қаршилик қылсам ва қасос олсан, табиийки, бунинг оқибатида битта әвузлик үрнига иккита әвузлик содир этилган бўлади. Агар мен қаршилик қылmasам, битта әвузлик қўпаймайди, битталигича қолади», деган ҳақиқат ётади. Шундай қилиб қаршилик қылmasлик ва бошқа йўллар билан әвузликни иложи борича камайтириш керак деган холоса чиқади. Фарааз қиласынни, мен қандайdir бир кишининг бутун бир уйни, шаҳарни ёкии юбориш ёки поезд ё пароходни ҳалокатга учратиб, сўзсиз ўнлаб-юзлаб ва минглаб кишиларнинг ҳалок бўлишига олиб келиши керак бўлган катта әвузлик қилмоқчилигидан хабардорман. Инсонийлик нұқтаи назаридан қараганда, мен тайёрланадиган әвузликдан огохлантируви чоралар кўришим лозим. Аммо бунинг учун менинг балки үша әвузлик қилмоқчи бўлган кишини ўзининг қабиқ ниятини амалга оширмасдан йўқ қылmasликдан бошқа чорам бўлмас.

Менинг у әвузни йўқотиши билан қилган әвузлигим ўнлаб, юзлаб ва минглаб кишининг кутқарилиши туфайли олди олинган жуда катта әвузлик олдида ҳеч нарса эмас. Мен ўзимнинг ҳаракатимни әвузлик деб эмас, ундан ҳам катта әвузликнинг олдини олишнинг ягона йўли деган бўлар эдим.

Менинг фикрим шундай, аммо унинг тўғри ёки нотўғри эканлигини билмайман, шунинг учун ҳам Сизга узоқ иккиланишлардан сўнг, тушунтириб беришингизни сўраб, мурожаат қилишга жазм этдим.

Агар мени жуда қизиқтирган саволга ўзингизнинг шарҳингизни раво кўрсангиз, абадул абад Сиздан миннатдор бўлар эдим.

Менинг турар жойим: Саратов шаҳри, Юреков пассаж-уи, хукуқшунослик бўлими, Хўжаев Убайдулла Асадуллаевичга,

Сизга сидқидилдан содик мусулмон

Уб. А. Хўжаев.  
1909 йил 28 май.  
Саратов ш.

### Л. Н. Толстойнинг жавоб мактуби

Ясная Поляна. 1909 йил 5 июнь.

Убайдулла Асадуллаевич!

Сиз мендан сўрабсизки, бир кимсанинг кўп одамларга әвузлик қилиш нияти маълум бўлса, у тақдирда қаршилик кўрсатмаслик ҳақидаги таълимотин тан олган киши нима қилиши керак? Кўпчилик ҳалокатининг олдини олиш учун, үша бир кишига нисбатан қўллаш маъқул эмасми?

Авф этасиз, саволингиз, кўпларнинг шу хилдаги саволлари сингари ҳақиқатни билиш истагидан эмас, аксинча, ҳақиқат деб ҳисоблаган нарсани адо этмасликни оқлаш истагидан келиб чиқкан. Инсонга меҳр-муҳаббат ҳақидаги таълимот қаршилик кўрсатмаслик тушунчасини ҳам ўз ичига олиб, у инсон интиладиган идеални билдиради. Идеални таомилнинг оддий коидаси деб билиш эса катта хато ёки ўз-ўзини алдашдир. Бу ҳаётда ҳеч қачон тўла эришиб бўлмайдиган етуқ камолотни талаб этувчи идеалгина идеал бўла олади. Лекин у ҳаётга раҳнамо сифатида зарурдир, ҳаётда эришиб бўлмайдиган ана шу камолотдан дарак бергандагина зарурдир. Меҳр-муҳаббат идеали ҳақида ҳам шуни айтиш мумкин. Қаршилик кўрсатмаслик тушунчасини ҳам ўз ичига оладиган меҳр-муҳаббатни талаб этиш — ҳеч вакт тўла адо этиб бўлмайдиган нарсадир. Шунинг учун уни адо этишга интилиш ҳам керак эмас деган мулоҳаза менга компас тутган шундай бир одамни эслатади: йўлда манзилинга тикка бор деб унинг кўлига компас тутқазганилар, у бўлса компас кўрсатган тўғри йўлдан ўтиб

бўлмайдиган тусиқлар: тоғлар, дарёлар ва ҳоказолар бор, шу сабабли ҳам мен мумкин қадар мутлақо тўғри йўлга тушиб олиш учун компасга риоя килиб ўтирамай, бошим оққанча четта қараб кетаверишим мумкин, деб туриб олади. Каршилик кўрсатмасликни ҳам ўз ичига оладиган меҳр-мухабbat масаласида эса компас доимо нима қилиш кераклигини (сайёхга йўналишни) кўрсатадиган ахлоқий-диний туйғудир. Одамнинг хатти-ҳараларидан келиб чиқадиган оқибатлар эса ҳеч қачон унга аён бўлмайди. Шунга кўра, сайёх учун компас кўрсатган мутлак тўғри йўналишга мумкин қадар яқинроқ юриш бирдан-бир раҳнамо булганидек, ахлоқий идеалга мумкин қадар яқин бўлишга интилиш — инсон учун бирдан -бир раҳнамо бўлиши керак.

Саволингизга берган жавобим Сизни қаноатлантира олса фоят хурсанд бўлур эдим.

Лев Толстой.  
Ясная Поляна.  
1909 йил 5 июнь<sup>1</sup>.

\* \* \*

**Маҳаллий театр.** Саратовлик эсерлар тавсияси билан Убайдуллани эсер, Тошкент суди ишончли вакили (давлат хизматидаги адвокат) Иван Чарковский ўз идорасига ишга олади. Қисқа муддат ичидаги олий маълумотли Убайдулла мустақил равишда адвокатлик ишини юрита бошлади. Бийрон русча нутқи адлия ишининг нозик нуктадони, Россия империяси қонунлари мажмуасининг билимдони сифатида мижозлари ишини муваффақият билан якунлагани, бир неча катта суд жараённада галаба қозонгани унга обрў-эътибор келтиради.

ТРМБ бошлиги полковник М. Волков уни 1913 йилдан қайдга олиб мунтазам кузатувда тутгани сабабини шундай изоҳлаган: «Убайдулла Асадуллахўжаев. Тошкент сартларидан. Хусусий ишончли вакил. Ҳўжаев Саратовдан Тошкентга қайтиб, қисман адвокатлик ва қисман тарғиботчилик қила бошлаган, 1913 йилдан ТРМБга эътиқодли панисломчи сифатида маълум. У «Умид» деб аталган илгор мусулмон гуруҳига етакчилик қила бошлаган»<sup>2</sup>.

Убайдуллахўжа дўсти Мунаввар қори, Абдулла Авлоний, Рахим Иноғомов, Комилбек Норбеков, Тўлаган Ҳўжамёров (Тавалло), Мухаммад Пошшахўжаев, Тошпўлатбек Норбўтабеков ва бошқалар билан биргаликда «Турон» жамиятини тузади. Бу жамият низомида қўйилагилар ёзилган: «Халқ орасида жадидий ва саҳна ишига ҳамда хайрияга муҳабbat уйғотиш; халқ учун спектакль қўйиб, соғлом томоша кўрсатиш; Туркистон үлкаси ҳудудида яшовчи муҳтож мусулмонларга моддий ёрдам бериб, маънавий ва моддий жиҳатини яхшилаш». 1913 йил июнь-июль ойларида «Турон» труппаси ўзининг норасмий спектаклини кўрсатади. Мунаввар қорининг маълумотига қараганда, ундан 600 сўм фойда кўрил-

<sup>1</sup> «Туркестанский голос», 1916 йил. №136. Ўзбек тилида бу мактублар «Гулистан» журналининг 1971 йил 11-сонида эълон қилинган.

<sup>2</sup> УзР МДА, 1-жамғарма, 31-рўйхат, 1144-иш, 6-варақ.



Туркистоннинг таниқли адвокати,  
ношири ва жамоат арбоби Убайдулла-  
хўжа Асадуллаҳўжа ғали.

Тарафи ойнабанд қилингон бир уйга ўхшайдурки, унга ҳар ким кирса, ўзининг хусн ва қабиҳлигини, айб ва нуқсонини кўриб ибрат олур... Театр саҳнасига чиқиб, юзига ун суртиб, бир масхарабоз шаклига кирган зотлар гўёки табиби ҳозиқ мисолидадир<sup>1</sup>. Муфтий Маҳмудхўжа Беҳбудийнинг «Падаркуш» пьесаси катта муваффақият қозониб, эл оғзига тушди. Бу шунчаки бир маданий тадбир бўлмай, балки миллий ўзлигини англашдек сиёсий дастур эканлигини ТРМБ бошлиғи қайд қилгани бежиз эмас. Абдулла Авлоний бу ҳақда шундай ёзган: «1913 йилдан бошлаб халқни кўзин очмоқ, маданиятга яқинлаштиromoқ учун театру ишларига киришуб Тошкентда бир неча маротаба театру ўйнагондан сўнг бутун Фарғонани айлануб, ҳар бир шаҳарларда бир неча мартабадан театру ўйнаб қайтдик. Бу вақтларда бизнинг мақсадимиз зоҳирда театру бўлса ҳам, ботинда Туркистон ёшларини сиёсий жиҳатдан бирлаштирув ва инқилобга ҳозирлов эди»<sup>2</sup>.

<sup>1</sup> Сирожиддин Аҳмад. Мунаввар қори. «Шарқ юлдузи». 1992 йил, 5-сон.

<sup>2</sup> А. Авлоний. Бурунги ўзбек вақтли матбуотининг тарихи. «Туркистон», 1924 йил 24 июнь; Ш. Ризаев. Жадид драмаси. Т., «Шарқ», 1997.



«Турон» труппаси аъзолари.

Тадқиқотчиларнинг маълумотига қараганда, «Падаркуш» пьесасидан кейин 1917 йилгача ўзбек драмаларининг сони 40 га етган. Тошкент, Самарқанд, Андижон, Кўқон шаҳарларида турли труппалар вужудга келган. Маҳмудхўжа Бехбудийнинг «Падаркуш» пьесаси таъсири ўлароқ, бутун бир сиёсий оқим муҳолифлар томонидан «Падаркушчилар» деб аталишига сабаб бўлади. Жадидларни шундай номлаш жоҳил уламолар ва бидъатчи унсурлар орасида расм бўлиб кетдики, уни кейинчалик рус мустамлакачилари ва шўро тадқиқотчилари ҳам мафкура-вий нуқтаи назардан ишлатдилар.

«Турон» жамиятининг обрўси ва тарихий хизмати ҳақида Мунаввар қори бундай деб ёзган эди: «Тошкент жамиятининг исмини унутган, ёки ҳеч бир жамият деган сўзни эшитмаган Тошкент мусулмонларининг етти яшаридан етмиш яшаригача жамиятнинг вужудидан хабардор бўлди. Рус, яхудий ва арманлар фойдаланиб юрган ўринлардан фойдаланмоқ мусулмонларга ҳам мумкин эканлиги очиқ билинди. Бу эса Тошкент мусулмонларининг хийли руҳларини кўтарилимоғига ва жамиятга муҳаббат ила қарамоқларига сабаб ўлди»<sup>1</sup>.

Мунаввар қори ҳалқ маорифи аҳволи ҳақидаги бош мақоласида «Бутун дунёдаги маданий миллатларнинг қайфу ва ҳасрат-

<sup>1</sup> Сироғиiddин Аҳмад. Кўрсатилган мақола.

ларина иштирок этмаган ва бу шодлик масарратларидан баҳра олмаган бир қавм ва бир миллат зор эса ул ҳам Туркистон туркларири миз», деган. Мунаввар қори бошлангич ва ўрта мактаблар фаолиятидан қониқмаслигини очиқ айтиш билан бирга, мадраса ва мударрисларнинг ҳам заиф эканини ошкор қиласи: «Мадрасаларга имтиҳон жорий бўлса, кўп шогирдларнинг ва бир неча мударрисларнинг мадрасадан чиқармоқлари лозим келур». Ҳар бир халқнинг миллат сифатидаги шаклланишининг биринчи белгиси мазкур халқнинг ўзлигини таниши ва ўзини ҳимоя қилиш туйгусининг уйғониши, миллий қадриятларини сақлаш ва тараққий эттириш, бу йўлда турли-туман жамият ва уюшмаларни вужудга келтиришидир. Буни Мунаввар қори қуйидагича шарҳлади: «Маданий миллатларнинг бутун тараққиёти диния ва эҳтиёжот майллари учун энг ишончли суюнчиқ ва мутлақо эттеҳоз ўлинмиш ва уларда маданият наровонининг биринчи босқичи мактаб, иккинчиси жамият экан»<sup>1</sup>. Ана шунинг учун ҳам рус мустамлакачилари Туркистон халқлари ўртасидаги маърифатпарварликнинг ҳар қандай кўринишига барҳам беришга интилдилар. Каспийорти вилояти бошлиғининг 1908 йил 14 августда ўлка билим юртлари бош нозирига йўллаган хатида айтилган фикр бунга ёрқин далилдир. Рус генерали ўқитувчилар семинариясини тутгаллаб юртига қайтган туркманларга ўқитувчилик жойларини бермаганини асослаб шундай ёзган: «Мавжуд туземецлар мактаби ва 8-рус-тузем мактаблари туркманлар эҳтиёжини тўла қондиради. Россияда ўзи<sup>2</sup>.из томонимиздан яратилган ўчоқларимизда давлатга қарши ҳар хил ташвиқот юргизилаётгани етарлики, эндиликда туркман аҳолиси ўртасида яна бир ўчоқ яратиш мутлақ эҳтиётизлик бўлади. Мен туркманлар бизга содиқмас демоқчи эмасман. Аммо ҳозир улар ҳам биз, руслар аввалгидек аҳил ва кучли эмаслигимизни куришмоқда. Шунинг учун ҳам туркманларнинг дунёқарашида Россия қулратига ишонч мустаҳкам эмас ва бўлмайди ҳам»<sup>3</sup>.

Вилоят бошлиғи худди шу қирғиз даштларида русларга қарши фалаёнлар авж олаётганидек инқилобчилар фаолияти туфайли туркманларда ҳам қарши ҳаракат учқунлари пайдо бўлаётганидан ташвишини яширмайди. Тажан туман бошлиғига юборган ахборотида ўз туманида Гамзабек Сулаймонов деган зиёлий пайдо бўлгани ва халқни ҳукуматга қарши қайраётганини айтиб, Гамзабекка мурожаат қилаётган ҳар бир кишини бир ой муҳлатта қамаётганини маълум қилгани ҳам диққатга сазовордир<sup>3</sup>.

<sup>1</sup> Ўша жойда.

<sup>2</sup> ЎзР МДА, 1-жамғарма, 31-рўйхат, 433-иш, 233-варақ.

<sup>3</sup> Ўша жойда.

Мустамлака маъмурияти маҳаллий миллатлар ўртасидаги миллий-озодлик ва инқилобий ҳаракатнинг ҳар бир кўринишини зудлик билан, ривож топмасидан олдин, бўғиб ташлашга асосий дикқатини қаратди. Сиёсий разведка фаолиятининг дикқати ҳам шу масалага қаратилди.

Рус мустамлакачилари ўлка туб аҳолиси 1905—1907 йиллардаги инқилобий воқеалардан хулоса чиқариб, мустамлака тузумига қарши кайфиятда иш кўра бошлиганини пайқадилар. Самарқанд вилояти ҳарбий губернатори 1907 йил февраль ойида ўлкада жандарм назоратини ўрнатиш ҳақидаги маълумотномасида шу фикр мужассамдир. Рус ҳокимияти «Ўрта Осиёдаги инқилобий ташкилотларнинг маҳаллий аҳолига таъсирини йўқотини учун зарур миқдорда маблағ ва яхши воситаларга эга бўлиши керак»<sup>1</sup>, дея ўлка вилоятларида жиноий-сиёсий қидибув хизматини кенг миқёсда ташкил этишни таклиф қиласди. Бу хизмат, губернаторнинг фикрича, «тузем аҳолини инқилобий ташвиқотчилардан сақлашда» мухим роль ўйнаши керак. Унинг мулоҳазаларини Фарғона вилояти ҳарбий губернатори ҳам маъкуллаб, бугунда сиёсий жиноятчилар сони ерли аҳоли вакиллари ҳисобига кўпайганини ҳам қўшиб қўяди. Маълумотномага Янги Марғилон округ судида Фоғиржон Исломжонов, Тошмаҳсум Муллаҳўжашев каби ўзбеклар ишини илова қиласди. «Тайёр ва кент тармоқ отган ташкилот ва идораларга эга бўлган маъмурият ва полиция, — уқтиради у, — кенгаҳоли билан ҳар куни муттасил тўқнашиб туради ва уни назорат қилишга ажойиб имкониятга эга»<sup>2</sup>. Вилоят губернаторлари фикрини генерал-губернатор Н. И. Гродеков қизғин қўллаб-қувватлаб, ҳарбий вазирликка шу хусусда таклифномалар жўнатди. Санкт-Петербургнинг ҳарбий-сиёсий доиралари бу таклифларни ғоят жиддий ва қизиқиш билан ўрганди. Империя ҳукумати Туркистондаги мустамлака тузумига таҳдид сооловчи жиддий куч оз сонли рус социал-демократлари, социал-инқилобчилари эмас, балки ўлкада ўйғониб келаётган миллий онт эканлигини яхши англади. Шахсан император Николай II нинг амри билан ҳукмрон Сенат ўлкага сенатор гофмейстер граф К. К. Пален раҳбарлигига барча соҳалар мутахассисларидан иборат катта тафтиш комиссиясини юборди. Ички ишлар вазири айни шу мақсадда миллий-озодлик ғояси ва аҳоли кайфиятини ўрганиш ва зудлик билан қарши чоралар кўриш учун Тошкентга сиёсий иғвогарликлар устаси изқувар зобит Алоҳида жандармлар корпуси подполковники Н. А. Васильевни катта ваколатлар билан жўнатди. Подполковник Васильев сиёсий изқувар сифатида маърифатчилик ғоясини кўтариб, янги усулдаги мактаблар, газеталар очган жадидларнинг туб мақсади рус

<sup>1</sup> Уша жойда.

<sup>2</sup> Уша жойда.

мустамлака тузумини агдариш эканлигини яхши тушунган. Мунаввар қорининг ўзи ҳам бу ҳақда шундай деган: «Чор ҳукуматини йўқотиш жадидларнинг тилагида бор эди. Сиёсий вазифамиз ва мақсадимиз ҳам шундан иборат бўлиши яширин эмас. Наинки биз жадид мактаби очиш билан савдо хизматчилари, бошқа таъбир билан айтганда, дўконда үлтириб насия ёзадургон ходимлар етказсан. Шу ишга ақдли одам шу баҳони беришда у ёқ бу ёқни мулоҳаза қиласин»<sup>1</sup>.

Таникли маърифатчи Абдулла Авлоний ўз таржимаи ҳолида мазкур масалага ойдинлик киритади: «1904 йилда рус-япон уруши чиқиб, бу уруш бутун Россия ишчиларининг кўзини очғондек бизнинг ҳам кўзимиз очилди. 1905 йилдаги Россияда бошланган инқилоб тўлқини бизга ҳам таъсир қиласи. Бизнинг ташкилотимиз сиёсий маслакларга тушуниб, биринчи навбатда қора ҳалқни оқартмоқ ва кўзни очмоқ чорасига киришли. Бу мақсадга эришмоқ учун газит чиқармоқни муносиб кўруб, уюшманинг ҳаракати билан ўзбек тилида газеталар чиқарилди. 1906 йилда «Тараққий», «Хуршид» газеталари чиқуб, эски ҳукумат томонидан тўхтатилғондан сўнг, 1907 йилда мен ўз муҳаррирлигим билан ҳамда темир йўл ишчиларининг социал-демократ фирмасининг алоқа ва ёрдами билан «Шуҳрат» номиндаги газитни Сапёрни кўчада чиқардим»<sup>2</sup>.

Хулоса тариқасида шуни таъкидлаш лозимки, XX аср бошларда Туркистон ҳалқ маорифи ривожида янги усул мактаблари муҳим ўрин тутган эди. Жадидларнинг янги усул мактаблари Туркистон ҳалқ маорифи тизимида туб бурилиш ясади. Эски мактаблар ва мадрасаларда ўқув сифатини яхшилаш ва замон талабларига мос иш тутишга зўр туртки берди. Бу соҳада матбуотнинг мавқеи катта бўлди.

**Китоб санъати.** Мустамлака Туркистонда босмахоналар ташкил топиши ва уларда газеталар, журналлар ва китобларнинг чиқиши тасвирий санъат ривожига таъсир қиласи, маҳаллий тилларда китоб, газета, илмий тўплам ва тақвимлар нашр этила бошланди. Бу нашрларда тасвирий санъатнинг илк наимулари юзага кела бошлади. Бу асарлар ўзига хос, содда ва кўп ҳолларда ҳарф ва ҳандасавий шакллар ранг-баранглиги, миллий нақшларни янги даврга мослаб ишланган кўринишлари тарзида намоён бўлди. Аста-секин нашр қилинаётган китобларга тасвир-безаклар киритиш ривожлана борди. Бу ишларга маҳаллий рассомлар ҳам кенг жалб этилди. 1908 йили Тошкентда нашр қилинган «Шоҳнома», «Фарҳод ва Ширин» каби қатор китоблар суратлар билан безатилиб чиқарилди. Фирдавсийнинг «Шоҳнома» достони расмларини Раҳматулла ва Раҳ-

<sup>1</sup> Сирожиддин Аҳмад. Курсатилган мақола.

<sup>2</sup> А. Авлоний. Бурунги ўзбек вақтли матбуотининг тарихи. «Туркистон», 1924 йил 24 июнь.

матулабек, мулла Абдушукур, Саъдийнинг «Гулистон» ҳамда «Гур ўғли» достонига Сирожиддин маҳдум Сиддиқий безаклар ишлаган. Уларда рассомлар маҳаллий миниатюра санъати ань-аналари билан бирга Европа реалистик санъати анъаналаридан ҳам фойдаланишга интилишган. «Гур ўғли» достонига ишланган миниатюраларда С. Сиддиқий ўз қаҳрамонлари қиёфасини ҳаққоний талқин этишга ҳаракат қилган. Рассомлар баъзи китоблар учун эса хорижий мамлакатларда чиққан китоб иллюстрацияларидан нусха олишган. Китоб графикаси, унинг муқовасини ишлашда миллий анъанавий шакллар билан бирга секинаста рус ва Европа китоб санъати анъаналари ҳам кенг ёйила бошланди. Шу ўринда рус ёзувчиси Г. А. Панкратьевнинг рус тилида нашр этилган «Исторические памятники города Самарканда» (1910) китоби муқовасини эслаш кифоя. Муқовага пештоқнинг олд кўринишини эслатувчи шакл ишлатилиб, унинг ичida китоб номи, муаллифнинг исми-шарифи кири-тилган. Натижада рус китоб графикаси услуби ўзбек нақш санъати билан бойиб, маҳаллий мазмун ва кўринишга эга бўлган. Шуни алоҳида таъкидлаш лозимки, бу даврда Ўзбекистон ҳудудида нашр қилинган китоблар, жумладан, илмий йўналишдаги китобларни чоп этишда уларни тасвир-иллюстрациялар билан тўлдириш ҳоллари ҳам кенг тус ола бошлаган. Бу суратлар ўз характеристики жиҳатидан реал бўлиб, гравюра техникасида бажарилган. Туркистон ўлкасининг ҳайвонот олами, шунингдек, бу ҳудуддаги турли миллат ва элат кишиларининг қиёфалари шу китобларнинг иллюстрацияларида ўз аксими топган. Турли масжид ва мадрасалар, Туркистоннинг ажойиб табиати кўринишлари ҳам шу даврда нашр этилган китоблардан кенг ўрин олган. Жумладан, И. И. Гейернинг «Туркистон йўл курсаткичи»да (1901) табиат кўринишлари, тарихий обидалардан ташқари, халқ ҳаётидан олинган лавҳалар ҳам ўрин олган. XIX аср охири — XX аср бошларидаги ҳудуддаги бадиий ҳаёт бирмунча ривож топиб, бу ерда Россия китобот санъати услублари ўзининг янги қирраларини намоён эта бошлади.

Миллий санъат услублари Европа санъати услублари билан уйгуналаша бошлади. Бу даврда яратилган қўпгина санъат асарлари, жумладан, китобот санъатида яратилган асарлар, энг аввало рус мафкураси ва маданиятининг истило қилинган ерлардаги санъати эди. Аммо, шу билан бирга, бу асарлар бевосита Ўзбекистон ҳудудида яратилган ва миллий зиёлилар ҳаётида муҳим роль ўйнаган. Маҳаллий зиёлилар «ил-фор маданият»дан ортда қолмасликка интилдилар, даврнинг энг янги ва сўнгги қашфиёт ва жараёнларидан боҳабар бўлиб бордилар. Уларнинг ичida санъат билан шуғулланадиган ва миллий санъатга янгиликлар киритишга ҳаракат қила бошлаган ижодкорлар сафи кенгая борди. Бу даврда бадиий ҳаётда Россиянинг турли минтақаларидан келган рассом ва

бошқа ижодкорлар етакчилик қилдилар. XX аср бошларига қадар бу ерга 40 дан ортиқ санъаткор келиб ижод қылған. Уларнинг күпчилиги кейинчалик шу ерда үтрок бўлиб, ўзларининг бутун фаолиятини ўлқага бағишладилар. Россия марказида содир бўлаётган жараёнлар тезлик билан Туркистон заминига ҳам кириб келабошлини. Китоб муқоваси ва унинг ички безак ҳамда иллюстрацияларида XX аср Европа санъатида кенг тарқала бошланган «модерн» услуби ўз аксини топа борган. «Ўрта Осиё альманахи» шундай нашрлардан бўлиб, унда геометрик шакл ва чизиқлар, уларнинг мураккаб бирлашма ва ҳосилалари яратилган. XIX аср охирида ҳаттотлик, қўлёзмалар тайёрлаш, аниқроғи босмахоналар ёрдамисиз китоб яратиш жараёни жуда қисқариб кетди. Бу сўзсиз ҳаттотлик санъатига бўлган талабни ҳам камайтириб юборди. Босма ҳарф ва тасвир клишеси—тасвири қофозга тушуриш учун мўлжалланган маҳсус ишланмага бўлган талабнинг юзага келиши эса шунга монанд мутахассисларнинг пайдо бўлишини таъминлadi. Босма услубда китоб тайёрлаш ва уни кўп нусхада чиқариш имконияти маърифий-маданий ишларнинг жонланишига, китобхонлар сафининг кенгайишига олиб келди. Графика санъатининг ривожланиши ва турларининг кенгайишини таъминлadi. Плакатнинг турли кўринишлари, афиша, реклама, эълон варақалари, амалий графика борасидаги асарлар бу даврдаги Туркистон бадиий мұхитида етакчи ўринни эгаллаб, ижтимоий ҳаётда фаол иштирок этди.

**Тасвирий санъат.** XIX аср охири — XX аср бошларидаги Туркистон ўлкаси бадиий ҳаётида қаламтасвир ва айниқса рангтасвир санъати етакчи ўринни эгаллаб, бу санъат турларида, асосан, рус рассомлик мактабининг вакиллари ҳамда рус салтанатининг турли ҳудудларидан келган ижодкорлар етакчи ўрин эгалладилар. Агар ҳайкалтарошлиқ ва графика санъатида оз бўлса ҳам маҳаллий ижодкорларнинг вакилларини учратсан, аксинча, ҳали бу турларда бирор-бир маҳаллий ижодкор етишмаган эди. Бу соҳа ижодкорларининг яратиб қолдирган асарлари даврнинг мухим ҳужжати сифатида қимматлидир. Бу санъат турларида турли мислат вакиллари ва турли зътиқод соҳибларининг профессионал маҳорати турлича бўлган санъаткорлар иштирок этган. Бундай рассомлар ичida В. Верещагин, Н. Каразин, олим ва рассом Дмитрий-Кавказский, В. Вележе, О. Федченко ва бошқаларни кўриш мумкин. Кейинроқ эса таникли рассомлар П. Кузнецов, К. С. Петров-Водкин, Г. Нюренгберг ва бошқа ижодкорлар ўз асарларининг бир қисмини Ўрта Осиё ҳаёти, табиати манзаралари, одамларининг турмуш тарзи ни тасвирилашга бағишладилар.

Бу рассомлар орасида рус қуроли, рус шуҳратини кўкларга кўтартган, ашаддий шовинист В. Верещагин алоҳида ажралиб

туради. У 1865 йили юртимизга ҳарбийлар билан бирга кириб келди, шаҳар ва қишлоқларни вайрон қилишда қатнашиб, рус қўшинлари галабасини кўкларга кўтариб мақтади. Махсус кундалик тутиб, булаётган воқеаларни қоғозга туширди. У ўз кундаликлирида «бир туземецни минорадан улоқтириб юборганиман», «биз ўтган шаҳар-қишлоқларда тутун бурқсираб қолар эди», «ўлим талвасасида жон бераётган дордаги мурданинг расмини ишлаганман» деб мақтанади. Верещагин Туркистонга келганида рус тасвирий санъатида танила бошлаган рассомлардан эди. Ўлканинг кўп ерларида бўлди. Бу ерда у рангда ва қаламда расмлар чизди. Тўплланган расмлар асосида кейинчалик ўзининг машҳур «Туркистон» асарлар туркумини яратди. Верещагиннинг «Туркистон» деб номланган асарлар туркумини тўрт гурухга ажратиш мумкин.

Биринчи гурухга рассомнинг ишлаган қаламчизги ва рангчизгилари, этнографик характеристики портрет ва композицияларини киритиш мумкин. Рассомнинг бу туркумдаги асарларида ўлканинг ажойиб меъморлик обидалари, ҳалқ амалий безак санъати тасвир этилган. Шунингдек, бу гурухга кирган расмларда турли миллат вакилларининг этник қиёфаларини юксак маҳорат билан ишлаган муаллиф уларнинг руҳий ҳолатларини ҳам очиб беришга ҳаракат қилган.

Туркумнинг иккинчи гурухига киравчи асарлар майший мавзуга бағишлиланган бўлиб, унда рассом ўлкадаги мустамлака шароитидаги ҳалқнинг оғир қисмати, дарвиш ва тиланчилар қиёфасини тасвирлайди. Унинг «Зиндонда», «Кўкнорихўлар», «Кул савдоси», «Болани сотиш», «Тиланчи дарвишлар» каби асарлари атайнин ўлка ҳаётининг аянчли тарафларини кўрсатади.

Туркумнинг учинчи ва тўртинчи гурухи уруш мавзусига бағишлиланган. Бу асарларда рассом урушнинг нақадар шафқатсиз эканлигини кўрсатади. Шу билан бирга, рассом бу мавзуга улуг рус шовинизми, энг аввало, рус салтанати мафкураси нуқтаи назаридан ёндошли. Рус жангчиларининг Ўрта Осиёни босиб олишда кўрсатган жасоратларини бўрттириб тасвирлайди. Кимсасиз саҳрова қора қарғаларга ем бўлиб ётган рус жангчисини ачиниш билан кўрсатади. Унинг Туркистон ҳимоячиларини акс эттирган асарлари эса нафрат туйгулари билан тўлиб-тошиб, унла юрт ҳимоячилари гўё ваҳший босқинчилардек тасвирланади. Асарларининг номи ҳам шунга монанд танланган. «Ваҳшийлар», «Тантана қилишмоқда», «Ўлжани кўрсатишмоқда» ва бошқалар шулар жумласиландир.

Бу тасвирлардан бирида туркистонликлар қоидан рус жангчиларининг бошларини ўз амирлари оёғи остига тўкаётган пайти тасвирланади. Бошқа бир асарда рус жангчиларининг бошлари ёғоч қозиққа илиниб, Регистон майдонида оламларга кўрсатилаётганлиги тасвирланади. Верещагиннинг

ишилари ичиде «Жанг тантанаси» асари ҳам машхур. Одам бош сүягидан қал кутарган минора ва унинг теварак-атрофида қора қарғалар учуб юришида фожиали ва даҳшатли уруш тантанаси ўз аксини топган. Бу асарнинг ёғоч ҳошиясига «утган, ўтаётган ва келадиган буюк босқинчи саркардаларга бағишиланади», деб ёзиб қўйилган. XIX аср охиридан бошлаб бошқа халқлар ва давлатларнинг вакиллари ҳам Туркистонга келиб кетдилар ва ўлка билан яқиндан танишидилар. Унга атаб асарлар ёздилар. Булар орасида швед олими Свен Гедин, американинг таниқли ёзувчиси Теодор Драйзер, украин рассоми Сергей Светославский, грузин рассоми Г. Габашвили ва бошқаларни учратамиз.

Украин рассоми Сергей Светославский (1857—1931) Самарқандга атаб кўпгина расмлар чизган. Унинг «Самарқанд оқшоми», «Самарқанд бозори», «Ўрта Осиё манзараси» каби асарлари маълум. «Бибихоним олдидағи бозор» (1910) асари унинг халқчил анъаналарга содиқ эканлигини ва воқеликни танқидий идрок этиш ҳамда тасвирлаш қобилиятига эга эканлигини кўрсатади. Рассом ўлканинг бой ўтмишини улуғвор, лекин вайрона булиб бораётган Бибихоним масжиди мисолида ўлканинг мустамлака истибоди давридаги аҳволини шу улуғ ёдгорлик ва унинг остонасидағи бозор кўриниши, лой йўлаклар, йиқилиб кетай деб турган кулбалар орқали тасвирлайди. Табиат манзараси — булатга бурканган осмон, барглари тўкилиб бораётган дараҳт мазмунга янада мунгли оҳанг ва изтироб бағишлияди.

Туркистонда XIX аср охирида бўлган Георгий Габашвили Тбилиси Бадий академиясининг ташкилотчиси ва профессорларидан бири бўлиб, у Самарқанд ва Бухорода қатор асарлар, қаламсуратлар ишлаган. Уларда Ўрта Осиёнинг маҳобатли меъморчилик ёдгорликлари ўз ифодасини топган.

Яна бир рассом Сергей Юдин (1858—1933) манзара жанрида катта полотнолар яратиб, тошкентлик санъат муҳлислиари орасида шуҳрат қозонган эди. «Тоғдаги чойхона» асари рассомнинг воқеликни ниҳоятда табиий ишлашдаги юксак маҳоратини намойиш этади. С. Юдин 1889 йилдан 1923 йилгача Туркистон ўлкаси бадий мактабида устозлик қилди. Ўзбекистоннинг таниқли рассоми Н. Қорахон, таниқли рус рассомлари С. Чуйков, Маленина, Н. Куприяновалар, ҳайкалтарошлар Швац, Слоним шу даргоҳда ўқиган кезларида С. Юдиннинг таълимими олдилар.

XIX аср охиридан эътиборан Туркистон ўлкасида туғилиб ўсан ижодкорлар ҳам бадий ҳаётда иштирок этиб, шу давр санъати ривожига ўз ҳиссаларини кўша бошладилар. Самарқандда туғилиб ўсан Лев Бурд (1887—1943) Москва бадий мактабида таълим олиб қайтгач (1907), ушбу шаҳарда ўз фаолиятини бошлади. Шаҳар кўриниши, унинг ҳаёти, ёдгорликла-

ри, одамларига бағишилаб күплаб асарлар яратди. Шаҳарнинг бадиий ҳаётида фаол иштирок этиб, кўргазмалар ташкил этишда, кейинроқ эса бадиий студия ва мактаблар очилишида хизматлари катта бўлди. Лев Бурд асарларининг асосий қисми мойбӯёқда бажарилган. Унинг «Эски шаҳар», «Регистон» ва бошқа асарлари бугунги кунда Ўзбекистоннинг қатор музейлари экспозициясидан ўрин олган.

XX аср бошларида санъат оламига кириб келган яна бир йирик рассом Александр Волковнинг (1886—1957) асл ватани Фарғонадир. У шу ерда таваллуд топди, Петербург Бадиий академиясида таниқли рус рассомлари Н. Рерих, И. Гилибин, В. Маковскийлардан сабоқ олди (1908—1910). Киевдаги бадиий мактабда бўлиб, машхур украин рассоми Ф. Кричевский ҳузурида маҳоратини ошириди (1912—1916). Туркестонга қайтгач, «янги» услубларда кўплаб асарлар яратди. Унинг «Анори қизил чойхона» асари кўпгина тадқиқотчилар томонидан юқори баҳоланди.

XX аср бошларига қадар Туркестон худудида санъатни ривожлантиришда рассомлар П. М. Никифоров, И. Казаков, О. Татевоян, А. Зоммер, А. Юсупов, С. Дудин, П. Кузнецов, С. К. Петров-Водкин ва бошқаларнинг ижоди салмоқлидир. Мазкур санъаткорларнинг асарлари бугунги Ўзбекистон ва ундан ташқаридаги музей ва шахсий галереялардан ўрин олган бўлиб, давр руҳини ўзида намоён этиб келмоқда.

Туркестон генерал-губернаторлиги худудида меъморлик ва амалий безак санъатида ҳам ўзгаришлар юз берди. Меъморчиликда маҳаллий анъаналар асосида ишланган ёдгорликларга нисбатан (масалан, масжид, мадраса курилишлари) европача услубда курилган бинолар етакчи ўринни эгаллади. Миллий меъморчиликда ҳалқ ижодиёти ва давр ўзгаришлари заминида янги технология ва конструкциялар бунёд этилди. Жумладан, пишиқ ғишт, тунука том, темир панжаралар курилишлари оқибатида таомилдаги «ески шаҳар» кўриниши ўзгара бошлади. Хона-интеръерларини безашда нақшли тасвирлардан ташқари мавзули деворий расмлар ҳам урфга кирди. Хориждан келтирилган қандил, чинни, кафел ва бошқа буюмлар ўзига тўқ оиласлар хонадони муҳитини янги давр руҳига мос қилиб ўзgartирди. XIX аср охири ва XX аср бошларида меъморчиликдаги ўзгаришлар ўлканинг муҳим шаҳарлари Тошкент, Самарқанд, Фарғонада айниқса кўзга яққол ташланди<sup>1</sup>.

<sup>1</sup> Н. Абдуллаев. Россия истилоси даврида Марказий Осиё санъати. Тошкент, 1999. 1—16-бетлар.

ХХ аср бошларида Туркистон ўлкасида генерал-губернаторликнинг расмий органи — «Туркестанские ведомости» ва унинг ўзбекча иловаси «Туркистон вилоятининг газети» мунтазам чиқиб турди. Унинг муҳаррири олим ва журналист Н. П. Остроумов (1846—1930) эди. У 1877 йилдан 1917 йилгача Тошкентда хизмат қилган.

«Туркестанские ведомости» ва унинг иловаси «Туркистон вилоятининг газети» (1870—1917) ўлка тарихи, маданияти ва халқнинг турмушига оид жуда кўп мақолалар эълон қилганки, улар бугунги кунгача тарихчилар учун бебаҳо манба вазифасини ўтамоқда. Бу газеталар чоризмнинг мустамлакачилик сиёсати тарғиботчиси ва ташвиқотчиси бўлганини сира унутмаган ҳолда, уларнинг тарихий хизматларини, яъни ўша истибод зулми тарихини ёритишдаги хизматини алоҳида таъкидлаш лозим. Бу газетада шоир Фурқат асарлари ҳам босилган, илғор зиёлиларнинг материаллари ёритиб борилган.

Биринчи рус инқилоби (1905—1907) йилларида ўзбек жадидлари бир қанча газеталар чиқариши. Уларнинг орасида Исмоил Обидов муҳаррир бўлган «Тараққий» газетаси алоҳида ўрин тутади. Бу газета ўлқадаги ижтимоий-сиёсий тафаккурни ривожлантиришда катта роль ўйнади.

Жадидлар «Шуҳрат», «Хуршид» газеталарини ҳам чиқаргандар. Лекин бу газеталар чоризм томонидан тез орада ёпиб қўйилган. Бу ҳақда эсерларнинг яширин газетаси «Молот» мана буларни ёзган эди: «Туркистон эллик йилдан бери рус ҳукумати ҳукмронлиги остида кун кечирмоқда. Аммо Туркистон истило қилиниши арафасидаги жаҳолат ва нодонлик ҳанузгача сақланиб келмоқда. Ҳукумат бўйсундирилган халқни олға силжитиш ўёқда турсин, аксинча, ундаги хурофотни сақлаб қолли, чунки бу унга тинчгина ҳукмронлик қилиш ва аҳолини бемалол талашини таъминлар эди. Ерли аҳоли ўргасидаги ҳар бир янгилик ҳукумат томонидан душманлик билан қаршиланар ва шафқатсиз тусда бўғиб ташланар эди. Ҳаммага маълум эркинликлар деб аталиши озодлик эълон қилингач, хусусий ташаббусга йўл очилгач, туземешларнинг зиёли кучлари ўз билимлари билан она юртларига хизмат қилмоқчи бўлдилар. Жўшқин инқилоб туфайли уйғонган рус жамияти бошидан кечираётган жараёнга уларни жалб қилмоқчи бўлишди. Аммо уларнинг бу истаги бошиданоқ бўгиб ташланди. Ҳокими мутлақ золимнинг бир дастхати билан туземешларнинг тараққийпарвар маданий газеталари «Тараққий», «Хуршид», «Осиё» ёпиб қўйилди. Ҳозирги кунда ҳар бир давлатнинг истиқболи унинг маданияти даражасига боғлиқ бўлган йигирманчи асрда, ўз ҳудудида ўнлаб Фарбий Европа давлатлари бемалол сифадиган беш вилоятдан иборат Туркистонда, маҳаллий аҳоли 90 фоизни ташкил этувчи ўлкада маҳал-

лий тилда чиқувчи биронта ҳам хусусий газета йўқ. Аҳоли атайдаб зўрлик ила жаҳолатда сақланмоқда, чунки рус газеталари уларга етиб бормайди. Рус ватикани умуман маърифатни ёқтирмайди ва ҳар бир илфор органда ўзининг ашаддий душманини кўради. Атиги икки йил давомида подшо гумашталари томонидан «Русский Туркестан», «Туркестан», «Вперёд», «Фергана», «Самарканд», «Новый Самарканд», «Работник», «Ташкентский курьер», «Туркестанская жизнь» газеталарининг ёпилгани бу нинг яқъол далилидир<sup>1</sup>. Эсерларнинг бу яширин газетаси («Молот»)нинг 1908 йил 25 декабрдаги «Туркестонда рус давлатчилигини ўрнатишнинг қисқача очерки» деб номланган мақоласида номлари эслатилган жадидларнинг «Тараққий», «Хуршид», «Осиё» ва рус инқилобчиларининг нашрлари фаолиятига оид қизиқ фикрлар берилган. Чунончи, Тошкент эски шаҳар полицмейстери подполковник Н. Н. Карапулшчиков «Тузем аҳоли ўртасидаги озодлик ҳаракати» номи билан ёзган ахборотида сўнгги вақтларда ерли аҳоли анча дадиллашиб, ижтимоий ҳаётда уйғонгандилари ва бу борада илфор зиёлилар минбари — жадидлар ташкил қилган «Тараққий» газетаси салмоқли таъсир курсатишини алоҳида уқтириб ўтгани бежиз эмас<sup>2</sup>.

Салтанат маркази вакили алоҳида жандармлар корпуси подполковниги Васильев ўзининг дастлабки фаолиятини ўзбек зиёлилари — жадидларнинг рус инқилобий фирмалари билан алоқасини аниқлашдан бошлади. У Тошкент шаҳар ҳокимидан жадидларнинг етакчилари ва уларнинг оммавий ахборот нашрлари ҳақида маълумот талаб қилди. «Менга шуни хабар қилишингизни илтимос қиласманки, — деб ёзган эди Васильев, — 1907 йилда Тошкентда сарт тилида «Хуршид» сарлавҳаси остида газета чиқсанми? Ким унинг муҳаррири бўлган? Қачон чиқа бошлаган? Қандай сабабларга кўра тұхтатилган? Унинг йұналиши қандай бўлган? Қайси босмахонада чиқсан? Неча нусхада тарқатилган?» Тошкент шаҳар бошлиғи тезкорлик билан унга қўйидаги жавоб йўллаган: «Хуршид» газетаси соғ сарт тилида 1907 йилда чиқсан. Муҳаррири Шайховандтахур даҳасининг Дархон маҳалласида истиқомат қилувчи Мұнаввар қори Абдурашидхонов, ёрдамчиси Фансуроллоҳбек Худоёрхонов ва котиби «Падаркуш» маҳалласида яшовчи сарт мулла Муҳаммад Раҳимхожи Муҳиддинхўжаев. Газета 6—7 ой мобайнида чиқиб, ҳукуматга қарши мақолалари ҳамда халқча хитобномалари учун ёпилган. Газета жуда сўл йұналишида бўлиб, обуначилари сони 300 дан зиёд эди<sup>3</sup>.

Подполковник Николай Васильев ва полиция маслаҳатчиси Леонид Квицинский марказнинг махфий курсатмаси асосида

<sup>1</sup> ЎзР МДА, 1-жамғарма, 31-рўйхат, 567-иш, 35-варақ.

<sup>2</sup> ЎзР МДА, 1-жамғарма, 32-рўйхат, 840-а иш, 48-варақ.

<sup>3</sup> ЎзР МДА, 461-жамғарма, 2-рўйхат, 1988-иш, 165-варақ.



«Хуршид» газетаси мұхаррири —  
Тошкент жадидлари дарғаси  
Мунаввар қори Абдурашидхонов.

ұлка халқарининг мустамла-  
ка тузумига қарши миллий-  
озодлик курашига раҳбарлик  
қилишга қодир бүлган жадид-  
лар ва уларнинг ҳукumatга  
қаршилик күрсатувчи «мил-  
лий дастурлари» нималардан  
иборат эканлигига асосий  
диққатларини қаратишиди.  
Маҳаллий халқтарга муноса-  
бат масаласида рус инқилобий  
 фирмаларининг тутган сиёса-  
тини ўрганишга ҳам эътибор  
қаратилди. Социал-демократ-  
ларнинг тутган йўли эсерлар-  
дан тубдан фарқ қилиши ҳам  
уларнинг назаридан қочмади.  
Сиёсий изқуварлар Туркистон  
ўлкасида марксизм ва инқило-  
бий ғояларни тарғиб этувчи  
 фирмаларнинг ташкил топи-  
ши ва фаолияти бўйича орти-  
фика тасаввур ҳосил қилдилар-

ки, Туркистон генерал-губернатори Гротеков империя Ички ишлар вазирига бу ҳақда 1907 йил 18 апрелида йўллаган маҳфий хатида шундай деб ёзган: «Сарой маслаҳатчиси (надворний со-  
ветчик) Квицинскийни ўлқага командировка қилиш тажрибаси шуни яққол күрсатдики, бу ишдаги (сиёсий қидирив) энг катта камчилик маҳаллий ахборотларни оладиган, жамлайдиган, узуқ-  
юлуқ маълумотларни етук илмий ва малакали асосда тартибга солиб умумлаштирувчи органнинг йўқлигидадир. Жаноб Кви-  
цинский шахсан ўзи ҳеч қандай маълумот тўпламаган бўлса ҳам бу борадаги омилкорлиги ва улкан тажрибаси турли қўллардаги чалакам-чатти ахборотлардан моҳирона таҳлил асосида ўлкадаги инқилобий ташкилотларнинг умумий манзарасини яратса олди. Жаноб Квицинский туфайли ўлкадаги инқилобий ташкилотларнинг таркиби ва фаолиятининг аниқ манзарасини яратса олдик»<sup>1</sup>.

Генерал-губернатор Ички ишлар вазирига йўллаган мактубида қуйидагича ғояни илгари суради: «Ушбу тажриба шундай катта самара бердики, у ўлкада ана шундай кузатув органининг доимий бўлиши зарур деган фикрга олиб келади»<sup>2</sup>. Гротеков-  
нинг бу ғояси империя Ички ишлар вазири ва Баш вазир П. А. Столипин томонидан қизғин кувватланди. 1907 йилнинг ноябр-  
ирида подполковник Васильев ва полиция маслаҳатчиси Кви-

<sup>1</sup> ЎзР МДА, 1-жамғарма, 31-рўйхат, 367-иш, 13-варақ.

<sup>2</sup> Уша ҳужжат, 16-варақ.

цинский яратган махфий жосуслик тармоғи асосида бевосита марказ — Петербургга хизмат қилувчи рус махфий сиёсий полицияси Туркистан район муҳофаза бўлими (ТРМБ) ташкил қилинди. Петербургнинг «қўз-кулоги» бўлмиш ТРМБни руслар «охранка», ўзбеклар эса «сиёсий идора» деб аташди. Рус сиёсий разведкаси ва контрразведкаси вазифасини ҳам адo этувчи махфий полиция Туркистондаги барча тараққийпарвар кучларни аниқлаш, уларнинг сафига извогарлар кўшиш, ҳалқлар, миллат-элатлар ўртасидаги нифоқни кучайтириш ва миллий-озодлик ҳаракати кўринишларининг барча турларини зудлик билан аниқлаб, ривожланишига йўл қўймаслик, энг асосийси, ўлкани руслаштиришга монелик қилувчи барча кучларни зимдан, пинхон ё ошкора йўқ қилиш учун хизмат қилиши лозим эди. Ана шундай идорага раҳбарлик қилиш моҳир, тажрибали полиция мансабдори Леонид Квицинскийга топширилди. Подполковник Васильев эса генерал-губернатор маҳкамасидаги барча сиёсий ёзишмаларнинг мутасаддийиси — маҳсус бўлим бошлиги вазифасини бажара бошлади.

Квицинский ва Васильев ҳамкорликда Туркистондаги миллий-озодлик ҳаракатини бўғиб ташлаш, истиқлол учун курашга қодир шахсларни «зарарсизлантириш» режасини ишлаб чиқдилар. Бу режани ижро этишга мустамлака маъмуриятининг барча арабблари жалб этилди. Маҳсус кўрсатмага биноан, Васильевнинг буйруғига барча вилоят маъмурлари бўйсунишга мажбур эдилар. Генерал-губернатор буйруғи билан барча вилоятлар, туманларга қўйидаги саволларни аниқлаш ҳақида йўриқнома юборилди: «Аҳоли ӯзининг аввалги мустақиллигини қандай эслайди? Ўтмишдаги озодлигини кўмсаддими? Аҳоли рус маъмуриятига умуман қандай қарайди? Ўтган даврга нисбатан беҳурматлик, норозилик пайқаладими? Туземешларнинг ёш авлоди ўртасида тараққийпарварлик йуналиши борми? Эҳтимоллик назарияси бўйича мана шу ерли ёш авлоддан келажакда нима кутиш мумкин? Босмахона ускуналари ва гектографлар борми? Бўлса улар ҳалқа ахборот, ё хитобнома чиқаришга хизмат қиласдими?»<sup>1</sup> Ерли аҳолининг кайфияти, фикрий даражасини ўрганиш бўйича маълумотларни тўплашга мўлжалланган мазкур йўриқнома 19 саводдан иборат бўлиб, уларга туманбошилар батағсил жавоб юборишга мажбур эдилар. Генерал-губернатор кўрсатмаси бўйича туманбошилар, жабҳа (участка) приставлари «узларига бўйсундирилган тузем аҳоли устидан доимий назоратни сусайтирмасликлари» ҳамда сиёсий разведка бўйича маълумот йиғиша унинг асл мақсадини «билдиримасликлари, бу ишни эҳтиёткорлик билан, мулоҳаза-идрок ила ва энг яхиси шахсан амалга оширишлари лозим», деб алоҳида курсатма берил-

<sup>1</sup> ЎзР МДА, 468-жамғарма, 1-рўйхат, 1-иш, 80-варақ.

ди. Ҳусусан, уларни «жосусликда гумон қилишларига асло йўл қўймаслик» уқтирилди<sup>1</sup>.

«Садои Туркистон» газетаси илфор ғояларни тарғиб қилиб, бидъат, хурофот ва турмуш иллатларини фош этди. Унинг саҳифаларида етук ижодкорлар қатори ёшларга кенг ўрин берилди. Газета ўзининг қисқа умри давомида (1914—1915) Абдулҳамид Чўлпон, Хуршид (Шамсиддин Шарафиддинов), Лутфилла Олимий, Мирмуҳсин Шермуҳамедов, Мискин, Мўминжон Муҳаммаджонов, Ҳамза каби адиб ва журналистларни камолга етказди. Уларнинг ilk асарлари худди шу газетада эълон қилинган эди.

Худди шу даврда мақоланавислик ҳам кенг ривож топди. Биргина муфтий Маҳмудхўжа Беҳбудийнинг эълон қилган мақолалари 300 га борган. Мирмуҳсин Шермуҳамедов 1914 йилнинг ўзидағина 100 га яқин мақола ёзган. Чўлпон, Қодирий, Ҳамза, Мирмуҳсинларнинг ҳикоя ва қиссалари, миллий романлари пайдо бўлди. Замоннинг долзарб масалаларини акс эттира олган ижтимоий-сиёсий шеърият майдонга келди. Тавалло ва Ажзийнинг шеърлари, Сидқий Ҳондайлиқийнинг дардга тўла достонлари дунё юзини кўрди. Қардош ҳалқларнинг, биринчи навбатда, туркийзабон қардош ҳалқлар билан адабий-маданий ҳамкорлиги кучайди. Туркистон жадидлари Мунаввар қорининг тили билан «Бизим Туркистон мамлакати туфроғ, сув ва ҳаво жиҳатидан энг бой мамлакатлардан бўлатуриб, на учун ўзимиз бундан фойдалана олмаймиз?»<sup>2</sup>, деб нола қилдилар ва унга шу арбоб тилидан жавоб берди: «...бундай саволларга жавоб бермак учун нодонлик ва оламдан хабарсизлик, демакдин бошқа чора йўқдир. Бу нодонлик ва дунёдан хабарсизлик балосидан қутулмоқ учун аввал орамизда ҳукм сурган бузуқ одатларнинг бузуқлигини билмак ва ўрганмак керакдир»<sup>3</sup>.

Жадидларга Туркия таъсири Абдурауф Фитратда намоён бўлди. Унинг Туркияда таълим олгани, 1909—1913 йилларда ёш турклар ҳаракати таъсирида бўлганлиги маълум. Камол Отатуркнинг сўзи билан айтганда, барча туркларнинг эътибори «Туркларнинг ватан севгисида тўлиқ бўлган кўксилари душманларнинг малъун эҳтиросларига қарши доимо темирдан бир девор каби юксалажак» лигига қаратилган эди. Фитрат бу ҳақда шундай деб ёзган: «...Туркияга таҳсил учун бордим. Мана шу вақтларда мен диний ислоҳ тарафдори эдим: динни фан билан келишибириш, фанга тўғри келмайтурғон хурофот қисмини диндан чиқариш, динни тозалаш хаёлларига ишонган эдим. Панисломизмнинг бўлмагур хаёл эканини англағач, пантуркизм ха-

<sup>1</sup> ЎзР МДА, 1-жамғарма, 31-рўйхат, 367-иш, 16-вараж.

<sup>2</sup> Сирожиддин Аҳмад. Мунаввар қори. «Шарқ юлдузи», 1995, 5-сон.

<sup>3</sup> Уша жойда.

ёлига берилдим. Бу вақтларда ёзганим асарларда диний ислоҳ фикрлар кўрилиб турадир»<sup>1</sup>.

Фитрат туркчилик гоясини «Сайёхи ҳиндий», «Сайха» каби асарларида акс эттиради. У мусулмонларни бирлаштириб, Тэмур ва Абдуллахон давлати шавкатини тиклаш масаласини қўяди. Халқни, Ватанни босқинчилардан озод қилишга чақиради. Шу тариқа, Файзулла Хўжаев сўзи билан айтганда, «рус подшоси ва амирнинг иккιёқлама зулми жадидчилик ҳаракатини маданият тарқатиш билан шуғулланиш йўлидан сиёсий йўлга буриб юборди».

1911–1912 йилларда Тавфиқбек ал-Аъзамнинг рисоласи ўзбек тилига таржима қилиниб Туркистонда кенг тарқатилгани дикқатга сазовордир. Рисолада мусулмон динининг социализм, анархизм ва бошқа Farбда туғилган таълимотларга муносабати баён қилинган эди. Муалиф бу рисолада Farбда туғилган ҳар бир таълимот, шу жумладан, социализм ҳам, инсониятни баҳтсаодатга олиб келмаслиги ва ижтимоий муносабатларнинг бирдан-бир камолоти мусулмон дини қонун-қоидаларига риоя қилишда эканлигини кўрсатган эди<sup>2</sup>. Тавфиқбек «социалистларнинг асоссиз ғоялари одамларни баҳт-саодатга олиб келмаслигини» уқтирган ҳолда, «моддий ва маънавий баҳт фақат илоҳий қонунларга риоя қилгандагина» амалга ошишини ёзган эди. Туркистонда кенг тарқалган «Сироти мустақим» деган турк журналида мусулмон дунёсининг уйғониши Шарқ мусулмонларининг ислом байроғи остида бирлашишида намоён булиши айтилган эди. Газета бирдамлик хусусида 1911 йил 20 январдаги сонида «Мусулмон дунёсидаги уйғониш» мақоласида шундай фикр билдирган: «Панисломизм тўғрисида гап кетганда биз, мусулмонлар, қаерда бўлишимиздан қатъи назар, ўзимизнинг бир бутун маданий ҳалқ эканлигимизни унутмаслигимиз лозим»<sup>3</sup>.

ТРМБ Туркияда панисломизм тарғиботи учун «Янги жомий» мактаби ташкил этилгани ва у Туркистон үлкаси ва Бухоро ёшларидан иборат тарғиботчилар тайёрлаётгани ҳақида ахборотлар олган эди. «Мусулмонлар кенташи» деб аталган ташкилотнинг 1913 йилда «Мусулмонларга!» хитобномасида ўша вақтда содир бўлаётган воқеалар таърифланиб, Гречия билан урушаётган Туркияга ёрдам бериш лозимлиги уқтирилган эди: «Овруполиклар мусулмонларни үлдиришмоқда ва эзишмоқда. Шунинг учун мусулмонлар Туркия атрофига бирлашишлари лозим»<sup>4</sup>, — дейилганди ўша хитобномада.

ТРМБ агентураси жадидлар билан илгор рус демократлари

<sup>1</sup> Сирожиддин Аҳмад. Ватан учун туғилган. «Тошкент ҳақиқати», 1992 йил, 16 май.

<sup>2</sup> ЎзР МДА, 461- жамғарма, 1-рўйхат, 1168-иш, 146-варақ.

<sup>3</sup> Ўша хужжат, 294-варақ.

<sup>4</sup> Ўша жойда.



Жадиллар ва рус демократлари йигилиши.  
Андижон, 1916 йил, август.

Ўртасида яқин ҳамкорлик юзага келганидан хабар беради. Бу ҳамкорликнинг бир учи Убайдуллахужа Асадуллахужаевга бориб тақалган эди. Тошкент, Саратов ва Петроград эсерлари даврасида яқин киши ҳисобланган Убайдуллахужанинг «Садои Туркистон» мұҳаррири сифатидаги фаолияти ҳам маълум эди. Полковник Волков шу газетада Лев Толстойнинг Убайдуллахужага йуллаган мактубини ҳам ўқиган эди. Граф Толстойнинг оддий бир сарт зиёлисига эътибори бутун Туркистон жамоатчилиги эътиборини ўзига жалб этгани маҳфий полициянинг диққатини унга алоҳида қараттган эди. «Садои Туркистон» ёпилгандан кейин Андижонга келган Убайдуллахужа маҳаллий жадиллар ва рус журналистлари билан яқинлашиб, ҳукumatга қарши фаолиятини давом эттириди.

Полковник Волков Тошкент, Қўқон, Андижонда жадиллар ташкилотларида, ӯзбек буржуазиясидан ташқари, рус савдо-саноат доиралари вакиллари, шунингдек, инқилобий фирмә аъзолари ҳам борлиги ҳақида сигнал олган эди. Бундай рус инқилобчиларидан бири Георгий Павлюченко ҳақида ТРМБ шундай маълумот олган: келиб чиқиши Дондаги Ростов шаҳридан. 1905 йил декабрь қуролли қўзғолонида қатнашган. 1909 йил Дон социал-демократлари, 1914 йили Москва эсерлари таркибида яширин иш олиб борган. Ўша йили қамоққа олиниб Туркистонга сургун қилинган. 1915 йили Қўқонга келиб ӯзбек тилида чиқадиган «Садои Фарғона» газетасида ишлай бошлаган. Ўша

йили ҳукуматга мухолиф руҳдаги «Утро Ферганы» газетаси чиқара бошлаган. Расман унинг муҳаррири Львов бўлса ҳам, аслида чинакам ҳужайин яхудий буржуазиясининг моддий мададига таяниб иш кўрувчи Павлюченко эди. Газета ноширлари сафида собиқ талабалар — эътиқоди бўйича социал-демократ Шоислом Шоаҳмедов, Болотин, Зубарев ва бошқалар бўлиб, улар Павлюченко бошчилигида «Утро Ферганы» газетаси обуначилари сонини ошириш учун ҳокимиятга қарши мақолалар босиб чиқара бошлади. Павлюченко бошчилигидаги ноширлар ўз олдига урушдан кейин бўладиган тўнтаришга жамияти ҳозирлаш ва шунга кадрларни тайёрлаш мақсадини кўйди. Ҳудди шу мақсадда 1915 йилнинг кузидаги Павлюченко Кўқон матлубот жамияти аъзолари ўртасида тарғибот ўтказа бошлади. 1915 йилнинг декабрида газета муҳаррири Львов сўл қарашдаги мақолаларни ёритгани учун З ойга қамалгач, муҳаррирлик ҳукуки Павлюченко қулига ўтади. 1916 йил январидан газета номини «Ферганская жизнь» деб ўзгартирди. 4 апрелдан эса «Туркестанский край» номини олди. Павлюченко бу газета ёпилгандан сўнг, 1916 йилнинг ёзида Скобелев ҳарбий бошлигининг маҳкамасига мирзаликка ўтади.

«1916 йил 1 июлдан бошлаб Андижон шаҳрида, — деб хабар қилган эди агентура, — ҳукуматга қарши йўналишдаги газета чиқа бошлади. Бу газета моддий маблағлар етишмаслиги туфайли ёлғиз Чайкин томонидан эмас, балки пай пулига асосланган ноширлик ширкати томонидан чоп қилинади. Пайчилар маҳаллий зиёлилардан ташкил топган эди. Жаноб Чайкин тузем аҳоли ўртасида шуҳрат қозониш ва ўз газетаси пайчилари сонини кўпайтириш учун аҳоли манфаатларини ҳимоя қилишни ўз зиммасига олган. Сўнгги вақтда «Туркестанский голос» газетасининг ҳар бир сонида пахтакорларга аталган эълонлар чиқмоқда. Бу эълонларда муҳарририят пахтадан қарздор бўлиб қолган дехқонларга мурожаат қилиб, кимнинг шикояти бўлса таҳририятга хабар қилишини сўрайди. Газетанинг қарздор дехқонларга ён босиши Миркомил Мирмӯминбоев каби йирик бой-қулоқларга ёқмайди, аммо бу тадбир аҳолининг ўртаҳол ва камбагал синфи ўртасида газетани машҳур қилиб, янги-янги пайчиларни ширкатга жалб этмоқда. Қўқонда ёпилган «Туркестанский край» газетаси ходимлари эндиликда шу «Туркестанский голос» газетаси билан ҳамкорлик қилмоқда»<sup>1</sup>.

Махфий полиция раҳбари «Туркестанский голос» газетаси ходимлари ва фаол муҳбирлари тўғрисида ҳам аниқ маълумотларга эга эди. «Таҳририят таркиби, — деб ёзган эди агентура, — бу газета йўналишини яққол кўрсатади. Муҳаррир — ношир Анастасий Афанасьевич Чайкин Андижонда ҳовли-жойли, йирик асаларичилик ҳўжалигига эга киши. Ўзаро ёрдам жамияти

<sup>1</sup> ЎЗР МДА, 461-жамғарма, 1-рўйхат, 1963-иш, 13-варақ.

раиси, шаҳар ҳарбий-саноат қўмитаси аъзосидир. Таҳририят ходимлари: 1. Вадим Афанасьевич Чайкин (ноширнинг туғишган укаси) Уфа гимназиясида ўқиган кезлари ўқувчилар ўртасида сиёсий тоялар тарғиботчилини бўлган. Уфа губернаторига суиқасдга доир ишга дахлдор. 1905 йилда В.Чайкин инқилобий тарғибот олиб бориша фаол қатнашган. 1908 йилда Курскда социалист-революционер сифатида қамоққа олинган. 1916 йилнинг ёзида Андижонга келган. Июль ойида эса Андижон аҳолиси номидан Миркомил Мирмуминбоев уни ва Убайдуллахўжа Асадулла Хўжаевни Петроградга вакил қилиб жўнатган. Улар мардикорликка сафарбарлик ишини текшириш учун Давлат Думаси аъзоларини Андижонга таклиф этишга вакил қилинган эдилар. 2. Степан Антонович Руйко Харьков дорил-фунунининг собиқ талабаси, журналист, касбий тахаллуси «Вл. Качинский». Социалист-революционер, максималист (ўнг эсер). 3. Убайдулла Асадулла Хўжаев — Тошкент сартларидан, қонуншунос, Андижонда яшайди ва ишлайди. Газета ходими ва пайчиси. Эътиқодли панисломчи сифатида Туркистон район муҳофаза бўлими томонидан 1913 йили рўйхатга олинган. Ўша йили Саратовдан Тошкентга қайтган Убайдулла қисман адвокатлик, асосан эса тарғиботчилик билан шуғуллана бошлаган. У «Умид» деб аталган илгор мусулмонлар гуруҳига бош бўлди. Унинг ҳаракатлари туфайли Тошкентнинг Эски шаҳар қисмидаги китоб савдоси ташкил қилинди. Маҳаллий тилда сўл йўналишдаги газета нашр қилишга мўлжалланган ширкат тузилди. Газетани нашр қилиш бўйича Хўжаев файрати бекор кетмади. 1913 йил 21 декабрда унга Тошкентда маҳаллий тилда «Садои Туркистон» номида газета чиқаришга руҳсатнома берилди. Сўл йўналишдаги маҳаллий тилда чиқадиган газетанинг кенг омма ўртасидаги улкан аҳамиятини ҳисобга олиб, генерал-губернатор давлат босмахоналарига бу газетани чиқариш бўйича буюртмалар қабул қиласлик тўғрисида фармойиш берди. Натижада газета 1914 йил февралидагина чиқа бошлади. Худди ўша йили Тошкентда Убайдулла Асадулла Хўжаев раҳбарлигига саҳнада «Падаркуш» пьесаси кўйилди. 1914 йилдан Хўжаев Тошкент мужоҳидлари сафига қўшилиб, үлкада Россия ҳукмронлигига қарши қаратилган тарғиботчилик фаолиятини маҳфий равишда давом эттириди. «Садои Туркистон» газетаси ёпилгандан сўнг Хўжаев Андижон шаҳрига келиб адвокатлик билан шуғуллана бошлади. 1916 йил 1 июлдан «Туркестанский голос» газетасида ҳамкорлик қиласди<sup>1</sup>.

Агентуранинг бир тармоғи полковник Волковга шундай ахборот йўллаган: «Чайкиннинг фикрича, бош мақсади маҳаллий аҳоли манфаатларини ҳимоя қилиш бўлган «Туркестанский голос» газетаси ўзининг пайларидан кўпини (25 минг сўмлик)

<sup>1</sup> ЎзР МДА, 1-жамғарма, 31-рўйхат, 1144-иш, 35-варақ.

Кўқон шаҳридаги «Файрат» деб аталмиш маҳаллий мусулмон маърифатчилар жамиятига жойлаширишга муваффақ бўлди. Бу жамият Андижон шаҳридаги 1916 йил октябрь бошларида «Туркестанский голос» таҳририяти раҳбарлигида сартча матбуот органини нашр қилишга киришмоқчи. Мазкур масалани узил-кесил ҳал қилиш учун 4 октябрда «Файрат» жамияти аъзоларининг шошилинч мажлиси чақирилди. Мажлисда жамият уставига баъзи ўзгаришлар киритиш, пай капиталини 12500 сўмдан 50000 сўм етказиш, хусусий босмахона сотиб олиш ва мусулмонча газета чиқариш масалалари муҳокама қилинди. «Туркестанский голос» газета таҳририяти «Файрат» жамиятига ўзининг хусусий нашр органини Андижонда эмас, балки Кўқонда «Туркестанский край» газетаси таҳририяти раҳбарлигида

чиқаришни таклиф қилди. Агар «Файрат» жамияти бу газета пайларининг маълум қисмини оладиган бўлса, унинг босмахонасидан фойдаланиши мумкинлиги ҳам айтилди. Бу масала ҳал бўлиш арафасида. «Файрат» жамияти ҳозирча «Туркестанский голос» газетасининг 25 минг сўмлик пайларини сотиб олди.

«Туркестанский голос» газетасига обуна йифиш учун Андижондан газета котиби Николай Михайлов Наринский (такаллуси Туркестанский, Саматин) Кўқонга жунаб кетди. У Намангандан, Скобелевда ҳам бўлиб, «Файрат» жамияти аъзоларидан ташқари, бошқа кўплаб обуначиларни топди»<sup>1</sup>.

Агентура маълумотларига кўра, «Кўқонда 9 октябрда Обиджон Абдухолиқ Маҳмудовнинг уйида «Файрат» жамияти аъзоларининг иккинчи йифилиши бўлиб ўтган. Унда Кўқонда хусусий босмахона очиб, сарт тилида мусулмонча газета чиқариш масаласи муҳокама қилинган. Бой сартлар бу талбирга маблағ бериш ҳақида розилик билдиришган. Бу ишда 1914 йилда илғор йўналишдаги «Садои Фаргона» газетасини нашр қилган



Кўқон жадидлари «Файрат» жамияти раҳбари, йирик савдогар, ношири, муҳандис Обиджон Маҳмудов (1858—1936).

<sup>1</sup> ЎЭР МДА, I-жамғарма, 31-рўйхат, 1144-иш, 36-варақ.

Обиджон Абдухолик Маҳмудов салмоқли таъсирга эга эди. У бой мулкдор, айёр ва тадбиркор киши бўлган. Панисломизм тояларига ўта берилган. У кўп марта йигинларда Туркистон ўлкаси руслардан озод бўлиши кераклиги ҳақида гапирган.

### **Мулоҳаза учун маълумотлар**

Жадид Обиджон Маҳмудов, Ашурали Зоҳирийларнинг саъи-ҳаракати билан чиқа бошлаган «Садои Фарғона» газетаси ҳам таҳсинга сазовор фаолият кўрсатди. Унинг саҳифаларидан бутун водийда кечётган ижти-моий-сиёсий, маънавий-мағкуравий ҳаётга оид кўплаб мақолалар ўрин олган. Тurmушда мавжуд бўлган хилма-хил камчилик, нуқсонларни фош этиш орқали маҳаллий аҳоли миллий онгининг ўсишига хизмат қилувчи хат ва хабарлар ҳам газетадан мунтазам ўрин олиб турган.

Газетанинг 1914 йил 2 июль сонида «Андижонда овмачилик» номли мақолада жамиятдаги айрим нопок, ярамас иллатлар очиқ-ошкора фош қилинган. «Андижонда, — дейилган эди, жумладан, бу мақолада, — Олло-кулбек қасрида бир сарой ва бир неча дўқонларда ушбу XX асрда Туркистонда мавжуд бўлиб турғон қабиҳадан, яъни баччабозлик кўп ривожда экан. Мазкур мавзеъда 13 ёшдан 16 ёшгacha етган жувонлардан етти нафар бор экан. Ҳар кун ва кечалари 500 нафардан бир минг нафарга одамлар, ҳаттоқи мадрасалардаги муллабаччалар жам бўлишиб чой ичиб ўтирад эканлар. 7 июня мазкур мавзеъдан ўтиб эрдимки, мазкур саройга кўзим тушди. Бир неча нафар ўрислар ӯрининди, ичкари кириб қарасам 4 нафар ўрис старшийлари хотинлари илин икки нафар меҳмонлари илин ва бошқа одамлар жам бўлишиб, 4 нафар баччани ўйинга солиб турибдур.

Баъзи одамлар баччаларга 5 сўмлик, 3 сўмлик қофозларни ёпишириб туриб эконлар. Ажаб! Андижон қози ва уламолари театрни ҳаром деб, бул тариқа маълум ва машҳур жода бўлиб турган баччабозлини нимага қўзлари кўрмас экан? Ва на учун амри-маъриф қилмас эканлар?»

«Садои Фарғона»нинг 1915 йил 2 январь сонидаги «Нағсоният қархамония» сарлавҳали мақолада эса Андижонда амалга оширилаётган хайрли, ибратли ишлар ҳикоя килинади. Үнда Андижондаги машҳур Офтобачи мадрасаси биноси эски бўлиб, «талабаларни истикомат қўлмоқларига ярамай колинганлиги сабабли, Андижоннинг яланғочкўргонлик ҳожи Муҳаммад эшон жаноблари Насибулло ўз ақчаларидан мазкур мадрасаси биносини ислоҳ қилиб бурунги мударрис келтирилиб, мадрасани аввалидек обод қилиб талабалар ўкумоқда эканлар» деб ёзилганди.

Газетанинг ўша йил 25 февраль сонида «Ана муллаларнинг ахволи!» деган хабар ёзлон килинади. Үнда, жумладан, мана бу сатрлар бор эди: «Андижонда Маҳмуд дастурхончи мадрасасида



Жадидчилик ҳаракатининг таниқли арбоби, журналист, адабиётшунос муаллим Ашурали Зоҳирий (1885—1937).

турғувчи бир неча нафар ахлоқи бузук ёмон муллалар бир яхши пок муллони мадрасадан зўрлик қилиб чикарибдурлар. Бечорани гуноҳи бачча-бозлиқдан монеъ қилиши экан. Сўнгра бечора тўғри мулла жаноб инспектор тўргага арз қилибдур. Инспектор тўра мазкур ишни ҳақиқат қилмоққа мадрасага бориб полиция билан ҳужрага кириб китоблар кўриб турилғон ҳолқа бир тўнки яшчинда баччаларга солиб ўйнатурғон (кокил) топибдурлар. Бул ишдан кўп нарида бўлиб жаноб инспекторга юборибдурлар. Ана муллаларнинг ахволи!».

Шу газетанинг 15 май сонида Ашурали Зоҳирийнинг «Туркистонда биринчи юрист» мақоласи босилди. Унда Тошкентдан Кўқонга келиб қолган Тошпўлатбек Норбутабек ўғли ҳақида гап борар эди. Ўзбеклардан биринчи бўлиб дунёвий фанлар бўйича европача усулдаги олий маълумотга эга бўлган бу зиёлининг ҳаёти ва фаолияти ўзгаларга намуна сифатида тарғиб қилинган.

Ана шундай маълумотлар асосида ТРМБ бошлиги полковник Волков ўз бошлиқларига юборган мутлақ маҳфий ахборотларида шундай хулоса чиқарган эди: «Хулоса қилиб айтганда, «Файрат» ширкат жамияти ҳиссадорлар жамияти эмас, балки демократик асосга қурилган изчил артел сифатида ўзини намоён қилмоқда. Бу биродарлик фаолият доираси шундайки, у билан доимо ҳисоблашишга ва унга муҳофаза бўлими доимо кўз-кулоқ бўлиб туришига тўғри келади»<sup>1</sup>. Полковник Волков агентураси йўлланган яна бир ахборотни ҳам унинг бошлиқлари дикқат билан ўрганди. Бу ахборотда Убайдуллаҳўжа бош бўлган Тошкент жадидлари Андижондаги «Тараққийпарварлар» фирмаси билан бирлашгани ва уларда туманбоши тилмочлари Сулаймон Келгинбоев, Акбарбой ва Мадамин Бойтурсунович Ўрозалиев ҳамда Убайдуллаҳўжанинг укаси Баширулла Хўжаев муҳим роль ўйнаши кўрсатилиб, улар билан маслакдош рус журналисти Вадим Чайкин ҳокимиятга қарши маҳаллий ёшларни уюштираётгани маълум қилинган эди. Греклар устидан Туркиянинг ғалабасини тиловчи бу маҳфий жамиятнинг мақсади, агент фикрича, «маҳаллий рус ҳокимиятини ерга уриб қоралаш орқали маҳаллий ҳалқ ўртаси-



Ўзбек зиёлилари фирмаси ташкилотчиларидан бири Баширулла Асадуллаҳўжа ўғли.

<sup>1</sup> УзР МДА, 1-жамғарма, 31-рўйхат, 1144-иш, 35-варак.



«Тараққийпарварлар» жамияти аъзолари.

да обру қозонишидир». ТРМБ махфий агенти Мирза Аҳмад Күшбегиев эса уни тұлдириб «агар бу жамият жазосиз қолаверса у ҳолда дахшатли күчга айланади. Халқ уларнинг қармоғига илиниб, жиловини уларга беріб қўяди», деб ўзбек жадидлари фАОЛияти тўгрисида батафсил ахборот берган эди.

ТРМБ бошлиги жадидлар сафида Күшбегиев, рус инқилобчилари қаторида эса «Августовский» каби ўз «Азеф»ларига эга эди. Евгений Филиппович Азеф эсерлар фирмаси Марказий Кўмитаси аъзоси, жанговар террорчи ташкилот раҳбари сифатида 1901—1908 йилларда подшо амалдорларини дахшатга солган. Ички ишлар вазири Плевени ўлдирган эсерлар раҳбари. Аслида у рус сиёсий полицияси агенти бўлган. Унинг кимлиги 1908 йилдагина фош қилинган ва катта шов-шувуга сабаб бўлган. Августовский 1912—1917 йиллар мобайнида большевиклар сафига кириб олган ТРМБ махфий агенти эди.

Полковник Волков рус ҳукумати сиёсатини белгилашда махфий сиёсий разведкачи сифатида генерал-губернаторга зарур йўриқларни беріб турди. 1916 йил август ойида Куропат-

<sup>1</sup> ЎЗР МДА, 461-жамғарма, I-рўйхат, 1902-иш, 65-вараж.

кин билан ўлка сафариға чиққан Давлат Думаси аъзолари орқасидан ўз одамларини қўйиб, уларнинг ҳар бир ҳаракатини қўздан қочирмади. Унинг агентлари Туркистон маъмурияти устидан шикоятларни қабул қилаётган Давлат Думаси аъзолари фаолияти ҳақида шундай хulosага келишган эди: «Давлат Думаси аъзолари билан суҳбатдан сўнг туземешлар ўз эҳтиёжлари ва шикоятлари билан олий ҳокимиятга мурожаат қилаолишлари мумкинлигини тушуниши ҳамда ана шу ҳокимият паноҳида шикоятлари асосли бўлса маҳаллий ҳокимиятдан қўрқасликларини англади»<sup>1</sup>.

Мустамлакачи маъмурлар Тошкент, Андижон ва Қўқон каби йирик маъмурий марказларда тобора кучайиб бораётган «Тараққийпарварлар» фирмасидан ҳайиқиб қолишиди. 1916 йил 16 октябрдан 3,5 ой олдин ёпиб қўйилган «Туркестанский край» газетаси яна нашр қилина бошлиди. Унинг муҳаррири ўзбек адвокати Шоислом Султон Шоаҳмедов бўлиб, муҳарририят ходимлари илфор фикрли рус зиёлилари эдилар. Сиёсий разведка бошлиги Волков ўзининг 1916 йил 4 ноябрдаги генерал-губернатор номига юборган маҳфий ахборотила уларга шундай таъриф беради: «Газетада шифокор Давид Ильич Чернобородов ишлайди. У ўзининг 1905 йилдан бери давом этиб келаётган жиноий фаолияти билан бизга таниш. Казалинск шаҳридан келган Зубарев Иван Егорович социалист-революционерлар фирмаси билан 1910 йилдан боғланганлиги маълум. Сўл йўналишдаги қарашлари билан таниқли Бердичевский Моисей Маркович Вадяев ширкати идорасида ҳам ишлайди. Газета учун пулни Қўқон Биржа Қўмитаси бермоқда. Келгусида газета муҳаррири Шоаҳмедов бизга номаълум манбадан 100 минг сўм олишни мўлжалламоқда. Бу маблағ газета фаолиятини кенгайтиришга сарфланмоқчи. «Туркестанский край» газетаси «Туркестанский голос» газетаси қиёфасида кучли рақобатчими курса-да, бу рақобат foявий мазмунда бўлмай, балки соғтижорат жабҳасидадир»<sup>2</sup>.

Генерал-губернатор маҳкамаси маҳсус бўлими, яъни сиёсий разведка, Туркистон район муҳофаза бўлими ҳужжатлари шуни кўрсатадики, Туркистоннинг ҳарбий-сиёсий доиралари жадидларнинг «Тараққийпарварлар» фирмаси нашрлари таъсиридан талвасага тушганлар.

Туркистон матбуоти тарихида «Хуррият» (1917—1918) газетасининг ҳам ўрни салмоқлидир. Самарқандда ҳафтада икки марта 4 саҳифада чиқувчи бу газетани тараққийпарвар зиёлилар ташкил этишган эди. Газетани «Зарафшон» компанияси чиқариб, унга жадидлар етакчиларидан Акобир Шомансурзода муҳаррир бўлган. Таҳририят таркибида ўлканинг таниқли иж-

<sup>1</sup> ЎзР МДА, 1-жамғарма, 31-рўйхат, 1144-иш, 8-варақ.

<sup>2</sup> ЎзР МДА, 1-жамғарма, 31-рўйхат, 1144-иш, 33-варақ.

тимоий-сиёсий арбобларидан Маҳмудхўжа Беҳбудий, Абдурауф Фитрат, Саид Аҳмадхўжа Сиддиқий, Мардонқул Шомаҳмудзо-далар бўлиб, уларнинг материаллари газетадан кенг ўрин олган.

Жадидларнинг журналлари ҳам Туркистон халқлари миллий онгини ўстириш ва ўзлигини англашда катта хизмат қилганини алоҳида кўрсатиб ўтиш лозим. Бу ўринда Маҳмудхўжа Беҳбудий муҳаррирлигига 1915 йилдан чиққан «Ойина» журналининг фаолияти диққатга сазовордир. «Ойина» ўзбек тилининг соғлигини сақлаш учун курашди ва руслаштириш жараёнининг салбий таъсиридан сақланишга чақирди. «Ўз халқиллигимизни йўқотсак, — деб ёзган эди «Ойина», — эътиқодимиз ҳам ўз-ўзидан йўқолади. Тил муҳофазаси энг муҳим мажбуриятдир».

Уламолар томонидан 1915—1918 йилларда чиқарилган «Ал-ислоҳ» журнали фаолиятида ҳам маърифатпарварлик, дин, урф-одатлар соғлиги ва рус таъсирига қарши кураш устивор эди. 1917 йил февраль инқилобидан кейин «Ал-изоҳ», «Ишчилар дунёси», «Кенгаш», «Хуррият» каби журналлар чиқа бошлади. 1896 йилдан 1917 йилга қадар 18 та русча журналлар нашр қилинганини ҳам эслатиб ўтиш даркор. «Средне-Азиатский вестник» (1896), «Туркестанский скорпион» (1907), «Средняя Азия» (1910), «Туркестанский кара-курт» (1911), «Степные миражи» журналлари шулар жумласидандир.

Хулоса қилиб айтганда, Туркистон матбуоти ўз даврининг овози вазифасини ўтади. Мустамлака истибдодида ўлканинг иқтисодий, ижтимоий-сиёсий ва маданий-маърифий ҳаётини ўзида яққол акс эттириди.

**Фан ва санъат.** Россия мустамлакачилиги шароитида илм-фан соҳасида эски услубларга ёпишиб олиш ҳоллари давом этди. Анъанавий равишда дунёвий билимларни ўрганиш, уларни янада ривожлантириш устидан давлат ғамхўрлиги деярли бўлмади. Илм-фан ва маданиятни ривожлантиришнинг муҳим омили сифатида уларнинг бошқа мамлакатлар билан ўзаро алоқалари, ижодий ҳамкорлик эътибордан четда қолди.

Мустамлакачилар, энг аввало, маҳаллий халқнинг ўзлигини танишларига монеълик қилдилар. Аксинча, турли йўллар билан рус маданиятини тарғиб этишга киришдилар.

Хуллас, халқимизнинг минг йиллар давомида таркиб топган, шаклланган ва ривожланган, айни пайтда, ўзининг анъаналарига эга бўлган қадимий ва бой маданиятнинг ривожланишига сунъий тусиклар қўйилди. Миллий руҳимизга, миллий онгимизга ёт бўлган ўзга халқ маданиятини миллий эҳтиёжиз ўзлаштириб бўлмаслиги назар-писанд қилинмади.

Барча истиочилар каби рус мустамлакачилари ҳам ўзгалар ерига эгалик қилиш учун, энг аввало, унинг маданиятини йўқ қилиш зарур эканлигини яхши тушунар эдилар. Ҳар ҳолда, маданият ва миллий истиқбол гояси бир-бирини тұлдирса, улар ватанпарварлик ифодаси сифатида намоён бўлиши, акс ҳолда,

улар бир-бирини инкор этса, кишиларда, жамият аъзоларида ижтимоий лоқайдлик, манқуртлик, ҳаттоки, Ватан туйгуси соғлиги ва мустақиллик учун бефарқлик юзага келиши рус мустамлакачилари учун сув билан ҳаводек зарур бўлиб қолди.

Ўзининг ёвуз мақсадини амалга ошириш учун Рус давлати ўлкада кўплаб европача ижодий ўюшмалар, бирлашмалар ташкил этишга ҳомийлик қилди. Бу нарса, табиийки, ўша ижодий ўюшмаларнинг ташаббуси билан эмас, аксинча, давлат сиёсий раҳнамолиги оқибатида юз берган эди.

Рус мустамлакачиларининг Туркистон халқлари фани ва маданиятига тубан муносабатда бўлгани ҳақида рус шарқшунос олимлари Е.Ф.Кал устози барон Розенга (Санкт-Петербург) йўллаган мактубида шундай ёзган: «Бу ерда ўлкани тарихий, лингвистик ўрганишга жуда лоқайдлик ҳукмрон. Энг ачинарлиси ва умуман энг ёмони шуки, маҳаллий рус жамиятининг кўпчилиги туземецларга паст назар билан қарашади. Уларнинг ҳаёти, турмуши, тарихи, тили ва бошқа томонларига мутлақо бефарқ муносабатда бўлишади. Ўз вазифаларига кўра аҳоли билан бевосита мулоқотда бўлиши лозим маъмурият вакиллари — туман бошлиқлари ва уларнинг ўринбосарлари ҳақида гапирмаса ҳам бўлади»<sup>1</sup>. Худди шундай фикрни В.В.Бартольд ҳам айтган эди. У 1914 йили асарларидан бирида мана бундай деб ёзди: «Ўрта Осиёнинг қадимги маданиятини ўрганиш ва ёдгорликларни қўриклиш фақат фойдасизгина бўлиб қолмай, балки заарарли ҳам деб ҳисобланган»<sup>2</sup>.

Туркистон маданий бойликлари, рус мустамлакачиларидан ташқари, чет эллик саёҳатчилар томонидан ҳам беаёв таланганди. 1895 йилда ўлкада бўлган швед меъмори Мартин бу ҳолатга жаҳон фан-маданияти нуқтai назаридан чек қўйишни сўраб Россия империя ҳукумати бошлиғи граф С.Ю.Виттега мурожаат қилгани бежиз эмас. Швед меъмори Самарқанддаги меъморий ёдгорликларнинг биргина Туркистон, Осиё учунгина эмас, балки умумжаҳон маданияти учун ҳам улкан аҳамиятини таъкидлаб, граф Виттедан Самарқанддаги улуғвор обидаларни вайронагарчиликдан сақлаб қолиш учун зудлик билан чоратадбирлар қўришни илтимос қилган эди<sup>3</sup>.

Туркистон ўлкасидаги нодир қўлёмсалар, камёб китоблар, қўхна археологик буюмлар, олтин-кумуш тангаларни йигиш ва шу мақсадда бойлик орттириш билан шуғулланётган рус амалдорларининг айримлари Туркистоннинг табиий бойликларидан ташқари, ўзининг тарихий ўтмиши билан ҳам эътиборга лойиқлигини тушунган. Худди шулар ўлкадаги илмий жамиятлар фа-

<sup>1</sup> Содиков X. Кўрсатилган диссертация, 130-бет.

<sup>2</sup> Бартольд В. В. Задачи русского востоковедения в Туркестане. Петроград, 1915, 17-бет.

<sup>3</sup> ЎзР МДА, 394-жамғарма, 1-рўйхат, 143-иш, 19-вараж.

олиятида бевосита қатнашган. Москва ва Санкт-Петербурглик шарқшунослар эса ўлкани астойдил ўрганиш фан учун катта аҳамият касб этишини тушуниб, бу ерда илмий-тадқиқотлар олиб боришган.

1870 йилда оммавий кутубхона, 1876 йилда Тошкент оммавий музейининг очилиши ҳам ана шу олимларнинг саъй-ҳаракати билан ташкил топган эди. Бу муассасалар аслида рус мустамлакачиларининг Туркистон маънавий бойликларини илмий асосда ўрганиш, уларни империя манфаатлари йўлида ўзлаштиришни марказлаштирадиган муассасалар хизматини ўтиши керак эди. Уларда Туркистон халқларининг моддий ва маънавий бойликлари тўпланиб, қиймати аниқданар ва энг ноёб, жаҳон аҳамиятига моликлари марказга — Санкт-Петербург ва Москвага олиб кетилган. Шу тариқа йиллар давомида олиб борилган илмий-қидирув ва археологик қазишмалар натижасида топилган кўплаб ёдгорликлар Россияга ва бошқа чет элларга олиб кетилди.

Туркистон тарихи кўплаб рус олимлари номини жаҳонга танитди. Масалан, Самарқанд вилоят бошқармаси ходими В.Л. Вяткин номини жаҳонга машҳур этган нарса ҳам Самарқанд обидалари бўлди. Ҳаваскор ўлкашунос В. Л. Вяткин 1908—1909 йилларда Обираҳмат ариғи яқинидаги Пойи расад тепалитига қазув ишларини олиб борди. Унга Шайбонийхон мадрасасининг ҳударриси Абу Сайд маҳсум яқиндан ёрдамлашди. Бу ўзбек олими, профессор Н. И. Веселовский таъбири билан айтганда, «мусулмон адабиётининг зур билимдони» эди. У Қурбонжон доддоҳ архивини тартибга солиш вақтида қизиқ бир ҳужжатга кўзи тушган ва уни Вяткинга берган. Ана шу ҳужжат унга бевосита қазув ишларини бошлашга муҳим бир туртки бўлгани ҳақида Вяткиннинг ўзи бундай деган: «Пойтахт Самарқандда Мирзо Улуғбек тарафидан бино этилган расадхона кўпгина мусулмон адаб ва муарриҳлари тарафидан муттасил зикр этиларди. Ҳусусан, Мирзо Заҳиридин Муҳаммад Бобур ўзининг машҳур «Бобурнома» китобида расадхонанинг туриш жойини тахмин қилиб кўрсатган эди. Шундай бўлса-да, бундай аҳамиятли ва азим бир бинонинг манзили ушбу вақтгача маълум эмасди. ...Расадхонанинг ўрнини топиб очмоқча манинг қўлимга тушган бир вақфнома сабаб бўлдики, мазкур вақфнома бундан 250 йил аввал ёзилган». Ўзбек зиёлиси Абу Сайл маҳдумнинг бу кашфиётдаги хизматини русларнинг ўзи тан олишган. Ўрта ва Шарқий Осиёни тарихий, археологик, лингвистик ва этнографик жиҳатдан ўрганувчи Россия қумитаси уни 100 рубл пул билан тақдирлади<sup>1</sup>. Мустамлака Туркистон шароитида ўз эли тарихи, маданияти ва фани жонкуяри, ватанпарварлар ҳам бўлди. Улар Ўрта Осиё тарихи, илм-маданияти

<sup>1</sup> Известия Русского Комитета, 1910, №10, 9-бет.

ва бетакрор обидаларини кенг жамоатчиликка танитиш ва уларни келгуси авлодлар учун сақлаб қолиш йулида фидокорлик кўрсатдилар. Туркистон, Россия ва умумжаҳон кўргазмалирида ҳам ўз коллекциялари билан қатнашилар. Тошкентда 1890 йилда Туркистон фани, саноати ва қишлоқ хўжалигининг 25 йиллик юбилейи кўргазмаси очилганда ана шундай маҳаллий ўлкашунослардан Акром полвон Асқаров ўзи тўплаган экспонатларни намойиш қилди<sup>1</sup>. Ҳам тижоратчи, ҳам илм-фан фидойиси бўлганлардан яна бири Мирза Абдулла Бухорий (1893 йили вафот этган) касбкори бўйича иккинчи тоифали савдогар ва маҳаллий ипак, жун ҳамда ип-газлама фабрикасининг хўжайини эди. 1878 йили у Тошкентда кўргазма ташкил этишда иштирок этди. Кўргазмага хонатлас, турли рангдаги аёллар бош кийими ва ҳар хил рўмоллардан иборат коллекция тақдим қиласди. Мирза Абдулла савдогар Мұхаммад Шокир билан бирга «Ипак буюмлари ишлаб чиқаришни анча такомиллаштиргани ва кенгайтиргани» учун олтин нишонга сазовор бўлган. 1886 йили Туркистон кўргазмасида, 1887 йили Харьков қишлоқ хўжалик кўргазмасида қатнашилар. У келтирган ипак маҳсулотлар томошабинлар диққатини ўзига жалб этган. У тезда сотилиб кетган ана шу газмоллари учун мукофот олган эди. Мирза Абдулла Н.И.Веселовский билан ҳам алоқада бўлган. Н.И.Веселовский Мирза Абдулла коллекцияларини куриб чиқиб, ундан 1202 буюм, шу жумладан, 11 тилла ва 77 кумуш танга, 951 дона чақа, 18 та муҳр, одамлар, ҳайвонлар тасвири туширилган 6 та тош сотиб олган<sup>2</sup>.

Н.И.Веселовский билан танишиб, ҳамсуҳбат бўлиши, шунингдек, Афросиёб қазилмаларини бориб куриши Мирза Бухорийда ёдгорликлар тўплаш фаолиятини янада кучайтирган. Натижада у қадимги нарсаларнинг илмий аҳамиятини тушунишга ҳаракат қилибгина қолмай, рус фани ва маданияти ютуқлари билан яқиндан танишишга ҳам интилди. Ўз ташаббуси билан Москва ва Петербургга саёҳат қилди: Кремлда бўлди, Третьяков галереясини бориб курди.

Мирза Абдулла Бухорий тўплаган моддий маданият ёдгорликларидан кўпчилиги Санкт-Петербургдаги Эрмитаж ва Археология комиссиясига юборилгани ҳамда қабул қилинганига доир маълумотлар бор. 6 та маҳсус қутига жойлаштирилган 6300 та қадимий осори-атиқаларни Бухорий ҳеч қандай нарх қўймай Россия фойдасига текинга совға қилган<sup>3</sup>.

Тарих ва маданият жонкуярларидан яна бири Турди Мирғиёс ўғли бўлиб, юртсеварлиги билан ажralиб турган. У 16 йил давомомда йиққан коллекциялари билан таниқли ўлкашунослар

<sup>1</sup> Содикова Н. Маданий ёдгорликлар хазинаси. Тошкент, 1981, 51-бет.

<sup>2</sup> Содикова Н. Кўрсатилган китоб, 52-бет.

<sup>3</sup> Содикова Н. Кўрсатилган китоб, 54-бет.

қаторидан ўрин олган. Турди Мирғиёс ўғли тарихий обидаларнинг жонкуяр тарғиботчиси эканлигини унинг генерал-губернатор маҳкамаси ҳодими, шарқшунос Абубакр Диваевга йўлланган бир мактуби яққол кўрсатади. Мактубда хусусан мана буларни ўқиймиз: «Бизнинг Тўқмоқ райони атрофида, ҳозирда суғориш ишлари олиб борилётган жойда қирқ чақирим масофага қадар чўзилган қадим шаҳар қолдиқлари ётибди. У ёки бу белгиларига қўра бу ерда қачонлардир юксак маданиятли ҳалқлар яшаган. Ҳар қадамда қабр тошлари кўзга ташланади, несторианча ва мусулмонча ёзувлари бор. Шуниси ажабланарлики, бу кўхна шаҳар қолдиқлари ҳақида ҳеч ким бир нима билмайди, на Оврупо, на Шарқ тарихчиларига ҳам номаълум бу шаҳар... Маҳаллий қариялар буни Хитой шаҳри дейишади. Аммо арабча ёзувлар бу тахминни рад қиласди. Бир кўрғонда қазишима қилганимда Византия услубидаги икки алебастр устунчаларни топдим, чуқурроқ бир жойда эса араб услубидаги буюмларни учратдим. Бу жойлардан топилган танглар турк амирлари, халифаларига тегишли, ҳижрий 425—426 йилларга оид. Яна шуни ҳам хабар қилишни лозим кўраман. Канал ўтказилаётган жойдан шарқ томон 18—20 чақирим нарида жуда қадим замонга оид минора турибди. Бу кўхна иншоотнинг фиштларини атрофдаги одамлар ташиб кетиши моқда. Биз Верний шаҳрига учта телеграмма юбордик, аммо ҳеч қандай жавоб олмадик. Орадан яна уч йил ўтса, бу нодир минорадан ҳеч ҳарса қолмайди. Қисқа қилиб айтганда, туркистонлик археологлар бу ердаги қадимий ёдгорликларни ўз ҳимоясига олмасалар, фан ва тарих учун қимматли ҳамма нарса адо бўлади ва биз авлодлар қарғишига учраймиз»<sup>1</sup>.

Самарқад вилоятининг Хўжанд туманида Ҳожи Юсуф Мирфаёзовнинг илмий-маданий фаолияти ҳам диққатга сазовордир. Унинг уйи Хўжанд маданий марказига айланган. Фалакиётшунослик, математика, география, табобат, тарих бўйича билимдон Ҳожи Юсуф раҳбарлигига яратилган Ер шари глобуси XIX аср иккинчи ярмидаги илмий кашфиётлардан бири эди. Глобусда 1000 дан ортиқ географик номлар жойлаштирилган<sup>2</sup>. Туркистон олимлари синовидан ўтган бу глобус Петербургда ҳам намойиш қилинган. Россия Императори География жамияти аъзолари унинг илмий жиҳатдан мукаммаллигига ишонч ҳосил қилишган. Император Николай II ва унинг сарой амалдорлари ҳам глобусни кенг оммага намойиш этишга сазовор деган хulosага келишган ва унинг муаллифини тақдирлашган<sup>3</sup>.

<sup>1</sup> ЎЭР МДА, 394-жамгарма, 1-рўйхат, 27-иш.

<sup>2</sup> Ҳ. Ҳасанов. Памятники Среднеазиатской картографии. «Известия Узб. Геогр. Об-ва», Т.VIII, Ташкент, 1964, 62-бет. Шу муаллиф. «Ўзбекча глобус тарихидан». «Совет мактаби» журнали, 1962, 9-сон, 39—42-бетлар.

<sup>3</sup> Ҳ. Ҳасанов. Географическое наследие ученых Средней Азии. Автореферат на соис. уч. ст. доктора геогр. наук. Ташкент, 1967, 37-бет.

Ходжи Юсуф Мирфаёзов (1842—1924) Осиё ва Европа мамлакатларида таълим олган ўз даврининг илфор кишиси ва маърифатпарваригина эмас, балки бутун Туркистон ўлкаси маданияти ривожига катта ҳисса қўшган олим сифатида ҳам ўзидан ном қолдирган<sup>1</sup>.

Умуман олганда, XIX аср охири — XX аср бошларида Туркистонда маърифатпарварларнинг маълум гуруҳи шаклланганини уқтириб ўтиш лозим (Сатторхон Абдугаффоров, Сайдрасул Саидазизов, Журабек Қаландар қори ўғли, Шоҳимардон Мирфиёс ўғли ва бошқалар).

Мустамлака Туркистонда фан ва маданият соҳасида бир неча кўргазмалар уюштирилган. «Туркистон фани, саноат ва қишлоқ хўжалигининг 25 йиллик юбилейи кўргазмаси» 1909 йилда Тошкентда очилди. 1911 йили 3 та, 1912 йили 2 та, 1915 йили 2 та, 1916 йилда 1 та бадиий кўргазма уюштирилди. Туркистон кўргазмаси 7 марта Умумrossия (1870—1913) ва 10 марта жаҳон (1873—1914 йиллар) кўргазмаларида қатнашган<sup>2</sup>.

Россия ҳукумати турли йўллар билан ўз маданияти, хусусан, қўшиқчилик санъатини Туркистон ҳудудида кенг тарқатишга ҳаракат қилди. Шунинг учун ҳам улар барча воситаларни ишга солдилар.

XIX асрнинг 70- йиллари бошларидан ҳаваскорлик бадиий уюшмалари пайдо бўлабошлиди. Бундай иш билан асосан Туркистон генерал-губернаторлиги шуғулланди. Аслида, қўшиқчилар уюшмаларини ташкил этиш 1866 йилда драматик тўгарак сифатида, кейинчалик эса, 70-йилларнинг охирларида Ф. Ф. Никитников раҳбарлигига мусиқа тўгараги билан бошланган эди. 70-йилларнинг охирлари — 80-йилларнинг бошларидан ўлканинг турли ерларида рус жамоалари ташкил этилиб, улар ўзларининг маданий-эстетик маҳоратини оширишда мадад сўраб юқори ташкилотларга мурожаат қилабошлилар.

Буларнинг ҳаммаси кейинчалик Тошкент шаҳрида мусиқа жамиятини ташкил этишга undай бошлади. 1883 йил 5 февральда Туркистон генерал-губернаторлиги бундай жамиятни тузишга рухсат берди. Шу йилнинг октябрь ойида эса жамият учун маҳсус бино ажратилди. 1884 йил январь ойидан Тошкент мусиқа жамияти ўз фаолиятини бошлади. «Тошкент мусиқа жамияти» ўз сафини тобора кенгайтира борди. Бунинг ижтимоий сабаблари мавжуд бўлиб, улар кўпинча мустамлакачилик илдизларининг мустаҳкамланиши, Россиядан Туркистон ҳудудига кўплаб рус фуқароларининг кўчириб келтирилиши билан боғлиқ эди. 80-йилларнинг иккинчи ярмида жамият мусиқа ҳаваскорларидан ташкил топган оркестр ва хорга эга эди. Чу-

<sup>1</sup> Саиди Шариф Мұхаммадрофе. (С. Ш. Марофиев) Ходжи Юсуф Худжанди. Худжанд, 1995, 13—17-бетлар.

<sup>2</sup> Содикова Н. Кўрсатилган китоб, 48-бет.

нончи, ўша йилларнинг охирларида «Тошкент мусиқа жамияти» хорида 80 дан ортиқ қўшиқчилар фаолият кўрсатди. Айни пайтда жамият қошида офицерлар ҳаваскорлар оркестри ҳам фаолият кўрсатиб турди.

Тошкент рус қўшиқчилик санъатининг жонланана бориши бу ерда кўплаб ижодий сафарларнинг уюштирилишига сабаб бўлди. Масалан, 1889 йилда Тошкентга Д. Славянскийнинг хор капелласи ижодий сафарда бўлган бўлса, кейинчалик «Малороссийская капелла», 1891 йилда Франция оперетта труппаси, 1894—1898 йилларда эса Тифлис операси Туркистонга сафар уюштириди. Бироқ, европача усулда ижро этувчи гастролчилар ва Туркистондаги мавжуд рус қўшиқчилик гуруҳларининг концертлари маҳаллий аҳоли ўргасида эътибор топмади. Хусусан, уларнинг репертуарларидағи «Галька», «Жизнь за царя», «Кармен» операларига маҳаллий аҳоли кирмаганлиги юқоридаги фикрларни исботловчи далил бўлиши мумкин.

Лекин, Россия маданият соҳасидаги ўз ҳукмронлигини тъминлаш ва мустаҳкамлаш мақсадида турли жамиятлар, уюшмалар, гуруҳлар ташкил этишда давом этаверди. Масалан, 1891 йил 4 февралда Туркистон генерал-губернаторлиги Самарқанд мусиқали драма жамиятининг тузилганлиги ҳақидаги ҳужжатни имзолади, унинг Низомини тасдиқлади. 1907 йил март ойида Сирдарё вилояти генерал-губернатори Тошкентда ҳам мусиқали драма жамияти Низомини тасдиқлади. Жамиятни тузишлан асосий мақсад бу ерда санъатнинг 2 жанри — рус мусиқаси ва драматик асарларни кенгроқ ёйиши эди. Айни пайтда Туркистондаги рус маъмурияти бундай тадбирларни узоқни кўзлаган ҳолда олиб борди. Бош мақсад русча усулларни мустаҳкамлаш асосида Туркистонда Россия давлати мустамлакачилик сиёсатини кучайтириш эди. Бу жамиятларда маҳаллий аҳолидан биронта одамнинг йўқлиги ҳам фикримизнинг далилидир.

Туркистон генерал-губернаторлиги ўлқала, айниқса Тошкент шаҳрида рус мусиқий марказларини мустаҳкамлашга катта эътибор берди. Бу пайтга келиб, ўқув юртларида хорлар ташкил этила бошланди, янги ҳаваскорлик мусиқий тўғараклар пайдо бўлди. Буларнинг ичida айниқса ҳаваскор хор қўшиқчилари тўғараги бўлмиш «Лира» ажralиб турарди. Кейинчалик «Тошкент мусиқа жамияти» ва «Лира» фаолиятлари бир-бирига яқинлаша борди. 1904 йилда Тошкентда симфоник ва камер мусиқаси ҳаваскорлари тўғараги ташкил этилди. 1906 йилда эса мусиқа жамияти таркибида мусиқа-драматик жамият ташкил этилди. Улар ўз концертларини кенг ҳалқ оммаси тўпланадиган жойлар, шаҳар боғларида ҳам намойиш эта бошладилар. Кейинчалик «Тошкент мусиқа жамияти»нинг жойлардаги филиал, бўлим, шўбалари ҳам ташкил этила бошланди.

Туркистонга рус қўшиқчилик санъатининг кириб келишида унинг миллий санъат турларига салбий таъсир қилиши билан

бирга, айни пайтда, рус олимлари — мусиқашунослар, элшүнносларнинг ўзбек миллий қўшиқчилик санъатининг тарихини ўрганишда, ҳалқ фольклор асарларини йиғища ва тартибга солишда ҳамда нашр этиш ишларида маълум даражада ижобий роль ўйнаганлигини ҳам айтиб ўтиш лозим. Масалан, XIX асрнинг 70-йилларида илғор фикрловчи ва умуминсоний қадриятларни ўз фаолиятларида шахсий мезон даражасигача кўтарган қатор рус олимлари, мусиқашунослари ўзбек миллий қўшиқчилик санъатини (бошқа маданият ва санъат шакллари каби) ҳам чукур ўргана бошладилар. Улар айниқса қўшиқчилик санъатида ҳалқ оғзаки ижоди анъаналарини қизиқиш билан таҳлил қилдилар. Айни пайтда, айрим рус мусиқашунослари, санъаткорлари маҳаллий ҳалқ ижодкорлари, бастакорлар, ашулачилар билан сұхбатлашиб, уларнинг оғизларидан анъанавий қўшиқларни ёзib ола бошладилар.

Рус мустамлакачилигининг тўсиқларига қарамасдан, Ўзбекистонда анъанавий қўшиқчилик санъати тараққий эта борди. Айниқса, Фарғона водийсида яратилган куйлар ва қўшиқлар, табиийки, ўша даврнинг оғир кунларини, эзилган меҳнаткаш ҳалқ оммасининг орзу-умидларини ифодалаганлиги билан характеристерланади. Аслида бундай ҳолат ўша пайтда мустамлакачилик асорати остида бўлган барча ҳалқлар, ҳудудларга тааллуқли эди. Ҳофизлар асосан Муқимий, Фурқат, Завқий, Увайсий, Ҳамза, Ҳазиний, Надимий, Фарибий, Ерий, Мирий каби шоирларнинг газалларини кўйлаганлар. Мадали ҳофиз номи билан бутун Фарғона водийсида катта обрўга эга бўлган марғилонлик Мадалибек Раҳматуллаев (1876—1931) Ҳазиний, Муқимий, Рожий каби шоирлар билан яқин ижодий ҳамкорликда ижод қилди.

Мадали ҳофиз Раҳматуллаевнинг замондошлари, Фарғона водийсида ўзларининг юксак ижрочилик маҳорати билан барчанинг ҳурматини қозонган санъаткор, ҳофиз, мусиқачи ва бастакорлардан Фарғонага яқин Арсиф қишлоғидан чиққан Парпи ҳофиз, наманганлик Абдулла ҳофиз (Абдулла Файзуллаев), исфаралик Мадумар ҳофиз, бешариқлиқ Ҳамроқул қори Қосимов, қўқонлик Эркақори Каримов ва Маҳрам ҳофиз, марғилонлик ҳофизлар Абдураззоқ ота, Болтабой Ражабов, Ҳасанқори, олтиариқлиқ мулла Усмон охун, Мирзаҳмад, мулла Бурҳон, андижонлик Тошкент ҳофиз, шаҳриҳонлик Абдуллажон маҳсум Макайли ҳофиз, мулла Абдувоҳид, Солихўжа ҳофизлар хонлар ва чоризм истибоди давларида яшаб самарали ижод қилдилар. Улар ўзларининг гоят нафис ва гўзал санъатларида жаҳолат ва разолатни фош этдилар. Марғилонлик машҳур доирачи уста Олим Комилов, камончи ва дуторчи Отахўжа эшон, наманганлик дуторчилар Собироҳун ва Рамазоноҳун, танбурчилар Жалолхон ва Султонхон, ёзёвонлик Маматхон қори Мунақбоевлар ҳам ўзбек санъатининг ривожида фаол меҳнат қилдилар.

Мустамлакачилик даврида кўшиқчиларнинг ижтимоий-иқтисодий аҳволи оғир бўлган. Шунинг учун ҳам уларнинг кўпчилиги бошқа касб билан шуғулланишга мажбур бўлғанлар. Чунончи, Мадали ҳофиз Марғилоннинг Ўрда таги маҳалласида атторлик қилиб кун кечирган, наманганлик Абдулла Файзуллаев тароқчилик касби билан машғул бўлган, шунинг учун уни Абдулла Тароқ ҳам деб атаганлар. Мазкур даврда туркистонлик ашулачи ва созандаларнинг кўпчилиги серқирра санъаткор эдилар. Бир кишининг ўзи икки-уч чолғу асбобида чалишни пухта эгаллаган созанда, бастакор, ҳофиз, қизиқчи, ҳатто баъзилари ўзлари учун доимий керак бўлган чолғу созларини ясаш хунаридан ҳам хабардор эдилар. Уларнинг ноёб истеъоди яна шу жиҳатдан қадрлики, улар нота ёзувларисиз қанчадан-қанча халқ мусиқа бойликларини, шашмақомларни ёддан ўрганганлар ва эсда сақлаб қолиб, ўз навбатида шогирдларига ўтказганлар, Фаргона водийисида ўзбек профессионал мусиқаси жанрига кирувчи «Шашмақом»нинг Фаргона — Тошкент йўллари ва айниқса катта ашула кенг тарқалган.

XIX аср иккинчи ярми — XX аср бошларидаги мураккаб иқтисодий-сиёсий вазиятга қарамасдан, ўзбек санъаткорларининг номи бошқа давлатларга ҳам тарқалган. Масалан, самарқандлик машҳур ҳофиз Ҳожи Абдулазиз Расулов Эрон, Афғонистон, Ироқ, Ҳиндистон ва Юнонистон мамлакатларида ўз санъатини намойиш қилган. Тошкентлик Мулла Тўйчи Тошмуҳамедовнинг овозини Ёркент, Гулжа, Чутчак халқлари севиб тинглаганлар. Тўйчи ҳофиз 1868 йилда Тошкент шаҳрида тавајлуд топди. 1898 йили Қўқон сафарида машҳур ҳофизлар Мадумар, Абдуқаҳдор ҳофиз, Сайд Аҳмад, Назирхонлар билан яқиндан танишиб, бир умр улар билан дўстлашиб қолди. Бу ҳофизлар асосан ликопча билан катта ашула айтиб ном чиқарганлар. Тўйчи ҳофиз соз жўрлигига ашула айтишнинг асосчиларидан бўлиб, ундан кўриб бошқалар ҳам аста-секин соз жўрлигига ашула айтишни машқ қила бошладилар. Орадан кўп вақт ўтмай, Тўйчи ҳофиз Муҳаммад Умар ва Абдуқаҳдор ҳофиз билан бирлашиб кўп вақт қўқонлик санъат мухлисларини хурсанд қилиб юрдилар.

Тўйчи ҳофиз ўз санъатининг маҳоратлиги билан шуҳрат қозонди. Шунинг учун ҳам Рига «Граммофон» жамияти унинг ашулашарини ёзib олиш учун таклиф этди. 1905 йилда унинг 25 га яқин халқ қўшиқлари ва мумтоз ашулалари ёзib олинди ва тарқатилди. Унинг «Бобо Равшан», «Ёқаётан наби», «Бевафо дунёсан», «Сувора», «Илфор», «Хисрав» каби қўшиқ ва куйлари бутун Европа давлатларига тарқалди. Унинг ташаббуси билан Ўрта Осиёning қатор шаҳарларида граммофон ва пластинка дўконлари очилди. Тўйчи ҳофиз айниқса маърифатпарвар шоир Фурқат билан жуда илик ижодий алоқа қилди.

Ўзбек миллий қўшиқчилик санъатини ривожлантирган машхур ҳофизлардан бири Ҳожи Абдулазиздир. У 1855 йили Самарқанд шаҳрининг Кўкмачит маҳалласида дунёга келган. Абдулазиз ўз устози Бобораҳим танбурчи тарбиясида бўлиб, уч-тўрт йил ичидаги соз чалишни яхшигина ўрганиб олди. У тўй ва базмларда танбур чертар, баъзан соз жўрлигида қўшиқ айтади. Кейинчалик ўша вақтдаги машхур ҳофиз Борух билан биргаликда ашула айтиб юрди. Борух ҳофиз ўзбек ва тоҷик мусиқа санъатини зўр ҳавас билан ўрганган киши бўлиб, «Шашмақом»ни ҳам яхши айтади. У ўз тенгқурлари билан биргаликда созандалар, ҳофизлар, шоирлар иштирок этадиган утиришларда тез-тез қатнашиб турар, Бедил, Жомий, Навоий, Фузулий ва бошқа мумтоз шоирларнинг асарлари ҳақида борган мусоҳабаларни берилиб тинглар эди.

Ҳожи Абдулазиз «Шашмақом»ни мукаммал ўрганиш мақсадида XIX асрнинг 80- йилларида Бухорога боради. У моҳир мақомчи Ота Жалол Назировга шогирд тушади ва бир йил давомида ундан таълим олади. Ота Жалол ўз шогирдига мақом йўлларини тўла-тўқис ўргатибгина қолмай, «Шашмақом»нинг тарихи, унинг авлоддан-авлодга сайқал топиб, ривожланиб келаётгани ҳақида ҳам тушунча беради.

Ҳожи Абдулазиз томонидан «Шашмақом» қўйларининг дуторга кўчирилиши ҳам бошқа жиҳатдан аҳамиятли эди. Биринчидан, мақом ижро этиладиган чолгулар шу туфайли биттага кўпайди. Иккинчидан, дутор энг севимли чолғу ҳисобланган Тошкент ва унинг атрофларида, Фарғона водийсида мақомларнинг илгаридан ҳам кенг тарқалишига имкон яратди.

Ўзбек анъанавий қўшиқчилик санъати мазкур даврда кўп қўйинчилик билан ривож топди. Россиянинг мустамлакачилик сиёсати оқибати ўлароқ, ўзбек санъатининг камситилиши унинг иккинчи даражали санъат деб қаралиши асосида юз берди. Чунончи, XIX аср охири — XX аср бошларида Ўзбекистон ҳудудида ташкил топган барча «Мусиқа севувчилар жамиятлари» рус ҳукуматининг ўлка маъмуриятларида тасдиқдан ўтар, ҳаттоқи жамият аъзоларининг аъзолик бадалини тўлаш тартиби, уйналадиган спектакллар ва концерт репертуарларини тасдиқлаш, томошалардан тушган маблагларни ўз вақтида давлатга топшириб туриш кабилар ҳам ҳарбий губернаторлик тасаруфида эди.

Ўзбек миллий қўшиқчилик санъатининг ривожланиши маърифатпарварларнинг фаолияти, жадидлар ҳаракати билан ҳам бевосита боғлиқdir. Чунончи, улар ўзбек қўшиқчилик санъатини юксак даражага кутариш билан бирга, рус санъатини ҳам ўрганиш гоясини кутариб чиқдилар. Аҳмад Дониш (1828—1897) ўзининг «Бухородан Санкт-Петербургга саёҳат» номли китобида рус маданияти, айниқса қўшиқчилик санъатидан ҳаяжонланганлигини ёзади. У айни пайтда миллий маданият, санъат-

нинг равнақи унинг бошқа миллат маданияти ва санъати билан ўзаро алоқадорлигига боғлиқлигини ҳам айтади.

Ўзбек миллый қушиқчилик санъатининг ривожи Фурқат, Муқимий, Завқий ва бошқаларнинг маърифатпарварликка асосланган ижтимоий - сиёсий қарашларига ҳам боғлиқ бўлди. Юқорида номлари тилга олинган маърифатпарварлар айрим масалаларни талқин қилишлари билан бир-бирларидан ажраби турсалар-да, қарашларига хос умумий белги аниқ кўзга ташланади. Бу уларнинг мавжуд тузумга қарши муносабат, ҳалқ оммаси манфаатларини ҳимоя қилиш, тараққиёт ва маърифат фоялари учун курашга чақиришларида яққол кўринади. Улар жамият аъзоларининг ҳар томонлама камол топишида мусиқа, айниқса қўшиқчиликнинг ўрни катта эканлигини таъкидлар, шу билан бирга, ўз шеър ва фазалларида ўзбек миллый руҳиятини курсатишга ҳаракат қиласдилар. Уларнинг асарлари замонавий, ҳалқа яқин бўлганилиги, айни пайтда қадимий-анъанавий усулларга содиқлиги учун ҳам ҳалқ томонидан севиб айтилар эди.

Ўзбек миллый қушиқчилик санъати, истилочилик сиёсатига қарамасдан, ўзининг умумий анъанавий ривожланиш йўлида давом этди. Хусусан, ижрочиликнинг Бухоро, Хоразм, Кўқон 4 ўллари тўла-тўқис сақлаб қолинди ва бундай усулларни янада такомиллаштиришда ўша шаҳарлардаги мавжуд анъанавий мактаблар мухим аҳамият касб этди. Шу билан бирга, Туркистоннинг барча ҳудудларида ўзига хослик мавжуд бўлишига қарамасдан, ўзбек анъанавий қушиқчилиги ҳам ашулада, ҳам чолғу асбобларида умумийликни йўқотмади.

Ўзбек анъанавий қушиқчилик санъати ўзининг чуқур миллийлиги ҳамда ўзига хос йўналиши, усул ва услубларига эга эканлиги учун ҳам мустамлакачилар уни йўқотолмадилар.

Айни пайтда Россияда ўзбек маданияти, хусусан, анъанавий қушиқчилик санъати жуда маълум эди. Хусусан, XIX асрнинг 70-йиллари бошларида Бухоро амири 7 кишидан иборат мусиқачилар гуруҳини Россияга жўнатганлиги, руслар эса кўплаб ўзбек мусиқий чолғуларини кўриб ҳайратланганликлари маълум. Мазкур даврда ўзбек қушиқчилари Россияда, чунончи, Нижний Новгородда ташкил этилган кўргазмада иштирок этиб, тингловчиларни лол қолдирганликларини ҳам таъкидлаш лозим. Туркистонда узоқ йиллар истиқомат қилган Н. Ликошин «тузем» ҳалқлари қушиқларини севиб тинглаганини айтади.

Россия дипломати Л. Костенко ўзбек чолғу мусиқасига қисман қизиқиб қараса-да, бироқ матн билан боғлиқ ўзбек қушиқчилари ҳақида мутлақо зид фикрлар билдиради: «Турон қушиқчилариdek бемаъни нарсани тасаввур қилиб бўлмайди; уларда бирорта ёқимли товуш ёки тўғри куйланадиган нота йўқ. Эшичувчиларга роҳат бағишламоқчи бўлган субъект (мен уларни ашула

деёлмайман) куйламайди, овозининг борича бақиради, холос. Унинг бақироқ овози кучайган сари уни эшишувчиларнинг завқашавқи ҳам кучаяди. Ашулачи бошини кўтариб, кўзларини олазарак қиласди, томирлари қонга тўлади ва у чиябўрига ўхшаб улийди, гоҳ мушук сингари миёвлайди, гоҳ туждек наъба тортади». Л. Костенконинг бундай мулоҳазаси аксарият истилочиларнинг руҳияти ва мақсадларига мос эди. Бундай нотуғри хуласанинг пайдо бўлиши икки сабабга боғлиқ эди: 1) мустамлакачиликни оқлаш, унга маҳкум этилганларга «илгор» маданият олиб кириш «гоя»сини исботлаш; 2) анъанавий қўшиқчилик, айниқса шеър матнидан мутлақо хабарсизлик.

Бундан фарқди ўлароқ, ўзбек анъанавий қўшиқчилик тарихидан яхши хабардор бўлган рус тадқиқотчилари маҳаллий аҳоли орасида ҳофизларни, айниқса кучли овозга эга бўлган ашулачиларни доимо ардоқлаганликларини тъкидлайдилар.

Айни пайтда ўзбек ҳалқ чолгу ижрочилиги янги шакллар билан ҳам бойиб борди. Ҳалқ ижрочилиги анъаналари асосида янги, нисбатан мураккаб ва мукаммал, ҳалқ ҳаётининг турли томонларини ёритувчи куй ва қўшиқлар яратила бошланди. Таниқли дуторчи, танбурчи, доирачи, найчи, сурнайчи, фижжакчи, қашқар ва афғон рубобчилари пайдо бўлди. Ҳалқ чолгулари мусиқа ихлосмандлари орасида кенг ёйилди. Улар «Наврўз» байрамларида ва бошқа оммавий ҳалқ сайиллари ва томошаларида, ҳосил байрамларида ўз санъати билан фаол иштирок этдилар.

XX аср Туркистон ўлкаси маданий ҳаётида 1916 йилда Скobelев (ҳозирги Фарғона) шаҳрида Мұхитдин қори Ёқубов ташкил этган чолгу созлари ансамбли, Наманганда уста Рўзимат Исабоев тузган ласта, Қўқонда Ҳамза томонидан тузилган духовой оркестр катта воқеа бўлди. Мазкур жамоалар репертуарларида ўзбек ҳалқининг мумтоз, лирик, эпик қўшиқлари ўрин олди. Шуни алоҳида тъкидлаш лозимки, XX аср бошларида бўлиб ўтган инқилобий жараёнлар, чор ҳукумати мустамлакачилигининг кучая бориб, ҳалқнинг аянчли аҳволга тушиб қолиши қўшиқчилик санъати репертуарларига ҳам ўзгаришлар кирита бошлади. Бошқа сўз билан айтганда, энди қўшиқлар кўпроқ сиёсий тус олабошлади. 1916 йилда мустамлакачиликка, зулмга қарши ва миллий-озодлик учун йирик ҳалқ ҳаракатлари бўлиб ўтди. Қўзғолонлар пайтида ўзбек ҳалқининг «Минг лаънат», «Элликбоши» ва бошқа янги замон билан баробар туғилган қўшиқлари кенг тарқалди. Бу қўшиқларда подшо, маҳаллий амалдорларнинг ўзбошимчалиги газаб билан қораланади, ҳалқ оммасининг тезроқ озод бўлишига ишонч билдирилди. 1916 йилда фронт орқасидаги қора ишлар учун мардикор олиниши муносабати билан «Поезингни жилдириган....» мисраси билан бошланувчи «Николай қон жаллоб» ёки «Мардикорлар воқеаси» қўшиги яратилди. Ўзбек йигитла-

ри темир йўл қурилишига сафарбар этилган пайтда Жаркентда (ҳозирги Қозоғистоннинг Талдиқўрғон вилоятида) яратилган «Аршиллари — нахшиллари» халқ қўшиғи ҳам ана шундай руҳга эга эди.

Анъанавий ўзбек қўшиқчилик маданиятининг ривожланишида Ҳамза Ҳакимзода Ниёзийнинг алоҳида ўрни бор. У ўз шеърларини халқ куйларига солиб, таниш ашула ёки қўшиқлар оҳангига мўлжаллаб ёзилишини таъминлади ва бу билан ушбу асарлар тезроқ халқ орасида ёйилди. У ўзи тўплаган халқ куйларининг 30 тасига содда ва ихчам ибораларда шеърлар ёзди. 1915—1917 йиллар мобайнида унинг «Оқ гул», «Қизил гул», «Пушти гул», «Сарик гул», «Яшил гул», «Савсар гул» ашуласар тўпламлари босилиб чиқди.

Ҳамзанинг ўзи бу тўпламларнинг туб моҳиятини ва мақсадини «Миллий ашуласар учун миллий шеърлар мажмуаси» китобининг биринчи бўлимига ёзган сўзбошисида бундай дейди: «Кулоқ ноталари или эшишиб келмиш миллий табаррук ашуласаримизнинг ўрни йўқолмасин учун баъзи ярамас шеърлар ўрнига миллий шеърлар тартиб бериб, ҳамма оҳанг ва куйларимизни топиб, бир неча бўлимда ношир этмак ниятидамиз. Ушбу ниятимизга муқаддима ўлмоқ узра бу бўлимда 6 дона миллий ашуласаримиз учун миллий шеърлар тартиб бериб, муҳтарам ватандошларимизга тақдим қилдик». Ҳамзанинг «Миллий ашуласар» номи билан машҳур тўпламида 40 дан ортиқ халқ ашуласари бўлиб, улар орасида ўзбек, тоҷик, уйғур, татар халқлари қўшиқлари ҳам бор эди. Умуман, Ҳамзанинг ўзи 90 дан ортиқ қўшиқлар яратганини айтади. Бироқ уларнинг кўпчилиги бизгача етиб қелмаган.

Ўзбекистоннинг чор Россияси мустамлакачилиги давридаги анъанавий қўшиқчилик санъатининг аҳволи ўзбек халқ байрамлари мазмунида ҳам ўз аксини топган. Ушбу даврда истило-чилик сиёсати ўз моҳияти нуқтаи назаридан маънавиятдаги миллийликни йўқотишга қаратилган. Бундай сиёсий мақсадни амалга ошириш учун эса мустамлакачилар маҳаллий халқнинг миллий, анъанавий маданиятини камситиш, уларни чеклаш йўлидан борди. Лекин шунга қарамасдан, маҳаллий халқ, жумладан, ўзбекларнинг ўз анъана, урф-одатларини сақлаб қолиш йўлидаги ҳаракатлари самара берди. Ўзбек халқи маънавий маданиятининг, унинг урф-одатларида мумтозликнинг, моҳиятан анъанавийликка асосланган санъат турларининг мустаҳкам илдизи халқ байрамлари ҳамда унинг асосини ташкил этувчи қўшиқчилик санъатининг сақлаб қолиниши билан изоҳланди<sup>1</sup>.

Туркистон генерал-губернаторлиги вилояти мақомидаги

<sup>1</sup> Ҳожиакбар Ҳамидов. Ўзбекистон маънавий маданияти тарихи: шаклланиши, тараққиёти, муаммолари. Тарих фанлари доктори илмий даражасини олиш учун тақдим этилган диссертация. Тошкент, 1996, 168—204-бетлар.

Амударё бўлими ҳудудида яшовчи қорақалпоқлар санъати ҳам мустамлака шароитида яшовчанлигини кўрсатди. «Қорақалпоқлар хотирасида, — деб ёзган эди қозоқ элшуноси Ч. Валихонов, — минглаб ҳикоялар, қиссалар, қўшиқлар сақланган»<sup>1</sup>. Уларнинг ичидаги машҳури «Алпомиш», «Қоблан», «Эдиге», «Шариёр», «Эршуро», «Қирқ қиз» достонлари бўлган. Уларнинг ижроҷилари жировлар, баҳшилар ва қиссаҳонлар фавқулодда шоирона қобилиятга эга бўлишган. Улар туфайли узоқ ўтмишдаги ҳалқ оғзаки ижоди намуналари авлоддан-авлодга ўтиб, бизгача етиб келган.

Жировлар шажарасининг илдизи узоқ ўтмишга бориб тақалади. XV асрда Сопласи Сипира жиров катта шуҳрат қозонди, XVIII—XIX асрларда эса Жиян жиров, Шонқай жировлар ном чиқарди. Бир неча баҳшилар мактаблари, шу жумладан, Фаринёз баҳши, Ақимбет баҳши, Қўшим баҳши, Муса баҳши ва ҳоказо мактаблар фаолият курсатган.

Ҳалқ турмуши, меҳнат фаолияти, дастурлари, урф-одатлари билан чамбарчас боғлиқ бўлган тўй қўшиқлари, йиги ашулалари (йўқлаш, марсия, хайрлашиш), болалар ва «даволаш» (бадик) қўшиқлари ва бошқалар қорақалпоқларнинг шеърий ва мусиқий ижодиётининг таркибий қисмини ташкил этган.

Мақол-маталлар ҳалқ донишмандлигининг йифиндиси, ҳалқ истеъодининг ёрқин намунаси булиб келган. Қорақалпоқларда жумбоқлар, зукколик мусобақалари (жавоб айтиш) ва ҳалқ ижодининг бошқа кўпгина турлари кенг тарқалган.

Қорақалпоқлар бошқа туркӣ забон ҳалқлар билан бир қаторда қадимий умумтурк ёзма ёдгорликларини (қадимий урхун-енисей ёзувлари, VII—VIII асрлар), Маҳмуд Кошгариининг «Девони луғати турк» (XI), «Кодекс Куманикус» (XIII асрдаги қипчоқлар тили луғати), «Оғузнома» кабиларни мерос қилиб олган<sup>2</sup>.

Қорақалпоқларнинг ўз ҳаёти ва мустақиллиги учун саботматонат билан олиб борган кураши жараённида Жиян жиров, Кунхўжа, Ажиниёз, Бердаҳ, Ўтеш каби ажойиб ҳалқ шоирлари етишиб чиқди.

Қорақалпоқ адабиётининг йирик намояндаси, шоир ва жиров Жиян Жунғор хонининг ва бошқа хонларнинг шафқатсиз сиёсатини «Хонавайрон ҳалқ» поэмаси мисолида фош қилди. XIX асрдаги барча тараққийпарвар қорақалпоқ шоирлари Жиян жировни қорақалпоқ шеъриятининг отаси деб тан олдилар.

Машхур шоир Кунхўжа (Жиямурод) ҳам (1799—1880) ўз асарларида («Чўпонлар», «Ўроқчилар», «Оқ қомиш» ва бошқ.) заҳматкаш ҳалқнинг оғир аҳволини акс эттириб, қорақалпоқ

<sup>1</sup> Валихонов Ч. Ч. Сочинения. Известия русского географического общества по отд. этнографии. Т. XXIX, 1904, 192-бет.

<sup>2</sup> Хамидов X. Каракалпакский язык XIX — начала XX вв. по данным письменных памятников. Ташкент, «Фан», 1966, 16—17-бетлар.



Бердах Қарғабой ўғли (1827—1900).



Ерназар Алакўз (1806—1856).

жамиятидаги чуқур ижтимоий қарама-қаршиликларнинг мөҳиятини очиб берди. XIX асрда яшаб ўтган қорақалпоқ шоирлари Ажиниёз ва Бердах ижодиёти ҳозирда ҳам дол зарб аҳамият касб этади<sup>1</sup>.

Ажиниёз Қосибой ўғли (1824—1878) қорақалпоқ адабиётининг яна бир йирик ва ўзига хос ижодий сиймосидир. У Хева мадрасасида таълим олган, тарих ва ҳалқ оғзаки ижодини яхши билган, Шарқ лирикаси билан таниш бўлган. Шоир асарларида лирик мавзулар билан бир қаторда ижтимоий мавзулар ўрин тутади. Унинг машҳур «Бўзатов» поэмаси қорақалпоқ ҳалқининг оғир ҳаётини акс эттирган аҳамиятли тарихий манба бўлиб ҳисобланади.

Бердах (Бердимурод) Қарғабой ўғли (1827—1900) қорақалпоқ мумтоз адабиётининг энг ёрқин намояндасидир. Ўзининг кўпгина лирик асарларида, поэмаларида Бердах XIX асрдаги қорақалпоқ ҳалқининг ижтимоий ҳаётини ҳар тарафлама акс эттириди. Шоир-демократ сифатида у ўз давридаги воқеаларга ва ижтимоий муносабатларга адолат ва ватанпарварлик нуқтаи назаридан баҳо берди. Бердах ўз асарларида жамиятнинг илғор кишиларини ҳалқ баҳт-саодати учун курашга чорлади, кўпгина ўтмиш воқеаларига жиддий фикр билдириди. Шу боисдан ҳам тарихчиларнинг бирортаси Бердах ижодиётини четлаб ўтмайди.

<sup>1</sup> Каранг. Каримов И. А. Ҳафғисизлик ва барқарор тараққиёт йўлида. 6-жилд. Т., «Ўзбекистон», 1998, 268-бет.

Үтеш Алшинбой ўғли (1828—1902) нисбатан унчалик күп бұлмаган мерос қолдирған. Лекин унинг золимларга қарши, жафокаш мазлумларни ҳимоя қилишга қаратылған ҳажвий асарлари («Шарманда», «Ўхшар» ва ҳ. к.) шоирни XIX аср қорақалпоқ шеъриятининг атоқлы вакиллари сафига қутарди.

Адабиёт билан бир қаторда қорақалпоқ мусиқаси ҳам үз тарихига эга. Халқ оғзаки ижоди қаби мусиқа авлоддан-авлодга оғзаки ўтиб келган. Мусиқа маданиятининг тарқатувчилари құшиқчилар, жировбахшилар, сұз усталари, халқ бастакорлари, созандалар, оддий мусиқа ва құшиқ ишқидозлари бұлған.

Асосий қорақалпоқ мусиқа асблори: қобыз — камонча билан чалинадиган қадими мусиқа асбоби бўлиб, у билан жировлар қаҳрамонлик достонларини ижро этган; дугор—бахшилар чаладиган икки торли мусиқа асбоби; бошқалардан алоҳида ажралиб турадиган шынқобыз — фақат аёллар чаладиган, такрорланмас овозга эга асбобидир. Булардан бошқа сурнай ва фижжак ҳам құлланилган.

Амалий санъат (ёғоч ўймакорлиги, каштадұзлик, гилам тұқиши, заргарлик, қунга босиб нақш солиш, аппликация ва ҳ. к.) қорақалпоқ халқи ижодиётининг күпроқ ривожланған серқира соҳасидир. Айниқса каштачиларнинг ранг-баранг бўлиб товланған кашталари хотин-қизларнинг байрам кийимларини безаган.

Қорақалпоғистонда заргарлик буюмлари (исирға, билагузук, узук, күкрап тақынчоқлари), меҳнат қуроллари, уй-рұзғор анжомлари, шунингдек, қурол-яроғ (қилич, совут, камар ва ҳ. к.) ҳам кенг тарқалған.

Мустамлака сиёсати қорақалпоқ халқининг нафосат түйгүсини сұндира олмади. Унинг меңнати ва истеъоди асрлар оша яшаб келаётган халқ ижодиёти намуналарида үз аксини топди<sup>1</sup>.



Ажиниәз Қосибай (1824—1878).

<sup>1</sup> Камолов С., Сарібоев К. Қорақалпоқлар. Рисола құлөзмаси. Нұкус, 1999, 36—39-бетлар.

Рус мустамлакачилари ўзларининг маданият соҳасидаги сиёсатида ўлка халқларининг ерлари, табий бойликларинигина эмас, балки уларнинг қалбини ҳам забт этишни кўзладилар. Руслаштириш сиёсатида ўлка маданиятини ҳам, халқ руҳиятини ҳам русларнинг таъсирига олишни назарда тутган эдилар. Генерал-лейтенант Мациевский Шарқшунослик жамияти Тошкент бўлими раҳбариятига юборган йўриқномасида ана шу фикрни ҳарбийларга хос очиқ баён қилган. «Жамият, — деб ёзган эди генерал, — Шарқни фан ва Шарқ учун эмас, балки унинг элларини Россияга сингдириб юбориш — руслаштириш мақсадида ўрганиши лозим»<sup>1</sup>.

Хулоса қилиб айтганда, Туркистон халқларининг фан ва маданияти мустамлака тузумининг биқиқ шароитида ҳам, руслаштириш сиёсатининг барча зуфум-ситамларига қарамай, ривожланишдан тўхтамади. Мустамлакачилар илм-маърифатга интилиш, илфор foялар ва истиқлол истагини бўғиб ташлай олмадилар.

Чоризмнинг маданият соҳасидаги сиёсатининг асосий йўналишларини қисқача кўйидагича белгилаш мумкин:

1. Чор ҳукумати Туркистонда турғунлик ҳолатини сақлаш, ўзаро низо-адоватлар уругини сепиб турган ҳолда улардаги миллатпарварлик, юртсеварлик ва жанговарлик туйғуларини ўлдириш.

2. Ўлка халқларини ўз тарихи ва маданиятидан узоқлаштириш. Бу соҳада чоризм жуда изчил иш юритди. Олимлар, иммий жамиятлар томонидан Туркистон тарихига доир моддий ва маънавий ёдгорликлар йиғиб олинди ва Москва ҳамда Санкт-Петербургга жўнатилди. Шундай қилиндикси, эндиликда ўлка тарихини ўрганиш учун туркистонликлар ана шу марказларга боришга мажбур бўлишиди. Шўро тузуми даврида ҳам шундай бўлиб қолаверди. Иш шу даражага бориб етдики, Ўрта Осиё республикалари ўз тарихларига кўра Россия тарихини яхши биладиган бўлиб қолдилар.

3. Мустамлака маъмурияти ўлқадаги тарихий обидаларнинг қаровсиз қолиб вайрон бўлишига атайлаб йўл қўйдилар. Туркистон генерал-губернатори А.В.Самсонов эса Самарқандда бўлганида жаҳонга машҳур обидаларнинг вайрон бўлаётгани сабабли уларни тиклаш зарурлиги ҳақида гап кетганда обидаларни тўпга тутиш афзалроқ деган. Подшо генераллари жаҳон афкор оммаси фикридан чўчибгина бундай режани амалга оширмадилар.

4. Чоризм халқ маорифи соҳасидаги руслаштириш сиёсатини рус-тузем мактаблари тармоғини вужудга келтириш ва рус тилига давлат мақоми бериш воситасида амалга оширдилар.

<sup>1</sup> Содиков X XX аср бошида Туркистонда чоризмнинг мустамлакачилик сиёсати ва истиқлол учун кураш. Т., 1994, 132-бет.

Фарғона ҳарбий губернатори генерал-лейтенант Н. И. Корольков 1898 йилда императорга йўллаган ҳисоботида подшо маъмуриятининг ўлкани руслаштириш бобидаги дастурини баён этиб, «туземшларнинг» ўз болаларини ихтиёрий равишда рус-тузем мактабларига беришига эришиш муҳимлигига эътиборни қаратган. Бунинг учун у маҳаллий маъмурият амалдорларига яқин беш йил ичидаги иш юритишни рус тилига кўчириш лозимлигини уқтиргди. Корольков бу тадбир «туземшларни» мансабга қизиқиб фарзандларини рус-тузем мактабларига беришга уларда қизиқиш уйғотади деб ҳисоблаган. Туркистон генерал-губернатори барон А. Б. Вревский вилоят ҳарбий губернаторларига йўллаган мактубида бу масалага ойдинлик киритди: «Шундай вақт келдик, — деб ёзган эди Вревский, — энди ерлилар рус ва фақат рус мактабида ҳар қандай фаолият учун зарур билим ва малакалар ўчонини кўришсин. Улар мадраса ва мактаблардаги билим эндиликда давлат ҳамда ижтимоий тузумга яроқсиз эканлигини ҳис қилишсин. Рус тилини билувчи маҳаллий мусулмонлардан барча соҳаларда фойдаланилсин»<sup>1</sup>. Подшо генераллари «рус-тузем» мактаблари ва шаҳар билим юртларини муваффақиятли тугаллаган ерлилар болаларига жиддий имтиёзлар берилсин»<sup>2</sup> деган фикрни ҳам илгари сурдилар ва уни амалга оширилдилар.

Чоризмнинг Туркистон ўлкаси аҳолисини руслаштириш сиёсатининг риёкорлиги шунда эдикни, рус амалдорлари ўзбек, қозоқ, қирғиз, туркман, тоҷик халқлари орасидан етишиб чиқкан ва русчани мукаммал ўргангандан одамларни хушламай, улардан чўчишиб турган ва ўрни келганда таъқиб қилган. Абай Кўнанбоеv, Чўқон Валихонов, Сатторхон Абдуғаффоров, Фурқат, Тўхтагул Сотилганов, Шарифхўжа Пошшахўжаев, Жўрабек Қаландаров, Мухиддинхўжа Ҳакимхўжаев ва бошқалар шулар жумласидан. Шунинг учун ҳам Россия Туркистонда маҳаллий аҳолидан олимлар етишиб чиқишига бутун чоралар билан қарши иш юртди.

## 6. ТУРКИСТОН ХАЛҚЛАРИ СИЁСИЙ ВА ИНСОНИЙ ҲУҚУҚЛАРИНИНГ ПОЙМОЛ ЭТИЛИШИ

Россия империяси Туркистон ўлкасини истило қилганидан кейин маҳаллий халқларни мустамлака истибододига солувчи қонун — «Туркистон ўлкасини бошқариш ҳақидаги Низом»ни жорий этди. Низом ўлкада маҳаллий аҳолининг инсоний ва сиёсий ҳуқуқларининг расман поймол этилишига олиб келди.

Низомга кўра, кичик мансабдорлар, приставдан тортиб ге-

<sup>1</sup> Содиқов Ҳ. Кўрсатилган диссертация, 90-бет.

<sup>2</sup> Ўша асар, 92-бет.

нерал-губернаторгача маҳаллий аҳолига нисбатан чекланмаган жазо чораларини қуллаши мумкин бўлган. Шаҳардаги рус аҳолисига берилган имтиёзлар мусулмонларга тегишли бўлмаган. «Мусулмон аҳолини кучайтирмаслик учун уларни имтиёзлардан маҳрум этиш ўринлидир», — дейилган эди бир расмий хужжатда.

Туркистон тарихи тадқиқотчиларидан Г. Сафаров ўлкадаги Европа аҳолисининг барча қатламини «умумий мустамлакачилар» деб атагани бежиз эмас. У мустамлака шароитидаги синфий ва миллий тенгсизлик ҳамда рус ишчиларининг имтиёзлари ва уларнинг маҳаллий миллатлар ишчиларидан кескин фарқланувчи ҳукмрон мавқеи ҳақида адолатли фикр юритиб, чоризмнинг руслаштириш сиёсати ва рус келгиндиларига туб жойли аҳоли ерларининг бўлиб берилиши Туркистондаги миллий-озодлик ҳаракатини юзага келтирган асосий сабаб бўлганлигини ёзган. «Барча руслар, — деб айтган эди Г. Сафаров, — Туркистоннинг туб аҳолиси одамлар эмас, балки урса, таласа, зўрласа мумкин бўлган иш ҳайвонларидир, деган руҳда яшаган ва тарбияланган»<sup>1</sup>.

Чоризм маҳаллий халқнинг урф-одатларини, ислом динини ҳам топташдан тоймади. Замондошларнинг ёзишича: «Тарихи милодийнинг 1895 йилларида чор ҳукуматининг золим генераллари Туркистон ўлкасига қўйилғон «миссионер», яъни дин бузувчи Остроумовларнинг таклифлари бўйича, Туркистон ўлкасининг халқини кўр каби истибодод қоронгусида қолдирмоқнинг маслаҳатида «русский-туземный» мактаблар очмоққа киришдилар. Мадраса вақфларини бони, вақф қылғувчи вақфларнинг авлодларига буюриб бериб, сотиб емоқларига фармойиш қилиб мусулмонларнинг жума номозларида подшонинг номини [хутбага] қўйиб ўқимоқ, «Куръон»нинг «ва-л-мушриkin» деган жойларидан «мушрик» иборатларини чиқармоқ каби беҳуда ишларни амр қилдилар. Шаҳар ҳокимлари, қози ва амалдорлар ҳам мактабдорларни чақириб, оқ подшонинг номини жамий одамларга билдириб, масжидларда, номозларда дуо қилдириш, ҳатто мактаблардаги ёш болалар ўқийдиган Эшон Суфи (Суфи Оллоёр)нинг «Чаҳор китоби» деган савоб китоблардаги «азоби қабр кофирларгадир, чин — кўрар гўрнинг азобин баъзи мўмин»дек бўлғон байтларини ва «кофир, мушрик» деган ибораларини йўқотиб янги босиладиргон китоб ва «Куръон»лардан юқорида айтилган калималарни чиқаришдек фармойишлар қилдилар. Мусулмонларни ниҳоят эзиб, қисиб, ҳатто кучадан пристуф ўтиб қолса, ё беихтиёр кўрмай қолғон ва ўринидан турмаган мусулмонлар бўлса, қайтиб келиб уриб, қамар эдилар. Андижонда бир неча мўтабар одам-

<sup>1</sup> Сафаров Г. И. Колониальная революция (опыт Туркестана). Москва. 1921, 34-бет.

ларни күчада, халқ қошида «манга салом қилмадинг» деб ҳақорат қилиб қамаб құядыған бўлди<sup>1</sup>.

1898 йилги Андижон құзғолонидан кейин мустамлакачилар улқани русча ўзлаштириш сиёсатида ҳар қандай ниқобдан воз кечиб очиқасига зұравонлик йўлига ўтдилар. Мусулмонларни русларга мажбурий равишда сажла қилдириш одатини расм қилдилар. Бунинг исботи, жумладан, андижонликлардан Фозилбек Отабек ўғлининг юқорида парча келтирилган китобида мужассамдир.

Қатор адабиётлар ва архив материаллари ҳам Россия империяси ҳукмрон доиралари Туркистон халқарининг диний ҳақ-хуқуқтарини қандай тарзда поймол этганидан яққол далолат беради.

Рус генерали М. Г. Черняев 1864 йилда Туркистон шаҳрини истило қилганда, буюк аллома Аҳмад Яссавий мақбарасини, унинг ёнидаги масжид биноси ичидағи муқаддас ашёларни, деворлардаги қўйма олтин шаклларни ўлжа қилиб талагани етмаганлек, мусулмонларнинг бу муқаддас қадамжосида насронийча ибодат ҳам қилган. Кўп ўтмай, мустамлакачилар ана ўша мақбара қаршисида қад ростлаб турган Робия Султонбегим<sup>2</sup> мақбарасини бузиб, гиштларидан ўзларига уй ва казарма куришгани ҳам маълум.

Ўзларини холис олим сифатида кўрсатувчи Москва ва Санкт-Петербург илмий доиралари эса Юсуф Ҳамадоний, Абдухолиқ Фиждувоний, Аҳмад Яссавий, Сулаймон Боқирғоний, аз-Замахшарий, Баҳоуддин Нақшбанд, Убайдулло Хўжа Аҳрор валий, Сўфи Оллоёр ва бошқа алломаларнинг жаҳон фан-маданияти ривожига қўшган хизматларини инкор этишга уринишида ва уларнинг асарларини бир ёқлама сохта тадқиқ этишди. Санкт-Петербург Туркистон ўлкасида ислом динининг жаҳоншумул умуминсоний мавқеини синдириш учун рус православ ибодатхоналари тармоғини кенгайтириди.

Рус мустамлакачилари ўзлари ишлаб чиқсан «Туркистон ўлкасини бошқариш ҳақида Низом»да шариат қозиларини сайлаш масаласига алоҳида эътибор бердилар. Ҳонлар замонида саводхон ва ниҳоят билимдон одамлар қозиликка тайинланган бўлса, рус маъмурларининг қонунига кура, саводсиз кишилар ҳам бу лавозимга сайданиши мумкин бўлди. Мингбоши, оқсоқол, қози сайловлари жараённида норозиликлар юз берди. Халқ ўз фикрини билдиришга уринди. Рус мустамлакачилик тартиблари, идора услуги ва руслаштириш сиёсатидан норозилик кўйи маъмурият сайловларида очиқдан-очиқ сиёсий чиқишлилар шаклида намоён бўлди.

<sup>1</sup> Фозилбек Отабек ўғли. Дукчи эшон воқеаси. Самарқанд-Тошкент, 1927, 21-бет.

<sup>2</sup> Мирзо Улугбекнинг қизи, Даشت қипчоқ хони Абулхайрхон (1428—1468)нинг рафиқаси, Кўчкинчихон (1510—1530)нинг онаси.

Рус мустамлакачиларининг Туркистондаги ҳукмронлиги учун таҳликали вазият вужудга келди. Туркияning Юнонистон билан урушда эришган галабаси бутун мусулмон оламида Туркия сultonининг обрүсини кўтариши баробарида европаликлар зулми остида эзилган мазлум Шарқда миллий гурур уйғотиб, озодлик курашига ҳавас қўзгади. Ана шундай қайфият Туркистонда ҳам кучайғанлигини рус сиёсий разведкаси пайқади. Рус маҳфий полицияси, округ штаби контрразведкаси доимо турклардан мунтазам хавфсирап, уларнинг Туркистондаги таъсиридан кўрқар эди. Шунинг учун мустамлакачилар Туркия билан Туркистонни бирлаштирувчи қардошлик ришталарини узишга ҳаракат қилдилар.

Озодлик курашининг бу даври Европа мустамлакачилари зулмига қарши Шарқ ҳалқлари кўтарган миллий-озодлик қўзғонларининг таркибий қисми деб қаралмоғи лозим. Шарқий Судан ҳалқарининг Муҳаммад Аҳмад (1848—1885) бошчилигидаги инглиз босқинчилариға қарши қўзғолони ҳамда француздар мустамлакачилариға қарши Жазоирда Абдулқодир бошлаган қўзғолон (1808—1883) аланталари ловиллаб турган бир пайтда Андижонда Муҳаммад Али эшон (1846—1898) раҳбарлигига рус мустамлакачилариға қарши кўтарилиган қўзғолон тарихан тасодифий бўлмаган. Ана шу боғлиқлик, яъни Туркистондаги миллий-озодлик ҳаракатининг бутун мусулмон Шарқидаги ижтимоий-сиёсий жараёнлар билан узвий боғлиқлиги масаласи ҳанузгача ўрганилмаган ва ўз тадқиқотчиларини кутмоқда. Ҳолбуки, ўша вақтдаёқ рус мустамлакачилари бундай алоқадорликнинг сабабларини жуда яхши тушунган ва унга қарши кескин чоралар кўрган. Ҳусусан, 1898 йилда олий лавозимдаги подшо амалдори ва публицист Владимир Череванский Судан ва Жазоир қўзғолони ҳақида шундай деган эди: «Мусулмонлар ўртасидаги тенглигни тиклаш ҳамда мусулмон мамлакатларидағи ўзгалар ҳукмронлигига чек қўйишга чақирилганини зълон қилган Маҳди (Муҳаммад Аҳмад) фаол ҳаракат бошлади. Шу тариқа Судан қўзғолони бошланниб кетди ва у ҳанузгача давом этмоқда. Бу алантага Қоҳирага ҳам ўтиб, Александрияда европаликларни қириш бошланди. Қоҳиранинг ўн икки майдонида ўн икки дарвиш Муҳаммад байробини кўтариш ва европаликларни йўқотиш ҳақида ваъз ўқишарди. Судан қўзғолони давомида Маҳди икки юз минглик қўшинга эга бўлди ва унинг ғазотга даъвати бутун мусулмон дунёсига ёйилди. Миср қўшинлари кетма-кет мағлубиятга учради. Илфор артиллерия ва бошқа хил яроғаслаҳалар билан куролланган Маҳди қўшини Хартум остонасига яқинлашди. Ниҳоят Хартум ҳам эгалланиб, унинг мудофаасига раҳбарлик қилган инглиз генерали Гордон үлдирилди. Инглизлар чекиндилар. Яна бир Маҳдий пайдо бўлди. Бу имомнинг ислом дини соғлиғи учун кураш ҳақидаги чақириғи жамий мусулмон мамлакатларида кучли акс-садо берди. Ҳиндистонда Ер курраси-

даги мусулмонларни бирлаштиришга қаратылған иттифоқ ташкил топди. Иттифоқ айзолари ўз ишини инглиз ноибини үлдириш ва савдогарларини талашдан бошладилар. Суннитлар ва шиалар ўртасидаги мухолифлик йўқола борди. Ўрта Осиёда дарвишлар жазавага тушиб, бозорлар ва майдонларда ўзларининг мистик мадҳияларини куйлашга тушдилар. Бу таҳликали вазиятда олдинда кутилиши мумкин бўлган фанатик портлашдан чўчиб, Туркистон генерал-губернатори Судан ислоҳотчисини сохта Маҳдий деб эълон қилишни талаб қили<sup>1</sup>. Бу хавфсирашда жон борлигини айғоқчилик хабарлари ҳам тасдиқлади.

Туркистон ўлкасининг турли ҳудудларида ҳалқ ҳаракатлари давом этаётгани ва русларга қарши кайфият кучайиб бораётгани ҳақидаги хабарларда, жумладан, шундай маълумотлар бор эди: «Сўнгги вақтларда ўлкада маълум мақсади ва тегишли ҳужжатлари бўлмаган турк фуқаролари пайдо бўлмоқда. Ҳалқ ўртасида эса Туркия-Юнонистон урушида турклар эришаётган зафарларни мадҳ этувчи Истанбулда нашр қилинган китоблар тарқалган. Турк сultonи Муҳаммад Алига ўз елкасидаги тўнни ва ғазовот эълон қилишга чорловчи фармонни юборгани ҳақида овозалар юрибди. Афғонистон амири бўлса ўзини шариатпаноҳ деб эълон қилиб, муқаддас уруш жамғармаси учун олтин танга зарб қилабошлади. Амир ўзининг таҳрири остида Кобулда муқаддас уруш — жиҳод ҳақида китоб чиқарган. Яқинда Панжакент участкасида қандайлир афғон фуқароси қўлга олинган ва у ўлкага келиш сабабларини атайлаб яширган. Авалиётада эса қирғизлар ҳеч қандай асоссиз русларнинг икки нафар қўйи даражадаги зобитига гап отиб, жанжал чиқарганлар. Бухорода эса бир мулла темир йўл қоровули — рус фуқаросини ғазовот йўлида үлдирган. У яна бошқа бир русни үлдирмоқчи бўлганида қўлга олинган ва айбига тўла иқрор бўлган. Үлими олдидан ҳалқقا қарата дини ислом учун шаҳид кетаётганини айтиб, у одамларни ғазовотга чорловчи оташин нутқ сўзлаган. Тошкентда эса ерли аҳоли русларни қўрганда ерга туфлаб, ўз нафратини изҳор қилмоқдалар»<sup>2</sup>.

Ана шундай шароитда обрўли ва эътиборли шахс — Муҳаммад Али эшоннинг пайдо булиши тасодифий эмас эди. Муҳаммад Али эшоннинг дунёқарashi, обрўси ва улдабуронлиги ҳисобга олинса, у бошлаган кўзғолоннинг пухта тайёрланманганлиги ва бемаврид кўтарилигани тадқиқотчиларда асосли шубҳа уйгоди ва бу нарса игвогарлик бобида устаси фаранг рус сиёсий полициясининг иши эканлиги, дейишга асос бўлади. Мустамлакачиларга ҳалқни кўркитиш ва қатағон бошлаш учун зўр бир дастак керак эди. Бир неча рус аскарини қурбон бериш

<sup>1</sup> Череванский В. Две волны. Историческая хроника. Часть 2, Спб, 1898, 347—348-бетлар.

<sup>2</sup> ЎзР МДА, 1-жамғарма, 31-рўйхат, 91-иш, 10-варақ.

эвазига мингларни қириш ҳамда уларнинг ерларини рус келгиндилари га бўлиб бериш имконияти туғилар эди. Амалда шундай бўлди. Фозилбек Отабек ўғулнинг ёзишича, «кимлигидан қатъи назар, оқ дўппи кийган бўлса, рус солдатлари: «Сенинги эшон» деб тутиб ураг эдилар... Шунинг учун шаҳар меҳнаткашлари ва фуқаро салла ўраб бозорга чиқолмай қолди. Оқ дўппи деган нарсанинг уруфи қолмади. Кимда бўлса, куйдириб йўқотди. Мингбошиларнинг дунёпаастлиги қўзалиб, шаҳарда кимнинг жойи бўлса, кечаси чақириб бориб: «Сени тутиб бераман, эшоннинг ҳовлисига борган эдинг», деб сиёsat қилиб, бор-йўгини шилиб олдилар. Порахўрлик амалдорлар ичида ниҳоятда авж олди»<sup>1</sup>. Рус амалдорлари ҳам одамларни талашда мингбошилардан қолишмади. «Бир кишини эшонга қарашли деб қамаб қўйсалар, — деб ёзали Фозилбек Отабек ўғли, — юқорига рапорти чиққандা, эшон ҳодисаси зулмга катта баҳона бўлгани кўруниб, куб ийлар Сибирга ҳайдалар эди. Бечорани ажратиб олмоқ пайига тушган қавм-қариндошлари тамом бор-йўгини сарфлаб, ҳатто ер ва мулкларни сотиб, терговчиларга пора деб берсалар, натижада яна ўзларини осиш, ё Сибирга юборишга қарор бўлар эди»<sup>2</sup>. Бу фактни ўлканинг нуфузли амалдори В. П. Наливкин ҳам тасдиқлайди: «...1902 йилда жавобгарликка тортилган бир неча амалдор иши оммавий тус олган қабиҳликлар яширинган парданни қия очди, холос. Маъмурий бебошлиқ ҳеч қаерда 90-ийлар охири ва 1900 йилларда Андижон ноҳиясида гидек кенг авж олмаган»<sup>3</sup>.

Бу бебошликларга ўлка бошлиғи инфантерия генерали С.М. Духовскойнинг ўзи бош бўлган эди. У Андижонга келганида Эски шаҳар аҳолиси уни қандай кутиб олгани ва у халқ билан қандай муомалада бўлганининг жонли гувоҳи сифатида шундай ҳикоя қиласди: «Яrim подшоҳ келадилар, деб ҳамма кўчаларга байроқ тутиб, шаҳарни неча кунлар зийнат бериб, ҳамма мактаб болаларини вокзалга олиб чиқиб, қатор қилинди. У вақтларда камина ҳам туземной школда ўқур эдим. Фуқаролар кумуш табоқда нон, туз тутуб турғон эдилар. Уезд ҳокими фуқароларга хитоб қилиб, яrim подшоҳ келиб вагондан тушган ҳамон ҳаммаларингиз таълим олғонларингиздек баробар энгашиб, ерга қараб турасизлар! Бошларингизни кўтаринглар, десам ҳам кўтармай туриңглар!» деб ўргатди. Истансага чиққан халқ 2 соат кўброқ интизорлик тортиди. Шундан сўнг бирдан поезд кўруниб қолди ва вагонлари ниҳоят зийнатланган ҳолда келиб тўхтади ва солдатлар тушуб, қатор бўлгандан сўнг яrim подшоҳ... қаттиқ ғазаб билан вагондан чиқиб, пастга тушган замон бечора халқ ва мактаб болалари ҳаммаси энгашиб, рукуъ

<sup>1</sup> Фозилбек Отабек ўғли. Курсатилган асар, 30-бет.

<sup>2</sup> Фозилбек Отабек ўғли. Курсатилган асар, 59-бет.

<sup>3</sup> Наливкин В. Туземцы раньше и теперь. Ташкент, 1913, 138-бет.

қилиб турди... Ярим подшоҳ ҳокимдан: «Нима учун ҳалқ бундай энгашиб турадир», деб сўради. «Жаноб императори аъзамга юртимииздан чиққан бир эшон жинни бўлиб билмасдан осийлик Қилгани учун биз хижолат бўлуб, улуғ ва баланд даражали бош ҳокимимизнинг юзларига қайси бетимиз билан қараймиз, бизларни марҳамат этиб, авф қилиб подшоҳи аъзамдан гуноҳимизни сўраб олмасалар, муборак бетларига камоли хижолатдан қарай олмаймиз, дейдилар», деб жавоб қайтарди. Ярим подшоҳ: «Гуноҳни қилиб қўйиб, эмдиги хижолат нимадир? Фаргона музофотидан Андижондек бир шаҳарнинг тупроғини осмонга совуруб юбормоқ билан подшоҳи аъзам мамлакатларига ҳеч нуқс етмайдир!». Кейин фуқарога қараб: «Сизлар ҳали осий ва гуноҳкорсизлар. Сизларнинг нон-тузингизни қабул қилиб бўлмайдир!» деди ва бир тўп ҳинд ва яхудийлар ҳам нон-туз ушлаб турган эдилар, шуларнинг олдига бориб, нон-тузларини қабул қилиб: «Сизлар ҳозирда манга сартлардан кўра яхшироксизлар», деб аскарлар томон юрди. Биз туземной школ талабалари рус домла билан 150 га яқин болалар турғон эдик; бизларнинг ёнимизга тұхтаб, «Сизлар яхши ўқиб турунглар», деб ҷұнтағидан бир сўм олди-да, домла қўлига бериб, «Ёнғоқ олиб бўлуб беринг, ўйнасунлар ва подшоҳ ҳазратларини дуо қилсинлар» деб аскарлар олдига ўтиб кетди... Ҳалқ бечора маюс бўлуб, кўркуб тарқалиб кетди.

Ярим подшоҳдан ўрнак олган катта-кичик рус мустамлакачилари ҳам «ҳар кун Эски шаҳар бозорига тушуб, савлат курсатиб айланиб юрар эдилар. Кўча ва расталардаги ҳалқни ўзларига салом қилдирмоқ балосига мубтало эдилар. Ким салом қилмаса ёки дўкондан пастга тушиб кўл қовуштириб турмаса, дарҳол устига бориб: «...Эшон!» деб қўлидаги таёқ билан бошига солар эди. Мазлум ҳалқ бу хорлик ва разолатни кўриб: «Тавба қиллим, тўра, ман кўрмай қолибман», дер эди. Кўброқ тавба қилиб, илтижо қилғонида раҳм қилса, қўяр эди, бўлмаса, палиска чақириб, турмага — қамоқца юборур эдилар»<sup>1</sup>.

Бундай шафқатсизлик ва ҳаддидан ошган зўравонликдан мақсад Фаргона аҳолисининг жанговарлигини синдириб, бутун ўлкани қўрқувга солиш эди. Марғилон туманбоғиси полковник Бряновнинг таъбирича, «Фаргонада доимо ғазовот ғояси йўлида ўзини жасорат билан ўлим бағрига отувчи марди-майдонлар қаерландир пайдо бўлиб турарди. Аҳолига руслар таъсирини ўтказишида Фаргона вилояти доимо орқада юради, шунинг учун ҳам темир йўлни ўтказиб биз ерли аҳоли ўртасида қамалга тушиб қолишдан хавфсираймиз»<sup>2</sup>.

Чоризм Туркистон ўлкасида татбиқ этган «Туркистон ўлкасини бошқариш ҳақидаги Низом» ўлка ҳалқлари инсоний ва

<sup>1</sup> Фозилбек Отабек ўғли. Курсатилган асар, 30-бет.

<sup>2</sup> ЎзР МДА, 1-жамғарма, 31-рўйхат, 91-иш, 24-варак.

сиёсий ҳуқуқларини расман поймол этувчи қонунлар мажмуси эди. Унда мустамлакачилик тамойиллари яққол акс этган бўлиб, унинг моддалари 50 йил давом этган империя ҳукмронлиги даврида метрополия манфаатларига мослаб ўзгаририб турдилди.

Шуни ҳам айтиш керакки, рус маъмурияти қонунларни ўзи истаганча ўзгаририб, маҳаллий аҳолининг иқтисодий, ижтимоий, диний ва сиёсий эркинликларини нақ 50 йил давомида поймол этиб келди. Бунинг ёрқин бир далили сифатида Сирдарё вилояти Авлиёта тумани жабҳа пристави, штабс-капитан Стрельбицкийнинг ўзбошимчалигини келтириш мумкин. Низомнинг 64-моддаси унга, приставга маҳаллий аҳолидан истаган одамни З кунгача қамаб қўйиш, ёхуд муҳофаза ҳолатидаги жойда 2 ҳафтага қадар ҳибса сақлаш ҳуқуқини берган эди. Приставга бу камлик қилгандай, у мусулмонларнинг рӯза ҳайтини 1903 йил 29 декабрга белгиланишини буюриб, агар қози буйрукни бажармаса 9 кунга қамалишини айтди. Пристав хотини ва ити билан мачит ҳовлисига кириб намозхонларга шундай деган: «Агар кимнингдир подасида касал қўй бўлса, уни даволашади, у тузалмаса сўйишади. Сизлар ҳам менинг қўйларимсиз, ораларингизда тиррақилар ҳам бор. Уларни ўзим даволайман, тузалишмаса сўйилади»<sup>1</sup>.

Бошқа бир пристав — Андижон тумани Бозорқўргон жабҳаси пристави капитан Бржецицкий эса ундан ҳам ўтиб тушди, яъни «Низом»да белгиланган мингбоши — волост бошқарувчилари ва қишлоқ оқсоқолларининг ҳуқуқларини бекор қилди. Оқсоқол мулла Фармон Тўракуловнинг эътиrozига жавобан унинг юзига шапалоқ тортди. Бржецицкий ўз бошлиғига йўллаган рапортида оқсоқолни урганини тан олиб, бундай деб ёзган: «Агар урмасанг, демак, сен ҳокимият эмассан, демак, сен қўрқинчли эмассан, демак, мен бошимни дангал кўтариб баҳлашибим, бақириб-чақиришим мумкин, ҳуқуқимни талаб қилиб чиқишим мумкин. Туземешларнинг мантиқи шунаقا. Улар мурувватингдан талтайиб кетишади. Бизнинг кўнгилчанлигимизда улар куч-қудратни эмас, балки заифликни кўришади. Бошқарувдаги қаттиққўллик Европанинг маданий дунё тажрибаси асосида танқид қилинаётган бўлса, бизнинг ярим ёввойи Осиёдаги мулкимизда қаттиққўллик аксинча керакдир. Умумдавлат манфаати йўлида бу зарурдир. Менинг маъмуриятдаги хизматим давомида чиқарган хуносам шудир. Қишлоқ оқсоқоли Тўракуловни ҳақоратлаганим масаласига келсак мен бу туземецнинг сурбетлиги туфайли урганимни тан оламан»<sup>2</sup>.

Рус маъмуриятининг энг куйи бўғини жабҳа приставлари ана шундай бебошлиқ қилганини қайд этган ҳолда, уларнинг

<sup>1</sup> Содиков Ҳ. Кўрсатилган диссертация, 152-бет.

<sup>2</sup> Ўша асар. 153-бет.

бошлиқлари—туманбошилар ва губернаторларнинг халққа нисбатан қандай зұравонлик қылғани ҳақида гапирмаса ҳам бұлади. Бу ҳолатни юксак лавозимдаги рус амалдорлари эътироф этишгани диққатга сазовордир. Сенатор граф К.К.Пален Туркистан туманбошиларини ўзбек хонликларидаги «бекларнинг худди ўзгиналаридир»<sup>1</sup>, деб атагани бежиз әмас. Улар құл остидаги халқдан истаган кишига жарима солишлари ва 7 кунгача қамаб қўйишлари мумкин бўлган.

Рус маъмурияти мустамлакачилик нүқтаи назаридан келиб чиқиб, суд маслаҳатчилари иштирокидан атайлаб воз кечдилар. Бундан ташқари, «мировой судья» ва унинг ёрдамчиларига суд терговчилари вазифалари ҳам юкланди. Бу йўсингдаги суд ислохотини Туркистанда қўллаш ерли миллат ҳақ-хукуқларини ёёқ ости қилиб, фурурини поймол этишни империя адлия вазири риёкорона тарзда шундай ифодалайди: «Ён босиш тарзида әмас, балки давлат фойдасининг зарур эҳтиёжларидан келиб чиққан ҳолда айрим чекланишлар ва ўзгаришларга йўл қўйилди». Вазир ошкора тарзда Туркистандаги суд ислоҳоти империяда рад этилган лойиҳанинг 4-тахриридан олинганини ва у «полиция — суд устави», деб аталганини тан олган.

Генерал Кауфман ўзига ўхшаш бешафқат мансабдор империя ҳарбий вазири граф Милютиннинг яқин маслакдоши ва сирдоши эди. У 1876 йили Милютинга йўллаган ахборотида очиқасига мустамлака истибдодини кучайтириш сабабини ёзган. Кауфман Россия ва Англия каби насроний давлатларнинг Осиёдаги мақсади муштарақ эканлигини алоҳида таъкидлаб, «бу жойда бизнинг умумий душманларимиз — мусулмонлик ва ёввойиликдир», дегани ва ҳарбий вазирдан қаттиққўл сиёсат ўtkазишида кенг ваколатлар сўрагани ҳам тасодиф әмас. Худди шундай сиёсатни подшонинг яқин мулозими, маҳфий маслаҳатчи Ф. Гирс Туркистан ўлкасини бошқариш тартиби ҳақида тузган қонун лойиҳасида ҳам акс эттирган эди. Маҳфий маслаҳатчи аслзода рус зодагонлари, ҳарбийлари ва мустамлака аппаратида ишлаб бой тажриба ортирган амалдорлардан иборат Даشت комиссиясига (1865—1867) раҳбарлик қилиб, Туркистан ўлкасида қандай мустамлака тузумини ўрнатиш ҳақида императорга ўз мулоҳазалари битилган лойиҳани йўллаган ва рус императори Александр II (1856—1881) бу лойиҳани «Ўрта Осиёдаги мулкларни ўзлаштириш бўйича маҳсус Қўмита» диққатига ҳавола қилган эди.

Маҳсус қўмитадаги мұтабар зотлар Даشت комиссиясининг Туркистан халқларига берган таърифига тұла-тұқис қўшилиб, уни қизғин қўллаб-куватладилар. Даشت комиссияси жаҳонга Хоразмий, Фарғоний, Ибн Сино, Беруний, Яссавий, Бухорий, Термизий, Амир Темур, Улугбек, Навоий, Бобур каби жаҳон

<sup>1</sup> Пален К. К. Тақдимнома, 7-бет.

тан олган буюк сиймоларни берган аҳли Туркистанни «жуда күйи ақлий тараққиёт босқичида», бу ҳалқлар «хукуқ, маъмурият, қонун нималигини билмайди, унинг зарарига хизмат қиласди»<sup>1</sup>, деган ҳолосага келган эдилар.

Биринчи рус инқилоби (1905—1907) натижасида Россияда илк бор парламент — Давлат Думасининг ташкил топгани ва унга Туркистандан ноиблар сайлаш зарурати туғилганда ҳам сиёсий хукуқлар поймол қилинди. Империя қонун чиқарувчи органида Туркистандан иштирок этувчилар аҳолининг қандай табақаларидан, хусусан, рус ва мусулмон қисмидан қай тартибда сайланиши масаласини ҳал қилиш учун «максус сайлов» идораси таъсис этилди.<sup>2</sup>

Сайловларда рус элементини мусулмонлар сони босиб кетмаслиги чоралари кўрилди. Тошкент шаҳар думаси ноиблари императорга йўллаган петицияларида ана шундай foя илгари сурилган эди. Улар Давлат Думасида Туркистаннинг рус ва ерли аҳолисидан алоҳида айрим вакиллар сайланишини сўрашган. «Агар сайлов асосига сайловчиларнинг сони олингандай бўлса, ўлкани ўзлаштириб маданийлаштираётган рус аҳолиси вакилсиз қолади, — деб ёзишган эди ноиблар 1905 йил 28 июлда йўллаган петициясида, — чунки ерли аҳоли ўз сонининг устунлиги билан уни босиб кетади. Ҳолбуки, ўлка рус капиталистлари туфайли бойимоқда, бу ерга рус аҳолиси илм ва техника самараларини олиб келмоқда, ўлкага рус колонизацияси тўлқини йўналтирилмоқда, ҳокимият ва маданият вакиллари ҳам ерли аҳолига мансуб эмас. Шунинг учун ҳам адолат ва тараққиёт нуқтаи назаридан Давлат Думасига Туркистан аҳолисидан вакиллик айрим ҳолда ерлилардан, баъзи ҳолларда рус аҳолисидан булиши керак»<sup>2</sup>.

1905 йил 11 декабрдаги сайлов қонунига кўра, барча хотин-қизлар, икки миллион ишли, ҳарбий хизматчи, ўкувчилар, 25 ёшдан кичиклар сайлов хукуқидан маҳрум қилинди. «Туркистандаги сайлов қоидалари лойиҳаси» мулкдор табақалар ва маҳаллий маъмурият манфаатларини ўзида мужассам этган эди.

Туркистандаги сайловларда рус ва умуман маҳаллий аҳоли бўлмаганлар, сайловчилар сонидан қатъи назар, ҳар беш вилоятдан биттадан, Тошкентдан ва Еттисувдаги казак қўшинидан, ҳаммаси бўлиб 7 депутатни, туб ерли аҳоли эса ҳар вилоятдан ва Тошкентдан — жами 6 ноиб юборадиган бўлди. Ҳар бир рус ноибига ўртacha 46 минг, ўзбек ноибига эса 96 минг сайловчи тўғри келди. Шу тариқа маҳаллий аҳоли рус элементини босиб кетмаслиги учун маҳаллий аҳолининг Думадаги вакиллиги русларга қараганда бир неча баробар кам бўлди.<sup>2</sup>

<sup>1</sup> ЎзР МДА, 1-жамғарма, 25-рўйхат, 89-иш, 156-варак.

<sup>2</sup> ЎзР МДА, 17-жамғарма, 1-рўйхат, 22654-иш, 12—16-вараклар.

Императорнинг 1907 йил 3 июндаги II Давлат Думасини тарқатиб юбориш ҳақидаги фармони ҳам буюк рус шовинизми-ни кучайтиришга турткى берди. Столипин тарафидан ёзилган фармонда «Давлат Думаси руҳан рус бўлиши, бошқалар эса соғ рус масалаларини ҳал қилишда зинҳор ҳакам бўлмасликлари» алоҳида уқтириб ўтилди. Туркистон ўлкасини атрофлича ўрганиб, руслаштириш сиёсатини кучайтириш мақсадида ўлка-га юборилган граф К.К.Паленга ана шундай вазифа юклати-либ, Туркистон ўлкаси учун янги қонун низоми учун зарур материаллар тўплаш буюрилгани ҳам бежиз эмас эди. Юқорида айтиб ўтилганидек, чоризм 1908 йилнинг ёзида Туркистонга ўйллаган алоҳида жандармлар корпуси қўмондони, генерал-майор барон Таубе миллий-озодлик ҳаракати ва инқилобий воқеалар иштирокчиларига нисбатан ниҳоятда шафқатсиз бўлишини таъкидлаб, судлардан уларга фақат ўлим жазосини беришни талаб қилди. Барон Таубе «Туркистонда дор қуриш учун хазинадан ҳеч қандай сарф-харажатлар бўлмаслигини» уқтириб, дор ўрнини «қайрағочлар бажаради»<sup>1</sup>, деган. Миршаб-ларга жанговар ўқларни осмонга эмас, балки тўғридан-тўғри оломонга қарата отиш ҳуқуқидан фойдаланишга расман ижозат қилинди.

Туркистон маъмуриятига маҳаллий аҳолига нисбатан қўлла-ниладиган жазо чораларини рус ишчи-деҳқонларига ҳам қўллаш ҳуқуқи берилди. Давлат назоратчisi, статс-секретар (махфий котиб) П. А. Харитонов раислигида ўтган ва Туркистон ўлка бошқарувини ўзга асосларда тубдан қайта қуришга бағищланган олий амалдорлар кенгашида (1911) Туркистон генерал-губернатори А.В.Самсонов генерал-губернатор ҳоки-миятини «император ҳазрати олийларининг Кавказдаги ноиби ҳокимияти каби асосга яқинлаштиришни талаб қилди. Бу та-лабни Туркистон ўлкасини 1908—1910 йиллар давомида атроф-лича тафтиш қилиб, ўлканинг янги низоми учун бой матери-аллар тўплаб қайтган сенатор граф К. К. Пален ҳам қўллаб-кувватлади. Унинг тафтиш материаллари ва император ҳукмига ҳавола этган тақдимномасида чоризм идорасини мустаҳкам-лаш, «Туркистон генерал-губернаторлиги маъмурий-полиция амалдорларига ўзларига қарашли аҳолига унча аҳамиятли бўл-маган хатти-ҳаракатлари учун қўлланадиган жазо бериш ҳуқуқ-ларини янада кенгайтириш»<sup>2</sup> таклиф қилинган эди. Паленнинг фикрича, бу чора «маҳаллий турмушни тўғри йўлга солиш учун зарурдир». Сенатор Туркистон шаҳарларида мустақил полиция бошқармалари, Тошкентда обер-полицмейстер лавозимини жо-рий этиш ва ўлқадаги миршаб-полиция хизматчилари сонини кўпайтиришни ҳам таклиф қилди. У Туркистонда инқилобий

<sup>1</sup> ЎЗР МДА, 1-жамғарма, 31-рўйхат, 567-иш, 36-варап.

<sup>2</sup> Пален К. К. Тақдимнома, 42-бет.

ҳаракатга раҳна солиш учун ва «Европа Россиясидан ёпирилиб келаётган пролетариат ва аграр галаёнлар юз берган губернатордан күчіб келаётган дәхқонларнинг заарли таъсирини» кесиш учун Туркистон генерал-губернаторлигига туман полицияси маҳкамасини тузиш гоясина илгари сурди<sup>1</sup>. Граф Пален-нинг фикрлари империя Вазирлар Кенгашида тингланиб, Туркистон ўлкаси бошқарув идорасини тубдан ўзгартириш бўйича Вазирлар Кенгаши аъзоси, Давлат назоратчиси П. Харитонов раислигидаги маҳсус Кенгашда муҳокама этилди. Кенгаш ишига Туркистон генерал-губернатори Самсоновнинг императоргага 1909 йил бўйича йўллаган ахборотномаси ва сенатор Пален-нинг тафтиши якунлари асос қилиб олинди<sup>2</sup>. Кенгаш Туркистон генерал-губернаторининг барча талабларини асосли деб топди. Туркистонга оид барча тадбирлар унинг розилигисиз амалга оширилмаслиги кераклигини тасдиқлади. Император саройи, молия, адлия соҳасидан ташқари, барча вазирликлар идораларини бошқаришда унга империя вазири ваколатлари берилди. Метрополия ҳукумати ўз сиёсатини фақат шу биргина шахс — Туркистон генерал-губернатори орқали амалга оширадиган бўлди. Генерал-губернаторга иккинчи ёрдамчи лавозими ҳам берилди. Кенгаш ишлаб чиқсан Туркистон ўлкаси идорасига оид таклифлар 1912 йил 20 ноябрда Вазирлар Кенгашида муҳокама этилиб, маъқулланди<sup>3</sup>.

Империя ҳукмдор доиралари Туркистон ўлкасининг рус ва туб аҳолиси учун маҳсус сиёsat дастурини ишлаб чиқди. Рус аҳолиси ўртасида инқилобий ҳаракатни тұхтатиши ва Туркистон халқлари ўртасида миллий-озодлик ҳаракатининг барча куринишларини бўғиб ташлашга оид бир қатор тавсиялар берилди.

Ҳарбий вазирликнинг Бош штаби Осиё бўлими Туркистон генерал-губернаторига Рязань губернияси аҳволи ҳақидаги ҳисоботни бериб, унга императорнинг фикри мавжудлигига эътиборни қаратди. Рязань губернатори унда инқилобий кучлар таг-томири билан йўқотилмагани, нисбий осойишталик алдамчи бўлиб, инқилоб учқунлари исталган вақтда аланга олиниши мумкинлигини унуммаган ҳолда «Тож-тахтнинг содик хизматчиларига доимо кўз-кулօқ бўлиб туриш лозимлигини» уқтирган ва ҳужжатга Николай II ўз қўли билан «Мутлақо тўғри» деган дастхат ёзган эди<sup>4</sup>.

Туркистон генерал-губернатори марказдан ана шундай андоза-дастурлар олиб ва кенг ваколатларга эга бўлиб, ўлкада миршаблик ҳолатини кучайтирди. Рус мустамлакачи маъмурлари жойларда жосуслик назоратини кенг йўлга кўйдилар.

<sup>1</sup> Пален К. К. Тақдимнома, 39-бет.

<sup>2</sup> ЎзР МДА, 1-жамғарма, 12-рўйхат, 1674-иш, 105-варақ.

<sup>3</sup> ЎзР МДА, 1-жамғарма, 12-рўйхат, 1674-иш, 110-варақ.

<sup>4</sup> ЎзР МДА, 468-жамғарма, 1-рўйхат, 1-иш, 78-варақ.

Тошкент темир йўли жандарм-полиция бошқармаси бошлиғи, алоҳида жандармлар корпуси подполковниги Бабкин жойлардаги ходимларига 1910 йил 19 июня юборган кўрсатмасида 1905—1907 йиллар инқилобида ва иш ташлашларда қатнашган барча шахслар ҳақида маълумот тұплашни буюрди. «Хеч қандай ташвиқтога йўл қўйилмасин, — деб ёзган эди у, — ақилар безовталигига зудлик билан чора кўрилсин, иш ташлашдан алоҳида огоҳ бўлинсин»<sup>1</sup>. Генерал-губернаторнинг «Ишчилар ўртасида жиноий адабиётлар тарқалишига зинҳор йўл қўйилмасин»<sup>2</sup>, деган буйруғига бенуқсон риоя этиш бурилди.

Сиёсий полиция томонидан жойларга махсус сўров-анкета юборилди. Унда қўйидаги саволлар бор эди: «1905—1906 йилларда иш ташлашлар қанча бўлган? Иш ташлаш мақсади ва хусусияти қандай? 1907 йили қанча инқилобий чиқишилар ва террор актлари содир бўлган? Социал-демократлар ва социал-инқилобчилар ташкилотларида қанча ходимларингиз бор?»<sup>3</sup>. Анкетада инқилобий чиқишилар салмоғи ҳар бир жойда қандай бўлгани ва унинг ёндош аҳолига таъсирини аниқ тасвирлаш зарурлиги кўрсатилиб, жандарм-полиция бўлимлари ўз ҳудудларида яширин ифвогарлик билан шуғулланувчи ходимларга эга бўлишлари мажбурий эканлиги жиҳдий тарзда уқтирилган<sup>4</sup>.

Империя ички ишлар вазириллиги полиция департаменти Махсус бўлими юборган мутлақо махфий йўлланмасида полиция-жандармерия бўлимлари бошлиқларига аҳоли ўртасида агентура тармоғига эга бўлиш ишига шахсан жавобгар эканликлари таъкидланиб, улар ишчи ташкилотлари, инқилобий фирмаларда ўз жосусларини орттиришлари жуда муҳимлиги алоҳида курсатилди. Бу тадбир, махсус бўлимнинг фикрича, «утган 1905 йилдагига ўхшаш воқеаларнинг олдини олади»<sup>5</sup>.

ТРМБ ва махсус бўлим тавсиялари асосида үлкадаги барча амалдорларга генерал-губернатор томонидан ҳукуматга қарши йўналишлари ҳаракатлар түғрисида арзимас кўринишда бўлса ҳам, хабар қилиш, айниқса, уюшган ҳаракат, ё иш ташлаш ҳолларига алоҳида эътибор қаратиш топширилди. «Ана шунлай ҳолларни синчиклаб ўрганиш жуда зарур ва мақсадга мувофиқ эканлигини тажриба кўрсатди, — деб ёзган эди ўз кўрсатмасида генерал-губернатор. Баъзан арзимас, самарасиз ва бефойда кўринган бир кунлик иш ташлаш, ё бошқа ҳоллар маълум муҳитнинг, айрим шахсларнинг ички интизоми, қобилияти, ташкилотчилиги ва фаол чиқишига лаёқатини кўрсатиш учун синов вазифасини ўтайди. Бундай ҳолларни тадқиқ этиш орқали

<sup>1</sup> УзР МДА, 468-жамғарма, 1-рўйхат, 1-иш, 99-варап.

<sup>2</sup> УзР МДА, 468-жамғарма, 1-рўйхат, 424-иш, 4-варап.

<sup>3</sup> УзР МДА, 468-жамғарма, 1-рўйхат, 1-иш, 78-варап.

<sup>4</sup> УзР МДА, 468-жамғарма, 1-рўйхат, 1-иш, 79-варап.

<sup>5</sup> УзР МДА, 468-жамғарма, 1-рўйхат, 1-иш, 161-варап.

дастлаб филиал бўлимлар, кейин эса бундай ташкилотларнинг марказий идораларини аниқлашга муваффақ бўлинган»<sup>1</sup>.

Алоҳида жандармлар корпуси штаби бошлиғи генерал штаб генерал-лейтенанти Герцельман эса темир йўл ишчилари устидан назоратни кучайтириш билан бир қаторда уларнинг атрофидаги ерларда пайдо бўлувчи ҳар қандай шахсларни назоратга олиш тўғрисида махфий кўрсатма йўллади. Бундай ўргимчак тўрлари билан куршаб олинган Туркистонда марказ кўрсатмалиари қандай амалга оширилгани ҳақида жумладан 1912 йил Тошкентда бўлган воқеани социал-демократ (большевик) П.Ф.Сахарова (1890—1969) ўз эсадаликларида шундай баён қилган: «Нукул ўзбеклар истиқомат қилувчи гувала уйлардан иборат эски шаҳарнинг янги шаҳарга яқин жойидаги уйлардан бирида жойлашдик. Биз темир йўлчилар билан алоқа үрнатишга интилдик. Шунда ўйлаб қолдик. Ўзбеклар ўртасида инқилобий руҳдаги ташкилотлар бормикан? Наҳотки Туркистон ноиби яратган қуллик истибодига қарши улар сафида инқилобий ташкилот бўлмаса?». Сахарова шу мақсадда ўзбеклар билан бир-икки бор суҳбатлашганида Камолов деган одам ўзбекларда ҳам тараққий-парвар кишилар борлигини, эр-хотин Сахаровларни улар билан таниширишини айтган. Шундан сўнг, кўп ўтмай, улар қамоққа олинди. Камолов ТРМБ айгоқчиси экан<sup>2</sup>. Шу фактнинг ўзи ҳам рус махфий полицияси ва разведкаси мусулмон аҳолиси ўртасида ҳам кенг жосуслик тармоғини ёйганидан далолат беради.

Петербургда ишланган дастур бўйича рус мустамлакачиларининг махфий сиёсий идоралари изчил ишлаб, Туркистон мусулмонлари онгода жиддий тунтариш юз берганини ва миллий-озодлик кураши куртак ёзиб бу ҳолат жадидлар сиймосида гавдаланганини яхши пайқашган. Улар генерал-губернаторнинг махсус сўров анкетаси бўйича маҳаллий аҳоли кайфияти, дунёқараши, рус ҳокимиятига ва тузумига муносабати, миллий мустақилликка интилиши ҳолларини чуқур ўрганишган. ТРМБ ўзбек, қозоқ, қирғиз, туркман, тожик ёшларининг дунёқараши ва хатти-ҳаракатларидан хабардор бўлиш учун уларнинг сафида ўз одамларига эга бўлгани хужожатлардан маълум.

Чоризм 1892 йил 18 июндан кучга кирган «Харбий ҳолатда деб эълон қилинган жойлар ҳақидаги қоидалар»ни Туркистон ўлкасида татбиқ этди. Бу рус мустамлакачилари учун турли ваколатлар дарвозаларини кенг очди. «Кучли муҳофазада» деб эълон қилинган жойда Туркистон генерал-губернатори мажлис-йигинларни тарқатиб юбориш, савдо-саноат корхоналарини ёпиш, матбуот органларини тақиқлаш, истаган одамини сургун қилиш, жаримага тортиш ва бошқа ҳукуқларни олган. «Фавқулодда муҳофаза» деб эълон қилинган жойда эса бутун

<sup>1</sup> ЎзР МДА, 22-жамғарма, 1-рўйхат, 1199-иш, 2-варақ.

<sup>2</sup> «Вопросы истории», 1977, №11, 125-бет.

ҳокимият генерал-губернатор ёки у тайинлаган бош ноиб қўлига ўтган. 1892 йил 18 июндаги «Қоидалар» эса ҳарбий ҳолатни ўрнатиб, фуқаролар ишини ҳам ҳарбийлар қўлига топшириди. Туркистонда ҳар икки миршаблик қонунлари (1887 йилги Низом ва 1892 йилги қоида) қисқа узилишлар билан 1892 йилдан 1917 йилга қадар мунтазам амал қилди.

Туркистондаги мустамлакачилар марказдан олинган кенг ваколатлари етмагандай, энди ўлкада худди мустабид хонлар замонасига тақдидона, ўлим жазосини ошкора ижро этишга рұхсат олишди.

Генерал-губернатор ҳарбий вазирга йўллаган мактубида ёзган: «Тажриба шуни курсатадики, бу ўлкада ошкора қатл ижросигина маҳаллий аҳолига яхши таъсир курсата олади. Сиздан, Россия ҳудудида ўлим ҳукмини ошкора ижро этмаслик ҳақидаги қонуни Туркистон ўлкасига татбиқ этмаслик учун зоти Олийлари ижозатларини олиб берсангиз, деб илтимос қиласман!».

Рус амалдорлари Туркистон ҳалқлари ҳукуқларини чеклаш сабабини шундай изоҳладилар: «Туркистон ўлкасининг ерли аҳолиси ҳали жуда паст ривожланиш босқичида турибди. Улар ўз маъмурияти ва судини ўзлари сайлаш ҳукуқини тушуниши ва қадрига етиши учун ҳали жуда фур ва нодондир. Мазкур жамият қонун томонидан ўзига берилган ҳақ-ҳукуқлардан фойдаланишин билмайди. Бу ҳукуқ унинг фақат зарарига хизмат қиласми»<sup>2</sup>.

Рус шовинистлари ҳалқнинг кўтарилиши сабабини эса күйидагича изоҳлашган: «Ўлкани бир ҳовуч рус қўшини билан истило қилишда мисли кўрилмаган жанговар матонат курсатган рус кишиси ерлилар ўртасида афсонавий баҳодир тимсолига айланган эди. Келгинидларнинг темир иродаси олдилиги кўркув эса ерли аҳолида мусулмончилик тарбияланган файридинларга нафратини улар қалбининг энг тубига яширган эди. Ана шунинг учун ҳам дастлаб рус ҳокимияти уларни осонгина бошқарib келди. Аммо эндиликда ерли омма илк истилочилар қиёфасини унута бошлади»<sup>3</sup>.

Андижон туманбошиси полковник И. Бржецицкий бу фикрни янада ойдинлаштиради: «Ўлкадаги 27 йиллик хизматимдан келиб чиқиб шундай қатъий холосага келдим: бизнинг ёввойи ерлиларга инсонпарварлик мутлақ тўғри келмайди»<sup>4</sup>.

Князь Мансуров Давлат Думасининг ёпиқ мажлисида Россияда яширин тарзда ҳукм сурисиб, 1861 йилда бекор қилинган Куллик (крепостнойлик) тузуми аслида Туркистонда бенуқсон амалга оширилганини тан олишининг замирида тарихий ҳақиқат ётарди.

<sup>1</sup> ЎзР МДА, 1-жамгарма, 4-рўйхат, 117-иш, 10-варақ.

<sup>2</sup> ЎзР МДА, 1-жамгарма, 25-рўйхат, 989-иш, 156-варақ.

<sup>3</sup> ЎзР МДА, 276-жамгарма, 1-рўйхат, 909-иш, 297-варақ.

<sup>4</sup> ЎзР МДА, 461-жамгарма, 1-рўйхат, 1968-иш, 65-варақ.

Россия парламенти — Давлат Думасида ноиб князь Мансуров Туркестонда крепостной ҳуқуқ амалда эканлиги ҳақида гапирганда ҳеч қандай муболага бўлмаган.

## 7. СОЛИҚ ВА МАЖБУРИЯТЛАР. МЕҲНАТКАШ ХАЛҚ АҲВОЛИНИНГ ОФИРЛАША БОРИШИ

Россия ҳукмрон доиралари Туркистон ўлкасига мўмай даромад манбаи ва арzon хом ашё макони сифатида қараб, халқ-қа солинадиган солиқ ва мажбуриятларни кўпайтириш сиёсатини қўллаб келди.

Ўлкада солиқлар миқдори тинимсиз ошиб борди. 1889 йилдан 1896 йилгача мустамлака маъмурияти солиқларни 40 фоизга ошириди. Генерал-губернатор императорга 1895—1897 йиллар бўйича берган ҳисоботида солиқларни янада кўпайтириб, ўлкадан олинадиган даромадни ошириш учун аҳолидан янги ҳарбий солиқ ундиришни таклиф қилди. «Если ахоли рус ҳарбий кучи паноҳида барча рус фуқаролари ҳуқуқларидан тенг фойдаланган ҳолда ўз фаровонлигини оширмоқда, — деб ёзган эли генерал-губернатор, — шу билан бирга у ҳеч қандай асоссиз рус фуқаролиги берадиган катта имтиёзлардан ҳам фойдаланмоқда. Шунинг учун ҳам бундай солиқнинг жорий этилиши халққа оғир ботмаган ҳолда давлат хазинасига йилига яrim миллион рубл даромад келтиради»<sup>1</sup>. Мустамлакачилар сардори пахта якка ҳокимлигининг тобора кучайиб бораётганини қайл этиб: «1887 йилда 200.000 пудни ташкил қилган Америка навли пахта етишириш 1895 йилга келиб 500.000 пудга етган, яъни Россия саноати истеъмол қиласидиган толанинг учдан бир қисмини ташкил қилган»<sup>2</sup>, — деб ёзади.

Мустамлакачилар бу бой ўлкани русчасига ўзлаштиришга аҳамиятни кучайтиришга интилдилар. Империянинг Давлат мулклари ва зироатчилик вазири Кривошеин рус подшосига йўллаган тақдимномасида бу ҳақда шундай деб ёзган эди: «Рус халқининг сиёсий устиворлигига эришиш унинг ҳужалик соҳасидаги қуввати билан мустаҳкамланмоғи лозим... Узига тўқ мусулмон аҳолиси ўртасида рус келгинилари ҳўжалиги камбағал ва хароб ҳолда бўлмаслиги керак. Келгинди рус ҳўжайиннинг ерида ишловчи сартни кўриш мароқли ҳол бўлишига шубҳа йўқ. Бильякс, унинг сарт қўлида батрак бўлиши жуда ноҳуш ва қўнгилсиз воқеа эканлиги бизга аён бўлмоғи керак»<sup>3</sup>. Шунинг учун ҳам «Ўзга миллатларнинг рус элементини босиб кетмаслиги учун» генерал-губернаторга кенг ҳуқуқлар берилди. Мустамла-

<sup>1</sup> ЎзР МДА, 1-жамғарма, 5-рўйхат, 939-иш, 12-варақ.

<sup>2</sup> ЎзР МДА, 1-жамғарма, 5-рўйхат, 939-иш, 6-варақ.

<sup>3</sup> ЎзР МДА, 1-жамғарма, 27-рўйхат, 63-иш, 2-варақ.

качилар рус қишлоқларини ўзбек, қирғиз, тожик қишлоқлари-дан ажратиб, мустақил бўлишини таъминлаш билан бирга зарур ҳолларда рус ва маҳаллий қишлоқларни бирлаштириб рус во-лост старшинасини унинг раҳбарлигига қўйганлар»<sup>1</sup>.

Мустамлака маъмуриятининг келгуси фаолият дастурида ҳам ўлкани руслаштириш тоғаси асосий ўринни эгаллади. Олий ҳарбий-сиёсий доиралар фикрини баён этган князь Масальский 1913 йилда бу ҳақда лўнда фикр айтган: «Туркистанда қариб ярим асрлик ҳукмронлигимизга якун ясагани-мизда беихтиёр шундай савол туғилади: Бу мамлакатдаги кел-гуси фаолиятимиз дастури қандай бўлиши лозим? Яқин орада қандай вазифаларни амалга оширамиз? Мақсадимиз нималар-дан иборат ва нималарга интилишимиз лозим? Туркистанда навбатда ҳал этилиши лозим бўлган муҳим масалалардан бири — ўлкани рус аҳолиси билан мустамлака қилишдир. Россияга қўшиб олинганига ярим асрча вақт ўтганига қара-май, ўлкада бу аҳоли маҳаллий мусулмон нуфусига нисбатан жуда озчилиkdir... Пахтачиликни ҳар томонлама ривожланти-риш ва яхшилашга биз доим интилишимиз, бу борада сарф-харажатларни аямаслигимиз лозим. Чунки яқин келажакда саноатимизни ўз хом ашёмиз билан таъминлаш масаласи му-хим ҳаёт-мамот масаласига айланади»<sup>2</sup>.

Рус капитали учун ўлка дарвозасини кенг очиб берган темир йўл шахобчалари ўргимчак тўри мисол ҳар ёқса илдиз отиб, 1885 йилда Ашхободга, 1886 йилда Марв, Чоржуй ва Амударёгача бориб етди, Қорақум саҳросидан ўтган пўлат из-лар 1888 йилда Самарқандга туташди. 1898 йилда Марв-Кушка тармоғи қурилиб, бир йилдан сўнг Фарғона водийси ва Тош-кент ҳам темир йўл билан боғланди. Шундай қилиб, кейинча-лик Ўрта Осиё темир йўли деб номланган Каспийорти темир йўлининг узунлиги 1748 чақиримга етди. Мустамлака хом ашё манбаларини метрополия саноатига яқинлаштиришнинг нав-батдаги вазифаси — Туркистон-Сибирь темир йўлини қуриш кун тартибига қўйилди. «Жуда муҳим иқтисодий, мустамлака-чилик ва стратегик аҳамиятга эга бўлган бу темир йўл линия-сини зудлик билан қуриш зарурати барчага аён»<sup>3</sup>, — деб ёзган эди князь Масальский.

Темир йўл ўлкада руслаштириш жараёнини тезлатишда кат-та хизмат кўрсатди. Рус капитали билан бирга рус мужиклари, лўттибоzlар, турли-туман товламачилар, хонавайрон бўлган ти-жорат аҳли — «жаноб тошкентликлар» оқими кучайди. Метро-полиядаги хусусий капитал эндиликда ўлка табиий бойликлар-

<sup>1</sup> Пален К. К. Тақдимнома. 51-бет.

<sup>2</sup> Туркестанский край. Т. XIX, составитель князь В. И. Масальский. СПб, 1913, 558-бет.

<sup>3</sup> Уша асар, 559-бет.

рини арzon ва қulай йўл билан ташиб кетиш имкониятига эга бўлди. 1895 йилнинг ўзидаёқ биргина Фарғонадан Россияга 3 миллион 399 минг 371 пуд пахта, 451 минг 740 рубллик тери, 192 минг рубллик пилла ташиб кетилди. Ўлканинг гавҳари — Фарғона вилоятига минглаб келгинди мужиклар жойлаштирилди. Ўша воқеалар шоҳидининг ёзишича, 90-йилларда «Тоғу саҳроларда ... камбағал қорақирғизларнинг тоғлардаги мул克拉шини тортиб олиб ва ичкари Русиядан бир неча минг рус дехқонларини кўчириб келтириб, бўлиб бериб, охирда қирғизларни ўз мол-мулкларига ҳам эга қилмай, бечораларни Фарғонанинг кенг тоғларига тирқиратиб юборди. Шаҳар халқи золим ҳокимлар зулмидан безор бўлиб кўчага чиқолмай қолганларидек, шунча кенг тоғлардаги қирғизлар ҳам ўзларининг отабоболаридан буён ёкиб келган қуриган ўтиналаридан ёқолмай қолдилар, балки тикони қолмади. От, мол, қўй, эчкиларни бемалол боқолмай, бир тарафдан, чуб, оғиз пули деб жарима солиб, пулларини олса, иккинчи тарафдан, «түёф пули» деб қўйларини ҳисоблаб олдилар. Учинчи тарафдан, ўрис мужиклари, «меним экинимга кирди» деб молларини «штраф» қилиб олиб қўярди. Ариза берилса, кимга берилар эди? Яна шу золимларга берулур эди. Булар бўлса ҳеч вақт камбағалларнинг арз-додига қулоқ солишмас эдилар. Мана шундай қаттиқлик кунларга қолгандан кейин халқ орасида золимларга қарши қўзголончилик руҳи пайдо бўлиб қолди»<sup>1</sup>.

Рус мустамлакачиларининг Фарғонада «доимо газовот гояси қўланка ташлаб туради» деган хавотирларида жон бор эди, албатта. Чунки худи шу вилоят ер-сув муносабатларидаги зиддиятлар гоят кучайган районлардан эди. Алоҳида жандармлар корпуси генералларидан Батъяновнинг фикрича, бундай жойлардаги идора соғ миршаб тартибини тақозо қилган. «Хукумат ва халқ давлат таркибида доимо ўзаро маҳдуд ҳолда яшайди, — дейилган эди бир жандарм ҳужжатида. Зотан, халқ доимо ҳукуматга таҳдид солиб туради. Шунинг учун ҳам ҳар қандай халқ ҳаракатида хавф-хатар мужассам. Ҳукумат халққа нисбатан доимо уруш ҳолатида бўлмоғи даркор»<sup>2</sup>.

Генерал-губернатор ўз хатларидан бирида шундай ёзган: «Хон ҳукмронлиги таъсиридан чиқмаган, арзимас бир ўғрилик учун қўли кесилган, сал жиддийроғи ўлим билан жазоланган даврни унутмаган ерлилар учун бундай тузумдан бизнинг мурватвли тузумимизга ўтиш жуда туб ўзгариш бўлди»<sup>3</sup>.

Генерал-губернатор ҳарбий вазирга ўлқадаги аҳволни танишитириб, кейинги йилларда «мехнатсевар ерли аҳоли фаро-

<sup>1</sup> Фозилбек Отабек ўғли. Дуқчи эшон воқеаси. Тошкент, 1992, 27-бет.

<sup>2</sup> Содиков X. Курсатилган диссертация, 30-бет.

<sup>3</sup> Содиков X., Шамсутдинов Р., Равшанов П. Истибод. «Қишлоқ ҳаёти», 1999 йил 3 сентябрь.

вонлигининг ошгани» ҳақида ёзади. Фарғона вилояти ҳарбий губернатори 1889 йилда подшога юборган ҳисоботида бу фаровонлик сабабларига тұхталиб: «Вилоятта пахтачиликнинг ва бошқа соҳаларнинг ривожи фабрика, завод саноати унумдорлиги америка пахта навининг кенг тарқалгани таъсирида рўй берид, фойда шу йилнинг ўзида 2.317.900 рубл миқдорида ифодаланди»<sup>1</sup>, деб ёзгани бежиз эмас эди.

ХХ аср бошларидан пахтачилик Туркистон саноати ва қишлоқ хұжалиги ялпи маҳсулотининг 40 фоизини ташкил этған бўлса, дон — 37 фоиз, чорвачилик — 15,8 фоиз, боғдорчилик — 3 фоиз, узумчилик — 3 фоиз, бошқа соҳалар эса — 1,2 фоизни ташкил қиласа. Пахтачилик империянинг чет элларга сарфлайдиган 70 миллион олтин пулини тежашга имкон бергани ҳам тұқимачилик, газлама саноати гуркираб ўсишига турткы берди. Аммо кенг деҳқон оммаси тобора қашшоқлашиб ишчилар синфи сафини тұлдирди. «Қишлоқ пролетариатининг иқтисодий аҳволи, — деб ёзган эди «Русский Туркестан» газетаси, — йилдан-йилга ёмонлашиб бормоқда, чунки йилдан-йилга очдан ўлиш хавфи кучаймоқда. Деҳқонларнинг камбағал қисми тұла хонавайронник даражасига етиб, тез ўсиб бораётган ерли пролетариат қиёфасига кирмоқда»<sup>2</sup>.

Хунармандлар ҳам шундай ахволға тушиб ишчилар армияси сафини тұлдира бошладилар. Ўша давр тадқиқотчиларидан бири Туркистаннинг деҳқон ва хунармандлари аҳволи ҳақида шундай ёзади: «Иқтисодий танглик ва моддий қашшоқлик, оғир меңнат натижасыда тұпланған бойликларнинг барчаси үнча күп бўлмаган эксплуататорлар қулига топширилиши яқин келажакда жуда жиддий оқибатлар көлтириши мумкин... Бундай танглик ўзининг сүнгти поёнига етганда нималар булиши ва қандай оқибатлар юзага келишини олдиндан сира тасаввур қила олмаймиз»<sup>3</sup>.

Россия императори Сиёсий агентининг 1905 йил ноябрьда йўллаган мактубида ҳам руслар орасидаги инқилобий ҳаракат ўзбекларни ҳам айнитаётгани, пахта тозалаш заводларida иш тұхтатилгани маълум қилинган. Самарқанд Эски шаҳаридаги ўзбеклардан чой қадоқлаш корхоналарида иш ташлаш жиддий тус олгани ва бунда русчани биладиган большевик ва эсер ташвиқотчилари билан боғланған Дўстмуҳаммад Устабоевнинг роли катта бўлгани полиция хужжатларida ўз аксини топган<sup>4</sup>.

<sup>1</sup> ЎзР МДА, I-жамғарма, 4-рўйхат, 241-иш, 4-варақ.

<sup>2</sup> «Русский Туркестан», 1906 йил 11 август.

<sup>3</sup> Служкий И. М. Хлопководства в Туркестане. Туркестанское сельское хозяйство, 1911, №4, 352-бет.

<sup>4</sup> Муродова Ш. ХХ аср бошида Туркистон үлкасидаги озодлик ҳаракатлари (Самарқанд вилояти мисолида). Тарих фанлари номзоди илмий даражаси учун диссертация. Тошкент, 1999, 110-бет.

Самарқанд вилояти ҳарбий губернатори генерал штаб генерал-майори Гескетнинг 1905 йил 21 декабрда туманбошиларга юборган кўрсатмасида Самарқанднинг ўзбеклар яшайдиган қисмида «айрим кимсалар ҳалқни солиқларни тұламасликка чақирайтгандари» маълум қилинган. Генерал-губернатор идораси ҳужжатларида ҳам 1905 йил ноябрь-декабрида рус инқилобчилари маҳаллий аҳолини солиқларни тұламаслик, мажбуриятларни бажармасликка даъват этаётгани, ўзбекларни «рус ҳукуматига қарши құзгатиша уринишаётгани» алоҳида уқтирилган<sup>1</sup>.

Худди шундай уринишлар ҳақидаги маълумотлар Сирдарё, Каспийорти вилоятлари губернаторларидан ҳам олинган.

Самарқанд вилояти ҳарбий губернатори 1907 йил 24 февралдаги маълумотномасида «Хўжанддаги янги солиқ солинганидан кейин пайдо бўлган боқимандалар, асосан, бақироқларнинг ҳукуматга қарши гапларининг аҳолига етиб борганилиги оқибатидандир» деганида чуқур маъно бор эди. Губернатор рус инқилобчилари ва маҳаллий аҳоли ўртасида воситачи сифатида «Кавказдан келган арман, грузин, форс, лезгин ва бошқалар» эканлигини айтиб, улар инқилобий фаолиятни кенг қулоч ёйдириш учун жуда қулагат материалы деб баҳолайди ва келгиндилар «шу кунгача содиқ ва тинч ерли аҳолини ҳам йўлдан ураётганини» таъкидлаб ўтади. Фарғона вилояти ҳарбий губернатори эса 1907 йил 1 марта генерал-губернаторга йўлланган маҳфий ахборотда инқилобий ҳаракат қишлоққа ҳам кўчгани ва бу жойларда ўзига хос усулда намоён бўлаётганини шундай таърифлайди: «Ҳозирги кундаги сиёсий жиноятлар оломоннинг тўполони, фалаёни, талончилиги, қотиллиги каби ҳолатлар билан узвий боғланган»<sup>2</sup>.

Туркистон ўлкаси аҳолисининг 90 фоизини ташкил этган деҳқон ва чорвалорларнинг аҳволи тобора мушкуллашиб борди. Туркистондаги ер солиги 1914 йилда 6859021 рубл бўлган бўлса, 1916 йилда бу рақам 14311771 рублни, яъни икки баробарни ташкил қилди. 1915 йилда эса маҳсус ҳарбий солиқ солиниб, у пахтакорлар учун ҳар пуд пахтадан 2 рубл 50 тийинни ташкил қилди. Ўша 1915 йилдаги солиқлар миқдори 38329000 рублдан иборат бўлди. Рус мустамлакачилари империя тўқимачилик саноати манфаатларини ҳимоя қилиб пахтага бозор иқтисодиёти қонунларига хилоф равишда қатъий нарх — пудига 24 рубл белгилади. Натижада пахтакорлар бир йил ичida 60 миллион рубл йўқотдилар. Агар 1913 йилда пахта нархи 50 фоиз оширилган бўлса, бошқа зарур моллар нархи 400—500 фоизга кўтарилди. Нон нархи эса 6 баробар ошди. Чайқовчилик авж олди<sup>3</sup>.

<sup>1</sup> Ўша жойда, 111-бет.

<sup>2</sup> Ўша жойда, 120-бет.

<sup>3</sup> ЎзР МДА, 461-жамғарма, 1-рўйхат, 21-иш, 140-варақ.

Жандармерия хизмати Құқон бұлыми бошлиғининг 1915 ийл 18 науырдаги мағфий ҳисоботида «олиб сотарлар ҳар юз ийлда бир марта, ҳозиргидек, уруш ийларидан бойиб кетиши мүмкін», деб ёзганида ҳеч қандай муболаға бұлмаган. Пахта харид нархининг ана шундай шароитда яна 20 фоизга туширилиши фақат маҳаллий пахтакорлар эмас, балки пахта етиштиришга ихтисослашган рус мужикларининг ҳам кескин норозилигига сабаб бұлды. 1916 ийл 4—6 марта Туркистан қышлоқ ҳұжалиги жамияты уюштирган йиғинда пахтачилик билимдени С. Понятовский бундай сиёсат жуда хунук оқибаттарға олиб келишини айтты, «Москва бизнинг Үрта Осиё толасига ниҳоятда катта эътибор берәётганини күриб турибмиз ва фавқулодда эътибор улкан фалокат дебочасидир», деганида чуқур ҳақиқат бор эди. Уруш баҳонас�다 турли-туман құшымча мажбуриятлар ва янги солиқлар үндирилиши ҳам халқ ахволини оғирлаштиргани ва бу ҳол хунук оқибаттарға олиб келишини сиёсий полиция агентлари хабар қылған эдилар.

ТРМБ агентлари ғалла захираларини яшираётганды, кундалик харид моллари нархини күтариш пайдалана уни сотаётганды савдо-гарлар ҳақида қатор ахборотлар йүллаган. ТРМБнинг тажрибали жосуси Августовский аҳолининг тобора ошиб бораётганды қимматчilik ва бұхрондан норозилиги ҳақида ёзиды, бу ҳол келгусида катта түполонларға олиб келиши мүмкінligи ҳақида огохлантирган. «Аҳоли үртасида, — деб ёзған эди жосус, — маҳаллий маъмурият савдо-сотиқни тартибға сололмас экан да аксина у озиқ-овқатни яшираётганды чайқовчиларни үз панохига олаётганды экан, демек, одамларнинг үzlари чайқовчиларнинг танобини тортиб қўйишлари кераклиги ҳақидаги гаплар кучайиб бормоқда»<sup>1</sup>. Августовский бундай шароитда четдан ташвиқотчилар келса, улар үzlари учун құлай заминни шу үлкадан топишлари мүмкінligидан ҳам бошлиқларини огох қылған.

Тошкентда анча вақт ишлаган қурувчи муҳандис фон Фегезакнинг ўша 1916 ийлдеги фикри ҳам дикқатта сазовор: «Менниңг фикримчы, Россия үзининг ифлослиги ва тартибсизлигидан ҳалокатта учрайди. Үшанда руслар уйғониб адолат, ҳалоллик ва тозалик ҳукмрон бўлгандагина давлат яшаши мүмкінligига ишонч ҳосил қилишади»<sup>2</sup>.

Рус мустамлакачилари Туркистандан уруш ийлари 59 миллион пуд пахта, 8,5 миллион пуд пахта ёғи, 950 минг пуд пилла, 2925 минг пуд тери, 300 минг пуд гүшт, 229 минг пуд совун, 474 минг пуд балиқ олиб кетишиганды. Фронтта аҳолидан 70 минг от, 12 минг түя, 38 минг квадрат метр гилам-наматлар, 2400 минг рубл йиғиб олинган. Худди шу даврда гуруч, гүшт, қанд, пойафзал ва газламанинг нархи бир неча марта күтари-

<sup>1</sup> ЎзР МДА, 461-жамғарма, 1-рўйхат, 2120-иш, 140-варақ.

<sup>2</sup> ЎзР МДА, 461-жамғарма, 1-рўйхат, 190-а иш, 16-варақ.

либ, дөхқон билан хунарманд ҳамда ишчи рўзгорини мушкул ҳолга солди. «Андижон туманида, — деб ёзади Дархон маҳаллалик Содиқ ҳожи, — армия эҳтиёжлари учун 200 минг сўм йифилди. Бу пулни маъмурият ҳарбий хизматни ўтамаслик эвазига солиқ сифатида йигди. 8 июль куни эрталаб эса, юқоридан бўлган бўйруққа асосан, шаҳар Жомеъ масжидида кўйи маҳаллий маъмурият вакилларидан 200—300 киши йиғилишиди. Туман бошлиғи полковник Бржезицкий одамлар кам тўплланган деб, бозордаги барча аҳолини ҳайдаб келишни буюрди. 10 мингга яқин киши тўпланди. Рўза ойи бўлгани учун ҳалойиқ асабий, толиққан аҳволда анча туриб қолди. Туман бошлиғидан чақириқ ёшига етганларни аскарлик хизматидан озод қилишни сўрашиди. Подшо номидан чақириқдан озод қилинганлик ҳақида қофоз беришни илтимос қилиб йиглаб-сиқтаганлар ҳам бўлди. Бржезицкий индамай жўнаб кетди ва бир соатдан сўнг икки взвод аскар билан қайтиб келди. Тинч мuloқot секин-аста отишмага айланди»<sup>1</sup>.

Аҳоли томонидан алвокат Убайдулла Асадуллахўжаев номига ёзилган ариза ҳам дикқатга сазовор. Унда ўқиймиз: «Ҳозирги Андижон тумани бошлиғи Бржезицкий даврида авваллари ҳам мавжуд бўлган порахўрлик, товламачилик ва зўравонлик ниҳоятда кучайиб кетди. Қонун-қоидага айланган бу тизимнинг хусусиятлари қўйидагича: 1) Аҳолидан ўлпон олиш ва порахўрликка маҳаллий амалдорлар: элликбоши, мингбошилар ва ҳозирги бош оқсоқол Шермат Алимқулов (қўқонлик амири лашкар Алимқулнинг ўғли Шермуҳаммад) каби маъмурият вакилларини жалб этишган; 2) Солиқ-ўлпон ундириш ва пора олиш маъмурият вакиллари томонидан бевосита эмас, балки билвосита воситачилар орқали амалга оширилмоқда. Хусусан, ноҳия бошлигининг тилмочи Юсуфжон ҳожи ҳамда приставларнинг таржимонлари воситачилик қилишади. Бу усул шундай усталик ва изчиллик билан олиб бориладики, натижада аҳоли амалдорларнинг қонунга хилоф ишлари юзасидан қилган шикоятлари ҳеч қачон адолатли ҳал бўлмаслигига кўнишиб кетишган»<sup>2</sup>.

ТРМБ агентураси хабарларида социал-демократ А. Казаков «ишчилар ўртасида урушга қарши сўзлаётгани, уруш ҳалқ учун бефойда экани, ишчилар аҳволи оғирлашгани, ҳукумат ва тижоратчилар эса урушдан манфаатдор эканликларини тушунтираётгани тўғрисида»<sup>3</sup> маълумотлар олинган.

Бошқа бир ахборотда ТРМБ агенти Тошкент трамвайи ишчиларининг «қуролни ҳукуматга қарши қаратиш керак» ва умуман ўлка ишчилари ўртасида «эски тузум сақланиб қололмай-

<sup>1</sup> ЎзР МДА, 461-жамғарма, 1-рўйхат, 2113-иш, 42-варақ.

<sup>2</sup> ЎзР МДА, 461-жамғарма, 1-рўйхат, 1631-иш, 10-варақ.

<sup>3</sup> ЎзР МДА, 461-жамғарма, 1-рўйхат, 1462-иш, 92-варақ.

ди, инқилоб мұқаррар» деган ғоя кенг қулоч оттанини хабар қиласы. Бундай ҳолат рус мұстамлакачи ахолиси үртасыда, чоризм күтганидек, яқдиллик йүқлигини құрсатды, қолаверса, рус ишчилари, үзларига яратылған имтиёзлар ва ھукмрон мавқеидан қатын назар, мавжуд тузум таянчлари әмаслигини билдириб қўйди.

Маҳаллий миллатлардан иборат ишчилар синфи үртасыда ҳам мавжуд тузум ва тартиблардан норозилик учқунлари астасекин алана олмоқда эди. Темир йўл ишчилари сафид туб миллатга мансуб ишчилар 4,5—5 минг кишини ташкил қиласы. Худди шу темир йўлдаги қора ишда, курилишларда ва малакали касбларда ишловчилар озодлик ғоялари таъсири остида ўз ҳақ-хуқуқларини таниб, миллий ўзлигини англай бошлаган эдилар.

### Миллий давлатчиликни тиклаш ва озодлик учун кураш. Жадидчилик ҳаракаты

#### 1. XIX АСР ОХИРЛАРИДАГИ ХАЛҚ ҲАРАКАТЛАРИ

Түркістанда чоризмнинг сиёсий ва иқтисодий зулмігі Қарши ҳаракатлар XIX асрнинг 70-йиллардан бошланған. 1879 йилда 600 нафарга яқын оломон Фарғона вилоят бошқармаси биносини қуршаб олиб, ҳарбий губернатордан Марғилон туманидан олинаётган солиқларни камайтиришни талаб қылды. Үшанды вилоят ҳарбий губернатори бевосита қуролли күч ишлатылышдан чұчиган. Чунки 1875—1876 йилларда айни шу вилоятта бошланған Пұлатхон бошчилигидаги құзғолон ҳамда Мингтепадаги 1871 йилги Етимхон бошчилигидаги ғалаён русларни чинакамига ташвишга солғани эсдан чиқмagan эди. Оломоннинг авзори бузуклигини англаған ҳарбий губернатор бұлажақ катта жанжалнинг олдини олиш мақсадида халққа ён босиб, уларнинг талабларини үрганиб чиқишига вайда берди. Шу мақсадда ҳайъат тузилиб, иш бошланған. Ҳайъат тұплаган маълумотлар вилоятта пахта майдонининг кенгайиб кетгани, натижала яшаш учун зарур бұлған бошқа әқинлар майдони кескин камайтанини күрсатады. Оқибатда озиқ-овқат маҳсулотлари нархи 2,5 баробар күтарилиб, чайқовчилек кучайған. Андіжон, Марғилон, Наманған, Үш, Янғы Марғилон, Күқон туманларини ўз ичига олған Фарғона водийсіда 88 минг 858 таноб ерни әгаллаган пахта бошқа әқинларни сиқиб чиқарған. «Ерли ақоли рус ҳарбий күчи паноҳыда, барча рус фуқаролари ҳукуқтаридан тенг фойдаланған ҳолда, ўз фаровонлигини оширмоқда, — деб ёзған эди генерал-губернатор. Шу билан бирға у ҳеч қандай асоссиз рус фуқаролиги берадиган катта имтиёзлардан ҳам фойдаланмоқда. Шунинг учун ҳам ҳарбий солиқнинг жорий этилиши халққа оғир ботмаган ҳолда давлат хазинасига йилига ярим миллион рубл даромад келтиріади»<sup>1</sup>. Мустамлакачилар сардори пахтачилик салмоғининг тобора ошиб бораётганини қайд этиб, 1887 йилда 200 000 пудни тащкил қылғани, «Америка» навли пахта этиштириш 1895 йилга келиб 500 000 пудға етгани, яғни Россия саноати истеммол қыладыған толанинг учдан бир қысмени ташкил қылғанини ёзған<sup>2</sup>. Россиянинг савдо-саноат доиралари бу бой үлкани ижти-

<sup>1</sup> ҮзР МДА, 1-жамғарма, 5-рўйхат, 939-иш, 12-варао.

<sup>2</sup> Үша ҳужжат, 6-варао.

моий-иктисодий үзлаштиришга аҳамиятни кучайтириб, рус унсурининг салмогини оширишга интилди.

Мустамлакачи маъмурларни халқнинг иқтисодий чиқишиларидан кўра кўпроқ сиёсий чиқишилар ташвишга солди. Бундай чиқишилар маҳаллий маъмурият—волост бошқарувчилари — мингбошилар, оқсоқоллар ва халқ судьялари — қозилар сайловларида тобора очиқ-ойдин кўрина бошлиди.

### Мавзууга доир ҳужжат

(*Курама тумани ҳокими полковник Каллаурунинг 1880 йил 16 июлда Сирдарё вилояти ҳарбий губернаторига йўллаган ахборотидан*)

«Мен, 10 июл куни волост бошқарувчиси сайловини утказиш учун Хурдан қишлоғига келдим. Мулла Шермуҳаммад Худойберганов, Холмуҳаммад Худойберганов, Мұхаммадқұл Қоплонов бошчилигидаги оломон мен тушган уйни үраб олди. Халқ олдига чиққанимда одамлар мулла Шермуҳаммад номздонини сайловга қўйишимни талаб қилишди. Мен уларга йигилиш утказиладиган жойга боришини буюрдим. Аммо улар курсатилган жойга бормасликларини айтдилар. Шунда мен оломонни тарқатиб юборишини буюрдим. Аммо ғаламислар одамларни қаршилик курсатишга чақирилдилар. Ур-туполон бошланди. Миршабларни калтаклашди. Одамларни туполонга бошлаганлардан бири Мұхаммадқұл бұлса тилмочимнинг юзига шаполоқ тортди. Отлиқ казаклар етиб келгандагина оломонни тарқатиб юбордик. Ҳибсга олинган мулла Шермуҳаммад, Мұхаммадқұл Қоплонов ва Холмуҳаммад Худойбергановлар Қўйликка юборилгандан кейин йигилиш мұлжалланған жойга бордим. Аммо у ерда эллиқбошилардан бошқа ҳеч ким йўклигини кўрдим. Одамлар икки чақиримча наридаги қўргончада тўпланишиб тўполонни давом эттиришайтганини хабар қилишди. Мен тилмоч ва миршабларни уларнинг олдига жунатдим. Улар кўп утмай ҳовлиқиб қайтишди. Одамлар уларни яна калтаклашибди. Тилмоч уларга бўйругимни етказганда халойик орасидан бир неча киши «туман бошлиги тимлими ва одамларни суйиш керак. Шунда бу ишнинг довруғи узоққа кетади. Бизни ҳеч нарса қилиша олмайди. Кези келганда уларни отса ҳам булаверади», деб қичқиришибди. Мен улар олдига жунадим. Оломонга уларнинг тартибсизлиги хунук оқибатларга олиб келишини тушунира бошладим. Қонунга кўра бундай иш оқибатсиз қолмаслиги ва қаттиқ жазоланишини айтдим. Аммо оломон парво қилмади. Сайлов жоигига борищдан бош тортишгани етмаганидек, дуқ-пўписа ҳам қилишди:

— Дўк қилма!

— Сибирингдан ҳам қўрқмаймиз!

Вазиятни чамалаб куриб мен сайлов утказмаслика қарор қилдим»<sup>1</sup>.

\* \* \*

Вилоят ҳарбий губернатори туманбошининг ахборотномасига жиддий баҳо бериб, зудлик билан жазо чораларини кучайтиришга киришди. «Туполон» бошлиқлари мулла Шермуҳаммад, Холмуҳаммад Худойберганов ва Мұхаммадқұл Қоплонов Еттисув вилоятининг Сарипул шаҳрига бадарга қилиндилар. Кекса, саломатлиги ёмон бўлишига қарамай, уларга шафқат қилинмади. 1881 йил 28 апрелда Еттисув вилояти ҳарбий гу-

<sup>1</sup> ЎЗР МДА, 1-жамғарма, 19-рўйхат, 908-иш, 1—3-вараклар.

бернаторининг Туркистон генерал-губернаторига юборган ах-боротномасида, «касалликлари туфайли Сарипулга етиб бори-шолмай, Лепсинек шаҳрида туриб қолишган... уч туземецдан иккитаси — Худойбергановлар кекса, жуда қашшоқ» эканликлари ва улар шаҳарда садақа сўраб тирикчилик қилишаётганлиги маълум қилинган<sup>1</sup>.

Чор амалдорларининг раҳмисиз жазолари ҳам эркесвар Фаргона халқини чўчита олмади. 1885 йилнинг ёзида мустамлакачи амалдорларни таҳлиқага солган катта халқ ҳаракати бошланди. Андижон, Ўш ва Марғилон туманларида қўзғолончи гуруҳлар пайдо бўлди. Улар асосан маъмурият вакилларига ҳужум қилдилар. Андижонда икки мингбоши улар тарафдан асир олиниб, бири қаршилик кўрсатгани учун ўлдирилди. Қўзғолончиларга мулқдор табақага мансуб Дарвишон тўра раҳбарлик қилди. У русларга қарши ялпи қўзғолон кўтариш мақсадида кичик гуруҳларни катта бир қўшинга бирлаштиришга уринди. Дарвишон тўранинг яқин ёрдамчиси Мўминбой ана шу мақсадга қисман эришиб, Фарғонадаги қўзғолончи гуруҳлардан каттагина лашкар тузишга муваффақ бўлди. Фарғона ҳарбий губернатори уларга қарши жазо экспедициясини жунатди. Қўзғолончилар яхши қуролланган мунтазам рус қўшинларидан енгилган бўлсалар-да, батамом таслим бўлмай, қишлоқларга тарқаб кетдилар. Мўминбой асир олиниб, дорга осилди. Жазо экспедицияси қишлоқма-қишлоқ юриб, қўзғолончиларни қидирди. Руслар кўплаб дехқонларни қамади, лекин Дарвишон турани топа олишмади. Рус амалдорларига ҳужум қилиш ҳоллари эса тухтамади. Мустамлака маъмурияти вакилларининг ҳисоб-китобига кўра, 1885 йилдан 1892 йилга қадар Фарғона вилоятида дехқонларнинг сиёсий тусдаги 205 марта чиқиши қайд этилган.

Рус амалдорлари маҳаллий халқнинг мустамлакачилардан уч олишини «талончилик», «қароқчилик» дея баҳолаб, қўзғолонларнинг ижтимоий-сиёсий моҳиятини хаспўшлашга уриниши.

1891 йил 18 августда Наманган туманининг Чандавур қишлоғида маҳаллий судхўр Муҳаммад Жалил Ворисхўжаевнинг уйини номаълум кишилар ўраб олиб, ундан адолат талаб қилишган. Қуролланган дехқонлар инсофисиз судхўрнинг сандигидан 87600 рубл топишган ва уни мазлумлар фойдасига мусодара қилишган. 1892 йил 18 февралда эса Кўқон туманидаги маҳаллий бойлардан мулла Муҳаммад Ражаб Ҳакимбоевнинг уйига ҳам номаълум қуролли кишилар ҳужум қилишган. Мингбоши Мирзакул Султонбоевга ҳам ана шундай кишилар ҳужум қилиб, уни ўлдиришган.

Туркистон генерал-губернатори маҳкамаси маҳсус бўлими-нинг маҳфий ахборотида 1887—1898 йиллар мобайнида Фарғона, Самарқанд ва Сирдарёда ана шундай «қароқчилик босқин-

<sup>1</sup> ЎзР МДА, I-жамғарма, 19-рўйхат, 908-иш, 2—8-варақлар.

лари»дан 668 таси қайд этилган. Генерал-губернатор маҳкамаси маҳсус бўлимининг бошлиги Туркистон генерал-губернаторига ёзган маълумотида «тўполон ва исёнга мойил» бўлган Фарғона аҳолиси вакилларини ҳарбий судга бериш ва суд чиқаражак ўлим жазосини ошкора ижро этиш ҳақида фикр билдири. У халқни Қўрқув ва талвасада тутишигина ўлкада тартиб ва осо-йишталикини таъминлашга қодир ягона воситалигини уқтириди. Генерал-губернатор унинг фикрларини жамлаб, 1892 йил 17 марта үзининг бевосита бошлиги—Ҳарбий вазирга ахборот жўнатди. Унда у Қўқон туманига қарашли Конибодом қишлоғида яшовчи Аҳмад Азимов, Аблужаббор Маҳсумов, Юсуфхон Саид Оқсоқолов, Тошимуҳаммал Ашур Муҳаммедов, мулла Со-дик Олимбоев, Муҳаммад Собир, мулла Муҳаммад Ражабов, Муҳаммад Холиқ Муҳаммад Ёқубовни ҳамда Бешариқ волостидан Ортиқ мирза Раимов, Отажон ва Сибирдан қочган Саид «ўгри»ни ҳарбий судга бериш учун ижозат сўраган.

Худди ўша йили Фарғонадаги вазиятдан чўчиган вилоят ҳарбий губернатори аҳолидан кўз-кулоқ бўлиб туриш учун маҳфий сиёсий полиция хизматини ташкил этиш таклифини илгари сурди. Генерал-губернатор Вревский марказий ҳукуматдан расман ижозат олгунча бундай хизмат учун, яъни маҳфий айғоқчилар тармогини вужудга келтириш учун, Фарғона вилоятининг ҳар бир туманига ўз ихтиёридаги маблагдан ойига 200 сўм ажратди. Ўлканинг олий ҳарбий-сиёсий доиралари тобора кучайиб бораётган норозилик тўлқинини пасайтириш учун таъсирчан восита излай бошладилар. Куролли қучлар ва полиция хизматини кучайтириш тадбирлари учун бир йилнинг ўзида 5 536 417 сўм сарфланди. Ҳолбуки, ундан ҳам муҳим ҳисобланган темир йўл учун бор-йўғи 190 000 сўм ажратилганини ҳисобга олсак, чор ҳукуматининг халқ ҳаракатидан нақадар хавотирга тушгани аниқ бўлади. Лекин мустамлакачилар кўллаган фавқулодда жазо чоралари барибир халқ ҳаракатларини тўхтата олмади. Турли-туман сиёсий чиқишилар давом этаверди.

Андижон яқинидаги Кўқонқишлоқ волостида 1893 йил 13 февралда рўй берган воқеа рус маъмурларини гоят таҳликага солади. Пристав Шаригин мингбоши сайловини ўтказиш учун Қашқарқишлоққа келганида халқ элликбошилар ва мингбоши номзодларини қайта кўриб чиқиб, адолатли сайлов ўтказишни талаб қиласди. Рад жавобидан сўнг оломон ҳаракатга келиб, пристав ва унинг одамларига ташланади. Рус зобити ва унинг миршаблари казаклар ёрдамга келгунча калтакланади. Халқ вакилларидан уч киши ҳибсга олиниб, Андижон турмасига жўнатилади, лекин йўлда одамлар миршабларга ҳужум қилиб маҳбусларни озод қиласдилар. Пристав Шаригин қўйдек ювош деб ҳисоблаб келган ўзбек дәхқонларини энди танимай қолади ва ваҳимага тушиб, ўз жонини сақлаш учун қочиб қолади. Рот-

мистр Шаригиннинг кийим ва анжомлари қўзғолончилар қўлида қолиб кетади. Шаригин қўрқанидан тўгри йўл қолиб, Ойим волости орқали 60 чақирим йўл босиб Андижонга етиб келади. Туманбоши подполковник Брянов, туман судьяси Никифоров воқеа юз берган жойга бориб вазиятни ўрганадилар, гувоҳларни чақириб сўроқ қилишадилар. Келиштирувчи судья Никифоров ўз бошлиғига берган ахборотида пристав ротмистр Шаригиннинг «кутурган оломон ўртасидаги аҳволи чиндан ҳам хавфли бўлганини»<sup>1</sup> айтади. Ўша куни Кўқонқишлоқда бўлган воқеалар Ўзган, Ойим волостларида ҳам акс садо бериб, Омончура, Моси қишлоқларида ҳам одамлар кўтаришгани ва сайловлар қолиб, очиқдан-очиқ фалаён тусини ола бошлагани маълум бўлади.

Фарғона вилояти ҳарбий губернатори генерал-лейтенант Н.И.Корольков зудлик билан ўзининг ёрдамчиси генерал-майор Мединскийни «исёнчиларни жазолаш учун» Қашқарқишлоқ ва Кўқонқишлоққа жўнатади. Генералга 16-батальоннинг кучайтирилган ротаси ҳамроҳ бўлади. Мединскийга хукуматга қаршилик қилган аҳолига нисбатан империя қонунлар мажмусининг II жилди, I қисмдаги 542-модда ҳамда уни тўлдирувчи Вазирлар Кўмитасининг 1885 йил 3 мартағи Низомида кўрсатилган жазо чораларини кўриш юклатиши. Ротанинг Кўқонқишлоққа келиши, Андижон тумани бошлиғи подполковник Бряновнинг кузатишича, қишлоқ аҳлига «айтарли таъсир кўрсатмади»<sup>2</sup>. Генерал Мединский «исёнчиларга» маънавий-руҳий, жисмоний ва моддий жазо кўллашга қарор қиласди. Унинг буйруги билан 31 нафар ўзбек деҳқони ялангоч ҳолда очиқ майдонга ётқизилади. Казаклар уларни дарра ва қамчи билан 15 мартадан 100 мартағача савалашади. Икки юздан ортиқ аскар ва зобитларни боқиш учун аҳолига катта пул жаримаси солинади. Губернатор Туркистон ўлка бошлиғига рота Кўқонқишлоқ ва Қашқарқишлоқларда жуда қулай жойлашгани ва ажойиб тарзда озиқ-овқат билан таъминланганини мамнуният билан хабар қилган<sup>3</sup>. 1893 йил 16 мартағи ахборотда рота зобитлари аҳолидан ундирилган пулдан кунлик маош билан таъминланганликлари кўрсатилган. Аммо ҳарбий куч ва зўравонлик ҳалқнинг адолатсиз рус ҳокимиётига қарши чиқишлирага барҳам беролмади. Худди шу Андижон туманининг Кенгкўл — Қорақир волостида элликбошилар сайловини ўтказишга келган пристав Шаригин яна оломон қаҳрига дуч келади. Волост бошқарувчиси унга одамлар унинг буйругини бажаришдан бўйин товлаётганидан шикоят қиласди ва Мансурхонов деган қирғизни жавобгар сифатида қози ҳузурига юбора олмаётганини айтади.

<sup>1</sup> ЎЗР МДА, 1-жамғарма, 4-рўйхат, 155-иш, 3-варақ.

<sup>2</sup> Ўша ҳужжат, 5-варақ.

<sup>3</sup> Ўша ҳужжат, 6-варақ.

ди. Шаригин миршаблардан бирига ана шу қирғизни ҳузурига олиб келтиришни буюради. Шундан сүнг Шаригин үтвадан чиқади ва күзи үзаро жанжаллашытган катта оломонга тушади. Пристав уларга тарқалишни буюради.

Воқеаларнинг кейинги ривожи Фарғона ҳарбий губернатори генерал-лейтенант Повало-Швейковскийнинг Туркистон генерал-губернаторига 1896 йил 13 февралда юборган ахборотида шундай баён қилинади: «Ротмистр қирғизлар қаршилигига дуч келди. Оломон унга таҳдид билан яқинлашди, ёнидаги шифокор ва фельдшер томон тош ота бошлади... Тошлардан бири Шаригиндан икки қадамча нарида турган миrzаси Мұхаммад Турдининг юзини ёриб, қонга бўяди. Лаблари ёрилиб тўртта тиши синди. Бошқа тош миршаб Содик Ёкубовни ерга қулатди. Атрофидаги ходимлари приставга зарар тегишидан хавотирланиб уни амаллаб үтвога олиб кетишиди. Шунда үтвога тошлар ёғилди. Мұхаммад Турди миршаб ва миরза Орзиқулнинг айтишича, оломон ўртасида «Пристав ва миршабларни уринглар!», «Русларни дўппосланг!» деган хитоблар эшигилган<sup>1</sup>.

1896 йилда Наманган туманининг Оқчи-Шаҳрихон волостидаги Найманча, Кўхна мозор, Лангарбобо қишлоқларида мингбоши сайловида ҳам кучли норозилик ошкора галаёнга айланади. Халқа зулм ўтказган порахур мингбоши Эшмуҳаммаднинг яна лавозимиға сайланганидан норози бўлган кишилар туманбоши ёрдамчиси ротмистр Бушендан адолат тилашади, лекин унинг рад жавоби ва дағдагасидан ғазабланиб, уларга қарши кўтариладилар. Порахур элликбошиларни дўппослаш бошланганда Бушен «ғаламислардан бири» Шербой Исматуллаевни миршаблар ёрдамида ҳибсга олади. Оқсоқол Эшонқул Холмуҳамедовга уни тезда Наманган турмасига элтишга буйруқ беради. Оқсоқол маҳбусни масжид ҳовлисидан олиб чиқаётганда у тўсатдан оқсоқолга мушт уриб қочади. Саросимада қолган оқсоқол ўзига келар-келмас ғазабнок одамлар уни қуршаб олишади. Шу вақтда масжидга икки мингдан ортиқ деҳқонлар келиб элликбоши, оқсоқол, қози ва миршабларни дўппослаб кетишиади. Оломон мингбошиликка номзод Йулдош саркор яширинган масжид ҳужраси эшигини синдиради. Лекин у маҳаллий қози Тошхўжа ёрдамида мўри тепасидан томга чиқиб, қочиб қолган эди. Туманбоши ёрдамчиси Бушен ўз вақтида қочиб, бошлиғига воқеани хабар қиласиди. Қўрқиб кетган туманбоши шахсан Кўхна мозорга келиб, халқа адолат қилишга ваъда беради<sup>2</sup>.

Янгиқурғон жабҳа (участка) пристави штабс-капитан Еникеев ўша йили Сарой қишлоғида деҳқонларнинг сайловига

<sup>1</sup> Ўша ҳужжат, 241-иш, 8-варақ.

<sup>2</sup> Ўша ҳужжат, 23-варақ.

түйланган элликбошиларни ўраб олгани ва катта түполон кутарилганидан сайлов үтказа олмаганини хабар қылган<sup>1</sup>.

Қорақалпоқлар яшовчи Чимбой участкаси Таллиқ волос-тининг Копак-күл деган жойда (ҳозирги Бұзатов тумани худуди) маъмурият вакили—оқсоқолни қайта сайлаш жараёнида ғалаён құтарылды. Аммо у казаклар томонидан бостирилди. 1899 йил 28 марта тергов, қидириш, қамоққа олиш ишлари бошланди. Деңқонлар ҳибсга олиниб, Петроалександровскга жүнатылды.

Шұрахон участкаси Бийбозор волостида Чимбой участкаси Нукус волостида мустамлакачиларга қарши Бобо Құклан бошчилигидаги халқ құзғолони жиддий тус олиб, қарийб үнйил (1881—1891) давом этди.

Деңқонлар тез-тез солиқ тұлашдан бош тортиб турғанлиги натижасыда бөкімандалар 1889 йили бұлым бүйіча 12818 рублни, 1896 йили эса 16723 рублни ташкил этди. Деңқонларнинг қарзлардан озод этиш ҳақидаги илтижолари қониқтирилмади. 1900 йил март ойида Нукус волостида шу сабаб деңқонлар билан қишлоқ маъмурияти үртасыда тұқнашувлар булып үтди. Деңқонлар үтов бошига олинадиган солиқни тұлашдан бош тортиб, овул оқсоқоли билан қозини тутиб, уларнинг лавозимлик белгиларини, муҳрларини тортиб олишди<sup>2</sup>. Чап қирғоқдаги қорақалпоқлар ҳам золимтарга қарши бош кутардилар. 1900 йили Қунғирот беклигіда яшовчи қорақалпоқлар сугориш иншоотларини (Лавзон каналини) тозалаш мажбуриятини бажарышдан бош тортылар.

## 2. ТОШКЕНТ ҚҰЗҒОЛОНИ

1892 йилнинг ёзида Туркистан маркази Тошкентда ҳам рус мустамлакачиларини талвасага солған ва тарихға «Вабо исёни» ёки «Тошотар воқеаси» сифатыда кирған құзғолон бошланди<sup>3</sup>. Расмий доиралар бу құзғолон вабога қарши рус амалдорлари құллаган тадбирлардан норозилик туфайли келиб чиққан, деб изохлашга уриндилар. Шунинг учун ҳам уни «Вабо исёни» деб номлашди. Шунчаки қараганда, чиндан ҳам шундай бұлған. 1892 йил май ойида Жиззахда вабо билан оғриған кишилар ҳақидаги хабар бутун үлкага тарқалди ва Сирдарё вилоятiga үтадиган кечув олдидә әхтиёт юзасидан кузатищ бескес ташкил

<sup>1</sup> Үша ҳужжат. 16-варақ.

<sup>2</sup> Борьба трудящихся Каракалпакии против колониального и социального гнета. Т.: Фан, 1972. 51-бет.

<sup>3</sup> Мазкур воқеа тағсилоти ҳақида энг сұнгги маълумотлар Ҳамил Зиёев-нинг «Туркистанда Россия тажовузи за хукмронлигига қарши кураш» ҳамда Ш.Каримов, Р.Шамсұтдиновнинг «Туркистан Русия босқини даврида» китобида көлтирилған.

қилинди. Июнь ойида Тошкентда ҳам вабо тарқалгани маълум бўлди. Янги шаҳарда 417, Эски шаҳарда 1462 бемор аниқланди. 1892 йил 7 июнда шаҳар маъмурияти 12 эски қабристонни ёпиб, янги 4 қабристон очилишини, шаҳардан чиқиш чекланганини эълон қилди. Аммо мустамлака маъмурияти тиббиёт нуқтаи назаридан тўғри бўлган бу тадбирларни ўтказишда аҳоли ўртасида тушунтириш ишлари олиб бормади, мусулмончилик одатлари, маросим қонун-қоидаларини ҳисобга олмади. Ваъда қилинган 4 та янги қабристон ўрнига фақат биттаси очилди. Марҳумларни урф-одатга кўра кўмиш гоят мушкул юмушга айланди. Одамлар ноилож ўликни эски қабристонларга олиб бориб кўмишга мажбур бўлдилар. Полиция бундайларни топиб ҳисбага ола бошлади. Қабрларни очиб, ўлганларнинг руҳи ҳақорат қилинди. Халойиқ бош оқсоқолни қидириб кетди. Эшонлардан Азизёр, Абулқосимхўжа, бозор оқсоқоли Зиёмуҳаммад ва бошқа таниқли кишилар бошчилигидаги мингга яқин киши шаҳар бошлиғи маҳкамаси томон йўл олдилар. Уларга Ўрда бозори яқинидаги Воронцов кўчасида ҳоким тўра — шаҳар бошлиғи полковник С. Р. Путинцев ва оқсоқол Мұхаммад Ёкуб тўқнаш келишди. Қамчисини ўйнатиб келган оқсоқол халқнинг сўзларини, арз-додини тинглаш ўрнига унга дағдага қиласбошлади. Ана шунда унинг бошига тошлар ёғилди. Машхур «Тошотар воқеаси» бошланиб кетди. Оқсоқол отдан тушиб ҳокимнинг идорасига қочиб яширинди. Полковник Путинцев эса ўзининг содиқ қулини паноҳига олиб, халқни тинчтишга уринди. Халқ ундан оқсоқолни тутиб беришни талаб қилди. Путинцев ҳам музокара ўрнига куч ишлатишни афзал кўриб, тўппончасини филофидан чиқариб, дағдагага ўтди. Сабр косаси тўлган халқ, узоқ ўйлаб ўтирумай, ҳокимга ҳужум бошлади. Путинцев ва унинг миршабларини дўп послади, маҳкамани ҳам остин-устин қилди.

Куролланган солдатларнинг етиб келгани ҳам қўзғолончиларни чўчитмади. Мустамлакачи амалдорлар халқни аямай ўққа тутди. Натижада кўп киши ҳалок бўлди ва яраланди. Ўлганлар ва ярадорларнинг миқдори ҳақида аниқ маълумотлар сақланмаган. Чунки халқнинг ўзи жасадларни ва ярадорларни ўзлари билан олиб кетишиди. Қўлга олинган 60 кишидан 8 киши ўлим жазосига, қолганлари қамоқ ва сургунга ҳукм қилинди<sup>1</sup>.

Қўзғолоннинг асл сабабини мустамлака маъмурият мансабдорларининг ўзлари ҳам яхши билишган. Жумладан, Н. П. Остроумов: «Кўп жиҳатдан айб ўзимиизда, албатта. Уларнинг феъл-авторини ва қонун-қоидаларини ўрганганимиз йўқ ва ҳали ҳам ўрганмаямиз. Бунда айб фақат вабонинг ўзида эмас, у сабр-косасини тўлдириб-тошириб юборган сўнгги томчиидир.

<sup>1</sup> Каримов Ш., Шамсутдинов Р. Туркистон Русия босқини даврида. Андижон, «Мерос», 1995, 64-бет.

Норозилик аллақачон кучайиб, йигилиб келмоқда эди, кейин эса бошқа норозиликлар құшилиши билан бирданига құзғолон бошланиб кетди»,<sup>1</sup> — деб Ѽзган эди.

Рус мустамлакачилари құзғолончиларни жазолашда ўзларига ёқмаган маҳаллий зиёлиларни, халқни күтаришга қодир маърифатпарвар ва миллатпарварларни ҳам қатағон қилди. Подшо генералларидан бири, ҳарбий губернатор Н.И.Гродековнинг 1892 йил 1 июлда Туркистан генерал-губернаторига юборган ахбороти буни яққол тасдиқлайды: «Үтган 25 июнь куни тақдим этғанларимга құшимча равищда Сиз зоти олийларига яна шу нарсаны маълум қилиш шарафига ноилманки, шаҳарнинг осиёликлар яшайдиган қисми оқсоқоли Иньомхұжа Умархұжаевни 24 июнь воқеаларига олиб келган ҳаракатнинг асосий раҳбары ва ҳақиқий сабабчиси деб ҳисоблаш керак. У шахсан ўзи ва энг яқын ходимлари орқали нодон ҳалқ оммаси орасида ташвиқт олиб борган, маъмуритимизнинг вабога қарши фармонлари ва хатти-ҳаракатлари хусусида ташвиш түгдірадиган хабарлар ҳамда миш-мишлар тарқаттан. Мазкур туземецнинг энг яқын шериклари унга қариндош бұлған юзбоши Ахмадхұжа ва қудаси Усмонхұжадан ташқари, Шайховандтахур даҳасининг қозиси Шарифхұжа, сұнгра Бешёточ даҳасининг ерлик фуқаролари Бадалмуҳаммад Холмуҳамедов ва Боқижон Дадажонбоев бўлган. Менга маълум булишича, бу кишилар авваллари ҳам шахсан ўзлари ва кўп тарафдорлари орқали оломонга бошчилик қилганлар, уни ҳукуматнинг тадбирларига қарши құзғатғанлар. Бу барча шахсларнинг ҳалқ орасидаги заарарли ташвиқи таъсирини ҳисобга олиб, 24 июнь воқеалари содир бўлған куннинг ўзидаёт ҳаммаларини қамоқца олишга фармойиш бердим»<sup>2</sup>.

\* \* \*

### **Мулоҳаза учун маълумот**

Сирдарё вилояти ҳарбий губернатори юқорида тилга олган кишилар ўз даврининг илгор ва миллатпарвар кишилари эди. Масалан, Иньомхұжа Умархұжаев (1833—1896) асли Құқон шахридан бўлиб, савдо ишлари билан Тошкента келади ва Шайховандтахур даҳасига қарашли Занжирилик маҳалласида мұким бўлиб қолади. Үзининг одамшавандалиги, билими ва маърифатпарварлиги билан эл эътиборига тушади. Уни даҳа оқсоқоли лавозимига сайлашганида Иньомхұжа адолат илиа иш юритади. Рус амалдорлари билан муносабатда ўзини дадил тутиши ва ҳалқа хайриҳо бўлиши туфайли мустамлакачи маъмурларга ёқмайди ва уни 1880 йили лавозимидан четлатишади. Аммо ҳалқ эътиборига тушган Иньомхұжа кўп ўтмай Тошкент шаҳар бош оқсоқоли лавозимига сайланади. Бу мансабда ишлаши давомида у мустамлака тузуми моҳиятини чукур англайди ва ҳалқни истилочиларга қарши курашга тайёрлаш зарурлигини тушунади. Иньомхұжа 1892 йилги құзғолоннинг асосий ташкилотчилари қаторида

<sup>1</sup> ЎзР МДА, Н. П. Остроумов жамғармаси, 1-рўйхат, 67-иш.

<sup>2</sup> Юсупов Шариф. Фурқат йўлларида. Адабий мақолалар. Тошкент, 1984. 168—170-бетлар.

Туркистан ҳарбий округи суди томонидан шафқатсиз жазога маҳкум этилади. 12 йил муддат каторгага ҳукм қилинган собик бош оқсоқолниң халқ ўртасидаги эътиборидан чучиган Туркистан генерал-губернатори бу жазоны 4 йил қамоқ билан алмаштиради. Олтмиши қоралаб қолган Иньомхўжа Қуқон турмасида вафот этади. Шоир Муқимининг «Тарихи фавти ношиби Тошкандий» марсияси унинг хотираасига багишлаб ёзилган.

Юзбоши Аҳмадхўжа Абдурашидхўжаев ҳам миллатпарвар зиёлилардан булиб, мустамлакачиларга нисбатан муҳолиф кишилардан эди. Суд уни осиби үлдиришга ҳукм қиласди, аммо кейинчалик бу жазо 15 йиллик каторга билан алмаштирилади. Жазо муддатини ўташ давомида Аҳмадхўжанинг соглиги ёмонлашиб Тошкентга қайтади ва 1907 йили вафот этади.

Шариат қозиси Шарифхўжа Пашшохўжаев (1814—1904)нинг фаолияти ҳам маърифатпарварлик ва элларварликнинг ёрқин мисоли була олади. Бухоро мадрасасида таҳсил қўриб, Тошкентнинг Хўжа Аҳрор мадрасасида мударрис, сўнг шаҳар қозикалони лавозимида ишлаган Шарифхўжа Худоёрхон даврида ўзининг халқпарварлиги билан ном қозонган эди. Қўқон хони вафот этган ҳар бир кишининг ворислари хонга мерос таҳсимилаши кераклиги ҳақида фармон чиқарганда, Шарифхўжа қозикалон сифатида бу фармонни шариатга зид деб баҳолаб, унга имзо чекишдан бош тортади. Худоёрхон бу воқеадан хабардор булгач, Шарифхўжани мансабидан бекор қилиб, ўлимга буюради. Шарифхўжа дўстлари ёрдамида Бухорога қочиб кетади. Амир уни Вобкентга қози қилиб тайинлайди. Шарифхўжа дилкашлиги туфайли бу ерда ҳам таҳдидга дучор булиб, зинданга ташланади. Бир йилдан сўнг озод булиб, Тошкентга қайтади. Шайховандтахур даҳаси қозилигига сурланиб, 22 йил давомида шу лавозимда хизмат қиласди. Уша давр матбуотида Шарифхўжа Пашшохўжаев «Тошкент қозилари орасида энг кексаси ва энг билимдони»<sup>1</sup> ва «Хўжа Аҳрор мадрасасининг энг катта профессори»<sup>2</sup> деб тилга олинади.

Ана шундай обрули кишини подшо маъмурлари 1892 йилги қўзғолонинг асосий ташкилотчиси сифатида тўрт ўғли билан бирга қамоқقا олади. Ҳарбий суд 80 ёшдаги Шарифхўжани. Зийн муддатга Аштархон губерниясига сургун қиласди. Аммо шаҳар жамоатчилигининг ариза-илтимослари билан бу жазо муддати бир йилга қисқартирилади.

Тошкент халқининг илгор зиёлилари халқ дардига бефарқ бўлмай, унинг курашига бевосита раҳбарлик қилишлари табиий ҳол эканлигини терлов материаллари ҳам тасдиқлади. 27 ноябрдан 10 декабргача давом этган Туркистан ҳарбий округи дала судида Эшонхон, Муҳаммад Олим, халқа зулм етказган бош оқсоқол Муҳаммад Ёқуб гувоҳ сифатида беришган баёнотда Иньомхўжа оқсоқол, Шарифхўжа қози 20 йил мобайнида ҳамма ишни бамаслаҳат қилишгани ва «Тошотар воқеаси»дан бир кун аввал икки марта кўришиб, узоқ маслаҳат қилишгани ҳақида маълумот беришган. Мустамлакачиларнинг қўзғолондан халқнинг мустақил фикрлайдиган кишиларини ўйқ қилиш учун фойдаланишга уринганларини ва бунга анча олдиндан тайёргарлик кўрганиларини Н. П. Остроумовнинг ўзи эътироф этган эди. У Шарифхўжа Пашшохўжаев ҳақида 1892 йил 26 январда бундай деб ёзган эди: «Бугун мен Шарифхўжа қозиникига бордим. Шарифхўжа айёр ҷол, унинг ўтмиши шубҳали, у Бухоро амирининг зинданда ётган». Остроумов 10 июндан кундалигида эса Себзор қозиси Муҳиддинхўжанинг шаҳар ҳокими томонидан таъқибга олинганини қизгин маъкуллади. Эски шаҳар полиция бошлиги Н. С. Ликошин ҳам Муҳиддинхўжанинг обрў-эътиборига тан берган ҳолда, унинг 1892 йилги қўзғолонга «жинояткорона» муносабатда бўлганини ёзган<sup>3</sup>.

<sup>1</sup> «Туркестанские ведомости», 1890 йил 10 июль.

<sup>2</sup> Ўша газета, 18 сентябрь.

<sup>3</sup> Н. С. Ликошин 1916 йили Петербургда нашр этилган «Полжизни в Туркестане» китобида Муҳиддинхўжа Ҳакимхўжаевнинг срлилар орасида ғоят ўқимишли, илфор фикрли ва эътиборли шахс бўлгани, ўзи ҳам у билан бир неча бор сұхбат кургани ҳақида ёзib, унинг фаолиятини ёритишга анча ўрин ажратган.

\* \* \*

1892 йилги құзғолондан сұнг Сирдарә вилоят ҳарбий губернатори генерал-лейтенант Н. Гродековнинг 26 июндаги бүйруги билан Мұхиддинхұја Себзор қозиси лавозимидан олиб ташланди. Орадан олти йил үтгач, даңа жамоатчилиги унинг номзодини адолатпарвар шариат қозиси сайловига қўйишади. Сайловда у 62 овоз, унинг рақиби Раимхұја 12 овоз олади. Аммо ҳарбий губернатор сайловдағы ғолиб чиққан Мұхиддинхұја номзодини тасдиқламай, янгидан сайлов үтказыш ва унда Мұхиддинхұја номзодини кирилмаслик ҳақида фармон чиқаради. Худди ўша йили Тошкентдаги әрлар гимназиясида бўлган шаҳар жамоатчилиги йигинида генерал-губернатор ёрдамчиси генерал Иванов мадрасаларда рус тилини ўқитиш тақлифини киритиб, маҳаллий олий ўқув юртлари замон талабига жавоб бермаслиги ҳақида гапиргандада ва мустамлакачиларнинг содиқ малайи мулла Олим уни қўллаб-қувватлаб, мадрасалардаги амалдаги таълимни ерга уриб таҳқиrlаганда Мұхиддинхұја жим туролмайди. У жаҳон фанига улкан ҳисса қўшган Форобий, Ибн Сино, Беруний, Навоий ва Улугбек каби алломалар худди шу мадрасаларда ўқиганини эслатиб, бу даргоҳларнинг маърифат маскнанлари сифатидаги хизматлари ва ҳалқ маорифида ўзига хос ўрни борлигини айтади. Ўзбек зиёлиси ва уламосининг бу чиқиши подшо амалдорларининг унга бўлган довлатини янада кучайтиради. Мустамлакачилар ҳалқпарвар, кенг дунёқарашибга эга бўлган, билимдон зиёлиларни ёмон кўрсалар ҳам улардан вақт келганда империя манфаатлари йўлида фойдаланишган.

Қишлоқлардаги ғалаёнлар ва айниқса Тошкентдаги қўзғолон Туркистондаги мустамлакачи маъмуриятини ғоят ташвишга солди. Мустамлакачилар марказдан маъмурий-полиция штатларини кўпайтириш ва маъмуриятнинг жазо ваколатларини янада кенгайтириши сўради. Рус императори Туркистон генерал-губернаторининг илтимосини қондириб, ўлкада миршаблик ҳолатини жорий этишга рухсат берди. Империя Давлат кенгайшининг 1887 йилда тасдиқлаган «Давлат тартиби ва жамоат осойишталигини муҳофаза этишга оид чоралар ҳақидаги Низом»и Туркистон ўлкасида 1892 йил 18 июндан эътиборан қўллана бошланди. Бу қоидалар рус мустамлакачилари учун ваколатлар эшигини кенг очди. «Кучли муҳофазада» деб эълон қилинган жойда Туркистон генерал-губернатори мажлис-ийғинларни тарқатиши, савдо-саноат корхоналарини ёпиш, матбуот органлари фаолиятини тақиқлаш, истаган одамини сургун қилиш, жарима солиши ва бошқа ҳуқуқларни олди. «Фавқулодда муҳофазада» деб эълон қилинган жойда бутун ҳокимият генерал-губернатор ёки у тайинлаган бош ноиб қўлига ўтди. 1892 йил 18 июнда жорий этилган «қоидалар» ҳарбий ҳолат ўрнатиб, фуқаролар ишини ҳам ҳарбийлар қўлига топширади. Аммо ҳалқнинг мустамлакачилик тартиблари, идора услуби ва рус-

лаштириш сиёсатидан норозилик тұлқини сира пасаймади. XIX асрнинг 90-йилларыда рус мустамлакачиларининг Туркистондаги ҳукмронлиги учун таҳликали вазият вужудға келди. Туркия-нинг 1898 йилда Греция билан урушда эришган ғалабаси бутун мусулмон оламида түрк сұлтони обрұсинаң құтариб, европаликтар зулми остида әзилганды мазлум Шарқнинг миллий гуруини үйготиб, озодлик курашини құзғатди. Ана шундай кайфият Туркистонда ҳам кучайганини рус сиёсий разведкаси доимо турклардан хавфсираб, уларнинг Туркистондаги таъсиридан құрққан. Мустамлакачилар Туркия билан Туркистонни бирлаштирувчи қардошлиқ иларини узишга интилишган. Туркистон халқи озодлик курашининг бу даври Европа мустамлакачилари зулмігі қарши Шарқ халқлари құтарған миллий-озодлик құзғолонларининг таркибий қисми деб қаралмоги лозим.

### 3. АНДИЖОН ҚҰЗГОЛОНИ

Тарихга «Дүкчи эшон құзғолони» номи билан кирған Андижон құзғолони XIX аср охиридаги халқ ҳаракатларининг энг катталаридандыр. У Мұхаммад Али эшон (1846—1898) номи билан машхур<sup>1</sup>.

Мұхаммад Али Марғилон шаҳрига қарашли Шахидон қишлоғида үртахол деңқон ва ҳунарманд Мұхаммад Собир оиласыда дүнёга келген. Отаси уни болалигига Бухорога олиб бориб, Усмонча охунд домла мактабига берган. Мұхаммад Али 16 ёшга тұлғанида Самарқанд яқинидеги Каррух қишлоғида мулла Усмон охунд судур эшон хизматига берилди. Түрт йилдан сұнг бутун водийга танилған обрұлы уламо Султонхон тұра эшон хизматига киради.

Мұхаммад Али ўзининг одамохун, камбағалпарварлиги ва құнгыл очиқлигі ҳамда чуқур мұлоҳазакорлиги билан устози эътиборини қозонади. У Аравондан Асакага ва Асакадан Үшга үтадиган йўлда қатнайдыган карvon ва йўловчилар учун хайрли иш қиласи. Шаҳрихонсойнинг тепасида Аравон билан Асака үртасидеги карvon йўли ёнида жойлашған баланд сувсиз ерда жой қилиб, Шаҳрихонсойдан құзаларда сув ташиб келиб катта йўл ёқасига үрнатилған хұмларни тұлдиради. Шаҳрихонсойнинг 40—50 саржинлик баланд курғоқликда Мұхаммад Али

<sup>1</sup> Бу құзғолон тарихи қақида қаранг: Фозилбек Отабек ўғли. Дүкчи Эшон воқеаси. Фарғонада истибод жаллодлари. Нашрга тайёрловчилар: С.Ахмад, У.Долимов, Ш.Ризаев. Т.: Чўлпон, 1992; Эгамназаров Алиназар. Сиз билған Дүкчи Эшон (хужжатли қисса). Т., «Шарқ», 1994; Мусо Туркистоний. Улуг Туркистон фожиаси. II жилд. Мадина, 1979. Юсупов Э.Ю., Лукин Б.В. Андижанское восстание в советской исторической литературе. ОНУ, Т., 1987, №1; Ҳамид Зиёев. Туркистонда Россия тажовузи ва ҳукмронлигига қарши кураш. Т.. «Шарқ», 1998.

боғ барпо қиласди. Унинг меҳнати билан ўстган дараҳтлар соясида сув тўла хумлар йўловчилар чанқоғини қондирди. Бу иш унга обру келтириб, номини одамлар оғзига туширади. 1882 йилда Султонхон туро эшон агар қазою қадар етса, ўрнига Муҳаммад Али пир булишини эълон қилгани бекиз эмасди. Муҳаммад Али 1887—1893 йилларда Маккаю Мадинаға бориб ҳаж қиласди, Ҳиндистон ва Россия шаҳарларида булиб қайтади. Мухлислари Мингтепа қишлоғидан унга мос ҳовли-жой олиб беришади. Эшоннинг яхши феъл-атвори, камтарона турмуш тарзи, бой ҳаётий тажрибаси ва кенг дунёқараси унинг мухлислари сонини тобора ошириб борди. Мингтепа тезда кўпларнинг қутлуғ зиёратгоҳига айланди.

Уша йиллари Мингтепа 450 хонадонлик ўртача бир қишлоқ булиб, унда 1200 нафарга яқин ўзбек, тожик ва қирғизлар истиқомат қилган. Улар деҳқончилик ҳамда ҳунармандчилик билан шуғулланганлар. Эшон ҳам кўплар қатори отасидан қолган ҳунар — йигчилик билан машғул бўлган. Бекор вақтларида муридлари олиб келиб берган ёғочни тарашиб, йиг қилиб, муридларига бир-иккисини совға қиласди. Муридлар эса йиг билан ип эшсалар, бири минг бўлганидек хаёл қилишган. Агар йиг билан йигирилган ипдан тўн тикилган бўлса, табаррук қилиб, қариялар тобутларининг устига ёпмоқ учун олиб қўйишган. Замондошларининг ҳикоя қилишларича, Муҳаммад Али ўрта бўйли, чўқки соқолли, камсухан, кулиб турувчи, овози майин бир киши бўлган. У ҳамма вақт бўз кўйлак ва иштон биланmallat тўн кийиб юрган. Бошига кичик салла ва қулоҳ қўйиб, бўз маҳси-ковуш кийган. Муҳаммад Али зиёрат учун келганларга, ҳатто мурид ва мухлисларига ҳам, ўзи дастурхон ёзган, нон-ош қўйган. 1890 йилларга келиб эшоннинг зиёратчилари ниҳоят кўпайиб кетгач, муридлари унга 500 от сифадиган отхона қуриб беришади<sup>1</sup>, хом фиштли 12 газли минорасини 34 газга кўтариб, пишиқ фиштдан ишлаб беришади<sup>2</sup>.

Муҳаммад Али чекланган, шариат ақидаларидан ўзгани тан олмайдиган руҳонийларга қарама-қарши ўлароқ, давр талаб-эҳтиёжларини англаб етган пешқадам уламо булиб, ўз олдига аниқ мақсад қўйган эди. У ана шу мақсад йўлида барча воситаларни, ҳатто турли сеҳр ва «каромат»ларни ҳам ишга солганки, натижада унинг муридлари сафига деҳқон, чорвадор, ҳунармандлардан ташқари, мулкдор табақалар, ҳатто маҳаллий маъмурият вакиллари ҳам қўшилган. Эшон зиёратчиларнинг кўз олдидаги ўт-олов ёқмай қозон қайнатган. Аслида эса бу ишни табиий девор ичидан ўтказилган маҳсус қувурлар орқали келадиган иссиқлик бажарган. Бу ишларда муҳандисликдан ва

<sup>1</sup> Фозилбек Отабек ўғли. Дукчи Эшон воқеаси, 9-бет.

<sup>2</sup> Уша асар, 12—13-бетлар.

Европа фан-техникаси ютуқларидан хабардорлиги, чет элларда бўлиб, кўп нарса ўрганганилиги ҳам қўл келган.

Эшоннинг обрў-эътибори қандай кўтарилиб кетганини «минора воқеаси» яққол курсатади. Ҳом фиштдан тикланган мино рани 34 газ кўтарганинг сунг бир қанча вақт ўтгач, у болалар ўқийдиган мактаб томон оғади. Буни кўрган хушёр одамлар минорани бузиб, қайта қуриш ҳақида гапиргандаридан жоҳил сўфилар «ҳазрат эшоннинг кароматлари билан бўлган нарса йиқилмайди, қиёматгача шу ҳолатда туради», — дейишади. Мактабни бошқа тарафга кўчиришга ҳам кўнишмайди. Миноранинг мактаб томон қулаши арафасида ҳам жоҳил сўфилар бу миноранинг ҳом фишт устига қурилганини бир каромат, шунча ёрилиб, бир тарафга огиб йиқилмаганини иккинчи каромат деб ҳисоблашган. 1896 йилда минора қулаб, мактабнинг ярмини босиб қолиши натижасида сўфи ва 23 бола ҳалок бўлади, 15 бола жароҳат олади. Аммо бу воқеани овоза қилмай дарҳол, бости-бости қилишиб, ўлган болаларнинг ота-оналарини овутишади. Воқеани текширгани келган пристав ва шифокорнинг эшонга даъво қилмай «уч киши ўлганлиги» ҳақида ҳужжат расмийлаштириб кетишгани ҳам маъмуриятнинг Мұхаммад Али обрў-эътибори билан ҳисоблашишга мажбур бўлганлигидан далолат беради. Полиция бошлиғи эшонни суд жавобгарлигига тортади ва намойишкорона таҳқир или шаҳарга чақиртиради. Аммо Марғилондаги судда эшонга даъвогар хун талаб кишилар топилмай, суд уни оқлашга мажбур бўлади. Ушбу суд жараёни Мұхаммад Али муридларининг улкан намойиши ва жанговар куригига айланиб кетади. Эшон тантана билан ўтган шаҳар кучаларини тўлдирган минглаб муридлари уни зафар билан қутлашади. Мингтепалик эшоннинг тобора ортиб бораётган обрў-эътибори ва ғоят кўтарилиб кетган мавқеи мустамлакачиларнинг хавотирини оширди. Бунга уларнинг асослари бор эди. 1895 йилда эшон ҳузурига Олой маликаси номи билан машхур бўлган Курбонжон доддоҳ ташриф буюргани ва у билан мустамлакачиларга қарши қўзғолон кўтариш масаласини мухокама қилгани мустамлакачиларни талvasага солди. Курбонжон доддоҳнинг ўғли Қамчинбек рус божхонаси ходимини ўлдирганиликда айбланиб қамалгани ва унинг осиб ўлдирилганилиги бу мўътабар зотнинг подшо ҳокимиятига қарши ҳаракат бошлашига сабаб бўлди. Қолаверса, норозилик унинг қўл остидаги қиргизларда ҳам кучли эканлиги маълум эди. Кетмонтепа, Кўтарт тарафлардаги қирғизлар 1896 йили рус мужиклари устидан шикоят қилиб, Мингтепага вакил юборишли. Тахминан 25 киши Дукчи эшоннинг ҳузурига келиб, шундай дейишган: «Агар бизга ижозат берсангиз, ҳамма қирғизлар йиғилиб, мужиклар устига ҳужум қилиб, ҳаммаларини отимиз тўёғи остида бостириб юборамиз. Жонимиздан тамом тўйдик. Биз қирғизларни бениҳоят бесаранжом қилдилар. Бундай юрганимиздан

ҳаммамизнинг ўлганимиз яхшироқ. Ғазотга ижозат беринг!». Эшон бунга жавобан бундай деган: «Биродарлар! Ҳали вақти эмас, андак фурсат бор, ҳаммамиз бирдан ҳужум қиласиз, охири бу Николай зулми остида қолмаймиз, бир оз фурсат бор, таваққуф қилиб туринглар! Мен ўзим бош бўлиб ҳамма биродарларни, балки тамом шаҳар аҳлини ўзимизга ёр қилиб, кейин ишни бир йўла бошлаймиз»<sup>1</sup>.

1896—1897 йилларда Россия ички губернияларидан кўчиб келган ва ҳосилдор ерларни эгаллаб олган рус мужиклари билан қирғизлар ўтасида тўқнашувлар кучаяди. 1897 йил охирида Кетмонтепа, Қўғарт водийларидаги мингдан ортиқ қирғиз яқинда вафот этган бир бойнинг уйида тўпланишади. Уларнинг раҳбарлари — волост бошқарувчиси Чибил бўлис, қози ноиби мулла Раҳматилла мужиклар устига ҳужум қилиш режасини ишлаб чиқишади. Улар эшон ҳузурига одам юбориб, ундан маслаҳат сўрайдилар. Мұҳаммад Али зудлик билан чорвадор бой Чибил бўлис бош бўлган қирғизлар масканига етиб келади. Қирғизлар ва эшон иштирокидаги кенгашда бўлғуси қўзғолон режаси муҳокама қилинади. Мұҳаммад Алиниң газовотга раҳбар бўлишига келишилади. «Шу кундан эътиборан, — дейилган эди уларнинг аҳдномасида, — бутун миллати исломияга маҳфий равиш билан хабар қиласиз, то эшонимиз тарафларидан қайси кун рус аскарлари устига ҳужум қилмоқни муносиб кўриб, хабар қилсалар, ўша куни газот учун тайнланган жойда ҳозир бўлурмиз»<sup>2</sup>. Эшон шу маънода бир васиқа ва аҳднома ҳам ёздириб унга мұътабар кишилар, волост бошқарувчилари — мингбошилар ҳамда қозиларнинг муҳрларини босдилар. Ана шу йигинга етиб келган мустамлакачи маъмурлар йиғилганларни тергов қилишганда ҳеч ким сир бой бермай «катталари ўлгани учун худойи»га тўпланганликларини айтишади ва Мұҳаммад Алини эҳтиром билан Мингтепага кузатиб қўйишади. Мустамлакачи маъмурлар ислом динида бўлган Асака жабҳаси (участка) пристави штабс-капитан М.Чанишевнинг Мұҳаммад Али эшон хусусида Марғилон туман бошлиғига ёзган рапорти ва ахбороти билан танишгач, ташвишлари чиндан ҳам кучайиб кетди. «Махфий олган ахборотимга қараганда, — деб ёзган эди М.Чанишев, — муридлари ўн мингдан ошган бўлса керак, ҳаммалари эшонга шундай тобеътирларки, агар амр қилса бир кунда жамъ бўладилар. Агар ахвол шундай давом этаверса, эҳтимол Эрон эшонларидек Русия давлатига исён чиқарса, лоқал ҳукумат бошлиқлари амр-фармонига инқиёд қиласа»<sup>3</sup>.

Мустамлакачиларни приставнинг кейинги ахборотидаги фириқи ҳам бир қатор сергаклантириди. Чанишев эшон ҳовлиси-

<sup>1</sup> Фозилбек Отабек ўғли. Дукчи Эшон воқеаси, 22-бет.

<sup>2</sup> Ўша асар, 23-бет.

<sup>3</sup> Ўша асар, 16-бет.

даги мактабда 3 муаллим 250 болани ўқитаётгани ҳақида ёзib, «булар тез кунда ўқиб чиқсалар, кўпларини Истанбулга юбориб ўқитмоқчи эмиш. Буларнинг ҳар нечик бўлса-да, манъ қилинмоги зарур эди»<sup>1</sup>, дейди.

Россия доимо Туркия билан урушлар қилгани ва ундан ҳамиша хавотир олгани, айниқса туркларнинг Туркистонга интилиб ўз қонлошларига хайриҳо тургани ҳисобга олинса, рус мустамлакачиларининг қандай ташвишга тушиб қолганлари ўз-ўзидан аён бўлади.

Ўша 1897 йили рус разведкаси Муҳаммад Алиниңг чиндан ҳам Туркия билан алоқа боғлаганлиги ҳақида маълумотлар олган. Хусусан, унинг турк сultonига мактуб билан мурожаат қилганидан хабардор бўлган. Бу мактубда эшон руслар Кўқон хонлигини босиб олиб, уни Фарфона вилоятига айлантирганидан кейин мусулмонлар ўртасида ахлоқан бузилиш кучайганлигини, шариат қоидаларидан чекиниш ҳоллари рўй бериб, бузуклик, ичқиликбозлик, нашавандлик авжига чиқа бошлаганини ёзган эди. Муҳаммад Али, бундан ташқари, турк сultonига руслар камбағаллар учун закот йифиши, ҳажга боришини таъкиғлаганликларини, эски вақфларни бекор қилиб, янгиларини жорий этмаётганликларини эслатиб, унинг Россия императоридан ҳалқнинг шариат қонун-қоидалари бўйича турмуш кечириши учун шароит яратишни талаб қилишини сўрайди.

Халқ орасида обруси ва мавқеи баланд бўлган эшоннинг ана шундай вазиятда пайдо бўлиши рус мустамлакачиларини безовта қилиши турган гап эди. Чунки эшон ўлқадаги озодлик ҳаракатига бош бўлиши мумкинлиги уларнинг назаридан қочмаганди.

Мингтепа эшонининг иши билан шахсан ярим подшонинг, яъни генерал-губернаторнинг ўзи шуғулланди ва Тошкент округ судининг ўта муҳим ишлар бўйича терговчиси бошчилигига 12 кишидан иборат комиссия ташкил қилди. Комиссия 1897 йил 12 майда вазиятни ўрганиш ва эшон ҳақида аниқ тасаввур ҳосил қилиш мақсадида Мингтепага ташриф буюрди. Комиссия раҳбари бўлган терговчи билан Муҳаммад Али ўртасидаги савол-жавоб мустамлакачиларнинг нимадан хавфсираганлиги ва асл мақсадларидан далолат берибгина қолмай, эшоннинг дунёқараши, эътиқоди ҳамда кимларга суянгани ҳақида ҳам тасаввур беради. Мана ўша савол-жавоб:

«Терговчи: Подшоҳи аъзамга қарашли қайси мамлакатларни кўргансиз?

Эшон: Ўз қишлоғимдан тортиб, то Севастопол, Одес, Крим, Кафа, Ашхобод, Узунота, Тошкентларни кўрдим.

Терговчи: Одес, Севастополларда подшоҳи аъзамнинг дабдабай аскария ва шавкатларини нечук фаҳмладингиз?

<sup>1</sup> Ўша асар, 17-бет.

Эшон: Ниҳоят зўр, катта, аскарлари кўп, обод.

Терговчи: Бошқа подшоҳлар, масалан, инглиз ва афғон каби-  
ларнинг шавкатлари ва аскарлари қалай? Турк давлати нечук?

Эшон: Буларнинг шавкати ва аскарлари оқ подшоҳницидек  
қўринмади. Турк ва афғон бўлса ниҳоят нообод, мулклари ха-  
роб, аскарлари Россияядек озода эмас экан.

Терговчи: Мунча давлат ва иморатлар отангиздан қолганми,  
ёки ўзингиз топгансизми? Эшон бўлмасдан аввал нечук эдин-  
гиз, ер-сувларингиз бор эдими?

Эшон: Отамдан бир кичкина ҳовлича қолган эди. Бошқа  
давлат қолган эмас. Бу давлатни 26 йил ичидан, ҳаждан келга-  
нимдан сўнг, аввали худойим етказди, иккинчидан, подшоҳи  
аъзамнинг сояси давлатларида, эшон бўлганимдан кейин топ-  
дим. Ҳали ҳам чандон давлатли эмасман, ҳамма нарсаларим  
худованди олам йўлида, бева-бечораларга ҳадя қилиб қўйган-  
ман. Шундай қилиб камбағал-чамбағаллар йигилиб қолганлар.  
Шулар билан нима топсан, еб ётибмиз...

Терговчи: Муридларингизнинг ҳаммаси камбағал одамлар-  
ми, ёки бой ва давлатлик одамларми, қайсиси кўп?

Эшон: Ҳар қайсиларидан ҳам бор. Бой ҳам бор, камбағал  
ҳам кўп. Ҳаммалари бизга баробар биродарлардир...

Терговчи: Сизга қайсилари яқин, бойларми ёки камбағал-  
ларми? Қайсисининг тарафдорисиз?

Эшон: Албатта, манга шу олдимда хизмат қилиб турган  
камбағаллар яхшидир...

Терговчи: Подшоҳи аъзамнинг катталиги ва аскарининг  
кўплигини ўзингиз билганингиздек буларга ҳам айтиб тушун-  
тирасизми? Булар ҳам биладиларми?

Эшон: Албатта айтамиз, ҳаммалари биладилар.

Терговчи: Императури аъзамнинг хонадонларини, номлари-  
ни биласизми? Бу юрганлар ҳам биладиларми?

Эшон: Оқ подшоҳнинг исмларини одамлар Николай под-  
шоҳ деб юритадилар. Шуни эшитамизки, булар ҳам «оқ под-  
шоҳ» деб биладилар. Бироқ хонадонларининг номларини чан-  
дон билмаймиз.

Терговчи: ...Ман приставга буюраман: подшоҳ билан хона-  
донларининг номларини тамом мусулмонча ёзиб беради. Ўзин-  
гиз ва муридларингиз, ҳаммаларингиз билиб, ёд қилиб ҳар на-  
мозда дуо қўлмоқларингиз керак. Бундан кейин ҳам шундай  
қилинглар! Ҳатто мактаб болаларигача билдиринг. Ўқиб ёд  
қўлсинлар! Ҳокимлардан бири сўраганда дарҳол айтиб берадур-  
ган бўлсинлар»<sup>1</sup>.

Суроқ бобида устаси фаранг, ўта муҳим сиёсий ишларда  
пишиб кетган терговчи қанчалик усталик қилмасин, зукко  
эшонни чалғитолмайди, унинг муддаосини ва қўнглидаги пин-

<sup>1</sup> Фозилбек Отабек ўғли. Ўша асар, 17—19-бетлар.

ҳоний мақсадини англай олмайди. Рус амалдори ва ўзбек уламоси ўртасидаги савол-жавоблар матнининг мазмуни икки томон ўртасида ўзаро ақлий-руҳий олишув бўлганидан далолат беради. Олишув эса эшон фойдасига ҳал бўлади. У терговчи нимага шама қилаётганини дарҳол илғаб олади. Ундан нима исташганини ҳам тушуниб, шунга яраша жавоб қила билади. Эшон мустамлакачи амалдорнинг салтанатпарастлиги, намойишкорона очиқ таҳдидини ҳам илғай олади.

Мустамлака маъмурияти ҳам уста терговчи бош бўлган комиссия ҳисоботидан эшон ҳақида маълум тасаввур ҳосил қилди ва ўзига хос хулоса чиқарди. Элликдан ошган Мингтепа эшони жисмонан бақувват, руҳан бардам ва кўпни кўрган. Дипломатия тобида ўзига хос мактаб сабогини олган. Мустаҳкам диний эътиқоди, имони хушёрлик, мулоҳазакорлик ва тадбиркорлик билан уйғуналашган. Одамларга фавқулодда таъсир кўрсатиб сафарбар этиш қобилияти кучли. Шарқ олами ва Европа дунёсимини яхши билади. Ўз олдига улкан бир мақсад қўйгани табиий. Ўз гоясини рўёбга чиқаришда нозик усусларни ишлатишга қодир. Табиатан мулкдор синфларга эмас, балки камбагалларга мойиллиги учун кўзлаган мақсади мавжуд тузумни таҳлиkkага солади. Шунинг учун ҳам серташвиш Фарғона вилоятида Мингтепа эшонига доимо кўз-кулоқ бўлиб туриш зарур.

Муҳаммад Али ҳам ўз навбатида комиссия тафтишидан тегишли хулоса чиқариб, мустамлакачилар билан ҳал қилувчи курашга тараффуд кўра бошлади. Фарғона музофотидаги машҳур одамларни ўз маслагига эргаштириш мақсадида Муҳаммадалибой, Сомий ва Холиқберди оҳундларга; Ўшга— Қурбонжон доддоҳ ва унинг болаларига; Марғilonга — Саид Аҳмадхуҷа, Муҳаммад Юсуф эшонга; Намангандга — Яҳёхон тўра, Қодирхўжа ҳожи ҳамда бошқа тижорат аҳли ва уламога мактублар йўллайди. Улардан олинган жавоблар ўзбек саноатчиларининг қўзғолонга хайриҳо бўлсалар ҳам, уни бошлашга журъати етишмаётганлигини кўрсатди. Бу нарса, хусусан, андижонлик бойлардан халқ орасида Мамталибой номи билан машҳур бўлган, Андижонда Жомъе масжидини қурдириб берган Маҳмудалининг жавобидан яққол кўринади: «Рус подшоҳи катта подшо, ҳозир бунга муқобил бўлмоқ ниҳоят мушкул бир ишдир. Биздек фақирлар қулидан келмай қолиб, охири кўп бесаранжомликларга боис бўлурмикин. Хусусан, бу кунларда ҳамма шаҳарларга поездлар келиб қолган, йўл яқин бўлган... Ниҳоят ўйлаб иш қилинса, яхши бўладур. Ва илло, ҳеч мусулмон киши бу золимлар қулида қолмоққа розилиги йўқдир. Шаҳарлар ўзбекларга тор бўлғондек, тоғлар қирғиз, элатияларга тор бўлди, бутун Туркистон мусулмонларга торлик қилди.

Нима қиласайлик, ноиложмиз. Қўлимизда ҳеч нарса йўқ. Етарлик асбоб ва хазина йўқ. Ҳар нечик бўлса-да, ишнинг оқибатини ўйлаб, бева-бечораларнинг фикрини қилмоқлари-

Эшон: Ниҳоят зур, катта, аскарлари кўп, обод.

Терговчи: Бошқа подшоҳлар, масалан, инглиз ва афғон каби-  
ларнинг шавкатлари ва аскарлари қалай? Турк давлати нечук?

Эшон: Буларнинг шавкати ва аскарлари оқ подшоҳнидек  
куринмади. Турк ва афғон бўлса ниҳоят нообод, мулклари ха-  
роб, аскарлари Россиядек озода эмас экан.

Терговчи: Мунча давлат ва иморатлар отангиздан қолганми,  
ёки ўзингиз топгансизми? Эшон булмасдан аввал нечук эдин-  
гиз, ер-сувларингиз бор эдими?

Эшон: Отамдан бир кичкина ҳовлича қолган эди. Бошқа  
давлат қолган эмас. Бу давлатни 26 йил ичидан, ҳаждан келга-  
нимдан сўнг, аввали худойим етказди, иккинчидан, подшоҳи  
аъзамнинг сояси давлатларида, эшон бўлганимдан кейин топ-  
дим. Ҳали ҳам чандон давлатли эмасман, ҳамма нарсаларим  
худованди олам йўлида, бева-бечораларга ҳадя қилиб қўйган-  
ман. Шундай қилиб камбағал-чамбағаллар йиғилиб қолганлар.  
Шулар билан нима топсан, еб ётибмиз...

Терговчи: Мурилларингизнинг ҳаммаси камбағал одамлар-  
ми, ёки бой ва давлатлик одамларми, қайсиси кўп?

Эшон: Ҳар қайсиларидан ҳам бор. Бой ҳам бор, камбағал  
ҳам кўп. Ҳаммалари бизга баробар биродарлардир...

Терговчи: Сизга қайсилари яқин, бойларми ёки камбағал-  
ларми? Қайсисининг тарафдорисиз?

Эшон: Албатта, манга шу олдимда хизмат қилиб турган  
камбағаллар яхшидир...

Терговчи: Подшоҳи аъзамнинг катталиги ва аскарининг  
кўплигини ўзингиз билганингиздек буларга ҳам айтиб тушун-  
тирасизми? Булар ҳам биладиларми?

Эшон: Албатта айтамиз, ҳаммалари биладилар.

Терговчи: Императури аъзамнинг хонаёнларини, номлари-  
ни биласизми? Бу юрганлар ҳам биладиларми?

Эшон: Оқ подшоҳнинг исмларини одамлар Николай под-  
шоҳ деб юритадилар. Шуни эшитамизки, булар ҳам «оқ под-  
шоҳ» деб биладилар. Бироқ хонаёнларининг номларини чан-  
дон билмаймиз.

Терговчи: ...Ман приставга буюраман: подшоҳ билан хона-  
ёнларининг номларини тамом мусулмонча ёзиб беради. Ўзингиз  
ва муридларингиз, ҳаммаларингиз билиб, ёд қилиб ҳар на-  
мозда дуо қилмоқларингиз керак. Бундан кейин ҳам шундай  
қилинглар! Ҳатто мактаб болаларигача билдиринг. Ўқиб ёд  
қилсинлар! Ҳокимлардан бири сўраганда дарҳол айтиб берадур-  
ган бўлсинлар<sup>1</sup>.

Сўроқ бобида устаси фаранг, ўта муҳим сиёсий ишларда  
пишиб кетган терговчи қанчалик усталик қилмасин, зукко  
эшонни чалғитолмайди, унинг муддаосини ва кўнглидаги пин-

<sup>1</sup> Фозилбек Отабек ўғли. Ўша асар, 17—19-бетлар.

ҳоний мақсадини англай олмайди. Рус амалдори ва ўзбек уламоси ўртасидаги савол-жавоблар матнининг мазмуни икки томон ўртасида ўзаро ақлий-руҳий олишув бўлганидан далолат беради. Олишув эса эшон фойдасига ҳал бўлади. У терговчи нимага шама қилаётганини дарҳол илғаб олади. Ундан нима исташганини ҳам тушуниб, шунга яраша жавоб қила билади. Эшон мустамлакачи амалорнинг салтанатпарастлиги, намойишкорона очиқ таҳдидини ҳам илғай олади.

Мустамлака маъмурияти ҳам уста терговчи бош бўлган комиссия ҳисоботидан эшон ҳақида маълум тасавур ҳосил қилди ва ўзига хос хулоса чиқарди. Элликдан ошган Мингтепа эшони жисмонан бақувват, руҳан бардам ва кўпни кўрган. Дипломатия бобида ўзига хос мактаб сабогини олган. Мустаҳкам диний эътиқоди, имони хушёрлик, мулоҳазакорлик ва тадбиркорлик билан уйгунашган. Одамларга фавқулодда таъсир кўрсатиб сафарбар этиш қобилияти кучли. Шарқ олами ва Европа дунёсини яхши билади. Ўз олдига улкан бир мақсад қўйгани табиий. Ўз гоясини рўёбга чиқаришда нозик усусларни ишлатишга қодир. Табиатан мулқдор синфларга эмас, балки камбағалларга мойиллиги учун кўзлаган мақсади мавжуд тузумни таҳликага солади. Шунинг учун ҳам серташиби Фарғона вилоятида Мингтепа эшонига доимо кўз-кулоқ бўлиб туриш зарур.

Мұхаммад Али ҳам ўз навбатида комиссия тафтишидан тегишли хулоса чиқариб, мустамлакачилар билан ҳал қилувчи курашга тараддуд кура бошлади. Фарғона музофотидаги машҳур одамларни ўз маслагига эргаштириш мақсадида Мұхаммадалибой, Сомий ва Холиқберди охундларга; Ўшга — Қурбонжон додхоҳ ва унинг болаларига; Марғилонга — Саид Аҳмадхўжа, Мұхаммад Юсуф эшонга; Наманганга — Яҳёхон тўра, Қодирхўжа ҳожи ҳамда бошқа тижорат аҳли ва уламога мактублар йўллайди. Улардан олинган жавоблар ўзбек саноатчиларининг кўзғолонга хайриҳоҳ бўлсалар ҳам, уни бошлашга журъати етишмаётганлигини кўрсатди. Бу нарса, хусусан, андижонлик бойлардан ҳалқ орасида Мамталибой номи билан машҳур бўлган, Андижонда Жомъе масжидини қурдириб берган Маҳмудалининг жавобидан яққол кўринади: «Рус подшоҳи катта подшо, ҳозир бунга муқобил бўлмоқ ниҳоят мушкул бир ишдир. Биздек фақирлар қўлидан келмай қолиб, охири қўп бесаранжомликларга боис бўлурмикин. Хусусан, бу кунларда ҳамма шаҳарларга поездлар келиб қолган, йўл яқин бўлган... Ниҳоят ўйлаб иш қилинса, яхши бўладур. Ва илло, ҳеч мусулмон киши бу золимлар қўлида қолмоққа розилиги йўқдир. Шаҳарлар ўзбекларга тор бўлғондек, тоғлар қирғиз, элатияларга тор бўлди, бутун Туркистон мусулмонларга торлик қилди.

Нима қилайлик, ноиложмиз. Қўлимизда ҳеч нарса йўқ. Етарлик асбоб ва хазина йўқ. Ҳар нечик бўлса-да, ишнинг оқибатини ўйлаб, бева-бечораларнинг фикрини қилмоқлари-

ни илтижо қиласиз, деб ёзилгувчи мискин ва фарид Махмудали»<sup>1</sup>.

1897 йил 15 шаввал ойида Мингтепага чақирилғанларнинг барчаси ҳам вақтида етиб келмадилар. Кетмонтепа, Қўгарт ва Кошғар довонидан келган кўплаб қирғизларнинг обрўли кишилари (Чибил бўлис, Муҳаммадалибек ва бошқалар) икки кун бошқа вакилтарни кутиши. Шундан сўнг эшон бошқа шаҳарлардан келган жавоб хатларини танишиш учун уларга берди. Турли жойлардан ўзбек бойлари, савдогарлар ва уламолардан келган хатларда бъазилар белгиланган муддатда шай чиқишиларни билдируса, кўпчилигида кутиш зарурлиги баён қилинган эди. Эшон эса хулоса сифатида, қирғизларга «шаҳар халқи чор ҳукумати зулмидан қўрққанлари учун чиқмайдилар», деган. Иифилиш қўзғолонни яхиси келаси йили тараддуд билан бошлашга қарор қилди.

Эшон қирғизларнинг ишга чиндан ҳам жиддий киришганликларини пайқади. Мустамлакачи маъмурлар Кетмонтепа ва Қўгартдаги рус мужикларидан ташвишли хабарлар олабошлидилар. Авваллари уларнинг ерларида чорикор бўлиб ишловчи, ижарачи ва бошқа хизматдаги қирғизлар келмай қўйишгани, улар билан алоқа бирдан узилганидан хавотирлана бошлагани маълум қилинди. Мужиклар маъмурларни умумқирғизлар ичидаги инқилобий ҳаракат қўзғалгани ва яқин кунларда ҳукуматга қарши қўзғолон бўлиши мумкинлигидан огоҳ қилиши.

Мустамлакачилар калаванинг уни бевосита Дукчи эшонга бориб тақалишини яхши билишган. Рус маъмурларининг жосуслик тармоли Мингтепада ҳам ўз тўрини ёйгани маълум эди. Ифвоғарлик илмida бутун Европага таниқли рус разведкаси ва контрразведкасининг кўтариларажак қўзғолонга қарши ўз чораларини кўриб қўйгани ҳақиқатга яқин. Мағлубиятта маҳкум бўлган қўзғолон кўтарилиши мустамлака маъмурлари узоқни қўзлаб астойдил ишлаб чиққан стратегияга мос ва маъкул эди.

Муҳаммад Али бой тажрибаси ҳамда фавқулодда сезиш қобилияти билан атрофида кимлардир, нима учундир ҳаракатни тезлаштиришга уринаёганини ҳис қиласди. Кўз илғамас душман қўли гоят маккорлик билан иш кўради. Эшон бу кучни 17 май куни тўсатдан унинг ҳовлисига бостириб келган икки юздан ортиқ кишининг дарҳол қўзғолон бошлашни талаб қилганида яққол кўрди. Бутун режалар остин-устин бўлиб кетди. Жияни Абдулазизни эмас, балки уни, эшонни 17 май куни оқ кигизга ўтказиб, хон деб кўтарган кўлларни ҳам бегона куч бошқарди. Маккор душман одамларнинг эшонга эътиқодидан ҳам усталик билан фойдаланди. Оддий таёқлар эшон дуоси билан ўточар милтиққа, белбоғ эса тиг ўтмас қалқонга айланади, деб ҳайқирганлар ишончини ҳам мустаҳкамлаб, олдинга

<sup>1</sup> Фозилбек Отабек ўғли. Ўша асар, 25-бет.

бошлади. Эшон бу номаълум куч муддатидан эсанкираб, воқеалар тизгинини қўлдан чиқарибгина қолмай, сандигида жуда эҳтиётлаб сақланган муҳим ҳужжатларни олишни ҳам унуди. Мұхаммад Али гарчанд қўзғолон ташаббускори бўлса ҳам, унинг боришини идора қилолмай қолди. Қудратли тўлқин уни ўз домига тортиб, оддий иштирокчига айлантириди.

Қўзғолон стихияли тарзда бошланди. Унинг бориш жараёни қўйидагидек: Бир гуруҳ маҳаллий мансабдор шахслар эшон тайёрлаган мурожаатнома — қасамёдга ўз муҳрларини босишиди. Мурожаатномада шундай дейилган эди: «Оллоҳ йўқ жойдан ўн саккиз минг оламни яратиб, инсонга мукаммал бир қиёфа баҳш этиб, уни барча жонзотларнинг соҳиби, Одам Атони эса халифа қилиб кўтарди. Бутун оламни Оллоҳ пайғамбаримиз учун яратиб, уни энг яқин кишисига айлантириди ва ул ҳазратни таҳтга ўтқазди-да, шундай мурожаат қилди: «Эй пайғамбар! Файридинлар ва имон-эътиқодидан қайтганлар билан жанг бўлгусидир». Бунда ўзига содиқ қолган ва энг яқин бўлғанларга Жаннат ваъда қилди. Чорёлар халққа панду насиҳат қилиб дедиларки, «Кимки ғазовот йўлида ўз мулки ва ҳаётини Оллоҳ ва пайғамбар учун қурбон қылса, бундайлар биз сингари бўлгусидир». Улар номуносиб бандаларни тийиш учун китоб битдилар ва бизга эсадлик сифатида қолдирдилар. Шундай экан, ўзимизни Оллоҳнинг қуллари ва пайғамбарнинг умматлари ҳисоблайдиган бизлар албатта ғазовот эълон қилишимиз жоиздир. Биринчидан, Оллоҳ ва пайғамбар йўлидаги бу муқаддас урушда биз голиб чиқишимиз, иккинчидан, ҳаётимизни қурбон қилишимиз лозим.

Биз қўйида ўз муҳримизни босганлар, олдимиизга каломуллоҳни қўйиб, Оллоҳ ва пайғамбарга қасамёд қилиб, халифамиз билан шартнома туздик. Шундан кейин, агар ўзимизга бино қўйганимиздан, шайтоннинг васвавасига учеб ёки ширин жонимизни сақлашни ўйлаб, қўрқиб, ваъдамиздан қайтиб, уни бажармасак, дўзахга тушайлик, икки дунёда юзимиз қора бўлсин, қиёмат куни шармандаю шармисор бўлайлик.

Бу сўзларнинг тасдиги учун муҳримизни қўйдик»<sup>1</sup>.

Мазкур қасамёдга маҳаллий амалдорлар ва обрў-эътиборли кишилардан ўн икки киши: Мулла Аҳмад Нойиб Мирза ўғли, Ҳайитбой Тўқабо, Орзиқулбой Понсад, Умарбек Додҳоҳ, Ботир Мингбоши, Соттибой Мирза, Ботир Мингбоши Нормат ўғли, Мұхаммад Иброҳим Тўқабо, Мулла Фойибназар Ортиқ ўғли, Алибек Додҳоҳ, Мулла Қосим Амин, Зиёвиддин Маҳдум Мұхаммад Шариф ўғли<sup>2</sup> ўз муҳрини босган.

14 май куни кечқурун Мұхаммад Али ҳалфанинг уйида кен-

<sup>1</sup> Мусо Туркистоний. Улуғ Туркистон фожиаси. Мадина, 1979, 107—108-бетлар.

<sup>2</sup> Айблов хулосасидан. ЎзР МДА, 1-жамғарма, 31-рўйхат, 91-иш, 53—61-варақлар.

гаш булиб, унда Фарфона вилоятининг турли бўлисларидан келган кишилар қатнашди. Кенгашда эшон маълум қилган резага биноан водийдаги уч шаҳар — Андижон, Марғилон ва Ўшдаги ҳарбий лагерга бир кунда ҳужум қилиниши керак эди. Бу ҳужум муваффақиятли тугаса, Қўқонни ҳам олиб, водийда хонлик тузуми тикланарди. Сунгра мустамлакачилар Самарқанд, Тошкент ва Чимкентдан ҳам ҳайдаб чиқариларди.

Орадан икки кун ўтгач, яна эшон хонадонида кенгаш булиб, унда мингга яқин одам қатнашди. Шу кенгашда, қўзголоннинг қаҷон бошланишига ва эшоннинг ўн тўрт ёшли жиани Абдулазиз (Мусулмонқул) хон қилиб кўтарила жагига келишилди.

17 май куни шом намозида Тожик қишлоғидаги масжидга жуда кўп одам тўпланди. Намоз пайтида эшон ҳалқа мурожаат қилли: Бу мурожаат Мусо Туркестоний асарида қуидагича акс эттирилади: «Эй муҳтарам мусулмонлар! Эй биродарлар! Ҳаммангизга маълумдирки, юртимиз мусулмон, эл мусулмон, ҳалқ мусулмон, хон мусулмон, шариатнинг ҳукми жорий, амри нофиз эди. Ҳукуматни Оллоҳ таоло ўзи биладур, кофириларни мусаллат қилди, юртимизга ўрус келди. Ҳудоёрхон ўрнига Кауфман, Умархон таҳтига Чернайуф ўлтириди. Фарфона хонлиги ерида Москва хонлиги — оқ подшо ҳукмрон бўлди.

Ўрус ватанимизни истило этди. Сунг тилимизга истило қилди. Секин-аста динимизга истило қилмоқга бошлади. Биласизларки, мусулмонларнинг ахлоқи бузилди. Ўриснинг келгонига ўттиз йил тўлмай, мусулмонлар рибога одатланди, ҳалолҳаром фарқ қилмас бўлди. Қозиларимиз бўйнига бут тақадиғон бўлди. Хуласа, шариатимиз хор, мусулмончилик фариб бўлди. Ҳурриятимиз гоиб бўлди, истиқолимиз маҳв бўлди, ўзимиз ўтмас, сўзимиз кесмас бўлдик. Эй воҳ! ...

Эй мусулмонлар! Бунга сабаб ўзимиз бўлдик. Бу ҳолимизга Оллоҳ ҳам рози эмас, Расул ҳам рози эмас. Бу асорат ва маҳкумиятга кимса рози эмас, инс ҳам, жинс ҳам рози эмас. Эй биродарлар, тек тураверсак, бу кофир яна баттар қиладур. Вой бизнинг ҳолимизга!

Тарихда ўтган муazzам бир салтанат қурғон қаҳрамон паҳлавонлар авлодимиз — бу зиллатга ҳеч қандай зиреҳ чидамас. Қани биздаги шижаот, қани аждодларимиздаги басолат, Сизларга нима бўлди?

... 400 олимимиз бордир, ҳаммаси мусулмон, ҳаммаси турк, ҳаммасининг исми Муҳаммад. Ҳаммаси ҳанафий мазҳабдир. Бу исмда, бир мазҳабда, бир қабристонда бу қадар олимларни тўплаган Туркестонни дини тақдимда, дин одимларини етиштиришда на даражада хизматлари сабқат этганлиги ўқувчилар дикқатига арз ўринидур. Жаҳон тарихида, ер юзида, кўк юзида бу мисли кўрилмоғондир. Туркестонликлар ҳар қанча ифтихор этса арзийдур, бажодур, эй биродарлар! Бизлар шундоқ аждод-

нинг набираларимиз. Ўлук уйқусида ухлайсизми?!» — деб ҳазрат эшоннинг сўзи бу жойга келгонда зори бошланди. Ҳозир турғонлар хўнг-хўнг йиғлаш билан эшоннинг амрига омода эканликларини билдирилар. Аларнинг ҳаяжонларини босиш учун ҳазрат эшон сўзида давом этди:

Эй мусулмонлар, эй худонинг бандалари, эй пайғамбар уммати! Чин мўмин бўлсангизлар, сизларга жиҳод лозимдур, жиҳод! Эътиқод Оллоҳ йўлида жиҳод қиласиз, ўлсак — шаҳид, ўлдирсак — рози бўламиз. Жиҳод қилмагунча елкамизга минган бу рўдапо ўрусадан қутулиш йўқ.

Эй мўминлар, кўзингизни очинг!Faфлатдан бедор булинг! Кофирилардан ҳуқуқимизни олайлик.

Эй биродарлар, ҳурриятимизни олайлик, ўз Ватанимиз, ўз юртимизда ўзимиз ҳукумат қурайлик. Бунинг учун биздан файрат истайдур, ҳиммат истайдур, хоҳи жиҳод истайдур, фийса-билиллоҳ жиҳод вақти келди!

Ҳайну аъал жиҳод!

Ҳайну аъал фалаҳ!

Шу ҳолда хонақоҳни тўлдириган мусулмонлар «Жиҳод! Жиҳод! ... Жиҳодга ҳозирмиз, молимиз, жонимиз жиҳодга фидо бўлсин. Ҳазрат эшон, амрингизга ҳозирмиз!» деб бир овоздан бақирдилар.

Ҳазрат эшон яна сўзга оғиз очди:

— Боракаллоҳ, боракаллоҳ, шундоқ хизмат лозим Оллоҳ йўлида.

Сўнг эшон шаҳид бўлганлар ўлук эмасдур, алар тирикдур, деган мазмунни ифодаловчи ушбу оятни ўқиди: «Валатакулу лиман йўқталу фисабиалиллоҳи амватун бал ай аҳисун ва лаекин ла тишуруна». Эй биродарлар, ажал бордур, қирқ йил қиронгарчилик бўлса ҳам ажали етган ўладур, худо ризоси учун жиҳодга ҳозир бўлинглар.

Ҳайну аъал фазо, ҳайну аъал фалаҳ, ҳайну аъал жиҳод! Оллоҳу акбар! Оллоҳу акбар! Оллоҳу акбар!»<sup>1</sup>

Бу калимани ҳамма баробар тақрорлади. Ҳазрат эшон нутқи охирида:

— Ҳаммангиз ҳозирланинг, бу кеча ҳуфтондан кейин ҳужум! — деди.

Кейин яқин қишлоқларга чопар йуллади, ҳазрат эшон амрлари билан жиҳод фийсабиалиллоҳ эълон қилинди. Чопарлар кимки мусулмон бўлса, бу оқшомдан қолмай жиҳодга ҳозир бўлсин!», деб нидо қилишди.

Ҳуфтон намозига одамлар қуролланиб келишди. Аммо улар-нинг камдан-ками қилич ва милтиқ билан қуролланган, асосий қисми сўйил, чўқмор, кетмонсон, паншаха кўтариб олишган эди. Намоз пайтида улар қуролларини масжид деворига суюб

<sup>1</sup> Мусо Туркистоний. Улуғ Туркистон фожиаси, 108—109-бетлар.

қўйишиди. Намоз ўқиб бўлингач, ҳамма баравар «Жиҳод! Жиҳод! Жиҳод!», — дея ҳайқира бошлади. Қисқа вақтда бу овоз бутун қишлоқни тутиб кетди.

Бир пайт эшон ҳовлисининг дарвозаси очилиб, ундан оқ отни етаклаб чиқишиди. Муҳаммад Али халифа: «Бисмиллоҳир раҳмонир роҳийм, баният жиҳод!» деб отга минди. Шундан кейин қўзғолончилар йўлга тушдилар.

Тўпланган одам олти юз нафарча эди. Лекин уларнинг ҳаммаси ҳам отлиқ эмасди. Шу боис отлиқлар пиёдаларни мингаштириб олишиди. Қолганлар пиёда ёки аравада йўлга тушишиди. Қўзғолончилар сафи йўл-йўлакай тўлиб борди. Оломон икки байроқ остига уюшганди. Биринчи байроққа Мулла Зиёвуддин маҳдум бошчилик қилаётган эди. Кўк тўн кийиб, оқ салла ўраган отлиқ эшон эса иккинчи байроққа бош бўлгани ҳолда энг олдинда девона болалар даврасида борарди.

Ўша воқеалар гувоҳининг ҳикоясига кўра, «Мингтепада қиёмат барпо бўлиб, ҳамма хотин-халаж, эркак кўчага чиқиб, «Эшон хон кўтарили!», деб шойе қилдилар. Хуфтон вақти эди, бирдан ҳар ким қўлига тушган нарсани олиб, кимдир пичоқ, кимдир шоп, кимдир тўппонча, қайсилари милтиқ, хуллас, ҳар ким топган нарсасини олиб, тахминан олти юз чамаси бўлган киши шаҳарга қараб жўнаб қолдилар. Булар кечаси билан юриб, эрта саҳар Андижонга, Ҳакандга келдилар». Қўзғолон қатнашчиларидан Матмусанинг маълумотига кўра, 17 май кечқурун Тожик қишлоғида «газовот, газовот» деган ҳайқириқлар янграб узоқдан Муҳаммад Али бош бўлган қўзғолончилар кўринади. Илғор қисмга мулла Аҳмад исмли қирғиз бош бўлиб, у телеграф симларини қирқишига бўйруқ олади. Улар йўлда Асака мишибини учратиб, уни ўлдиришади. Мулла Зиёвуддин маҳдум бош бўлган қўзғолончилар Кўнжи қишлоғига киришганда уларга яна 200 киши келиб қўшилади. Қорақўргон ва Ўқидан ўтиб, Кўйлига яқинлашишганларида уларга мингбоши Фойибназар ўз йигитлари билан келиб қўшилади. Мингбоши рус мирзаси Бичковнинг калласини эшонга тортиқ қиласди. Эшон Фойибназарга раҳмат айтади, лекин каллани қабул қилмайди. Шу қишлоқда у нопок қози мулла Йўлдош Ҳолмат ўғлини тутиб келишни буюради. Қўзғолончилар Андижонга яқинлашганларида уларга бой савдогар Алибой қуроллантириб юборган 150 йигит қўшилади. Эшонга қўшилган Андижон йигитларига аввал русларда хизматкор бўлиб, кейин эшонга мурид бўлган Муҳаммад Зулун қўмондонлик қиласди.

Воқеа гувоҳи Н. Веселовский ўз кундалигига, жумладан, мана буларни ёзган: «... Бир маҳал, сартлар (ўзбеклар) чекина бошлишиди. Лекин байроқ атрофида бир тұдаси қимирламай турарди. Мулла кўк байроқ остида баланд овозда Қуръон ўқир, чекинишни истамас эди. Унинг ёнида баланд бўйли йигит байроқ кўтариб турарди. Шунда аскарлар отган ўқ муллани қулат-

ди. Байроқдор унинг ўлигини қўлтиқлаб олди, аммо у ҳам ўлдирилли. Байроқни подпоручик Карселадзе олди. Муҳаммад Али Андижон шаҳрига кираверишдаги адида намоз ўқиши учун тұхтайди ва уч йигитни жарчи сифатида олдиндан шаҳарга юборади. Андижон Эски шаҳар қоровули миршаблари «ғазот, ғазот!» дея ҳайқириб келган жарчиларни қаршилик күрсатмай ўтказиб юборишиди. Орқадан изма-из етиб келган 163 киши қоровуллардан бири йўлбошлигида 20-Туркистон линия батальони казармасига бостириб киришиди. Казарманинг пирамидаларида турган 30 га яқин милиционни ўлжа олиб, ухлаб ётган биринчи қатордаги солдатлар устига ташланишиди. Уларни пичоқ, ханжар билан уриб калтаклаб туришганда иккинчи қатор ичкаридаги солдатлар уйғонишиб, дарҳол ёнларидаги милиционларни оладилар. Чорак соатча давом этган отишмадан сўнг қўзғолончилар турт ўлган шерикларини ташлаб чекинадилар ва соат олтиларгача Эски шаҳарда туриб, кенгашадилар. Улар тайин қарорга келаолмай, Қорабура тарафи билан орқага чекинадилар. Шаҳарга кирмаган қўзғолончилар эса «Афон боғ» деган имтиҳон боғида имтиҳончи рус тўрани ўлдириб, туғларини унинг қонига бўяшган эди.

Аскарлар сартларни найза ва қўндоқлар билан уришиди. Улар эса ўз қуроллари ва бизнинг қуроллар билан ўзларини ҳимоя қилишиди, аммо муваффақият қозонишолмадилар. Тез фурсат ичиде уларни Дўнг қишлоғига ҳайдашди. Фақат патронлар ва отлар етишмаганлиги сартларни тұла қирилиб кетишдан сақлади. Жанг майдонида 15 сартнинг ўлиги қолди. Лекин кўп ўликлар ва ярадорларни улар ўзлари билан олиб кетишиб, қишлоқларга яшириши<sup>1</sup>.

Шаҳарданчувалашиб чиқсан қўзғолончиларни курган шаҳар аҳли ҳайрон бўлганча нима ҳодиса рўй берганлигини тушунмай қолди. Гувоҳларнинг эсласича, «эшон янги шаҳардан қочганича ва Ҳакандга қараб келаётганда баъзи сўфилар отларини кўчага ташлаб, Ҳаканддаги боғларга кириб бекиниб олдилар. Эрта билан Ҳаканд аҳли боғларида буларни кўриб, аҳволни билиб, кўрққанидан аскарларига эски тўнлар бериб, саллаларини кийдириб, мардикорларга ўхшатиб, ишлатиб қоладилар. Эски шаҳардан қочганлари Қорадарёдан кема билан ўтганча ҳар қайсилари ўз жонларини сақлаш фикрига тушиб, тўғри келган томонга қочдилар». Андижонда, айниқса руслар яшайдиган янги шаҳарда мустамлакачи амалдорлардан тортиб то оддий фуқарогача вахимага тушиб, уйларига беркинган ва мусулмонларнинг ялпи хужумини кутган эдилар. Ҳатто туманбоси полковник Коишевский ҳам кўчага чиқишидан қўрқиб,

<sup>1</sup> Бу эсадалик «Русский инвалид» газетасининг 1898 йил 131—132-сонларида чоп этилган. Ундан кисқартириб олинди. Алиназар Эгамназаров. Сиз билган Дукчи Эшон. Т., 1994, 47—58-бетлар.

уйида беркиниб ётган. У олдига Эски шаҳар оқсоқоли Холботир Рұзадорбий үғли мингбоши келгандагина воқеани тинчлик билан тугаганини билган. Гувоҳларнинг ёзишича, агар эшон Эски шаҳарда соат 8—10 ларгача турганда, халқ тұпланиб миллий муҳораба бошланар эди. «Чунки у вақтларда умумий халқ Руся ҳукуматининг зулмидан ниҳоят безор бұлиб, құзғолишга ҳеч фурсат тополмай юрар эди. Фуқаро мундан бехабар, соат саккиз эди, бозорлар ҳар күнгидек очилиб, ҳамма үз тирикчилигига машғул бўлди. Соат 9 ларда шуҳрат бўлдики, Йикчи эшон шаҳарга ҳужум қилиб, тамом солдатларни ўлдириб чиқиб кетибдир, деб, бу хабар тарқалғондан кейин Эски шаҳарнинг катта оқсоқоли Холбаҳодир мингбоши Рұзадорбий үғли Эски шаҳар ахволотини янги шаҳарга хабар бермоқ учун отланиб, чиқиб кўрдики, янги шаҳарда ҳеч ким йўқ»<sup>1</sup>.

Қўзғолоннинг биринчи кунидаёқ кучларнинг тарқоқлиги маълум бўлди. Ҳамма бир вақтда қутарилмади. Кетмонтепа ва Қўғартдаги қирғизлар сардори Чибил бўлис зудлик билан эшонга қўшилиш ўрнига «аввал шу жойдаги мужикларни саранжом қилиб, кейин борамиз», дея рус деҳқонлари посёлкаларига юриш қилди. Иноятхон эшон Марғилонга ҳужумни уюштиrolмай, асосий кучларини Мұхаммад Али қушини билан бирлаштиришга қарор қилди. Умарбек доддоҳ ҳам Ўшга юришнинг уддасидан чиқолмади. Чунки мингбоши Қорабек Ҳасанов Ўш тумани бошлиги подполковник Зайцевни олдиндан огохлантирган эди.

Марғилон гарнizonида эса ўша кечаси атайлаб солдатларнинг ухлаб қолмаслиги учун базм ташкил қилингани ҳам тасодифий булмаса керак. Қўзғолончилар Эса гарнizonдагилар уйкуда эмаслигини аниқлаб, орқага қайтишган.

Андижон қўзғолонига оид 20 жилдлик тергов ва сўроқ-жавоб материаллари ҳамда кўплаб адабиётларда бир қанча жумбоқларга жавоб топа олмаймиз. Чунки чоризмнинг махфий хизмати ходимлари девор орқасида туриб фитна солишга мөхирлигидан ташқари, из йўқотишга қодирликда ҳам устаси франг эдилар.

Шундай қилиб, Мұхаммад Али эшоннинг қўзғолонни ат-рофлича ва пухта тайёрламай, режасиз, яхши қуролланмаган муридлари билан 1898 йил 17 майда чор истибододига қарши курашга қутарилгани рус мустамлакачилари учун айни муддао бўлди. Эндиликда уни ҳеч тап тортмай йўқотишга, қатлиом уюштиришга зўр дастак топилган эди.

Россия императори Буш штаб генерал-лейтенанти Корольковга Туркистон ҳарбий округида ёзги машқларни бекор қилиш, «овчи» команда қўшинларини Фарғонанинг турли туманларига юбориш, шаҳарлардаги ва темир йўллардаги барча

<sup>1</sup> Фозилбек Отабек ўғли. Дукчи Эшон воқеаси, 29-бет.

руслар ва мужикларни ёппасига қуроллантириш ҳамда ишончли ерли амалдорларга маҳсус ёрлиқлар билан ов милтиқларини беришини тайинлади. Мусулмонлар қонига ташна бўлган Корольков зудлик билан ишга киришиб, 1898 йил 20 май куни «бўшанглик қилган» Фарғона вилояти ҳарбий губернатори Повалю-Швейковскийни, туман ҳокимини, Асака участка пристави капитан Еникеевни лавозимидан бушатди. У ўзига маслакдош мустамлакачи генераллардан Чайковскийни Фарғона губернатори, генерал Ионовни Фарғона қўшинлари қўмандони қилиб тайинлаб, маҳаллий ҳалқа қарши шафқатсиз чоралар кўришда чекланмаган ваколатлар берди<sup>1</sup>. Корольков шахсан ўзига маҳсус дала штаби тузиб олиб, унга маҳкама бошқарувчи-си полковник Девелни, «Туркестанские ведомости» газетаси муҳаррири, подполковник Романовични, ҳарбий прокурор, генерал-майор Долинскийни, алоҳида ўта муҳим ишлар бўйича ҳарбий терговчи полковник Некрасовни бирга олиб Фарғонага жўнади. У Тошкентдаги 1-ўқчи батальонини, Қўқондаги 5-Оренбург казак полкини, Андижонлаги 5-«овчи» командадан иборат жазо экспедициясини тузди.

Мустамлакачилар асосий дикқатни Муҳаммад Али эшонни тутишга қаратишди. Улар эшонни ўзбекларнинг ўзи тутиб беришларини мақсад қилиб қўйиши. Ана шу мақсадни амалга ошириш учун рус амалдорлари «Хоҳ мингбоши, хоҳ фуқаро бўлсин, хоҳ бошқа бўлсин, эшонни тутиб келса, Андижон шаҳрига истарший оқсоқол қилинур», деб эълон қилишди. Фозилбек Отабек ўғлиниң ёзишича, «рус аскарлари Мингтепага боргунча «ким учраса, отиб ўлдириб, эшоннинг ҳовлисига етиб, дафъатан атрофни ураб, тинтуб қилабошладилар... Мингтепада уч соат отишма қилдилар. Бу уч соат ичидаги солдатлар ҳовлидан ҳовлига ўтиб, ким кўринса отиб ўлдиридилар. Муддат битганда, эшонга қарашли нимаики бўлса олиб, шаҳарга қайтдилар. Ашё жумласидан бир хос сандуқда кўп хатлар бор экан, буни ҳам олиб келиб таржима қилиб кўрсалар, тамомиси ҳар кимдан борган дуойи саломлар экан. Дуойи саломлар кимдан бўлса, дарҳол шу одамларни тутмоққа амр қилинди. Шунинг учун Андижон шаҳридан кўп фуқаро қамалдилар»<sup>2</sup>.

Бу вақтда Муҳаммад Алиниң лашкари теварак-атрофга ҳар ёққа тарқалиб, ўзи озчилик муридлари билан тоғларда яшириниб юрган эди. Эшон тузокдан қандай қилиб чиқиши билмай гангигб қолган эди. Муридлари ҳам саросимада эдилар. Чунки улар кутган воқеа юз бермади. Қолаверса, қўлларидаги дарралар эшоннинг дуоси билан милтиқларга айланмади, белбоғлари эса ўқ ўтмас совут бўлмади. Унга эргашган кишилар эса рус аскарларининг найзалари, ўқ ва тўплари ҳамда казак

<sup>1</sup> ЎзР МДА, 1-жамғарма, 31-рўйхат, 1144-иш, 323-варап.

<sup>2</sup> Фозилбек Отабек ўғли. Ўша асар, 31-бет.

шамширларидан нобуд бўлишди. Охир-оқибат, Муҳаммад Али паришон ҳолда ёнида қолган уч содиқ мурили билан Арслонбоб яқинидаги Тошкўприкда пистирмага дуч келди. Рус мустамлакачилари ваъда қилган амалга учган миллатфурушлардан Кўқонқишлоқ мингбошиси Қодиркул ва бозор саркори Матяъкуб қўрбоши эшонни тутиш учун тор йўлни тўсив турешган эди. Орқаларида эса штабс-капитан Оғабеков бошчилигидаги рус аскарлари шай туришганди. Матяъкуб қўрбоши эшонни таниб, унинг олдига чопиб чиқдида, таъзим билан «Эй, тақсир, мен сизни кутиб турибман, ёрдам бермоқ учун», дея риёкорлик билан отдан тушди ва унга яқинлашди. Миллатдошидан ҳеч ёмонлик кутмаган эшон очиқ кўнгил билан қўлидаги тўппон-часини тушириб, отни тўхтатди. Матяъкуб билан қучоқлашиб йиғлаб кўришди. Оғир дамларда ёрдамини аямаган одамга меҳри тошиб дили тўлиб йиғлади. Матяъкуб бўлса эшонни кўтариб ерга босди ва шерикларини чақирди. Қодиркул мингбоши рус аскарлари билан бирга эшон ва унинг шерикларини боғлашди. У Муҳаммад Алита «Хотин талоқ! Ҳаммани хонавайрон қилдинг-ку!», — деди. Бундай хиёнат ва ҳақоратларни ўз миллатдошлидан сира кутмаган эшон дили вайрон бўлиб, уларни лаънатлади: «Икковинг ўлар вақтда жинни бўлиб ўлгин! Бизни русга тутиб берган қўлларинг билан ўзингни уриб, сўккан оғзинг билан ўзингни тишлаб ўлгин!».

Миллат сотқинлари мустамлакачиларнинг сийловларига учиб, қўзголон раҳбарини шу тариқа рус жаллодларига тутиб бердилар. Қодиркул Андижон Эски шаҳарига оқсоқол, Матяъкуб қўрбоши эса Кўқонқишлоққа мингбоши қилиб тайинланди. Босар-тўсарини билмай мустамлакачиларга астойдил хизмат қилишди, аммо лаганбардорликлари ҳам, ҳушомадгўйликлари ҳам иш бермай, охир-оқибат жазосини топдилар. Хиёнат билан берилган амал вафо қилмади. Қодиркул орадан кўп ўтмай бир арман бойини ургани учун судга берилиб, мансабидан бекор қилинди. У Кўқонқишлоққа қайтиб амал ҳасратидан касал бўлиб қолди. Қодиркул охири ақлдан озди ва ўзини ўзи пичоқлаб ўлдириди. Матяъкуб ҳам беш ойдан кейин шундай ўлимга дучор бўлди. Топгани шу бўлдики, ҳарбий вазирнинг буйруғи билан унинг оиласига беш йил муддат билан ойига 50 рублдан нафақа тайинланди<sup>1</sup>.

Мустамлакачилар қўл-оёғи кишанланган Муҳаммад Алини аравага солиб эски шаҳардан олиб ўтдилар. Ҳамма эшонни кўришга чиқсан, деган фармонга қарамай деярли ҳеч ким кўчага чиқмади. «Таажжуб шундаки, — дея эслашади гувоҳлар, — ҳоким ва тўралар эшондан бир оғиз ҳам маълумот ва саволларига жавоб ололмадилар. Ҳарчанд сиёsat қилдилар ва

<sup>1</sup> ЎЗР МДА, 1-жамғарма, 3-рўйхат, 488-иш, 5—19-варажлар; Р. Шамсутдинов. Дукичи Эшон воқеасидан сўнг. «Шарқ юлдузи», 1991 йил, 1-сон.


# ТУРКЕСТАНСКИЯ ВЪДО

ЗАКОНОДАТЕЛЬСТВО О ВОСПРОИМЧАВЛЕНИИ ДЕНЕГ

№ 1868



Андижон қўзғолони ва унинг қатнашчилари ҳақидаги расмий ахборот



Фарғонага юборилган жазо отряди.

гап сурадилар, «эшон ҳеч кимни кўрсатмади, мустабид терговчиларни доги ҳасратга қўйдилар».

Кўзголон раҳбарининг қўлга олиниши бутун үлкага ёйилиб кетган кенг халқ ҳаракатини тұхтатолмади. Янги тайинланган генерал-губернатор С. М. Духовской (1898—1901) ҳарбий вазир генерал Куропаткинга юборған рапортида ана шу фактни тан олади. «Бу гарчанд Фарғонада кўтарилиган бўлса ҳам, — деб ёзган эди Духовской, — уни мутлоқ маҳаллий ҳодиса ёки қандайдир синфнинг иши деб бўлмайди. Фарғонанинг барча аҳолиси ва үлканинг ўзга ҳудудларида ҳам газовотга хайриҳоҳлик билдирганлар кўп. Фарғонадаги ғалаён дастлабки ташминларда кўзда тутилган район доирасидан анча кенг ташқарига ёйилиб кетди дейишга тұла асос бор»<sup>1</sup>.

1898 йил 19 майда Яkkатутда қуролланған деҳқонлар жазо отрядига қаршилик кўрсатган. Наманган туманида қирғиз қўзголончилари руслар билан тұқнашган. Бу «шайка»га қарши казаклар жанг қилишган. Құқон туманида телеграф устуни қирқилиб, темир йўл излари кўпорилиб ташланган. Бир неча юз ўзбеклар худди шу туманда Бешариқ бўйлаб темир йўл мин-

<sup>1</sup> ЎзР МДА, 1-жамғарма, 31-рўйхат, 1144-иш, 307-варақ.

тақаси орқали сафар уюштириб, маъмурият кучларига хужум қилганлар. 7 июня Кўгарт волостидаги қирғизлар жазо отрядига хужум қилишга уринишган. 9 июня эса Андижон туманинда Сусамир волостидаги аҳоли бош кўттарган.

Жазо гуруҳларининг халққа кўрсататётган ваҳшийлиги меҳнаткаш халқнинг ғазабини қўзғатиб, янги-янги исёнларга сабаб бўлди.

Муҳаммад Али қамалгандан кейин рус аскарлари ҳар куни «эшонга қарашли ёрдамчилар» деб ўзбек, қирғиз, қипчоқ, қорақалпокларни тутиб ўлдирдилар. Мустамлакачилар бош оқсоқолга шундай кўрсатма берганлар: «Эски шаҳарни эҳтиёт билан сақлаб турасан? Эшонга борди-келди қилғон одамлар бўлса, ҳаммасини суриштириб тутиб берасан! Умуман фуқароларни қайси хил сиёsat билан бўлса-бўлсин, Русия подшоҳига тобеъ ва мутеъ қиласан! Русия амалдорлари эски шаҳарга тушсалар ҳамма фуқарони ўрнидан туруб, энгashiб салом қилмоққа ўргатасан! Дўкондор ва растандагилар бўлса, ҳаммаси бўлсун, ҳоким, пристав, қайси амалдор бўлса — бўлсин, эски шаҳарга тушса, ҳаммалари дўконларининг олдиға тушиб қатор бўлуб, энгashiб салом қилиб турсинлар. Муллалар ва мударрислар бўлса шогирдларига Йикчи эшондан шикоят қилиб, уни ёмонлаб турсунлар! Ва мактабдорлар бўлса, майда болаларга «Эшон осий бўлди, боқий бўлди» деган гапларни ўргатсунлар! Аълам, муфтилар бўлса, «Йикчи эшоннинг осий, боқий бўлғони учун тезда ўлум жазосига мустаҳиқ бўлмоғи шариатда ҳам дуруст» деб фатво берсунлар. Адиб ва шоирлар Йикчи эшоннинг қилғон тамом ёмонлиги ва ҳийалларини шеър (байт) қилиб газитга юборсунлар! Агар ҳар ким бу хусусда қилғон сиёsat жабриндан арз қилса, биз у аризачининг ўзига жазо берамиз»<sup>1</sup>.

Қодирқул мингбоши бу кўрсатмани бажариш борасида шундай зулм қилган эдики, замондошларидан бири бу ҳақда қўйидагиларни ёзди: «Бирор энгashiб салом қилмаса, тутиб тўхтатмоқни бу киши чиқарди. Бундан ўрганиб рус амалдорлари ҳам халқни «рукуъ» билан салом ва «сажда» қилдирадиган бўлдилар. Бечора халқ шапқалик кишининг соясини кўrsa ҳам ўрнидан туриб сажда қилишга одатланиб қолди». Мустамлакачилар қатлиомни кучайтириб, одамларни даҳшатга солиши мақсадида ҳеч қандай суд-терговсиз дорга осишни одат қилдилар. Гувоҳлардан бири шундай манзарани тасвирлайди: «Бизларни бозордан ва маҳалладан катта оқсоқол фармойиши билан мишиблар ҳайдаб, тахминан 500 кишини янги шаҳар девори тагига олиб бориб эди; қарасак, адир тарафга 8 та дор қилиб, аргамчиларни тортиб, тайёр қилиб қўйгон экан. Бу ҳолда турмага 50 га яқин солдатлар ўлан (ашула) айтиб кириб, 5 та

<sup>1</sup> Фозилбек Отабек ўғли. Дукчи Эшон воқеаси, 37-бет.

мусулмонни ҳайдаб чиқди. Бечораларнинг ранги-рўйига асло қараб бўлмайди. Бечораларнинг ихтиёри ўзида эмас, сўзла-моққа мажоллари ҳам йўқ эди. Қамалганларига анча кун бўлғон бўлса, овқат емаганлари ҳам маълум эди. Дарҳол 5 та хом сурупдан тикилган ҳалта олиб келдилар. Бир мутакаббир «тўра» қўлига ярим тахта қоғозни олиб ниҳоят қовоғини солиб ўқиди: «Сизларнинг подшоҳи аъзам, императури муаззам аскари борасида қилғон ҳамла, ҳужумларингизга ва бу исёнга сабаб бўлғон Муҳаммад Али эшоннинг императури аъзамнинг улуғ сиёсатидан қўрқмай қилғон феълига шерик бўлиб ёрдамда бўлғонларингиз сабаб бўлди. Сизларнинг бешовларингизни ҳарбий суд осиб ўлдирмоққа ҳукм қилди» деган ҳамоно солдатлар бирдан қиличларини сугуриб, пешоналарига тутиб, ярим соатга яқин ногораларини чалиб турдилар... губернатор фуқароларга қараб: «Бу кўрилган сиёсатни кўрмаганларга баён қилинглар, ҳар ким исён қилса, мундан баттар бўладилар!», — деб мурожаат қилди.

Бундай қатағонлар эркесвар Фарфона йигитларининг шаштини қайтармади. Мутеъ бўлиб, русларга бош эгишни истамаганлар тоғу тошларга чиқиб курашни давом эттирилар. Сибирь ҳарбий округи штаби бошлиғи генерал-майор Зарубаев



Мустамлакачиларнинг жазо отрядлари ёндириган қишлоқ.

<sup>1</sup> Фозилбек Отабек ўғли. Дукчи Эшон воқеаси, 35-бет.

1898 йил 28 июнда ҳарбий вазирга юборган мактубида Жаркент туманида халқ күтарилигани, газовотга барча Илиорти волост бошқарувчилари ҳам қўшилиб кетганини ёзib, аҳолида жуда кўп миқдорда қурол, ўқ-дори пайдо бўлганидан ташвишланади. Уларга қарши казак полки қисми юборганини маълум қилади. Фарғонанинг шимолида эса эшоннинг сафдошлари Чибил бўлис ва Шодибек ҳаракатни давом эттиришган. Прижевальск туманбошиси Туркистон ҳарбий округи штаби бошлиғига йўллаган телеграммасида Еттисув вилояти чегараси яқинида Андижон туманининг ўтиб бўлмас тоғларида мингга яқин қўзголончи яширганини, 200—300 кишилик гуруҳларга бўлинганини ва уларни ерлилар озиқ-овқат билан яширинча таъминлаб турганини, Пишпек, Сусамир, Тўқмоқ ва бошқа ерларда ғалаёнлар давом этаётганини хабар қўлгани тасодифий эмас, албатта. Сусамир волостида Шодибек бошчилигидаги ерлилар газовот қилишгани ҳақида 5 июль куни мингбоши Андижон туманбошисига хабар қўлган.

Генерал-губернатор Ҳарбий вазирга йўллаган ахборотида «Сўнгги ғалаёнларда» Марғилон, Андижон туманларидағи ерлилар фаоллиги ҳақида ёзил, Андижон, Марғилон ва Ўш шаҳарлари «энг ашаддий» газовотчиларни етказиб бергани ва Мингтепа, Кўнжи, Асака, Қоратепа, Новкат, Кува, Шаҳриҳон, Аравон, Яккатут, Ичкилик, Ёзёвон, Оқбўри, Булоқбоши, Кўтарт, Сусамир, Кенгкўл, Қорақир каби волостлар қўзголончилар уясига айланиб қолганлигини хабар қилади<sup>1</sup>. Бу ерлардаги йигитлар қўзголон раҳбарлари қамалиб қатл этилган бўлса ҳам, тарқоқ ҳолда гуруҳларга бўлиниб, курашни давом эттиришган.

Жазо экспедицияси бошлиғи генерал Корольков ўз ҳисоботида Муҳаммад Алидан кейин қўзголоннинг энг ийрик етакчилари сифатида қуйидаги 14 кишининг исм-шарифларини келтирган: мулла Аҳмад ноиб, Ҳайитбой тўқсанбо, мулла Қосим Амин Араббой ўғли, Орзиқулбой понсад, Муҳаммад Иброҳим тўқсанбо, мулла Фойибназар Ортиқ сўфи ўғли, Алибек додҳо, Фойиб ҳожи Муҳаммад Мурод ўғли, Муҳаммад Зиёвуддин маҳдум домла Шариф ўғли, Умарбек додҳо, Отакул понсад, Рустамбек, Маллабой, Ҳидоятхон<sup>2</sup>.

Корольков 1898 йил 3 июнь куни эшоннинг жияни, Қўқон хони таҳтига мўлжалланган 14 ёшли Абдулазиз ҳам қўлга олиниб, Андижон турмасига солинганини хабар қилади.

Мустамлакачилар қўзголон раҳбарларининг қийноқ-азобларга мардона чидаганидан фазабланганликларини яширмаганлар. Улар Муҳаммад Алидан шундай қўрқан эдиларки, у ҳатто

<sup>1</sup> Кўшинлар қўмондони С. М. Духовскойнинг 1898 йил 5 августда юборган 6980-сонли рапортидан.

<sup>2</sup> ЎЗР МДА, 1-жамғарма, 31-рўйхат, 1144-иши, 329—333-вараклар.

құлға олиніб ҳибсга олинганида ҳам шу одам әшон эканлигига ишонмай уни танийдіган одамларни зұрлаб келтириб, қасам остида маңбуснинг ким эканлигини тасдиқлашни сұрашған. Шундай гувоҳлардан бири Мирзо Маъсуд хотираси дикқатта сазовор: «Бизларни 5 та тұралар бирга бошлаб турмага олиб бориб эди, қарасак, турмада қадам босарлық жой йүқ, ҳавонинг ниҳоят иссиқлигидан турманинг ичи дұзах бұлуб кетібдур. Бош-оёқларда занжир бор. Қочмоқ у ёқда турсун, турага мажоли йүқларнинг оёқларига занжир солибдирлар, буларнинг ичидан оралаб үтиб, бир хонага кириб эдик, Йикчи әшон билан уч киши үлтирибдирлар. Ҳаммалари банд, занжир солинғон. Ҳусусан, әшоннан ниҳоят маңкам bogлабдирлар. Оёқ-бүйни, құли bogлиқдир. Бошида салласи бор, устіда малла эски тұни бор, ерга қараб үлтирибдир. Салом қилиб кириб эдик, ёнимда турғон мингбоши салом қилма, дегандек ишорат қилиб, нұкуб қыйди. Кейин тұралар кириб: «Чұрт әшон!» деди. Бизларга қараб: «Әшон шуми?» деб савол қилиб эди, бизлар «шу», дедик. «Яна тузук күринглар, ғалат қылманглар, рост айтинглар», деб сиёсат қилиб эди, бизлар құрқиб: «Әшон шу, бошқа әмас» деганимизда «Қайси бири, құлинг билан ушлаб күрсат!» деди. Ҳаммамиз бир-бир ишорат билан күрсатдик. Кейин, «Яхши», деб чиқиб кетдилар. Эшон асло бізга қарамади<sup>1</sup>.

Фарфона вилояты губернатори ҳарбий суд билан бирга әшонни Андіжон тумани бошлиғи маңкамасига олиб келип тергов қылғанида қатнашған мирзабоши мулла Исмоилнинг ҳикояси ҳам дикқатта лойиқ: «Уезд (туман) маңкамасининг адабий таржимони Эшмуҳаммад тұра Тошмуҳамедов деганини чақириб, ҳарбий суд раиси буюрди: «Әшонға айтинг, бұлғон ҳодисаны сұзлаб берсун, кимлар әшонни шу ёмон ҳаракатға далолат ва тарғиб қылды?» Эшон үзим қылдым, деб жавоб берди.

Раис: Сен билан кимлар бирга эди: амалдор, мингбоши ёки юрт боши қатталаридан ҳам иштирок қылдиларми?

Эшон: Йүқ.

Раис: Оқ подшоқ ва унинг амалдор, ҳоким, пристуфларини дүст тутар әдингми, ёки душман тутар әдингми?

Эшон: Құарт тарафидаги мужиклар бечора фуқарони күб хор қилиб, уруб, ер-сувларини тортиб олгонлари учун хафа бұлуб, душман тутар әдим.

Раис: Мужикларнинг зулм қылғонини үзинг күрганмисан ёки одамлар келип айтдими?

Эшон сукут қилиб жавоб бермади. Раиснинг атрофида эл-ликка яқын солдаттар турғон эди. Уларға қараб: «Ур!» деб буюрди. Тұрттаси югуриб келиб құлдаги мильтиқнинг құндоғи билан 20—30 ни солдилар. Эшон үлтириғон курсидан йиқилди.

<sup>1</sup> Фозилбек Отабек ўғли. Дүкчи Эшон воқесаси, 42-бет.

Яна турғизиб қўйиб: «Сўзла, мужикларнинг зулмини санга ким хабар қилғон!», деб савол қилғонда, эшон:

— Алҳамдулило, алҳамдулило! — деб қўйди.

Суд раиси «Нима дейдир?» деб таржимондан савол қилғонида Тошматуф, худога шукр қиласидир, деди. Суд раиси яна икки солдатга калтаклардан олиб кел, деб буюрди. Солдат югуриб чиқиб, бир қучоқ калтак олиб келди. Эшонни ётқизиб калтакладилар. Эшон ҳеч овоз чиқармай беҳуш бўлиб қолғондан кейин солдатлар судраб, ташқари олиб аравага кутариб ташладилар<sup>1</sup>.

Эшоннинг сурогида жазо экспедициясининг бошлиғи Корольков ҳам бевосита иштирок этди. У Мұҳаммад Алидан құзғолон сабабини сұраб-сүриштирганда эшон шундай деган: «Руслар бизга яхши қарашиб. Мусулмонлар бойиб кетмоқда, аммо бу бизга жуда қимматга тушмоқда, чунки мусулмон руҳидан путур кетмоқда. Вужуд ярасаса-да, рух үлмоқда. Самовоттинг үзи мени ҳаракатта ундади, мусулмонларни Мұҳаммад алайхиссалом подшолиги ва унинг қонунларини ҳалокатта етакловчи шундай хоинона фаровонликдан ҳалос этиш учун курашга құзғатди». Корольков эса бундай құзғолонни «мусулмонларнинг насронийлар билан асрий курашининг оқибати», деб баҳолади. Мустамлакачилар ўша 1896 йилда Туркияning Грекия устидан қозонган ғалабасини қутлаётган мусулмон оламидан ўзига хос диний интиқом олиш учун ҳам Андижон құзғолони баҳонасида даҳшатли қатағон уюштирилар. Эшон ва унинг яқин маслакдошларини қатл этиш маросими бу интиқомдан биринчи кўриниш бўлди.

Рус маъмурлари Мұҳаммад Али сиймосида факат қўзғолон раҳбаринигина эмас, балки дини ислом уламосини ҳам кўрардилар. Мустамлакачилар унинг мол-мұлкини мусодара қилишгандан 300 дан ортиқ нодир Шарқ қўләзма китоблари қатори Мұҳаммад Али қаламига мансуб «Ибрат ул-ғофилин» («Ғофиллар учун ибрат») асарини ҳам кўришган эди. Рус амалдорлари унинг сиймосида Туркистон ўлкасини руслаштириш сиёсатининг ашаддий мухолифи намоёнлигини ҳам ҳис этишган. Ана шунинг учун ҳам рус зобитлари ва генераллари эшонни руҳдан ҳамда жисмонан маҳв этиш жараёни жуда таъсирчан бўлиши учун барча воситаларни ишга солишиди. 1898 йил 12 июня бу қонли фожиа минглаб фуқаро қўз ўнгига рўй бердики, унда қатнашганлар ўз хотираларида ўша кун тафсилотларини тўла тасвирлаганлар. Мустамлакачилар Андижоннинг Эски шаҳар аҳолисини, барча катта-кичикни Янги шаҳардаги Тупроққўрон олдида эрталаб соат саккизда ҳозир бўлишларини буюрдилар. Мактаб болаларининг ҳам қатнашуви мажбурий эканлигини уқтириб алоҳида буйруқ эълон қилишди. «Ёш болалар, —

<sup>1</sup> Фозилбек Отабек ўғли. Дукчи Эшон воқаси, 44—45-бетлар.

деган эди губернатор Чайковский, — катта одамлардан кейин қоладурғон одамлар бұладирғони учун узун умр күриб, күп йиллар Россия подшосининг сиёсатини айтиб юрадилар». Ана шундай болалардан бири Фозилбек Отабек үғли<sup>1</sup> 1927 йилда нашр қылган «Дукчи эшон воқеаси» китобида шундай ёзади: «Янги шаҳарда таҳминан 8000 киши бўлса, 2000 майда мактаб болаларини олиб чиқиб, Тупроққўргон олдида, адирнинг тагига қон иси келадиргандан ва тикиб, созлаб қўйилғон дорларнинг атрофига одамларни айлантириб қўйдилар. Ҳоким чиқиб, фуқаронинг қўблигини кўриб, катта оқсоқолга «раҳмат» деб, ёш болаларни ҳам дорнинг бир тарафига қатор қилиб қўймоққа буюрди. Бир тарафдан жой бушатиб турган бир киши: «Ёш болалар қўрқарми экан?, Одамлар орқасига қўйсан қалай бўлар экан? — деди. «Қўрқсанни яхшироқ. Эсидан чиқмайдир. Дорга яқин қўюлсун», — деб буюрубдир. Мингбоши келиб, дорнинг қибла тарафидан одамларни ҳайдаб юбориб, ҳамма мактаб болаларини қатор қилиб қўйди. Бир вақт, соат ўнга яқин эдики, бир тўп, занжир билан кўл-оёғи боғланган олти кишини ўртага олиб, ўлан айтишиб келди ва дор тагига келтириб қатор-қатор қилди. Буларнинг олдига тўрт нофора осган солдатларни қўйди. Уларнинг ичидаги эшонни икки солдат етаклаб, йигиннинг атрофини айлантириб, «эшон шу одамми?» деб сўраб юрди... Халқдан овоз чиқмаганидан ғазабланиб, бир каттакони охири қаттиқ овоз билан: «Албатта ҳаммаларинг биласизлар, бовужуд айтмайсизлар, исён қилмоқни ҳам сизлар билгансизлар. Шуни айтмай хиёнат қилиб, шунча қаҳрамон аскарларнинг нобуд бўлмоғига сабаб бўлдингизлар. Агарда ҳеч ким танимаса, шу йигиндаги бутун халқни пулемётта тутамиз. Бирор жон қолмайдир», деб сиёсат қилиб эди, ҳар тарафдан одамлар ўзини кўрсатмай туриб, «шу киши эшон!», деб қичқиришидилар... Золим туралар бундан ўз сиёсатлари ҳалду камолига етганини билиб, бир-бирига қараб кулар эдилар. Халқ бўлса, дор тагида мунғайиб, бўйини қисиб, йиғлаб турганларни кўриб, тоқат қилолмай, секин-секин йиғлар эди». Шу вақт эдики, йигин ташқарисида вой-войлаб, дод-фарёд бўлиб кетди. Қарасак, осиладирғон одамларнинг бола-чақалари, хотин-қиз, ўшоқ болалари экан. Хотинлар «Тул бўлдик!» деб, болалар бўлса «Етим бўлдик!», деб фарёд қиласар эдилар. Бу ҳолни кўрган халқнинг кўнгли яна бузилиб, хоинлардан қўрқиб ўзларини йигидан тўхтатар эдилар<sup>2</sup>. Чунки халқ ўзининг буюк фарзандидан жудо бўлаётганини, мусулмон олами ўзининг етук алло-

<sup>1</sup> Фозилбек Отабек үғли Андижоннинг «Девонабой» даҳасида туғилган, русча, мусулмонча маълумотга эга бўлган, араб ва форс тиъларини билган журналист сифатида яхши танилган, жадидчилик, истиқолочлилик курашида фаол қатнашган. 1938 йили қатағон қилинган.

<sup>2</sup> Фозилбек Отабек үғли. Дукчи Эшон воқеаси, 49—50-бетлар.

маларидан бирини йўқотаётганини сезаётган эди. Бу воқеа рус мустамлакачиларининг Мұхаммад Алидан қандай қўрққанини ҳам кўрсатади. Улар дор тагида турган маҳбусларнинг ҳалққа айтадиган сўзларидан ҳам қўрқиб ноғора билан товушларни бўғишга уринишган. Рус амалдорлари ўлим олдидаги инсоннинг охирги илтимоси бажарилиши шартлиги ҳақидаги уму-минсоний, ҳалқаро қонун-қоидани ҳам поймол қилишди.

«Эшонни дорнинг тагига олиб келиб, оёғидаги темир ки-шанни очамиз деб уриндилар, — ёзди Фозилбек Отабек ўғли, — илож бўлмади шекилли, болға билан уруб синдиридилар ва бошқа рафиқларининг кишанларини ҳам уриб синдириши-ди... Қози биринчи эшонга, иккинчи Чибил<sup>1</sup> бўлисга ва бошқа-ларига бир-бир иймон ўқутди... Чибил бўлис ўзини ростлаб, дадиллик ва баланд овоз билан: «О мусулмонлар! Гувоҳ бўлинг-лар, мен ноҳақ кетаётибман, манг ба ҳокимлар зулм қилди-лар...» деб сўзлаб туриб эди, ҳоким келиб: «Бас, бас!» деди. Үнга қулоқ солмай яна сўзлаб туруб эди, икки солдат келиб милтиқнинг қўндоғи билан 4—5 марта урди, шундан кейин индамай қолди. Бу ҳолда бири келиб дорнинг аргамчиларини тушуриб, сиртмоқларини очиб, тузатиб қўйди. Кейин икки солдат ерда турган халталарни олиб келиб қатор турган банди асиirlар бошига кийим-бошлари устидан кийдириб қўйди. Бе-чораларнинг оқ халталар ичida нима ҳолга тушгани бизга маъ-лум эмас... Буларни судраб, дор тагига келтириб, унинг остига қўйилган икки поганалик курсига «чиқ, чиқ» деб эшонни чи-қарди. Шу ҳолда кафан ичida бир ўзи қадам қўйиб чиқди ва баланд овоз билан: «Эй мусулмон биродарлар! Гувоҳ бўлинг-лар, ман ноҳақ туҳмат билан кетиб турубман. Бола-чақаларим майда-чуйда, кўп эди. Бу ҳоким ва тўралар яхши адолат қилма-ди. Тўғри ҳақиқат қилмади. Дуо қилинглар, шу золимларни...» деган вақтда тўранинг ишорати билан бирдан сиртмоқларни солиб, курсиларни тепиб юбордилар. Бу олтита кишидан икки-таси бир-икки бурилиб, оёғини уруб қимирамай қолди. Бош-қалари пириллаб айланиб, буралиб, икки томон дорнинг ёғочига урилиб, ниҳоят қўйналиб кўп овора бўлдилар. Буни кўриб турган ёш болаларнинг кублари қўрқиб: «Дод, ота, она!» деб йиғлаб юбордилар. 4—5 тасининг хуши кетиб қолди ва иккىлди. Болалар турган тараф туполон бўлиб кетди...»<sup>2</sup>

Дорни тикар вақтида дорларнинг тегига одам бўйи пастроқ чуқурлар кавлаб устига бўйра ёлиб қўйилган экан. Сиртмоқни кесиш билан жasadлар чуқур гўрга қулади. Жаллодлар бир ара-ва оҳак келтириб, улар устига ташлашади. Олти мурда икки

<sup>1</sup> Сўнгги тадқиқотларга кўра Кўгарт бўлиси бошлиғи Чибил Абдуллабиев осиб ўлдирилмаган, бир умрлик каторгага ҳукм қилинган. Қаранғ: Алиназар Эганизаров. Сиз билган Дуқчи Эшон, 20-бст.

<sup>2</sup> Фозилбек Отабек ўғли. Дуқчи Эшон воқеаси, 21-бст.

чуқурдан сұнгти манзил топадилар. Улар устига бир қатlam тупроқдан сұнг яна оxaқ солиб, тупроқни оxaқ билан аралаш қилиб зичлаб құмиб қуиши. Золимлар шунда ҳам күнгли жойига тушмай үша гүрлар олдига бир неча күн давомида ас-карлардан соқчи қуиши.

Жазо экспедициясинаң бошлиғи генерал Корольковга бу ҳам етмагандек рус императоридан бутун маxаллий халқни жазолашни илтимос қилди. Корольков эшон ва унинг муридларидан олинган интиқом етарли эмаслигини таъкидлаб, Мингтепадан Андіжонгача бұлған ерлардаги барча аxолини империяннің ичкари ҳудудларига сурғун қилишни тақлиф қилди. «Бу тадбир, — деб ёзған эди Корольков императорга, — сиёсий жиҳатдан фойдалы аxамият касб этиб, Фарғонадаги рус үнсуриннің кучайишига олиб келади. Бошқа томондан эса, сугориш ишлари олиб бориладиган Россияннің Европа қысмінде табиатан мироб бұлған ерліларни күчириб юбориш мазкур соxада салмоқлы самара келтиради»<sup>1</sup>.

Фарғона вилояті ҳарбий губернатори худди шұндай режа асосида иш тутиб, халққа империя ичкарисидан мужикларни бу ерга күчириб келтириш ва гуноxкорларнинг ерларини уларға тақсимлаб берішни расман зылон қилди. Мингтепа қишлоғи тұpға тутилиб, иморатлари ер билан яксон қилингандан сұнг рус мужиклари учун 450 хоналик турар-жой қурилиши лойиха-си режалаштирилди. Қурилиш ишларига маxаллий ахоли мардикор сифатида жалб этилди.

Воқеалар қатнашчиларининг гувоxлик берішича, Мингтепадаги эшон хонақохининг ўрнини текислаб, черков қилишга қарор қилинганд. «Орадан бир ой үтганды, ичкари Русиядан ниҳоят күп мужиклар келиб қолди. Буларнинг ҳар қайсиларига қарз ва ёрдам пули топиб беріб, шу Мингтепада тайёр ва план қилиб қуйғон жойларға хона жой беріб үрнаштирудар»<sup>2</sup>. Постелкага «Марxамат» номи берилди. Ҳаканддаги Авғонбоғ деган машхұр зироат тажрибагохидаги агрономни 18 май куни құзғолончилар үлдирғани учун ана шу жойдаги 500 хонадоннинг иморатлари, бөг-рөгләри ҳам текислаб ташланды. Қаршилик қылғанлар отиб үлдирілди. Андіжон шаҳрининг бөгу бүстони бұлған Ҳакан қишлоғи «Духовской майдони» деб аталған рус посёлкасында айлантирилди<sup>3</sup>. У ўзбеклар үртасида «Вайрон-вай-рона» номи остида ёмон отлиқ бұлиб қолди.

Түркістан генерал-губернатори подшо Николай II га йўллаған мактубида: «Құзғолончилар бизнинг уйқуда ётган 22 солдати-мизни үлдирғанларды учун бунинг хунига исёнчилардан 22000 кишига ўлим жазоси берилиб, 300 киши каторгага ҳукм этилди.

<sup>1</sup> ҮЗР МДА, 1-жамғарма, 31-рўйхат, 1144-иш, 339-варақ.

<sup>2</sup> Фозилбек Отабек ўғли. Дукчи Эшон воқеаси, 57—58-бетлар.

<sup>3</sup> Үша асар, 66-бет.

Күзголончилар раҳбари яшаган жой теп-текис қилиниб, у ерга 200 оиласи рус қишлоғи қурилди. Ҳудди шунингдек Андижон шаҳри атрофидаги Ҳакан, Хартум қишлоқларидан ҳам ерли аҳоли күчирилиб, уларнинг ерлари рус оиласирига берилди».

Империянинг Санкт-Петербургдаги олий ҳарбий-сиёсий доиралари генерал Корольковнинг Андижон күзголони баҳонасида Туркистон үлкасини ётпасига руслаштиришга доир бошқа ғояларига ҳам зўр қизиқиш билан қарадилар. Корольков императорнинг диққатига Урта Осиёни «тезкор усулда руслаштириш» бўйича бутун бир фаолият дастурини ҳавола қилди. Туркистон аҳолисининг маънавий-руҳий ҳолатига таъсир ўтказиш бу дастур моҳиятини ташкил этарди. Корольков ишни мусулмон оламида катта нуфузга эга мадрасалардан бошлашни таклиф қилди. Олий ўкув юртлари бўлган мадрасаларда рус тилини ўқитиш ғоясини илгари сурди. Бу фоят нозик ва қалтис тадбир зуравонлик билан эмас, аксинча, ихтиёрий, кўнгилли асосда амалга оширилиши мақсадга мувофиқлигини ўқтириди. Генералнинг фикрича, бунинг учун одамларда қизиқиш уйғотиш лозим. Шу мақсадда рус тилига давлат мақоми бериш, барча маҳаллий амалдорларга 5 йил мuddат ичидан давлат тилини ўрганишни, 15 йилдан кейин эса мансабга даъвогар кишилардан фақат русчани биладиганларни юзбоши, қози, оқсоқол ва мингбоши каби лавозимларга тайинлашни таклиф этди. «Бу тадбир, — деб ёзган эди генерал Корольков, — мадрасаларнинг эшикларини рус ўқитувчилари учун кенг очади. Ана шунда биз мадрасалар деворлари ортида нималар булаётганидан доимо боҳабар бўлиб турамиз»<sup>1</sup>. Империя маркази Корольковнинг ғоясини қизғин кўллаб-куvvатлади ва уни тезлик билан ижро-га қабул қилишни генерал-губернатор зиммасига юклиди.

1898 йил 6 ноябрда янги тайинланган Туркистон генерал-губернатори С. М. Духовской ҳарбий губернаторларга маҳаллий маъмурият рус амалдорлари билан ёзишмаларда рус тили давлат тили сифатида амал қилишини билдиришни ва бу тадбир муҳокамадан ўтқунча оқсоқол ва мингбошилар идораларига рус мিrzалари тайинланиши лозимлигини ўқтириди. Генерал-губернатор вилоятларнинг бошлиқларига эндиликда маҳаллий бошқарувдаги мансабларга фақат рус тилини билганларни тайинланажагини кенг тарғиб қилишни буюрди. Мустамлака маъмурияти, ўлка аҳолиси рус тилини табиий равишида ва ихтиёрий тарзда ўрганади дейиш хомхаёлдир, бунинг учун ҳам зўрлик, ҳам устамонлик даркор, деган хуносага келди. Генерал-губернатор вилоятларнинг ҳарбий губернаторларига юборган курсатмасида «Энди туземешлар рус ва фақат рус мактабида ҳар қандай фаолият учун зарур билим ва малакалар ўчогини кўришсин. Улар мадраса ва мактаблардаги билим эндиликда давлат ҳамда ижтимоий тузум-

<sup>1</sup> ЎзР МДА, I-жамғарма, 31-рўйхат, 1144-иш, 337-бет.

га яроқсиз әканлыгини ҳис қилишсін» дея русчаны ўзлаштирган мусулмонлардан барча соқаларда кенг фойдаланишни тавсия қилди. Ана шу фикрни Тошкентдаги эрлар гимназиясыда 1899 йил февралда бұлған шаҳар жамоатчилиги йигинида Туркистан генерал-губернатори ёрдамчиси генерал-лейтенант Н. Иванов очиқ айтди. У шаҳар бошлиқлари, мингбоши, қози ва бошқа мансабдорлар, мударрислар учун тарихда бириңчи марта ташкил этилган илмий-оммабоп маъруза кечасида мадрасаларда рус тилини предмет сифатида жорий этишни ҳам таклиф қилди. Иванов ва унинг каби жангари шовинистлар Андижон құзғолони бақонасіда ўзларининг дилларидаги ёвуз ниятларини ошкора амалға ошира бошладилар. Генерал Корольковнинг императорға тақдим этганды бу мактубида ўлка хотин-қызыларини ва болаларни русча ҳаёт тарзига ўргатиши алоқида ўрин эгаллагани бежиз әмас. «Туркистан ўлқасыда тарих томонидан олий миссия үтказышга чақырылған рус халқынинг шифокор аёллари», унинг фикрича, ўзбек хотин-қызыларининг «эркисиз, нурсиз ва хукуқсиз турмуш тарзига ўзға тушунчалар олиб киради ва бошқача интилишлар үйғотади». «Туземканинг, — деб ёзади генерал, — насроний аёл билан бир жойда яшashi, у билан доимий ва яқын алоқаси унда ўз ҳаёт тарзини рус аёллариникидек яхшилаш фикрини аста-секин үйғотади, насроний тасаввурларни сингдириб боради ва бу ҳол унинг ўз фарзандларини тарбиялаш жараённига ҳам таъсир күрсатмай қолмайди. Бундай аёлнинг ўғилем-қызылари мусулмон бұлмаганларға нисбатан муросасиз ва душман бўлмайди<sup>1</sup>. Шундай ишни муваффақиятли бажариш учун Корольков ўлқада хотин-қызылар амбулаторияларини қўпайтиришни таклиф қилади. Бунга яна қўшимча тарзда у Россиядаги аёллар монастирларини Туркистан аёлларига «православ рус қарашларини сингдириш учун» хизматга жалб этиш заруратини ҳам таъкидлаб үтади.

Андижон құзғолонидан кейин мустамлакачилар ўлкани русча ўзлаштириш сиёсатида ҳар қандай ниқобдан воз кечиб, очиқчасига зўравонлик йўлига үтдилар. Мусулмонларни русларга мажбурий равишда сажда қилдириш одатини расм қилдилар.

Чор амалдорларининг шафқатсизлиги ва ҳаддидан ошган зўравонлигидан мақсад Фарғона аҳолисининг жанговарлигини синдириб, бутун ўлкани қўркувга солиш эди. Марғилон туман-бошиси полковник Бряновнинг таъбирича, «Фарғонада доимо ғазовот ғояси йўлида ўзини ажабтовур жасорат билан ўлим бағрига отувчи марди-майдонлар қаердандир пайдо бўлиб қолади. Аҳолига рус таъсирини үтказиша Фарғона вилояти доимо орқада юради. Шунинг учун ҳам темир йўлни үтказиб биз тузем аҳолиси ўртасида қамалга тушиб қолишдан хавфсизаймиз».

<sup>1</sup> ЎЗР МДА, 1-жамғарма, 31-рўйхат, 1144-иш, 337-варак.

## **Мавзуға оид ахборот**

### **Сафдош**

Кирғиз күзголончи раҳбарларининг тақдири ҳақида бизда маълумот етарли эмас эди. Фозилбек Отабек ўғлиниң Чибел бўлис ҳақида қисқа бўлса ҳам ёзғанлари мақоланавис Алиназар Эгамназар берган маълумотга («Сиз билган Дұккин Шош», ҳужжатли қисса, Тошкент, 1994) тўғри келмайди. Масалан, Фозилбек ўз китобида Чибел бўлис эшон билан бирга осиб ўлдирилгани ҳақида ёзади. А. Эгамназар эса, осиб ўлдирилмаган дейди, аммо Чибел ҳақида унда ҳам маълумот йўқлиги сабабли бошқа бирон фикр билдиримайди.

Бизнинг Кугарт водийсига қилган сафаримиз бу воқеалар тафсилотини ўрганишда жуда мухим бўлди. Сафар чогида ёзиз олинган хотиралар билан бирга «Тұхтақул замондошларининг хотиралари» тўплами ҳам бизга анча кўл келди. Тўпламда атоқли кирғиз кўйчиси Тұхтақул Сотилғоновнинг кўзголон туфайли Сибирга сургун қилингани ҳақида хотира маълумотлари бор ва унинг сургундаги «ирларидан намуналар келтирилган. Шунингдек, ушбу тўпламдан жой олган, Сотқин Сасиқбоевнинг Чибел дўсти Бўлат Жиртақов ҳақидаги мақолосида ҳам биз учун мухим хабарлар келтирилган.

Шундай қилиб, ушбу тўпламда келтирилган ҳужжатли маълумотлар ва ўзимиз тўплаган хотиралардан Чибел бўлис ва дўстларининг тақдири ҳақида қимматли далиллар аникланди. Улар қўлга олингач, қўл-оёқларига кишан солинган ҳолда Бозорқўронда уч кун қамашиб сунгра, Андижонга олиб кетишган. Айни ўша кунлари Кетмонтепада Тұхтақул ҳам камалган экан. Қўлга олинганларни иккита аравага солишиб отлик аскарлар назоратида жунатишган. Кун иссиқ, йуллар чанг, чанқоқ ёмон азоб берарди, атрофдан сув тутмоқчи булғанларга ҳатто қаратмас ҳам эдилар, — деб эслайди Бўлат Жиртақов. Иккичи куни Андижонга етиб келишди ва уларни Андижон турмасига қамашди. Бўлат хотирасида турмада «бир неча кун бўлдик», — дейилган. Аммо Ади оға ва бошқалар хотирасида 33 кун камоқда булғани аник айтилади. Бирон ҳафтадан сўнг ён камерага яна одамлар олиб келишади. Ана шулар орасида Тұхтақул Сотилғонов ҳам бор эди. Улар Андижон турмасида бир-бирлари билан танишдилар. Бу кунлар Фозилбек Отабек ўғли ёзғанидек, Чибел бўлисни сўрок қилган кунларига тўғри келади. Бўлат хотирасига қараганда, турма хонасида тахминан 70—80 тадан маҳбус бўлган, ҳаво иссиқ ва дам, нафас олиш оғир бўлганидан бир неча одам ҳолдан тойған, улганлар ҳам бўлған.

(Сайфиддин ҳожи ЖАЛИЛОВ.  
«Салтанатни титратган кунлар»)

Чоризм 90-йиллардаги ҳалқ ҳаракатлари, хусусан, Андижон қўзголонидан тегишли хулоса чиқариб, 1886 йилда тасдиқланган «Туркистон ўлкасини бошқариш ҳақидаги Низом»га ўзгартишлар киритди. 1886 йилги қонун Туркистон генерал-губернаторлигини Туркистон ўлкасига айлантириб, «ҳарбий ҳалқ бошқаруви»ни «маъмурий-полиция бошқаруви»га айлантирган эди. Санкт-Петербург Ҳарбий вазирлиги ўлкада «ҳарбий ҳалқ бошқаруви»ни тасдиқлади. Туркистондаги мустамлакачиларга кенг ваколатлар бериб, уларга «ерли аҳоли ўртасида ҳар қандай норозиликни таг-туғи билан шафқатсиз босиш, бирон-бир душманлик ҳолати сезилса дарҳол уни ҳаракати кучаймасдан бўғиб ташлаш, тартибни бузувчилар ва уларнинг маслакдошларига

тегишли сабоқ бериш ва уларга құдратимизни күрсатиб қўйиш учун ҳар қандай чоралардан қайтмасликни» буюрди. Аммо Санкт-Петербург үлка халқарининг озодлик курашини тұхтата олмади, халқ янгидан күтарилиш учун кулай фурсат келишига тараддуд қўра бошлади.

Хулоса қилиб айтганда, XIX аср охиридаги халқ ҳаракатлари чоризмнинг Туркистондаги руслаштириш сиёсати кенг омма ўртасида чуқур илдиз отолмай жиддий түсиқларга дуч келганини күрсатди. Сайловлардаги «тартибсизликлар» халқнинг рус мустамлака истибоди тартибларидан норозилигини күрсатиб, омманинг исёнкорлик руҳи сўндирила олинмаганини намойиш этди.

Тошкент қўзғолони шаҳар оммасининг, Андижон қўзғолони қишлоқ аҳлининг ўртасида мавжуд тузумга қарши жиддий кучларнинг шаклланиб бораётганидан далолат берди.

Халқ ҳаракатларида диний, ижтимоий-сиёсий ва миллий-озодлик курашлари ўзаро уйғунлашган ҳолда намоён бўлди. Рус мустамлакачиларининг қатағонига қарамай эркесвар кучларнинг Туркистон үлкасида чуқур заминга эгалигини ва улар фурсати келганды яна күтарилишга қодир эканлигини кейинги воқеалар тасдиқлади.

#### 4. XX АСР БОШИДА РОССИЯ ИСТИБДОДИГА ҚАРШИ ХАЛҚ КУРАШИ

XX аср бошларыда үлкада халқ ҳаракатлари янги босқичга күтарилиди. Ана шу ҳолат Петербургда безовталиқ уйғотди. 1906 йил 31 декабрда империя Ички ишлар вазирлиги полиция департаменти Туркистон генерал-губернаторига йўллаган тавсияномасида «Сўнгги йилларда Россиядаги инқиlobий ҳаракат Туркистон үлкасида ҳам акс садо берганини» эслатиб, Ички ишлар вазирлигига тўпланган жосуслик маълумотлари үлкадаги ҳукуматга қарши ташкилотларнинг фаол иш кўраётганидан хабар берәётганини маълум қилди. «Туркистон үлкасининг ерли аҳолиси, — деб ёзган эди полиция департаменти, — ҳозирча тинчлик сақлаётган бўлса-да, бундай кайфият келгусида ҳам сақланиб қолишига ишонч йўқ»<sup>1</sup>. Полиция департаментининг бундай гумон қилиш учун етарли асослари бўлган. 1906 йил 12 сентябрда Тошкентнинг Жомеъ масжидида рўй берган воқеа бунга далиллар. Бу ерда Тошкент шаҳар думасига ноиблар (гласный) сайлови бораётган пайтда Себзор даҳасида яшовчи Маҳдихўжа Хорунхожинов деган киши маъруза қилиб, сайловни барбод қилишига чақирди. У ноибликка фақат бойлар сайланыётганидан норозилигини очиқ айтди. Сайловчилар унинг

<sup>1</sup> ЎЗР МДА, 2-жамғарма, 31-рўйхат, 367-иш, 2-варақ.

сұзларидан ҳаяжонга тушдилар. Шаҳар думаси оқсоқоли ва по-лиция пристави Маҳдихұжани тартибға чақиришади. Кейин миршаблар ёрдамида уни масжиддан чиқарып юборишга ури-нишади. Маҳдихұжа «дод» солиб одамларни ёрдамға чақиради. Бешёғоч даҳасида яшовчи Султонхұжа Иноғомхұжаев унга ён босиб, одамларни тарқалмасликка ва Маҳдихұжанинг сұзлари-ни тинглашға даъват қиласы. Полиция пристави ёрдамчиси Мирецкий унга дархол масжиддан чиқып кетишни, акс ҳолда иккаласини ҳам қамоққа олишини айтади. Шунда Султонхұжа дадиллик билан, полиция вакили сира күтмаган тарзда, рус тилида жавоб қайтаради: «Қамоққа олсанг, олавер! Уч кундан ортиғига ҳақинг йўқ! 7 кунга фақат полицмейстергина қамаши мумкин». Довдираб қолган Мирецкий Султонхұжадан яна бир қанча гапларни эшигадики, улар үзбекларни одам ўрнида күрмайдиган пристав ёрдамчисини ҳайратта солади. Султонхұ-жа унга үзининг дунё кезганини, чет элларда бұлғанини ва қонунни ундан кам билмаслигини айтади. Бу ерга йиғилған халқ қизиқиши билан уларнинг атрофига түплана бошлайди. Саросимага тушган Мирецкий ёнидаги миршабга бу ерга күшимчә күчлар чақиришни буюради. Шу вақтда Маҳдихұжа халққа қарата хитоб қиласы: «Мусулмонлар! Мен генерал-гу-бернаторга, шаҳар бошлиғи ва полицмейстерга аризалар ёздим, лекин улардан биронтаси ҳам шикоятларимга қулоқ солмади. Мен солиқлар остида эзилиб ётган халқ учун қайтураман. Биз-га Думанинг кераги йўқ, унга нуқул бойлар тушади. Улар халқ учун қайғурмайдилар, балки мансабга миниб бойишни ўйлаша-ди. Бизни ўтинг учун, беда учун, пичан учун, қўй сўйганимиз учун ҳамма-ҳамма нарсага солиқлар солиб, чирмаб олишган». Халойиқ унинг гапларини маъкуллаб, ҳаяжонга келабошлаганини кўрган Мирецкий Маҳдихұжани миршаблар ёрдамида четга судрай бошлайди. Шунда Султонхұжа чопиб уларнинг олдига боради ва қандайдир қофозни Маҳдихұжага тутқазади. Маҳдихұжа қофозга имзо чекиб, одамларга ўз номидан Султон-хұжа иш юритишини маълум қиласы. Масжидга түпланган 200 дан зиёд одамларга қарата Султонхұжа оташин маъруза қиласы. Полиция баённомасида қайд қилинишича, у «Мусулмонлар! Ҳеч нарсадан кўрқманглар, ҳеч кимга қулоқ солмай, тарқалиб кетманг. Мен сизларнинг фойдангиз йўлида ўз бошимни кур-бон қиласын. Майли, мингта казак келса, кела қолсин. Бар-бир ҳеч нарса қилиша олмайди», деган ва қўлини фотиҳага очган: «Олло таолонинг ўзи менга мададкор бўлсин! Ўзи менга куч-кувват ато этсин». Оломон унга фотиҳа берган: «Парвар-дигорнинг ўзи сенга мададкор бўлсин! Азиз авлиёлар ёр бўлсин!» Воқеани кузатиб турган миршаб Мирвали Миркамо-лов атрофдан миршабларни ёрдамға чақирган. Шу пайтда тур-ган кишилардан бири уни полиция пристави ёрдамчиси олди-дан суриб чиқарып, юзига шапалоқ тортади. Жунбушга келган

одамлар «Итвачча, нега ҳұштагингни чалдинг?», — дей калтаклаша бошлашади. Шу вақтда масжидға полицмейстер подполковник Н.Н.Караулшчиков катта-кичик амалдорлар ва бир тұда миршаблар ҳамроҳлігіда кириб келади. У одамларга хитоб қилиб турған Султонхұжаны қамоққа олишни буюради. Полицмейстер буйруғига жавобан Султонхұжа унға қарата дадил жавоб қиласы: «Мени ҳеч ким ҳибсга олишга ҳақи йүк, полицияхонага бораверинг, керак бұлса, мен ҳам үша ерга бораман»<sup>1</sup>.

Подполковник Караулшчиков халойиқни миршаблар ёрдамда тарқатиб, Маҳдиҳұжа ва Султонхұжаны ҳибсга олади ва бозор томон олиб кетади. Шунда каттагина оломон уларни озод қилиш ниятида орқадан әргаша бошлайды. Құрқиб кетған полицмейстер тұппончасини чиқариб, ким қаршилик күрсатса, ўқ узишини айтади. У шаҳар бошқармаси аъзоси Бокижон Даражонбоев ва оқсоқоллар ёрдамида халойиқни тарқатишга ва тинчлантиришга уринади.

Султонхұжа ва Маҳдиҳұжаны қамоқхонага олиб кетишигандан сұнг, кечқурун полицмейстер полиция ходимларидан ташвишли хабар олади. Қамоқхона бошлиғи Нечаев ҳибсга олинғанларни озод қилишгә уриниш булаётганидан хавфсираёттанини маълум қылған эди. Полицмейстер Караулшчиков шаҳар бошлиғига ёзған ахборотида Султонхұжа у билан күришганды, құлида Максим Горькийнинг «Муттаҳам» ҳикоясини күрганидан ажабланғанини яширмайды. Султонхұжа ундан қандай сабаб билан қамалғанини сұраб, айбы фақат ўз эшонини құллаб гапирганида, бойларға қарши кескин сұзлаганида эканлигини айтиб, шу бойлар халқын әзәётгәнлигини үқтирган. У отаси ва акаси давлатмандығини, ўзи эса русларнинг уйида хизмат қилиб бири икки бұлмаётганини айтған. Маҳдиҳұжа эса полицмейстерга үзининг полиция пристави ёрдамчисига құпоплик қылғанини тан олғани ҳолда, халққа очиқ ҳақиқатни айтмоқчи бұлғани, Тошкентдеги тұрт даңа қозисининг шариатта хилоф иш тутаётганини одамларға тушунтироқчи бұлғанини билдирған. Эртаси куни әрталаб подполковник Караулшчиков бу икки маҳбусни полиция бошқармасига олиб келганида Султонхұжа шу бошқармада иш юзасидан келган одамларға қарата нутқ сұzlайды. «Генерал-губернатор ва умуман олий ҳукмдорлар халқ пулини олаёттан бұлса ҳам, — дейди Султонхұжа, — уларни ўйламайды, хотиржам ухлайверади, камбағаллар эса азобда меҳнат қылаверади». Унинг гапларини бұлмоқчи бұлған Шайховандахур ва Бешеғоч даҳаси юзбошиларини кескин танқид қиласы.

Подполковник Караулшчиков бу икки чиқишиң тұхталиб, шундай холосага келади: «Уларнинг бошқармада менга ва

<sup>1</sup> ҮЗР МДА. 1-жамғарма, 4-рўйхат, 1053-иш, 42—43-вараИлар.

приставга муносабати қўпол бўлди... Султонхўжанинг халқ олдидаги ва бошқармада ўзини бундай дадил тутишини ўта сўл фирмалардан бирига мансуб русларнинг таъсири натижаси деб ҳисоблайман. Улар Султонхўжани ташвиқотчилик ишига тайёрлашган. Хурофотга ботган ва ақли заиф аҳоли орасида Маҳдихўжа ва Султонхўжа каби шахсларнинг пайдо булиши ва уларнинг гўё камбағаллар манфаати йўлида жонкуяр сифатида турлича ваъдалар билан халқ аҳволини яхшилашга қаратилган чиқишилари мутлақо кўнгилсиз ҳолатдир ва мулкдор синфларга нисбатан зўравонлик ва тартибсизликлар келтириб чиқариши мумкин»<sup>1</sup>.

### **Мулоҳаза учун маълумот**

#### **Аср мулкдори**

Тожимуҳаммад Исамуҳаммад ўғли савдогарлар орасида биринчи бўлиб Германия, Франция, Англия каби ривожланган мамлакатларга бориб, улардаги тижорат ишларини ўрганганд, биринчи бўлиб Москвада ўз тижорат фирмасини, Хельсинкида, Парижда, Петербургда, Харьковда ва бошқа йирик шаҳарларда шу фирманинг бир неча дўконини очиб, ўзбек савдогари шаъни юртимииздан узоқ-узоқларда ҳам ардокланишига муносаби чисса кўшган.

Тожимуҳаммад Исамуҳаммад ўғлининг 1900 йилда Парижда ташкил этилган халқаро кўргазма ва ярмаркага бориши, бу сафар чоғида Москва, Петербург каби рус шаҳарларидан ташқари Берлин, Лондон, Париждан олган олам-олам таассуротларини «Туркистон вилоятининг газети»нинг беш сонида эълон қилириши ўзбек савдогарлари ва маърифатпарварлари ҳаётида ҳали учрамаган ажойиб воеяда эди.

Аввало, шуни айтиш керакки, муаллиф ўз саёҳати санаси, йўналиши ва бошқа тафсилотлари хусусида кейинги авлодлар учун ғоят мўҳим бўлган аниқ маълумотлар колдиради: «1900 инчи йилда 10 инчи мортда камина Тожиддин Париж виставкасига бормоққа ирова айлаб, Тошканд шаҳридан вагон билан жўнаб, 11 инчи мортда Самарканд ва 12 инчи мортда Бухоро шариф шаҳарларидин ўтуб, Красноводга келиб, андин 15 инчи мортда оташ кема бирлан юриб, 16 соатда Боку шаҳрига чиқтим...».

«Саёҳатнома» муаллифи йўл давомида туғилган таассуротларини баён қила бошлар экан, факат савдогар сифатида эмас, балки ўз халқининг истиқболини ўйлаган етук зиёли сифатида ҳам Фикр юритади. «Қўлдан келган одамларга керақ ва лозим эканким, — деб гапни бошлайди Тожимуҳаммад Исамуҳаммад ўғли, — юруб, сайр ва сайёҳат айлаб, ҳар қайси обод ва улуғ шаҳарларни кўруб, ҳар илм ва ҳунарни маонийи фахм айлаб, ибрат кўзларини очар эдилар. Ушбу тарафларни ҳунарлари ва шаҳарларини обод бўлмоғи барчаси илм таълим олгонларидан экан».

Муаллиф Москва ҳақида мулоҳаза юритган ўринларда, аввало, элшунослидан, жуғрофия ва иқтисод илмларидан пухта хабардор мутахассис сифатида гавдаланади. Мана унинг синковлик билан олиб борган баъзи кузатишлари: «Москва шаҳрида бир миллион икки юз минг турғон одам бордур, деб айтадилар. Ҳар куни 120 мартаба оташароба келиб-кетар экан. Конъка, яъни от бирлан юрадурғон темир йўл ва электричество бирлан юрадурғон йўллар кўчаларда тайёр-муҳайёдир. Мундин бошқа 20 мингдан кўпроқ извошиқ ароба бор. Мошина ароба ва велосипед миниб

<sup>1</sup> ЎЗР МДА, 1-жамғарма, 4-рӯйхат, 1053-иши, 43-варақ.

юрган одамларни ва яхши магазинларни ҳисоби йўқ. Булар ҳаммаси илм ва хунар таълимларини ўкугандиндор».

Асл касби савдогарлик бўлган муаллифни, табиийки, тижорат ишлари, катта дўкондорлар фаолияти ҳам ниҳоятда кизиктирган. Шунинг учун бўлса керакки, Москвадан бошлаб, Петербург, Берлин, Лондон, Париж шаҳарлари тасвирида масаланинг бу жиҳатларига алоҳида эътибор беради, оврупалик савдогарлар фаолиятини ўз ҳамюртлариники билан қиёслаб, ўқувчини ўйлашга, янги режалар тузишга мажбур қиласди.

1906 йил 27 апрелда Россия парламентининг биринчи мажлиси очилиши бутун Европанинг диққатини жалб этган воқеа бўлди. Энди деярли 300 йил танҳо ҳукмронлик қилган Романовлар сулоласининг даври тугаб, янги замон бошланмоқда эди. Биринчи рус давлат тұнтариши подшолик Россиясининг мутлақ ҳокимиятини заифлаштириб, ҳокимияттаб янги сиёсий кучларга имкон яратган. Дума иш бошлаганига беш кун бўлганда подшо фармони Тошкентга юборилди. У «Еттисув, Каспийорти, Сирдарё, Самарқанд ва Фаргона вилоятларида Давлат Думасига сайловлар ҳақидаги ҳолатни ва унга қўшимча қонун-қоидаларни кўллаш ҳақида қоидалар» деб аталди.

I Давлат Думаси сайловида қатнашиш учун худди Санкт-Петербургда бўлганидек, Тошкентда ҳам Дума фракциясининг «мехнатчилар гуруҳи» тузилди. 1906 йил май ойида «Мехнатчилар гуруҳи Бюроси» ташкил этилиб, у ўз дастурини эълон қилиди. Бюро котиби конституциявий — демократлар (қисқача кадет) фирмаси аъзоси адвокат Н.И.Закаменний эди.

РСДРПнинг Тошкент гуруҳи, эсерлар ва «Халқ тараққиёти фирмаси» сайловда ўз номзодлари учун кураш бошладилар. Сайлов 1906 йил августда ўтказилиши лозим эди, аммо марказда I Дума тарқатиб юборилгач, бу тадбир 1907 йил февралда — II Давлат Думасига сайловлар билан баробар бошланди.

Сайловлар рус мустамлака истибдодининг устунлари нураб бораётганидан, ўлка ижтимоий-сиёсий ҳаётида мураккаб давр бошланиб, ҳокимияттаб янги кучлар тарих саҳнасига чиқаётганидан дарак беради. Муҳими, мазлум халқ ўйғона бошлади. Мустамлакачилар танлаган ўта миллатчи ва маҳдуд, руспараст номзодлардан биронтаси ҳам етарли овоз ололмай, мағлуб бўлдилар. Сайловда мавжуд подшолик тузумига қарши кайфиётни ифодалаган социал-демократлар (большевик ва меньшевиклар), социал-инқилобчилар (эсерлар) ва кадетларнинг уюшмаси бўлмиш «Тараққийпарвар сайловчилар гуруҳи» ютиб чиқди. Тошкентдан Дума аъзолигига маҳаллий аҳоли ўртасида «Жаҳонгир домла» номи билан машхур бўлган В. П. Наливкин сайланди. Ўлканинг туб аҳолиси бўлмаганлардан 2 социал-демократ, 1 социал-инқилобчи, 2 «мехнатчи» (трудовик), 1 фирмасиз сайланди. Тошкентлик туб аҳоли ўртасидан уламо Абдурауф қори Абдувоҳид Қориев, Самарқанддан савдогар Тошпӯлат Абдухолиқов, Фарғонадан савдогар Муҳаммаджонов, Сирдарёдан чорвадор бой Т. Оллаберганов, Еттисувдан муҳан-

дис Мұхаммаджон Тинишибоев, Каспийорти вилоятидан подполковник Махтумқулихон сайландилар<sup>1</sup>. Бу ғалаба Тошкент шаҳар оқсоқоли сайловида подшо генераллари эмас, балки шаҳар зиёлиларининг вакили Н.Г.Маллицкийнинг күп овоз олишига замин яратди.

Туркистан генерал-губернатори маҳкамасининг маҳсус бўлим бошлиғи лавозими билан ниқобланган, аслида эса сиёсий ишлар бўйича марказ иродасини амалга оширувчи Алоҳида жандармлар корпуси подполковниги Н. А. Васильевнинг ва генерал-губернатордан мустақил тарзда иш юритувчи, империя Ички ишлар вазирлигининг муҳтор вакили, расман Туркистан маҳфий сиёсий полицияси бошлиғи лавозимидағи Леонид Квицинскийнинг Туркистондаги сайловларда рус жамиятидаги янги сиёсий кучлардан ташқари туб аҳоли ўртасида салмоғи кучайиб бораётган ўзбек буржуазияси ва зиёлиларининг амалий нуфузига муносиб баҳо беришдан бошқа чораси қолмаган эди. Бинобарин, улар ўз эътиборини Туркистан халқлари миллий-озодлик ҳаракатининг кучайишига таъсир кўрсатаётган рус инқилобий фирмаларидан қай бирларининг хавфли эканига қаратишиди. Шу жиҳатдан, уларга РСДРПнинг Туркистан ташкилотлари конференциялари хужжатлари бой далилий манба бўлди.

1906 йилнинг февралида РСДРП Туркистан ташкилотларининг биринчи конференцияси бўлиб, унда Тошкент, Самарқанд, Марғилон, Ашҳобод, Қизил-Арват, Чоржўй ташкилотларининг вакиллари қатнашдилар. Таъсис йўналишига эга бўлган ушбу конференцияда бир неча ташкилий масалалар кўрилли. Жумладан, маҳаллий фирмә гуруҳлари ташкилотларга айлантирилиб, «РСДРП Туркистан ташкилотлари иттифоқи»га бирлаштирилди. Конференцияда РСДРП Тошкент гуруҳи таркибидан «Иттифоқ қўмитаси» сайланиб, унга адабиётлар нашр этиш, ташкилотларга ташвиқотчи кучлар билан ёрдам бериш, ишларни ўйғунлаштириш, марказий ташкилотлар билан алоқа ўрнатиш масалаларига раҳбарлик қилиш вазифаси юқлатилди. Конференция РСДРП Тошкент гуруҳи газетаси «Рабочий»ни РСДРП Туркистан ташкилотлари иттифоқи органига, «Солдатский листок — Правда» газетасини эса Туркистан ўлкаси барча ҳарбий инқилобий ташкилотларининг органига айлантириди. «1-Туркистан конференцияси ҳақида Билдириш» деб номланган нашрда конференция жойлардаги барча ўртоқларга тузем пролетариатига алоҳида эътибор бериш, улар ўртасида кенг йўсинда социал-демократик ташвиқот олиб бориш таклиф қилинади», бу ташвиқот оғзаки ҳам, ёзма — варақа шаклида ҳам, шарт-шароитга қараб амалга оширилсин», дейилган.

Сиёсий полиция агентлари социал-демократларнинг бу

<sup>1</sup> ЎЗР МДА, 17-жамғарма, 1-рўйхат, 22655-иш, 374-варақ.

қарори қофозда қолиб кетганини ва уларнинг Туркистон мусулмон аҳолиси ва ишчиларидан ташқари, ҳунармандлар, айниқса, кўпчиликни ташкил этган деҳқонлар ўртасида деярли ҳеч қандай ташвиқот юритмаганига ишонч ҳосил қилишади. Улар социал-демократлар органи бўлган «Солдатский листок—Правда»да босилган «Ишчилар нима истайди?» деб номланган мақолада қўйилган масалага алоҳида диққат билан қарашади. Зотан, бу мақолада социал-демократлар миллый масалада миллатларнинг ўз ҳукуқларини ўзлари белгилашлари, миллый давлат тузиб, Россиядан мустақил бўлишларига кафолат беришни ёқлаганлари ҳолда, бу эркинликнинг фақат Европа миллатларига оид эканлигини уқтирганлар. Ҳусусан, унда поляк, литва, фин, яхудийлар эслатилиб, Туркистон халқлари эса мутлақо тилга олинмаган. «Рус халқини талаган ва эзган ҳолда, — деб ёзилган эди ўша дастурий мақолада, — ҳукумат поляклар, литваликлар, финлар, яхудийлар, грузинлар, арманлар ва бошқа рус бўлмаган миллатларни жуда қаттиқ зэммоқда... Барча миллатлар ишчиларининг манфаатлари бир хил: рус, фин, поляк ҳамда яхудий ишчилари ўз манфаатларига кўра, бир-бирлари билан рус ишчиси ва рус капиталистларига қараганда яқинроқдир<sup>1</sup>. Туркистон социал-демократлари ўлкада яшовчи фин, поляк ва бошқа миллатларга нисбатан ҳам қаттиқ зэйлган ўзбек, қирғиз, туркманларни тилга олмаганликлари уларнинг ҳеч қачон ўлка туб аҳолиси манфаатини ўйлаб, жиддий иш тутмаганлигидан, аниқроғи, ҳокимияттабу бу фирманинг ҳам мустамлакачиликдан воз кечгиси йўқлигидан далолат беради.

Афтидан, маҳаллий аҳоли подшодан ҳокимиятни тортиб олишда ёрдамчи — қора куч бўлишини кўзда тутмаган эди. Шунга кўра, Васильев ва Квицинский эсерларнинг узоқни кўзлаб, маҳаллий миллатлар ўртасида кенг кўламда иш бошланганиклиридан воеқиф бўлдилар ва айнан шу фирмага нисбатан кескин чоралар кўра бошлалилар.

1906 йилдаги воқеалар тадрижидаги эсерларнинг нуфузи социал-демократларницидан қолишмаган. Улар 1 май муносабати билан бир неча варага ва хитобномалар чиқардилар. Тошкент Бош темир йўл устаҳонасидаги иш ташлаш ва унинг ғалаба билан тугашида, шубҳасиз, шу фирмаларнинг роли катта бўлган. Полиция, казаклар, ҳарбий қисмлар тазиёки темирйўлчилар иродасини бука олмагани, маъмуриятнинг уларга тўла ён бериши бутун ўлкада Тошкент темир йўл устаҳонасининг обрўсини кутариб уни «Ишчилар қатъаси» номи билан машҳур қилди. Ўша йили оммавий иш ташлашлар бошқа саноат корхоналарида ҳам кенг тус олди. 1906 йил 29 июнда Тошкент темир йўлчилари ишчи ноиблари кенгашини ташкил қиладилар.

<sup>1</sup> Писковский А.В. Революция 1905—1907 гг. в Узбекистане. Ташкент, 1957. 177—178-бетлар.

Уларнинг эндиғина шакланиб келаётган маҳаллий ишчилар синфининг жисплашишига таъсири катта бўлди. Масалан, Тошкентдаги Дюршмидт ичак-тозалаш заводида бир ишчининг бушатилишига қарши норозилик тариқасида 13 ўзбек ишчиси иш ташлагани ана шундан далолат беради. Эсерлар 1906 йил 3 июлда Тошкентдаги сапёрлар кўзголонида ва уларга кўшилган Туркистон ва Каспийорти темир йўл батальонлари исёнида асосий роль ўйнадилар. Ўлкада пайдо бўлган касаба уюшмалирида эса социал-демократлар таъсири салмоқли бўлди. Махсус бўлим уларни «Янги ишчи ноиблари шўроси»<sup>1</sup> деб атади.

Ички ишлар вазирлиги Полиция департаментининг сиёсий бўлими бошлиғи Васильевга шу ишлар юзасидан маҳфий тер-гов үтказишни буюргани бежиз эмас эди. Марказ Туркистон генерал-губернатори Д. И. Субботич (1852—1920)дан норозилигини яширмай, уни Петербургга чақириб олгани Васильевга аён эди. Субботич подшо генераллари ўртасида жанговар ўтмиши билангина эмас, балки илгор фикрлари ва табиатан юмшоқ кўнгиллиги билан ҳам ажralиб турарди. У лавозимига тайинланган кундан эътиборан иш ташлаган ишчилар, фирмаларнинг вакиллари билан музокаралар олиб бориб, ишни тинчлик, муросаю мадора билан ҳал этиш сиёсатини юритган эди. Социал-демократлар таъсиридаги «Русский Туркестан» газетаси бу ҳақда шундай ёзган: «Генерал Субботич порох ҳидига тўйинган мундир кийган. Аблаҳ тұхматчиларга бу камлик қилди. Улар генерал Субботич ўз мундирини ҳалқ қони билан бўяшини истаган эдилар. Агар бирор она унинг номини лаънат билан тилга олмаса, агар у биронта ҳам дор курмаган бўлса, қуллари эса манфур инқилобчиларнинг қони билан бўялмаган бўлса, у қандай қилиб генерал-губернатор бўлиб қолади».

Бош вазир П.А.Столипиннинг буйруғига кўра, Ўрта Осиё истилосида фаол иштирок этган инфантерия генерали Н. И. Гродеков генерал-губернатор лавозимига тайинланди (1906—1908). Ўрта Осиё темир йўли жандарм-полиция бошқармаси бошлиғи генерал Малихин истеъфога чиқарилиб, ўрнига полковник князь Микеладзе тайинланди. Вилоят ҳарбий губернаторларининг таклифлари инобатга олинниб, ўлкада ҳарбий миршаблик ҳолати жорий этилди. Янги генерал-губернаторнинг буйруғига мувофиқ, Ўрта Осиё темир йўли тармоги унга ёндош шаҳарлар билан З ҳудудга бўлинниб, уларга вақтли генерал-губернаторлар тайинланди. Биринчи ҳудудга Каспийорти вилояти бошлиғи, генерал-лейтенант Карцов, иккинчисига Туркистон казак дивизияси қўмондони генерал-лейтенант Греков, учинчисига эса 1-Туркистон армия корпуси қўмондони, генерал-лейтенант Шпицберг вақтли генерал-губернатор қилиб

<sup>1</sup> ЎзР МДА, 461-жамғарма, 1-рўйхат, 984-иш, 1-варақ.

тайинланли. Марказ Туркестон ўлкасини руслаштириш жараёнини янада кучайтириш борасида кескин ўзгариш ясашни лозим топади. Баш вазир ва Ички ишлар вазири П. А. Столипиннинг буйргугига мувофиқ, рус мужикларини оммавий равишда Туркестонга кўчириш учун «Сирдарё тумани кўчирув бошқармаси» ташкил қилинди.

Бу даврда маҳаллий аҳолига тегишли ерларни зўрлик билан тортиб олиш ва кўчириб келтирилган рус дехқонларига тақсимлаб бериш жараёни кучайди. Мустамлакачиларнинг бебошлиги шу даражага бориб етдики, бу, ҳатто иккинчи чақириқ Давлат Думасида ноибларнинг норозилик билан чиқишига туртки бўлди. 1907 йил 17 апрелда Таврия губернияси ноиби Дума минбаридан туриб, «Кўчирувчилик сиёсати қаёқса олиб боради?» деган савонни ўртага ташлаб, шундай хитоб қилди: «Бурчимиз шуни тақозо қиласди: Етар! Туйгуларни жунбушга келтириш етар! Ўрта Осиёда зиддиятларни ёқиб, аланга олдириш етар!» Урал вилояти ноиби ҳам уни қўллаб, чоризмнинг рус мужиклари талабларидан қутулиши учун уларни Урал, Сибирь ва Ўрта Осиё ерларига кўчириш сиёсатини кескин танқид қилди. Аммо Столипин ўзининг ер ислоҳоти сиёсатининг бутун оғирлигини мустамлакаларга кўчириб, ўша жойларда мулкдор рус табақасини шакллантириш йўлидан қайтмади. Туркестонда руслаштириш сиёсатини кучайтиришга алоҳида эътибор берди.

### **Мавзуга доир мулоҳаза**

#### **Жаҳолат асоратида**

Республика, вилоят давлат архивларида бутун-бутун қишлоқ меҳнат-кашларининг янги ариқ чиқариш, мавжуд ариқларни тартибга солиш, дарё, сойларга тўғонлар куришни сўраб ёзган ариза, талабномалари кўплаб сақланган. Аризаларни караб чиқиш учун аввал улар рус тилига таржима қилинар эди. Вақт эса ўтиб борар, масала ҳал булгунча дехқонлар азоб чекарди.

Ўлка эҳтиёжлари қондирилмай, секин-аста қашшокланиш бошланди. Анъянавий ҳалқ таълим мининг энг муҳим воситалари ҳисобланмиш ислом дини таълимотига асосланган мактаб ва мадрасалар фаoliyati чеклаб кўйилди. Бир вақтнинг ўзида янги кучиб келган ўрис маҳалла ва қишлоқларида христиан черковлари — бутхоналар қурилди. Ҳатто Н. Остроумов деган ашаддий жоссус масихий «Инжил» китобини ўзбекчага таржима қилиб тарқатди...

Шаҳар ҳокимлари, қози ва бошқа амалдорлар, имомлар ва мактабдорларни чакириб, масжидларда намоздан сўнг оқ подшоҳнинг номини дую қидиришга бўйруқ бердилар.

Фозилбек Отабек ўғлиниң ёзишича, бирон мусулмон кўчада ўтиб кетаётган уезд бошлиги ёки приставни кўрмай қолиб ўрнидан турмагани ва салом бермагани учун, охранкалар қайтиб келиб уни калтаклаган, ҳатто қаматган. Андижон ҳокими айрим мұтабар одамларни: «Менга салом бермадинг», деб ҳақорат қилган, гап қайтарса бир неча кунга қаматган.

Ички сиёсатдаги бу ишлар икки мақсадни күзлаб қилинар эди. Бири — маҳаллий мусулмонлар эътиқодини сусайтириб, диний ибодатларни ичдан емириш ва шу йўл билан ўлкада христианлик диний ҳуқукларни карор топтириш. Иккинчи мақсад — босқинчи ўрис подшохи ва унинг оиласига эҳтиром билдириш орқали, кейинча ССРДа тута ғалаба қилган ғоя — маҳаллий халқни «улуг рус» халқини эъзозлашга ўргатиш ва шу йўл билан халқимизнинг ўзлигини унудигина унудаш.

Бундай сиёсат оқибатида ўлкада аста-секин маънавий қашшоқлик бошлианди. Мустамлакачилар халқни гурмоҳлиқда сақлаш учун ислом дини даъватига қарши ахлоқсизлик, нопоклик одатларини ёйдилар. Элни масиҳийликка тортиш, ўта нозиклик билан руслаштириш сиёсатини юргизмоқчи бўйдилар. Қадимий шаҳарларимизнинг чекка жойларида Россияяда одат булган разил ишлардан бири — исповатхоналар очилди. «Янги шаҳар» деб атальмис ўрислар яшайдиган обод жойларда ичкилихоналар ташкил қилинди. Бу касофат баъзи имони заиф мусулмонларни ҳам ўзига тортдики, ўша даврдан бошланган ичкилиқбозлилар шўролар ҳокимияти йилларида ҳамма ёкни қамраб олди. Энди эса бундан кутилишнинг асло иложи бўлмаётир.

Шаҳарларда янги очилган кўчаларга рус подшоҳлари-ю, ўрис генералларининг номлари қўйилди. Кейинчалик ўлкага Темир йўл тортилгач, барча бекат номлари ҳам руслаштирилди. Ном қўйишдаги бу янглиш ишлар мана энди мустақилликка эришилгандан кейингина тугатила бошлианди.

Буларнинг барчаси маҳаллий халқ оммасининг икки табақасига, айниқса, ёмон таъсир кўрсатади. Бири — меҳнаткаш халқ (авоминнос)нинг ўша даврдаги пири-устози бўлмиш ислом динимизнинг олий табақали пешволарига азоб берәётган эди. Маҳаллий мударрислар, диний олим-уламолар бундай кўргилиқдан руҳий азобда колдилар. Улар яхши билардиларки, Куръони Каримнинг бирон сўзи тугул, ҳатто бирон нуктаси, ҳарфуни тушириб қолдириш ҳам гуноҳи кабирдир. Ахир, қандай қилиб унинг маъносини бўзган холда янгидан нашр қилириб бўлади, қандай қилиб халқимиз онгига сингиб кетган Суфи Оллоёрнинг таълимий ғазалларини ўзгартириб бўлади. Наҳотки, жума намозларида оқ подшоҳ ва унинг оиласи номини хутбага қўшиб ўқитилса! Ичкилиқбозлилар, фохишибозликка, бошқа янги бетартиликларга қандай чидаб бўлади! Бунинг устига, мадрасалар иктиёридаги вакф ерларга ҳам тажковуз бошлианди. Бундай ерлар мадрасаса ходимлари ва талабаларнинг тириклилк манбаи эди. Бундай ерларни ҳукумат томонидан сотиб юбориш ҳақида кўрсатма булган эди. Натижада уламолар асосий даромад манбаидан ҳам ажralиб, иқтисодий жиҳатдан камбағаллашиши бошланган эди.

Чоризм ички сиёсати руҳий азоб берәётган иккинчи табақа — янги муаллимлар ва кўзи очилаётган ўшлар эдиларки, булар XX асрдан бошлаб шаклланган бўлғуси жадидлар тоифасининг дастлабки вакиллари эдилар. Улар янги очилган рус-тузем мактабларининг айrim тарақ-қийларвр муаллимлари ва ўша мактабни битирган ёш муллабачалар Русия босқинидан сўнг хаётда юз берәётган салбий ўзгаришларни, меҳнаткаш халқ ахволи ва қайфиятини синчковлик билан кузатишга кодир ўшлар бўлиб, кейинча илгор фикрли жадидизм ҳаракатининг фоллари ўша ўшлардан етишиб чиқади. Улар ҳоким тўраларнинг кўзидан йирокда юришга уринар, аммо рўй берәётган воқеаларни кўриб, ўзларини қўймоқча жой топа олмас эдилар. Уларда ҳукмрон тузумга қарши түғён бошланаётган эди. Улар факат битта нарсани — миллий истиқоллини, ўз халқининг порлок истиқболини ўлар эдилар.

(Сайфиддин Ҳожи Жалилов. «Салтанатни титратган кунлар». Тошкент, 1998, 16—19-бетлар)

## 5. НАМОЗ ПИРИМҚУЛОВ БОШЧИЛИГИДАГИ ДЕҲҶОНЛАР ИСЁНИ

Рус мустамлакачилари орасида «Намоз ўгри», халқ ўртасида эса «Намоз ботир» деб шухрат топган бу шахснинг фаолияти 1904—1907 йилларни ўз ичига олади. Намоз Пиримкулов ҳаёти ва фаолияти 1907 йилдаёқ халқ ўртасида достон бўлиб кетган эди. Халқ баҳиси Нурмон Абдувой ўғли (1862—1939) «Намоз» достонида уни афсонавий Рустам полвонга ўхшатган эди. Намоз Пиримқуловнинг ким, кимларга қарши курашганлигини у шундай таърифлаган:

Кечча-кундуз юргани дала-дашт бўлди,  
Ўттиз йигитларга ўзи бош бўлди,  
Николайга неча кун кенгаш бўлди,  
То ўлгунча Николай билан фаш бўлди,  
Намоздайин бир зўр ўтди жаҳонда.

Нурмон Абдувой ўғли Намозни кўрган ва у билан суҳбатлашган замондош сифатида унинг рус мустамлакачиларига қарши курашини шундай сатрларда ифода этган:

Бургутдайин қабогини уйгандир,  
Бор кучини билагига йикқандир,  
Тўрт ҳокимга ўзи ёлғиз теккандир,  
Намоздайин валломат ўтди жаҳонда.

Нурмон баҳси «тўрт ҳоким» деб Самарқанд, Каттақурғон, Жиззах ва Хўжанд туманлари бошлиқларини назарда тутган<sup>1</sup>.

Намоз Пиримқулов ва унинг сафдошлари ҳақида Самарқанд ва Тошкент округ судлари, муҳим ишлар бўйича терговчилари тўплаган «жиноий ишлар» 12 жилдни ташкил қилган.

Мустамлакачи маъмурларнинг Намоз ботир<sup>2</sup> ҳақидаги биринчи хужжати 1904 йил 15 октябрь билан саналанган. Унда айтилишича, Каттақурғон туманига қарашиб Даҳбед волости-нинг Оқтепа қишлоғида Қаршибой Рӯзибоев, Файбулла Рӯзибоев, Бекабой Ниёзбоев, Сайдиназар Соҳибназаров каби бухоролик етти савдогар 15 туялик карвони билан номаълум кишилар томонидан тұхтатилган. Уларнинг бошлиғи Қаршибойга қамчи босиб, ҳамроҳларига карвонни тинтуб қилишни буюради ва 720 танга, уч түнни олиб савдогарларни қўйиб юборади.

<sup>1</sup> Муродова Шаҳодат. XX аср бошларida Туркистондаги озодлик ҳаракатлари тарихи (Самарқанд вилояти мисолида), 114—150-бетлар.

<sup>2</sup> Ўзбекистон Республикаси Президенти И.А.Каримов 1999 йил 9 майда — Хотира ва қадрлаш кунида сўзлаган нутқида Намоз Пиримқуловни «Намоз ботир» сифатида тилга олган.

Қаршибой полиция приставига берган гувоҳлигига қароқчилар бошлиғи Намоз Пиримқұлов эканини айтади. Чунки, бундан бир ҳафта олдин йүлда тасодиған учрашганда Намоз ботир ундан 500 бөг беда көлтиришни илтимос қылған, лекин Қаршибой унинг бу илтимосини бажармаган. Намоз ботирнинг одамлари 1905 йил 10 майда Каттақұрғон бозоридан қайтаётган савдогарлар, чұпонлар ва деңқонларни ұраб олишади, лекин фақат савдогарларнинг пул ва молларини мусодара қилишади. Чұпон ва деңқонларнинг пуллари, отлари ва молларига эса құл ҳам тегизмай, құйиб юборишади.

Намоз ботирнинг тарафдорларидан бири Ҳамроқул Дұстбобоев құлға олинганда терговчига берган иқрорномасыла у асосан бозорчи савдогар — бойларни талаганлыгини тан олади. Улар пулларни сафдошларига тақсимлаб берган, моллар, буюмлар ва кийим-кечакларни эса камбағалларга бұлиб беришган.

Пристав Пётр Широков Намоз ботир тарафдорлари маҳаллий маъмурият вакиллари — волост бошқарувчилари, мингбoshiлар, қишлоқ оқсоқоллари, юзбошиларга доимо таҳдид солгани, уларни калтаклагани, үлдиргани ва мол-мұлкини тортиб олгани ҳақида баёнот беріб, шундай ёзади: «Қароқчилар уларни тутиб ушлаб бермоқчи бұлған қишлоқ маъмурларидан қат-тиқ үч олардилар. Халқ ҳам улардан құрқарди. Маҳаллий маъмурият эса улардан юрак олдириб қўйган».

Хўжа Аҳрор волости Оталиқ қишлоғида куппа-кундузи отда кетаётган қишлоқ оқсоқоли Муҳаммад Амин Назар Муҳаммаднинг олдидан бир неча куролланған киши чиқиб, отининг жиловидан тутган ҳолда оқсоқолни уриб ерга ағдаришади ва унинг 40 сүм пули, 100 Бухоро тангаси, икки тұнини олиб қўйишади. Арабхона қишлоғида бир неча киши мингбоши Хидирбоевга ўқ узишади. Қўққисдан узилган ўқ казаклар билан қароқчиларни ушлашга бораётган мингбоши Лутфулла Хўжаевни ҳам отдан қултади.

1906 йил июль ойида икки күн ичидә Намоз ботирнинг йигитлари чорвадор бой Худойназарни, Торариқ қишлоғида мингбоши Эшонқұл Азимовни, Ангрен волостида машхур савдогар Курбонбойни талашган. Құлға олингандардан бири халқнинг үзларига бұлған муносабатини сұроқ вақтида шундай изоҳлаган: «Биз қишлоқларда Намознинг ўртоқлари, ё танишлариникида, ёки мутлақо бегона кишиларнинг үйларida тұнаб қолардик. Бизга бошпана бериш хусусида ҳеч ким монеълик қылмаган, чунки одамлар Намоз ботирдан жуда ҳайиқишишган<sup>1</sup>. Каттақұрғон туманбошисининг гувоҳлиги ҳам шундай: «Намоз ўз ҳужумларидан сұнг, хавф-хатар пайдо бұлса, маҳаллий аҳоли

<sup>1</sup> ЎЗР МДА. 17-жамғарма, I-рўйхат, 14346-иш, 59-варақ.

ёрдамида яшириниб оларди. Аммо ҳеч кимдан унинг турган жойи ҳақида маълумот ололмаганимиз. Маълум қилишса ҳам. Намоз кетгандан кейин бўларди<sup>1</sup>. Намоз ботир ва унинг тарафдорларини халқ оммаси қандай ҳурмат қилгани, улар ҳақида турли афсоналар тўқигани ва ҳамиша мадад берганини Самарқанд вилоят ҳарбий губернатори генерал-майор Гескет ҳам тан олган эди: «Намоз доимо чопқир отлари ёрдамида таъқибдан қочиб кутуларди. Турли туманлардаги турли қишлоқларнинг аҳолиси унга бошпана берарди; одамларига, отларига қараашарди. Намознинг соқчилик хизмати аъло даражада йўлга қўйилган. Ҳар ёқда қўриқчи-даракчилари бор, аҳоли ўртасида ва ҳатто Самарқанд шаҳрида ҳам унинг жосуслари кўп»<sup>2</sup>. Маҳаллий маъмуриятда ҳам унга хайриҳо қишилар бўлгани дикқатга сазовордир. Чашмобдан хожи Турсун, Ургутдан Мирза Қобил, Сергелидан мулла Рустам, Даҳбеддан мулла Ҳамид, Ангордан Ҳикмат маҳдум Жунайдуллаев каби волост бошқарувчилари — мингбошилар Намозни зарур ахборот, қурол-яроғ ва ўқ-дори билан таъминлаб туришган. Намоз 1905 йилда 20 йигити билан 200 кишилик қуролли карвонга ҳужум қилган. Жом волостида юз берган бу воқеа Намознинг номини жуда машҳур қилиб юборган. Карвондан 25 милтиқ, отлар ва анчагина моллар ўлжа қилиб олинган. Ўша йили чорвалор бойлар карвони Жом волостининг Гумбаз деган жойида Намознинг ҳужумига учрайдилар. Карвонда бораётган Чирокчи ҳокимининг вакили Бухоро амирига аталган мактуб ва буюмлар билан Намоз ботирнинг қулига тушади. Китоб begi соқчилари билан 1905 йилнинг апрелида Намоз томонидан қуролсизлантирилади ва амир юборган жазо эскадрони ҳам тор-мор қилинади. Намоз ботир ва унинг йигитлари Бухоро остонасига бориб, амирга таҳдид солганлар. Улар ҳатто Афғонистон чегара-сигача борганлар.

Бухоро амири қушбеги Остонақубий додҳо орқали генерал-губернаторга Намоз ботир устидан шикоят қилгани ҳам дикқатга сазовордир.

1905 йилнинг октябрь ойида Намоз ботир Ҳўжаариқ волости бошқарувчиси Лутфулла Ҳўжаевнинг сотқинлиги туфайли Қоратери қишлоғида пристав капитан Голов томонидан қўлга олинади. Уни сўроқ қилиш материаллари, гувоҳларнинг кўрсатмалари ва терговдаги савол-жавоблардан шу нарса маълум бўладики, ўша 1905 йилда Намоз ботирнинг ёши 28 да бўлган. Ўрта бўйли, қора соқол, қора кўз ва хушбичим йигит бўлган. Ўйланган, фарзанди йўқ. Жар қишлоғида ҳовли-жойи ва ери бўлган. Касби-кори деҳқончилик. Икки марта қозилар суди томонидан жазоланган (сабаби айтилмаган). Йигитларининг

<sup>1</sup> Ўша ҳужжат.

<sup>2</sup> ЎзР МДА, 17-жамғарма, 1-рўйхат, 2968-иш, 91-вараИ.

үұртаса ёши 20—25 ёшда ва турли миллатларга мансуб бұлған<sup>1</sup>. 1906 йил 7 февралда Самарқанд округ суди прокурори Тошкент суд палатасининг прокурорига йўллаган ташвишли хабарида 2 февраль куни кечқурун вилоят турмасидан лаҳм орқали Намоз ва 50 маҳбус қочгани, уларга маҳаллий аҳоли ёрдам бергани, Холбек Ҳўжаяёров, Тожиқул Имомқулов ва Абдувоҳид Абдусодиқовлар эса 2 февраль куни кечқурун турма девори ёнига отларни келтиришгани ва шу отлар ёрдамида маҳбуслар қочиб кетишга муваффак бўлгани маълум қилинган.

Намоз Пиримқуловнинг қамоқдан қочгач, ўз фаолиятини янада кенгроқ қулоч ёйдириши мустамлака маъмуриятини жуда чўчишиб юборди. Империяни ларзага солаётган сиёсий курашлар шароитида Туркистон дәҳқонларини қўл остида бирлаштиришга қодир бўлған бу шахс рус ишчилари ва инқилобчиларидан ҳам даҳшатлироқ эди. Шу сабабдан Намоз ботирнинг ишига шахсан Туркистон генерал-губернатори Н.И.Гродековнинг ўзи эътибор берди. Унинг энг яқин сафлошлари — Россия турмалари ва Сибирь сургунидан қочган Абдуқодир ҳожи Отауллаҳўжаев, Қобил Тошпўлатов, Ҳулойназар Тошмуҳамедов, Жўра Жиянов, Жалил Улугмуротов, Ҳотам Каримов, Абдуназар Ҳожиназаров, Турсун ва Карим Устаназаровлар иши бошқа «қароқчилар» ишидан ажратиб олиниб, хавфли жиноятчилар сифатида Тошкент округ судининг алоҳида мұхим ишлар бўйича терговчисига топширилди.

Намоз бошчилигидаги қасоскорлар гуруҳига қарши мустамлака маъмурияти ўзининг синалган айғоқчиларини юборди. Шундай иғвогар жосуслардан бири Ширин Мұхамедов бўлиб, у шу даражада «намозчи» бўлиб кетдики, казаклар билан отишмаларда барча ҳужумларда ўрнак кўрсатгани учун юксак ишонч қозонди. У қўлга олинганида рус маъмурларидан баъзилари ҳатто Ширин Мұхамедовнинг рус жосуси эканлигини билмай, унга қаттиқ жазо беришни талаб қилишган.

Намоз ботирга қарши Туркистон жанговар казак дивизияси қисмлари юборилди. Лекин, Намоз ботирнинг уруш кўрмаган, ҳарб илмida тажрибасиз йигитлари жуда кўп тўқнашувларда довдираб қолмай, партизан уруши услубларини қўллаб, казакларни доғда қолдиришди. Ҳалқ қасоскорларига қарши 2-Уральск казак полки ҳам ташланди. Туркистон ҳарбий округи штабининг 1905—1907 йилларга оид ҳужжатларида ва «Туркестанские ведомости», «Туркистон вилоятининг газети» саҳифаларида Намоз ботир ва сафдошларининг миришаблар, аскарлар ҳамда казаклар билан жанг жадалларига оид қизиқарли маълумотлар кўп. 2-Уральск казак полки зобити хорунжий Казанцевни орден билан мукофотлаш учун берилган тавсияномада унинг жасорат кўрсатгани таъкидланади. Бу «жасорат» Намоз

<sup>1</sup> ЎзР МДА, 130-жамгарма, 1-рўйхат, 2968-иш, 209-варақ.

ботир билан бўлган жангларда қатнашгани учун қайд этилган эди. 1-Туркистон казак дивизияси қўмондони Самарқанд ҳарбий губернаторига 1907 йил 30 январда йўллаган ахборотида «Намоз ишига муносабат доирасини анча кенгайтириш лозимлиги» уқтирилгани бежиз эмас. Казак генерали Намоз ботирни бутун вилоятнинг осойишталигини остин-устун қилган шахс сифатида баҳолайди<sup>1</sup>.

Туркистон генерал-губернатори «ўзбек Дубровскийси» бўлмиш Намоз Пиримқуловни тутиш ишини ташкил қилиш операциясиша шахсан Самарқанд вилояти ҳарбий губернатори нинг ёрдамчиси, полковник Сусанинни жавобгар қилиб тайинлади. Операция муваффақиятини таъмин этиш ишига ўз навбатида Бухоро амири, рус армиясининг кавалерия генерали Саид Абдулаҳадхон ҳам кириши. 1907 йил март ойида генерал-губернатор маҳкамаси полковник Сусанинга Намоз ботир операцияси учун маҳсус қўшимча маблаг ажратди. Самарқанд ҳарбий губернатори генерал Гескет 28 майда 2-Уральск казак полки командирига операция мутлақо маҳфий тарзда бошланишини хабар қилиб, казакларни подполковник Сокольский ихтиёрига юборишни буюрди. Бухоро чегарасида 12 та пистирма, Самарқанд ва Каттақўрон туманларида 10 та кузатув пистирмалари қўйилди. Бухоро амирининг амри билан барча йўлларга кучайтирилган сарбоз қисмлари жойлаштирилди. Намозчилар тенгсиз жангларда талафот кўриб, чекинишга уриндилар. Лекин қўршов ҳалқаси тобора торайиб борарди. Намоз ботир билан йигитлари таъқибдан кутулиб, ҳар ёқقا тарқалиб кетгани ва етакчининг ўзи хиёнаткорона ўлдирилгани ҳақида икки хил тахмин бор.

Жазо отрядларидан бирига командир бўлган Самарқанд туманбошисининг ёрдамчиси подполковник Сокольский ҳарбий губернаторга 1907 йил 3 июнда Намоз Пиримқулов Туркман, Қобил, Норбобо, Кенжа, Аликул ва Бердикбек каби яқин дўстлари билан 25 май куни таъқибдан кутулгандан сўнг Бухоронинг Зиёвуддин беклигига қарашли Тошқудук ортидаги Қорача тоғларидан паноҳ топишиди, деб хабар қилган эди. Ҳориб толган қасоскорлар пинакка кетгач, соқчиликда турган Қобил мудҳиш режа тузади. Шерикларини уйғотиб, Намоз ботирни ўлдириш ва шу билан кутулиб қолиш мумкинлигини айтади. Қобил ухлаб ётган Намоз ботирнинг пешонасига тош билан урали, Кенжа ва Аликул уни томогидан бўғадилар. Бошқалар эса Намознинг яқин сафдоши Туркманни ўлдиришади. Қотиллар Намоз ботирнинг жасадини палакка ўраб, аввал форга беркитишади, кейин эса Тошқудук қишлоғидан олти чақирим беридаги жойга ташлаб қочишади. Сокольский ўз хабарномасида пристав капитан Голов Намознинг жасадини бориб кўрганини

<sup>1</sup> Муродова Ш. Намоз ботир. «Туркистон» газетаси. 1999 йил 5 июнь.

ва у чиндан қасоскорлар бошлиғи Намоз Пиримқұлов эканлигини ёзганди.

Бошқа бир тахминни 1907 йил 1 июнда Бухоро амирининг күшбегиси Остонакұлбий доддо баён этган. Бунга күра, Зиёвуддинbekлигининг Энкічик деган ерида Туркман бошчилигидаги 8 қароқчи Намоз дам олиб ётган жойға келишади. Үртада қандайдир низо чиқиб Туркман Намозни үлдиради. Үша заҳотиёқ Намознинг тарафқашлари Қобил ва Жума Туркманга ташланиб, қонли олишувда уни үлдиришади. Намознинг жасадини эса дағы этиш учун Каттақұргонға олиб кетишади.

Туркистан генерал-губернатори Намоз ботирнинг үлемидан беҳад мамнунлигини яширмай Самарқанд вилоят ҳарбий губернатори генерал Гескетта ушбу миннатдорчилік телеграммасини йўллаб, «Хайриятки, биз сизнинг ғайрат ва тадбиркорлигингиз туфайли Намоздан қутулдик. Жуда хурсандман, сизлардан миннатдорман. Ўзини яхши кўрсатгандарни мукофотга тақдим қилинг»<sup>1</sup>, дейди. Генерал Гескетнинг тадбиркорлиги эса Намознинг яқин сафдошларини қўлга олиш, улар орасига нифоқ солишдан иборат бўлган. 1907 йил 19 декабрда Намозни үлдириш ишида «ўрнак кўрсатгандардан» Самарқанд тумани Полвонариқ волости бошқарувчиси мулла Қулмуҳаммад Умарбеков кичик олтин нишон, Калқўргон мингбошиси Мирза Саид Мурод Мирза Ҳакимов, Полвонариқ қишлоқ оқсоқоли Абдиқул Абдураҳмонов, миршаблардан Каримбой Назаров, Уста Муҳаммад Мурод Юсуфов кичик кумуш нишонлар билан тақдирландилар. Улар миллатимиз олдида абадул-абад юзи қора сотқинлардир. Намоз Пиримқұловнинг содиқ дусти Абдуқодирхўжа 1908 йил 12 августда Мингариқ волостида туман ҳокими аскарлари томонидан отиб үлдирилади. Каттақұргонлик Қобилнинг тақдиди фожиали кечди. Уни ҳам рус аскарлари ҳалок қилдилар. Намоз Пиримқұлов ва дўстлари учун қаттиқ қайғурган Довурча қасос белбоини маҳкам боғлаб Миттан, Чироқчи, Фаллаорол, Хатирчи ва Кармана музофотларида миршаблар, маҳаллий амалдор ва сотқин бойларнинг додини берди. Уни қарийб икки йил давомида қўлга ололмадилар. Факат 1909 йил 29 августда чор маъмурлари казак отряди билан бўлган жангда Довурча қўлга олиниб қамоққа ташланди<sup>2</sup>.

Мустабид тузумга қарши ўзига хос ҳалоскорлик йўлини тутган Намоз ботирнинг үлеми деҳқонларнинг мавжуд мустабид тартибиға ва мустамлака зулмига қарши курашини тўхтата олмади. Хуллас, Намоз Пиримқұлов ва унинг издошларининг қасоскорона ҳалқ кураши ватанимиз тарихининг энг ёрқин саҳифаларидандир.

<sup>1</sup> УЗР МДА, 18-жамғарма, I-рўйхат, 2193-иши. 43-вараж.

<sup>2</sup> Ҳайдаров Ҳ. Жиззах тарихидан лавҳалар. Т., «Меҳнат», 1992, 29-бет.

## 6. ҮЛКАДА МАХФИЙ СИЁСИЙ ПОЛИЦИЯНИНГ ТАШКИЛ ҚИЛИНИШИ

1905—1907 йиллардаги катта-кичик воқеалар Туркистон халқарини рус мустамлакачилари лагерида бирлик йўқолгани ва ўртада ұзаро кураш бошланганидан дарак берди. Бу ҳақда маҳаллий матбуот шундай ёзган: «Туркистон үлкасининг ерли аҳолиси Россиядаги инқилобий ҳаракат ва бу ҳаракат ўз олдига қўйган мақсадларга мутлақ лоқайдир, деб фикрловчилар қаттиқ янгишадилар. Россиядаги инқилобий ҳаракатга қизиқиш кундан-кунга ортиб бораётганига ишонч ҳосил қилмоқдамиз. Маҳаллий аҳоли ўртасидаги айрим нуфузли гурухлар уларга бу ҳаракатни атайлаб қанчалик бўяб кўрсатишларидан қатъи назар, сўнгги вақтлардаги воқеаларга доир ўзларининг холис қарашларини аллақаҷон шакллантирганлар»<sup>1</sup>.

Рус мустамлакачилари Туркистон халқлари вакиллари озодлик кураши гирдобига тортилгундай бўлса, уларнинг орасида миллий онг уйғониб, истиқдол кураши бошланишидан фоят хавфсирашган. Шунинг учун ҳам биринчи рус инқилоби бошланган ойда — 1905 йилнинг январидаёқ генерал-губернатор маҳкамасининг босмахонасида ўзбек тилида «давлатпаноҳ император»га бағищланган дуо матни чоп этилиб, жойларга юборилди. Хусусан, Самарқанд вилоятидаги масжид ва мадрасалардаги имомлар учун мўлжалланган 190 дуо матни ҳарбий губернаторга жўнатилиб, маҳаллий аҳоли ўртасида тегишли ташвиқот олиб боришида мусулмон руҳонийларидан унумли фойдаланишiga кўрсатма берилгани шу мақсадга қаратилган эди.

15 октябрда Тошкент, Кўқон темир йўлчилари, 16 октября Анижон, Чоржуй, 17 октябрда Самарқанд темир йўлчилари стачкага кутарили. Бу стачкаларда иқтисодий талабларга қарангандаги сиёсий талаблар кўпроқ эди. Темир йўлчилар иш ташлаши Ўрта Осиё темир йўлида жойлашган Кўқон, Анижон, Марғилон, Черняев, Когон ва Туркистоннинг бошқа шаҳарларини қамраб олди.

Подшонинг сиёсий эркинликлар ваъда қилган 1905 йил 17 октябрдаги манифести Туркистонда ҳам митинг ва намойишларга сабаб бўлди. 18 октябрь куни эрталаб Ўрта Осиё Бош Тошкент темир йўл устахоналари олдидаги майдонда ўтган митингда манифест ҳақида РСДРП Тошкент гурухи вакиллари танқидий фикр билдиришиб ва уни «қоғоздаги қонун» деб атаб одамларни ҳукуматга қарши куч ишлатишга чақирдилар ва биринчи галдаги вазифа қамоқдаги сиёсий маҳбусларни озод қилиш эканлигини уқтиридилар. Шундан сўнг улкан оломон кулида «Йўқолсин чоризм!», «Йўқолсин капитализм!» деган

<sup>1</sup> «Русский Туркестан», 1905 йил 5 декабрь.

шиорларни күтариб, турма томон йўл олдилар, 10 минг кишилик оломон сафида ишчилар, талабалар, хунармандлар, дехқонлар ва майда савдогарлар, шу жумладан, маҳаллий миллат вакиллари ҳам бўлган.

Тошкент шаҳар думаси ноиблари 1905 йил 28 июлда подшога ёзган петицияларида ҳам руслар ўртасидаги ихтилоф ва тўқнашувлар ўлка туб аҳолиси ўртасида «рус таъсирини бўшаштириб, рус давлати куч-қудрати ҳақида нохуш тасаввур уйготиши мумкин»<sup>1</sup> деб ёзишган эди.

Иш шу даражага бориб етдики, Самарқандда шаҳар истироҳат богида митинг ўюштирилганда вилоят ҳарбий губернатори бу митингга расман рухсат берибина қолмай, митинг раиси большевик М. В. Морозовнинг шаҳардаги ҳарбий муҳофазани олиш ва барча жамоат, ҳукумат идораларини шу куни ёпиш ҳақидаги талабини ҳам қондирди. Рус жамоатчилигининг ҳукуматга қарши кайфияти кучини Чоржўй гарнizon бошлигининг 1905 йил 27 октябрдаги ахбороти яққол кўрсатган: «Бу иккинчи иш ташлаш биринчисига қараганда буткул ўзгача кечмоқда. Оломон дадиллиги жуда ошиб кетди. Халқ ўз ҳуқуқини куч билан олмоқда ва у буни тушунади, ўз кучини билади ва шу йўлдан боради. Халқ билан гаплашганимда шуни ҳис қилдимки, унинг талаби ҳали замон Париж Коммунаси даъволаридан ҳам ўтиб тушади»<sup>2</sup>.

Туркистон ўлкасида 1905 йил 2 ноябргача давом этган октябрь сиёсий стачкаси аскарлар ўртасида ҳам кучли безовталик уйготди. РСДРП Тошкент ташкилоти ва эсерларнинг яширин хитобномаси ҳамда варақалари бунда катта роль ўйнади. Сапёрлар ва ўқчи батальонларида «тартибсизлик» ва интизом бузиш ҳоллари кучайди. Улар ҳатто ўз бошлиқларига зуравонлик ўтказишга ҳам уринишди<sup>3</sup>. 1905 йил ноябррида темир йўл батальонларида жиддий воқеалар юз берди.

Эсерлар ташвиқоти натижасида 1905 йил ноябррида 1-Туркестон захира батальони (Тошкент кўргони), Тошкент тўп омбори ва устахоналарида қуролли қўзғолон кўтарилиди. Бу қўзғолонни қўллаб РСДРП Тошкент гурӯҳи икки хитобнома чиқарди<sup>4</sup>.

Аскарлар қўзғолони бостирилгандан кейин ҳам эсерлар ва большевикларнинг ташвиқоти давом этди. Ўлкада иш ташлашлар бир-бирига уланиб кетди. Ноябр ва декабрь ойларида Туркистондаги амалий ҳокимият ўзига хос ишчи ва аскар ноиблари Шўроси вазифасини ўтовчи темир йўл стачка қўмиталари

<sup>1</sup> ЎЗР МДА, 17-жамғарма, 1-рўйхат, 22654-иш, 16-варақ.

<sup>2</sup> Начало революционного движения в Туркмении в 1900—1905 гг. Сборник документов, кн. 2, Ашхабад, 1946, 155-бет.

<sup>3</sup> «Новая жизнь», 1905 йил 12 ноябрь, 11-сон. Бу большевиклар таъсиридаги газета эди.

<sup>4</sup> Ўзбекистон халқлари тарихи музейи архиви: 03Н/43, 192-рўйхат.

құлиға ўтди. Бу құмиталар темир йүлда поездлар қатнови, озиқ-овқат таъминоти, жамоат хавфсизлиги каби масалаларни ҳал қилишган. Телеграф алоқаси ҳам стачка құмиталари ихтиёрида бўлган.

Шундай воқеа бўлганки, Туркистон генерал-губернатори вазифасини бажарувчи Сахаров телеграмма юбориш учун қўмитадан рухсат сўрашга мажбур бўлган. Стачка давомида большевик М. В. Морозов раҳбарлик қилган Тошкент инқиlobий қўмитасининг таъсири шундай катта бўлганки, уни одамлар «Вақтли ҳукумат» деб аташган. Ўрта Осиё темир йўлидаги иш ташлаш 18 кун давом этиб 3 декабрда, Оренбург — Тошкент йўлида эса 9 декабря якунланди. 1905 йил октябринда пайдо бўлган стачка қўмиталари даастлаб темирйўлчилар манфаатини ўзларида ифодалаган бўлсалар, 1905 йил ноябридан эса инқиlobий ҳокимият ўзагига айланиб кенг ҳалқ оммаси манфаатларини ҳимоя қилишга даъвогар куч сифатида кўзга ташланди.

Худди шу хусусда Туркистондаги рус оммасининг 1905—1907 йиллардаги инқиlobий ҳаракатини синчиклаб ўрганган подполковник Васильев диққатини икки телеграмма жалб қилди. Тошкентдаги ноябрь иш ташлашида Ўрта Осиё темир йўли бўйлаб шаҳардан қўйидаги мазмундаги телеграмма юборилган: «Бугун митингта русча гапирувчи ерлилар келишиб, бизнинг ҳаракатимиз билан қизиқиши ва нималар бўлаётганини тушуниш учун эски шаҳарга нотик юборишимизни сўрашди. Биз уларга иш ташлаганимиз сабабларини тушунтириб уларни митингларимизда қатнашишга таклиф қилдик»<sup>1</sup>. Тошкент стачка қўмитаси раиси А. П. Гольберт<sup>2</sup> имзо чеккан яна бошқа телеграммада эса «ерли аҳоли иш ташлашимизга хайриҳоҳлик билан қаравшмоқда»<sup>3</sup> дейилган. Русларнинг иш ташлаш ҳаракати туб миллатларга мансуб аҳолини ҳам «йўлдан ургани» ҳақида расмий газеталар ҳам хабар беришган. «Умумий иш ташлаш, — деб ёзган эди «Туркестанские ведомости» 1905 йил 12 ноябрь сонида, — Андижонга ҳам ёйилиб ишчилари нуқул сартлардан ташкил топган пахта тозалаш заводларини ҳам тўхтатиб қўйди»<sup>4</sup>.

Махфий сиёсий полиция бошлиғи Васильевни Самарқанддаги 1905 йил 19 октябрь куни бўлган митинг қабул қилган

<sup>1</sup> Пясковский А. В. «К вопросу о прогрессивном значении присоединения Средней Азии к России». «Вопросы истории», 1959 йил, 8-сон, 31-бет.

<sup>2</sup> Алексей Павлович Гольберт (1873—1955) 1906 йилда қамоқца олинган ва кейинчалик Туркистондан чиқиб кетган. Темир йўл устахоналарида ҳисобчи бўлиб ишлаган.

<sup>3</sup> Пясковский А. В. «К вопросу о прогрессивном значении присоединения Средней Азии к России». «Вопросы истории», 1959 йил, 8-сон, 31-бет.

<sup>4</sup> «Туркестанские ведомости», 1905 йил 12 ноябрь.

резолюциядаги бир банд ўзига жалб қилди. Унда ўзбекларни «шафқатсиз эксплуатация қилувчи фирмаларга дашном бериш зарур», — деб ёзилган эди. Уша митингда ўзбеклар ҳам қатнашиб, ўз талабларини қўйган эди. Бундай русларга қўшилган ўзбек ишчи, зиёли ва ҳунармандларидан Дўстмуҳаммад Устабоев, Барот Икромов, Отамурод Шермуҳамедов, мулла Малик Абдукарим Ашурев номлари маъмурларга маълум эди.

Рус мустамлакачилари ўлканинг маҳаллий туб аҳолиси 1905—1907 йиллардаги воқеалардан ўзига хос усуlda фойдаланиб, мустамлака тузумига қарши кайфиятда бўлганликларини пайқадилар. Самарқанд вилояти ҳарбий губернаторининг 1907 йил февраль ойидаги ўлкада жандарм назоратини ўрнатиш ҳақида қилган аҳборотномасида шу фикр яққол кўзга ташланади. Рус ҳокимияти «Ўрта Осиёдаги инқилобий ташкилотларнинг ери аҳолига таъсирини йўқотиш учун зарур миқдорда маблағ ва яхши воситаларга эга бўлиши керак» дега вилоятларда жиной-сиёсий қидирав хизматини кенг миқёсла ташкил этишини таклиф қилди. Губернаторнинг фикрича, бу хизмат «ерли аҳолини инқилобий ташвиқотчилардан сақлашда» муҳим роль ўйнаши керак эди. Унинг мулоҳазаларини Фаргона вилояти ҳарбий губернатори ҳам маъкуллаб, бугунги кунда сиёсий жиноятчилар сони ери аҳоли вакиллари ҳисобига кўпайганини ҳам қўшиб қўяди (Янги Марғилон округ судидаги Фофуржон Исломжонов, Тошмаҳдум Муллаҳўжаев каби ўзбеклар ишини илова қиласди).

1907 йилнинг ноябринда подполковник Васильев ва полиция маслаҳатчиси Квицинскийлар ташкил қилган маҳфий жосуслик тармоғи асосида бевосита марказ — Петербургга хизмат қилувчи рус маҳфий сиёсий полицияси — Туркистон район муҳофаза бўлими ташкил қилинди. У Петербургнинг «кўз-кулоги» бўлиб хизмат қилди. Рус сиёсий разведкаси ва контрразведкаси вазифасини ҳам адo этувчи маҳфий полиция Туркистондаги барча тараққийпарвар кучларни аниқлаш, уларнинг сафиға иғвогарлар юбориш, халқлар, миллат-элатлар ўртасида нифоқни кучайтириш ва миллий-озодлик ҳаракатининг барча кўринишларини тезлик билан аниқлаб унинг ривожланишига йўл қўймаслик, энг муҳими, ўлкани руслаштиришга монеълик қилувчи барча кучларни зиддан, пинҳона, ё ошкора йўқ қилиш учун хизмат қилиши лозим эди. Ана шундай идорага раҳбарлик қилиш моҳир изқувар, тажрибали полиция амалдори Леонид Квицинскийга топширилди. Подполковник Васильев эса генерал-губернатор маҳкамасидаги барча сиёсий ёзишмаларнинг мутасаддиси — маҳсус бўлим бошлиғи вазифасини бажара бошлади.

Алоҳида жандармлар корпуси подполковники Н.А.Васильев ва полиция маслаҳатчиси А.Квицинский ўз фаолиятларини кенг қулоч ёйдирдилар. ТРМБ агентураси ўлкалдаги социал-демократик ташкилотларни тор-мор қилиб, кўплаб одамларни

қамоққа олди. 1908 йилда Тошкент турмасининг бир ўзида 500, Скобелевда 300 сиёсий маҳбус сақланган. Самарқанд турмасида эса маҳбуслар кўплиги, шароит ёмонлигидан тиф эпидемияси тарқалган. Сиёсий жиҳатдан ишончсиз ҳисобланган 400 ишчи Ўрта Осиё темир йўлидан бушатилиб, 700 га яқин ишчи «қора дафтар»га тиркалган. Миршабларга тинтувга келишганда эшик бир дақиқада очилмаса уни бузиш хуқуқи берилди<sup>1</sup>.

Қисқаси, полиция штатлари кенгайтирилиб, очик ва яширин агентурага ажратиладиган маблағлар купайтирилди. Масалан, империя ички ишлар вазирлиги агентура харажатлари учун Каспийорти вилоятига 2000, Фарғонага — 1900, Самарқандга — 1200, Еттисувга — 1000 рубл ажратди.

Петербург Васильевга сиёсий қидирув ишларининг түғри олиб борилишини текшириш, Туркистондаги инқилобий ташкилотлар фаолиятини тұла ва атрофлича ёритишига оид чекланмаган ваколатлар бердики, улар миршабларнинг бебошлигини ниҳоятда кучайтириб юборди. Метрополия маркази Туркистонда мухолифатга қарши ташвиқот юритиш, подшога садоқат рұхыда алабиётлар нашр этишига ҳам анчагина маблағ ажратди.

Мустамлака маъмурияти идораларида миршаблик-жосуслук руҳи кучайиб кетди. Генерал-губернатор маҳкамасининг маҳсус бўлими, ТРМБ ва Ўрта Осиё темир йўл жандарм-полиция бошқармасининг агентура тармоғи бутун ўлкани ўргимчак каби ўраб олди. Туркистон ҳарбий округи қўшинлари кўмандони генерал-адъютант Кондратович зобитлар сиёсат билан шуғулланмоқда, деган хабарни эшитиб, шундай деган: «Агар кимдир мени фуқаро леб атаса, мен буни шахсий ҳақорат леб ҳисоблайман». Ж. ва Т. леб аталган икки зобитга дашном берилгани, уларнинг айби ҳакамлар сифатида маскарад вақтида турма ва озодликни акс эттирган ниқобларга мукофот беришгани бўлди. Зобит Плотниковни ТРМБ бошлиғи ҳузурига олиб келишиб ва у ўзининг ҳарбий эканлигини ҳамда миршабларга бўйсунмаслигини айтганда, Леонид Квицинский уни ҳақорат қилиб қуролсизлантиришни буюрди ва қамоққа жўнатди.

Васильев ва Квицинский округ ҳарбий қисмларидаги илғор фикрли, инқилобчиларга хайриҳоҳ зобитлар ва аскарлар ўтасида эсерларнинг яширин ташкилотлари иш қўраётганини аниқладилар. 3-Каспийорти ўқчи батальони зобитларидан полковник Солодаягин, подполковник Левдиков, капитан Крушинский, ҳарбий шифокор Лунковичнинг инқилобий фаолиятига оид маълумотлар аниқланди. Квицинский марказга юборган ахборотида (1908 йил 9 декабрь) подполковник Левдиков иши бўйича 44-агенти (филер) ишлагани ва унга 5500 рубл сарфлаганини ёзган. ТРМБ маҳфий агенти «Абрам» 1909 йил 1 апрелда шундай ахборот йўллаган: «Туркистон ўлкасининг тур-

<sup>1</sup> ЎЗР МДА. I-жамғарма, I-рўйхат, 567-иш, 36-варак.

ли чеккаларидан 30 зобит — ҳарбий ташкилот аъзолари келишиди. Тошкентнинг Самарқанд қўчасида генерал Ивановнинг уйида истиқомат қўлувчи штабс-капитан Алексей Алексеевич Хлебников ҳузурида икки йиғилиш ўtkазилди. Бу йиғилишларда захирадаги батарея штабс-капитани Карпович, Тошкент резерв батальони штабс-капитани (фамилияси ноаниқ), қалъадаги сиёсий маҳбусларни қочиришда ёрдам берган зобит, аввал 2-Туркистон ўқчи батальони командири, полковник, сўнг унвони пасайтирилган поручик Николай Николаевич Солодягин қатнашди. Ҳарбий ташкилот ҳақида самарқандлик савдогар Субеников қимматли маълумотларга эга бўлган. Унинг богида номлари эслатилган зобитлар кўп бор бўлишган ва шу жойда босмахона ҳам бўлган<sup>1</sup>.

Сиёсий изқуварлар Туркистон эсерларининг Петербурглаги эсерлар билан яқин алоқасини ҳам аниқлашди. 1908 йилнинг июль ойида Петербург эсерлари Тошкентта доктор Моисей Слоним номига Рус-Хитой банки орқали 5 минг рубл юборганлар<sup>2</sup>.

Туркистон ўлкасида фаол иш кўраётган эсерларнинг жанговар гуруҳи ҳақидаги тергов материалари 7 жилдни ташкил этиб, бевосита Петербургнинг диққатини ўзига тортиди. Эсерлар сафида мусулмонлар ҳам борлиги ва улар нуфуз жиҳатидан ҳам катта мавқега эгалиги Васильевни безовта қилди. Ниёзбоев — Каримов иши шулар жумласиландир. Тошкентда Старогоспитал қўчасидаги 52-ўйда яшовчи савдогар Собиржон Солихович Абдуллин аслида эсерларнинг раҳбарларидан бири бўлиб чиқди. «Спокойний» лақабидаги 27 ёшли мусулмон йигит «Кум», «Мастер», «Богачка» лақабли эсерлар билан алоқада бўлган. У «Богачка» лақабли йигитнинг билети билан Оренбургга жўнаганида орқасидан кузатув борлигини пайқаб, яширинади. Жандармлар уни Уфала қўлга туширингандан ўзини Гумар Ҳусайнович Каримов деб атаган. Каримов аслида Ниёзбоев бўлиб, таниқли эсер, Қозон ва Оренбургдаги ишларда қатнашган. Жандарм тергови уни Оренбургда Габдурауф Ҳакимбоевич Ниёзбоев номи остида яшагани, касби ўқитувчилиги, доимий манзилгоҳи Тошкент эканлигини аниқлади. У эсерлар фирмаси Марказий Қумитасида «Қозонлик», «Яхудий» каби лақабда алоҳида ҳисобда турган. Подполковник Васильев «Тошкент ва Чимкентдаги эсерлар гуруҳлари» деб номлаган маҳсус ишда қўйидаги маълумотларни аниқлаган. 1906 йилда Қозонда эсерлар фирмаси гуруҳи ташкил этилиб, кўмита аъзолигига Габдурауф Ниёзбоев, Фиёс Исҳоқов, Исҳоқ Бикчурин, Шокир Муҳаммадёров, Фуад Тўхтаров сайланади. Улар яширин босмахона ташкил қилиб, 3 марта хитобнома чиқаришган. Уфала яшаган Файсхон Усмонов татар босмахонасини Кари-

<sup>1</sup> ЎЗР МДА. 461-жамғарма, 1-рўйхат, 2027-иш, 52-варақ.

<sup>2</sup> Ўша архив, 1990-иш, 16-варақ.

мов-Ниёзбоевга топширган. Ашхобод ҳарбий-инқилобий ташкилот аъзоси Илья Петрович Андреев (фирқавий лақаби «Үртоқ Фома») «Полковник» билан алоқада бўлиб, Тошкентдан пул олиб турган. Яширин босмахонада эсерларнинг «За народ» ва «Молот» деган газеталари чоп этилган. Ниёзбоев-Каримов икки марта Кишинёв шаҳрига бориб, Туркистон эсерлари учун қурол-яроғ сотиб олган ва бу ҳақда Тошкентга телеграммалар жўнатган. Ниёзбоев қурол-яроғ транспорти билан Оренбургдан утётиб, Тошкентга давлат хизматидаги адвокат ёрдамчиси Чарковский номига шартли телеграмма юборган. Подполковник Васильев номи тилга олинган Чарковский-нинг ўзбек жадидлари билан яқин алоқасидан хабардор бўлиб, уни алоҳида хавфли шахслар қаторига кўшиди<sup>1</sup>.

1908 йил 10 январдаги тинтув вақтида Тошкентда истиқомат қилувчи эсерлардан Пётр Гордеев ва Тимофей Никитиннинг уйларидан инқилобий рӯҳдаги адабиётлар билан бирга гектографда босилган «Мусулмонларга!» деб номланган хитобноманинг 58 нусхаси чиққани ҳам Васильевни ташвишга солди. Бу факт эсерларнинг маҳаллий аҳоли ўртасида қандайдир аниқ иш юритаётганидан дарак берарди. ТРМБ бошлиғи Квицинский эса унга эсерлар фирмаси Туркистон вилоят қўмитасининг таниқли арбоби Виктор Чернийнинг аслида Қозон дорилфунунинг талабаси Аббосали Қадимов бўлиб чиққани ҳақидаги хабари ҳам ташвиш учун асос эди<sup>2</sup>.

Мусулмонларнинг инқилобий фирмалардаги иштироки Петербургни тоят ташвишга солаётгани сиёсий идорага маълум эди. Петербургда изқуварларга ёрдамга келган Алоҳида жандармлар корпуси ротмистри Корабчаков 1908 йил 26 июля Аббосали Қадимовнинг изига тушганини ёзиб, бу эсер уч шериги билан тижорат идораси ходимларига Самарқандда ҳужум ўюштириб 4150 рубл, олтин буюмлар ва ҳужжатларини тортиб олгани, полиция улардан иккитасини қўлга туширганини маълум қилган. 1908 йилнинг июляда империя Ички ишлар вазирлиги Полиция департаменти ТРМБ бошлиғига мутлақо маҳфий аҳборот йўллади. Унда эсерлар фирмаси Марказий Қўмитаси топшириғи билан Одесса вилоят қўмитаси вакили «Сергей» Тошкентда аллақандай вазифани бажариб, Одессага қайтгани хабар қилиниб, эсерлар Тошкентда қандайдир муҳим тадбирни амалга оширмоқчи эканликлари тўғрисида тахмин билдирган. 22 июля «Сергей» Петербургга борган ва Марказий Қўмитадаги маслаҳаттага кўра императорнинг жонига сунқасд қилиш режасини тузган. Бунинг учун у Тошкентдаги давлат хазинасини талаб 700 минг рублни қўлга киритмоқчи, агар бу иш амалга ошмаса, бирон хусусий банк, ё почтани талаб, юз минг рублга яқин пул

<sup>1</sup> ЎзР МДА, 461-жамғарма, 1-руйхат, 1488-иш, 12-варак.

<sup>2</sup> Ўша архив, 125-иш, 11-варак.

жамғармокчи бүлган. Маблаг Петербургда подшони үлдириш ишида асқотиши керак бүлган. Ака-ука Валицкийлар пул транспортидан 300 минг рублни ўғирлаб эсерлар фирмаси Туркистан вилояти құмитасига топширган. Құқон банкыдан Тимофеј Ниасов юз минг рубл олиб шу құмитага берган<sup>1</sup>.

Подполковник Васильев, ротмистр Корабчаков ва ТРМБ бошлиги Квицинскийларнинг биргаликда ишлаши, ҳамкорлик да изланиши натижасида Туркистан эсерлари етакчиси Сергей Осоксов ҳібсга олинган. Осоксов иши бүйіча эсерлар жанғовар дружинасыдан 100 киши жавобгарликка тортилди. Суд ҳукми билан Сергей Осоксов 29 июля үтар кечаси қатл қилинди. Бу тадбир эса бутун үлкани оёққа турғызған воқеаларға түрткі берди. 1908 йил 22 сентябрда үкүв машқларыда 1-Каспийорти батальонининг 4-ротаси аскарларидан Лаврентий Кузьменко, Анисим Хрипченко, Никифор Мальцев ва Пётр Клтун генерал-губернатор ва унинг мұлозымларыға қаратыб үк үзишган. Генерал-губернатор Мишченко ва унинг соқчи зобити яраланды. Бу воқеа «ТуркВО құмондони жонига суиқасд ҳақыда» деб аталған тергов материалларыда батафсил баён этилған<sup>2</sup>. ТРМБ бошлиги генерал-адъютант Мишченконинг ярадор қилиниши инқилобчиларнинг Осоксов қатлуга бириңчи жавоби эканлигини қайд қылиб, «бу соҳадаги даҳшатлы ишларнинг бириңчи йирик құрниши» эканлигини таъкидлаган. «Туркистан инқилобчилари, — деб ёзған эди Квицинский 1908 йил 17 декабрда Петербургга юборған ахборотида, — үлканинг бөш ҳоқимини ҳеч қачон кечиришмайды ва генерал-губернатор Мишченконинг үлими аллақачон ҳал қилингән»<sup>3</sup>. Мазкур ахборотта мағфий сиёсий полиция бошлиғи үзининг эсерлар терроридан құрқувини ҳам яширмаган: «Худди шу тарзда менинг тақдирим ҳам ҳал қилингән. Бу масалада инқилобчилар кузатуви яхши йүлга қуйилған. Менинг ёрдамчым ротмистр Келлернинг Ашхободга яширин борғани ҳам уларнинг назаридан қочмади»<sup>4</sup>. ТРМБ мағфий агенти «Горний»нинг ахбороти ҳам Квицинский гумонини тасдиқлаган: «Тошкент турмасидаги маҳбус Чернишев мұхим құрсатма бериш бақонасыда үзини Туркистан район мұхофаза бўлимига олиб борилишини, у ерга боргач бўлим бошлиғи Квицинский билан учрашганда эса уни үлдиришини айтди»<sup>5</sup>.

Васильев ва Квицинскийнинг маҳкамалари Тошкент, Чимкент ва Каспийортидаги эсерлар ташкилотларини аниқлап эсерларнинг машхурлари устидан «55 лар жараёни» деб аталған

<sup>1</sup> ҮЗР МДА, 461-жамғарма, 1-рўйхат, 2007-иш, 13-варак.

<sup>2</sup> ҮЗР МДА, 1-жамғарма, 1-рўйхат, 567-иш, 40-варак.

<sup>3</sup> ҮЗР МДА, 1-жамғарма, 1-рўйхат, 567-иш, 40-варак.

<sup>4</sup> ҮЗР МДА, 461-жамғарма, 1-рўйхат, 2007-иш, 40-варак.

<sup>5</sup> ҮЗР МДА, 461-жамғарма, 1-рўйхат, 2032-иш, 34-варак.

судни уюштирган бұлсалар ҳам, инқилобий варақа, хитобномалар ва амалдорларға сүйкесд уюштириш ҳамда террор давом этди. 1909 йил 21 февралда Тошкент бош темир йүл устахоналарыда «Үрта Осиё темир йүли Тошкент район құмитаси» хитобномалари пайдо бўлди. Улар ишчиларни курашга чорлаб, «жандармлар, қўриқчилар ва иғвогарлар билан ўраб ташланган оғир шароитга қарши» кўтарилиш зарурлигини уқтирган. Худди шу ташкилотда иш кўраётган рус инқилобчилари фаолияти ҳақида генерал-губернатор 1909 йил 3 октябрда империя ҳарбий вазирига шундай деб ёзган: «Инқилобий ташвиқот «Бутунrossия темир йүл иттифоқи Үрта Осиё бўлими» деб номланган темир йүл хизматчиларининг жиноий ташкилоти аъзолари ўртасида юқори чўққисига чиқди. Худди шулар орасида кўпдан-кўп террористик актлар, талончиликлар, фаол чиқишлилар содир бўлдики, темир йүл жандармерияси ва полиция мазкур иттифоқ олдида ожиз бўлиб қолди»<sup>1</sup>. Генерал-губернатор шу иттифоқ аъзоларидан 200 кишини ўлқадан чиқариб юборган бўлса ҳам, тинчлик бўлмаётганини қўшимча қилган.

Санкт-Петербургнинг қатъий талаби билан сиёсий идоралар фаолияти кучайтирилиб, юзлаб жосуслар, инқилобий ташкилотларга жойлашиб олган иғвогарлар Туркистондаги сиёсий фирмаларнинг таянч нуқталарини бирма-бир йўқ қила бошладилар. ТРМБ бошлиғи 1909 йил 3 августда Полиция департаменти Махсус бўлимига мана бундай ахборот йўллади: «Тошкент темир йүл ташкилотини агентура билан ёритиши бу ташкилотнинг Туркистонга қўшни Боку шаҳридан паноҳ топганини кўрсатди. Боку маркази билан агентуранинг алоқалари тұғарак ишларини ташкилий асосда кучайтириши ҳақидаги кўрсатмалар қаердан келаётганини кўрсатмоқда. Империянинг қай бир ерида инқилобий чиқишга тараддул кўраётган фирмә марказий құмитаси «тайёр булишга» оид фармойишлар йўлламоқда»<sup>2</sup>.

ТРМБ инқилобий ҳаракатнинг яна бир маркази Ашхобод бўлганини ҳам аниқлади. Квицинский бу ҳақда генерал-губернаторга йўллаган маҳфий ахборотида эсерлар, анархистлар, «анархист-спиритидлар федерацияси Тошкент коммунаси» ташкилотлари тор-мор қилингани, қочиб қутилган жанговар кучлар Ашхободга кўчиб ўтганлигини ёзди. У Ашхободни Туркистон ўлкаси «инқилобий ташкилотларининг иккинчи табиий маркази» деб атаб, Каспийортида эсерлар социал-демократларни четлатиб, маҳфий босмахонани қўлга кириганини билдиради. ТРМБ бошлиғи агентурасига маҳаллий социал-демократлар ва эсерларнинг раҳбарлари маълум экани ва уларни кузатиш маҳфий босмахона изига тушишга имкон берганидан мақтана-

<sup>1</sup> ЎЗР МДА, 1-жамғарма, 31-рўйхат, 567-иш, 5-варақ.

<sup>2</sup> Ўша архив, 621-иш, 15-варақ.

ди. Квицинский 1908 йил 20 ноябрда подполковник Васильевга юборган маҳфий ахборотида эсерлар маҳаллий гуруҳини кўлга олганини айтган бўлса, бошқа бир хабарида эсерлар ва анархистлар уни ўлдириш пайида изма-из юришганини хабар қилган. ТРМБ бошлиғи унинг агентураси гектографда яширин хитобномалар чиқарувчи ўқувчи ёшлар тўтарагини ҳам фош қилганини уқтириб ўтади<sup>1</sup>.

Империя сиёсий идораларининг Туркистондаги ишчи ва инқилобий ҳаракатга қарши изчил кураши сабаби фақат маҳаллий аҳолида озодлик ҳаракати уйғонишидан хавотирликдагина эмас. Генерал-губернатор Ички ишлар вазирига юборган хатида шу ҳақда гап очган. У Туркистондаги инқилобий ҳаракат метрополияга қарши иш кураётган фирмаларга катта мадал бўлишини уқтиради. «Чекка ўлкалардаги қучли ташвиқотларнинг мақсади, — деб ёзди у, — қўзғолон кўтариш, ҳукуматни қийин аҳволга тушириб, уни Россиянинг Европа қисми инқилобчиларига қарши курашини кучсизлантиришдир»<sup>2</sup>. Генерал-губернатор ана шу маҳфий мактубида сиёсий полиция ва разведка материалларига таяниб, Туркистондаги инқилобий ҳаракат XIX асрнинг 80-йилларидан бошланганини айтади: «Рус аҳолиси ўртасидаги инқилобий ҳаракат ўлкага маъмурий сургун қилинган ва ҳукуматга қарши шахсларнинг пайдо бўлиши, икки темир йўл қурилиши ва фойдаланишга топширилиши билан Туркистонга кўп сонли миқдордаги ишчиларнинг келиши билан бошланган. Ҳудди шу одамлар, шунингдек ўқувчи ёшлар ва қисман аскарлар, инқилобий ташвиқот учун қулай материал бўлди». У ўз сафиға 8 минг кишини бирлаштирган Бутунrossия темир йўл иттифоқи Ўрта Осиё бўлимининг ўта хавфли фаолиятига тўхталади: «Инқилобий ташкилотлар, темир йўлчи ишчилар гуруҳи билан чекланмай, бутун Туркистонни ўз тармоқлари билан қамраб, Тошкент, Қўқон, Ашхобод вилоятлари қўмиталарига уюшдилар. Ҳали ўр ўқувчи ёшлар ичига ҳам кириб олдилар. Қўмиталар ўз босмахоналари, қурол-яроғ омборлари, бомба ясовчи устахоналарга, учар жанговар отрядларга эга. Айрим қўшин қисмлари, айниқса темир йўл ва сапёр батальонлари ҳам ташвиқотга учди»<sup>3</sup>.

Генерал-губернатор, кавалерия генерали А.В.Самсонов (1909—1913) сиёсий изқуварлар — Туркистон генерал-губернатори маҳкамаси маҳсус бўлими бошлиғи Васильев ва унинг ходимларидан иборат марказ гуруҳи ҳамда маҳфий сиёсий полиция — ТРМБ бошлиғи Квицинский кузатув ва таҳлиллари асосида рус инқилобчиларининг мустамлака тузумига берган

<sup>1</sup> ЎзР МДА, 1-жамгарма, 31-рўйхат, 621-иш, 15-варақ.

<sup>2</sup> ЎзР МДА, 1-жамгарма, 12-рўйхат, 1367-иш, 20-варақ.

<sup>3</sup> Ўша ҳужжат, 19-варақ.

зарбаси ва Туркистон халқлари милий онгини уйғотишдаги таъсирини шундай баҳолади: «Собит эътиқодли мусулмонларнинг дунёқарашида улкан ўзгариш юз берди ва биз ана шу ўзгаришнинг амалий оқибатларини кўриш арафасида турибмиз. Бу оқибатлар номаълумлиги билан жумбоқли, айрим белгиларига кўра эса ўлкадаги ҳозирги аҳволимиз учун жуда таҳликалидир»<sup>1</sup>.

Генерал Самсоновнинг 1909 йилда императорга юборган мактубидаги фикр метрополия ҳукмдор доиралари ўртасида кенг муҳокамага сабаб бўлди. Туркистонда руслаштириш жарайенини кучайтириш ва қаттиққўллик билан сиёsat ўтказиш тарафдорлари генерал-губернаторнинг ўлкада жандармерия хизматини жорий этиш, полиция штатларини кўпайтириш, жиноят-қидирув идораларини тузиш таклифини қўллаб чиқдилар. Эҳтиёткор амалдорлардан ташқи ишлар вазири граф Ламсдорф «Туркистондаги умумий аҳвол халқаро аҳвол билан яқин алоқадорлиги, Россиянинг чегарадош Осиё мамлакатлари ўртасидаги таъсири ва нуфузи билан боғликлиги» ҳақида гапириб, генерал-губернаторнинг таклифига қўшилмайди. Граф Ламсдорф ҳамма гап Туркистондаги рус маъмурларининг «маҳаллий аҳолининг тилини билмаслиги, унинг турмуши ва урф-одатларидан бехабарлигига» эканлигини уқтириб ўтади. Ташқи ишлар вазири Туркистонга ўз вазифасига сидқидил яхши маъмурият кераклигини таъкидлади<sup>2</sup>. Ўлкада 30 йилдан бери хизмат қилиб келаётган, ўлашунос олим сифатида танилган генерал Н. С. Ликошин ҳам уни қўллаб, ўлкани руслаштиришда рус зиёлларидан самарали фойдаланишни таклиф қилди.

Аммо Санкт-Петербургнинг олий доираларида қаттиққўл сиёsatдонлар тарафдорларининг қўли баланд келди. Рус дворян-помешчиклари ўлкани руслаштиришнинг иқтисодий тарафини кўзлаб, Давлат Думасида Туркистон ўлкасидағи «ортиқча» ерларни мусодора қилишни ёқлаб муҳолифларини сиқувга олишди. 1910 йил 7 апрелда Давлат Думасида «Туркистон ўласини бошқариш ҳақидаги Низом»нинг 270-моддасини «Туркистон кўчманчиларининг ортиқча ерларини колонизация эҳтиёжлари учун» мусодара этишга рухсат берувчи кўшимчадан билан тўлдириш масаласини ўттага қўйдилар. Шунда Уфа губерниясидан келган, миллати бошқирд ноиб Думада қозоқ ва қирғиз ноиблари йўқлигидан афсусланиб, ўз сўзида ҳукумат ва Дума Ўрта Осиёни иқтисодий ва маданий ривожлантириш бўйича ҳеч қандай ислоҳот ўтказмаганини айтди ва «ортиқча ер» деган гапнинг тагида очиқ зўравонлик ётганини эслатди. Қозон губерниясидан келган ноиб эса Туркистон аҳолиси сай-

<sup>1</sup> ЎзР МДА, 1-жамғарма, 12-рўйхат, 1367-иш, 20-варақ.

<sup>2</sup> ЎзР МДА, 1-жамғарма, 12-рўйхат, 109-иш, 149-варақ.

лов ҳуқуқидан маҳрум этилибгина қолмай, энди неча-неча авлодлардан мерос қолган ерларидан ҳам маҳрум бўлиши хунук оқибатларга олиб келиши мумкинлигини огоҳлантириди. Аммо рус мустамлакачилари ва шовинистлари овози баланд келиб, қонун лойиҳаси қабул қилинди ва 1910 йил 19 декабрдан кучга кирди. Тўқиз йил ичиди, ана шу қонунга кўра, Сирдарё—Фаргона кўчирувчилик райони бўйича ерли халқнинг 744, 9 минг десятина ери тортиб олиниб, русларга тақсимлаб берилди. Подшонинг зироатчилик бўйича вазири Кривошеин императорнинг дикқатига Туркистондаги рус колонизацияси истиқболи ҳақидаги дастурини ҳавола қилиб, ўлкада 300 минг бақувват рус хўжалигини барпо этиш учун 3 миллион десятина сугориладиган ерни мусодара қилишни таклиф қилди. Империя олий доиралари ана шу мақсадни амалга ошириш учун Туркистонда шафқатсиз иш кўрувчи «кучли ва бақувват» ҳокимият бўлишга майл билдириди. Петербург Туркистон генерал-губернатори А.В.Самсонов ва вилоят ҳарбий губернаторларининг худди шу хусусдаги барча талабларини қондириди.

Ички ишлар вазирлиги генерал-губернаторга «агентура харжатлари учун» 3 минг рубл ажратди. Самарқанд ҳарбий губернатори генерал-майор Гескетнинг вилоятларда жиноий-сиёсий қидирив идоралари ташкил этиш ва уларни губернаторларга бўйсундириш таклифи ҳам амалга оширилди. 1911 йилда Сирдарё, Самарқанд, Фаргона, Еттисув ва Каспийорти вилоятларида шундай идоралар таъсис этилди<sup>1</sup>. Вилоят ҳарбий губернаторларига ҳарбий дала судлари жорий этиш, миршабларга эса «тартибсизликлар содир бўлганда» осмонга эмас, балки тўғридан-тўғри оломонга қаратса отиш ҳуқуқидан фойдаланишга ижозат берилди. Шунингдек, Туркистон маъмуриятига маҳаллий аҳолига нисбатан қўлланиладиган жазо чораларини рус ишчи-дэҳқонларига ҳам қўллаш ҳуқуқи берилди. Туркистон ўлка бошқарувини бошқа асосларда тубдан қайта қуришга бағишиланган Давлат назоратчиси, статс-секретар (махфий котиб) П. А. Харитонов раислигига ўтган олий амалдорлар кенгашида (1911) Туркистон генерал-губернатори А.В.Самсонов генерал-губернатор ҳокимиятини «император ҳазрати олийларининг Кавказдаги ноibi ҳокимияти» каби асосга яқинлаштиришни талаб қилди. Бу талабни Туркистон ўлкасини 1908—1910 йиллар давомида атрофлича тафтиш қилиб, ўлка янги низоми учун бой материал тўплаб қайтган сенатор граф К.К.Пален ҳам қўллаб-қувватлadi. Сенатор Туркистон шаҳарларида мустақил полиция бошқармалари, Тошкентда обер-полицмейстер лавозимини жорий этиш ва ўлкадаги миршаб-полиция хизматлари сонини кўпайтиришни таклиф қилди. У Туркистонда инқиlobий ҳаракатни тўхтатиш учун ва «Россиянинг Европа қисмида

<sup>1</sup> ЎзР МДА, 461-жамғарма, 1-рўйхат, 1990-иш, 16-варақ

пролетариат ва аграр галаёнлар юз берган губерниялар туфайли ёпирилиб күчіб келаётгандарнинг зарарли таъсирини» кесиш учун Туркистон генерал-губернаторлигига туман полицияси идорасини тузиш гоясини илгари сурди. Паленнинг фикрлари империя Вазирлар Кенгашида ва Туркистон үлкаси маъмурияти идорасини тубдан ўзгартириш бўйича Вазирлар Кенгаши аъзоси, Давлат назоратчиси П. Харитонов раислигидаги маҳсус Кенгашда муҳокама этилди. Кенгаш асосига Туркистон генерал-губернатори Самсоновнинг императорга 1909 йил бўйича йўллаган ҳисоботи, шунингдек, сенатор Паленнинг тафтиши яқунлари олинди. Кенгаш Туркистон генерал-губернаторининг барча талабларини асосли деб топди. Туркистонга оид барча тадбир-чоралар унинг розилигисиз амалга оширилмаслиги ҳам таъкидланди. Император саройи, молия, адлия соҳасидан ташқари, барча вазирликлар идораларини бошқаришда унга империя вазири ваколатлари берилди. Метрополия ҳукумати ўз сиёсатини фақат шу биргина шахс — Туркистон генерал-губернатори орқали амалга оширадиган бўлди. Генерал-губернаторга иккинчи ёрдамчи лавозими ҳам берилди. Кенгаш ишлаб чиққан Туркистон үлкаси бошқарувига оид таклифлар 1912 йил 20 ноябрда Вазирлар Кенгашида муҳокама этилиб, маъқулланди.

Империя ҳукмдор доиралари Туркистон үлкаси рус ва маҳаллий аҳолиси учун маҳсус сиёсат дастурини ишлаб чиқди. Рус аҳолиси ўртасида инқилобий ҳаракатни тұхтатиш ва Туркистон халқлари ўртасида миллий-озодлик ҳаракатининг барча күринишларини бўғиб ташлашга оид бир қатор тавсиялар берилди.

Туркистон генерал-губернатори марказдан дастурлар олиб ва кенг ваколатларга эга булиб, үлкада миршаблик ҳолатини кучайтирди. Рус мустамлакачи маъмурлари жойларда жосуслик назоратини ҳам кенг йўлга қўйдилар.

Тошкент темир йўли жандарм-полиция бошқармаси бошлиғи, Алоҳида жандармлар корпуси подполковники Бабкин жойлардаги ходимларига 1910 йил 19 июнда юборган қўрсатмасида 1905—1907 йиллар инқилобида ва иш ташлашларда қатнашган барча шахслар ҳақида маълумот тўплашни буюрди. «Ҳеч қандай ташвиқотга йўл қўйилмасин, — деб ёзган эди у, — ақиллар безовталигига зудлик билан чора кўрилсин, хусусан, иш ташлашлардан огоҳ бўлинсан». Генерал-губернаторнинг «Ишчилар ўртасида жиной алабиётлар тарқалишига зинҳор йўл қўйилмасин!»<sup>1</sup> деган буйруғига бенуқсон риоя этиш буюрилди.

Сиёсий полиция томонидан жойларга маҳсус сўров—анкета юборилди. Унда қўйидаги саволлар қўйилган эди: «1905—1906 йилларда иш ташлашлар қанча бўлган? Иш ташлашнинг мақсади ва хусусияти қандай? 1907 йилда қанча инқилобий чи-

<sup>1</sup> ЎзР МДА, 461-жамғарма, I-рўйхат, 68-иш, 88-вараж.

қишлоар ва террор актлари содир бўлган? Социал-демократлар ва социал-инқилобчилар ташкилотларида қанча ходимларингиз бор?»<sup>1</sup>. Анкетада инқилобий чиқишлоар салмоғи жойларда қандай бўлгани ва унинг қўшни қишлоқ ёндош аҳолисига таъсирини аниқ тасвирлаш зарурлиги кўрсатилиб, жандарм-полиция бўлимлари ўз худудларида яширин ифвогарлик билан шуғулланувчи ходимларга эга бўлишлари мажбурий эканлиги жиддий тарзда уқтирилган эди.

Империя ички ишлар вазирлиги полиция департаменти Махсус бўлим бўйича юборган мутлақо маҳфий йўлланмасида полиция-жандармерия бўлимлари бошлиқларига аҳоли ўртасида агентура тармоғига эга бўлиш ишига шахсан жавобгар эканликлари алоҳида таъкидланиб, улар ишчи ташкилотлари, инқилобий фирмаларда ўз жосусларини орттиришлари муҳимлиги алоҳида кўрсатилди. Бу тадбир, махсус бўлимнинг фикрича, «ўтган 1905 йилдаги воқеаларнинг олдини олади»<sup>2</sup>.

ТРМБ ва махсус бўлим тавсиялари асосида ўлкадаги барча амалдорларга генерал-губернатор томонидан ҳукуматга қарши ҳар қандай йўналишдаги, арзимас кўринишда бўлса ҳам, ҳаракатлар тўғрисида хабар бериб туриш, айниқса, кооператив ҳаракат, ё иш ташлаш ҳолларига алоҳида эътибор қаратиш топширилди. «Ана шундай ҳолларни синчиклаб ўрганиш, — деб ёзган эди ўз кўрсатмасида генерал-губернатор, — жуда зарур ва мақсадга мувофиқ эканлигини тажриба кўрсатди. Бальзан арзимас, самарасиз ва бефойда бир кунлик иш ташлаш, ё бошқа ҳоллар маълум муҳитнинг, айрим шахсларнинг ички интизоми, ташкилотчилик қобилияти ва фаол чиқишига лаёқати учун синов вазифасини ўтайди. Бундай ҳолларни талқиқ этиш орқали дастлаб филиал бўлимлар, кейин эса жиддий ташкилотларнинг марказий идораларини аниқлашга муваффақ бўлинган»<sup>3</sup>.

Петербургда ишланган дастур бўйича рус мустамлакачилари-нинг маҳфий сиёсий идоралари изчил ишлаб, Туркистон мусулмонлари онгидаги жиддий ўзгариш юз бериб, миллый-озодлик кураши куртак ёзгани ва бу ҳолат жадидлар сиймосида гавдаланганини яхши пайқашган. Улар генерал-губернаторнинг махсус тузилган сўров анкетаси бўйича маҳаллий аҳолининг кайфияти, дунёқараши, рус маъмуриятига ва тузумига муносабати, миллий мустақилликка интилиши ҳолларини чуқур ўрганишган. ТРМБ ўзбек, қозоқ, қирғиз, туркман, тожик ёшларининг дунёқараши ва хатти-ҳаракатларидан хабардор бўлиш учун уларнинг сафига ўз одамларини қўйгани ҳужжатлардан маълум<sup>4</sup>.

<sup>1</sup> ЎзР МДА, 468-жамғарма, 1-рўйхат, 1-иш, 78-варап.

<sup>2</sup> Ўша ҳужжат, 79-варап.

<sup>3</sup> ЎзР МДА, 1-жамғарма, 12-рўйхат, 1-иш, 80-варап.

<sup>4</sup> Муродова Ш. Кўрсатилган диссертация, 174-бет.

Ўзбек бинокор ишчилари билан социал-демократик ташкилот аъзолари ўртасида алоқа ўрнатиш ва уни мустаҳкамлаш борасида Мирзаҳмад Мирҳодиев катта роль ўйнаганини ҳам айтиб ўтиш лозим. Бинокор ишчилардан Очил Бобоҷонов ва бошқалар ҳам социал-демократик ташкилот билан яқиндан алоқа боғлаб йўл-йўриқлар олиб туришди. Бош темир йўл устахоналаридаги рус ишчилари биз билан жуда мустаҳкам алоқада эди. Мажлис ёки бошқа бирор йигилиш ўtkазиш мулжалланса, улар бизни М.Мирҳодиев орқали огоҳлантиришарди. М.Мирҳодиев мажлис қаерда ва қачон булишини айтгач, О.Бобоҷонов, уста Баҳром Нормуҳамедов, Хонхўжа Улуғхўжаев, Акбархўжа Қосимхўжаев ва бошқалар билан бирга Бош устахонага келар эдик. Бундай мажлисларда кўпинча рус ишчиларидан А.Першин ва Н.Финкельштейн, ўзбек ишчиларидан О.Бобоҷонов ва бошқалар чиқиб сўзлагани эсимда»<sup>1</sup>.

Туркистон ҳунармандларининг аҳволи ҳам оғир бўлган. Рус саноати молларининг рақобати уларни хонавайрон қилиб, қўпчилигини охири ишчилар сафига олиб бориб қўшган. Ўлкадаги ҳунармандлар сони 100 мингдан ошиқ эди. Ҳунармандчилик саноати маҳсулотининг қиймати эса ўлканинг фабрика-завод маҳсулотлари қийматининг 22 фоизини ташкил қиласан. Уруш ўлканинг қолоқ қишлоқ ҳўжалигига асосланган иқтисодиётiga ҳам катта зарар етказди. Натижада ўлка аҳолисининг 90 фоизини ташкил этган деҳқон ва чорвалорларнинг аҳволи ҳам мушкуллашди. 1916 йилдан ўлканинг асосий экини бўлган пахтанинг экин майдони ҳам, ҳосилдорлиги ҳам камайиб кетди. Пахтага ихтисослашган рус фабрикантлари, ўз наебатида пахта нархини барқарорлаштиришга интилиб, охири ҳукумат ёрдамида тайёрланган пахтанинг қатъий нархда бўлишига эришилар. Аҳволни яхшилаш мақсадида Москва шаҳрида пахтани қайта ишлаш фабрикаларини хом ашё билан таъминловчи қўмита ҳам ташкил этилди. Меъёрий нархларнинг белгиланиши пахтакорларнинг норозилигини кучайтирди. Пахта топширишдан оммавий бош тортиш бошланиб кетди. Натижада фабрикантлар икки йил мобайнида белгиланган нархларга маълум даражада қўшимча ҳақ тулашга мажбур бўлдилар.

Деҳқонлардан олинадиган расмий солиқларнинг ҳажми ҳам кун сайин ортиб борди. Туркистонда ер солиги 1914 йилда 6859021 рубл бўлган бўлса, 1916 йилга келиб бу рақам 14311771 рублни, яъни икки баробарни ташкил қиласди<sup>2</sup>. 1915 йилда эса маҳсус ҳарбий солиқ солиниб, у пахтакорлар учун ҳар пуд пахтадан 2 рубл 50 тийинни ташкил қиласди<sup>3</sup>. Ўша

<sup>1</sup> Ўша жойда. Ё.Раҳимов шахсий ишидан.

<sup>2</sup> Кастельская З.Д. Восстание 1916 года в Узбекистане, 30-бет.

<sup>3</sup> Ўша жойда.

1915 йили солиқларнинг умумий миқдори 38329000 рублни ташкил қилди. Рус мустамлакачилари империя тұқимачилик саноати манфаатларини ҳимоя қилиб, пахтага, бозор иқтисодиети қонунларига хилоф равишда, қатый нарх — пудига 24 рубл белгилади. Натижада пахтакорлар бир йил ичиде 60 миллион сүм зарар күрдилар. Агар 1913 йилда пахта нархи 50 фоиз оширилган бўлса, бошқа зарур моллар нархи 400—500 фоизга кўтарилиди. Нон нархи эса 6 баробар ошиди<sup>1</sup>. Чай-қовчилик авж олди. Судхурлик кучайди.

Озиқ-овқат таъминотининг қийинлашуви сабабли Туркистонда меҳнаткашларнинг норозилиги кучайди. Нарх-навонинг ошиши йирик ер эгалари, капиталистлар, савдогарлар ва чай-қовчиларга қўл келди. Натижала улар катта фойда кўра бошлидилар.

Рус мустамлакачилари Туркистондан уруш йиллари 59 миллион пуд пахта, 8,5 миллион пуд пахта ёғи, 950 минг пуд пилла, 2925 минг пуд тери, 300 минг пуд гүшт, 229 минг пуд совун, 474 минг пуд балиқ олиб кетишиди. Фронтта аҳолидан 70 минг от, 12 минг түя, 38 минг квадрат метр гилам-наматлар, 2400 минг рубл нақд пул йигиб олдилар. Худди шу даврда гуруч, гүшт, қанд, пойафзал ва газлама нархи бир неча марта кўтарилиб, дехқону ҳунарманд ва ишчи рўзгорини мушкул ҳолга солди. Айнан шу шароитда подшонинг бу оиласарни бокувчисиз қолдирадиган мардикорликка сафарбарлик ҳақидаги фармони ҳалқ сабр косасини тўлдирган сўнгги томчи бўлди.

Рус қўмандонлиги ўзининг Германия ва Туркияга қарши урушидаги нўноқлиги, уқувсизлиги туфайли ўринсиз қурбонлар берид, Россиянинг урушга тарааддуи пухта бўлмаганини кўрсатди. Бунинг устига оғир иқтисодий аҳвол, қурол-яргонинг етишмаслиги армиянинг кайфиятига ёмон таъсир кўрсатиб, қисмларда инқилобий фирмалар фаолияти кучайди. Фронт орқаси ҳам армия учун таянч бўлолмайдиган аҳволда эди. Бу ерда ҳам урушдан норозилик кучайиб, рус «аёлларининг ғалаёнлари» кўпайиб кетаётган эди. Дўпписи тор келиб қолган рус қўмандонлиги уруш оғирлигини мустамлакалар елкасига ортиб, уларни аёвсиз эзиш сиёсатига ўтди. Олий Бош қўмандон штаби «армия эҳтиёжлари учун салмоқли миқдорда куч ажратиш»ни ҳарбий вазирлик мустамлакалардан туплашга қарор қилди. Император Николай II имзо чеккан ва 1916 йил 25 июнь куни эълон қилинган «Империядаги рус бўлмаган эркак аҳолини ҳаракатдаги армия районида мудофаа ишшоотлари ва ҳарбий алоқа йўллари қуриш учун олиб бориладиган ишларга, шунингдек, давлат мудофааси учун зарур бўлган бошқа ҳар қан-

<sup>1</sup> ЎЭР МДА, 461-жамғарма, 1-рўйхат, 1676-иш, 2-варақ.

дай ишларга жалб қилиш ҳақида»<sup>1</sup> фармонга күра Туркистан, Сибирь ва Кавказ халқаридан 19 ёшдан 43 ёшгача бўлган эркакларни сафарбор қилишни қўзлаган эди. Лекин фармоннинг бундай тарзда Туркистан үлкасига мутлақо татбиқ этиб бўлмаслигини тажрибали подшо амалдори, собиқ ҳарбий вазир А. Н. Куропаткин ҳам тушунган эди. У вазир ёрдамчиси генерал Фроловга Россияда икки йилдан бери давом этиб, ниҳояси қўринмаган бу тадбирни, яъни урушга 19—43 ёшли аҳолини сафарбар қилиш масаласи ҳал бўлмаган ҳолда уни чекка үлкаларга тадбиқ этиш ноўринлигини кўрсатгани бежиз эмас.

Туркистан генерал-губернаторига Фармонни тезликда амалга ошириш буюрилиб, Сирдарё вилояти зиммасига 87 минг, Самарқандга 88 минг, Фарғонага 50 минг мардикор юбориш вазифаси юклатилди. Фарғона вилояти бошқаларга қараганда анча енгил мажбурият олди — ҳар беш хонадондан бир мардикор берадиган бўлди. Бундай имтиёзнинг сабаби шунда эдики, водий рус тўқимачилик саноати учун бой хом ашё макони бўлиб, у билан йирик рус саноатчилари манфаати боғлиқ эди. Фарғонадан кўп ишчи кучининг сафарбар қилиниши рус саноатчилари учун зарур пахта толасининг камайиб кетиши ва мустамлакадан олинувчи устама фойданинг пасайиб кетиши демак эди. Пахта яккаҳокимлиги ўз кучини 1916 йил 2 июлдаги Тошкентда бўлиб ўтган олий амалдорлар кенгашида ҳам кўрсатди. Губернаторлар ва метрополия вакиллари кенгашида Санкт-Петербургда белгилаб қўйилган пахта тайёрлаш режасини бажариш учун зарур ишчи кўллар миқдорини сақлаб қолиш масаласи биринчи ўринга қўйилди. Пахта экини майдонларининг 50 фоизини ташкил қилган районларда белгиланган мардикорларнинг олтидан бир қисми, 25 фоизини ташкил этган жойларда 50 фоизи олинадиган бўлди.

Фарғона вилоятининг пахта етиштирувчи Кўқон, Наманган, Андижон ва Марғилон уездларининг 86 волостидан 54 тасида пахта учун ажратилган ер майдони 50 ва ундан кўп фоизни ташкил этганлиги ҳисобга олинса, вилоятнинг пахта етиштирувчи волостларининг ярмидан кўпи учун анча қулай шароитлар яратилганилиги маълум бўлади. Бу волостларда уруш ортихизматига жалб қилиниши лозим бўлган ишчилар сони, бир

<sup>1</sup> Восстание 1916 года в Средней Азии и Казахстане. Сборник архивных документов. М., 1960, с.25. Бу тўпламни бир гуруҳ лаганбадор тарихчилар тайёрлаб, қўзғолоннинг асл моҳиятини соҳталашибир, бузуб талқин қилишга ва унга диний тус беришга уринганлар. Мазкур тўпламда Туркистан генерал-губернатори архивидан олинган 508 та эълон қилинмаган ҳужжатлар берилган. Аммо бу қўзғолоннинг туб моҳиятини очиб берувчи бир қатор ҳужжатлар тўпламга атайн киритилмаган. Бу мавзу X. Зиёев асарларида батағфисл ёритилган. Карапан г: Зиёев X. Туркистанда Россия тажовузи ва ҳукмронлигига қарши кураш. Т., «Шарқ». 1998; Шу муаллиф. Истиқлол — маънавият негизи. Т., «Маънавият», 1999.

сүз билан айтганда, Туркистоннинг бошқа вилоятларига нисбатан баробар камайтирилди ва шу ҳақда қарор чиқарилди. Аммо фармон ижроси рус мустамлака тузумининг олий бўғинидан тортиб қуи поғонасигача ярамас эканлигини кўрсатди. Эллик йил давомида чоризм истиблодининг асоси бўш эканлигини исботлади. Ўлка маъмурияти ижтимоий-иқтисодий ва сиёсий тараққиёт талабларига жавоб беролмаслиги, унга тўғаноқ бўлиб қолганини рўй-рост намойиш қилди. Мардикорлар рўйхатини тузишида қуи маъмуриятнинг ўзбошимчалиги ва Фаргона вилоят ҳарбий губернатори генерал Александр Гиппиуснинг вазифасидан четлатилиши ана шу фикрни яққол тасдиқлайди. Ўлкада 40 йилдан зиёд хизмати билан қуи маъмурийдан Самарқанд ҳарбий губернатори лавозимига кўтарилиган Н.С.Ликошин ҳам рус ҳокимияти вакилларининг ноқобиллигини шундай таърифлаган: «Норозилик ҳаракати кўтарила борди, гоҳ у ер, гоҳ бу ерда ур-йиқитлар ва ўлдиришлар содир бўлди. Маҳаллий амалдорларнинг тушунтиришлари ва огоҳлантиришлари халқа таъсир қилмади. Маъмурларнинг сўзларига халқнинг мутлақо ишончи қолмади». Подшо фармони эълон қилинmasдан олдин Андижонда мустамлакачи маъмурлар халқни алдаб, сизларнинг ўғилларингизни фронтга олмаймиз, шу боис армияни қўллаб, унга отлар ва бошқа керакли нарсалар билан ёрдам берсангиз бўлди, деб алдагани ва бирорвга ишонган аҳоли фронт учун кўпдан-кўп моддий сарф-харажатлар қилгани ҳам маълум бўлади<sup>1</sup>.

Фарғонада 10 йилдан бери губернаторлик қилиб келаётган генерал-лейтенант А.Гиппиуснинг эса «халқ ишончини қозониш» ва «подшо амрини тинч йўл билан бажариш» учун қилган барча ҳаракатлари зое кетди. Россия империяси учун бу бой мустамлакани сақлаб қолишга уринган тадбиркор генерални марказ тушунишга қодир бўлмади. Мустамлака сиёсатини нозик қўллаш тарафдори бўлган А.Гиппиус маслакдоши генерал Н.Ликошинга 8 июлда йўллаган мактубида сафарбарлик ишлари «ҳозирча осойишта кечмоқда»<sup>2</sup> деганида Фарғонада чинакам иш бошланмаган эди. Гиппиус 15 июлда «Фарғона вилоят ведомости»да подшо фармони билан баробар аҳолига ўзининг мурожаатини ҳам эълон қилди. Бу мурожаат намойиш тарзida араб имлосида, ўзбек тилида берилди. Унда губернатор мардикорлар давлат томонидан тўла-тўқис таъминланиши, одамлар ўзлари ўрнига бошқа одам ёллаб юборишлари ҳам мумкинлигини айтган. У Тошкентта қуидагича илтимоснома юборди: 1) темир йўлни қўриқлаш учун минг аскар ва рус посёлкаларини ҳар эҳтимолга қарши ҳимоя қилиш учун бир дружина юбориш; 2) жабҳа приставлари ихтиёрига 600 казак

<sup>1</sup> ЎзР МДА, 1-жамгарма, 31-рўйхат, 1100-иш, 84—90-вараЬлар.

<sup>2</sup> ЎзР МДА, 1-жамгарма, 31-рўйхат, 1135-иш, 285-вараЬ.

жұнатиш; 3) вилюятни ҳарбий қолатда деб зылон қилиш; 4) ҳарбий губернаторға бош құмандон ҳуқуқини бериш.

Сафарбарлық тұғрисидаги фармоннинг зылон қилиниши ахоли үртасида қонли воқеаларнинг вужудга келишига сабаб бўлди. 1916 йил 10 июля келиб, Эски Маргилон, Құқон, Наманган, Андижон, Чуст ва бошқа жойларда катта ғалаёнлар содир бўлди. 11 июлдан 15 июля гача Фарғона вилюятининг турли жойларида сафарбарликка қарши ошкора талаблар билан чиқишилар бўлиб ўтди. Гиппиус жойларда аҳолининг ғалаёнлари ҳақидаги хабарларга асосланиб, генерал-губернаторға «халқ ғалаёни нима сабабдан келиб чиқишидан қатын назар, у ўз тараққиёти давомида диний ва сиёсий заминга қучиши хавфи бор»<sup>1</sup>, деб уни огоҳлантиради. У 17 июля рӯза тугаб, 18 июлдан ҳайит уч кун давом этилишини эслатган ҳолла, бу кунлар «тўполон чиқиши учун жуда қулай» эканлигини уқтиради. Гиппиус подшо фармонини айнан Фарғонада қўллаб бўлмаслигини ёзди. У маҳаллий шарт-шароитлардан келиб чиқиб, подшо фармонига «ўз билганича тузатиш ва чекинишлар киритажагини, бундан мақсад йирик тартибсизликларга йўл қўймасликдир», деган мазмундаги телеграмманинг бир нусхасини Тошкентга, иккинчи нусхасини эса Петербургга, Баш штабга юборади. Тажрибали сиёсатчи ва тадбиркор генерал ён босишлиар, қисман чекинишлар ва ҳатто Куръони Каримни ҳам ишлатиш билан кўзғолон чиқармасликка уринади. Катта оломоннинг кўз ўнгидаги губернатор бошига салла ўраб, елкасига тўн ташлаб, Куръондан суралар ўқийди. Лекин, ҳар қандай уринишлар туғал натижага олиб келмаслигига кўзи етгач, охиргиchorани қўллайди. Вақтдан ютиш мақсадида у 27 июля подшо фармони ижросини тұхтатиб туриш ҳақида кўрсатма беради. Бундай дадил ва қалтис ишни асослаб, губернатор зўравонлик ишлатилса, «исёнга доим мойил» ва «ҳамиша газовот руҳи уфуриб турадиган» Фарғонада ахоли қисман тоғларга чиқиб кетишига, қисман қароқчилар тұдағында қўшилиб кетишига, асосан эса линий ва сиёсий шиор остида очиқасига кутарилиб кетишига ургу беради. Гиппиус олий қўмандонликка Туркистон рус давлати учун қудрат манбаи бўлиб қолиши мақсадила шундай қилингани маъқуллигини айтади.<sup>2</sup> Аммо марказ унинг далилтарини қабул қилмай, ҳатто фармонни бузишида ва мусулмонларга ён босишида айблаб вазифасидан бўшатади<sup>3</sup>. Унинг ўрнига ўтакетган шовинист, калтадум полковник П.Иванов тайинланди. У табиий равишида тезлик билан фармонни бажарип ҳамда очиқдан-очиқ ҳарбий жазолар қўллашга киришади.

1916 йил 4 июля биринчи бўлиб Хўжанд ҳалқи қўзғолон

<sup>1</sup> ЎзР МДА. 1-жамғарма, 31-рўйхат, 1132-иш, 25-варақ.

<sup>2</sup> Ўша архив, 1211-иш, 5—9-варақлар.

<sup>3</sup> Ўша архив, 1132-иш, 206-варақ.

күттарди. 7 минг кишилик оломон полиция бошқармасига ҳужум қилди, лекин зудлик билан қалъадан етиб келган рус аскарлари ҳамда полициячилар уларни ўқقا тутдилар. Икки киши ўлиб, бир одам ярадор бўлди. Ўша куни Ҳужанд туманига қарашли Кўстакўз қишлоғида одамлар мингбоши ҳовлисига бостириб кириб, уни дўпосладилар. Ҳужанд билан бир вақтда Самарқанд, Жиззах ва Каттақўргон туманларида ҳам галаёнлар бошланди. Айниқса, 1905—1907 йилларда деҳқонлар ҳаракати кўтарилиган Даҳбед волостида воқеалар бирмунча жиддий тус олди. Бир неча минг кишилик деҳқонларга илғор ўзбек зиёлиси Усмон Абдурасулов бошчилик қилди. Улар мингбоши Ҳайдар Қосимжонов ва унинг миrzаси Қобуловни тошбўрон қилишди. Миллатпарварлик туйгуси кучли бўлган жадидлар вакили Усмон Абдурасулов муқаммал куролланган рус аскарлари билан олишувда 30 га яқин маслакдошлари билан асир олинди. Қайнар волостига қарашли Афғон қишлоғида оломон мардикорлар рўйхатини тузган элликбоши ва оқсоқолларни калтаклади. Кўзголонни бостиришга шахсан Кўқон тумани бошлиғи ёрдамчиси подполковник А.Китаев етиб келди. 10 киши ҳибсга олиниб, қамоққа жўнатилди. Ҳудди ўша 8 июль куни Найманчада асосан аёллардан иборат оломон подполковник Китаевни тошбўрон қилдилар. 9 июлдаги ахборотда Аравон бўлисида мингбоши, унинг миrzаси ва миршаби ўлдирилгани, Андижон шаҳрида эса мадрасадан чиқсан талабалар тўпланишгани ва аскарлар билан тўқнашувда улардан 10 киши яралангани хабар қилинган<sup>1</sup>. Найманчадаги қўзголонда мингбоши ўлдирилиб, аскарлар билан тўқнашувда 316 киши ҳибсга олинган<sup>2</sup>.

Кўқон туманбошиси полковник К.Мединский Ганжиравон қишлоғида оқсоқолнинг ўйини ва мардикорлар рўйхатини ёқиб юборган қўзголончилардан 139 кишини Кўқон тумасига жўнатди<sup>3</sup>. Ҳудди шу 9 июль куни Кўқон мадрасаси талабалари миршаблар билан тўқнашиб, улардан 22 киши яраланди. 11 июлда эса Чопаргузар даҳасида аҳолининг полиция билан тўқнашувда 130 киши қамоққа олинди. К.Мединский Кўқон шаҳар ноиби IV Давлат Думасининг собиқ аъзоси Солиҳон Муҳаммаджоновни ўз ўйига чақириб, уни Давлат Думасида Туркистонни идора этиш ҳақидаги Низомнинг 4-бандини олдириб ташлашга эришганликда айблаб, ёмон сўзлар билан ҳақоратлаб, мана энди сенга ўша 4-бандни кўрсатиб қўямиз, деб тазиик ўtkаздики, бу ҳам қўзголоннинг янгидан авж олишига сабаб бўлди<sup>4</sup>. 12—15 июль кунлари Файзиобод, Ҳазратшо, Риштон, Кундош, Яйпан, Бачкир қишлоқларида аҳолининг

<sup>1</sup> ЎзР МДА, I-жамгарма, 31-рўйхат, 1132-иш, 4-варақ.

<sup>2</sup> Ўша архив, 906-иш, 47-варақ.

<sup>3</sup> Ўша жойда.

<sup>4</sup> ЎзР МДА, I-жамгарма, I-рўйхат, 31-иш, 43-варақ.

жуда катта ғалаёнлари бўлиб ўтди. Қисқаси, 1916 йилнинг июлида Қўқон туманинг барча қишлоқларини қамраб олган қўзғолон бутун водийга ёйилди. Мустамлака маъмурияти берган маълумотларга кўра, Фарғона вилоятининг 17 жойида аҳолининг ҳарбий қисмлар билан қонли тўқнашуви бўлиб ўтган. 9 июль куни Андижонда ҳам одамлар қўзғалди. Маҳаллий амалдорларни дўппослаган улкан оломон эски шаҳардан янгисига — Скобелев номли катта кўча орқали йўл олди. Андижонликлар 1898 йилдаги воқеаларни унутмаган, интиқом ўти энди баралла аланга олган эди. Улар Гултепа майдонидаги туманбоши И. Бржеziцкий билан учрашишади. У казаклар ва полициячилар қуршовида туриб, оломоннинг талабларини эшитиб, казакларга уларни ўққа тутишни буюради. Натижада 3 киши ҳалок бўлиб, 12 киши ярадор бўлади<sup>1</sup>.

Андижон уезди бошлиғи вазифасини бажарувчи 1916 йил 27 сентябрда Туркистон район муҳофаза бўлими бошлиғига ўйллаган хатида 9—16 июль кунларидағи қўзғолон тафсилотини баён қилган<sup>2</sup>.

9 июль куни Андижон шаҳрининг 2-қисмидаги Гултепа майдонидаги «туземешлар оломони» амалга оширган тартибсизликларни бостириш чоғида алоҳида Урол казак юзлигидан Кунтаев бошига тош тегиб жароҳат кўрди. «..туземешлар»дан 3 киши ўлди, 8 киши ярадор бўлди. Қўзғолон бошлиқларидан 22 киши ушланди, тергов органига топширилди. 10 июля Олтинқўл бўлисига қарашли Даљварзин қишлоғида қўзғолончилар бўлис бошлиғи Мулла Ҳакимбек Мулла Рўзибеков ва унинг ҳамроҳлари (Темирбой Памғамбаркулов, Каримжон Абдуваҳоб Ҳўжаев)ни ўлдирдилар. Қўзғолон бошлиқларидан 32 киши ушланиб қамоқхонага топширилди<sup>3</sup>.

11 июляда Майгир бўлисинганинг Чувама қишлоғида кўтарилиган қўзғолонда «туземешлар оломони» Чувама элликбошиси Қипчоқбой Боймирзаевни ўлдирдилар. Қўзғолон раҳбарларидан 16 киши ҳибсга олинниб, терговга берилди.

12 июляда Балиқчи бўлисидаги Холмурод-Кўрғонча қишлоғида қишлоқ оқсоқоли Эсон Али Раҳимкулов ўлдирилиб, қўзғолон ташкилотчиларидан 2 киши қамоққа олинган. Худди шундай қўзғолон «туземешлар оломони» томонидан Ёрбоши бўлисидаги Бекобод қишлоғида, Султонобод жабҳасидаги Сўфи қишлоқ, Норин бўлисидаги Чўжа қишлоғида бўлиб ўтди<sup>4</sup>. Андижон туманининг Капа, Ҳиндимозор, Қутарма, Эйлатон, Миробод, Ҳўжаобод (Балиқчи бўлисидаги), Ўрмонбек қишлоқларида қўзғолонлар ҳам бўлиб ўтди. Қўзғолон қатнашчиларидан талайгина қисми ҳибсга олинди.

<sup>1</sup> ЎзР МДА, 1-жамгарма, 1-рўйхат, 31-иш, 42-варак

<sup>2</sup> ЎзР МДА, 1-жамгарма, 31-рўйхат, 1100-иш, 275—276-вараклар.

<sup>3</sup> Ўша жойда.

<sup>4</sup> Ўша жойда.

10 июлда Марғилон халқы курашга құзгалади. Шаҳар марказида жойлашған Үрдада 25 минг кишилиқ оломон полицмейстер П. Паҳотин, мингбошилардан Маҳмудбек Шахрихонов, Мавлонбек Бадалбоевни құршаб олади. Полицмейстерге гапиришга ҳам имкон бермай, оёғи тағидаги таҳтани уриб синдиришади. Ұшанда мингбошилар, бош миршаб ва уларнинг тұрт ҳамроҳи уриб үлдирилади. Құзғолончилар кино үйини остиңустун қилиб, подшо суратини ерга уриб топтайдилар. Чиннихон Иброҳимова бош бұлған аёллар Исо элликбошини үлдиришади. Эркаклар деҳқон Йўлдош Охунбобеев бошчилигида мингбоши идорасини ёндиришади. Құзғолончиларга қарши юборилган 6-Оренбург полки казаклари 63 кишини үлдириб, юзлаб одамларни ҳибсга оладилар.

11 июлда Наманганда кұтариған құзғолон ҳам жиддий тус олди. Шу куни әрталаб Лаббайтога даҳасининг Курашхона майдонида 1500 дан ортиқ киши тұпланди. Пристав В. Домбровский ва туман-уезд бошлиғи вазифасини бажарувчи капитан Румянцев: «Сафарбарликка чақириш бекор қилинганды», деб, халқы алдамоқчи бұлғанда, улар ёзма тилхат беришини талаб қилишди. Уларга қарши күчли қуролланған рота ташланди. Пулемёттар билан қуролланған рус аскарлари ротасидан құрқмай жаңг қылғанлардан 56 одам ҳалок бұлиб, 109 киши ярадор қилинди.

Тадқиқотчиларнинг ҳисобига күра, Фарғона водийсида маҳаллий маъмурият вакилларидан 34 киши құзғолончилар томонидан үлдирилган.

Миллий-озодлик құзғолони алансаси үлка маркази Тошкентни ҳам ўз гирдобига тортди. 11 июлда шаҳарда кұтариған құзғолон қатнашчиси Йўлчи Иброҳимов ўз хотирасида шундай воқеани келтиріди: «Биз Жаариқдаги бойларнинг заводларыда кун-тун тинмай ишлар эдик. Мардикор олиш сүзини эшитиб, 19 корхонанинг ишчилари құзғолон қилишга тайёрғарлық қўришиди. Құзғолон куни әрталаб Олмазордаги полиция идорасига тұплана бошлади. Мен вақтлироқ бориб аҳволни билмоқчи бўлдим. Эшик олдода 4-даҳа пристави Мочаловга туппа-тузук кийинган бир чол таъзим қилиб турибди. Чол Мочаловга халқ құзғолон қилиб келаётганини айтди. Билсам, бу чол машхур Фиёсқори дума — Иброҳим ҳожилар томонидан юборилган жосус экан. Шу пайтда құзғолон кұтартған оломон ҳам келиб қолди». Құзғолончилар қамчисидан қон томган, үзбек аёллари, болаларини унинг номи билан қўрқитадиган Мочаловдан ҳам ҳайиқмай у бош бўлған полициячиларга хужум қылғани, ёрдамга етиб келган подполковник Савицкий қўмандонлигидаги пра-поршчиклар ротасига қарши жаңг қылғани ва уларнинг сафида Рўзвониби Аҳмаджонова каби фидокор аёллар ҳам бўлганинг ўзи, Тошкент құзғолони оммавий тус олганини қўрсатди<sup>1</sup>.

<sup>1</sup> Содиқов Арафа. «Гулистон», 1976 йил, 7-сон, 9-бет.



Тошкент қўзғолони. Пристав Мочалов узбек аёли Рўзвонбиби Аҳмаджоновага уқ узмоқда.

Қўзғолончилар: «Ишчиларимизни бергандан кўра, ўлганимиз яхшироқ!», — деган қийқириқлар остида рўйхатни йиртиб ташлаш учун полиция биносига бостириб киришли ва Бошқарма биносининг деразаларини тошбурон қилишди. Шунда пристав Мочалов ҳалққа қарата ўт очишга буйруқ берди. Бундан газабланган Рўзвонбиби Аҳмаджонова юзидағи чачвонни олиб ташлаб: «Нега ёшларни ўлдиряпсизлар? Мени ўлдиринглар, аммо фарзандларимизни сизларга бермаймиз», — деб қичқирди. Пристав Мочалов ўз қули билан бу аёлни ҳам отиб ташлади.

Шу пайтда хотинларнинг қўзғолонда қатнашаётганигини қоралаган Обид уста Азизхўжаев калтакланади. Бу киши шаҳар касалхонасида ўлган. Прокурор айбномасида бу ҳақда шундай дейилган: «Мархум Обид уста Азизхўжаевнинг укаси 11 июль куни кечқурун касалхонага борганда акаси жон беришдан олдин шундай дейди: «Мен полиция бошқармасининг тагида туриб, шовқин-сурон кўтариш ва тошбурон қилиш, эркаклар турганда, хотинларга муносиб эмас, дедим. Шу ондаёқ кишилар ва хотинлар мени кўчага судраб олиб чиқишиди. Бу ерда кимлардир биқинимга пичноқ урди»<sup>1</sup>.

<sup>1</sup> Зиёев Ҳамид. Туркистонда Россия тажовузи ва ҳукмонлигига қарши кураш, 407-бет.

Халқ ғазабининг чеки кўринмас эди. Қўзголонга раҳбарлик қилганлар орасида Фулом Камолов ва Очил Бобоҷонов каби қурувчи-усталар алоҳида ажralиб туришди. Эски Тошкентда юз берган қўзголон Тошкент тумани меҳнаткашларининг ҳам чиқишига туртки бўлди. 13 июлда Тўйтепа бўлисининг мингта яқин аҳолиси волост йиғинида мардикорлик мажбуриятини баҗаришдан бош тортдилар. Тошкент туманига юборилган полковник Афанаſьевнинг жазо отряди қишлоқларга ўт қўиди, исёнчиларни эса суд ва терговсиз отиб ташлади.

Мустамлакачилар воқеаларнинг бундай боришидан ташвишга тушиб қолдилар. 1916 йил 17 июлда Николай II нинг фармони билан Туркистон ҳарбий округида ҳарбий ҳолат жорий этилиб, фуқаролик бошқаруви тўла равишда ҳарбий қўмандонлик ихтиёрига топширилди. Генерал-губернаторга ҳам бош қўмандон сифатида катта ваколатлар берилди. Тезлик билан жазо отрядлари тузилди. Жойларда ҳарбий гарнизонлар ва миршаблик қисмлари ишларини кўриб чиқиш учун ҳарбийдала судлари ташкил этилди. Аммо қўзголон алангасини бундай фавқулодда чоралар ҳам тўхтата олмади. Қўзголон 18 июл-



1916 йилги миллий-озодлик қўзголони қатнашчилари.

да Жиззахда шу қадар катта бүлдикى, тарихчилар 1916 йилги құзғолонни Жиззах құзғолони деб атайдиган бўлиб қолдилар.

Жиззах халқи газовот байроби остида Назирхұжа эшон бошчилигидә янги шаҳарга йўл олиши. Туманбoshi подполковник Рукин, бош оқсоқол Йўлдошев, пристав, тилмочлар ўлдирилди. Құзғолончилар жазо отряди билан жангга киришиб, талафотларга қарамай, ҳужумни давом эттириши. Темир йўл станцияларидаги нефть захиралари ёндирилди, алоқа симлари узиб ташланди. Обручево, Куропаткино, Ростовцево станциялари, 6-темир йўл кўпрги бузиб ташланди. З мингдан ортиқ құзғолончи Самарқанд сари йўл олди. Дуч келган мингбошилар, оқсоқолу мираблар ўлдирилиб, мардикорлар рўйхатлари ёқиб юборилди. Подполковник Афанасьевнинг жазо отряди тумандаги құзғолонни бостира олмади. Туркестон генерал-губернатори Жиззахга 13 рота аскар, 3 рота казаклар, 3 рота сапёрлар, 6 тўпли батарея — ҳаммаси бўлиб, 2,5 минг кишилик жазо отрядини юборди. Ўлка бўйлаб, халққа қарши уруш тажрибасини ортирган малакали ҳарбийлардан жами 15 батальон, 42 тўп, 69 пулемётга эга 32 рота жанг бошлади. Бу Антанта иттифоқида Германия — Австро-Венгрия ва Туркияга қарши жанг қилаётган рус армияси учун иккинчи фронт бўлди. Шунинг учун ҳам 1916 йил 13 декабрда IV Давлат Думасида сўзга чиққан ноиб А.Ф.Керенский «Уруш фронтларига янги бир фронт — Туркестон фронти қўшилди» деб вазиятга жиддий баҳо берган эди<sup>1</sup>.

1916 йили Жиззах туманининг Қилич қишлоғида жазо отряди ва құзғолончилар ўртасида сұнгти бор тўқнашув юз берди. «Аёвсиз кириш»га фармони олий олган полковник Иванов одамларни суд ва сўроқсиз отабошлади, юзлаб кишиларни дорга осди.

Эски Жиззах аёвсиз тўпга тутилиб, бутунлай ёндириб ташланди. Жиззахда рус аскарларини ўлдиргани учун маҳаллий аҳолининг 1810 десятина энг ҳосилдор ери тортиб олинди. Мингдан ортиқ киши қамоққа олиниб, уларнинг кўпи қатл этилди ва сургун қилинди. «Қаҳрамонликлари» эвазига полковник П.Иванов Фарона ҳарбий губернатори лавозимига кўтарилиди.

Генерал-губернатор императорга йўллаган мутлақо маҳфий ахборотида құзғолон пайтида 97 рус аскари ўлдирилиб, 86 таси ярадор бўлгани ва 76 аскар бедарак кетгани, 7 рус амалдори, рус аҳолисидан 2326 киши ўлдирилиб, 1384 киши бедарак йўқолганини ёзган<sup>2</sup>. Аммо генерал-губернатор Туркестонда кўрган талафотини аниқ ёзгани ҳолда, ваҳшиёна ўлдирилган ўн

<sup>1</sup> Содиков Х. Арафа. «Гулистан», 1976 йил 7-сон, 10—11-бетлар. Булғуси Вақтли ҳукumat раисининг бу ўзтирофи 1916 йилги құзғолоннинг улкан кўлами ва тарихий аҳамиятидан дарак беради.

<sup>2</sup> Красный архив. Т. XXIV, 1929, 85—86-бетлар.

минглаб маҳаллий аҳоли ҳисобини бермайди. Аммо у бир ҳақиқатни яширмайди. Сүнгги 30 йил мобайнида, яъни Туркистон ўлкасини бошқариш ҳақидаги Низом тасдиқланиб, кучга кирган 1886 йилдан 1916 йилга қадар руслар ўтроқ маҳаллий аҳолига яқинлашиш ўрнига ундан узоқлашиб кетганини эътироф қилди. Аслида «Мардикорлар қўзғолони» деб аталмиш 1916 йилдаги миллий-озодлик қўзғолонида қурбонлар бениҳоя катта бўлган, миллиондан зиёд киши ҳалок бўлган. Туркистон аҳолисидан 673 минг киши ўлдирилган, 300 мингдан ортиқ аҳоли хорижга чиқиб кетган, 1 миллион кишининг мол-мулки талон-торож қилинган, аҳолидаги отларнинг 50 фоизи, сигирларнинг 39 фоизи, туяларнинг 55 фоизи, кўй ва эчкиларнинг 50 фоизи ўлган ва мусодара қилинган.<sup>1</sup> Ўлка аҳолиси кескин камайиб кетди. Аҳоли таркибида руслар, русий забонларнинг камайиши уларнинг фронтга олиниши ва Россияяга кўчиб кетиши билан ифодаланса, туб аҳолининг камайиши асосан 1916 йилги оммавий қирғин, очлик ва хорижий мамлакатларга чиқиб кетганиклари билан ифодаланади.

Қўзғолонда қорақалпоқлар ҳам фаол иштирок этдилар. 1916 йил 24 июлда Шўрахон жабҳаси Тўртқўл бўлими Саҳтиан жамоаси аёллари бўлис бошқарувчиси Қозоқбой Абдикаримбоевдан фронт орқаси ишчиларининг рўйхатини ва ўз эрларини ва ўғилларини мардикорликдан озод қилишни талаб қилиб чиқдилар. Бундай чиқиши 26 июлда Хўжаер жамоасида ҳам юз берди. Бўлиснинг барча қишлоқларидан 200—300 аёл ўз болалари билан Тўртқўлга келиб, солдатларга ташландилар. Казак соқчи командаси аёлларни тарқатиб юборди ва улардан бир нечтасини қамоққа олди<sup>2</sup>.

1916 йил 29 июлда Сарибий бўлиси аҳолиси (1 минг одам чамаси, ичида кўпгина аёллар бор) болта, пичноқ, калтаклар билан куролланиб, Шўрахон участкаси Сарибий бўлислик бошқарувчи масигига йўл олди. Аҳолининг талабларига бўлис бошқарувчиси Қўрс жавоб беради. Фазабланган халқ Сарибий бўлис бошқарувчиси Содик Бояков ва унга қарашли учта оқсоқолни ўлдиради. Шундан сунг улар Амударё бўлими бошлиғига ўз талабларини билдириш мақсадида Петроалександровскга йўл олади, лекин исённи бостириш учун солдатларнинг келиб етганини эшитган қўзғолончилар уйларига тарқалиб кетади. Бўрибой Салманов, Одлониёз Худойназаров, Давлет Эшимбетов, Жаббор Қўшиқ, Султон Жабборбергановлар қўзғолоннинг фаол қатнашчилари эди. Авез Тўти Оразбейгамованинг номи ҳануз халқ хотирасида.

Шўрахон жабҳаси бошқа бўлимларида ҳам галаёнлар бўлиб ўтди. 1916 йил 29 июлда Тўртқўл бўлиси Саҳтиан, Хўжаер ва

<sup>1</sup> Ёрқин Иброҳим. Туркистондаги 1916 йил исёни ҳақида баъзи маълумотлар. «Турк маданияти». Анқара, 1968 йил, 68-сон.

<sup>2</sup> ЎЗР МДА, I-жамғарма, I-рўйхат, 1137-иш, 201-варақ.

Тұртқұл жамоалари ақолиси булис йигинига қатнашишдан бosh тортиб, булис бошқарувчысига вакилларини жұнатышади. Үзларининг талабларини қондиришга эришолмаган исөнчилар булис бошқарувчысі идорасини агадар-тұнтар қиласы да отлиқ аскарлар казармасидан солдатлар етиб келгандан сұнггина орқага қайтади.

Чимбай жабжаси Бешяб булиси ақолиси ҳам құзғолон домиға тортилди. 1916 йил 27 июля уларга Эшім волостининг бириңчи ва иккінчи овуллари, кейин Янгибозор ва Нукус булислари, 29 июля эса Чимбай шаҳри ҳам қүшилди.

1916 йил 29 июль куни Чимбай исөнчилари құлиға тушган нарса билан қуролланиб, пристав идорасига йұл олади. Полиция пристави халқ арзларига рад жавобини беради ва вакиллардан бирини ярадор қиласы. Дарғазаб чимбайликтер пристав идорасига ҳужум қилиб, подшо портретини ёқадилар, пристав Макелжаның үлдирадилар ва унинг яқынларини қалтаклайдилар. Аммо исөнчилар казаклар томонидан тарқатып юборилади. Бу құзғолонда Жумон Маметқұлов, Салима мұлло Шалимова, Гулзода Тонғирбергенова, Ойгул Мамбетова, Шамурод Сагатбаев ва бошқа күплаб қишилар фаол иштирок этди<sup>1</sup>.

Чимбай құзғолони балиқчилар орасыда ҳам кучли галаёнларга сабаб ғұлди. 1916 йил 4 августда Мүйноқда галаёнлар бошланды. Балиқчилар овчилик ҳұжайинига ҳужум қилды, унинг мол-мұлқини яксон қилиб, гидрометрик постни әгаллады. Мүйноқ балиқчилари кетидан Ұрга овчилиги балиқчилари құтарилилди. Мүйноқ ва Ұрга балиқ овчиликтарини құриқлаш учун 4-Сибирь үкім полки жұнатылды.

Чор маъмурлари ҳарбий күч ишлатибина құзғолонни бостиришга эришдилар. 103 нафар құзғолон иштирокчisi, шу жумладан, 18 аёл қамоқхонага ташланды. Ҳарбий трибунал құзғолон раҳбарларининг бир қисмими осиб үлдиришта, қолғанларини эса Сибирга сурғун қилиш билан турли муддатларға қамоқ жазосига ҳукм қилды.

Қорақалпоқ эли 1916 йилги озодлик ҳаракатыда фаол қатнашиб чор маъмурларини жиддий хавф-хатарға солди<sup>2</sup>. Маъмуритет томонидан құрылған жазо чораларига қарамай қорақалпоқтарнинг мавжуд мустамлака зулмiga қарши қатый кураши давом этаверди.

**Жадидлар фаолияти.** Туркистаннинг асл фарзандлари бүлмиш жадидлар үзлери узоқ үйлар ғоявий жиҳатдан тайёрлаган миллий-озодлик құзғолонига ғоявий раҳбарлық қилдилар. Сиёсий разведка ва махфий полиция идоралари ҳужжатлари шундан гувохлық беради.

<sup>1</sup> Түреев А. XIX аср охири — XX аср бошида Қорақалпоқ ұлқасыда деңқондар ҳаракати. Нукус, 1991, 131-бет.

<sup>2</sup> Камолов С., Сарифов К. Қорақалпоқтар. Құләзма. Нукус, 1999, 25—27-бетлар.

Туркистон жадидларининг етакчиларидан Мунаввар қори Абдурашидхонов ва Убайдуллахўжа Асадуллахўжаев оғзаки маърузалардан ташқари, амалда ҳам фаол бўлиб, рус мустамлакачиларининг кирдикорларини фош қилдилар. Шунинг учун ҳам улар маслакдошлари билан шовинистлар қаҳрига учрадилар. Чунки жадидлар уларнинг асл ният ва мақсадларини очиб ташлашга қодир кишилар эдилар.

Жадидларнинг етакчи раҳбарларидан Убайдуллахўжа Асадуллахўжаев мустамлака маъмурятигини фош этишда катта хизмат кўрсатди. 1916 йил июль ойида Андижон жамоатчилиги томонидан Петроградга вакил қилиб жўнатилган Вадим Чайкин ва Убайдуллахўжа IV Давлат Думасида Туркистонда рўй берган воқеаларни изоҳлаб бердилар. Шундан сўнг Давлат Думаси аъзоларидан Раевский, Виноградов, Таваккалов 21 июль куни Олий Бош қўмандонлик қароргоҳига — ҳарбий вазир номига телеграмма жўнатдилар. Телеграммада Туркистон ўлкасининг рус аҳолиси ҳарбий мажбуриятдан озод этилгани ҳолда маҳаллий аҳолидан мардикор олиш сиёсий ва иқтисодий жиҳатдан хатарли эканлиги уқтирилди<sup>1</sup>.

Николай II Туркистон хусусида Давлат Думаси ноиблари талабини ҳисобга олиб, ўлкадан мардикорликка одам олиш муддатини 1916 йил 15 сентябргacha кечикириши ҳақида фармон чиқаришга мажбур бўлди. Император Фарбий Фронт қўмандони А.Н.Куропаткинни Туркистон генерал-губернатори қилиб Тошкентга жўнатди. Бу ерда Ўрта Осиёни истило этишда қатнашган, генерал М.Д.Скobelев дивизиясида штаб бошлиги бўлиб хизмат қилган генерал-адъютант Куропаткиннинг ўлка билан яқин танишлиги ҳисобга олинган эди.

Тажрибали подшо амалдори ҳалқقا ўзини одил ҳоким сифатида кўрсатиш учун қўзголоннинг келиб чиқишига сабаб бўлган амалдорларни жазолаш, одамларнинг шикоятларини дикқат билан тинглашини эълон қилди. У ўзи билан бирга келган IV Давлат Думаси аъзолари Керенский ва Таваккалов билан ўлкани айланишга чиқди. Сафар давомида генерал-губернатор номига қўплаб ариза-шикоятлар тушди. Давлат Думаси аъзолари билан яқиндан таниш бўлган Убайдуллахўжа Асадуллахўжаев рус тилини яхши билгани учун бу аризаларни таржима қилиб, генерал-губернаторни ҳақиқий аҳвол билан танишитирди. Аризаларда баён этилган фактлар мустамлакачи маъмурларнинг бебошлигини яққол курсатар эди.

Убайдуллахўжа мустамлакачиларнинг жойлардаги зўравонлиги, порахўрлиги ва ўзбошимчалиги ҳақида кўплаб материал ийғиб ва таҳлил этиб, адвокатга хос зукколик билан генерал-губернаторга, Давлат Думаси вакилларига тақдим қилди. Куропаткин рад этиб бўлмайдиган далиллар олдида ўзини уста сиё-

<sup>2</sup> ЎзР МДА, 1-жамгарма, 31-рўйхат, 1144-иш, 3-варак.


сатчи ва демократ қилиб күрсатиш учун қалтис усулни ишлатишига қарор қилди. У Андижон шаҳар бош оқсоқоли Шермат Алимқулов ва унинг рус ҳомийлари бўлган амалдорларни лавозимларидан четлатди<sup>1</sup>. 1865 йилда рус босқинчиларига қарши мардана жанг қилиб ҳалок бўлган саркарда Алимқулнинг ўғли Шермат мирза отасига зид равишида мустамлакачиларнинг содиқ малайига айланган эди. Одамларга беҳад зулм ўтказиб, ҳокими мутлоқ бўлиб олган Шерматни ҳам лавозимидан олиб ташланиши катта шов-шувларга сабаб бўлди. Бу ерда Куропаткин бир кесак билан икки қуённи урган эди. Биринчидан, туб миллат вакилларининг фикри билан ҳисоблашувчи фуқаропарвар эканлигини кўз-кўз қилиб, афкор омма иродасини ўзида гавдалантирган жадидлар сиймосида ўзига таянч яратиш учун уларнинг талабини ҳам қондирди. Иккинчидан, рус демократиясининг ҳам ишончини қозониш мақсадида ўта шовинист ва калтафаҳм рус амалдорларини дадиллик билан ишдан олиб ташлади. У Убайдуллахўжа Асадуллахўжаев ва эсер Вадим Чайкин Петроградда Давлат Думасида мардикорликка олиш масаласида рус амалдорлари йўл қўйган адолатсизликларни муфассал ҳикоя қилиб, маълум фикр тугдирганини ҳам ҳисобга олди. Убайдуллахўжа Думада ҳатто мардикорликка олиш ҳақидаги император фармонини бекор қилдириш талабини қўйгани — бу ўзбек адвокати орқасида жиддий кучлар турганидан дарак берган. Мана шу кучлар ичига андижонлик миллионер Аҳмадбек Ҳожи Темирбеков, Миркомилбой Мирмӯминбоевлардек ғоят нуфузли миллий буржуазия вакиллари турганини, худди шу буржуазия жадидларни молиявий қўллаб-куватлаётганини яхши билган. Шунинг учун ҳам у ўлка бўйлаб қылган сафарида Убайдуллахўжани мулизимлари қаторида олиб юрди. Ўзбеклар билан алоқада унга ишончли вакил сифатида қаради. Мардикорликка олиш масаласида жадидлар билан маслаҳатда иш кўришини маълум қилди.

А.Н.Куропаткин билан бирга Туркистонга IV Давлат Думаси аъзолари А.Ф.Керенский, К.Б.Таваккалов ҳамда Ш.З.Мұхаммадиёров, Мустафо Чўқаевлар ҳам келишган эди. Улар ўлка шаҳарларида бўлишиб, маҳаллий аҳолини «тинчтиш» чораларини кўришга киришдилар. Уларнинг Андижондаги фаолияти ҳақида маҳаллий матбуот шундай хабар берган: «Кече, 24 август куни, Андижонга Давлат Думаси аъзолари А.Ф.Керенский ва К.Б.Таваккалолар келишиди. Кечки поезд келиши олдидан депутатларни кутиб олиш учун перронга кўп одам тўпланди. Депутатлар «Слава России» меҳмонхонасида тўхташди. Депутатлар билан Ш.З. Мұхаммадиёров ва М.Чўқаев ҳам келишиди»<sup>2</sup>.

<sup>1</sup> ЎзР МДА, 3-жамғарма, 1-рўйхат, 31-иш, 8—9-варақлар.

<sup>2</sup> «Туркестанский голос», 1916 йил 25 август.

25 август куни эрталаб соат 10 да А. Ф. Керенский, К. Б. Таваккалов кузатувчилар билан биргаликда, «Слава России» меҳмонхонасидан очиқ экипажда Эски шаҳарга, Жомеъ масжидига қараб йўл олдилар. Бу ерда улар мусулмонларнинг вакиллари ва мадрасадаги маъмур шахслар томонидан кутуб олинди. Ҳозир бўлганларга ўзларини таништиргач, уларга мартабали шахслар сифатида ҳурмат кўрсатилди. Тез орада масжиднинг ички ҳовлисида депутатлар атрофида мусулмонлар гуруҳи тўпланишиди. Улар билан тұстадан ўюштирилган йигилиш ташкил бўлди. Суҳбатда мардикорликка олиш муддати кечиктирилгани ҳақида гап борди. К. Б. Таваккалов ва унинг котиби тилмочлар воситасида кўплаб ерли аҳоли вакилларидан сўраш йўли билан Андижонда июль кунларида юз берган фожиали воқеалар, шу оқибатларга олиб келтан сабаблар, мардикорликка олиш «ихтиёрий» деб ёлгондан мардикор олди номи остида қилинаётган нопок ишлар ҳақида талайгина маълумотлар тўпланди. К. Б. Таваккалов якунловчи нутқида аҳолини барча масалаларнинг ижобий ҳал қилинишига ишонтириб, бунинг учун улар сабр-тоқат билан, осойишталик билан кутуб туришларини илтимос қилди. А. Ф. Керенский ўз нутқида Туркистонда ҳамда Россияда маҳаллий мусулмон аҳолиси тақдирига бефарқ қарамайдиган рус кишилари борлигини, ерли аҳолини авом, оломон деб камситувчи, паст назар билан қаровчилар ҳам бўлиши мумкинligини, аммо бундай аҳволга барҳам бериларажагини айтиб ўтди.



Россия Давлати Думаси аъзолари шарафига ўюштирилган зиёфат. Андижон.  
1916 йил, август.

«Туркестанский голос» газетасининг 26 август сонида келтирилган яна бир хабар дикъатга сазовордир. Газета ёзади: «Давлат Думаси аъзолари Андижонда икки кун бўлгандарида улар ҳузурига рус, сарт ва татар жамиятларидан кўплаб вакиллар ташриф буюришди. Тахминий ҳисобларга кўра шу қисқа вақт ичидаги депутатлар Андижондаги барча миллатлар ва турли хил жамоат вакилларидан юзга яқин кишиларни сўроқ қилгандар. Сўроқлар қисман шикоят, арзнома, талаблар шаклида бўлиб, уларнинг энг долзарб масалалари Тошкент суд палатаси прокурорига хабар қилинди, анча мураккаб, жиддий масалалар эса Давлат Думаси минбаридан туриб, шунингдек, Дума бюджет комиссиясида айтиладиган бўлди»<sup>1</sup>.

Жадиллар ва рус демократларининг бу хайрли иши кент жамоатчилик томонидан қизғин маъқулланди. Шоир Ҳамза Ҳакимзода Ниёзий Вадим Чайкин ва Убайдуллахўжа Асадуллахўжа угли нинг Петроград сафари ва Давлат Думаси аъзоларини Туркистонга олиб келишини табриклаб шундай мисралар битган эди:

«Бу Ватандан икки ўғлон туғуб озоду ўқинч.  
Тиз букуб шоҳ қошида қилди бу ҳолатлари ҳеч.  
Яша Чайкин! Яшасин чун Ватан ўғли Ҳужаюф!  
Яшасин соясиз ила бар авж ёшларимиз<sup>2</sup>.

### **Мулоҳаза учун маълумот**

1916 йил кўзголонини келтириб чиқарган сабабларни аниқлаш масаласида Россия Давлат Думаси мусулмонлар фракцияси раиси Кутлуғ Мұхаммад Мирзо билан А.Ф.Керенский фикр алмашинишиб. Россияядаги бир қатор уруш фронтлари сафига Туркистон фронти ҳам қўшилганини эътироф қилишган. А.Ф.Керенский ўз юртдошларининг ваҳшийликларидан воқиф бўлиб, вайронага айлантирилган шаҳар ва қишлоқларни ўз кўзи билан кўрди. Шу боис у сўзда булса-да, туркистонликларни ёклаб чиқди. У 1916 йилнинг ноябрь ойида Туркистонда сўзлаган нутқида Россия ҳукуматини шафқатсизликда айблаб, ҳатто Туркистонга ўз ҳукуматини тузиш ҳуқуқини беришни талааб қилиб чиқди. Шунингдек, у 1916 йил охирида Петербуррга ташриф буюрган Тўргай вилояти вакиллигига рус ҳукуматининг ваъдаларига ишон-маслики маслаҳат берди. Керенский ана шундай фаолияти билан туркий халқларнинг ишончини қозонди. Шунинг учун ҳам 1917 йил февраль инқилоби ҳақида ўлкага хабар келганда туркистонликлар А.Ф.Керенскийга табрик телеграммаси йўллаб, унинг ёрдамида озодликка чиқишига умид қилдилар. А.Ф.Керенский ҳукумати Туркистонда жонажон русларидан кура туркистонликлар томонидан кўпроқ олкишланди. Аммо 1917 йил февраль инқилобидан сунг вазир, кейин Буш вазир бўлган А.Ф.Керенский туркистонликлар ишончини оқламади. Бунга бир қатор ҳужжатлар гувоҳлик беради.

«Үн уч ойдан бери Еттисув вилоятида қонли воқеалар давом этмоқда,— деб ёзган эди туркистонлик Шокир Эрной. — Бир неча ўн минг мусулмон қирғизларнинг ёстиғи куритилди. Уларнинг миллион-миллион сўмлик молмулки талон-торож этилди. Бегуноҳ қирғиз болалари ота-оналари бағридан

<sup>1</sup> Шамсутдинов Р. Тарихий меросимизга бир назар. Андижон, 1994, 9—11-бетлар.

<sup>2</sup> Ҳамза. Тўла асарлар тўплами. 2-жилд. Тошкент, 1988, 65-бет.

үигирланиб, худди ўрта асрлардагидек кулликка сотиб юборилди. Аёллар зуравонлик курбони бўлмоқдалар; дин эътиқоди ва миллати камситимоқда. Аввалги тузумда ҳам бунака зуравонликлар жамоатчилик назаридан четда қолмасди. Аммо у пайтларда тилимиз боғланган эди. Норозилик билдириш ёки кимдандир ёрдам олиш тўгрисида уйлаб ҳам бўлмасди. Аммо ҳозир озодлик даври бошланган, ҳукумат тепасига социалистлар келишган. Тенглик ва биродарлик эълон қилинди. Қирғизлар ва барча мусулмонлар хон даврида одат тусиға кириб қолган зўравонликларга чек қўйилади, деб умид қилган эдилар. Аммо Еттисув вилоятида ҳали ҳеч қандай тартиб үрнатилгани йўқ. Қирғизларни камситиши, ўлим жазоси таъқиқланишига қарамасдан, уларни қатъ этиш давом этмоқда. Ҳалқни рус мустамлақачилари зулмидан ҳимоя қилиш йўлида бирор қадам ташлангани йўқ. Керенский ҳукумати у ёқда турсин, бошқа социалистик ташкилотлар ҳам бу даҳшатли ҳолатга чек қўйиш тўгрисида уйламаяптилар. Мусулмонларнинг телеграммалари ва аризаларига эътибор берилмаляти. Хўш, биз энди нима қилишимиз керак? Шу пайтгача ҳукуматдан нахот кутдик, аммо ҳукумат ташаббусни қўлга олишдан бош тортгандан кейин мусулмонларнинг ўзлари бу ишга жиддий киришишга мажбурдирлар<sup>1</sup>.

\* \* \*

Генерал-губернатор Куропаткин ва Давлат Думаси аъзоларининг жадидлар билан алоқаси сирини илғаб олган ва тушунган сиёсий разведка раҳбари полковник М. Волков ҳалқ қўзига ёмон куриниб қолган рус амалдорларининг ишдан олинишидан норози кишиларнинг «туземешлар жиловини қўлдан чиқардик», деган даъволарини танқид қилиб, «бу фикр ўз мансабини сунистсемол қилганларга таалуқли», — дейди ва қуйидаги foяни илгари суради: «Жойлардаги маъмурият бўйсундирилган ҳалқнинг учинчи авлоди билан тўқнаш келмоқда. Бу авлод рус фуқаролиги бераётган барча афзалликлар қадрини тушунади. Улкан Ўрта Осиё мулкларидағи милятларнинг ўзаро маданий яқинлашуви олий ҳокимият иродасига бўйсунмас бир жараёндир. Айбор амалдорларни лавозимларидан четлаштириш ана шу жараёнга тусиқларни абалул-абад йўқотгай»<sup>2</sup>.

Ўтмишдошлари Васильев ва Квицинскийнинг кузатувларини изчил давом эттирган полковник Волков жадидларнинг нуффузи ва ҳалқ орасида тобора ошиб бораётган мавқеидан яхши хабардор эди. У ТРМБ бошлиғи сифатида Миркомил Мирмұминбоевнинг катта модлий маблағи билан таъминланиб, унинг бевосита ташаббуси билан Петроградга жўнаган Убайдуллаҳўжа ва унинг маслакдоши журналист Вадим Чайкинларнинг марказда подшо фармонини кечикиришга муваффақ бўлишгани, ўзлари билан Туркистондаги қонли воқеаларни текширишга Давлат Думаси мусулмон фракцияси аъзоларини олиб келишгани келажакда ўлкада жиддий ўзгаришлар ясашини яхши англади. ТРМБ агентуруси жадидлар билан илгор рус демократлари ўртасида яқин ҳамкорлик юзага келганидан ҳам хабар топган эли. Бу ҳамкорликнинг занжири Убайдуллаҳўжа Асадул-

<sup>1</sup> Янги Шарқ. Берлин, 1917, 2-жилд, 124-бет.

<sup>2</sup> ЎзР МДА, 3-жамғарма, 1-рўйхат, 31-иш.

лахұжаевга бориб уланган эди. Тошкент, Саратов ва Петроград әсерлари даврасида яқын киши ҳисобланған Убайдуллахұжанинг «Садойи Туркистан» газетаси мұхаррири сифатидаги фаолияти ҳам уларға маълум эди. Полковник Волков шу газетада Лев Толстойнинг Убайдуллахұжага йүллаган юқорида тилга олинган мактубини ҳам үқиган эди. Граф Толстойнинг оддий үзбек зиёлисига бўлган эътибори бутун Туркистан жамоатчилиги эътиборини үзига жалб этгани маҳфий полициянинг диққатини қаратган эди. «Садойи Туркистан» ёпилгандан кейин Андижонга келган Убайдуллахұжа маҳаллий жадидлар ва рус журналистлари билан яқынлашиб, ҳукуматга қарши қаратилган фаолиятини давом эттириди.

Полковник Волков Тошкент, Құқон ва Андижондаги жадидларнинг ташкилотларида үзбек буржуазиясидан ташқари, рус савдо-санаот доиралари вакиллари, шулар қаторида инқиlobий фирмә аъзолари ҳам борлиги ҳақида хабар топган эди. Волков үз агентурасининг яна бир ахборотини ҳам диққат билан ўрганди. Бу ахборотда Убайдуллахұжа бош бўлган Тошкент жадидлари Андижондаги «Тараққийпарварлар» фирмаси билан бирлашгани ва уларнинг орасида туманбошининг тилмочлари Сулаймон Келгинбоев, Ақбарали ва Мадамин Үразалиев<sup>1</sup> ҳамда Убайдуллахұжанинг иниси Баширулла Хұжаев мұхим роль үйнаши кўрсатилиб, улар билан маслакдош бўлган рус журналисти Вадим Чайкин ҳокимиятга қарши маҳаллий ёшларни уюштираётгани маълум қилинган эди. Туркияning Гречия устидан фалабасини тиловчи бу маҳфий жамиятнинг мақсади, агентнинг фикрича, «маҳаллий рус ҳокимиятини ерга уриб қоралаш орқали маҳаллий ҳалқ ўртасида обру қозонишидир»<sup>2</sup>. ТРМБ маҳфий агенти Мирза Аҳмад Қушбегиев эса уни тўлдириб «агар бу жамият жазосиз қолаверса, у ҳолда у даҳшатли кучга айланади. Ҳалқ уларнинг қармоғига илиниб, жиловини уларга бериб қўяди», деб үзбек жадидлари фаолияти тўғрисида батафсил ахборот берган эди.

Бу жамиятнинг бош гояси «ёш турклар»га тақлид этишдан иборат бўлган. Унинг аъзолари ҳалқни сиёсий эркинликка чиқаришни, рус ва маҳаллий маъмурият зулмидан озодликка чиқишини мақсад қилиб олганлар. Уларга русча ва мусулмонча маълумотга эга бўлган ёшларнинг кўпчилиги хайриҳоҳ эди. Андижон уезди бошлиғи полковник Ю.А.Бржеziцкий Фаргона вилояти ҳарбий губернаторига 1916 йил 13 сентябрдаги рапортida: «Хозирда аҳоли маъмурият овозига эмас, балки жаноб

<sup>1</sup> А. Үразалиев Москвада Хитойга дипломатик хизмат сафарига жұнаш олдидан 1925 йил 6 июлда тўлдирган шахсий варақасининг «ұтмишда қандай партияга мансуб эдингиз?» деган саволига «1914 йилдан 1917 йилгача ёш үзбекларнинг «Иттиҳод ва тараққий» яширин ташкилот аъзоси бўлганман» деб ёзган.

<sup>2</sup> ЎзР МДА, 3-жамғарма, 1-рўйхат, 31-иш, 68-варак.



ARQA İŞLARIĞA  
TANLAB ALIŞ  
QOMITASININ,  
ÇADIDLARDAN  
BOLĞAN AZALARI.

ДЖАДИДЫ  
ЧЛЕМЫ КОМИТЕТА  
ПО НАБОРУ  
ТЫЛОВИКОВ.



Мардикорликка сафарбарлық ишларида рус амалдорлари зулмiga қарши  
кураштан жадиллар — «Тузем күмитаси» аъзолари.

Чайкин, Убайдулла Хұжаев, Ахмадбек Ҳожи Темирбеков, Пошшохұжа Умархұжаев ва улар тұдаси овозига қулоқ осмоқда. Одамлар арз-шикоятлар билан маъмурият олдига эмас, балки үшалар ҳузурига адолат истаб бормоқда. Маъмурлар Тошкент, Андижон ва Қўқон каби йирик маъмурий марказларда тобора кучайиб бораётган «Тараққийпарварлар» фирмасидан жуда ҳайиқиб қолишиди», деб ёзған эди<sup>1</sup>.

<sup>1</sup> Шамсұтдинов Р. Тарихий меросимизга бир назар; 14—15-бетлар.

1916 йилнинг августида Туркистон генерал-губернатори ТРМБ маълумотлари асосида императорнинг мардикорликка олиш ҳақидаги фармонини бажариш учун жадидларнинг ёрдамига суюниш ҳақидаги холосасига қўшилди. Шу мақсадда у жадидлар етакчиси Убайдуллахўжанинг талабини қондириб, Андижон туманбошисини лавозимидан четлатди. Мардикорликка олишда барча ишларни жадидлар раҳбарлик қилувчи «тузем қўмитаси» ихтиёрига топширди. Тошкентдаги «Тузем қўмитаси» раислигига Убайдуллахўжа Асадуллахўжаевни, унинг муовинлигига эса Мунаввар қори Абдурашидхоновни тайинлади.

Куропаткиннинг жадидларга кўрсатган бундай ишончи тагида ётган яширин мақсадни англамаган шовинистлар ниҳоятда дарғазаб бўлишиди. Уларни айниқса Убайдуллахўжанинг «Туркестанский голос» газетасида босилган «Рус император жуғрофия жамияти» мажлисида қилган маъруzasидаги «рус халқи бизларни ўғирлик ва жиноятга ўргатди», деган сўзлари жунбушга келтирган эли. Шундай одамни генерал-губернатор масъул лавозимга тайинлаши шовинистлар разабини ниҳоятда қучайтириб юборди. Полковник И. Бржезицкий маслакдош дўсти, Фаргона вилояти ҳарбий губернатори вазифасини бажарувчи полковник Ивановга юборган хатида шундай деган: «Туземешлар сўнгги вақтда жуда сурбетлашиб кетишиди. Жаноб Хўжаевлар ва Чайкинлар «Камбагал тузем аҳолини эзаётган маъмурият» устидан яна арзбозлик кампаниясини бошламоқда. Фикримча, зудлик билан уларнинг фаолиятига чек қўйиш керак. В. Чайкин, Убайдулла Асадуллахўжаев, укаси Баширулла Асадуллахўжаев, Аҳмадбек Темирбеков ва Пошшаҳожи Умархўжаевларни мардикорликка жўнатиш туга-гунча ўлқадан чиқариб юбориш зарур. Шахсан ӯзим кўрган-кечиргандарим асосида маҳаллий аҳолига ишончимни батамом йўқотдим. Бу халқ июль ойида рус қизлари ва аёлларини зўрлади, кўприкларни ёндириди, ҳимоясиз амалдорларни ўлдириди. Бундай ёввойиларга мен энди сира ишонмайман. Ўлқадаги 27 йиллик хизматимдан келиб чиқиб, шундай қатъий холосага келдим: ёввойи туземешларга бизнинг инсонпарварлигимиз мутлақо тўғри келмайди. Фақат милтиқ найзаларигина уларни мардикор беришга мажбур қиласди»<sup>1</sup>. 1898 йилги Андижон қўзғолонини бостирища фаол қатнашган Бржезицкийнинг бу холосаси полковник Ивановнинг ҳам қалбига яқин эди.

Жиззах қўзғолонини бостириган жазо отрядлари кўмондони бўлган ва кўрсатган «жасорати» учун генераллик мансабига кўтарилиган полковник Иванов рус зобитлари ўртасида машҳур бўлиб кетган «Бир рус солдати этиги пошнаси мингта туземец абллаҳдан афзал», деган иборанинг муаллифи эди. Иванов ўтакетган шовинист сифатида ўзбек жадидларини, айниқса, Убайдуллахўжани жуда ёмон кўрарди. У бор воситаларни ишга со-

<sup>1</sup> ЎзР МДА, 3-жамғарма, 1-рўйхат, 31-иш, 12-варақ.

либ, жадидлар устидан жиноиј иш қўзғади. Шахсан ўзи кузатув ишларини олиб бориб, жадидларни айбловчи ҳужжатлар тўплай бошлади. У Тошкентта бориб Убайдуллахуҷани кўргани ва қандай ишлаётгани ҳақида шундай дейди: «Хўжаев Тошкентдаги энг яхши меҳмонхонада икки хонани эгаллаган. Улардан бирида бутун ўлқадан келган туземешларни қабул қиласди. Шахсан ўзим унинг аризачиларни қабул қилганининг гувоҳи бўлдим. «Национал» меҳмонхонаси унинг қабулини кутаётган туземешларга тўлиб кетган эди. Хўжаев ўзини уларнинг кўз ўнгидаги улкан ваколатга эга амалдордек катта тутади ва туземешлар бор аризаларини шахсан унинг номига йўллайдилар. Хўжаев ўз таъсирини кенгайтириш учун Андижондаги Келгинбоев тўдаси билан битим тушиб келиб, тайёр ташкилотга бош бўлиб олди<sup>1</sup>. Полковник Иванов сира эринмай 162 варақни ташкил этган маълумотномасида жадидларнинг рус инқи lobchilari билан ҳамкорлиги хунук оқибатларга олиб келиши ҳақида маълумот тўплаб генерал-губернаторни чўчитмоқчи бўлди. «Келгинбоевнинг Хўжаев билан иттифоқига, — деб ёзган эди Иванов, — «Туркестанский голос» газетаси муҳаррири фахрий фуқаро Анастасий Афанасьевич Чайкиннинг укаси Вадим Чайкин ўз ходими яхудий Илья Яковлевич Шапиро билан жон-дили билан киришган ва у билан тил бириктирган»<sup>2</sup>.

ТРМБ бошлиғи ўринбосари подполковник Розалион-Сошальский 1916 йил 24 сентябрда йўллаган докладига қўшимча тарзда 1916 йил 13 октябрда маҳфий хабар йўллайди. Унда Андижондаги «Туркестанский голос» газетаси биносида ҳар куни оқшомда газета муҳаррири Чайкин раислигига ўзларига «Тараққийпарвар» номини берган йўналишдаги 20 га яқин ўзбек ёшларининг йиғилишлари ўтказилаётгани, уларда ҳозирги аҳвол ва бошқа масалалар муҳокама этилаётгани айтилади. «Бу ўзбеклар, — дейилади рапортда, — Андижон шаҳрининг эски қисмини ўзаро бўлишиб олишган ва ҳар куни ўз жабҳаларини айланиб чиқадилар ва аҳолидан ҳол-аҳвол сўраш маъносига қандайдир шикоятлар йўқми деган саволлар ҳам беришади. Бошқача қилиб айтганда уларнинг ўзлари аҳоли вакилларига бирон нарса бўйича шикоят ёзишликка шама қиласдилар. Кечқурун таҳририятда тўпланишиб Чайкин ва унинг ёрдамчилари, жумладан, ҳукуқшунос Шапиро иштирокида йиғилиш ўтказадилар<sup>3</sup>.

Чайкиннинг генерал-губернаторга йўллаган телеграммаси бўйича Андижон шаҳрининг катта оқсоқоли ишдан олингани вақтидан бери Чайкиннинг аҳамияти янада кўтарилиб кетди. Шундан бери Чайкин генерал-губернатор бизнинг томонимизда ва у, Чайкин маъмуриятдаги ҳар қандай амалдорларни хиз-

<sup>1</sup> ЎзР МДА, 3-жамғарма, 1-рўйхат, 31-иш, 66—67-варақлар.

<sup>2</sup> ЎзР МДА, 3-жамғарма, 1-рўйхат, 31-иш, 67-варақ.

<sup>3</sup> Шамсутдинов Р., Содиков Ҳ. Сталинни чўчиттан йигит. «Туркистан», 1999 йил 18 декабрь.



Анлижон тараққийпарварлари стакчиларидан Акбар Ўрозалиев.

матидан ҳайдаш мумкин, деб юрибди. Деярли ҳар куни «Туркестанский голос» газетаси таҳририятига келиб, йифилишда қатнашаётган «Тараққийпарвар»чилардан ҳозирча қўйидагилар маълум. Олимжон Ҳожи Мирза Юсупов, Асака волост бошқа-

рувчисининг собиқ мирзаси Сайдуллахұја Турсунхұјаев, савдогар, Миркомил пассажида үзининг Мануфактура дўконига эга Мұхаммаджон Ёқуб Саркарор, маълум машгулотга эга эмас Мирали Умарбоев, шаҳар ноиби, Латифжон Махдум Қозиев. Олимжон җокимнинг қариндоши Күчқорбай Миралиев, Мирали Умарбоевда приказчик Отакон Назарбоев, хусусий китоб дўконига эга, Мир Ҳайдар, Миркомил Мирмұминбоев уйи ёнидаги газмол дўкони эгаси»<sup>1</sup>.

Полковник Иванов шахсан үзи ва маслаклошлари номидан Убайдулла Асадуллахұјаев ва унинг сафдошларини дарҳол ҳибсга олиш, буткул Туркистон үлкасидан чиқариб юборишни генерал-губернатордан қатъий равишида талааб қылган. Куропаткин эса уста сиёсатчи сифатида Сирдарё губернаторидан бу ҳақда фикр сўрайди. Сирдарё вилояти ҳарбий губернатори үзининг 1916 йил 6 ноябрда генерал-губернаторга йўллаган ахборотида «Тошкент шаҳар тузем қўмитаси раиси Ҳужаевнинг зарарли фаолияти»га оид унда ҳеч қандай асослар йўқлигини ёзади: «Аксинча, мардикорларнинг бир неча партиясини муваффақиятли жўнатган тузем қўмитаси ишининг бутун оғирлиги Ҳужаевнинг елкасида турибди. Унинг қўмитадан кетишли бу катта ишнинг белига тепади деган фикрдаман. Бугун ҳузуримга келган қўмита аъзолари ҳамда бошқа эътиборли зотлар менга Ҳужаевга тўла ишонч ва ҳурмат кўрсатишларини алоҳида уқтириб кетишиши»<sup>2</sup>. Генерал-губернатор Куропаткин Убайдуллахұја ва Мунаввар қорининг мардикорларни сафарбар қилиш хусусида халққа хайриҳо бўлиб, рус маъмуриятидан уларга тегишли шарт-шароитларни яратишни қатъий талааб қилишларидан хавфсирай бошлади. Генерал-губернатор маҳкамаси, Туркистон район муҳофаза бўлими ҳужжатларида кўрсатилишича, Туркистоннинг ҳарбий-сиёсий доиралари жадидларнинг «Тараққий-парварлар» фирмасининг аҳолига таъсиридан хавфсираб, унинг фаолиятини тўхтатишига қарор қилишган.

1917 йил 31 январда ТРМБ бошлиғи үринбосари подполковник Розалион-Сошальский Фарғонага келиб, ҳарбий губернатор маҳкамасидаги ҳужжатлар билан танишди. Тез орада үзига «Тараққийпарвар» номини қўйган Андижондаги уюшма фаолияти ҳақида жиноий иш қўзғалди. Худди шу вақтда инқиlobий мазмундаги ўзбек тилида тарқатилган варақалар чор маъмурларини гоят ташвишга солган эди. Бу варақаларни ёзища ва тарқатишида 50 дан ортиқ жадидлар гумон қилинди.

«Тараққийпарварлар» аста-секин инқиlobий ҳаракатга қушилиб кетаётганликлари энди равшан бўлиб қолган эди. ТРМБ бошлиғи полковник М. Волков 1917 йил февраль ойида генерал-губернаторга «Тараққийпарварлар» фирмаси иши бўйича

<sup>1</sup> ҮЗР МДА, 3-жамғарма, 1-рўйхат, 31-иш, 20—21-варажлар.

<sup>2</sup> ҮЗР МДА, 3-жамғарма, 1-рўйхат, 31-иш, 68-вараж.

ишга киришганини ва ўринбосари подполковник Розалион-Сошальскийни 7 февралда Андижонга юборганини маълум қилди. Шу билан бирга Куропаткиннинг Убайдуллахўжа ва бошқа фирмә аъзолари ва раҳбарларини жиноий фаолиятда айблаб ўлкадан сургун қилиш ҳақидаги буйруғи ижро учун қабул қилинганини маълум қилди<sup>1</sup>.

Охири, Куропаткин ўта шовинист генераллар ва зобитларнинг сикувига дош беролмай, мардикорликка сафарбарликни ўюштиришда адолатли иш кўрган жадидларни судга берди. Аммо Туркистон ўлкаси тарихида кутилмаган воқеа юз берди. Тошкент округ суди ўз касбдоши, ишончли вакил-адвокат Убайдуллахўжа Асадуллахўжаев ва унинг сафдошлари устидан қўзғатилган жиноий иш ва чиқарилган ҳукмни бекор қилди. Бунинг устига Петроградда «Тараққийпарварлар» фирмасига хайриҳоҳ Давлат Думаси мусулмон фракцияси аъзолари ички ишлар вазирлигидан бу иш учун маҳсус тушунтириш талаб қилдилар.

Жадидлар хусусида, умуман уларнинг 1916 йилги қўзғолонда иштирок этганлиги хусусида шўролар даврида нотўғри фикрлар юарди. Уларнинг 1916 йил қўзғолонида иштироки йўқ ва миллӣ буржуазия подшо Россияси тарафида турганлар, деган фикр мустаҳкам ўрнашиб қолган эди. Ҳатто бир вақтлар ўзлари жадидчиликка мансуб бўлиб, шу ҳаракатдан ўсиб-улғайиб чиққан баъзи бир раҳбарлар ҳам жадидларни қорааш, айблаш ўйуни тутганлар<sup>2</sup>.

Жадидларни бу хилда айблаш 30-йилларда ҳам давом этди. 1932 йили Тошкент шаҳар партия конференциясида ВКП(б) МК Ўрта Осиё бюроси котиби Н. Я. Бауман ўз маърузасида жадидлар масаласига тўхталиб, Файзула Хўжаев ва Абдужаббор Абдураҳмоновларнинг Ўрта Осиёдаги инқилобий ҳаракат масаласидаги асарларини табриклаб, Ф. Хўжаевнинг ўз даврида жадидчиликни идеаллаштириб, миллатчилик ҳарактеридаги «хатолари»ни ҳам алоҳида таъкидлаган. Шунда Ф. Хўжаев мутлақо расмий йул тутишга мажбур бўлиб, «жадидчилик ва унинг тутган ролига келсақ, ўзининг синфий моҳиятига кўра жадидлар савдо ҳамда туғилиб келаётган саноат буржуазияси вакиллари, шунинг учун ҳам улар капиталистик ислоҳотлар доирасидаги талаблардан нарига ўта олмас эдилар», деб ёзишга мажбур бўлди.

<sup>1</sup> Содиков Ҳ., Шамсутдинов Р., Равшанов П. Петербургни гангитган ёшлар. «Туркистон» газетаси, 1999 йил 24 июль.

<sup>2</sup> Шамсутдинов Р. Жадидчилик: ҳақиқат ва уйдирма. «Мулоқот», 1991 йил, 11—12 сонлар.

<sup>3</sup> «Қизил Ўзбекистон», 1936 йил 3 август, №117 (3634). 20-йилларда бошлиниб кетсан жадидларни танқил қилиш кампанияси 30-йиллардаги қатағон даврига уланиб кетди. 30-йиллар ва 80-йиллар охирларига қадар бир Ўзбекистонда эмас, бутун Иттифоқда жадидчилик фанда буржуа миллатчилигига синоним бўлиб келди. 1916 йилги қўзғолон тарихини тадқик этган олимларнинг айримлари бу қўзғолонда «жадидлар хоинлиги»ни алоҳида сарлавҳа остида кўрсатишча бориб етдилар.

Лекин, миллий буржуазия ва унинг мафкурасини ифодаловчи жадидлар 1916 йил қўзғолонида чоризм тарафида турган, қўзғолончиларга хайриҳоҳ эмас эдилар, деган фикрларни расмий ҳужжатлар рад қиласди. Ўзбек миллий буржуазиясининг вакили андижонлик Миркомилбой Мирмўминбоевнинг Қўқон ва Марғилон шаҳарлари мингбошиларини ҳалқни қўзғолонга даъват этиш зарурлиги ҳақида ёзган хатида шундай сатрлар бор: «Шаҳрингиздаги аҳоли ва бойларнинг мардикорлик сиёсатига қарши чиқишиларини айтинг. Россиянинг аҳволи жуда танг, шунинг учун ҳеч нарсадан кўрқманглар. Ҳаммангиз бир ёқадан бош чиқариб иш юритсангизлар, мардикор олинишига қарши қўзғолон кўтарилиши осон. Ҳозирги вазиятда ҳукумат амалдорларига пул берса бас, ҳамма ишни битирадилар. Менинг ҳалойиқни қўзғолонга ундаш ҳаракатим билиниб, текширув ўтказилганда 150 минг рубл бериб ўзимни сақлаб қолдим. Шу боис сизлар ҳам хавотирланмай ҳаракат қиласверинглар»<sup>1</sup>.

Жадидлар Николай II нинг 1916 йил 25 июнданга фармонини бекор қилиш ва бутун ўлқада бирданига исён кутариш гоясини илгари сургандилар. Ёш бухороликларнинг сардорларидан Усмонхўжа Пулатхўжа ўғли, ёш хиваликлар раҳбари Паҳлавон Ниёзҳожи, Туркистон жадидлари пешқадамлари Маҳмудхўжа Беҳбудий, Мунаввар қори Абдурашидхон ўғли ва бошқалар ўлка ҳалқини қўзғолонга даъват этганлар, жойларда аҳоли йигинларини ўтказганлар, ўта мудҳиш фармонни бекор қилишни қатъяян талаб қилиб чиққанлар.

Самарқанддан муфтий Маҳмудхўжа Беҳбудий, Тошкентдан Мунаввар қори, Хивадан Паҳлавон Ниёз, Бухородан Усмонхўжа, Жиззахдан қори Комил, Қўқондан Обиджон Маҳмуд ўғли ва бошқаларнинг иштирокида ўтган йиғинларда мардикорликка олиш ҳақидаги фармонга қарши кураш тадбирлари ишлаб чиқилган. Туркистондан мардикор олиш хусусидаги фармоннинг қонуний тус олишига монъелик қилиш учун тадбир ишлатдилар. Фармон қонуний тус олган тақдирда норозилик мөҳиятидаги исёнлар чиқаришни кўзда тутган эдилар<sup>2</sup>.

ТРМБ бошлиғи полковник Волков Петроградга 1917 йил февраль ойида йўллаган ахборотида Убайдуллаҳўжа Асадуллаҳўжаевга Тошкент ва Андижонда яашашга рухсат берилганини маълум қилди. Жадидлар ҳаракати туфайли метрополия марказида Давлат Думаси рус мустамлакачиларининг 1916 йил июль — август ойларидаги қонхўрликларини муҳокама қилишга мажбур бўлди. А. Ф. Керенский, Мансуров ва Жаъфаров каби ноиблар Туркистон маъмурларининг барча кирдикорларини жадидлар

<sup>1</sup> Зиёев Ҳамид. Курсатилган асар, 422-бет.

<sup>2</sup> Абдулоҳ Ражаб Бойсун. Туркистон миллий ҳаракатлари. Истанбул, 1943, 40—41-бетлар; Али Бодомчи. 1917—1934 йиллар Туркистон миллий истиқтол ҳаракати ва Анвар пошшо. Биринчи жилд. Қўрбошилар. Истанбул, 1975, 50-бет.

берган хужжатлар асосида Давлат Думасининг 1916 йил 13 деқабрь сессиясида очиб ташладилар.

1916 йилги кўзғолон хориждан, бирон-бир турткисиз, ичдан етилган, Россия истибодига қарши кўтарилиган ва кенг омманни ўз доирасига қамраб олган қудратли ҳаракат эди.

Мардикорликка сафарбарлик 1916 йил 18 сентябрдан оқ подшо ағдарилган кунгача давом этди. Жўнатилиши керак бўлган 200470 киши ўрнига амалда 123 минг мардикор сафарбар қилинди, холос. Туркистонлик мардикорлар ҳарбий ва саноат корхоналарида, конларда, темир йўл қурилишида, ўрмон ва айrim капиталистларнинг хўжаликларида қаттиқ назорат остида ишлатилди. Улар очликдан, ҳўрликдан, машаққатли меҳнатдан мислсиз азият чекдилар. Кўплари қаттиқ совуқдан, турли касалликлардан ўлиб кетдилар, ёки бир умрга ногирон бўлиб қолдилар.

Мардикорликка Андижон туманидан борган 200—300 нафар одам Батуми-Сухуми темир йўл қурилишида ниҳоятда оғир шароитда ишлади. Улар норозилик намойиши ўтказиб, иш ташладилар, очлик зълон қилдилар. Тифлис ҳукумати Тошкентга, генерал-губернаторга телеграмма йўллаб уларнинг намойишларини тинчтишига мажбур бўлганини хабар қилган. Шу мақсадда Туркистон генерал-губернаторининг буйруғи билан Андижон Эски шаҳар оқсоқоли Рустам Тошматов Сухумига бориб, намойишчиларни хийла-найранг, дуқ-пўписа билан «Агар сизлар ишни давом эттирмасаларинг, у ҳолда сизларнинг Андижонда қолган ота-онангиз, қавми-қариндошларингиз ҳибсга олинади, мол-мулки мусодара қилинади», деган пўписа билан алдашга муваффақ бўлган.

Кавказ фронтида рус ҳарбийлари томонидан асирга олинган турклар ҳам фронт орқасидаги ишларга сафарбар қилинган. Улар билан Туркистондан борган мардикорлар ўртасида бирордлашув юз беради. Дини, тили, келиб чиқиши бир бўлган бу халқларнинг фарзандлари чор ҳукумати ва унинг мустамлакачилик зулмига қарши биргаликда кураш олиб бордилар.

Оқ подшо таҳтдан қулатилгач, мусулмон асири ва мардикорлар Россия ва Сибирь минтақаларидан ўз она юртларига қайта бошлайдилар. Туркистонликлар билан бирга турк ҳарбий асириларнинг бир қисми ҳам Туркистонга келди. Турк ҳарбий асиirlари орасида кўпгина зиёлилар ҳам бор эди. Мардикорлар ва турк ҳарбийларининг ўлкага келиши билан бу ердаги жадидчилик ҳаракатида, истиқтол учун курашда маълум ижобий ўзгаришлар юз берди. Туркия зобитлари Тошкент, Фарғона, Андижон, Самарқанд, Хива, Бухоро ҳудудларида маҳаллий аҳоли ўртасида катта маърифий-маданий, ижтимоий-сиёсий иш олиб бордилар, жумладан, мактаб ва мадрасаларда муаллимлик қилдилар.

Собиқ асиirlар, яъни турк зобитларининг Туркистондаги

миқдори ҳақида аниқ маълумот йўқ. Чунки бу мавзу мутлақо ўрганилмаган. Турк аскар ва зобитларининг 1916 йилдаги ва ундан кейинги миллий-озодлик ҳаракатларидаги иштироклари ҳам тадқиқ этилмаган.

1916 йилги миллий-озодлик кўзғолони, шўрошунос Ричард Пирс таъбирига кўра, фақат чор ҳукуматинигина эмас, балки бутун рус халқининг Ўрта Осиё халқларининг ишончи ва дўстлигини қозониш йўлидаги барча уринишларини пучга чиқарди. Бу кўзғолон рус социал-демократлари (большевик ва меньшевиклар) ва социал-инқилобчиларнинг (унг ва сўл эсерлар) Туркистон халқлари ўртасида мустаҳкам таянчга эга эмасликларини ҳам рўй-рост исботлади.

Кўзғолон ўлкадаги мустамлакачилик тузумининг ҳам пойдевори бўш эканлиги ва унинг устунлари чириб қолганлигини ҳам курсатди. У чоризмнинг яқинлашиб келаётган умумсиёсий инқизорзининг ёрқин куриниши эди. Лекин, генерал-губернатор Куропаткин императорга йўллаган ахборотида 1916 йил кўзғолонининг сабабларини ёзганда масаланинг ана шу жиҳатни унугтан эди. У ўлкада синфий табақаланиш жараёнини атрофлича ёритгани ҳолда, мустамлака тузумининг асосий иллатини даволашнинг бирдан-бир йўли 1886 йилги Низомни қайта кўриб чиқишидан иборат деб ҳисоблади. Куропаткин, аҳолининг кайфияти ва руҳиятини ўрганишга оид материалларга суюнган ҳолда, ҳарбийлашган қаттиқўл ҳокимиятни сақлаб қолиш тоғасини илгари сурди.

Фарғона вилояти ҳарбий губернатори вазифасини бажарувчи полковник Иванов рус амалдорларининг порахўрлигини оқлаш ва ҳамма айбни Убайдуллаҳўжа Асадуллаҳўжаев каби «халқни бузувчи яширин адвокатлар»га ағдариш мақсадида ёзган маърузаномасида, ўзи сезмаган ҳолда, рус мустамлака тизимини фош этувчи фикрларни ҳам айтиб юборади. «Ҳокимият, — деб ёзади у, — ўша аввалги хонлар тузумидаги ўзбoshимчалик ва зўравонликка таянди, чунки қонунчилик аслида амалда эмас, балки назарияда амалга оширилган эди... Маҳаллий маъмурият ҳаётнинг барча жабҳалари устидан назорат ўрнатгани ҳолда, бебош ва ўз ҳолича хонлар замонидаги тартибни давом эттириди. Рус ҳокимияти эса халқ ҳаётидан тамоман кўз юмиб, турмуш қаърига кириб боролмади, у океан юзидаги пўкакка ўҳшаб қолди!». Генерал-губернатор Куропаткин ана шу пўкакни океан тубига тушириш учун янги маъмурият тизими лойиҳасини ишлаб чиқабошлади. Аммо замон ўзгарган, ўлка ҳаётида подшо ҳокимияти пайқамаган жиддий воқеалар яқинлашмоқда эди.

Генерал-губернатор бошлиқ маъмурият ўлкадаги тангликтини бартараф қилиш хусусида ҳеч қандай чора-тадбир кўрмади.

<sup>1</sup> ЎЗР МДА, 1-жамғарма, 31-рўйхат, 1144-иш, 20-варап.

Марказдан керакли озиқ-овқат, биринчи навбатда, галла келтириш масаласини ҳам диққат-эътибордан четда қолдириди. Маълумки, марказдаги савдо-саноат доираларининг талаби билан ўлкадаги дон экинлари қисқартирилиб, ўрнига пахта экила бошланган эди. Келишувга кўра, дон-дунни Россия губерниялари Туркистонга юбориши лозим эди. Генерал-губернаторнинг эса бунга эътибори бўлмай, диққат бутун ўлкада оммавий қатағонни кучайтиришга қаратилди. У 1917 йилнинг февраль ойида миллий-озодлик қўзғолони иштирокчилари устидан чиқарилган ҳукмни имзолади. Ҳукмга кўра, 347 киши — ўзбеклар, қозоқлар, қирғизлар, туркманлар дорга осилди, юзлаб кишилар каторгага жўнатилди.

Генерал-губернатор қўзғолон иштирокчиларини жазолаш баҳонасида уларнинг ерларини мусодара қилиб, рус қишлоқла-ри сонини кўпайтириш режаларини ҳам ишлаб чиқди.

Мустамлакачилар ўлкада истибод сиртмогини янада қаттироқ тортишнинг янгидан-янги режаларини туздиларки, уларнинг амалга ошувига марказдаги воқеалар халақит берди.

1917 йил 2 март куни Петроградда подшо ҳокимияти ағдарилгани ҳақидаги хабар Тошкентга ҳам етиб келди. Уни биринчи бўлиб Куропаткинга Сирдарё вилояти ҳарбий губернатори генерал-лейтенант Галкин етказди. Генераллар ўзаро келишиб, бу сирни ҳеч кимга билдирамасликка ҳамда Петроградда воқеалар қандай бориши ва нима билан тамом бўлишини кутишга қарор қўлдилар. Аммо Николай II таҳтдан воз кечганлиги ҳақидаги телеграмма телеграфда кўчирилиб ва кўпайтирилиб аллақачон шаҳарга тарқалган эди. Чоризмнинг ағдарилгани, Россия империяси ўрнига республика пайдо бўлганлиги яшин тезлигига бутун Туркистон ўлкасига тарқалди. Туркистон афкор оммаси ўртасида ҳам мустамлакачилик тузумида ўзгаришлар бўлиши ҳақида умид учқунлари пайдо бўлди.

Лекин Вақтли ҳукумат ҳам Туркистонни мустамлака деб билиб, у ерда ҳеч қандай ўзгариш қилишни истамади. Ўлка генерал-губернатори А.Н.Куропаткин ўз лавозимида қолаверди. Жойлардаги губернаторлар, туман бошлиқлари ҳам, аввалгидек ўз мансабларида хизматини давом эттиравердилар. Генерал-губернатор 8 марта чиқарган буйруғида Вақтли ҳукуматдан янги фармойиш келгунча ўлка, вилоят ва туманлардаги амалдорлар ўз вазифаларида қолиб, фаолиятларини давом эттираверишлари лозимлигини уқтириди<sup>1</sup>. У полицияни милиция билан алмаштириш лозимлигини, маҳаллий ҳокимият идоралари қошида жамоатчилик қўмиталари ташкил қилиш кераклигини ҳам қистириб ўтди.

<sup>1</sup> ЎзР МДА. 20-жамғарма, 2-рўйхат, 77-иш, 4-варақ.

Генерал Куропаткин инқилоб байроғи остида ниқбланиб олиб Туркестонда мустамлакачилик сиёсатини давом эттириди. У Самарқанд вилояты ҳарбий губернаторига 13 март куни йўллаган телеграммасида шаҳарлар бошқарувини тузиш хусусида шаҳар думалари аъзолари (гласнийлар) сафида рус вакиллари камида дума аъзоларининг ярмини ташкил этиши зарурлигини уқтириди. Чунки, унинг фикрича, Туркестоннинг маҳаллий аҳолиси русларга ўхшаб «оғир мажбурий ҳарбий хизматни ўтамайди, шунинг учун ҳуқуқда улар билан тенг бўлмаслиги керак»<sup>2</sup>. Жойлардаги идораларга ўтказилган сайловларда ана шундай сиёсат юритиш кўзда тутилди. Бу эса маҳаллий миллатлар вакилларининг кескин норозилигини уйғотди.

Бухородаги Россия резиденти А. Миллер генерал-губернаторга йўллаган телеграммасида Янги Бухорода ижроия қўмитага 12 марта бўлиб ўтган сайловларга 5 минг рус мусулмонлари қатнаштирилмаганлиги кескин норозиликка сабаб бўлганини ёзган эди. Бошқа рус фуқаролари билан тенг ҳуқуқда мусулмонларнинг қатнашувига йўл қўйилмагани аҳолининг кайфиятини бузгани, улар бу сайловлар натижаларини бекор қилишни талаб қилиб, Россия Вазирлар Кенгashi раиси, ташқи ишлар, ҳарбий вазирларга, шунингдек Давлат Думаси мусулмон фракцияси раиси Тавакковга телеграф орқали мурожжат қилишганини хабар қилди. Туркестондаги рус аҳолиси ҳам эскича идорага, эскича бошқарув услубларига қарши кўтарила бошлиди. Бу ҳаракатда айниқса рус ишчи ва аскарлари фаоллик кўрсатишиди.

Туркестон генерал-губернатори Куропаткин ҳам фаолликда улардан қолиshmади. У ўз генераллари билан воқеалар ривожини «тинчгина» кутиб ўтирумай, йирик бир ифвогарлик тайёрлади. У ўлкада «мусулмонлар қўзғолон қўтармоқчи» деган овоза тарқатиб, русларни мусулмонларга қарши қўтаришга, ўртада ўзаро нифоқ чиқаришга уринди. Генерал шу мақсадда қўзғлонга қарши «ҳимоя қисмлари» тайёрлаш ҳақида курсатма берди ва бу foянинг тадбири Туркестон ҳарбий округи штабида тезлик билан ишлаб чиқилди. Куропаткин марказдаги воқеалар ривожини кузатган ҳолда, Тошкентда империя мустамлакасини «озод Россия» учун бутунича сақлаб қолиши йўлида фаол иш олиб борди. Ўлка ва вилоят идоралари, шунингдек янги жамомат ташкилотлари, инқилобий қўмиталарга жойлашиб олган рус шовинистлари, подшопарастлар орасида унинг маслакдошлари кўп эди. Бу ҳол айниқса Тошкент ишчи ва аскар депутатлари Шўроси ижроия қўмитасининг 30 марта мажлисида яққол кўзга ташланди. Генерал-губернаторни мансабидан четлатиб, қамоққа олиш масаласи кун тартибига қўйилганда Ижроия қўмита аъзолари Иванов, Закаменний, Динин, Булинский, Ру-

<sup>2</sup> ЎзР МДА, 1-жамғарма, 31-рўйхат, 1175-иш, 3-варақ.

санов кабилар Куропаткинни қаттиқ туриб ҳимоя қилдилар. Мажлис бу масалани ярим кечагача муҳокама қилган бўлса-да, бирор қарорга келолмади.

Ишчи, аскар ва зиёлиларнинг кескин талабидан чўчиган шовинистлар Куропаткинни ўзлари қамоққа олиб, Петроградга жўнатишга қарор қилдилар. Бу иш генерал-губернаторнинг шахсий соқчилари бошлиғи полковник Рusanovга топширилди. Тошкент Совети ижроия қўмитаси аъзоси бўлган Рusanov ўз бошлиғини қамоққа олганини Советдаги ишчиларга маълум қилди.

Шу тариқа Туркистонда 50 йил давом этган генерал-губернаторлик идораси барҳам топди. 1917 йил 31 марта ўлкада ҳарбий ҳокимиёт фуқаролик ҳокимиятидан ажратилиди. Бу рус демократияси ва истиқлол курашчиларининг кўп йиллик кураши самараси эди.

## ХОТИМА

Суронли ва уқубатли икки асрга яқин тарихимизнинг бунёдкорлик ва парокандалик, қардошлиқ ва маҳдудлик, жасорат ва хиёнат, матонат ва разолат, маърифат ва жаҳолат, озодлик ва ёвузлик кураши саҳифаларидан авлодлар учун сабоқлар, яъни қиссадан ҳисса нима? Китобдан қандай хулоса чиқади?

XVIII асрдаги парокандалик, уч хонликдаги ўзаро маҳдудлик ва маҳаллийчилик юртимизни жаҳонгир давлатлар искан-жасига солди. Босқинлар учун қулай замин яратди. Натижада XIX асрнинг иккинчи ярмида Россия империяси Туркистон халқларини асоратга солди. У ўлкани сиёсий-худудий жиҳатдан забт этибина қолмай, балки эркесвар, заҳматкаш халқини маънавий-руҳий бўйсундиришга ҳам аҳд қилди. Чоризм жорий этган сиёсий тузум ўлкада хукмрон рус давлатчилигини қарор топтиришга қаратилди. Ана шу мақсадда Ўзбек миллий давлатчилигининг асос-эътиборини йўқ қилишга қаратилган чоратадбирлар амалга оширилди.

Таъсис этилган маҳаллий бошқарувдаги сайлов тизими аслида афкор оммани чалғитишга қаратилган эди. Волост бошқарувчилари — мингбошилар, қишлоқ оқсоқоллари ҳамда маҳаллий «халқ судлари» — қози ва бийлар аслида рус маъмурятиянинг иродасини ифода қилувчи кишилар бўлиб, мустамлака сиёсатини ўтказишида воситачи бўлишган, холос. «Туркистон ўлкасини бошқариш ҳақидаги Низом» рус дворянлари ва буржуазияси манфаатларини қонунлаштирган бир қомус эди.

Россия хукуматининг сиёсий тусга эга бўлмаган барча фуқаролик ишларини қози ва бий судларига топшириши тагида аслида фаразли мақсад ётган. Мустамлакачилар шариат қонун-қоидаларидан ўз истибодд тузумларини мустаҳкамлашда фойдаланмоқчи бўлишган.

Туркистон халқларига берилган «сайлов ҳуқуқи» ҳам аслила узоққа мўлжалланган кўзбўямачилик сиёсати эди. «Низом» сиёсий тусга эга бўлмаган барча ишларни маҳаллий аҳолидан сайланувчи вакиллар — ўнбоши, элликбоши, юзбoshi, оқсоқол ва волост бошқарувчиси — мингбошиларга расман топшириб кўйгани афкор омма ўртасида гўё Туркистонда ўз-ўзини бошқарув хукмрон деган тасаввурни уйготиши лозим эди.

Мустамлакачилар Туркистон халқлари турмушида нимаики уларнинг истиқболига тўғаноқ бўлса, нимаики уларни озодлик учун курашдан чалғитса, ҳаммасини қўллаб-куватлаган ҳолда,

истиқлолга хизмат қилажак барча интилишларнинг пайини қирқдилар.

Россия империяси ўлкани Туркистон генерал-губернаторлиги, Бухоро амирлиги ва Хива хонлигидан иборат уч қисмга бўлиб, туб аҳоли бирлиги ва сиёсий қурдатини синдириш йўлида барча воситалардан фойдаланди. Минг йиллардан бери давом этиб, авлоддан-авлодга ўтиб яшаётган миллий давлатчилик ва қадриятларни йўқ қилишга қаратилган чора-тадбирларни ишга солди. «Туркистон ўлкасини бошқариш ҳақидаги Низом» ўз моҳият-эътиборига кўра шу мақсадга қаратилди. Унинг асосий белгилари қўйидагилардан иборат бўлди:

а) маҳаллий бошқарув, урф-одат ва қонун-қоидалардан миллий давлатчиликнинг барча асосларини таг-туги билан йўқотиш;

б) ўлка турмушига буткул ёт ва бегона бўлган уезд, участка, волост каби маъмурӣ-худудий бирликларни жорий этиш;

в) қишлоқ йигини ва волост қурултойини таъсис қилиб, сунъий тарзда қишлоқ бошқарувини ташкил қилиш;

г) сиёсий тусга эга бўлмаган барча ички бошқарувда сайлов тизимини таъсис этиш ва бу билан аҳоли «ўзини-ўзи бошқаруви»ни шаклан гавдалантириш;

д) рус ва русийзабон аҳоли нуфузини ошириш, шу мақсадда ўлка шаҳарларини «эски ва янги» қисмларга ажратиб идора қилиш;

ж) маҳаллий бошқарувга миршаб-жосуслик тусини бериб, кўйи амалдорларни итоаткор малайларга айлантириш;

е) ўлкани руслаштириш ва янги «Рус Туркистони» ни барпо этиш.

Булар мустамлака идорасининг барча бўғинларида ўз ифодасини топди.

Россиянинг Туркистондаги аграр сиёсати ўзида метрополия дворян-помешчиклари ва буржуазиясининг иқтисодий ва сиёсий манфаатларини яққол гавдалантириди. Бу сиёсатнинг бош мақсади ўлкани империя саноатининг хом ашё маконига айлантириш эди.

Империя икки ҳукмрон синф манфаатларини кўзлаб иш тутди. Аграр сиёсатда дворянлар талабига кўра Туркистон ҳалқига тегишли ерларни зўрлик билан тортиб олди ва рус посёлкаларини барпо этди. Буржуазиянинг талабига кўра эса, қишлоқларда пахта яккаҳокимлигини ўрнатиш учун барча зарур чора-тадбирларни амалга ошириди. Россиянинг Давлат Кенгаши, Вазирлар Қўмитаси ва Давлат Думасида Туркистон ҳақида қабул қилинган қонун-қоидаларда дворян-помешчиклар ва буржуазия манфаатлари ўз аксини топди.

Санкт-Петербург ўтрок аҳолининг ерларини қишлоқ жамоалари ва йиғинларига бириктирган ҳолда, солик бўйича доира-

вий масъулиятлик қоидасини жорий этиш билан судхурликни авж олдириди.

Империянинг кучиравчилик сиёсати, доиравий жавобгарлик сингари, ўлка аҳолисининг ерсизланишини кучайтириди. Рус унсурининг эса моддий ва сиёсий жиҳатдан нуфузини ошириди.

Агар сиёсат империянинг ҳарбий, ижтимоий ва иқтисодий сиёсатининг узвий қисмига айлантирилди. Рус посёлкалари ва туб жой аҳоли яшаб турган қишлоқларда рус хўжаликларининг вужудга келтирилиши ана шу сиёсатнинг амалдаги ижроси бўлди. Туркистондаги ҳар бир рус посёлкаси бутун бир батальон хизматини ўтовчи ҳарбий кучга айлантирилди.

Амалга оширилган иқтисодий сиёсат ер-сувни, яйловларни ва барча табиий бойликни чор ҳукумати қўлида жамлади, улар мўмай даромад манбаига айланди.

Метрополия ўлкани хом ашё маконига айлантириб, пахтачилик, ипакчилик, қоракўлчилик ва бошқа муҳим хом ашё маҳсулотлари етиштириш тармоқларига катта эътибор берди. Саноат қурилиши соҳасида чоризм метрополия буржуазияси манфаатларига мос — хом ашёни дастлабки ишловчи корхоналар қурилишини қувватлаб, ўлкада қайта ишлаш, тайёр маҳсулотлар ишлаб чиқариш саноати ривожига тўсқинлик қилиб келди.

Россиянинг мустамлакачилик сиёсати Туркистонни рус товарлари сотиладиган, тайёр маҳсулотлар харид қилинувчи бозорга айлантириди. Бу эса маҳаллий ҳунармандчиликни инқизорзга олиб келиб, ягона миллий бозорнинг ривожланишига йўл бермади.

Империянинг мустамлакачилик сиёсати ҳалқ маорифи ва маданий ҳаётида ҳам ўз аксини топди. У мактаб ва мадрасалар фаолиятига деярли эътибор бермади, аксинча уларнинг ривожланишига тўсқинлик қилди. Асосий эътибор ўлкада руслаштиришга хизмат қилиувчи рус-тузем мактаблари тармоғини юзага келтиришга қаратилди.

Умуман олганда, Россия империяси илм-фан, ҳалқ маорифи, матбуот ва маданият соҳасида Туркистон ҳалқларининг қадимий тарихи, тили, урф-одатлари, миллий гурури ва эркесварлик туйғуларини йўқотишга, қисқаси, уларни ўзлигидан жудо қилишга қўлидан келганча ҳаракат қилди. Бу сиёсатнинг асосий мақсади ўлкадаги миллий давлатчилик, миллий онг, миллий ўзликни англашга қаратилган барча ҳаракатларни тагтуги билан кўпориб ташлаш эди.

Асримиз бошларида миллий буржуазия, зиёлилар ва уламоларнинг илфор қисми мактаб ва мадрасаларни ислоҳ қилиш йўлидан бориб, янги усул мактабларини очдилар. Янги усулдаги мактаблар эса рус-тузем мактабларига қарама-қарши ўлароқ, маърифат ўчоги, янги маънавият, маданият маскани, рус

мустамлакачилари зулми остида миллий гуури, қадр-қиммати топталган, таланган, юрагига құркүв-дахшат солинган халқыны миллий мустақиллик учун курашга ҳозирловчи тарғиботхоналар вазифасини ұтадилар.

Жадидлар янги усул мактаблари тармогини яратиш билан мустамлака истибоди исказжасига тушиб қолган миллий рухни құзғатиши ва үзликтен англаш жараёнини күчайтиришга интилевчи күч сифатида саңнага чиқдилар. Улар истерьоддли ёшларни хорижга үқишиша юбориши орқали миллият истиқболи устуңларига тамал тошини қўйдилар. Жадидларнинг «Тараққий», «Хуршид», «Шуҳрат», «Садойи Туркистон» каби газеталари ўзбек миллий матбуотини яратди.

XX аср бошларидан Туркистон истиқоли учун курашнинг назарий асосини Исмоил Гаспиралининг маърифатпарварлик гоялари ва уларни амалда ривожлантирган Маҳмудхұжа Беҳбүдий, Мунаввар қори Абдурашидхонов, Фитрат ва Тошпұлатбек Норбұтабеков каби жадидлар яловбардорларининг фаолияти ташкил этди. Россия (1905—1907), Туркия ва Эрон (1908—1911) инқилоблари Туркистондаги истиқтол курашига зўр туртки берриб, ўлкада «Тараққийпарварлар» номи остида тарихга кирган зиёлилар фирмасини вужудга келтирди. Бу фирмә «Турон» ва «Шўрои ислом» каби нуфузли ташкилотлар шаклида келгуси воқеалар ривожида салмоқти роль ўйнади.

1916 йилги қўзғолон Туркистондаги халқ оммасининг истиқтол курашида энг юқори босқич булиб, унда иқтисодий, ижтимоий, диний, сиёсий ва миллий-озодлик гоялари ўзаро ўйғунлашган ҳолда намоён бўлди. Истиқтол курашининг гоявий илҳомчилари бўлган жадидлар Петроградга бориб мардикорликка сафарбарлик муддатини кечикитиришга муваффақ бўлишгани, Россия парламенти — Давлат Думасида халқ қўзғлонини қонга ботирган мустамлакачиларнинг бебошлигини фош этишгани ҳамда уларнинг жиноятларини текшириш учун Туркистонга Давлат Думаси комиссиясини олиб келишгани уларнинг миллий-озодлик қўзғолонида ўз ўринларига эга бўлганларидан далолат беради.

Мустамлака тузумига, чоризмга қарши ҳаракатда истиқтол курашчилари билан инқилобчилар ўртасидаги муштараклик февраль инқилобига қадар давом этди. Синфиий курашни мақсад қилган инқилобчилар ҳамда тинч ривожланиш ва ислоҳотлар йўлини танлаган истиқтолчилар ўртасидаги зиддиятлар Туркистондаги 1917 йил воқеалари ривожидаги асосий йўналишларни белгилади.

Юрбошимиз Ислом Каримов бир гуруҳ тарихчи олимлар билан қилган сұхбатида (1998) Туркистонда чор Россияси ўтказган мустамлакачилик сиёсатининг оқибатларини холисона ёритиши вазифасини илгари суриб, шундай саволни қўндаланг қилиб қўйған эди: «...ҳар томонлама мудҳиши, четдан қараганда

халқимиз, унинг маданияти, миллий тафаккури, урф-одатлари, турмуш тарзи, ҳеч бир муболагасиз айтиш мумкини, насл-насаби йўқ бўлиб кетиши керак бўлган шароитда бари бир, қатор йўқотишлар билан бўлса ҳам, миллатимиз ўзлигини сақ-лаб қололдими ё йўқми?»<sup>1</sup>.

Давлатимиз бошлигининг бу саволига жавобан китоб муал-лифлари тарихий далиллар асосида Россия мустамлакачилари-нинг оғир асорати шароитида ҳам халқимиз ўзлигини, миллий қадриятларини, маънавиятини, маданиятини, урф-одатлари ва турмуш тарзини сақлаб қолганлигини баҳоли қудрат ёритишга интилдилар. Дарҳақиқат, мустабид тузум шароитида ҳам тур-кистонликларнинг эркинликка, тараққиётга ва истиқолга бўл-ган азалий интиқлик кайфияти сўнмади. Халқимизнинг юрак-бағрига теран ўрнашган мустақиллик ва озодлик туйғуси тобора қудратли кучга айланга борди ва пировард натижада Узбекистон истиқоли тантанаси учун мустаҳкам замин ҳозирлади.

---

<sup>1</sup> Ислом Каримов. Тарихий хотирасиз келажак йўқ, 19-бет.

## ФОЙДАЛАНИЛГАН МАНБА ВА АДАБИЁТЛАР

### I. Китоблар

1. Каримов И.А. Ўзбекистон: миллий истиқол, иқтисод, мафкура. 1-жилд. Т., «Ўзбекистон», 1996.
2. Каримов И.А. Биздан озод ва обод Ватан қолсин. 2-жилд. Т., «Ўзбекистон», 1996.
3. Каримов И.А. Ватан саждагоҳ каби муқаддасдир. 3-жилд. Т., «Ўзбекистон», 1996.
4. Каримов И.А. Бунёдкорлик йўлидан. 4-жилд. Т., «Ўзбекистон», 1996.
5. Каримов И.А. Янгича фикрлаш ва ишлаш — давр талаби. 5-жилд. Т., «Ўзбекистон», 1997.
6. Каримов И.А. Хавфсизлик ва барқарор тараққиёт йўлида. 6-жилд. Т., «Ўзбекистон», 1998.
7. Каримов И.А. Стабильность и реформы. Статьи и выступления. Пался. Москва, 1996.
8. Каримов Ислом. Тарихий хотирасиз келажак йўқ. Т., «Шарқ», 1998.
9. Каримов И.А. Жамиятимиз мафкураси ҳалқни — ҳалқ, миллатни — миллат қилишига хизмат этсин. «Тафаккур» журнали бош мұҳаррирининг саволларига жавоблар. Т., «Ўзбекистон», 1998.
10. Каримов И.А. Ўз келаҳагимизни ўз қулимиз билан қурмоқдамиз. «Туркестон» газетаси мұхбирининг саволларига жавоблар. Т., «Ўзбекистон», 1999.
11. Ўзбекистон Республикаси Президентининг Ўзбекистон Республикаси Президентен ҳузыридаги Давлат ва жамият қурилиши академияси қошида «Ўзбекистоннинг янги тарихи Марказини ташкил этиши» тўғрисида 1996 йил 18 сентябрдаги Фармойиши.
12. «Ўзбекистоннинг янги тарихи»ни тайёрлаш ва нашр этиш тўғрисида. Ўзбекистон Республикаси Вазирлар Маҳкамасининг қарори. 1996 йил 16 декабрь. «Халқ сўзи», 1996 йил 17 декабрь.
13. «Ўзбекистон Республикаси Фанлар академияси Тарих институти фаолиятини такомиллаштириш тўғрисида» Ўзбекистон Республикаси Вазирлар Маҳкамасининг 1998 йил 24 июлдаги қарори. «Халқ сўзи», 1998 йил 25 июль.
14. Ўзбекистон Республикаси Президентининг 1999 йил 12 майдаги Фармойиши. «Халқ сўзи», 1999 йил 13 май.
15. Абаза К. Завоевание Туркестана. СПб, 1902.
16. Абдулла Авлоний. Ўсон миллат. «Шарқ», 1993.
17. Абдуллаев Ортиқбой. Туркестоннинг қора кунлари. «Шарқ юлдузи». 1992 йил, 12-сон.
18. Абдуллоҳ Ражаб Бойсун. Туркестон миллий ҳаракатлари. Истанбул, 1943, 1945.
19. Абдумўмин Абдураҳмон. Турон тарихига ёғдулар. Истанбул, 1994.
20. Абу Тоҳирхожа. Самария. Т., «Мерос».
21. Абулғозий Баҳодирхон. Шажараи турк. Т. «Чулпон», 1992.
22. Азадаев Ф.А. Ташкент во второй половине XIX в. Очерки социально-экономической и политической истории. Т., 1959.

23. Азизхужаев А. Давлатчилик ва маънавият. Т., «Шарқ», 1992.
24. Айний С. Асарлар, 1-жилд. Т., 1963.
25. Акмал Икромов. Избр. Произ. В 3-х томах. Т., 1972—1973.
26. Акмал Акром ўғли. Миркомилбай қандай одам эди? «Шарқ юлдузи», 1992 йил 5-сон.
27. Алексеенков П. Кокандская автономия. Т., 1931.
28. Али Бодомчи. 1917—1934 йиллардаги Туркистон миллий истиқтол ҳаракати ва Анвар Пошшо. Қўрбошилар. II-жилд. Истанбул, 1975.
29. Эганиазаров Алиназар. Сиз билган Дукчи Эшон. Ҳужжатли қисса. Т., «Шарқ», 1994.
30. Алимова Д., Раширова Д. Махмудхожа Бехбудий и его исторические воззрения. Т., «Маънавият», 1998.
31. Аминов А.Н. Экономическое развитие Средней Азии (колониальный период). Ташкент, 1959.
32. Аминов А.И. Бабаходжаев А. Экономические и политические последствия присоединения Средней Азии к России. Ташкент, 1966.
33. Андреевич П. Очерки по истории колонизации Туркестанского края.
34. Туркестанский курьер. 1908, №159. Т. сб. т. 469.
35. Анненков М.Н. Закаспийская железная дорога как новый путь для Среднеазиатской торговли. СПб, 1887.
36. Антропов И. Первые социал-демократические организации Туркестана. «За партию». 1928, №7 (11).
37. Арандаренко Г. Досуги в Туркестане. 1874—1889 г.г. Санкт-Петербург, 1889.
38. Аҳмад Закий Валидий. Рус мустамлака сиёсатининг моҳияти ва мақсади. Вена, 1929 (Б.Қосимов таржимаси).
39. Аҳмад Закий Валидий. Худоёрхоннинг сўнгти кунлари. ЎзР ФА Шарқшунослик институти, кўлэзма, №15743.
40. Аҳмад Закий Валидий. Бугунги турк эли (Туркистон ва яқин тарихи) Истанбул, 1981, 2-нашр.
41. Аҳмад Закий Валидий. Туркистон масаласи. Берлин, 1924 (Б.Қосимов таржимаси).
42. Аҳмад Закий Валидий. Хотиралар. «Шарқ юлдузи», 1993 йил 4—5, 6—7, 8—9-сонлар.
43. Аҳмад Сирохиддин. Солиҳбек доддоҳни танийсизми? — «Ватан» газетаси, 1993 йил 31 март—7 апрель.
44. Ахмаджонов Г.А. Советская историография присоединения Средней Азии к России. Т., 1986.
45. Ахмеджанова З.К. К истории строительства железных дорог в Средней Азии (1880—1917 гг.). Т., 1965.
46. Баёний Муҳаммаджон Юсуф. Шажараи Хоразмшоҳий. Мерос. Тошкент, «Камалак», 1994.
47. Бакиров Ф. Чор Туркестонида суд, шариат ва одат. Т., 1967.
48. Бартольд В. История культурной жизни Туркестана. Т., 1913.
49. Бейсембиев Т.К. «Тарихи — Шахрухи» как исторический источник. Алма-Ата, 1987.
50. Бобобеков Ҳ.Н. «Исён», «Шарқ юлдузи», 1989 йил 11-сон.
51. Бобобеков Ҳ.Н. Народные движения в Кокандском ханстве и их социально-экономические и политические предпосылки. Ташкент, 1990.
52. Бобобеков Ҳ.Н. Ўрта Осиё Россияга қўшиб олинганми? «Фан ва турмуш». 1989 йил 8, 10-сонлари.

53. Бобобеков Ҳ.Н. Құқон тарихи. Т., «Фан», 1996.
54. Бобобеков Ҳ.Н. Пұлатхон құзғолони. Тошкент, 1996.
55. Божко Ф. Октябрьская революция в Средней Азии. Т., 1932.
56. Боймірза Ҳайт. Туркистаннинг қысқача тарихи. Берлин, 1941.
57. Борьба трудящихся каракалпакий против колониального и социально-го гнеста. Т., «Фан», 1972.
58. Бранов А.И. На память о Фергане 1876—1901 гг. Новый Маргелан, 1901.
59. Бродовский М. Колониальное значение наших среднеазиатских владений для внутренних губерний. Москва, 1891.
60. Вамбери Ҳерман. Бухоро ёхуд Мовароуннахр тарихи. Тошкент, 1990.
61. Верещагин В.В. От Петербурга до Ташкента. Санкт-Петербургские ведомости. 1868, №16, 20, 31. Т. сб. т. 7.
62. Верещагин В.В. Из путешествия по Средней Азии. «Голос», 1869, №94, 98. Т. сб. т. 24.
63. Верещагин В.В. Самарқанд в 1968 году. Из воспоминаний художника. «Русская старина», СПб, 1888. Кн. 9.
64. Военные действия против кокандцев в 1875—1876 гг (По официальным донесениям). СПб, 1876. Военный сборник, 1876 №1—4. Т. сб. т. 117.
65. Война с кокандцами. «Московские ведомости», 1876, №318.
66. Восстание 1916 года в Средней Азии и Казахстане. Сборник документов и материалов. М., 1960.
67. Галузо П.Г. Вооружение русских переселенцев. М., 1926.
68. Галузо П.Г. Туркестан — колония. Очерк истории Туркестана от завоевания русскими до революции 1917 года. М. 1929.
69. Галузо П. Туркестан — колония. Т., 1935.
70. Галузо П. К истории колониальной эксплуатации Казахстана в конце XIX — начало XX вв. (на материале южных районов Казахстана). «Особенности империализма в России». М., 1963.
71. Гаспиринский И. Русское мусульманство. Петербург, 1881.
72. Гейер И.И. Весь Русский Туркестан. Т., 1908.
73. Гинзбург А.И. Русское население в Туркестане. М., 1991.
74. Гуламов Ҳ.Г. Из истории дипломатических отношений России с Бухарским ханством XVIII в. Т., «Фан», 1992.
75. Гулишамбаров С.И. Экономический обзор Туркестанского района, обслуживаемого Среднеазиатской железной дорогой. Асхабад, 1913.
76. Гулямов Я. История орошения Хорезма с древнейшего времени до наших эпох. Т., «Фан», 1960.
77. Долинский В. Об отношениях России к среднеазиатским владениям и об устройстве Киргизской степи. СПб, 1865.
78. Десева Е.А. У истоков социал-демократического движения в Туркестанском крае. Т., 1975.
79. Джамгерчинов Б.Д. Добровольное вхождение Киргизии в состав России. Фрунзе, 1963.
80. Добросмыслов А.И. Ташкент в прошлом и настоящем. Ф., 1912.
81. Документы архива Хивинских ханов по истории и этнографии Каракалпаков. М., 1967.
82. Духовская В. Туркестанские воспоминания. СПб, 1913.
83. Духовской С.М. Всеподданнейший доклад Туркестанского генерал-губернатора генерала от инфантерии Духовского. Ислам в Туркестане. Т., 1899.

84. Жалилов О. XIX—XX аср бошларидаги Қорақалпоқ тарихидан (Хива давлат хужжатлари асосида). Т., «Фан», 1986.
85. Желябужский Е. Очерки о завоевании Хивы. СПб, 1905.
86. Завырик ин Ф.И. Роль Закаспийской железной дороги в проникновении капитализма в Среднюю Азию. Чарджауский педагогический институт. Ученые записки. вып. I. Чарджау, 1956.
87. Записки Кавказского отдела Императорского Русского Государственного общества. Книга XI. Вып. первый. Тифлис, 1880.
88. Зима А.Г. Победа Октябрьской революции в Киргизии. Фрунзе, 1966.
89. Зиёев Ҳ. Чоризм ва пахта якка ҳокимлиги. «Шарқ юлдзузи», 1991 йил 5-сон.
90. Зиёев Ҳ. Туркистанда Россия тажовузи ва ҳукмронлигига қарши куршаш. Т., «Шарқ», 1998.
91. Зиёев Ҳ. Истиқлол — маънавият негизи. Т., «Маънавият», 1999.
92. Зияев Ҳ. Присоединение Ташкента к России. Ташкент, 1967.
93. Зияев Ҳ. Средняя Азия и Сибирь XVI—XIX вв. Ташкент, 1962.
94. Зия Куртер. Қорақалпоқлар (Қорақалпоқ турклари). Анқара, 1974.
95. Зиятов Д. Революция 1905—1907 гг. в Туркестане. Ученые записки Ташкентского финансово-экономического института. Вып. 9. Т., 1957.
96. Значение Коканда для России — Новое время, 1876, №34; Т. сб. т. 150.
97. Ибрат. Фаргона тарихи. Мерос. Тошкент, «Камалак», 1991.
98. Иброҳим Ёрқин. Туркистандаги 1916 йил исёни ҳақида баъзи маълумотлар. Турк маданияти. Анқара, 1968.
99. Из истории казаков. Алматы, «Жалын», 1997.
100. Из истории Средней Азии и Восточного Туркестана XV—XIX вв. Т., 1987.
101. Иноятов Ҳ.Ш. Қўқон хонлиги Россияга қушилиш арафасида ва 1873—1876 йиллардаги Қўқон қўзғолони. Т., 1956.
102. Исакаев Б. 20-летие восстания в Киргизии. Журн. «Революция и национальности». М., 1936, №9.
103. История Казахстана с древнейших времен до наших дней ( очерк). Алматы, 1993.
104. История Узбекистана. Том 3, Тошкент, «Фан», 1993.
105. История Коканда. Т., 1984.
106. История Ташкента. С древнейших времен до победы февральской буржуазно-демократической революции. Т., 1988.
107. История и историография национально-освободительных движений второй половины XIX — начало XX вв. Средней Азии и Казахстана. Т.. 1989.
108. История XIX века. Под редакции профессора Лабисса и Рамбо. В 7 томах. М., 1937.
109. Исхаков Ф. Национальная политика царизма в Туркестане (1967—1917). Т., «Фан», 1997.
110. Исҳоқхон Жунайдуллаҳўжа ўғли Ибрат. Фаргона тарихи. «Мерос», Тошкент, «Камалак», 1991.
111. Камалов С.К. К вопросу о формировании каракалпакского народа. Вестник ККОАНРУз. Нукус, 1987, №3
112. Каримов Ш., Шамсутдинов Р. Туркистан Русиё босқини даврида. Андижон, «Мерос», 1995.
113. Кауфман А.А. К вопросу о русской колонизации Туркестанского края.— СПб, 1903.
114. Кененсарисев Т. Қыргыздар жана Кокон хандығы. Ош, 1997.

115. Кененсариев Т. Исак Асан уул Полотхан. Ош. КТК, 1998.
116. Кауфман К. П. Проект всеподданнейшего отчета генерал-адъютанта К. П. фон Кауфмана по гражданскому управлению и устройству в областях Туркестанского генерал-губернаторства 7 ноября 1867—25 марта 1881 г. СПб, 1885.
117. Кастельская З. Основные предпосылки восстания 1916 г. в Узбекистане. М., 1972.
118. Кастельская З. Из истории Туркестанского края (1865—1917). М., 1980.
119. Ковалев П.А. Революционная ситуация 1915—1917 гг. и её проявления в Туркестане. Т., 1971.
120. Козлов Т.С. Зачатки большевизма в революционном движении Туркмении (1904—1916). Ашхабад, 1928.
121. Костенко Л. Средняя Азия и водворение в ней русской гражданственности. СПб, 1870.
122. Костин Б.А. Скобелев. М., «Патриот», 1992.
123. Қосимов Б. Жадидчилик. «Ёшлиқ», 1990 йил 7-сон.
124. Қосимов Б. Исмоилбек Гаспирали. Тошкент, 1992.
125. Кравец Л. Первая мировая война и антивоенные настроения рабочих Туркестана. Материалы по истории Узбекистана. Т., 1973.
126. Красный архив. М., 1929.Т.,XXXIV.
127. Кривошеин А. В. Записка главноуправляющего землеустройством земледелием и о поездке в Туркестанский край. Полтава, 1912.
128. Кун А.Л. Мусульманские школы. «Туркестанские ведомости», 1876, № 37.
129. Кунавина Г.С. Формирование железнодорожного пролетариата в Туркестане (1881—1914). Т., 1967.
130. Курат А.Н. Олтин Үрда, Крим ва Туркистон хонликларига оид Ёрлик ва ёзувлар. Анқара, 1940.
131. Лаврентьев В. Капитализм в Туркестане. Л., 1930.
132. Левтсеева Л.Г. Присоединение Средней Азии к России в мемуарных источниках (историография проблемы). Т., «Фан», 1986.
133. Ликошин Н.С. Полжизни в Туркестане. Очерки бытва туземного населения. ПГР, 1916.
134. Лунин Б.В. Средняя Азия в дореволюционном и советском востоковедении. Т., 1966.
135. Мажид Ҳасаний. Юрт бўйнидаги қилич ёки истило. Т., «Адолат», 1997; М.Ҳасаний. Туркистон босқини. Т., «Нур», 1992.
136. Мазжуб Наманганий. Тақирии Ҳазрати Мазжуб Наманганий. ЎзР ФА Шарқшунослик институти. Қўлёзма №2662/4.
137. Маликов М.Г. Крах Туркестанской партии левых эсеров. Из истории КП Уз. Т., 1966.
138. Малицкий Н.Г. Городское самоуправление в Туркестанском крае. Т., 1917.
139. Манжара Д.И. Революционное движение в Средней Азии 1905—1920 гг. Воспоминание. Т., 1934.
140. Масальский В.И. Хлопководство, орошение государственных земель и частная предпримчивость. СПб, 1908.
141. Масальский В.И. Хлопковая дело в Средней Азии. СПб, 1892.
142. Масальский В.И. Туркестанский край. - СПб, 1913.
143. Материалы объединенной научной сессии, посвященной истории Средней Азии и Казахстана в дооктябрьский период. М., 1955.

144. Маънавият юлдузлари. Марказий Осиёлик машхур сиймолар, алломалар, адиллар. Т., Абдулла Қодирий номидаги халқ мероси нашриёти. 1999.
145. Мелкумов А. Материалы революционного движения в Туркмении. М., 1924.
146. Мергт ў. Бухоро амирлиги элчиси Муҳаммад Порсо Афандининг Истамбулдаги дипломатик фаолиятлари (1867—1869). Турк культуры Араштирулари, XV-1/2 (1976).
147. Мөхәмәт Сарай. Рус ишғоли даврида Усмонли давлати билан Туркистон хонликлари орасидаги сиёсий муносабатлар (1775—1875). Истанбул, 1990.
148. Мөхәмәт Сарай. Россиянинг Турк элларига ёилиши. Истанбул, 1975.
149. Милютин А.Д. Дневник Милютина. М., 1947—1950, № I—IV.
150. Миропиев М. О положении русских инородцев. СПб, 1901.
151. Мирза Олим Тошкандий. Ансоб ас-салотин ва таворих-и ал-ҳавоқин. ЎзР ФА Шарқшунослик институти, қўлёзма №3753.
152. Мирзо Олим Мушриф Ансоб ус-салотин ва таворих ул-ҳавоқин. (Қўқон хонлиги тарихи). Нашрга тайёрловчилар: Акбар Матғозиев, Муҳаббат Усмонова. Ф.Гулом номидаги Адабиёт ва санъат нашриёти. Т., 1995.
153. Мирза Содиқ Мунши. Тарих-и Манзум. ЎзР ФА Шарқшунослик институти, қўлёзма №3686/III.
154. Мубошир Косоний. Ўрта Осиё тарихи (уч жилдлик). Мадина, 1989—1993.
155. Мулло Шамси. Жангнома-йи Худоёрхоний. ЎзР ФА Шарқшунослик институти. Қўлёзма №599/1.
156. Мулло Васийжон. Таъкира-йи Султони (Худоёрхон). ЎзР ФА Шарқшунослик институти. Қўлёзма №592.
157. Мулла Олим Маҳдум Ҳўжа. Туркистон тарихи. Тошкент, 1915.
158. Мулла Юнусхон Мунший. Амири лашкар Алимқул тарихи. Алимқул Жангномаси. Нашрга тайёрловчилар. Р.Шамсутдинов, П.Равшанов. Т., 1998.
159. Мулло Юнусхон Мунший. Тарихи Алимқул амири лашкар. ЎзР ФА Шарқшунослик институти. Қўлёзма №12136.
160. Мулло Ҳолбек ибн Мусо Андижоний. Алимқул жангномаси. ЎзР ФА Шарқшунослик институти, қўлёзма №8816
161. Муравейский С. Очерки по истории революционного движения в Средней Азии. Т., 1926.
162. Мусо Туркистоний. Улуғ Туркистон фожиаси. I—II жиллар. Мадина, 1979.
163. Муҳаммад Азиз Марғилоний. Тарихи Азизий (Фарғона чор мустамлакаси даврида). Нашрга тайёрловчилар. Шодмон Воҳидов. Дилором Сангирова. Т., «Маънавият», 1999.
164. Муҳаммад Маҳмуд. Бобон Тўқсанбо. — «Жамият ва бошқарув». Т., 1998, 3-сон.
165. Муҳаммад Солиқ Тошкандий. Тарихи жадидаи Тошкенд. ЎзР ФА Шарқшунослик институти, қўлёзма №5732.
166. Муҳаммад Фозилбек. Муқаммал-и Тарих-и Фарғона ЎзР ФА Шарқшунослик институти. Қўлёзма. №5971.
167. Муҳаммад Ҳакимхон Тўра. Мунтахаб ат-таворих. ЎзР ФА Шарқшунослик институти, қўлёзма №584.
168. Муҳаммад Юнус ибн Муҳаммад Амин Тоиб. Тўхфаи Тоиб. Қулёзма, 1905.

162. Мұхаммад Азиз ибн Мұхаммад Ризо Марғилоний. Тарихи Азизий (Фарғона чор мустамлакаси даврида). Нашрға тайёрловчилар, сұзбоши ва изоҳлар муаллифлари: Шодмон Воҳидов, Дилором Сангирова.
163. Набиев Р.Н. Из истории Кокандского ханства (феодальное хозяйство Худоярхона). Т., «Фан», 1973.
164. Набиев Р.Н. Народное восстание в Коканде в 1840—1842 годах. Общественные науки в Узбекистане. Т., 1961, №7.
165. Назаров Ф. Записки о некоторых народах и землях Средней Азии.
165. Наливкин В.П. Краткая история Кокандского ханства. Казань, 1886.
166. Наливкин В.П. Туземцы раньше и теперь. Т., 1913.
167. Наршахий. Бухоро тарихи. Мерос. Тошкент, «Камалак», 1991.
168. Новый источник по истории завоевания Туркестана русским царизмом. Известия АН УзССР, 1941, №4.
169. Остроумов Н.П. К истории народного образования в Туркестанском крае. Константин Петрович фон Кауфман — устроитель Туркестанского края. Личные воспоминания Н.П. Остроумова (1877—1881 гг.). — Т., 1899.
170. Остроумов Н.П. Сарты. Этнографические материалы (Общий очерк). Т., 1890
171. Объединенная научная сессия, посвященная прогрессивному значению присоединения Средней Азии к России. Доклады. Т., 1959.
172. Павлов С., Рабинович М. Кокандское восстание (1875—1876 гг.). «Борьба классов». М., 1936.
173. Пален К.К. Всеподданнейшая записка, содержащая главнейшие выводы отчета о произведенной в 1908—1909 гг. по высочайшему повелению сенатором гофмейстером графом К.К.Паленом ревизии Туркестанского края. СПб, 1910.
174. Переселение и земельустройства в Азиатской России. Сборник законов и расположений составитель В.П.Вошин. ПТР, 1915.
175. Покровский М.Н. К вопросу об историческом развитии России. «Под знаменем марксизма», 1924, №5—6.
176. Покровский М.Н. Марксизм и особенности исторического развития России. Л. 1925.
177. Попов А.Л. Из истории завоевания Средней Азии. Исторические записки, 1940, №9.
178. Попов М. «Ак-пашша — белый генерал». «Звезда Востока», 1990, №3.
179. Пясковский А.В. Революция 1905—1907 годов в Туркестане. М., 1958.
180. Равшанов П. Қашқадарё тарихи. Тошкент, «Фан», 1995.
181. Равшанов П., Ўроқов Р. Аждодларимиз қадри. Т., «Шарқ», 1999.
182. Раджапова Р.Я. К вопросу о диалектике социалистического, демократического и национального в социальной революции (историографические аспекты проблемы). Сборник «Октябрская революция в Средней Азии и Казахстане: теория, проблемы, перспективы изучения». Т., 1991.
183. Расулов Б.М. Туркистан мадрасалари. «Фан ва турмуш», 1996 йил 2-сон.
184. Раҳимов Ж. Ўзбекистон тарихини үрганишда архив манбаларидан фойдаланиш. Тошкент, «Ўқитувчи», 1995.
185. Рожкова М.К. Экономические связи России со Средней Азией 40—60 годы XIX в. М., 1963.

186. Романовский Д.И. Заметки по Средне-Азиатскому вопросу. Петербург, 1868.
187. Ромодин В.А. Некоторые источники по истории Ферганы и Кокандского ханства (XVI—XIX вв.). Труды XXV международного конгресса востоковедов. М., 1963, Т. III.
188. Росляков А.А. Революционное движение и социал-демократические организации в Туркменистане в дооктябрьский период (1900, март — 1917 гг.). Ашхабад, 1957.
189. Садыков А.С. Россия и Хива в конце XIX — начале XX века Т., 1972.
190. Савицкий А. Поземельный вопрос в Туркестане. Т., 1963.
191. Санг-Заде. К 30-летию Андижанского восстания 1898 г. «Революция в Средней Азии». Сборник I. Тошкент, 1928.
192. Сарифов К. История орошения Каракалпакстана. Нукус, «Қарақалпогистон», 1995.
193. Сафаров Г.И. Колониальная революция (опыт Туркестана). М., 1921.
194. Сайдов М., Равшанов П. Жайнов тарихи. Т., 1966.
195. Саиди Шариф Мухаммадев (С.Ш.Марофиев). Ходжи Юсуф Худжанди. Т., 1995.
196. Сайдкулов Т. Ўрта Осиёй халқлари тарихининг тарихшунослигидан лавҳалар. Тошкент, «Ўқитувчи», 1995.
197. Сайфиддин Хожи Жалилов. Салтанатни титратган кунлар (Андижон қўзғолонининг 100 йиллигига бағишиланади). Т., «Фан», 1998.
198. Семёнов А.А. Покоритель и устроитель Туркестанского края генерал-адъютант К.П. фон Кауфман. Кауфманский сборник. М., 1910.
199. Серебренников А.Т. Туркестанский край. Сборник материалов для истории его завоевания. Т.10. Штаб Туркестанского Военного округа (1914—1915).
200. Серебренников А. Военные действия против Кокандцев (на основе официальных данных). Военный сборник, 1876, №2.
201. Соатов С. Ўрта Осиёйнинг Россияга қўшиб олиниши ва унинг прогресив аҳамияти. Т., 1996.
202. Содиков Х., Бобобеков Х. Курбонжон — халқ мададкори. «Гулистан», 1974 йил, 7-сон.
203. Соколов Ю.А. Начало военных действий против Кокандского ханства и вопросы присоединения его к России. Т., 1969.
204. Солиев П. Ўзбекистон тарихи. Т., 1928.
205. Субботин А.П. Россия и Англия на среднеазиатских рынках. СПб, 1885.
206. Суворов В. Историко-экономической очерк развития Туркестана (по материалам железнодорожного строительства 1880—1917 гг.). Т., 1962.
207. Сулаймонов Б. Рабочее и аграрное движение в Казахстане в 1905—1907 годах. В кн.: «Вопросы истории Казахстана XIX — начала XX века». Алма-Ата, 1961.
208. Сулейманова Х. Вопросы уголовного права узбекских ханств и дореволюционного Туркестана. Собр. соч. Т.1 Т., 1967.
209. Султаны Кенисара и Садык. Биографические очерки султана Ахмета Кенисары. Обработано для печати и снабжено примечаниями Е.Р.Смирновым. — Т., 1889.
210. Тарих-и Алимқули амир-и Лашкар. Шодмон Воҳид Ҳусайнзода суз боши ёзib, нашрга тайёрлаган. «Шарқ юлдузи», 1961 йил 1—2-сонлар.

211. Терентьев М. А. История завоевания Средней Азии. Т.1—3, СПб, 1906.
212. Троицкая А.Л. Материалы по истории Кокандского ханства XIX в. М., 1969.
213. Туреев А.Х. XIX аср охири — XX аср бошида Қорақалпогистондаги деҳқонлар ҳаракати. Нукус, «Қорақалпогистон», 1991.
214. Туркестанские ведомости. — Т., 1871—1914.
215. Туркестанский сборник статей, заметок и корреспонденций. Т., 6.СПб, 1907.
216. Туркестанское сельское хозяйство. -Т., 1906—1908.
217. Турон тарихи. 1—3 - сонлар. Мажмуа. Тошкент, 1992, 1993, 1994.
218. Федченко А.П. В Кокандском ханстве. Тетрадь первая. СПб. Москва, 1875.
219. Феодоров Е. Очерки национально-освободительного движения в Средней Азии. Т., 1925.
220. Фозилбек Отабек ўғли. Дукчи эшон воқеаси. Фарғонада истибодд жаллодлари. Нашрға тайёрловчилар Сироғиддин Аҳмад, Улугбек Долимов, Шуҳрат Ризаев. Т., «Чўлпон», 1991.
221. Ўзбекистон тарихи. 8-синф учун. Акад. А.Асқаров таҳрири остида. Т., «Ўқитувчи», 1996.
222. Ўзбекистон тарихини ўрганиш ва ўқитишнинг долзарб масалалари. Т., «Ўзбекистон», 1993.
223. Ўзбекистон тарихи: янги нигоҳ. Жадидлар ҳаракатидан миллий мустақилликка қадар. Т., 1998.
224. Ўзбекистон янги тарихи. Концептуал методологик муаммолар. Т., «Академия», 1998.
225. Ўзбекистон тарихининг долзарб муаммоларига янги чизгилар. Даврий түплам. 2-сон. Т., «Шарқ», 1999.
226. Ҳайдаров Ҳ. Жиззах тарихидан лавҳалар. Т., «Меҳнат», 1992.
227. Халфин Н.А. Политика России в Средней Азии (1857—1868). М., 1960.
228. Халфин Н.А. Присоединение Средней Азии к России (60—90-годы XIX в.). М., 1965.
229. Халфин Н.А. Россия и ханства Средней Азии. М., 1974.
230. Ҳамидов Ҳ. Ўзбек анъанавий қўшиқишлик маданияти тарихи. Тошкент, «Ўқитувчи», 1996.
231. Ҳасанов А.Х. Народные движения в Киргизии в период Кокандского ханства. М., 1977.
232. Ҳасанов Ҳ. Ўзбекча глобус тарихидан. «Совет мактаби», 1962 йил 9-сон.
233. Хидоятов Г.А. Из истории англо-русских отношений в Средней Азии в конце XIX в. (60—70гг.) Т., 1969.
234. Холбоев. Мунаввар Қори. «Фан ва турмуш», 1990 йил 4-сон.
235. Хорошхин А.П. Туркистан үлкасига оид мақолалар түплами. Санкт-Петербург, 1876. П.Равшанов ўзбек тилига ўгирган қўлёзма.
236. Целькина Э. Очерки по аграрному вопросу в Средней Азии. М., 1935.
237. Чориев Зоир. Туркистан мардикорлари: сафарбарлик ва унинг оқибатлари (1916—1917 йиллар). Т., «Шарқ», 1999.
238. Шамсутдинов Р. Жадидчилик: ҳақиқат ва уйдирма. «Мулоқот», 1991 йил 11—12-сонлар.
239. Шамсутдинов Р. Дукчи Эшон воқеасидан сўнг. — «Шарқ юлдузи», 1991 йил 1-сон.

240. Шамсутдинов Р. Т., Расулов Б. М. Истиқлол учун кураш фидойилари. Андижон, «Мерос», 1993.
241. Шамсутдинов Р. Т., Расулов Б.М. Туркистон мактаб ва мадрасалари тарихи (XIX аср охири ва XX аср бошлари). Андижон, «Мерос», 1995.
242. Шамсутдинов Р. Т. Тарихий меросимизга бир назар. Андижон, «Мерос», 1994.
243. Ризаев Ш. Жадид драмаси. Т., «Шарқ», 1997.
244. Юдин М. Взятие Ак-мечти в 1853г. как начало завоевания Кокандского ханства. М., 1912.
245. Юзаков Ю. Итоги двадцатисемилетного управления нашего Туркестанским краем. СПб, 1891.
246. Юлдашев А. М. Аграрные отношения в Туркестане. Конец XIX — нач XX вв. Т., 1969.
247. Юсупов Ш. Фурқат йўлларида. Адабий мақолалар. Т., 1984.
248. Юсупов Ш. Худоёрхон ва Фурқат. Т., «Шарқ» нашриёт-матбаа концерни, 1995.
249. Юсупов Ш. Қозикалоннинг инсофи. «Миллий тикланиш», 1996 йил 26 март.
250. Юсупов Э.Ю., Лунин Б.В. Андижансское восстание 1898 года в советской исторической литературе. Общественные науки в Узбекистане. Т., 1987, №1.
251. Якунин А.Ф. Народы Средней Азии и Россия. М., 1954.
252. Яйфоний Маҳмуд Ҳаким. Тарих-и салотини Фарғона. Ҳўқанд, 1914.

## II. Диссертациялар

253. Абдурахимова Н.А. Колониальная система власти в Туркестане (вторая половина XIX — начало XX вв.). Диссертация на соискание ученой степени доктора исторических наук. Т., 1994.
254. Аюбжанова М. Женский вопрос в Туркестане (1865—1917 гг.) Дисс. на соиск. уч. ст.канд. ист. наук. Т., 1964.
255. Бобобеков Х. Народные движения в Кокандском ханстве и их социально-экономические и политические предпосылки. Диссертация на соискание уч. ст. докт. ист. наук. Т., 1991.
256. Воҳидов Ш. Аваз Мухаммад Аттор Ҳуқанди и его сочинение «Тарихи джакханнама-йи» (Тухфат ат-Таварихи ҳани). Исследование перевод примечания. Дис. на соиск. уч. ст. канд. ист. наук. Т., 1990.
257. Воҳидов Ш. XIX—XX аср бошларида Қўқон ҳонлигига тарихнависликтининг ривожи. Докт. дисс. Тошкент, 1998.
258. Дворкина Е. Национально-колониальная политика самодержавия в первые годы царского владычества в Туркестане (1867—1881 гг.). Диссертация на соиск. уч. ст. канд. ист. наук. Т., 1943.
259. Зияева Д.Х. Туркистанда миллий-озодлик ҳаракати XX аср тарихнавислигига (1916 йил қўзғолони ва 1918—1924 йиллардаги истиқлолчилик ҳараратини ўрганиши муаммолари). Докт. дисс. Тошкент, 1999.
260. Касымбеков К.Ф. Социально-экономическое и политическое положение Ферганы в конце XIX и начале XX веков. Т., 1966.
261. Кененсариев Тошманбет. Политическое развитие Кыргызстана 50—70-е годы XIX века (қыргыз тилида). Доктор. дисс. Бишкек, 1998.
262. Муродова Ш. XX аср бошларида Туркистанда миллий-озодлик ҳара-

катлари тарихи (Самарқанд вилояти мисолида). Номзодлик диссертацияси. Т., 1999.

263. Содиқов Ҳ.Ж. XX аср бошларидаги чоризмнинг Туркистондаги мустамлакачилик сийсати ва истиқлол учун кураш. Докт. дисс. Т., 1994.

264. Расулов Б.М. Ўзбекистондаги мусулмон мактаб ва мадрасалари тарихидан (XIX аср охири ва XX асрнинг 20-йиллари). Тарих фанлари номзоди ил. дар. учун ёзилган дисс. Андижон, 1996.

265. Хайров А. Ташкентская городская дума в период трех революций. Дисс. на соис. уч ст. канд. ист. наук. Т., 1948.

266. Чориев З.У. XX аср бошида Туркистон ўлкасида мустамлакачилик сийсати ва миллий зулмнинг кучайиши ҳамда унинг оқибатлари (мардикорлик-сафарбарлик мисолида). Докт. дисс. Тошкент, 1999.

### III. Матбуот

«Тараққий» (1906), «Шұхрат» (1907), «Хуршид», (1907), «Туркестанские ведомости» (1870—1917), «Русский Туркестан» (1905—1906), «Туркестанский куръер» (1910—1917), «Садои Туркестон» (1914—1915), «Садои Фаргона» (1914—1915), «Туркестанский край» (Коканд), «Туркестанское слово», «Туркестанский голос» (1916—1917), «Улуг Туркестон» (1917), «Хуррият» (1917), «Свободный Самарқанд» (1917), «Наша газета», «Ўзбекистон овози», «Туркистон», «Халқ сўзи», «Ўзбекистон адабиёти ва санъати», «Туркистон», «Мулоқот», «Шарқ Юлдузи», «Фан ва турмуш», «Ўзбекистонда йўжтимоий фанлар», «Тафаккур», «Сирли олам», «Жамият ва бошқарув».

### IV. Архив манбалари

- Ўзбекистон Республикаси Марказий Давлат Архиви  
1-жамғарма. Туркистон генерал-губернатори маҳкамаси  
2-жамғарма. Генерал-губернатор дипломатик амалдори  
3-жамғарма. Россиянинг Бухородаги сиёсий агентлиги  
5-жамғарма. Зарафшон округи бошлиги  
17-жамғарма. Сирдарё вилоят бошқармаси  
18-жамғарма. Самарқанд вилоят бошқармаси  
19-жамғарма. Фаргона вилоят бошқармаси  
717-жамғарма. Генерал-губернатор кенгаши  
36-жамғарма. Тошкент шаҳар бошлиги идораси  
37-жамғарма. Тошкент шаҳар бошқармаси  
718-жамғарма. Тошкент шаҳар думаси  
461-жамғарма. Туркистон район муҳофаза бўлими  
462-жамғарма. Тошкент рус қисми полиция бошқармаси  
463-жамғарма. Тошкент эски шаҳар полиция бошқармаси  
465-жамғарма. Скоблев шаҳар полиция бошқармаси  
531-жамғарма. Жиззах шаҳар полиция пристави  
590-жамғарма. Андижон шаҳар полиция пристави  
129-жамғарма. Тошкент суд палатаси  
133-жамғарма. Тошкент суд палатаси прокурори  
131-жамғарма. Самарқанд округ суди прокурори  
132-жамғарма. Тошкент округ суди прокурори  
723-жамғарма. Туркистон ҳарбий округ суди  
24-жамғарма. Сирдарё вилояти Тошкент тумани бошлиги бошқармаси

Ўзбекистон Республикаси Фанлар академияси

Ўзбекистон халқлари тарихи музейи

Илмий архив, мустамлака даври экспозицияси материаллари, моддий ёдгорликлар жамғармаси, илмий кутубхона.

## МУНДАРИЖА

«Ўзбекистоннинг янги тарихи» ҳақида икки оғиз сўз . . . . .	3
Кириш . . . . .	6

### Биринчи б о б. Босқин арафасида ўзбек хонликларидағи ижтимоий-сиёсий вазият

1. Россиянинг хонликларга дастлабки тажовузкорона ҳаракатлари . . . . .	27
2. Хонликларнинг геосиёсий ўрни, давлат бошқаруви ва ижтимоий ҳаёти . . . . .	44
3. Россия ва Англиянинг Ўрта Осиё учун олиб борган ўзаро кураши . . . . .	53

### Иккинчи б о б. Ўрта Осиё хонликларининг чор Россияси томонидан истило этилиши

1. Эълон қилинмаган уруш... Қўқон . . . . .	62
2. Эълон қилинмаган уруш... Бухоро . . . . .	92
3. Эълон қилинмаган уруш... Хива . . . . .	138
4. Вилоята айлантирилган салтанат . . . . .	146
5. Кўкстепа мудофааси . . . . .	179
6. Бадиий адабиётда рус истилоси талқини . . . . .	183
7. Мустамлака ҳукмронлигининг жорий этилиши . . . . .	189

### Учинчи б о б. Россиянинг Туркестонни иқтисодий ва маънавий тутқинликада тутиш сиёсати ва унинг оқибатлари

1. Аграр сиёсат . . . . .	215
2. <i>Туркестонда рус аҳолисини кўпайтириш бўйича кўрилган чоралар . . . . .</i>	221
3. Туркестоннинг хом ашё манбай ва тайёр маҳсулотлар бозорига айлантирилиши . . . . .	229
4. Мустамлакачилик даврида Туркестон аҳолиси. Ҳунармандчилик, саноат, ширкатлар ва тикорат . . . . .	235
5. Яоризмнинг Туркестонда маориф, фан ва маданият соҳасидаги сиёсати. Жадидларнинг маорифдаги мустамлакачиликка қарши фолиияти . . . . .	253
6. <i>Туркестон халқлари сиёсий ва инсоний ҳукуқларининг поймол этилиши . . . . .</i>	319
7. Солиқ ва мажбуриятлар. Мехнаткаш халқ аҳволининг оғирлаша бориши . . . . .	334

### Туртминчи б о б. Миллий давлатчиликни тиклаш ва озодлик учун кураш. Жадидчилик ҳаракати

1. XIX аср охирларидағи халқ ҳаракатлари . . . . .	342
2. Тошкент қўзғолони . . . . .	348

3. Андикон күзголони . . . . .	353
4. XX аср бошида Россия истибодига қарши халқ кураши . . . . .	382
5. Намоз Пиримкулов бошчилигидаги деҳқонлар исёни . . . . .	392
6. Ўлкада махфий сиёсий полициянинг ташкил қилиниши . . . . .	398
7. 1916 йилги миллий-озодлик күзголони. Жадидлар фаолияти . . . . .	412
 Хотима . . . . .	445
 Фойдаланилган манба ва адабиётлар . . . . .	450

ЎЗБЕКИСТОН РЕСПУБЛИКАСИ ПРЕЗИДЕНТИ ҲУЗУРИДАГИ  
ДАВЛАТ ВА ЖАМИЯТ ҚУРИЛИШИ АКАДЕМИЯСИ  
ЎЗБЕКИСТОННИНГ ЯНГИ ТАРИХИ МАРКАЗИ

## ЎЗБЕКИСТОННИНГ ЯНГИ ТАРИХИ

### Биринчи китоб

## ТУРКИСТОН ЧОР РОССИЯСИ МУСТАМЛАКАЧИЛИГИ ДАВРИДА

Т у з у в ч и л а р:

Ҳамдам Содиқов, Рустамбек Шамсутдинов,  
Поён Равшанов, Қамариддин Усмонов

«Шарқ» нашриёт-матбаа концерни  
Бош таҳририяти  
Тошкент—2000

Муҳаррир *Ибодулла Шоймурданов*  
Бадиий муҳаррир *Михаил Самойлов*  
Техник муҳаррир *Диана Габдрахманова*  
Компьютер устаси *Оғай Татьяна*  
Мусахҳих *Юлдуз Бизаатова*

Теришга берилди 27.12.99. Босишга рухсат этилди 10.02.2000. Бичими  
60x90  $\frac{1}{16}$ . Таймс гарнитураси. Офсет босма. Шартли босма табоги 29,0. Наш-  
риёт ҳисоб табоги 31,0. Адади 10 000 дона. Буюртма № 5013. Баҳоси шартнома  
асосида.

«Шарқ» нашриёт-матбаа концерни босмахонаси,  
700083, Тошкент шаҳри, Буюк Турон кӯчаси, 41.

1250c



ЎРТА ОСМЁ  
ХОПЛИКЛАРИ КАРТАСИ  
XIX АСР